

ა.ლ. ჩაქოვესკი

სილოკაჲ

სომეხი
წიგნი I

გამომცემლობა «იზდისტორი»

ტბილისი - 1975

ილ. ჩაკვეციას ახალი რომანის პირველი წიგნის მოქმედება იწყება დიდი სამამულო ომის წინა დღეს. „ბლოკადა“ ხსნის ძირითად მიზეზებს — ფარულსა და აშკარას — იმ საშინელი ომისა, რომელიც ფაშისტებმა თავს მოახვეია საბჭოთა ხალხს. მკითხველი მოწმე ხდება მოლოტოვის დიპლომატიური ვიზიტისა ფაშისტების ბუნაგში, ჩვენს ქვეყანაზე ჩამოწოლილი საფრთხის ასაშორებლად პარტიისა და მთავრობის რთული და გულმოდგინე მზადებისა სტალინის მეთაურობით.

რომანში ნაჩვენებია აგრეთვე ომისწინანდელი ლენინგრადი, რიგითი საბჭოთა ადამიანების ბედობა, რომელთა ცხოვრებაშიც ომი მოულოდნელად შეიჭრა.

რომანი დაწერილია დამაჯერებლად და მიმზიდველად, დიდი სამამულო ომის ისტორიის რთულ საკითხებსა და ნაწარმოების სიუჟეტთან ურთიერთკავშირში მყოფ ისტორიულ თუ გამოგონილ პირთა ფსიქოლოგიაში ღრმა წვდომით.

თარგმნა გ. ჩიქობავამ.

— აბა, ახლა კი მომიყევი, მაინც როგორ გაბედე, როგორ?

ისინი ისხდნენ სასტუმრო „მოსკოვის“ პატარა ნომერში, სადაც ზვიაგინცევი ის-ის იყო სხვა ოთახიდან შემოსახლეს. კრემლიდან ზვიაგინცევი ყოველთვის კოროლიოვთან ერთად ბრუნდებოდა. უკვე ხუთი დღეა ერთად ცხოვრობდნენ, ერთ სასტუმროში, ერთსა და იმავე სართულზე, ოღონდ პოლკოვნიკი კოროლიოვი ცალკე ნომერში, მაიორი ზვიაგინცევი კი — ხუთსაწოლიან საერთო ოთახში.

დღეს კი, როცა სართულის მორიგე ქალს ჩაუარეს და კოროლიოვმა თავისი ოთახის გასაღები აიღო, ხოლო ზვიაგინცევი დერეფანში გაიარ-გამოიარა იმ ფიქრით, რომ ჩვენს ნომერში უთუოდ ვინმე იქნებო, იგი ქალის ხმამ შეაჩერა.

— თქვენ სხვაგან შეგასახლეს, ამხანაგო მეთაურო, — უთხრა ტანდაბალმა, ხანშესულმა, ქერა, მეტად ფერმკრთალმა და მკვეთრად ტუჩებშეღებილმა მორიგე ქალმა. — თქვენი ბარგი უკვე გადატანილია ცალკე ნომერში, პატარა ჩემოდანიც.

— შე შეუბნებით? — გაოცებით ჰკითხა ზვიაგინცევი. — ჩვენ ხომ ამ საღამოს მივდივართ „სტრელათი“.

— არ ვიცი, არ ვიცი, დირექციის განკარგულებაა. — მან ზვიაგინცევს გასაღები გაუწოდა, თან მრავალმნიშვნელოვნად გაიღიმა, რითაც აგრძნობინებდა, რაც ვიცი, ყველაფერს როდი ვამბობო.

— აი მესმის! — ჩაიცინა კოროლიოვმა. — ზუსტად მუშაობენ! აბა, მაიორო, წავიდეთ, შენი ახალი სამთლობელო მიჩვენე.

— რაღა საჭირო იყო? — გოცეებით აზიდა წარბები ზვიაგინცევმა, როცა ისინი შევიდნენ ნომერში, სადაც სი-
ვიწროვის მიუხედავად ბლომად იდგა ავეჯი: საწერი მა-
გიდა, ორი სავარძელი, საწოლი და შუა ოთახში, ქერიდან
ჩამოშვებულ მწვანე ქსოვილის აბაჟურქვეშ, კიდევ მეორე
მრგვალი პატარა მაგიდა.

ნახევრად ღია კარი სააბაზანოში გადიოდა.

— აბა, აქ რა უნდა გავაკეთო? — დაბნეულად მიმოი-
ხედა ზვიაგინცევმა, — სამი საათის შემდეგ ხომ...

მან გიმნასტურის სახელო გადაიწია და საათზე დაი-
ხედა.

— რა უნდა აკეთო? — ეს შე მკითხე, მე ვიცი, — თქვა
კოროლიოვმა და სწრაფად მივიდა საწერ მაგიდასთან, ტე-
ლეფონის ყურმილი აიღო, სამი ციფრი აკრიფა და ჩას-
ძახა:

— რესტორანია? მაშ, ასე...

...და აი ისინი მრგვალ, პრიალა მაგიდას უსხედან.
ოფიციატმა დიდი ლანგრით შემოიტანა კოროლიოვის მი-
ერ დაკვეთილი ვახშამი — ბიფშტექსი, ზედ ღრმა თეფ-
შებდაშხობილი, რომ არ გაცივებულიყო, პატარა ქვებით
კარტოფილი, რგოლებად დაქრილი ხაზვით შემკობილი ქა-
შაყი, ერთი ბოთლი კონიაკი და ჭიქები. ეს ყველაფერი მა-
გიდაზე დაალაგა და გავიდა.

— ახლა კი, აი რას გეტყვი, — უთხრა კოროლიოვმა,
დაჯდა და მაგიდის ქვეშ გაშალა პრიალაჩექმებიანი ფე-
ხები. — პირს არაფერს დავაკარებ, არც შენ დაგაცილი, სა-
ნამ არ შეტყვი, როგორ გაბედე? აბა, დაიწყე, დაიწყე!
მიაშბე.

ზვიაგინცევმა მხრები აიჩეჩა და დარცხენილმა გაი-
ღიმა:

— ბარათი გავგზავნე პრეზიდენტში. არც კი ვიყავი
დარწმუნებული, თუ მიაღწევდა... სულ ეს იყო.

— იცი, რას გეტყვი!..

კოროლიოვმა გოცეებით გაშალა ხელები, შემდეგ აი-
ღო ბოთლი, მაგიდაზე კორპსაძრობი მოათვალაიერა, ვერ
იპოვა. ბოთლს თავისი დიდი ხელი მოუჭირა, მაგრად შე-
ანჯღრია და როცა სითხე ბოთლის ყელს შადრევეანივით
შიაწვა, ძირს მძლავრად ამოჰკრა ხელისგული და საცობი
ამოაგდო.

— აი, ეს მესმის, — გაიღიმა ზვიაგინცევმა.

— მამაჩემი შეფორნე იყო. ერთი ცხენის ძალის ჭაპან-

ტრანსპორტის პატრონი. იგი საცობის საძრობელას ვერ ხმარობდა. წინათ კი ბოთლებს ნამდვილ საცობებს უცობდნენ. ასე რომ, ეს უნივერსიტეტი მე ბავშვობაშივე დავამთავრე.

მან კონიაკი ჭიქებში ჩამოასხა, ზვიაგინცევს შეხედა, იქნეულად გააქნია თავი და ჩაიციხა:

— მაშ მულები, რომ ბარათი გაგზავნე? ამოიღე ბლოკნოტი, ორიოდ სიტყვა ჩაწერე და მორჩა?

ზვიაგინცევი ღუძღდა.

— შენი ვინაობა მაინც თუ ჩაწერე? — არ ეშვებოდა კოროლიოვი. — იქნებ ვინმე გენერალი ეგონეთ? წოდება, შენი წოდება თუ აღნიშნე?

— მოდი დავლიოთ, პაულე მაქსიმოვიჩ, — უთხრა ზვიაგინცევმა, უცებ მეტისმეტი დაღლილობა იგრძნო და ჭიქას ხელი წაატანა.

— არა, მოიცა! — შესძახა კოროლიოვმა და თავისი ფართო ხელისგული სწრაფად დაათარა ზვიაგინცევის ჭიქას. — მინდა გავარკვიო. ვთქვათ, ვინმემ მითხრა, ალიოშკა ზვიაგინცევი შეტევაზე პირველი გადავიდაო, დავიჯერებ. თავისი საკუთარი ხელით უცნობი კონსტრუქციის ნაღმი განმუხტაო... დასაშვებად მიმაჩნია, სავსებით შესაძლებელია. მაგრამ აქ... ერიპაა, სტალინი! სახკომი! მარშლების ირგვლივ გენერლები და აღმირალები... და უცებ: „სიტყვა ეძლევა ამხანაგ ზვიაგინცევს, ლენინგრადის სამხედრო ოლქი!“ პირველად ვერც კი მივხვდი: თითქოს ოლქის მთელ ჩემს უფროსობას ვიცნობ, ეს ზვიაგინცევი ვილაა-მეთქი! გავიხედე და — დედავ, რას ვხედავ — მისი აღმატებულება ალექსი ვასილის ძე გასასვლელში მიაბიჯებს... დაიჯერე, იმ დროს ფეხზე რომ ვმდგარიყავი, შენს მაგიერ შიშით მუხლთ მომეკვეთებოდა!

კოროლიოვმა კვლავ გაშალა ხელები, შემდეგ თავისი მძიმე თავი გადააქნია და თქვა:

— კეთილი, დავლიოთ, მომილოცავს! არა, მოიცა! — თქვა მან და ისევ დაათარა ზვიაგინცევის ჭიქას ხელისგული, — ჯერ ყველაზე მთავარი: რა ვითხრა ამხანაგმა სტალინმა?

— ხომ მოისმინე.

— მოვისმინე, მოვისმინე! განა მარტო ის კმარა, რომ პირადად მის სიტყვებს ისმენ, თავბრუ დაგეხვევა. ყველა ორატორი ჩავიწერე, აქ კი გამოვტოვე. აი, შეხედე...

და კოროლიოვი სკამიანად შეტრიალდა, საწერ მაგი-

დაზე დადებულ თავის პლანშეტს მისწვდა, დიდი ბლოკნოტი ამოიღო, ფურცლავდა და თან ბუტბუტებდა:

— ასე... მერეცკოვი... გრენდალი... კუზნეცოვი... შენ სადღა ჩაგწერე? აი, ხომ ხედავ, გამომიტოვებინარ, მაიორო! ღმერთმანი, გამომიტოვებინარ! შენს მაგიერ ისე განვიცდიდი, რომ არც კი ჩამიწერიხარ. კარგი, ამაზე მერე ვილაპარაკოთ. ახლა კი ამხანაგ სტალინის რეპლიკა გამოიმეორე, პა? ოღონდ სიტყვასიტყვით უნდა იყოს.

კოროლიოვმა გიმნასტურის გულჯიბიდან ავტოკალამი ამოიღო, თალფაქი ამოხრაახნა, შეანჯღრია კალმისტარი და საწერად მოემზადა.

— სიტყვასიტყვით არ მახსოვს, — უთხრა ზვიაგინცევმა.

— ის, რაც სტალინმა თქვა, არ გახსოვს? — გულწრფელად გაიოცა კოროლიოვმა.

— სიტყვასიტყვით არ მახსოვს, — წყნარად გაიმეორა ზვიაგინცევმა. — მეც ხომ ძალიან ვღელავდი... მოიცა. მე, მგონი, ვთქვი, რომ ჩვენ არ გვეოფნიდა ტექნიკა, რათა...

— მე იმას როდი გეკითხები, რაც შენ თქვი, — გაჯავრებით შეაწყვეტინა კოროლიოვმა, — მე იოსებ ბესარიონის ძის სიტყვების ჩაწერა მინდა!

— მეც ხომ სწორედ იმას ვამბობ, — მისთვისვე მოულოდნელი ბრაზმორევით უთხრა ზვიაგინცევმა. — როცა ამაზე ვლაპარაკობდი მან შემაწყვეტინა და მკითხა: „ერთი ეს მითხარით, თქვენ მიგაჩნიათ, რომ საინჟინრო ნაწილებს უნდა ჰქონდეთ“...

— მოიცა, ნუ ჩქარობ! — სასოწარკვეთილებით წამოიძახა კოროლიოვმა. — სტენოგრაფისტი ხომ არა ვარ? ცოტა ნელა ილაპარაკე. — მან იდაყვით გასწვია ბიფშტიქსიანი თეფში, ბლოკნოტი წინ დაიდო და საწერად მოეწყო, — „ერთი მითხარით“... — გაიმეორა კოროლიოვმა და მთელი გულისყურით დაიწყო წერა.

— მე დარწმუნებული არა ვარ, რომ მან სწორედ ეს სიტყვები წარმოთქვა, — შეაწყვეტინა ზვიაგინცევმა. — მაგრამ ვფიქრობ, მთავარია ნათქვამის აზრის გადმოცემა და არა სიტყვასიტყვით ჩაწერა.

— ტა-ტა-ტა-ტა! „აზრისო“, ერთი შეხეთ! — გამოაჯავრა კოროლიოვმა და ხმაში უკვე წყენა დაეტყო: — ჰო, რასაკვირველია, რად უნდა შეიწუხოს თავი მაიორმა ზვიაგინცევმა ვიღაც პოლკოვნიკ კოროლიოვისათვის! მას ხომ თვით სტალინი უსმენდა; იმდენი მარშალი და გენერალა

რომ არ ვახსენოთ! — მან ხშირი, ოდნავ შექალაქავებული წარბები მოკმუნხა. და უკვე სულ სხვა, ცივი, დამრიგებლური ტონით დასძინა: — მე კი ისე აღმზარდეს, რომ სტალინის სიტყვებს ზუსტად უნდა ციტირებაო... სხვებისა არ ვიცი, და მე კი...

— პავლე მაქსიმოვიჩი, რატომ აგრე... — ისევე შეაწყვეტინა ზვიაგინცევმა, თან გრძნობდა, რომ აღელვება დაუცხრა და თვითონვე უკვირდა, მართლაც და როგორ უნდა დაეიწყებოდა სტალინის სიტყვები, — საკითხის აზრი კი არა; არა, ეს მას მშვენიერად ახსოვდა, არამედ თვით სიტყვები.

ზვიაგინცევი შეეცადა გულისყური მოეკრიბა, გაეხსენებინა და ხელახლა მთელი თავისი არსებითა და ფიქრებით იქ გადავიდა, სადაც უკანასკნელი ოთხი დღე გაატარა...

ფინეთთან ახლახან დამთავრებული ომის შედეგებისადმი მიძღვნილი საპასუხისმგებლო თათბირის მოსკოვში მოწვევის შესახებ ზვიაგინცევმა ჯერ კიდევ ორი კვირის წინათ იცოდა. ეს მას უთხრა ოლქის საინჟინრო სამმართველოს უფროსმა, როცა უბრძანა საინჟინრო ჯარების მოქმედებათა შესახებ მასალების მომზადება და თუ საჭირო იქნებოდა, ამ მასალებიანად მოსკოვში გამგზავრება.

ეს სადამო ეამს იყო, სწორედ სამუშაო დღის ბოლოს.

ზვიაგინცევი გამოვიდა ურიცკის, ყოფილ დვორცოვას მოედანზე მოთავსებულ შტაბის შენობიდან. ლიტეინის პროსპექტამდე ფეხით უნდა გაეელო 25 ოქტომბრის პროსპექტი, რომელსაც ძველი ჩვეულებისამებრ ნევისას ეძახდნენ. მერე ავტობუსში უნდა ჩამჯდარიყო. სამუშაოდან დაბრუნებისას ზვიაგინცევი ყოველდღე ამ გზით დადიოდა. ყოველდღე ასე იქცეოდა მას შემდეგ, რაც საბჭოთა კავშირ-ფინეთის ომი დამთავრდა და შინ, ლენინგრადში დაბრუნდა. თუმცა წინათ, ომამდე, სამუშაოდან რომ ბრუნდებოდა, დროის მოსაგებად ნევის პროსპექტის დასაწყისშივე, გოგოლის ქუჩის კუთხეში ჯდებოდა ხოლმე ტრამვაიში.

ომის დღეებში ზვიაგინცევს მხოლოდ ერთხელ მოუხდა ქალაქში ყოფნა, რამაც განაცვიფრა იგი. ფრონტიდან მოკლე ხნით შტაბში დაბრუნებულმა პირველად ნახა წყვდიადში ჩაძირული ლენინგრადი. იქ, კარელიის ყელზე სიბნელე, რომელსაც სასიგნალო შუშხუნების ცეცხლი თუ გაკვეთდა ზოლმე, ბუნებრივად მოჩანდა, მიუხედა-

ვად იმისა, რომ დროდადრო ქუხდა არტილერია და სნაიპერთა ტყვიები ისე სისინებდნენ, თითქოს ბიჭუნა გაწაფული ხელით წყლის ზედაპირზე ბრტყელ კენჭებს ისვრისო.

მაგრამ აქ ყველაფერი სხვანაირად გამოიყურებოდა. აქ არ იყო სროლა, არ იყო თოვლის ნამქერები, მაგრამ ეს უზარმაზარი ქალაქი, რომელიც რაც ზვიაგინცევს თავი ახსოვდა, ყოველ საღამოს ათეულ ათასობით ჩირალდნის შუქით ჩახჩახებდა, ახლა წყვდიადში ჩაძირულიყო და მძიმე, შემზარავ შთაბეჭდილებას ახდენდა.

და განა მხოლოდ მასზე? ფინეთთან ომს ყველა ლენინგრადელი გაცილებით მწვავედ განიცდიდა, ვიდრე დანარჩენი საბჭოთა ადამიანები. რევოლუციური ბრძოლებით გამოწვეული ნგრევის დღეების შემდეგ ქალაქი პირველად იდგა წყვდიადში; ფინეთის ავიაციის თავდასხმას მოელოდნენ. ჰოსპიტლებსა და საავადმყოფოებში დაჭრილი და მოყინული ადამიანები მოჰყავდათ.

...თუმცა ომის დამთავრებიდან უკვე რამდენიმე კვირა გასულიყო, ზვიაგინცევს ჯერ კიდევ უდიდეს სიამოვნებას ჰგვრიდა კვლავ გაჩირალდებული ფანჯრები და ვიტრინები, გაკაშკაშებულ ნევის პროსპექტზე გავლა. ახარებდა იმის შეგრძნება, რომ ყველაფერი ძველებურად იყო და რომ მისთვის ჩვეული სამყარო ურყევია.

მოხდა ისე, რომ ზვიაგინცევი, ოლქის საინჟინრო ჯარების სამმართველოს ერთი ინჟინერთაგანი, ომის თვეებში სამმართველოს უფროსის უშუალო თანაშემწე გახდა. ყოფილი მოადგილე კი ომის მეორე დღესვე მოწინავე ხაზის სიმავრეთა ინსპექტირების დროს ყუშბარის ნატეხით მძიმედ დაიჭრა თავში.

ზვიაგინცევი სულ ოცდარვა წლისა იყო. ორი წლის წინათ დამთავრა სამხედრო-საინჟინრო აკადემია და, გამოცდილების მიხედვით, თითქოს შეუფერებელი იყო ამ მაღალი თანამდებობისათვის. მიუხედავად ამისა, თავის სიმალლეზე აღმოჩნდა. თანაც იგი უყვარდათ. ისევე როგორც პოლკოვნიკი კოროლიოვი, ისიც ორჯერ აირჩიეს საოლქო შტაბის პარტიული ორგანიზაციის ბიუროს წევრად.

და აი ახლა, მოსკოვის მომავალი თათბირისათვის მასალების მომზადების შესახებ ბრძანების მიღების შემდეგ, ზვიაგინცევი ნელა მიაბიჯებდა ნევის პროსპექტზე მოსეირნეთა შორის. წინ ხვდებოდნენ და უსწრებდნენ ბერე-

ტიანი ქალიშვილები, რომელბსაც ეცვათ უკანასკნელ ხანს მოდაში შემოსული გრძელი, ვიწრო ქვედაკაბები და დაბალქუსლიანი ფეხსაცმელები. ვაჟებიც ბოლო ხანებში მიღებული მოდის მიხედვით, ნაცრისფერი ფლანელის შარვლებითა და წელში ვიწროდ გამოყვანილი პიჯაკებით, ცისფერი, კუთხეებში წაწვეტებული საყელოიანი პერანგებითა: და ფართო კვადრატულად გამონასკეული პალატუხებით იყვნენ გამოწყობილი. ყოველ კუთხეში იყიდებოდა ყვავილები. განთქმულ კაფე „ნორდთან“ პატარა რიგი იდგა... ყოველივე ეს ზვიაგინცევისათვის ისე ნაცნობი იყო, ისე ჩვეულად ახარებდა მის თვალს, რომ მოგონებები ამასწინანდელ ხანმოკლე, მაგრამ სისხლისმღვრელ ომზე, როგორღაც მკრთალდებოდნენ და იცრიცებოდნენ.

...ისიც, რომ მოსკოვს უნდა წასულიყო, ზვიაგინცევმა გამგზავრებამდე სულ ორი დღით ადრე გაიგო.

დანარჩენი სწრაფად მოხდა და მოფიქრების დრო არ იყო.

„სტრელატი“ ჩამოსული ლენინგრადელი არმიელები და მეზღვაურები ავტობუსებმა დილაადრიან სასტუმრო „მოსკოვში“ მიიყვანეს, სადაც ყველას, წოდებისა და თანამდებობის შესაბამისად, შზად დახვდა ბინა და საერთო საცხოვრებელი. მათ მხოლოდ ჩემოდნების დადგმა და სახელდახელოდ პირის მოპარსვა მოაწერეს და კრემლისაკენ გაეშურნენ. სასტუმროდან მაცხოვრის კოშკის კიშკარი ძლიერ ახლოსაა — მხოლოდ წითელი მოედანი უნდა გადაეკეცათ, მაგრამ კომენდატურაში ფანჯარასთან, სადაც საშვებს იძლეოდნენ, შეყვინდნენ, რადგან ძლიერ ბევრი ხალხი იყო.

კრემლის დიდი სასახლის ანდრეევსკის დარბაზში ყველანი მაინც თავის დროზე შევიდნენ და მხოლოდ აქ, დარბაზში რომ მოხვდა, წითელი არმიისა და ფლოტის უმაღლესი სარდლებსა და სხვადასხვა სახის ჯარების, ქვეითთა, არტილერიისტთა, მფრინავთა და მეზღვაურთა მეთაურებსა და უფროსებს შორის, ზვიაგინცევი მიხვდა, სად აღმოჩნდა ასე, სრულიად მოულოდნელად.

თათბირს ესწრებოდა სტალინი.

სტალინი ორი-სამი ნაბიჯით უკან მიმყოლი მარშლებისა და გენერლების თანხლებით პრეზიდენტის გვერდით კარიდან გამოვიდა და წითელმაუღდადაფარებული გრძელი მაგიდის გასწვრივ ჩაიარა: დარბაზში ყველანი წამოდ-

უნენ და ტაშის გრიალი სკამების საჯდომთა უკუგდების
ჯახუნს შეერთო.

მაგრამ თავმჯდომარის ადგილი მან კი არა, ვოროში-
ლოვმა დაიკავა. გვერდით მიუჯდა საბჭოთა კავშირის მარ-
შალი ტიმოშენკო.

სტალინი, რომელსაც ზვიაგინცევი თვალს არ აშორებ-
და, პრეზიდიუმის ერთ-ერთი ბოლო რიგის განაპირას
დაჯდა. რამდენიმე წუთის შემდეგ ჯიბიდან ჩაბუხი ამოი-
ღო, წამოდგა და პრეზიდიუმში მსხდომთა ზურგს უკან
ბოლთის ცემა დაიწყო. მას პორტრეტებიდან ყველასათვის
ცნობილი ნაცრისფერი კიტელი და ჩექმებში ჩატანებუ-
ლი სამოქალაქო ფორმის შარვალი ეცვა. ნახევრადმოხ-
რილ ხელში ჩიბუხი ეჭირა და ნელა მიმოდრიოდა. ხან ჩა-
მოჯდებოდა და ხან ისევ განაგრძობდა ნელ სვლას.

დროდადრო სტალინი სიტყვაში გამოსულთ შეკითხვე-
ბით ან მოკლე რეპლიკით აჩერებდა.

დარბაზში სიჩუმე იდგა, ხოლო როცა სტალინი ისე-
დაც ნელსა და უხმაურო ნაბიჯს შეანელებდა და დაჟინე-
ბით შეაცქერდებოდა ორატორს ან ოდნავ ასწევდა ჩიბუ-
ხიან ხელს, სიჩუმე კიდევ უფრო საგრძნობი ხდებოდა,
რადგან ყველა გრძნობდა: მას რალაციის თქმა სურდა. და
მაშინ ის, ვინც ტრიბუნაზე იდგა, უნებლიეთ ჩუმდებოდა
და სტალინისაკენ შემობრუნდებოდა ხოლმე.

თაბირი რამდენიმე დღეს გაგრძელდა. პირველი
დღიდანვე მან მწვავე სადისკუსიო ხასიათი მიიღო. ერთი-
მეორის მიყოლებით აღიოდნენ ტრიბუნაზე მხედართმთავ-
რები. მათი სახელები ზვიაგინცევმა კარგად იცოდა და
პორტრეტებით სახეზეც ცნობდა. სიტყვით გამოსულები
ერთსულოვნად აღნიშნავდნენ, წითელ არმიას საიმედო შე-
იარაღება აქვსო. მიუხედავად ამისა, ორატორები ამტკი-
ცებდნენ, რომ არმიის პირადი შემადგენლობა, განსაკუთ-
რებით ქვეითი ჯარისა, არასაკმარისად იცნობს სამხედრო
ტექნიკას და არ იცის მისი გამოყენება ზამთრის პირობებ-
ში. თითქმის ყველამ თქვა ის, რომ ჩრდილო-დასავლეთისა
და ჩრდილოეთის საომარ მოქმედებათა არმიები ცუდად
იყვნენ მომზადებული ოპერაციებისათვის. იგრძნობოდა
ნაღმსატყორცნებისა და თხილამურების ნაკლებობა, ფი-
ნელებს კი იგი დიდი რაოდენობით ჰქონდათ: არასაიმე-
დოდ იყო დაყენებული რადიოტექნიკური კავშირისა და
მართვის საქმე, მოუხერხებელი იყო ჩვენი საზამთრო ტან-
საცმელი...

იმ წუთებში ზვიაგინცევისათვის ვინმეს რომ ეთქვა, ტრიბუნაზე აღი და სიტყვაში გამოდიო, იგი ამას ისე მიიღებდა, როგორც თვითმფრინავიდან უპარაშუტოდ გადმოხტომის წინადადებას.

მაშ, მაინც რატომ გაბედა? როგორ მოხდა ეს?..

ეს კი ასე მოხდა.

რომელიმე სამხედრო ხელმძღვანელთაგანს ალბათ, მოეჩვენა, თათბირმა მეტისმეტად მწვავე, კრიტიკული ხასიათი მიიღო. ან ზოგიერთმა მხედართმთავარმა იფიქრა, ჩემს თავმოყვარეობას, პრესტიჟს ვაითუ ძლიერი დარტყმა მოხედესო. ასე იყო თუ ისე, ზვიაგინცევა თათბირის დამთავრების წინაღუეს ზოგიერთი ორატორის სიტყვაში წინაგამოსვლებისათვის უჩვეულო, მშვიდი ტონი იგრძნო.

ერთ-ერთმა მარშალმა მთელი თავისი სიტყვა წითელი არმიის ძლიერებასა და მამაცობას მიუძღვნა, რომელმაც მანერჰაიმის მიუხედავად ხაზი გაარღვია და ერთი სიტყვაც არ უთქვამს იმაზე, რა ფასად დაგვიჯდა ეს გარღვევა.

„რატომ ლაპარაკობს ამაზე აქ, ასეთ თათბირზე?!“ — გამწარებით ეკითხებოდა თავის თავს ზვიაგინცევი. იგი ხომ მთელი ომის განმავლობაში არმიის იმყოფებოდა და სხვებზე ნაკლებ როდი იცნობდა მანერჰაიმის ხაზის მიუხედავად, რომელიც მანამდე ცნობილ სიმაგრეთა შორის უძლიერესი იყო, და უნახავს ამ ხაზის მოიერიშე წითელარმიელთა შემართება.

და რაც ამის შესახებ გაზეთებში იწერებოდა, ზვიაგინცევის ყველაფერი მართებულად მიაჩნდა.

მაგრამ აქ, ასეთ თათბირზე, თვით სტალინის თანდასწრებით, ვინც სრული სიმართლე უნდა იცოდეს ამ ომის შესახებ...

უცებ ზვიაგინცევის მოეჩვენა, რომ იგი ისევ იქ, კარელიის ფრონტზეა. და ყოველივე კვლავ თვალწინ წარმოუდგა: თოვლის ნამქერებში ჩაფლული ქვემეხები, დამსხვრეული ტანკები, მოყინული ადამიანები, ჩაბნელებული ლენინგრადი... ყურებში ქარის სისინი ჩაესმა და ამ ქარის, ტყვიამფრქვევთა ჯერისა და სნაიპერთა ტყვიების წივილის გარდა სხვა აღარაფერი ესმოდა. შემდეგ კი ყველაფერი გაქრა, ყველაფერი, გარდა მის წინ პიუპიტრაზე გაშლილი ბლოკნოტის თეთრი ფურცლისა.

და მაშინ ანგარიშმიუცემლად, თითქმის ავტომატურად დაწერა იმ ფურცელზე: „ვთხოვთ მომცეთ სიტყვა“.

თავისი წოდება და გვარი. ამოხია ფურცელი და სრულიად მექანიკურად მის წინ მჯდომ თავმოპარსულ გენერლის მხარს შეეხო.

იგი ოღნავ მობრუნდა, ზვიაგინცევს ცერად შემოხედა. ზვიაგინცევმა გენერალს ოთხად გადაკეცილი ბარათი ხელისგულში ჩაუდო.

ყოველივე ამის რეალობის შეგრძნებამ ზვიაგინცევამდე ერთი წუთის მოგვიანებით მიიღწია. იგი მიხვდა, რომ გამოუსწორებელი სისულელე ჩაიდინა: ორატორთა უმრავლესობისაგან განსხვავებით, მოუმზადებლად, წინასწარ დაწერილი ტექსტის გარეშე ასეთ თათბირზე სიტყვა ითხოვა!

შემდეგ გაიფიქრა: შეეჩერებინა ბარათი, პრეზიდუმა მდე არ მიეშვა, დაებრუნებინა, ნაკუწებად ექცია. ზვიაგინცევმა ადგილიდან წამოიწია კიდეც, მის წინ მსხდომთა ზურგებს მიაჩერდა, ცდილობდა რა მათი მოძრაობის მიხედვით მიმხვდარიყო, სახელდობრ, ვინ და ვის გადასცემდა ამ წუთში იმ ბედშავ ფურცელს. მაგრამ ამოდ! წინა რიგებში მსხდომნი თითქოს გაუნძრევლად ისხდნენ ან გულდასმით ავსებდნენ ჩანაწერებით თავიანთ ბლოკნოტებს.

მაშინ ზვიაგინცევმა თავი დააიხედა: ალბათ, ჩემი ბარათი რიგებს შორის მოგზაურობაში დაიკარგა, ვინმემ, მორიგი ორატორის სიტყვის მოსმენით გატაცებულმა. განზე გადადო, წინ გადაცემა დაავიწყდა ან უბრალოდ, ხელიდან გაუვარდაო.

ზვიაგინცევმა მზერა გადაიტანა პრეზიდუმიზე, უფრო სწორად ბარათების ყუთზე, რომელიც პატარა მაგიდაზე იდგა. მაგრამ პირველი რიგებიდან თითქოს არავინ არ მისულა იმ მაგიდასთან.

და როცა მაღალი, აკვალთული, კარგი სამწყობრო გამართულობის სამხედრო პირი საიდანღაც გვერდიდან გამოჩნდა, მაგიდასთან მივიდა და ყუთში ხელი ჩაყო, რომ იქ დაგროვილი ბარათები ამოეღო და პრეზიდუმიანთაგან გადაეცა, ზვიაგინცევი თითქმის დამშვიდდა: იგი დარწმუნებული იყო, რომ მისი ბარათი ყუთში არ იქნებოდა.

სრულიად მექანიკურად გააყოლა თვალი იმ სამხედრო პირს. მან წინ გაიწოდა ბარათებჩაბლუჯული ხელი და მსუბუქად აუყვა პრეზიდუმიანთა პატარა კიბეს. გადადგა რამდენიმე ნაბიჯი რიგების შემოსავლელად და, ეტყობოდა ტიმოშენკოსთან აპირებდა მისვლას, რომელიც იმჯერად

თავმჯდომარეობდა, მაგრამ დაინახა პირდაპირ მისკენ მომავალი სტალინი. სწრაფად, მთლად სამოქალაქო პირივით შეტრიალდა, შემდეგ უკან გაიქცა, მაგიდის კიდეებთან მჯდომ გენერალს ბარათები წინ დაუწყო, კიბე ჩაირბინა და სადღაც გაქრა. გენერალმა გადაუყითხავად აკურატულად დააწყო ბარათები და გადასცა მეზობელს — პორტრეტების მიხედვით კარგად ცნობილ გენერალს. ბარათებმა ასე მოგზაურობით მთელი რიგი გახვლეს და ტიმოშენკომდე მიიღწიეს.

„ვაი, თუ... ჩემი ბარათიც იქ არის? — ეკლავ შეშფოთებით გაიფიქრა ზვიაგინცევმა. — იქნებ ვერ შევნიშნე, როგორ გადასცეს...“

„ეჰ, რას მივედ-მოვედები!“ — დაიმშვიდა თავი. დავუშვათ თუნდაც, რომ ბარათი პრეზიდენტამდე მივა ან უკვე მივიდა, მას ხომ მაინც არ მისცემენ სიტყვას. ვინ არის იგი, ვინ იცნობს? თანაც ამბობენ, თათბირი ხვალ უნდა დამთავრდეს და თვით სტალინი გამოვაო...

ზვიაგინცევს სიტყვა მისცეს საღამოს სხდომაზე.

თავმჯდომარემ რომ მისი გვარი გამოაცხადა, პირველ წამს ზვიაგინცევი აღვილიდან არ დაძრულა. იგი მხოლოდ მაშინ მიხვდა, რომ უცნაურად, სულელურად იქცეოდა, როცა დარბაზი ოდნავ ამოძრავდა და ხალხმა დასახელებული ორატორის ძებნაში აქეთ-იქით დაიწყო ცქერა.

მაშინ კი წამოიჭრა ზვიაგინცევი და სწრაფი ნაბიჯით, თითქმის სირბილით გაეშურა იგი შორეული და საშინელი კიბისაკენ, რომელიც პრეზიდენტში აღიოდა.

...არ ახსოვდა, როგორ ლაპარაკობდა, მაგრამ კარგად იცოდა, რას ლაპარაკობდა. წინასწარ მომზადებული ტექსტის გარეშე, კონსპექტის გარეშე ზვიაგინცევი ხმამაღლა თქვა ის, რასაც დილის სხდომაზე გამოსული იმ მარშლის ლაპარაკის დროს ფიქრობდა, რომლის სიტყვებიც ისე უსიამოვნოდ მოხვდა გულში. დავიწყებოდა ზურგს უკან მსხდომნიც, — მარშლები, გენერლები და ადმირალები, რომელთა გვერდით ყოფნას ჩვეულებრივ დროს ფიქრშიაც ვერ წარმოიდგენდა.

ზვიაგინცევი ლაპარაკობდა იმაზე, რაც ახლახან თვითონ განიცადა, რაზეც უკვე რამდენჯერმე უსაუბრია თავის მეგობრებთან. მან თქვა, რომ ფინელებმა თავდაცვის მთავარი ზოლის წინ შექმნეს წინაზოლი, ანგრევდნენ უკან მიტოვებულ ხიდებსა და გზებს და შუალა ზღუდეებზე მეტად შედგარ წინააღმდეგობას გვიწევდნენ. მათი წინააღ-

მდეგობის დაძლევა მოკლე ვადაში მხოლოდ მაშინ იქნებოდა შესაძლებელი თუ სრულფასოვანი და სწორად განაწილებული ტექნიკური საშუალებანი გვექნებოდა...

— ...ჩვენ კი ეს არ გვექონდა, არ გვექონდა! — აგზნებითა და სიმწრით ლაპარაკობდა ზვიაგინცევი. — გადალახული გზის თითოეული მეტრი, მოწინააღმდეგის სნაიპერთა ცეცხლქვეშ ჩასობილი თითოეული ხიმიწი, გადებული ხიდის თითოეული მალი დიდძალ სისხლის ფასად გვიჯდებოდა... ჩვენ არ ვწუწუნებთ, არა, — კიდევ უფრო მღელვარედ განაგრძობდა ზვიაგინცევი, — ჩვენ ვიცით, რომ ომი — ეს სისხლიცაა და გაჭირვებაც, მაგრამ საკმარისად რომ გვექონოდა საინჟინრო ტექნიკა, რომ გვეყოლოდა ნამდვილად მოძრავი შესანგრეთა ნაწილები, მაშინ...

და ამ მომენტში ზვიაგინცევს შეაწყვეტინა სტალინმა. ზვიაგინცევი ვერ ხედავდა სტალინს და ვერ მიხვდა, რომ მას რაღაცის თქმა უნდოდა. მიუხედავად იმისა, რომ მთელი დარბაზი ხედავდა, როგორ მივიდა სტალინი პრეზიდიუმის მაგიდის შორეულ ტორსთან, ოდნავ გამოვიდა ავანსცენაზე და ნელა ასწია ჩიბუხიანი ხელი, როგორც ამას აკეთებდა ხოლმე, როცა ორატორისადმი მიმართვას აპირებდა, ზვიაგინცევი მაინც განაგრძობდა. მეტიც, როცა შენიშნა, რომ ყველას მზერამ, დარბაზის მთელმა ყურადღებამ, სადღაც სხვა მხარეს გადაინაცვლა და მოისაზრა. კიდევ, რომ სტალინს რაღაცის თქმა სურდა, ზვიაგინცევი მაინც შეუჩერებლივ ლაპარაკობდა.

მას უბრალოდ შეეშინდა, რომ არ დააცლიდნენ იმ მთავარის თქმას, რისთვისაც იგი ტრიბუნაზე ავიდა და სხაპასხუპით განაგრძობდა სათქმელს.

იგი მხოლოდ მაშინ გაჩუმდა, როცა გარკვევით დაინახა, რომ ყველამ თავი მარცხნივ, სტალინისაკენ შეატრიალა. მაშინ, როგორც იქნა, მიხვდა ზვიაგინცევი თავისი საქციელის უტაქტობას. იგრძნო, როგორ აეწვა სახე და დაწყებული აზრის დაუმთავრებლად შუა სიტყვაზე შეჩერდა.

და ახლა გაიგონა მან სტალინის წყნარი, რაიმე ინტონაციას მოკლებული ხმა:

— ერთი მითხარით, ამხანაგო ზვიაგინცევი, თქვენ, მაშასადამე, მივაჩინათ, რომ საინჟინრო ჯარებს ისეთივე მოძრაობითი შესაძლებლობის ტექნიკა უნდა ჰქონდეთ, რო-

გორიც სხვა დანარჩენ სახეობათა ჯარებს? სწორად გაგიგეთ?

ზვიაგინცევი რამდენიმე წამს დუმდა. ისე შერცხვა, სტალინის მიმართვამ ისე დაასხა თავს რეტი, რომ შეკითხვის არსსაც ვერ ჩაწვდა. მოეჩვენა, რომ სტალინს მისთვის კიდევ რალაც უნდა ეთქვა და იგი, ზვიაგინცევი, ახლა უნდა გაჩუმებულიყო. გაჩუმებულიყო და ესმინა.

მაგრამ სულ მალე დარბაზის დაძაბულმა სიჩუმემ, იმ აღამიანთა სახეებმა, რომელნიც კვლავ მას მისჩერებოდნენ, მიახვედრეს, რომ უნდა ეპასუხა, დაუყოვნებლივ ეპასუხა.

„ნეტა რა მკითხა? რა?“ — სასლწარკვეთილებით ცდილობდა ზვიაგინცევი გაეხსენებინა გულში. „ჰო, მართლა, საინჟინრო ჯარების მოძრაობითი შესაძლებლობა!“ — იმ წამსვე გაიმეორა თავისთვის.

და მაშინ ძალიან ხმამაღლა თქვა:

— დიახ, ამხანაგო სტალინ, სწორედ ეგრეა!

და სასწრაფოდ, თითქოს წუხდა, სტალინი ჩემი პასუხის აზრს ვერ გაიგებსო, დასძინა:

— ჩვენ ხომ მხოლოდ ამ შემთხვევაში შევძლებთ უზრუნველყოთ დანარჩენი სახეობის საბრძოლო ძალის, განსაკუთრებით ტანკებისა და არტილერიის სწრაფი გადაადგილება.

სტალინმა ჩიბუხიანი ხელით გააკეთა ისეთი მოძრაობა, რომელიც მრავალნაირად შეიძლებოდა გაგეგო. აქ ისიც იგულისხმებოდა, რომ ზვიაგინცევის თვალსაზრისს იზიარებდა. მაგრამ ზვიაგინცევს მოეჩვენა, რომ სტალინმა მაინც ვერ გაუგო.

და მაშინ იმის შიშით, რომ ახლა სტალინი იტყოდა ისეთ რამეს, რაც გააბათილებდა, უკუაგდებდა მის აზრს, როგორც რაიმე არაარსებითს, ზვიაგინცევმა აჩქარებითა და არევით დაიწყო ლაპარაკი, ყვებოდა იმაზე, თუ რა ხდება ბრძოლის ველზე, როცა ტანკები და ჯავშნოსნები წინ გაიჭრებოდნენ, შემდეგ კი უმწეოდ დადგებოდნენ აფეთქებული ხიდების, ბოძკინტებისა და ტანკსაწინააღმდეგო თხრილების წინ, იმიტომ რომ მესანგრეები მათ სადღაც, შორს ჩამორჩნენ, ანდა სასწრაფო სამუშაოებისთვის შექანიზმები არ გააჩნდათ.

იგი გომს მოვიდა მხოლოდ მაშინ, როცა უკვე თავის ადგილზე იჯდა. აღარ ახსოვდა, როგორ დაამთავრა სიტყ-

ვა, როგორ გამოიარა თავის შორეულ რიგამდე ის გასასვლელი.

ტრიბუნაზე უკვე იდგა სხვა ორატორი, გენერალი, რომლის გვარი ზვიაგინცევი ვერ გაიგონა, და მას საერთოდ აღარაფერი ესმოდა და ველარაფერს ხედავდა. სულ მთლად შეეპყრო გადამხდარი ამბის შთაბეჭდილებას და ჭერ კიდევ ვერ გრძნობდა იმ განუზომელ შეებას, რომელიც რამდენიმე წუთის შემდეგ დაეუფლა.

თათბირზე სიტყვით ყველაზე ბოლოს გამოვიდა სტალინი.

...და აი, ახლა, როცა სასტუმროს იმ ნომერში იჯდა, სადაც ასე მოულოდნელად გადაიყვანეს და რომელიც ფაქტიურად უკვე აღარ სჭირდებოდა, და თავისი თანამოსამსახურის პოლკოვნიკ კოროლიოვის დაყენებულ შეკითხვებს ისმენდა, ზვიაგინცევი ისევ და ისევ ცდილობდა აღედგინა მენსიერებაში, რა თქვა სტალინმა — ის რეპლიკა კი არა, არამედ მთელი სიტყვა.

მის რიგში მეზობლად მსხდომებივით კი არ ჩაუწერია სიტყვები. ის დაატყვევა თვით ფაქტმა, რომ იგი უშუალოდ უსმენს სტალინს. ზვიაგინცევი მხოლოდ სტალინს უსმენდა და უცქეროდა, ცდილობდა არ გამორჩენოდა არა თუ მისი ერთი სიტყვაც კი, არამედ დაემახსოვრებინა ყველაფერი: შესახედაობა, ხელის მოძრაობა, ლაპარაკის მანერა...

მაგრამ სიტყვის ჩაწერაში ზვიაგინცევს სხვა რამეც უშლიდა ხელს.

საქმე ის იყო, რომ სტალინის მიერ წარმოთქმული პირველი ფრაზებიდანვე იგი მიხვდა, სტალინის ლაპარაკში იმალებოდა რაღაც მთავარი, ჭერ კიდევ გამოუთქმელი აზრი, რაღაც ფარული ქვეტექსტი. და ეს შეგრძნება ზვიაგინცევს თანდათან უძლიერდებოდა.

ზვიაგინცევი ამას უცბად ვერ მიხვდა.

სტალინი ლაპარაკობდა იმაზე, თუ რა იყო კიდევ გასაკეთებელი არმიის მეთაურთა, განსაკუთრებით უმცროს მეთაურთა საბრძოლო მომზადების გასაუმჯობესებლად. ლაპარაკობდა დისციპლინაზე, პოლიტიკურ მუშაობაზე, ნაღმსატყორცნი შეიარაღების გაძლიერებაზე, ჯარების სახეობათა ურთიერთმოქმედებაზე. თქვა, რომ სამოქალაქო ომის ტრადიციებისა და გამოცდილების კულტმა ხელი

შეუშალა ჩვენს მეთაურთა შემადგენლობას, სწრაფად გარდაქმნილიყო ახალ ყაიდაზე, გადასულიყო თანამედროვე ომის რელსებზე. და თქვა მრავალი სხვა რამე, რის გახსენებაც ზვიაგინცემა ახლა ვეღარ შეძლო. ჰო, იგი ლაპარაკობდა ფინეთის ომზეც, და ყველა მისი მაგალითი, ყველა ფაქტი, რომელსაც იმოწმებდა, ამასწინანდელი ბრძოლების პრაქტიკიდან იყო აღებული.

და მაინც სტალინის გამოსვლაში იყო რაღაც არაპირდაპირ თქმული მთავარი, შემაშფოთებელი აზრი. ზვიაგინცემა კარგად შეიგრძნო ეს.

და როცა ამ აზრმა ბოლოს და ბოლოს მიაღწია ზვიაგინცევის გონებამდგე, მთელი მისი ყურადღება გამახვილდა სწორედ მასზე, ამ მთავარ აზრზე, რომელიც წყალქვეშა ნაევიით ხან ოდნავ ამოტივტივდებოდა ზედაპირზე, ხან ჩაიძირებოდა სიღრმეში.

ახლა ზვიაგინცევის ექვი აღარ ეპარებოდა, როცა სტალინი ფინეთის კამპანიაზე ლაპარაკობდა, სულ სხვა. ჯაცილებით უფრო საშიშ, თავისი მასშტაბებით შეუდარებელ, იმ გადამწყვეტ ბრძოლაზე ფიქრობდა, რომელიც მოგველოდა და რომელზეც ამ წლების განმავლობაში ყოველთვის ფიქრობდა თითოეული სამხედრო კაცი. ეს იყო პიტლერულ გერმანიასთან ომის გარდაუვალობა. ეს აზრი სტალინის სიტყვიდან სრულიად თვალსაჩინოდ მაშინ გამოიკვეთა, როცა მან თქვა, პიტლერული საომარი მანქანა ფინურზე ბევრად უფრო ძლიერიაო.

ეტყობოდა, სტალინს უნდოდა ამ დარბაზში მყოფებს, მთელ არმიას, მთელ ხალხს გაეგო, რომ მოგველოდა საშინელი, გამანადგურებელი ომი, ორი სისტემის ორი შეურიგებელი იდეოლოგიის — კომუნისტურისა და ფაშისტურის — ერთმანეთის წინააღმდეგ ბრძოლა. ...

ზვიაგინცევი ახლა ამ მთავარი, გადამწყვეტი აზრის შთაბეჭდილების ქვეშ იმყოფებოდა, რომელსაც თავისდა შეუძნობად დაეინებით უფანტავდა კოროლიოვი.

— ...მაშ, არ გახსოვს სტალინის სიტყვები? — კვლავ შეეკითხა პოლკოვნიკი. — ასაყისათვის შეუფერებელი სკლეროზისმაგვარი რაღაც გჭირს. ჰო, კარგი, — უიმედოდ ჩაიქნია ხელი, — სხვებსაც ვკითხავ. ასეა თუ ისე — გილოცავ! აბა, არ აღენიშნოთ ეს ამბავი? — და მათ დალიეს. კოროლიოვმა ჩანგლით გადაიღო ქაშაყის ნაჭერი, ხაზეს ახრამუნებდა და ისევ განაგრძობდა:

— რასაკვირველია, მას რომ თავის სიტყვაში შენ

თვის პირდაპირ დაეჭირა მხარი — ხვალ უკვე პოდპოლ-კოვნიკად შეგეძლო ჩაგეთვალა თავი. მაგრამ ისედაც — ერთიც ვნახოთ და!.. ისეთ თათბირზე მოგცეს სიტყვა, მისი ყურადღება მიიბყარი, ეს ხუმრობაა! — ნაცვალსახელზე დასვა მახვილი კოროლიოვმა. — შეხე, რა მონღო-მებით შექარულეს ინტენდანტებმა! — თვალი ჩაუკრა და ოთახი მოათვალიერა. — ზოგნი, პოლკოვნიკებიც კი, ორორნი მოათავსეს. შენ კი... ერთი სიტყვით, მოდი, კიდეც გადავკრათ!

მათ ისევ დალიეს.

კოროლიოვმა გიმნასტურის საყელო შეიხსნა, ქამარი მოიშვა, სკამის საზურგეს მიეყრდნო და ჰკითხა:

— მაინც რა დასკვნა გამოიტანე მისი სიტყვიდან?

— საჭიროა არმიის განმტკიცება, — ჩაფიქრებით უპასუბა ზვიაგინცევმა.

— ეს ხომ ნათელი ფაქტია, — მოუთმენლად შენიშნა კოროლიოვმა, — მაგრამ ახლა ამაზე როდი გეკითხები. როგორ ფიქრობ, იქნება ცვლილებები?

ზვიაგინცევმა კითხვის გამომეტყველებით შეხედა მას.

— რა მოგივიდა, ბავშვი ხომ არა ხარ? — უკმაყოფილოდ განაგრძო კოროლიოვმა. — ჩვენი ოლქი მაქვს მხედველობაში. გადაყვან-გადმოყვანა თუ იქნება? ჰოდა... საერთოდაც. ჰა? ჩემი აზრით, ეს გარდაუვალია.

იგი კვლავ დაიხარა მაგიდაზე, საქმიანი სახით ჩამოასხა კონიაკი კიჩებში და ბიფშტექსის ჰამას შეუღდა.

— მე სხვა დასკვნა გამოვიტანე, — თქვა ზვიაგინცევმა. — ჩემი აზრით, სხვა რამ არის გარდაუვალი. პიტლიერთან ომი მოგვიხდება.

— ჰა-ჰა-ჰა-ჰა! — გაიცინა კოროლიოვმა და ჩანგალი, რომელზეც ხორცის ნაჭერი წამოეგო, ზევით ასწია. — დახეთ, ამ წინასწარმეტყველს! რაღა თქმა უნდა მოგვიხდება! ადრე თუ გვიან. ეს ბალღისთვისაც ცხადია.

— კარგი იქნება, თუ ადრე... ან გვიან არ მოგვიხდა, — ჩუმად თქვა ზვიაგინცევმა.

უცებ კოროლიოვის სახემ სერიოზული გამომეტყველება მიიღო.

— ამაში, მგონი, მართალი ხარ, — თქვა კოროლიოვმა და ოფლით დანესტიანებული საყელოს თეთრი სარჩული გაისწორა. — ახლა, ვგონებ, ცოტა ადრეც იქნებოდა, ჰა? აი, როცა ჩვენ ზოგ დასკვნებს გავაკეთებთ, მაშინ მოეთ-

რიონ. ჰოდა, — ჩაიქნია მან ხელი. — მოდი, ხორცი კვამოთ, თორემ გაცივდება.

მან მაგიდასთან მიიწია და ისევ ბიფშტექსის ჰამას შეუღდა. ერთხანს მღუმარედ ჰამდნენ. კოროლიოვი მადიანად შეექცეოდა, ზვიაგინცევი კი უმადოდ ძიძგნიდა ჩანგლით მაგარ ხორცს. ბოლოს მან თეფში განზე გასწია.

კოროლიოვის ქცევა, მისი ლაპარაკის მანერა აღიზიანებდა ზვიაგინცევს. შტაბის უფროსის მოადგილე მას საკმაროდ ჰქვიან და სულით ხორცამდე სამხედრო კაცად მიაჩნდა. ფიქრობდა, ჩექმებსა და გიმნასტურაში გამოწყობილი დაიბადაო. პიჯაკითა და ჩაშვებულ შარვლით მისი წარმოდგენა ზვიაგინცევს არ შეეძლო. შტაბის მუშაკებმა კარგად იცოდნენ, კოროლიოვმა მთელი შეგნებული ცხოვრება არმიის რიგებში გაატარა და ყველა მისი ინტერესი, ყველა აზრი მუდამ არმიასთან იყო დაკავშირებული. ზვიაგინცევმაც იცოდა ეს. მაგრამ ახლა ისეთი თათბირის შემდეგ, სადაც მსჯელობდნენ არა მარტო არმიის, არამედ მთელი ქვეყნისათვის სასიცოცხლო მნიშვნელობის საქმეებზე, კოროლიოვი რომ ასეთი დაუდევარი ფანფარული მანერით ელაპარაკებოდა, ეს აღიზიანებდა ზვიაგინცევს. „იქნებ იმიტომ მელაპარაკება ასე, რომ უნდა, ასე ვთქვათ, ჩემი ადგილი მიმიჩინოს? — გაიფიქრა მან. — ეშინია, არ გაეყოფოჩნდეს? უნდა ხაზი გაუსვას, რომ, თუმცა მე ისეთ საპასუხისმგებლო თათბირზე მომცეს სიტყვა, მისთვის, პოლკოვნიკისთვის, სამოქალაქო ომის მონაწილისთვის, მაინც ახალგაზრდული ასაკიდან ნაადრევად გამოსულ ბიჭუნად დაერჩი?“

ამ აზრმა, რა თქმა უნდა, არათუ დაამშვიდა ზვიაგინცევი, არამედ კიდევ უფრო მეტად გააცეცხლა.

— ვერ გამიგია, პავლე მაქსიმოვიჩ, — თქვა მან, — ნუთუ სწორედ ახლა გაგელვიდა ჰამის შადა?

— მერე რა? — ცოტა არ იყოს უხეშად შეუბრუნა კითხვა კოროლიოვმა. — ჯარისკაცისათვის დანაყრება პირველი საქმეა. მშვიერი ჯარისკაცი ჯარისკაცი არ არის. გორჩევ, შეითვისო.

„არ უნდა სერიოზულად მელაპარაკოს, — კიდევ უფრო მეტი წყენით გაიფიქრა ზვიაგინცევმა, — ოხუნჯობით მიშორებს თავიდან. ჰკონია, რომ სერიოზული საუბრისთვის ჯერ კიდევ მოუმწიფებელი ვარ“.

და რაც უფრო მეტს ფიქრობდა ამაზე ზვიაგინცევი,

ძით უფრო უნდოდა, აეძულებინა კოროლიოვი სერიოზულად ელაპარაკა მასთან.

— აი, შენ თქვი, პავლე მაქსიმოვიჩი, საჭიროა საკუთარი თავისათვის ზოგი რამ დასკვნის გამოტანაო, — ისევ შეტევაზე გადავიდა ზვიაგინცევი, — მაგრამ რა დასკვნების? რას გულისხმობ?

კოროლიოვმა ერთი წუთით მოაშორა თვალი თეფშს, თავი ასწია და, როგორც ზვიაგინცევს მოეჩვენა, ოდნავ შესამჩნევი ირონიული ღიმილით შეხედა მას.

— რა დასკვნების? — გაიმეორა კითხვა და გიმნასტიკაში გაჰყვლილი ფართო მხრები შეარხია, — ეგ დასკვნები ხომ უკვე გამოიტანე! ბრძოლა მოგვიხდება.

და თუმცა მან ეს სიტყვები წინანდებურად ირონიულად არდელი ტონით წარმოთქვა, რაც აშკარად ეწინააღმდეგებოდა მათ აზრს, ზვიაგინცევი სასწრაფოდ ჩაეჭიდა სწორედ მას.

— დიახ, დიახ! — წამოიძახა მან, — ჩვენ კი?..

და იგი გაფაციცებითა და კითხვის გამომეტყველებით მიატყერდა კოროლიოვს.

მან ისევ ასწია თავი. მათი თვალები ერთმანეთს შეხვდნენ. ამჯერად ზვიაგინცევს პოლკოვნიკის სახეზე არ დაუნახავს ჩაცინების ან თუნდ ღიმილის ნიშანი.

— ჩვენ რა? — მოულოდნელად შექმუხვითა და იქვანულად გაუმეორა კითხვა კოროლიოვმა. — ყველაფერს, რის მიცემაც არმიისათვის ქვეყანას შეუძლია, აძლევს.

— პავლე მაქსიმოვიჩი, — გადაჭრით უთხრა განაწყენებულმა ზვიაგინცევმა, — აბა, რად ამბობ ასე?! შენ ხომ მშვენივრად გესმის, რაზეც ელაპარაკობ! თუ სერიოზული საუბრის ღირსად არ მთვლი, ეგეც მითხარი.

კოროლიოვმა ჩაიცინა.

— ღირსად არ მთვლი! — ჩამარცვლით განაგრძო მან. — შეხეთ, რა სიტყვები გამოსძებნა! რაო, თავადი ან ვინმე ფონ-ბარონი ხომ არ გგონივარ, რომ ღირსად არ ჩაგ-თვალო?

— მაშ საუბარს გვერდს რად უხვევ? — გაცხარებით წამოიძახა ზვიაგინცევმა.

— არსაითქენაც არ ვუხვევ. ხომ ხედავ, აქ, შენს წინ ვზივარ.

ამ მახვილსიტყვაობას მოკლებულმა ხუმრობამ უფრო გააგულისა ზვიაგინცევი.

— არა, უხვევ! — უფრო მეტი დაჟინებით გაიმეორა

მან. — და ეს... არ არის სწორი! შენს გარდა ვის უნდა ვესაუბრო! ჩვენ ხომ ერთად ვმსახურობთ, ერთად ვიყავით კრემლში, ამხანაგი სტალინი ხომ ჩვენც — შეც და შენც — მოგვმართავდა!.. შეუძლებელია, ამას აზრებისათვის ბიძგი არ მიეცა! შენ კი...

— რა, მე? — ხარხარით თავის წახრით შეაწყვეტინა კოროლიოვმა. — როგორც ხედავ, ვზივარ, გისმენ, მაინტერესებს, ბიძგისაგან რომელი მხარისაქენ დაიძრა შენი აზრები. აბა, მომახსენე, ფილოსოფოსო.

სიტყვა „ფილოსოფოსი“ მან უკანასკნელ მარცვალზე ირონიული მახვილის დასმით წარმოთქვა.

— რა შუაშია აქ ფილოსოფია! მე მინდა ვილაპარაკო უაღრესად პრაქტიკულ საკითხებზე, რომლებთანაც დაკავშირებულია მთელი ჩვენი სიცოცხლე! სიცოცხლეც და მოვალეობაც! რაო, შენ გგონია, თუ მე შესანგრე ინჟინერი ვარ, ჩემს ცხვირს იქით არ უნდა გავიხედო? და თუ...

— ჰო, გეყოფა თავის მართლება! — მოუთმენლად შეაწყვეტინა კოროლიოვმა. — თქვი, რის თქმაც გინდა!

— კარგი, გეტყვი, — აღელვებით თქვა ზვიაგინცევი. იგი ერთხანს დუმდა და აზრებს იკრებდა. — მაშ, ომი გარდაუვალა, ხომ?

— დავუშვათ, რომ ასეა, — დაეთანხმა კოროლიოვი.

— მაშასადამე, შეიძლება ხვალაც დაიწყოს, სწორია?

— „ხვალის“ შესახებ, ჩემი აზრით, აქარბებ. მაგრამ თეორიულად — დავუშვათ, შემდეგ?

— შემდეგ კი წარმოიშობა გარდაუვალი კითხვა: მზად ვართ თუ არა? მე, ბუნებრივია, ჩვენს ოლქზე ვამბობ, დანარჩენებზე არ ვიცი და არც შემიძლია ვიციოდე. და ჩვენს ოლქშიც ჩემთვის ყველაზე ნაცნობია საინჟინრო ჯარები, გამაგრებანი და სხვა მისთანები. აი, ახლა ჩვენ ფინეთის კამპანიის შედეგებს ვაჭამებთ, ხომ მართალია? შენ დარწმუნებული ხარ, რომ მომავალი ომი ყველაფერში ფინეთის ომის მსგავსი იქნება?

— ახლა ისეთი სულელი ვილაა, რომ ეგრე იფიქროს.

— მაგრამ ხომ ყველაფრიდან ჩანს, რომ ზოგიერთებს აგრე მიაჩნიათ! ვითომ ჩვენ იმ ომშიც ყველგან მანერკაი-მის ხაზების გარღვევა მოგვიხდება.

— არ მესმის.

— ეჰ, აბა როგორ არ გესმის! ჩვენს ოლქში ხომ ახლა მხოლოდ მსხვილი კალიბრის ზარბაზნებს მოერეკებიან!

სად არის საზენიტო? სად არის ტანკსაწინააღმდეგო? შეგ-
ხვედრია? თვითმფრინავები? — შენ გგონია, საკმაო რაო-
ლენობით გვაქვს? მისმინე, პავლე მაქსიმოვიჩი, — ხმას და-
უღაბლა და მაგიდაზე წაიხარა ზვიაგინცევი, — დარწმუნ-
ებული ხარ, რომ ჩვენ ის მითითება უკუვადგეთ?

— რომელი მითითება?

— აი, ის, მხოლოდ ნაკლები სისხლითა და მხოლოდ
სხვის ტერიტორიაზეო?

— აი, რა, ზვიაგინცევი, — უთხრა კოროლიოვმა და მის
ხმაში ახალი, ცივი, მკაცრი ინტონაცია გაისმა, — მაგ დე-
მაგოგიას თავი დაანებე. შენ, როგორც შტაბის მუშაკმა
და პარტიუროს წევრმა, კარგად იცი, რომ პარტიამ ის მი-
თითება, როგორც თვითდამამშვიდებელი, დაგმო. მაშ,
მორჩი ლაყბობას! — მოულოდნელად დაიყვირა მან და
თავისი ფართო ხელისგული მაგიდას დასცხო.

ზვიაგინცევმა გაოცებითა და დაბნევით შეხედა მას,
თან ცდილობდა, მოესაზრებინა, რას შეეძლო გამოეწვია
კოროლიოვის ასეთი აფეთქება.

მაგრამ კოროლიოვი დუმდა და სახე წითლად აფორე-
ქებოდა.

— ვერ გამიგია, რატომ ბრაზობ, — გაუბედავად
თქვა ზვიაგინცევმა. — შე, მგონი ისეთი არაფერი მითქ-
ვამს...

იგი მოლოდინით შესცქეროდა მდუმარე კოროლიოვს.

„გასაოცარი კაცია! — ჩაიცინა გუნებაში ზვიაგინცე-
ვა. — საკმარისია რაიმე ოფიციალური მითითება კრიტი-
კულად ახსენო, რომ გაშმაგდეს. თუნდაც ეს მითითება
ისევე ოფიციალურად უკვე გაკრიტიკებული იყოს“.

ღიახ, „ნაკლები სისხლით“ გამარჯვების მოპოვების
ლოზუნგი ფინეთის მძიმე და მომქანცველი კამპანიის დამ-
თავრებისთანავე ცენტრალურმა კომიტეტმა დაუყოვნებ-
ლივ დაგმო, როგორც არასწორი, არმიისათვის იოლი გა-
მარჯვების ორიენტაციის მიმცემი.

მაგრამ იგი წლების განმავლობაში ინერგებოდა და
ბუნებრივია, არ შეეძლო კვალი არ დაეტოვებინა წითე-
ლი არმიის ასი ათასობით მებრძოლისა და მეთაურის შეგ-
ნებაში. და არაფერი იყო გასაბრაზებელი იმაში, რომ ზვია-
გინცევმა ამაზე შეახსენა, შეუფოთება გამოთქვა.

მაგრამ ამ სიტყვებმა კოროლიოვზე ზვიაგინცევისთვის
სრულიად მოულოდნელი ეფექტი მოახდინა. მას პოლ-
კოვნიკი მიაჩნდა პატიოსან, საკმაოდ ჭკვიან, პირდაპირ,

თუმცა ცოტა ეშმაკ კაცად, რომელიც წმინდად იცავდა სამხედრო სუბორდინაციის პრინციპებს. მისმა ასეთმა რეაქციამ ახლახან არმიის პოპულარული მითითების გულუბრყვილო კრიტიკაზე აღაშფოთა ზვიაგინცევი.

კოროლიოვი კი ისევე ისე ღუმდა. დაძაბულად და ბრახით უცქეროდა ზვიაგინცევს, რომელსაც ეგონა, პოლკოვნიკი ეძებს სიტყვებს, რომ უფრო სრულად გამოხატოს თავისი აღშფოთებაო. მაგრამ ზვიაგინცევი ცდებოდა. მღუმარების ამ წუთებში კოროლიოვი იმაზე ფიქრობდა, რაც თავისი დაბალი სამსახურებრივი მდგომარეობის გამო ზვიაგინცევს არ შეეძლო სცოდნოდა.

პოლკოვნიკს გაახსენდა, თუ როგორ გამოიძახეს ამ ერთი თვის წინათ სარდალმა და სამხედრო საბჭოს წევრმა საოლქო შტაბის ხელმძღვანელი შემადგენლობა მოსკოვში შემდგარი მთავარი სამხედრო საბჭოს სხდომაზე ინფორმირებისათვის. სხდომაზე ლაპარაკი იყო ფინეთის წინააღმდეგ მიმართულ სამხედრო მოქმედებათა გეგმაზე, რადგან მთავრობის ყველა ცდა — მშვიდობიანად მოწესრიგებულიყო ქვეყნის ჩრდილო-დასავლეთ საზღვრების უშიშროების საკითხი — უშედეგოდ რჩებოდა და საზღვარზე კვლავ გრძელდებოდა ფინელთა შეიარაღებული პროვოკაციები.

სარდლის ინფორმაცია მშრალი და შეკუმშული იყო. მაგრამ ჩანდა, რომ გენშტაბის უფროსის მარშალ შაპოშნიკოვის ხელმძღვანელობით შემუშავებული გეგმა სტალინმა მკაცრად გააკრიტიკა. შაპოშნიკოვს ბრალად წაუყენეს წითელი არმიის ძალთა შეუფასებლობა და ფინეთის არმიის შესაძლებლობათა გადამეტვასება. მისი გეგმა უარყვეს.

კოროლიოვისა და სარდალთან თათბირზე მყოფთათვის კი მთავარი ის იყო, რომ სწორედ ლენინგრადის სამხედრო ოლქის ხელმძღვანელობას ევალებოდა მთავარი სამხედრო საბჭოს კრიტიკული შენიშვნების საფუძველზე შეედგინა ფინეთის კამპანიის ახალი გეგმა.

იმ გეგმის „შედგენაში, რომელსაც საფუძველად ედო „ნაკლები სისხლით“ ომის წარმოების პრინციპი, ესე იგი შეზღუდული ძალებითა და აუცილებელი რეზერვების თავმოყრის გარეშე მტრის სწრაფად დამარცხება, მონაწილეობა მიიღო საოლქო შტაბის ათეულობით მუშაკმა, მათ შორის ზვიაგინცევმაც.

მაგრამ ძალიან ცოტა მათგანმა იცოდა, რომელთაც

ზვიაგინცევი, ცხადია, არ მიეკუთვნებოდა, იმ მეორე, უარყოფილი გეგმის შესახებ.

კოროლიოვი კი იმ მცირეთაგანი იყო. და მისი ფიქრები არაერთხელ უბრუნდებოდა ამას, როცა ფრონტიდან მიღებულ ცნობებს კითხულობდა. როცა კარელიის ყელიდან ჩამოსულ მოყინულსა და ხველებით გათანგულ მეთაურებს ესაუბრებოდა, თვალწინ ედგა თოვლით დაფარული გზები, რომლებზეც არტილერიის, სნაიპერთა ცეცხლისა და ორმოცგრადუსიანი ყინვით მიყენებული დიდი დანაკარგის ფასად მძიმედ მიიწევდნენ წინ წითელი არმიის ნაწილები. კოროლიოვისა და შტაბის სხვა ხელმძღვანელებისთვისაც ახლა უკვე ცხადი იყო, რომ დაშვებულია სერიოზული შეცდომა — როგორც ჩანდა, მეორე, მოსკოვში უარყოფილი გეგმა უფრო სწორი ყოფილა. და მაინც იგი არასოდეს არ მისცემდა ნებას თავის თავს. ხმამაღლა ეღიარებინა ეს...

ის დღე, როდესაც მოსკოვში გადაწყვიტეს, დაბრუნებოდნენ ძველ გეგმას, როდესაც თავი მოუყარეს საჭირო რეზერვებს და დამატებითს შეიარაღებას და ლენინგრადის სამხედრო ოლქის ბაზაზე შექმნილ დასავლეთის ფრონტის ჯარების, ფლოტისა და ავიაციის მხარდაჭერით შეძლეს გადამწყვეტ შეტევაზე გადასვლა, ის დღე კოროლიოვისათვის დღესასწაული იყო.

მანერჰაიმის ხაზის გარღვევა, რამაც წინასწარ განსაზღვრა ჩვენი ჯარების გამარჯვება, დაეხმარა მას ომის დაუსრულებელი პირველი კვირებით მიყენებული სიმწრის გადატანაში.

იგი ცდილობდა არ გაეხსენებინა წარსული და თავის თავს არწმუნებდა იმაში, რომ უკვე მომხდარი ამბებიდან ყველა აუცილებელი დასკვნა გაკეთებულია.

...მაგრამ ახლა ზვიაგინცევის მიერ ჭირვეულად დასმულმა შეკითხვამ განარისხა იგი. ამ ყმაწვილმა კაცმა ხომ არ იცოდა ყველაფერი ის, რისი უსიტყვოდ გადატანაც მოუხდა კოროლიოვს.

მას უყვარდა ზვიაგინცევი. ნიჭიერ შტაბისტად და გაბედულ მეთაურად მიაჩნდა, თუმცა ერთგვარ სიფრთხილეს იჩენდა მისი სიფიცხისა და მსჯელობისადმი მიდრეკილების გამო. ასეთ შემთხვევებში იგი, ცოტა არ იყოს, უწყინარი უხეშობით შეაწყვეტინებდა ხოლმე ზვიაგინცეს: „ქარგი, ნუ ქარაფშუტობ!“

ახლა კი კოროლიოვმა თავი ველარ შეიკავა...

ზვიაგინცევი კი, რომელიც მოულოდნელად დიდად გააოცა კოროლიოვის ამ, თითქოსდა გამოუცნობმა განრისხებამ, შესცქეროდა მას და ფიქრობდა: „ნუთუ არ შეიძლება მასთან გულთხა საუბარი? ნუთუ ყოველთვის, როცა გავბედავ სუბორდინაციის საზღვრებს გავცდევ და ვიმსჯელო ისეთ საქმეებზე, რაც ჩინის მიხედვით ჩემთვის „არ არის დაწესებული“, იგი მუდამ ასეთ ბურბონ-სამსახურის კაცად გადაიქცევა? მე კი ბევრ რამეზე მინდოდა მასთან საუბარი. მინდოდა მეკითხა, იმის შუქზე, რაც დღეს სტალინმა თქვა, საკმარისად მიაჩნია თუ არა ჩვენი სიმაგრენი ჩრდილოეთში? და ხომ არ ფიქრობს სარდლობა, საზღვართან უფრო ახლოს მისწიოს საველე ნაწილები? და შეიძლება იმედი ვიქონიოთ, რომ ჭარებში მალე გამოიგზავნება ახალი ტანკები, ეს „ტ-34“, რომლის შესანიშნავი იარაღითა და ჩინებულ ჯავშნით აღჭურვილი საცდელი ეგზემპლარების ნახვა მოვახერხებ ერთხელ სამხედრო ნაწილებში?“

...ახლა, სტალინის სიტყვის შემდეგ, მომავალი ომის გარდაუვალობაში დარწმუნებულ ზვიაგინცევს გონებაში წამოეჭრა ათობით კითხვა, მათ შორის ისეთებიც, რომლებიც წინათ არასოდეს არ მოსვლია თავში. იგი შესცქეროდა ჭერ კიდე გულისწყრომად აღუმცხრალ კოროლიოვს და ფიქრობდა: „მაშ კარგი. შენ ძველი, გამოცდილი სამხედრო მუშაკი ხარ. მაგრამ ოლქის ნაწილებში განა ბევრი დარჩა ეგეთი? შენზე უკეთ ვინ იცის, რომ ჩვენთვის ცნობილი მიზეზების გამო, დივიზიებისა და პოლკების მეთაურთა თითქმის ორი მესამედი — ეს ახალი, არა უმეტეს ერთი წლის ნამუშევარი ხალხია. მართალია, მათ ფინეთის ომში გამოცდილება შეიძინეს, მაგრამ საკმარისია თუ არა ეს გამოცდილება იმ, მომავალი ომისათვის?..“

ზვიაგინცევს გუნებაში ჩაეცინა, როცა წარმოიდგინა, რა გუნებაზე დადგებოდა კოროლიოვი თუ ამ სიტყვებს პირში ეტყოდა.

კოროლიოვი კი თანდათან გონს მოეგო და მწარედ ფიქრობდა იმაზე, თუ რარიგ უცნაურად მოეჩვენა, ალბათ, ზვიაგინცევს მისი მოულოდნელი აფეთქება.

მაგრამ იგი არაფრის გულისათვის. არავითარი საბაბით არ მისცემდა ნებას, აეხსნა მისი ჭეშმარიტი მიზეზი. იმის შესახებ, რომ ჩვენი ვარაუდი ელვისებურ ომზე, ფინელების სასწრაფო კაპიტულაციასზე, არ გამართლდა, იცოდა და ესმოდა ყველას, ვინც კარელიის ყელზე იყო ნამ-

ყოფი. მაგრამ მათ არ იცოდნენ და არც უნდა სცოდნო-
დათ, რომ არსებობდა ომის სხვა გეგმა და შესაძლოა ის
რომ მიეღოთ, უფრო მალე და ნაკლები დანაკარგით შეე-
ძლებდით გამარჯვებას. და იგი, კოროლიოვი, ვერ გახდე-
ბა უმაღლესი სარდლობის მოქმედებისადმი ზვიაგინცი-
ვის სულში თუნდაც მცირეოდენ ეჭვის დამთეს კაცად.

ასეთი იყო ფიქრები ამ ორი ადამიანისა, რომლებიც
ერთმანეთის პირისპირ იხსდნენ მრგვალ მაგიდასთან, სას-
ტუმრო „მოსკოვის“ გაჩირალდნებულ ნომერში, 1940
წლის გაზაფხულზე.

სიჩუმე პირველად ზვიაგინციემა დაარღვია.

— კეთილი, პავლე მაქსიმოვიჩ, — შემარიგებლურად
თქვა მან, — იქნებ, მართლაც ისე ვერ ვთქვი.

— ჰოდა, ეგრე, — წაიბურტყუნა კოროლიოვმა. იგი
მიხვდა, ზვიაგინციევი ახლა იმას კი არ ამბობდა, რასაც
ფიქრობდა. თვითონ კოროლიოვმაც არ თქვა ის, რაც
შეეძლო და უნდოდა. და დასძინა: — მოდი, ვქამოთ, თო-
რემ გაცივდება.

მაგრამ ზვიაგინციევი კვლავინდებურად უძრავად
იჯდა.

— რატომ არ ჭამ? ფიქრები აგეშალა, განა? — უკვე
თავისი წინანდელი ირონიულ-მოწყალე მანერით შეეკი-
თხა კოროლიოვი.

— ამეშალა, — სერიოზულად უპასუხა ზვიაგინციემა.
იგი უკვე შეურიგდა იმას, რომ კოროლიოვი არ იმსჯე-
ლებდა იმ საკითხზე, რასაც ასე თუ ისე, ნაძღვილად თუ
მხოლოდ მის წარმოდგენაში შეეძლო შეელახა უმაღლე-
სი სარდლობის პრესტიჟი. ახლა მაიორი სხვა ფიქრს მის-
ცემოდა. ეს „სხვა“, ისევე როგორც მისი ახლანდელი
მღელვარების მომგვრელი ყველა აზრი, აგრეთვე მომა-
ვალ ომს უკავშირდებოდა, მაგრამ ამჟამად ამასზე იგი
ფიქრობდა უკვე არა როგორც სამხედრო პირი, არამედ
როგორც უბრალოდ ადამიანი, ჩვეულებრივი საბჭოთა
ადამიანი, სასკოლო ასაკიდანვე დარწმუნებული, რომ
არაფერია იმ იდეალებზე უფრო ძვირფასი და უფრო სა-
მართლიანი, რომლებსაც ეძღვნება მილიონობით მისი თა-
ნამემამულის სიცოცხლე.

— გამაგებინე, პავლე მაქსიმოვიჩ, — უთხრა ზვიაგინ-
ციემა, — მაინც როგორ შეიძლება ეს მოხდეს?

— რა? — გაფაციცებით შეაგება კითხვა კოროლიოვმა.

— აი ის... აბა როგორ გითხრა... — ზვიაგინციემა უზბ-

ლი შეიჭმუნხნა და თითები ისე აამოძრავა, თითქოს უნ-
დოდა დაეკირა, ჩამოეყალიბებინა მის გონებაში ჯერ კი-
დეც საბოლოოდ მოუმწიფებელი აზრი. — შენ, ცხადია,
დამეთანხმები, რომ იდეები, რომლებსაც ჰიტლერი ქადა-
გებს, ეს საზიზღარი, ბილწი იდეებია?

— ეს ფაქტია, — ხალისით დაეთანხმა კოროლიოვი.
იგი გუნებაში კმაყოფილი იყო რომ საუბარმა ნაკლებად
სარისკო თემაზე გადაინაცვლა.

— ნუთუ გერმანელები სიცოცხლეს გასწირავენ მათ-
თვის? — შეეკითხა ზვიაგინცევი.

კოროლიოვი წამოდგა. მოშვებული ქამარი მოიჭირა,
ვიმნასტურის საყულო შეიბნია და პირდაპირ ჰკითხა:

— საით გადაუხვიე, მაიორო?

— არსაით. ისე, მინდა გავიგო: ნუთუ მილიონობით
ადამიანი მზად არის სიცოცხლე შესწიროს უსამართლო
საქმეს?

— ამჟამად, იქნებ მზადაც არიან... — მოულოდნელად
ჩაფიქრებით მიუგო კოროლიოვი.

— რას ნიშნავს „ამჟამად“? — მოუთმენლად ჰკითხა
ზვიაგინცევი.

— ვხედავ, რომ ვერ მიხვდი, — ჩაიციხა კოროლიოვი-
მა. — ფსიქოლოგად კი მოგაქვს თავი. კეთილი. უფრო ნა-
თლად გეტყვი. სანამ ფაშისტს ზურგს უკან ძალა ეგუ-
ლება, იგი წამოვა... ცხელ გულზე სიკვდილსაც არ დაე-
რიდება. ნამდვილი იდეა კი რით იზომება? შეგნებული
მზადყოფნით გასწირო მისთვის სიცოცხლე. და არა მხო-
ლოდ მაშინ, როცა შენს მხარეზე ძალაა და არა მხოლოდ
ცხელ გულზე, არამედ სიკვდილის პირისპირ ორთაბრძო-
ლაში. კომუნისტს ეს შეუძლია. ფაშისტს კი ამის უნარი
არ გააჩნია.

— შენ გგონია, ხელებს მალა ასწევენ?

— არა, არა მგონია. გარკვეულ დრომდე არ ასწევენ.
შემოგვესევინა ღრიალით: „ჰაილ ჰიტლერ!“ ხოლო როცა
ჩვენ ღდინს გავაცლით, მაშინ ყველა იმათ იდეას ბოლო
მოელება.

— და მაშინ ხელები მალა?

— არა. ჯერ კიდევ არა. შიში ექნებათ. ცხოველუ-
რი შიში. სიკვდილი ხომ არავის არ უნდა. სიცოცხლისა-
თვის ბრძოლაში შესაძლოა ყელშიაც სწვდე. მაგრამ ეგ
უკვე სხვა საქმეა, უკანასკნელი ამოსუნთქვა. ფაშისტს ძალ-
ღივით სიკვდილი მოეღოს. და რა უნდა უთხრას ფაშისტ-

მა ხალხს სიკვდილის წინ? „ჰაილ?“ თუ „გაუმარჯოს მსოფლიოზე ბატონობას?“ არ გამოდის, არ ეღერს!.. აი პასუხი შენს შეკითხვაზე: იდევით კი არ მოხვეტა ჰიტლერმა თავისი მილიონები. ტკბილ ცხოვრებას შეჰპირდა ხალხს, ძარცვე სხვები და იცხოვრე, დასტკბიო!

— მაგრამ როგორ მოახერხა ეს?.. — ჯიუტად ეკითხებოდა ზვიაგინცევი.

— შენ, რა, მართლაც მამბრიყვებ, ბოლოს და ბოლოს! — წამოიძახა კოროლიოვმა. — ვინ გასწავლიდა აქადემიაში? განმარტებანი გინდა ჩემგან მიიღო? ჰა, ინებე! — მან იდაყვეში მოხრილი ხელი ასწია და თითების რიგრიგობით მოკეცვით დაიწყო ლაპარაკი: — ჰიტლერმა მოხერხებულად გამოიყენა სიტუაცია, რომელშიც აღმოჩნდა გერმანია პირველ მსოფლიო ომში დამარცხების შემდეგ. ეს ერთი. იმპერიალიზმი, გერმანული ვერმახტი თავის უკანასკნელ ფსონს ჩადის ფაშიზმის სახით. მისცეს მას მილიონობით მანეთი... რა ჰქვია... მარკები. ეს ორი. და ჰიტლერი საერთაშორისო იმპერიალიზმისთვისაც ხელსაყრელია. საყრდენია კომუნიზმის წინააღმდეგ. ეს სამი. აი, ეგ არის მთელი მექანიკა. გასაგებია?

ზვიაგინცევი ფანჯარასთან მივიდა, ფარდა გადასწია.

იქ, ფანჯრის იქით, ხმაურობდა ოხოტნი რიადი, მიჰქროდნენ მანქანები, საყვირებით აფრთხობდნენ გამვლელთ მაღალი კვადრატული „ემადინები“ და ჩვენი საავტომობილო მრეწველობის ამასწინანდელი სიახლე „ზის-101“-ები. სახკომსაბჭოს სახლში, მოპირდაპირე მხარეზე, მიუხედავად იმისა, რომ სამუშაო დღე უკვე დამთავრდა, თითქმის ყველა ფანჯარა განათებული იყო.

და იმ წუთში ზვიაგინცევს თვალწინ წარმოუდგა ჩაბნელებული ნევის პროსპექტი.

იგი შეშფოთდა, მთელ სხეულში ცივმა ქრუანტელმა დაუჯარა და გაიფიქრა: „ნუთუ შეიძლება როდისმე ეს აქაც მოხდეს?.. ჩაქრეს ჩირალდნები, გაქრეს მთელი ეს ცოცხალი, ნათელი სამყარო?...“

ამის გაფიქრებაზე ისეთმა შიშმა აიტანა, როგორც კარელიის ყელზე ყოფნის დროსაც არ განეცადა და გაახსენდა ვერა—კოროლიოვის ძმისწული. იგი სულ ახლახან, ფინეთის ომის დამთავრების შემდეგ გაიცნო, კოროლიოვმა რომ გამარჯვების აღსანიშნავ საოჯახო ზეიმზე დაჰპატიჟა.

...მან ქალს ყურადღება მხოლოდ მაშინ მიაქცია, როცა კოროლიოვმა პატეფონი მომართა და ახალგაზრდებს სთხო-

ვა ეცეკვათ. თვითონ კი თავის უფროს ძმასთან, კიროვის ქარხნის ოსტატ ივანე მაქსიმეს ძესთან ჭადრაკის სათამაშოდ მეორე ოთახში გავიდა.

სტუმრებს შორის „ახალგაზრდობა“ ცოტა იყო. ზვიაგინცევის გარდა აქ იყვნენ მხოლოდ უფროსი კოროლიოვის ქალიშვილი—ვერა, მისი მეგობარი ქალი, რომელსაც თავისი ნაცნობი ვაჟი—კონსერვატორიის სტუდენტი ახლდა და კიდევ ორი ახალგაზრდა ქალი — კოროლიოვის მეზობლები, თავიანთი ქმრებით.

როცა მაგიდა კედლისაკენ მისწიეს, რათა მეტი ადგილი ჰქონოდათ და ცეკვა დაიწყეს, „თავისუფალი“ დარჩა მხოლოდ ვერა — მისი მეგობარი ქალი თავის კონსერვატორიულ ჰაბუკთან ცეკვავდა, ცოლები — თავიანთ ქმრებთან. ზვიაგინცევის სხვა არაფერი დარჩენოდა, მისულიყო დივანზე მარტოდ მჯდომ ქალიშვილთან და საცეკვაოდ გაეწვია.

ქალიშვილმა უპასუხა:

— სჯობს, დაბრძანდეთ და ვისაუბროთ. — და ჰკითხა: — თქვენ, მგონი, ახლახან დაბრუნდით ფრონტიდან?

ვაჟი დივანზე ჩამოჯდა. ვერამ როგორღაც ძალიან ბუნებრივად და უბრალოდ ახლოს მიიწია მასთან, პირდაპირ ჩახედა თვალებში და კვლავ ჰკითხა:

— ყოველივე იმის შემდეგ, რაც თქვენ გადაიტანეთ, ალბათ, ძალიან სასიამოვნოა ასე, სითბოში, ელექტრონის შუქზე ჯდომა, არა?

იგი ყოველგვარი აფექტაციისა და კეკლუცობის გარეშე აძლევდა კითხვებს ზვიაგინცევის, თან ისეთი ყურადღებითა და ჩაცვივებით უცქეროდა, თითქოს სურდა დაერწმუნებინა, რომ ვაჟის პასუხები მისთვის ძალზე მნიშვნელოვანი იყო.

მიუხედავად ამისა, ზვიაგინცევი პირველად ვერას დაბნეულად და ნახევრად ხუმრობით პასუხობდა. თვალი უფრო მის ლამაზ მეგობარ ქალიშვილისაკენ გაუბრუნდა, რომელიც თავდავიწყებით ცეკვავდა თავის სტუდენტთან ტანგოს „შავი თვალების“ ჰანგზე. ეს ცეკვა უკვე რამდენიმე წელია მოდიდან არ გადიოდა. გამხდარი, ტანმორჩილი, ბავშვივით ფართოდგანხილი ცნობისმოყვარე თვალებით ვერა ნამდვილად ვერ შეედრებოდა თავის გრძელკანკება ლამაზ მეგობარ ქალიშვილს და ზვიაგინცევემა სინანულით გაიფიქრა, თაყვანისმცემლით ნეტა ვერა მოსულიყო და არა მისი მეგობარიო.

მან რამდენჯერმე უშედეგოდ სცადა დაეჭირა იმ მეო-

რე ქალიშვილის მზერა, ხოლო როცა შენიშნა, ვერა კვლავინდებურად მოიამინებოდა და ლოდინით შესცქეროდა. უთხრა:

— რა თქმა უნდა, ომი თავლის ჰამა როდია.

და იმ წამს ვერას ჩაიციებულ მზერაში ისეთი საყვედურის მსგავსი რამ შენიშნა, თითქოს ქალიშვილი მისგან სულ სხვა პასუხს ელოდა.

ზვიაგინცევი ისე დაიბნა, თითქოს ბავშვი მოეტყუებინოს და ღიმილით უთხრა, რომ „ომი ომია“, როგორც ფრანგები იტყვიანო, და ამჭერად უკვე საბოლოოდ დაიბნა, რადგან მიხვდა, რომ უხამსად იქცეოდა.

ვერამ თავი გაიქნია და რბილად, მაგრამ დარწმუნებით თქვა:

— არა, ეს არ არის პასუხი. ერთ-ერთ ჰოსპიტალში პრაქტიკას გავდიოდი, იქ მოყინულებს მკურნალობდნენ. მე მიხედებოდა მათთან საუბარი. ისინი საშინელ ამბებს ჰყვებოდნენ. მითხარით, თქვენ ფრონტზე იყავით?

პირველ წამს ზვიაგინცევს ეწყინა კიდევ. მაგრამ ვერას სახეზე ეტყობოდა, რომ მისი თავმოყვარეობის შეღახვას. სულაც არ ფიქრობდა. აშკარად ჩანდა, რომ ამ გულუბრყვილო კითხვებს იგი სრულიად გულწრფელად იძლეოდა.

მაშინ ვაჟმა უპასუხა, რომ ომის სამივე თვე ფრონტზე. საინჟინრო ნაწილში დაჰყო.

— ბევრი ქალიშვილი იყო იქ? — ჰკითხა ვერამ.

— ქალიშვილები? — გაოცებით გაიმეორა ზვიაგინცევმა, მაგრამ მაშინვე მიხვდა, რომ იგულისხმებოდა სამხედრო მოსამსახურეები და უპასუხა, ქალიშვილებიც იყვნენ, განსაკუთრებით სამედიცინო პერსონალიო.

თანდათანობითა და თავისდა შეუშინევლად ზვიაგინცევი საუბარში ჩაერთო და უკვე აღარ ნანობდა, რომ იმ გრძელკანკება ქალიშვილთან არ ცეკვავდა.

იგი გრძნობდა, ვერა მას რაღაც ალერსიანი დაინტერესებულობით ექცეოდა. ზვიაგინცევს ეს სიამოვნებდა. კარელიის ყელზე იმ მუდმივ სიცივეში გატარებული სამი გაუთავებელი ყინვიანი თვის შემდეგ, რომლისგანაც ვერც კოცონი გიხსნიდა და ვერც რკინის დროებითი ღუმელი, იგი პირველად მოხვდა მშვიდ, მყუდრო ოჯახურ გარემოში. და ომის შემდეგ გაცნობილი პირველი ქალიშვილი იყო ვერა, რომელიც მას გულწრფელი ინტერესით მოექცა.

ზვიაგინცევი უცოლო იყო. იგი მშობლებთან ერთად შორეულ ციმბირის ქალაქში ცხოვრობდა. საშუალო სკოლის.

დამთავრების შემდეგ კომკავშირული მობილიზაციით სამხედრო-საინჟინრო ჯარის ნაწილში გაგზავნეს. შემდეგ ზვიაგინცევი სამხედრო-საინჟინრო აკადემიაში შევიდა. წარმატებით დაამთავრა და შტაბში სამუშაოდ მიავლინეს.

იგი კაპიტანი გახდა, კარგი თანამდებობა მიიღო. ფინეთის კამპანიაში თავი გამოიჩინა და წითელი ღრის ორდენით დააჯილდოეს, მაიორის წოდებაც მისცეს... დაოჯახება კი ჯერ ვერ მოასწრო.

რასაკვირველია, ვერასთან შეხვედრამდე მას ჰქონდა გატაცებანი. მაგრამ ვერას ისეთ მომენტში შეხვდა, როცა უძილო ღამეებით განაწამები, გადაქანცული ზვიაგინცევი მთელი თავისი არსებით აპყვებოდა ყოველ ქალიშვილს, რომელიც კი მისდამი ყურადღებას გამოიჩენდა.

...ვერას შამა შინ აღრე წავიდა, როცა სხვა სტუმრებიც აიშალნენ, ზვიაგინცევმა სთხოვა ვერას, გაგაცილებო.

პოლკოვნიკი კოროლიოვი ლიტეინზე ცხოვრობდა, ვერას კი სადღაც შორს, ნარვის საგუშაგოს იქით. ისინი ავტობუსით გაემგზავრნენ, მაგრამ ნარვის საგუშაგომდე ორი-სამი გაჩერებით აღრე ზვიაგინცევმა დაითანხმა ვერა, ჩასულიყვნენ და დანარჩენი გზა ფეხით გაევილოთ.

დაახლოებით ნახევარი საათით პატარა სკვერში დასხდნენ. ასე ეგონათ, თითქოს იქ, კოროლიოვებთან და ახლაც, ვერას სახლისაკენ მიმავლებმა, მთელი ქვეყნის ამბებზე მოასწრეს ლაპარაკი. ზვიაგინცევმა გაიგო, რომ ვერა სამედიცინო ინსტიტუტში სწავლობს, ოცი წლისაა, გაუთხოვარია. და მალე ბავშვთა ექიმი გახდება. ახლახან წაკითხული წიგნებიდან ყველაზე უფრო მოეწონა ტანკერი „დერბენტი“. უყვარს ლექსები და წარსული ღრის პოეტებიდან მის გულთან ყველაზე ახლოა — ბლოკი, თანამედროვეთაგან კი — დიმიტრი კედრინი...

როდესაც ისინი პატარა სკვერში ისხდნენ, ვერამ მოულოდნელად ჰკითხა:

— როგორ გგონიათ, მე შევძლებდი... ვთქვათ... ფრონტზე ყოფნას?

ზვიაგინცევმა ხუმრობით უთხრა, რაკი ასეთი სპეციალობა ავირჩევია, შეძლებდიო. ექიმ ქალებს ხომ სამხედრო სამსახურში მამაკაცების თანაბრად იწვევენო.

მაგრამ ვერამ თქვა:

— არა, მე ამას როდი გეკითხები. ისე მაინტერესებს: მე თუ გავუძლებდი?..

თავისდაუნებურად ზვიაგინცევმა წარმოიდგინა ვერა. იქ.

კარელიის ქარბუქიან გზებზე, გაწამებული, გათოშლილი და უცებ შეებრალა.

მან ხელზე მოჰკიდა ხელი, თავისი ფართო ხელისგული მის პატარა თითებს დააფარა, თითქოს უნდა გაათბოსო, თუმცა სრულებითაც არ ციოდა, გაზაფხული მოახლოებულიყო.

მას წინააღმდეგობა არ გაუწევია და ზვიაგინცევის შეხება თითქოს სულაც ვერ იგრძნო, ფიქრებში გართული საღლაკ შორს იცქირებოდა.

შემდეგ თითქოს ისევ მიწაზე დაეშვა, მსუბუქი, ოდნავ საგრძნობი მოძრაობით გაითავისუფლა ხელი, გაიღიმა და თქვა:

— ალბათ, რა კარგია იმ ჯოჯოხეთიდან გაჩახჩახებულ, მშვიდობიან ქალაქში დაბრუნება... იცით, ალექსეი, მე მშურს თქვენნი.

— შესაშური არაფერია, — უპასუხა ზვიაგინცევემ, რადგან ეგონა, ფრონტზე ჩემს ყოფნას გულისხმობსო, — თითოეული ჩვენგანი აკეთებს იმას, რაც ევალება. მე კი სამხედრო კაცი ვარ.

— არა, ამაზე კი არ ვამბობ, — წყნარად მიუგო ვერამ. — უბრალოდ, თქვენ ახლა ყველაფერს სხვა თვალთხედით. ამ ქუჩებსაც, ფანრებსაც, ხალხსაც... ხედავთ იმას, რასაც ვერ ვხედავ მე... თქვენ არ გეჩვენებათ, ალიოშა, რომ ამ გაცვეთილმა ფრაზამ იმის შესახებ, რომ ყველაფერი შეიღარებისას შეიცნობა, ახლა თქვენთვის და ყველა იმათთვის, ვინც ფრონტზე იყო, განსაკუთრებული აზრი შეიძინა? თქვენ ხომ სხვა სამყაროში, ასე ვთქვათ, რომელიღაც სხვა განზომილებაში შეიხედეთ... შემდეგ კი ჩვენსაში დაბრუნდით და თქვენ ყველაფერს სხვაგვარად უნდა ჰკრეტდეთ. ჩირაღდნებს — უფრო კაშკაშად, ფერებს — უფრო მკაფიოდ.

ვერას სახლის შესასვლელთან კიდევ რამდენიმე წუთს იღებენ.

— ახლა კი გამომშვიდობების დროა, — უთხრა ვერამ და დასძინა: — მე ძალიან მოხარული ვარ, რომ ერთმანეთი... გავიცანით.

ქალიშვილმა ხელი გაუწოდა. ვაჟმა წამით შეაჩერა თავის ხელისგულში მისი პატარა, წვრილი ხელის მტევანი.

შემდეგ ზვიაგინცევი მარტო იდგა შესასვლელთან, რომელშიც რამდენიმე წამის წინ ვერა მიიშალა და ანცვიფ-

რებდა იმ სიცარიელის შეგრძნება, რომელიც მას დაუფლებოდა.

და მაინც ზვიაგინცევი მაშინ ამ შეხვედრას დიდ მნიშვნელობას არ ანიჭებდა.

— იგი შინ ძალიან გვიან მივიდა. კიდევ კარგი, მეორე დღე კვირა იყო და შეიძლო კარგად გამოეძინა. ლოგინში იმ რწმენით ჩაწვა, გათენდება და ვერა აღარც გამახსენდებაო. მაგრამ დილით, თვალის გახელისთანავე მასზე ფიქრი ისე აპყვა, თითქოს სიზმარშიც კი ვერაზე ეფიქროს. „სისულელეა, — არწმუნებდა თავის თავს ზვიაგინცევი, — ყოველივე ამას მე ვთხზავ. იმ ქალიშვილში განსაკუთრებულს ვერაფერს იპოვის კაცი. თუმცა, იქნებ არის კიდევ, მაგრამ მე ხომ ამისთანა რამეს ვერც დავინახავდი. განა რა მოხდა ჩვენს შორის? ცოტაოდენი ვისაუბრეთ, შემდეგ ავტობუსით ვიმგზავრეთ, მერე სულ რაღაც ოციოდე წუთი ფეხით ვიარეთ, სკვერში ვისხედით... ეშმაკმა დალახეროს, მე ხომ ასჯერ უფრო მორიდებით ვექცეოდი, ვიდრე სხვა ქალიშვილებს, რომლებიც კი მომწონებია. მოწაფეებივით მივდიოდით, ხელმკლავიც კი არ გამიყრია. და არც ისეთ რამეზე გვილაპარაკია. არავითარი ფლირტი, არავითარი გადაკრული სიტყვები, ან როგორც ახლა მოდაში შემოდის, ლაპარაკი ქვეტექსტით. მაშ, რა მოხდა? რატომ ვფიქრობ სულ მასზე?“

კიდევ რამდენიმე დღე გავიდა და ზვიაგინცევი მიხვდა, რომ ძალიან უნდოდა კვლავ ენახა ვერა. დაარწმუნა თავისი თავი, რომ ქალიშვილს მხოლოდ იმისთვის უნდა შეხვედროდა, რათა შეეწყვიტა მასზე ფიქრი. უკანასკნელად ენახა და დაევიწყებინა.

მაგრამ მან არ იცოდა ვერას ტელეფონის ნომერი. იმდღევანდელი შეხვედრისას არც კი უკითხავს, ჰქონდა თუ არა მას ტელეფონი.

რჩებოდა მხოლოდ ერთი შესაძლებლობა — კოროლიოვისთვის დაეტყუებინა ნომერი.

იგი შევიდა პოლკოვნიკის კაბინეტში, საქმეებზე ილაპარაკა, შემდეგ მოჩვენებითი გულგრილობით უთხრა, გასულ კვირას ვერამ მთხოვა, გამეგო, ერმიტაჟში სურათების ფერადი კატალოგი თუ იყიდებაო. მეც დავეთანხმე, ერმიტაჟი ხომ აქვე გვერდითაა — ფანჯრიდანაც მოჩანს და ახლა გთხოვთ გადასცეთო...

რასაკვირველია, შეიძლება კოროლიოვი დათანხმებულიყო ამ დავალების შესრულებაზე. მაშინ ხომ ზვიაგინ-

ცევი სულელურ მდგომარეობაში აღმოჩნდებოდა. წარმოდგინა, როგორი განცვიფრებით მოუსმენდა ვერა პოლკოვნიკს, როდესაც იგი ერმიტაჟის შესახებ მთელ ამ მონაჩმახს გაუმეორებდა.

მაგრამ ამ თამაშის მოგების შანსიც არსებობს და ზვიგინცევმა მოიგო. კოროლიოვი მაგიდაზე გაშლილ რუკებს ჩასტკეპროდა და ზვიგინცევს თავაუღებლივ უპასუხა, დავალების შესრულება. შენ თვითონ მოახსენეო.

ზვიგინცევმა გულგრილადვე შენიშნა, ვერას ტელეფონის ნომერი არ ვიცით და კოროლიოვმაც ავტომატურად დაუსახელა ნომერი.

იმ საღამოს ზვიგინცევმა ქალიშვილს დაურეკა. დადხანს ფიქრობდა პირველად სათქმელ ფრაზაზე და ოდნავ უხეშოხუნჯური სიტყვები შეარჩია: „ამხანაგი ვერა ბრძანდებით? მოგახსენებთ მაიორი ზვიგინცევი“...

ქალს, ეტყობა, გაეხარდა მისი ხმის გაგონება. ისინი შეხვდნენ ერთმანეთს და უამინდობის მიუხედავად, კუნძულებზე პარკში წავიდნენ. ზვიგინცევს ვერა ახლა გაცილებით უფრო მიმზიდველი ეჩვენა, ვიდრე წინა შეხვედრისას. მას ვიწრო, წელში გამოყვანილი, გემოვნებით შეკერილი პალტო ეცვა, ბერეტი ხელში ეკავა და ქარი ოდნავ ურხეიდა რბილ, გვერდზე გაყოფილ ქერა თმას.

ისინი კაფეში შევიდნენ. შემდეგ განცალკევებით მდგარ მერხზე ჩამოსხდნენ და მაშინ ზვიგინცევმა სცადა მოხვეოდა ვერას და თავისკენ მიეზიდა.

მაგრამ მოხდა ის, რასაც იგი სრულებითაც არ მოელოდა. ვერამ ისეთი გაკვირვებით შეხედა, თითქოს პირველად ხედავდა. მერე თავაზიანად, მაგრამ მტკიცე გადაწყვეტილებით გაითავისუფლა თავი მისი მკლავებისაგან, თავისი ფართოდ გახელილი თვალებით შეაჩერდა, თავი გაიქნია და უთხრა:

— ნუ იზამ ამას, ალიოშა.

ზვიგინცევს მისი ექსტისა და სიტყვებისათვის განსაკუთრებული მნიშვნელობა არ მიუცია და რამდენიმე წუთის შემდეგ კვლავ იგივე გაიმეორა: ამჯერად ვერა არც კი შერხეულა, მხოლოდ უთხრა:

— მე ხომ გთხოვეთ, ალიოშა, ნუ იზამთ!

ქალმა ეს სიტყვები რაღაცნაირი ახალი, შეცვლილი, მშრალი და გულგრილი ხმით წარმოთქვა.

ვერას რომ ზვიგინცევი ხელისკვრით მოეშორებინა.

მასზე ეს ისე ძლიერ არ იმოქმედებდა, როგორც ამ სიტუაცია იმოქმედებს.

ვაუმა მორჩილებით დაუშვა მკლავები და იგრძნო, რომ მათ შორის ერთბაშად აღიმართა გამკვირვალე, მაგრამ გადაულახავი კედელი.

რამდენიმე ხანს დუმდნენ, შემდეგ ვერამ უთხრა:

— მე შესძის თქვენი, ალიოშა. ალბათ, გაწყენინეთ. ჩემთვის ძალიან სასიამოვნო იყო თქვენთან ყოფნა, როგორც ამხანაგთან. ეს კი — სხვა რამ არის...

მათ შორის დამყარებული მორიდებულობა უკვე აღარ ქრებოდა. მან ვერა შინ ტაქსით მიაცილა, ისინი ახალი შეხვედრის დაუთქმელად დაემშვიდობნენ ერთმანეთს.

და მაინც ერთი კვირის შემდეგ მან ვერას ისევ დაურეკა.

— გამარჯობათ, ვერა, — მიესალმა ზვიაგინცევი. — ეს მე ვარ!... ცხადია, თქვენ უკვე დაგავიწყდით...

მან თვითონ დააპატიჟებინა თავი. გამოიგონა რაღაც ლათაია, შენს რაიონში, შენი სახლის სულ ახლოს მოხვდიო და თანხმობის მიღებისთანავე თავქუდმოგლეჩით გამოვარდა სატელეფონო ჯიხურიდან, რომ ტაქსი დაეჭირა და სარწმუნოდ მოკლე დროში მისულიყო.

გზაში იმაზე ფიქრობდა, ვერა მარტო დახვდებოდა თუ მშობლებიც შინ იქნებოდნენ. და მაშინ როგორ დაეჭირა თავი მათ წინაშე.

ყველაფერი კი სულ სხვაგვარად წარიმართა, ვიდრე მას შეეძლო წარმოედგინა. ვერას მშობლები შინ არ აღმოჩნდნენ, მაგრამ ქალიშვილი მარტო არ იყო. ზვიაგინცევს შეეგება ახოვანი, სპორტული ტიპის ლამაზი ქაბუკი, ხელის გაწოდებისას თვალები ოდნავ მოქუტა და სახელით კი არ გაეცნო, როგორც ეს ახალგაზრდებს შორის არის მიღებული, არამედ გვართ:

— ვალიცკი...

რამდენიმე წუთის შემდეგ ზვიაგინცევი უკვე მიხვდა, რომ იგი იქ ზედმეტი იყო. ის ისე, უბრალო თავაზიანობისათვის მიიპატიჟეს.

ეს ვალიცკი, რომელსაც ვერა ტოლენკას ეძახდა, თავისი სიმაღლით, თავისი ხმითა და თავისი სიცილით თითქოს მთელ ოთახს ავსებდა. იგი თითქოსდა ზვიაგინცევსა და ვერას შუა იდგა და საკუთარი არსებით სულ მთლად გადაფარვოდა ქალიშვილს.

ზვიაგინცევი მალე წავიდა. იგი გაჯავრებული, ნაწყე-

ნი, შეცბუნებული ჩადიოდა კიბეზე და ცდილობდა. თავი დაემშვიდებინა:

„ძალიანაც კარგი. ჰოდა, აგრე იყოს, ახლა მაინც შემძლია ყოველივე ეს თავიდან ამოვიგდო. წარმოგიდგენიათ ასეთი სისულელე? მთელი კვირა გაოგნებული დავდიოდი მხოლოდ იმიტომ, რომ აბეზარი ფიქრი ამეკვიატა. იმან კი არაფრად ჩამაგდო! რა ეშმაკად დავურეკე, ძალად დავეპატიე... რას ვიზამთ, ჭკუის სასწავლებელია“.

ამ შინაგანი მონოლოგის ბოლოს ზვიაგინცევი უკვე დარწმუნებული იყო, რომ ვერასაღმში სავსებით გულგრილდა.

მაგრამ იგი ამჯერადაც შეცდა.

მოგვიანებით, როცა ზვიაგინცევი ისევ და ისევ ცდილობდა თავისი გრძნობების გაანალიზებას და თავის თავს ეკითხებოდა, თუ რა მოსწონდა ვერაში, ამას ერთი სიტყვით პასუხობდა: „უმწეობა“.

ღიახ, ღიახ, სწორედ ასეთად ეჩვენებოდა მას ვერა. ეს მაშინ იგრძნო, როდესაც იგი ანატოლის გვერდით ნახა. გრძნობდა, რომ უზარმაზარ, თავის თავში დარწმუნებულ ჭაბუკს შეეძლო როგორც მოისურვებდა, ისე მოპყრობოდა ქალიშვილს. ვაჟი ჯაბნიდა მას.

როგორ? რატომ? რით?... ამ კითხვებზე ზვიაგინცევი პასუხს ვერ გაგცემდათ. მისი შეგრძნება ინტუიციური იყო, ყოველგვარ ფაქტებს მოკლებული. იქნებ, მას სიამოვნებდა, სურდა ეფიქრა კიდეც, რომ ვერას უნდა მისი დახმარება. მაგრამ, როგორც ყველაფრიდან ჩანდა, ქალიშვილი ამას არ საჭიროებდა...

ამ ხნის განმავლობაში ზვიაგინცევემა მაინც რამდენჯერმე დაურეკა ტელეფონით, ორჯერ თეატრში წაყვანაზეც დაიყოლია...

იგი როგორცაა შეეჩვია აზრს, რომ ადრე თუ გვიან ვერასთვის საჭირო გახდებოდა — როდისმე ქალიშვილს რაიმე საშიშროება ან ამგვარი რამ დაემუქრებოდა და მაშინ ვერა სულ სხვა თვალით შეხედავდა მას.

... ქალიშვილი ერიდებოდა მასთან შეხვედრას. ვაჟი გრძნობდა ამას და მაინც უნდოდა მისი ნახვა. თუნდაც იშვიათად. ტელეფონით ურეკავდა. პასუხობდნენ, შინ არ არისო. ისევ ურეკავდა...

ზოგჯერ ზვიაგინცევი აიძულებდა საკუთარ თავს, აღარ ეფიქრა ვერაზე. მაგრამ ამას ცოტა ხნით ახერხებდა. და მაშინ იგი ისევ ურეკავდა.

მაგრამ ყველაფერი ისევ ძველებურად რჩებოდა...

„... და რა მოუვა მაშინ მას?“ — შეეკითხა ფიქრში წასული ზვიაგინცევი თავის თავს, როცა ღია ფანჯარასთან იდგა და მოსეირნე ხალხით სავსე გაკაშკაშებულ ქუჩას გასცქეროდა.

ამ დროს მძიმე ფიქრებიდან გამოიყვანა კოროლიოვის სიტყვებმა:

— მომისმინე, მაიორო, — მისთვის უჩვეულო ყრუ ხმით თქვა კოროლიოვმა. — როგორ გგონია... იგი... ჰო. იგი... დარწმუნებულია, რომ ომი მოგვიხდება? მიაჩნია, რომ ვიქნებით?.. დანამდვილებით?

— ვფიქრობ, დარწმუნებულია, — მტკიცედ მიუგო ზვიაგინცევმა.

ისინი ერთ წუთს დუმდნენ.

— მაშ, ასე, — თქვა კოროლიოვმა, — თან გიმნასტურის ნაკეცები გაისწორა და ისევ მაგიდასთან მივიდა. — აბა, მოდი თითო-თითოც დავლიოთ და წაველ, ბარჯხ ჩავალაგებ. — საათს დახედა. — ორმოცი წუთის შემდეგ ვაგზალზე უნდა ვიყოთ...

II

1940 წლის 12 ნოემბერს უნტერ-დენ-ლინდენზე, ცივი და მედიდური ბერლინის ერთ დროს ამ ულამაზესსა და ხალხმრავალ ქუჩაზე, მიემართებოდა ავტომობილების კორტეჟი — ოთხი შავი „მერსედესი“.

წინ მიდიოდნენ „სს“-ის ფორმაში გამოწყობილი, ფოლადის მუზარადიანი მოტოციკლისტები. პირველი „მერსედესის“ ფარებს ზემოთ ფრიალებდნენ ალმები: გერმანული — სვასტიკიანი და საბჭოთა — ნამგლითა და უროთი.

პირველ მანქანაში ისხდნენ საბჭოთა დელეგაციის მეთაური, საბჭოთა კავშირის საგარეო საქმეთა სახალხო კომისარი მოლოტოვი და გერმანიის საგარეო საქმეთა მინისტრი იოახიმ ფონ რიბენტროპი. ისინი უკან იხსდნენ, მათი თარჯიმანები კი — წინ, გადასაწევე სავარძლებზე.

სახკომი დუმდა. იგი გაუნძრევლად იჯდა. ერთბორტიანი შავი პალტოს ყველა ღილი შეკრული ჰქონდა. მუქ-ნაცრისფერი ოღნავ აკეცილფარფლებიანი შლაპა ეხურა და უმოძრაო მზერა წინ მიეპყრო.

ეს აღიზიანებდა რიბენტროპს, „ცხადია, — ფიქრობდა

იგი, — მინისტრი ნაწყენია იმ გულცივ-ფორმალური მიღებით, რაც ეს-ეს არის ანპალტის ვაგზალზე გაუმართეს“. რას იზამ, ყველაფერი ნოტების მიხედვით გათამაშდა. შეხვედრის ცერემონიალი თვით ფიურერმა განსაზღვრა: უბრალო ხელის ჩამორთმევა. არავითარი ლიმილი. რიბენტროპსა და კაიტელს გარდა, არც ერთი წარჩინებული მოხელე ან გენერალი, მხოლოდ სამინისტროს მეორეხარისხოვანი ჩინოვნიკები და საბჭოთა საელჩოს მუშაეები. ვაგზლის შენობის ორივე მხარეს ორი პატარა საბჭოთა ალაში, შუაში კი — რამდენიმე სეასტიკიანი დიდი, მძიმე დროშა. საპატიო ყარაულის გავლა უნდა ყოფილიყო მრისხანე, დიდებული და შემართული, როგორც მეცხრე ტალღა.

ფიურერს უნდოდა, რომ ამ კაცს, საბჭოთა სახკომს, დაადგამდა თუ არა ფეხს ბაქანზე, ეგრძნო, რომ ჩამოსულია მესამე რაიხის ცენტრში, დიდი გერმანიის დედაქალაქში. იგი უნდა განცვიფრდეს, სული დაუმძიმდეს ამ სახელმწიფოს პირქუში სიდიადით. იმ წამსვე იგრძნოს, რომ აქ ნაკლებად არიან მიჩვეული მორჩილებას, ვიდრე მბრძანებლობას. ყველაფერი იქით იყო გამიზნული, რომ პირველივე წუთებიდან გამაოგნებელი შთაბეჭდილება მოეხდინათ ამ ძველმოდურ პენსნიან ტანმორჩილ პედანტ კაცზე.

მაგრამ ჩანდა, სახკომი მზად იყო ასეთი შეხვედრისათვის. მისალმებისას ქუდი ოდნავ ზეაწია. ხელის ჩამორთმევისას თავისი ცივი, თითქოს გაშეშებული თითებით ნელა შეეხო რიბენტროპის ხელს. უძრავად მდგომ ქარისკაცებს რომ ჩაუთარა, მხოლოდ წამით შეავლო მათ ინტერესსმოკლებული მზერა.

რიბენტროპი ცერად შესცქეროდა სახკომს და ბოროტ კმაყოფილებას განიცდიდა.

მას უხაროდა, ყველაფერი ისე რომ გაკეთდა, როგორც წინასწარ განზრახული იყო. თანაც ფიქრი იმაზე, რომ იგი, რიბენტროპი ესოდენ მნიშვნელოვან როლს ასრულებს ისტორიაში, პატივმოყვარეობას უღვივებდა. ხოლო რიბენტროპს ეჭვი არ ეპარებოდა იმაში, რომ ის, რაც ახლა ხდებოდა, უთუოდ ისტორიის კუთვნილებად იქცეოდა, ისევე, როგორც ყველაფერი რაც შემდეგ მოხდებოდა.

შამპანური ღვინოების ყოფილი ვაჭარი განდიდებისა და არასრულფასოვანების შერეული კომპლექსით იყო დაავადებული. მისმა ვარსკვლავმა, რომელსაც მაშინ ჯერ

კიდევ ვერავინ ხედავდა, 1933 წელს იწყო ამოსვლა. ერთ საღამოს ორი კაცი შეუმჩნევლად გამოძვრა გერმანიის პრეზიდენტის რეზიდენციიდან. მათ არ ისურვეს სამსახურის მანქანის გამოყენება და ჩახტნენ იმ პირველსავე ტაქსში, რომელიც მოიხელთეს. შოფერს მისამართი მისცეს — ბერლინის მივარდნილი გარეუბანი, ვინმე ბატონ რიბენტროპის ბინა.

ესენი იყვნენ სახელმწიფო მდივანი მაისნერი და პრეზიდენტ ჰინდენბურგის ვაჟი ოსკარი. არც ერთმა არ იცოდა, რა კაცი იყო ეს ყველასათვის უცნობი ნაცისტი. მათ მხოლოდ ის ჰქონდათ მოსმენილი, რომ ეს იყო მეგობარი ფონ პაპენისა, რომელსაც, მგონი ჭერ კიდევ მსოფლიო ომის დროს თურქეთის ფრონტზე გაეცნო.

საერთოდ მათ არაფრად მიაჩნდათ ვიღაც რიბენტროპი. მათ გაცილებით უფრო მნიშვნელოვანი მიზანი ჰქონდათ — შეხვედროდნენ სხვა კაცს, სახელად ადოლფ ჰიტლერს, რომლის პარტიამ რაიხსტაგის უკანასკნელ არჩევნებში გაიმარჯვა. ენახათ ამ პარტიის ბელადი, რომელზეც ჰინდენბურგმა თქვა, სანამ ცოცხალი ვარ, არ დავუშვებ, რომ ვიღაც ყოფილმა ეფრეიტორმა გერმანიის კანცლერების სავარძელი დაიკაოსო.

მათ კარი გაუღო კაცმა, რომელიც პარიზელ ბულვარდიუსა თუ ალექსანდერპლაცზე მდებარე საექვო დაწესებულების მეპატრონეს ჰგავდა და სახეზე გაიძვერული, ქარაფშუტული ღიმილი დასთამაშებდა. სქლად პომადაწასმული თმა უბზინავდა. მაისნერმა და ოსკარ უაილდმა ყურადღებაც არ მიაქციეს ამ პრანკიას. მის მიერ ჩურჩულით ნათქვამი მრავალმნიშვნელოვანი სიტყვის შემდეგ „აქააო“, ზედაც აღარ შეუხედავთ.

ღიახ, ჰიტლერი იყო აქ, ამ სახლში, აქვე იყვნენ პაპენი, გერინგი და ფრიკი.

იქ მყოფნი და, უწინარეს ყოვლისა თვით რიბენტროპი, რომელმაც სხვებზე ნაკლებ როდი იცოდა ჰინდენბურგის დამოკიდებულება ფიურერისადმი, გაოცდნენ, როცა პრეზიდენტის ვაჟი ოსკარი შეხვედრიდან რამდენიმე წუთის შემდეგ ჰიტლერთან ცალკე ოთახში განმარტოვდა.

არავინ არ იცოდა, რაზე ილაპარაკეს.

ასე იყო თუ ისე, ერთ-ერთი გადაწყვეტი პაემანი რიბენტროპის სახლში შედგა. ეს შეხვედრა წინ უსწრებდა ჰინდენბურგის მიერ ფიცის გატეხვას და ჰიტლერის კანცლერად დანიშვნას.

რიბენტროპს ეს ყოველთვის გაუნელებელი სიამაყის გრძნობით ახსოვდა და, რაც მთავარია, ეს თვით ჰიტლერსაც არ დაევიწყებია. სულ მალე რიბენტროპი დაემშვიდობა იმ მივარდნილ ადგილს, სადაც წლების განმავლობაში ცხოვრობდა და გადავიდა ერთ-ერთ მდიდრულ ბინაზე კუდამში — ასე უწოდებდნენ ბერლინურ ქარგონზე კურფიურსტენდამს, დედაქალაქის ერთ-ერთ ფეშენებლურ ქუჩას და ნაცისტური პარტიის საგარეო პოლიტიკის ბიუროს ხელმძღვანელი გახდა.

რიბენტროპი გაუნათლებელი, ზარმაცი მაგრამ პატივმოყვარე და ამპარტავეანი იყო, როგორც ყველა პრუსიელი არისტოკრატი.

მისთვის დიდად სამწუხაროდ, იგი არ იყო არისტოკრატი და მისი ყოველი ცდა — მიმსგავსებოდა მაინც, უშედეგოდ მთავრდებოდა.

მალული შურის გრძნობით აცქერდებოდა რაიხსვერის კადრის გენერლებს ხმელ-ხმელ, ჩამოგრძელებულ, ქედმალლურ, მოყვითალო სახეებს, მათ თითქოსდა დაბადებიდანვე თანდაყოლილ მონოკლებს.

ერთი ხანობა თვითონაც სცადა მონოკლის ტარება, მაგრამ წყეული მინა სტკენდა თვალბუდეს და წამდაუწუმ უხსლტებოდა. გარდა ამისა, მონოკლი რიბენტროპს მხედველობასაც უშლიდა. ამას მალე მიუხვდნენ ისინი, ვისაც ყოველდღე ხვდებოდა. ვერადა ვერ დაივიწყა ერთხელ ფიურერის საყვარელმა კაცმა, წყეულმა გერინგმა, ღორმა, უცერემონიო ხეპრემ ქალაღდი რომ გაუწოდა წასაკითხად და დაცინვით უთზრა:

— ოღონდ მონოკლი მოიძრეთ, რიბენტროპ, ეს მნიშვნელოვანი დრკუმენტია...

მიუხედავად ამისა, რიბენტროპის ვარსკვლავი სულ ზევით და ზევით მიიწევდა. 1936 წელს ჰიტლერმა იგი ელჩად დანიშნა ინგლისში და მთავარ მიზნად დაუსახა ამ სახელმწიფოსთან შეთანხმების შესაძლებლობის მოსინჯვა რუსეთის წინააღმდეგ.

ამბობდნენ, რომ რიბენტროპის არაკომპეტენტურობაზე გამოთქმული შენიშვნის პასუხად ჰიტლერმა სწორედ მაშინ თქვა: „რიბენტროპმა კარგად იცის, ვინ არის ღმერთი და ვინ ევედრება მას“.

ან რისთვის სჭირდებოდა რიბენტროპს კომპეტენტურობა ამ სიტყვის მოძველებული ინტელიგენტური გაგებით! შუალამითაც რომ გამოეღვიძებინათ, განა ციტატე-

ბად ვერ წარმოთქვამდა ჰიტლერის „მაინ კამპფი“-დან დი-
ად, წინასწარმეტყველურ სიტყვებს: „ჩვენ, ნაციონალ-
სოციალისტები ვიწყებთ იმ ადგილიდან, სადაც შეეჩერ-
დით შვიდასი წლის წინათ!“ რამდენჯერ გაუმეორებია რი-
ბენტროპს ეს სიტყვები ლუდის დასალევად თავმოყრი-
სას, ქუჩის კრებებზე! ეს სიტყვები იყო წინასწარმეტყვე-
ლება, პროგრამა, ინსტრუქცია... „ჩვენ ვწყვეტთ გერმა-
ნელთა დაუსრულებელ მოძრაობას ევროპის სამხრეთისა
და დასავლეთისაკენ და მზერას აღმოსავლეთის მიწებს
მივაპყრობთ. როდესაც ჩვენ ვლაპარაკობთ ევროპაში ახა-
ლი ტერიტორიების შესახებ, უწინარეს ყოვლისა, მხედვე-
ლობაში უნდა ვიქონიოთ რუსეთი და მისი მოსაზღვრე ვა-
სალური სახელმწიფოები. თვით განგება გვიბიძგებს ჩვენ
იქითკენ“. ამ სიტყვებში იგულისხმებოდა ყველაფერი.
რაც უნდა სცოდნოდა ადამიანს, რომელმაც თავისი სი-
ცოცხლე ფიურერს მიუძღვნა.

მაგრამ მხოლოდ ეს სასოებით დაზეპირებული სიტყ-
ვები ხომ მაინც არ კმაროდა ინგლისში გერმანიის ელჩის
პოსტის დასაქავებლად. თუმცა, ჯერ ერთი, პარტიის საგა-
რეო პოლიტიკის ბიუროში მუშაობის პერიოდში რიბენ-
ტროპმა ზოგი რამ ისწავლა. მეორეც, მან კარგად იცოდა
„ვინ არის ღმერთი და ვინ ევედრება მას“... შესამეც... ეს
შესამე კი, თავისი მნიშვნელობით სრულებითაც არაუკა-
ნასკნელი გარემოება იმაში მდგომარეობდა, რომ რიბენ-
ტროპს ლონდონში კავშირი ჰქონდა ისეთ ადამიანებთან,
რომლებიც ბერლინში ახალი გერმანიის მეგობრებად მი-
აჩნდათ.

ლონდონში რიბენტროპი დიდხანს არ მჯდარა. 1938
წლის დასაწყისში ჰიტლერმა მოახდინა თავისი კაბინეტის
რეორგანიზაცია, გამოაგდო იქიდან ბლომბერგი და ნაი-
რატი, რომლებიც მეტად „ძველი მოდისა“ და ვაიშარის
რესპუბლიკის ტრადიციებით გაყდენთილებად ეჩვენებოდა.
საგარეო საქმეთა მინისტრის ადგილი ვაკანტური აღმოჩ-
ნდა. ჰიტლერმა ამ თანამდებობაზე დანიშნა „დინამიკური“
რიბენტროპი, რომელმაც კარგად აითვისა ნაცისტური
დიპლომატიის პრინციპები.

შემოდგომის ერთ დღეს რიბენტროპმა ფიურერის და-
ვლებით ბერლინში ხელი მოაწერა ანტიკომინტერნულ
პაქტს იაპონიასთან და იმავე საღამოს ხალხმრავალ პრეს-
კონფერენციაზე განაცხადა, ამიერიდან გერმანიამ და ია-
პონიამ ერთად უნდა დაიცვან დასავლეთის ცივილიზაციაო.

მან პასუხის ღირსად არ ჩათვალა ერთ-ერთი ეურნალისტის იქედნური შეკითხვა — რანაირად აპირებს დასავლეთის დასცვას იაპონია, რომელიც, როგორც ცნობილია, მდებარეობს შორეულ აღმოსავლეთში და ყურადღება არ მიაქცია ამ შეკითხვით გამოწვეულ საერთო სიცილს. 1938 წელს რიბენტროპის ვარსკვლავი უკვე ზენიტზე იყო.

...და აი ახლა, სიამაყისა და საკუთარი სიდიადის შეგრძნებით აღსავსე, იგი სამინისტროს უზარმაზარი მანქანით მისრიალებდა უნტერ-დენ-ლინდენზე. აღმაცერად უცქერდა მდუმარე საბჭოთა სახკომს, რომელსაც შარშან მოსკოვში შეხვდა.

მოლოტოვის სახეს არავითარი ემოციის ნიშანი არ ეტყობოდა. ეს აღიზიანებდა გერმანიის მინისტრს. „გიმნაზიის მასწავლებლის ორდინარული სახე აქვს, — ფიქრობდა თავისთვის რიბენტროპი. — საინტერესოა, თუ შეიძლება მისი წარმოდგენა მონოკლით? ნეტა რად ურჩევნია სათვალეს ძველმოდური პენსნე? გერმანიაში ასეთ პენსნეს ატარებდნენ მხოლოდ იუველირები და კბილის ექიმები, უმთავრესად ებრაელები“...

— როგორაა საქმეები მოსკოვში? — ნაძალადევი ღიმილით ჰკითხა რიბენტროპმა, რომ ეს გულისდამამძიმებელი დუმილი დაერღვია.

— მოსკოვში საქმეები კარგად მიდის, — მიუგო სახკომმა მოსაუბრისაკენ თავის ოღნავ მიბრუნებით.

— როგორ ბრძანდება ბატონი სტალინი?

— ჩინებულად.

— რას იტყვიან დიდ თეატრზე? — განაგრძობდა კითხვებს რიბენტროპი.

— დიდი თეატრი თავის ადგილზეა.

— შეტად სასიამოვნოა ამის მოსმენა. „გედის ტბა“ ჩემი ერთ-ერთი დაუფიქრარი შთაბეჭდილებაა. თეატრალური სეზონი, ცხადია, უკვე დაიწყებოდა?

— დიახ, პირველ სექტემბერს დაიწყო, — ლაკონურად უპასუხა პენსნეიანმა კაცმა.

— როგორ არის სწორუბოვარი ლეპეშინსკაია?

— ვინ?

— მხედველობაში მყავს თქვენი გამოჩენილი ბალერინა.

— იგი ცეკვავს.

მოლოტოვმა უგულისყუროდ გაიხედა სარკმელში. ტროტუარებზე უამრავი მოიერიშე და პოლიციელი იდგა.

რიბენტროპმა იცოდა, რომ მათ დღეს დავალებული ჰქონდათ არა მარტო კორტეჟის უსაფრთხოების უზრუნველყოფა, არამედ სასურსათო მაღაზიებთან ჩვეულებრივ რიგში მდგომთა გარეკვაც.

როცა ღამის დაბომბვის ახალ კვალს — ნანგრევებს ჩაუარეს, რიბენტროპმა კვლავ ცერად გახედა მოლოტოვს.

მაგრამ სტუმარი კვლავინდებურად უძრავად იჯდა და ისევ წინ იცქირებოდა. „მერე რა, — გაიფიქრა რიბენტროპმა. — მით უკეთესი!“ ყოველი შემთხვევისათვის თქვა:

— რამდენიმე დღის წინათ ინგლისელებმა ასი თვითმფრინავით შემოუტიეს ბერლინს. სასოწარკვეთილების რეიდი იყო. მხოლოდ სამმა შეძლო შემოღწევა. გუშინწინ ლუფტვაფემ ჩაატარა საპასუხო დამსჯელი აქცია ხუთასი თვითმფრინავით! თითქმის ყველამ მიზანს მიაღწია. ლონდონი ნანგრევებად იქცა, ამის მშვენიერი ფოტოსურათები მივიღეთ.

— მართლა? — თავშეკავებით ჰკითხა მოლოტოვმა.

„საინტერესოა, როგორ ამღერდებით მაშინ, როცა ჩვენი თვითმფრინავები კრემლს დაბომბავენ!“ — ღვარძლიანად გაიფიქრა რიბენტროპმა. ამ აზრმა ერთგვარი შინაგანი შვება აგრძნობინა. შემდეგ ჩაფიქრდა იმ მოლაპარაკებაზე, რომელსაც მალე უნდა შედგომოდნენ. ამაზე ფიქრი სასიამოვნო იყო. სასიამოვნო იმიტომ, რომ ამ მოლაპარაკებაში უდიდესი უპირატესობა მის მხარეზე აღმოჩნდებოდა. მნიშვნელობა არ ჰქონდა იმას, თუ რა ითქმებოდა. მნიშვნელოვანი, განსაკუთრებით მნიშვნელოვანი იქნებოდა ის, რასაც არ იტყოდნენ.

ამან, ამ ტანმორჩილმა, პენსნიანმა კაცმა, და იმანაც, მეორემ, უღვაშებიანმა, ნახევრადსამხედრო ფორმაში გამოწყობილმა და ყველამ, ვინც მათ უკან დგანან, ამ არასრულფასოვანი რასების წარმომადგენლებმა, არ იციან, რომ მათი აღსასრული ფაქტიურად უკვე დადგა; რომ მალე ისინი თავიანთ წყეულ ქვეყანასთან ერთად განადგურდებიან.

ღიახ, საბედნიეროდ, ამათ არ იციან, რომ გიგანტური მანქანა უკვე ამუშავებულია და რომ საათის მექანიზმის ისარი აუჩქარებლად, აუცდენლად გარს ურბენს მისთვის დაწესებულ წრეებს... „ისინი ყველანი დაიღუპებიან, ყველანი, ყველანი, გიგანტურ კატაკლიზმში, ცეცხლისა და ყინულის ჰიდილში“, — უმაღლეს ნაციისტურ წრეში ფარ-

თოდ გავრცელებული მისტიკური ტერმინოლოგიის ჩვეულებრივი გამოყენებით თქვა გუნებაში რიბენტროპმა.

უნდა ითქვას, რომ სულის სიღრმეში იგი შორს იდგა ყოველგვარი მისტიციზმისაგან. იქ, ბერხტესჰაღენში, მაღლა, ბავარიის ალპურ მთებს შორის, ბერგპოფში — ჰიტლერის ქალაქგარეთა რეზიდენციაში, ყურადღებით ისმენდა ფიურერის შავბნელი იღუმალეებით აღსავსე წინასწარმეტყველებას იმაზე, რომ მთელი მსოფლიო დგას იმ გრანდიოზული მუტაციის ზღურბლზე, რომელიც მიანიჭებს ადამიანს იმგვარ უძლეველობას, როგორსაც წინაპრები ღმერთს მიაწერდნენ.

მთელი ეს ლაილაი ყინულისა და ცეცხლის მარადიულ ბრძოლაზე, ზეადამიანებზე, რომლებიც სადღაც მიწის ქვეშ, ღრმა გამოქვაბულებში მიმალულან და მალე გამოჩნდებიან, რომ მართონ ადამიანები, რიბენტროპისთვის გაუგებარი იყო. იგი მხოლოდ მაშინ მოდიოდა გუნებაზე, როდესაც საუბარი უაღრესად პრაქტიკულ საქმეებზე გადავიდოდა.

მაგრამ რალაც ფარულ გრანდიოზულ ჩანაფიქრში თავისი მონაწილეობა რიბენტროპს საკუთარი მნიშვნელობის შეგრძნებას უძლიერებდა. იგი თითქოს თანდათან უნათესაედებოდა იმ დემონურ ზეადამიანებს. და რიბენტროპმა უდიდესი უპირატესობის გრძნობით შეხედა თავის გულცივ შეზობელს. „ერთი მაშინ დამანახვა შენი სახე, შენი ოვალურშინებიანი პენსნეს ამოფარებული უმოძრაო თვალები, — გესლიანად ფიქრობდა ის, — როცა შეიტყობ იმას, რაც ჭერ მხოლოდ რამდენიმე ათეულმა კაცმა იცის ზერმანიაში! იცის იოდღმა, რომელსაც ფიურერმა ჭერ კიდევ ერთი წლის წინათ ნათლად გააგებინა, რომ დაპყრობილი პოლონეთის ტერიტორია მიჩნეულ უნდა იქნეს მხოლოდ როგორც პლაცდარმი გერმანელთა არმიის ახალი, გადამწყვეტი ნახტომისათვის. იცის იოდლის მოადგილემ პოლკოვნიკმა ვალტერ ვარლიმონტმა, რომელსაც სამი თვის წინათ ფიურერმა ნება დართო ვერმახტის შტაბის ოფიცერთა ვიწრო წრისათვის გაენდო თავისი მტკიცე გადაწყვეტილება, ორმოცდაერთი წლის გაზაფხულზე იერიში მიეტანა საბჭოთა კავშირზე. იციან ჰესმა, გერინგმა, გებელსმა, ბორმანმა, კაიტელმა, ბრაუხიჩმა, პალდერმა. ყველა ამათთვის ცნობილია ფიურერის ნორდული ეშმაკობის სავსე გრანდიოზული ჩანაფიქრი და ყველა მათგანმა იცის საიდუმლოს შენახვა“...

...საბჭოთა დელეგაციას რეზიდენციად მიუჩინეს სასახლე ბელვიუ. მანქანებმა გრძელი, ხშირ მწყრივებად მდგარი ცაცხვების ხეივანი გაიქროლეს და საპარადო შესასვლელთან შეჩერდნენ.

— ეს სასახლე, — ამაყად თქვა რიბენტროპმა, როცა მან და მოლოტოვმა პარკში გაიარეს, — ოდესღაც კაიზერის საკუთრება იყო. ახლა იგი გერმანიისაა...

რიბენტროპმა იმ წამსვე იგრძნო ნათქვამის უხერხულობა: „სხვა არა იყოს რა, მოლოტოვი იფიქრებს, რომ ველაქუცები“, — და გაცილებით მშრალად დაურთო:

— ფიურერმა ეს სასახლე გერმანიის მთავრობის სტუმრებისათვის გამოყო.

მან სახკომი საპარადო ოთახებით გაატარა. ისინი მღუპარედ მიდიოდნენ. რიბენტროპი ცერად გასცქეროდა პენსნიან კაცს. ცდილობდა გამოეცნო, რა შთაბეჭდილებას ახდენდა მასზე აქაურობა — ძველთაძველი გობელენებით დაფარული კედლები, ძვირფასი ფაიფური, ვარდების უზარმაზარი თაიგულები ლარნაკებში, სასახლის უძველესი ავეჯი და კარებთან გაშეშებული ოქრომკედით მოქარგულ ტანსაცმელში გამოწყობილი მსახურები.

მაგრამ მოლოტოვს, ჩანდა, ყველაფერი ეს სულაც არ აინტერესებდა. იგი თავაზიანობის გულისთვისაც არ შეჩერებულა არც ერთ გობელენთან, არ დამდგარა არც ერთი სურათის წინ, არ დამტკბარა არც ერთი ვარდის ცქერით.

რიბენტროპმა ბოლმით გაიხსენა, რომ თვითონ ალტაეებისაგან თავი ვერ შეიკავა, როცა გასულ წელს კრემლის საპარადო დარბაზებში გაატარეს. დღეს კი ეს ანათიური სლავი გერმანიის ერთ-ერთი უშესანიშნავესი სასახლის ფასდაუდებელ ხალიჩებზე დადის იმ სურათებისა და გობელენების გასწვრივ, რომლებიც მსოფლიოს ცნობილ მუზეუმებსაც დაამშვენებდა და მიაბიჯებს ისე, თითქოს ყველაფერი ეს არც კი არსებობდეს.

რიბენტროპი შეჩერდა მარმარილოს ფართო კიბის წინ, რომელიც აღიოდა მეორე სართულზე, სადაც საცხოვრებელი ოთახები იყო განლაგებული.

— ფიურერს თქვენ ნახავთ დღის მეორე ნახევარში, ბატონო მინისტრო, — მრავალმნიშვნელოვნად თქვა მან. — თუ საწინააღმდეგო არაფერი გექნებათ, ჩვენ შევძლებთ ზოგიერთი საკითხის წინასწარ განხილვას. რა თქმა უნდა, თქვენი დასვენების შემდეგ...

— ნახევარი საათის შემდეგ მზად ვიქნებით, — უთხრა მოლოტოვმა. ეს იყო პირველი სიტყვები, რომლებიც მან ციხე-დარბაზში შესვლის შემდეგ თქვა.

რიბენტროპმა სახკომს სიგარეტები და სიგარები შესთავაზა, თუმცა იცოდა, რომ იგი არ ეწეოდა. შემდეგ თვითონ მოუკიდა სიგარას. გააბოლა, მერე თავაზიანად გაიქნია ხელი, რათა ბოლს სტუმრამდე არ მიედწია და გაღიმებულმა ერთგვარი საზეიმო ტონით თქვა:

— ამრიგად, ბატონო მინისტრო, დადგა დრო, როცა ოთხმა დიდმა სახელმწიფომ, — ბუნებრივია, მხედველობაში მყავს რუსეთი, გერმანია, იტალია და იაპონია — განსაზღვრონ თავიანთ ინტერესთა სფეროები. ფიურერის აზრით, — ეს სიტყვა ხმის აწევით თქვა, — ამ ქვეყნების მთელი მისწრაფება სამხრეთისაკენ უნდა იყოს მიმართული, იტალია, როგორც ვიცით, უკვე დაადგა ამ გზას. რაც შეეხება გერმანიას, იგი აპირებს მომავალში თავისი სასიკოცხლო სივრცე ცენტრალური აფრიკის მიწების ხარჯზე გაიფართოოს. სასურველია ვიცოდეთ, რას ფიქრობს რუსეთი, — თავისი თანამოსაუბრისაკენ ოდნავ გადახრით თქვა რიბენტროპმა და დიდი პაუზა გააკეთა.

მაგრამ პენსნიანი კაცი, ეტყობოდა, არ აპირებდა მაგრად მოკუშული ტუჩების გახსნას. წამიერი ღუმილის შემდეგ რიბენტროპმა მკვეთრად განაგრძო:

— ხომ არ მიაჩნია რუსეთს, რომ მისთვის ბუნებრივი იქნებოდა მზერა მიეპყრო სამხრეთისკენ, ესე იგი სამხრეთის ზღვისკენ? ვფიქრობ, ახალი საზღვაო გასასვლელი რუსეთისათვის იქნებოდა...

— რომელი ზღვისკენ? — მოულოდნელად შეაწყვეტინა რიბენტროპს სახკომმა. მის ინტონაციაში რალაც და ცინვისმაგვარი გაისმა. რიბენტროპმა გაკვირვებით ასწია წარბები, თითქოს სურდა ეკითხა: ნუთუ კრემლში ცუდად იციან გეოგრაფია? მაგრამ მოლოტოვი ღუმდა კითხვის გამომეტყველებით შეჰყურებდა რიბენტროპს.

ეს უკანასკნელი დაიბნა და უნდოდა ეთქვა, გეოგრაფიული პუნქტების დაზუსტება ამგვარ სიტუაციებში დიპლომატიის ტრადიციებს არ შეეფერებაო. მაგრამ ამჯობინა სულაც არ ეპასუხა ასე სწორხაზოვნად დასმულ კითხვაზე. ხელით გაურკვეველი ეესტი გააკეთა, თითებში ჩაბლუჯული სიგარით ნახევარწრე შემოხაზა, და მოჰყვა მსოფლიო-

ში უდიდესი ცვლილებების შესახებ, რომლებიც აუცილებლად მოხდება მას შემდეგ, როცა გერმანია მის მიერ დაწყებულ ძლევამოსილ ომს დაამთავრებს.

— მე დარწმუნებული ვარ, — დაასრულა ჩამქრალი სიგარის ანთებასთან ერთად რიბენტროპმა, — რომ ისტორიული პაქტის დადებით ორივე ჩვენმა ქვეყანამ მოიგო. განა ბუნებრივად არ თვლის ბატონი მინისტრი, რომ გერმანიასა და რუსეთს შორის მომავალი, ომისშემდგომი თანამშრომლობაც სარგებლობას მოუტანდა ჩვენს ხალხებს?

ამ სიტყვების წარმოთქმისას რიბენტროპს გაახსენდა ფიურერის დირექტივა, რომელიც მან მისცა უმაღლესი სარდლობის სამხედრო ეკონომიკის სამმართველოს უფროსს გენერალ ტომასს. მისი აზრი იმაში მდგომარეობდა, რომ გერმანია-საბჭოთა კავშირის ხელშეკრულებით გათვალისწინებული მასალების რუსეთისათვის მიწოდება დაგეგმილიყო მხოლოდ ორმოცდაერთი წლის გაზაფხულამდე. მხოლოდ გაზაფხულამდე!..

რიბენტროპმა კვლავ ღიმილით შეხედა იმ ქვეყნის წარმომადგენელს, რომლის ბედ-იღბალი უკვე გადაწყვეტილი იყო.

— რომელი ზღვისკენ? — მოულოდნელად გაიძვორა თავისი კითხვა ამ კაცმა, თითქოს რიბენტროპის მიერ ამ წუთში ნათქვამი არც გაუგონიაო.

გერმანიის მინისტრმა უკმაყოფილოდ შეარხია მხრები და მკვეთრი მოძრაობით ჩააქრო სივარა, მიასრისა რა იგი ბროლის საფერფლის ძირს.

„მერე რა, — გაიფიქრა მან, — ბოლოს და ბოლოს მე არავითარი რისკის გაწევა არ მიხდება“.

— მე მიმაჩნია, — თქვა მან, — რომ რუსეთს შეეძლო სერიოზული სარგებლობა ენახა, თუ სპარსეთის ყურესა და არაბეთის ზღვაზე გაამახვილებდა ყურადღებას.

— თქვენ ასე მ-მიგაჩნიათ? — გაუძვორა კითხვა მოლოტოვმა და აქ პირველად გამოამჟღავნა თავისი ჩვეულება — ოდნავი ენაბლუობა, რაც რიბენტროპს ასე ანერვიულებდა ჯერ კიდევ მოსკოვში, ვინაიდან ამით ხშირად ამ კაცის სრულიად უბრალო სიტყვებს მრავალმნიშვნელოვანი ან გესლიან-დამცინავი ხასიათი ეძლეოდა.

რიბენტროპი ჩააშტერდა სახკომს. უნდოდა გაერკვია, წმინდა რიტორიკული იყო მისი შეკითხვა, თუ მასში რაიმე განსაკუთრებული აზრი იყო ჩაქსოვილი.

მაგრამ პენსნიანი კაცის სახე კვლავინდებურ მშვიდ

გამომეტყველებას ინარჩუნებდა. „ეს ბოლშევიკი აბუჩად აგდებას ხომ არ მიპირებს? — გაიფიქრა რიბენტროპმა. — როგორ პასუხს-ლა ელის ჩემვან? საინტერესოა, რომ იცოდეს ამ წარმოსახვის უნარს მოკლებულმა გულცივმა ბოლშევიკმა რამხელა ფსონი დევს ამ თამაშში, როგორ ხასიათს მიიღებდა ეს საუბარი!“

რიბენტროპმა ისევ გაიხსენა გულში ჰიტლერის ბრძანება გენერალ ტომასისადმი, მაგრამ იმწამს მოლოტოვმა მოულოდნელად თქვა:

— მე შეკითხვა იმიტომ დავსვი, რომ ყოველგვარი პერსპექტივის განსაზღვრის დროს აუცილებელია სიზუსტე და... ს-სიფხიზლე. განსაკუთრებით მაშინ, როცა ლაპარაკია გერმანიასა და საბჭოთა კავშირზე.

რიბენტროპი წამით შეცბა. მოეჩვენა, რომ მოლოტოვმა რაღაც სასწაულით გაიგონა ეს სიტყვები, რომლებიც მან მხოლოდ გულში გაიფიქრა. „სისულელეა, უბრალო დამხვევია“, — მაშინვე დაიმშვიდა თავი რიბენტროპმა და ოდნავ ხმამაღლა, მოგონილი ვაოცებით ჩაეკითხა:

— თქვენ თქვით „სიფხიზლეო?“ სწორად გაგიგეთ? — ამჯერად იგი თარჯიმანს მიუბრუნდა.

— დიახ, სიფხიზლეც, — გაიმეორა სახკომმა.

რიბენტროპმა გაფაციცებით შეხედა თანამოსაუბრეს და გაიფიქრა: „რის თქმა უნდა ამით? სურს გამაგებინოს, რომ რაღაც იცის გერმანიის ნამდვილი ზრახვების შესახებ? არა, ეს შეუძლებელია. იგი მხოლოდ თავს იფასებს. ისე მოქმედებს, ვითომ რაიმე ცნობებს ფლობდეს. რა გაეწყობა, ერთი სცადოს ამ გზით სიარული, როცა ფიურერს შეხვდება!“

ო, ამ პენსნიანმა კაცმა არ იცის, რა ელის! ის მიჩვეულია უბრალო მოკვდავებთან ურთიერთობას, მაგრამ მას მოუხდება ძლევამოსილის, მეხთამფრქვევის ჩახვა, მაგიდაზე მისი მუშტის გამანადგურებელი ბრაგუნის მოსმენა... იქნებ მაშინ მიხვდეს ეს უნერვებო კაცი, რომ მესამე რაინის მიწაზე, ევროპის პატრონისა და მსოფლიოს ხვალინდელი მბრძანებლის წინაშე იმყოფება...“

და რიბენტროპმა ღიმილითა და შესამჩნევი თავაზიანობით უთხრა მოლოტოვს, რომ მისთვის გასაგებია ბატონ მინისტრის სერიოზული და ფრთხილი მიდგომა წამოჭრილი პრობლემებისადმი. მაგრამ იგი დარწმუნებულია, რომ ფიურერთან შეხვედრის დროს ეს პრობლემები მშვიდობიანად გადაიჭრება.

ამ საუბრისას რიბენტროპი ცდილობდა ეპოვა ის ძლივს შესაგრძნობი წახნაგი, ზღვარი, რომელიც თავაზიანობას განასხვავებს მკვეთრი დაცივნისაგან. იგი წონასწორობას იცავდა ამ ხაზზე და მზად იყო თანამოსაუბრის რეაქციისდა მიხედვით დაუყოვნებლივ გადასულიყო ერთსა ან მეორე მხარეზე.

მაგრამ მოლოტოვზე რიბენტროპის სიტყვები არავითარ რეაგირებას არ ახდენდა. მას ცოტათი გადაეწია თავი თარჯიმნისკენ და დინჯად უსმენდა. მერე ოდნავ შესამჩნევად დაუკრა თავი, გაიბრწყინეს მისი პენსნეს შუშებმა და წამოდგა.

წინასწარი მოლაპარაკება დამთავრდა.

III

ბოლო წლებში პიტლერს უძილობა დასჩემდა. გვიან წევბოდა და ადრე ღებოდა.

დილის შვიდ საათზე მიუტანდნენ უბრალო გერმანულ საუზმეს, ყოველგვარი ზედმეტების გარეშე: ერთ კიჭარძეს ან ხილის წვენს, ერთ-ორ ფუნთუშას, მარშელადის ნაჭერს. მაინცდამაინც დიდი პირის პატივი არ უყვარდა. შემდეგ სეირნობდა, ფიქრობდა, ხანდახან წერდა, ხანაც ასტროლოგთან საუბრობდა... სამუშაო დღეს იწყებდა (გულში ჭირივით სძულდა ეს საქმიანობა) სახელმწიფო ქალაქების გადასინჯვით. მხოლოდ ფიქრიც კი იმაზე, რომ ეს აუცილებელი იყო, გუნებას უფუჭებდა და კაბინეტში — ამ უზარმაზარ ოთახში, სადაც კედლებზე გობელენები ეკიდა, იატაკზე ფუმფულა ხალიჩები ეფინა, იდგა ფართო და გრძელი საწერი მაგიდა, გლობუსი შავი ხის ქვესადგამზე — იგი გუნებაწამხდარი შედიოდა.

მას დოკუმენტებისა და პატაკების სწრაფად და სიტყვისიტყვიტ დამახსოვრების შესაშურებელი უნარი ჰქონდა.

და მაინც სძულდა ქალაქები, ვინაიდან ისინი ყრუები და მუნჯები იყვნენ. მას ეზიზღებოდა ესენი, რადგან არ შეეძლოთ ეყვირათ, გამოეცათ ალტაცების გამაყრუებელი, თავდამავეწყებელი, საზეიმო შეძახილი, რომელსაც მისი ყურთასმენა უკვე დიდი ხანია საუკეთესო მუსიკად აღიქვამდა.

ამ მოსაწყენი ქალაქების კითხვა, უბრალო გადაფურცვლაც კი მისთვის წამება იყო. მას საერთოდ სძულდა დეტალები. სწამდა, რომ მთელი ქვეყნის, ევროპის, სამ-

ყაროს, კოსმოსის მასშტაბებით აზროვნებდა. სხვადასხვა სახის დოკუმენტების წასაკითხად გათვალისწინებული დრო — მისთვის ყველაზე არასასიამოვნო დრო იყო, თუ გამოვრიცხავთ ლამეს, იმ რამდენიმე საათს, როცა იგი ამა-ოღ ცდილობდა დაძინებას.

ქალაქლებს რომ შორჩებოდა, გამოუძახებდა თავის ადიუტანტს და იმწამსვე შეიცვლებოდა. ცხოვრება მისთვის ისევე იძენდა აზრს, რაკი თანამოსაუბრე, უფრო სწორად, მსმენელი ჰყავდა.

ისეთი პროზაული საქმიანობის დროსაც კი, როგორც იყო ადიუტანტთან ერთად მომავალი დღის პროგრამის განხილვა, იგი ახერხებდა ვრცლად ელაპარაკა პოლიტიკაზე, ვეგეტარიანობაზე, რელიგიაზე, ბოლშევიკებზე, ძაღლების წვრთნაზე ან ღირიყორ ფურტვენგლერის ღირსებებზე.

შემდეგ იგი, ჩვეულებრივ, ღებულობდა სამხედრო პირებს — გენშტაბის ხელმძღვანელებს. ისმენდა მათ მოხსენებებს. ოღონდ ბოლომდე არასოდეს. ეს ხომ მისი ძალღონის უზომო დაძაბვას გამოიწვევდა. ისინი, ვინც მოახსენებდნენ, დიდი ხანია, გაწაფულიყვნენ იმაში, თუ როდის უნდა დადუმებულყვნენ და მოესმინათ მონოლოგი, რომელსაც ხშირად არავითარი კავშირი არა ჰქონდა მოხსენებასთან. მაგრამ ხანდახან ისინი ვერ ასწრებდნენ დროზე გაჩუმებას. მაშინ სიტყვათა ჩანჩქერი უეცრად დაატყდებოდათ თავს. ხშირად ამას მაგიდაზე მუშტების ბრაახუნი და მეხთამფრქვევის მსწრაფლ აქნეული ხელით მაგიდიდან გადმოყრილი ქალაქლების შრიალი ახლდა. დადიოდა ხმები, რომ ასეთ მდგომარეობაში მას შეეძლო ხალიჩები და ფარდები კბილებით დაეგლიჯა.

მაგრამ ყველაფერს თავისი დასასრული აქვს. იგი მშვიდდებოდა და მაშინ შეეძლო ნორმალურად ესაუბრა. კარნახობდა გადაწყვეტილებებს. ეს მას ძალიან უყვარდა. კარნახობდა მკვეთრი, ნაწყვეტ-ნაწყვეტი, ოდნავ ხრინწიანი ხმით, თან სივრცეს გასცქეროდა და ეგონა, მის წინ სტენოგრაფისტი კი არაა, რომელიც ბლოკნოტს თვალს ვერ აცილებდა, არამედ მთელი კაცობრიობა — მილიონობით ადამიანი, შორჩილებითა და თრთოლვით რომ იჭერს მის ყოველ სიტყვას...

შემდეგ სადილობდა მოხარშული ბოსტნეულით, ბოსტნეულის წვნიანით, ბოსტნეულისავე ომლეტით და ხილის კომპოტით.

იგი ეგიგტარიანელი იყო. თამბაქოს არ ეწეოდა და არ სვამდა.

როგორც წესი, სადილობდა რამდენიმე ადამიანთან ერთად. თუმცა მოწვეულთა წრე, ჩვეულებრივ, მეტად ვიწრო იყო: პირადი მდივანი, აღიუტანტი, ბექდვითი სიტყვის უწყების ხელმძღვანელი და ავიაციის სარდალი — მსუქანი, მუდამ მომღიმარე, შესახედად გულკეთილი, სრულიად მიწიერი კაცი. ჩვეულებრივ, ლაპარაკობდნენ ორნი — მასპინძელი და ჩასუქებული: პირველი მონოლოგებს ამბობდა, მეორე მოწონების ნიშნად მარილიან ოხუნჯობასა და გულიან ხარხარს ჩაურთავდა ხოლმე. სადილის შემდეგ იგი თავის კაბინეტში ბრუნდებოდა. იწყებოდა თათბირები, თავისი ქვეყნის საგარეო მინისტრთან, აუდიენციის მომლოდინე სხვა ქვეყნების მინისტრებთან, პარტიული ხელმძღვანელობის წევრებთან. ხანდახან შეხვედრები გადაჰქონდათ მაღალი კედლებით გარშემორტყმულ ახლო მდებარე პარკში.

დროდადრო მუდამ შზადმყოფ დაცვის თანამშრომელთა ყურამდე აღწევდა გაშმაგებული ყვირილი, მრისხანე წამოძახილები ან საზეიმო დეკლარაციები.

...საღამოს, თუ იგი ქვეყნის რომელიმე მხარეში არ მოგზაურობდა და მის მყეფარე ხმას არ გადასცემდა ათასობით რეპროდუქტორი, თავის პირად კინოღარბაზში, რომელიც მისი სამსახურის კაბინეტიდან რამდენიმე ნაბიჯზე იყო, უყურებდა ფილმებს — ჰოლივუდის სეზონურ სურათებს და სამხედრო ქრონიკას.

თითქმის პათოლოგიურად იყო გატაცებული ვაგნერის ოპერებით, თუმცა ხანდახან „მეტროპოლშიც“ დადიოდა, სადაც კოხტა ქალიშვილები ეეკვავდნენ.

შინ, ჩვეულებრივ, მას არავინ არ ელოდებოდა. იგი უცოლო იყო, ამბობენ, რომ ქალები არავითარ როლს არ ასრულებდნენ მის ცხოვრებაში, რომელიც მთლიანად გერმანიელთა მსოფლიო ბატონობისთვის ბრძოლას ეწეებოდა.

არა და არ შეირთო ცოლი. ქალს, რომლის სახელს მისი მესაიდუმლენი მას უკავშირებდნენ, თავისთან ჩამოსვლის უფლებას ხშირად როდი აძლევდა: მთელ თავის დროს ბელადი ხალხს სწირავდა...

იგი დაბალი და არაპროპორციული აგებულებისა იყო. ჰქონდა შედარებით გრძელი ტანი და მოკლე ფეხები.

ჩაცმულობის მხრივ იგი მოკრძალების განსახიერება იყო. ზაფხულში იცვამდა სამხედრო ნიშნის შარვალს შიგ ჩატანებული ყავისფერი პერანგით, ჩექმებს, ხანდახან მომწვანო-თავისფერ ფრენჩს. წელიწადის ცივ დროში კი ტყავის პალტოს აწეული საყელოთი. იხურავდა მაღალციან ქუდს.

მისი თანამებრძოლნი ორდენებში ბრწყინავდნენ, თვითონ კი მხოლოდ ერთ უბრალო ჯარისკაცულ რეინის ჯვარს ატარებდა.

წარსულს ჩაბარდა ის დრო, როცა ამ კაცს მხოლოდ მიუნხენის ლუდხანების მუდმივი სტუმრები იცნობდნენ. თითქმის ყველას დაავიწყდა ის წლები, როცა იგი და მისი მცირერიცხოვანი პარტია ღარიბები იყვნენ, იტანდნენ დაცინვასა და შეურაცხყოფას, როცა მხოლოდ ცოტამ, მაგრამ უძლიერესმა ადამიანებმა განკვირტეს მასში ბელადი.

პირველად გერმანიის ფოლადის კონცერნის მეთაურმა ფრიც ტისენმა და რურის ქვანახშირის მეფემ ემილ ღორფმა გაბედეს და მხარი დაუჭირეს მას.

მათი პირველი წვლილი შედარებით მოკრძალებული იყო — გენერალ ლიუდენდორფის ხელით გადაცემული ასი ათასი ოქროს გერმანული მარკა.

შემდეგ ფული წყალივით წამოვიდა: როცა საკითხი შეეხო მარკსინზმის, პროფკავშირებისა და მუშათა კლასის წინააღმდეგ ბრძოლას, ეს ხალხი სახსრებს არ იშურებდა. ტისენისა და კირდორფის მაგალითს მიბაძეს ფონ შნიტცლერმა, „ი. გ. ფარბენი“-დან, ავგუსტ როსტერგმა და ავგუსტ დლინმა, კონომ სანაოსნო კომპანიიდან „ჰამბურგი-ამერიკა“, გერმანიის ბანკმა, საკომერციო ბანკმა, „ალიანსმა“ — უმსხვილესმა გერმანულმა სადაზღვევო საზოგადოებამ...

მაგრამ მისი მოღვაწეობის ერთობ უბრალო დასაწყისი მხოლოდ ცოტა ვინმეს-ღა ახსოვდა. დანარჩენთათვის იგი ღვთით შოვლენილი მხსნელი იყო გერმანიისა, მისი აწმყო და მომავალი.

მას ადოლფ ჰიტლერი ერქვა, მაგრამ ვერავინ, ყველაზე ახლო მეგობრებიც კი ვერ უბედავდნენ სახელით მიემართათ.

მათთვის იგი იყო „ფიურერი“. „ჩემი ფიურერი“. ისევე როგორც მილიონობით სხვა გერმანელისთვისაც, — ნა-

ხევარლმერთი, რომელსაც მთელ მსოფლიოზე, მთელ კაცობრიობაზე უნდა დაემყარებინა ერთი სახელმწიფოს — გერმანიის, ერთი ნაციის — გერმანელთა ბატონობა.

... იმ საღამოს ჰიტლერი უახლოეს მეგობრებს მასპინძლობდა ბერგჰოფში. ეს იყო მისი საყვარელი რეზიდენცია, დასასვენებელი ადგილი, ფიქრებისათვის განკუთვნილი თავშესაფარი.

შესაძლოა, ჰიტლერს განსაკუთრებით იმიტომ უყვარდა ეს დიდი თეთრი ვილა, რომ იგი მდებარეობდა მაღალ მთებში, ბავარიის ალპებში.

ოდნავ ბეჭებში მოხრილს ხელები ძირს დაეშვა და მუცელს ქვემოთ ერთმანეთში ჩაეხლართა თითები. მოკლე ფლატუნა ნაბიჯებით უზარმაზარ სასტუმრო დარბაზში ბოლთას სცემდა და ხანდახან მარჯვენა მხარი უთრთოდა.

ზოგჯერ მაღალ და განიერ ფანჯარასთან ჩერდებოდა. თვალწინ გადაშლილი პეიზაჟი — მხოლოდ ცა და მთები — მოაგონებდა მას, რაოდენ მაღლა დგას იგი ადამიანებზე და ზეცასთან უფრო ახლოს, ვიდრე ადამიანებთან.

სტუმრები დაბალი გრძელი მაგიდების გასწვრივ სავარძლებში იხდნენ: გენერალ-ფელდმარშალი კაიტელი, ბორმანი, ევა ბრაუნი, ლამაზი და ინდივიდუალობას მოკლებული სატრფო ფიურერისა, პრესის შეფი დოქტორი ოტო ლიტრიხი, შრომის ფრონტის საიმპერიო ხელმძღვანელი ლეი კოლით და ამას წინათ რაიხსკანცლერის ადიუტანტად დანიშნული არნიმ დანკერი.

უზარმაზარ ბუხარში ცეცხლი გიზგიზებდა. ბუხარის წინ გროვად ეწყო ერთ ზომაზე დაქრილი შეშა. იქვე იწვა და ცეცხლს ეფიცებოდა ჰიტლერის საყვარელი ნაგაზი ბლონდი.

ხანდახან ფიურერი ბუხართან მივიდოდა, რომ ძალიანსთვის ხელი გადაესვა, შეშა შეეკეთებინა, ან გრძელი შაშით ნახშირი გამოეჩხრიკა.

თამბაქოს მოწევა აკრძალული იყო. არ ჩანდა სპირტიანი სასმელებიც. იყო მხოლოდ ყავა და ჩაი, რასაც დროგამოშვებით აწოდებდნენ სტუმრებს ქათქათა თეთრ მუნდირებში გამოწყობილი ესესელები.

შუალამე ახლოვდებოდა. სტუმრები დაიღალნენ. მათ უკვე მოისმინეს ფიურერის რამდენიმე მონოლოგი. ინგლისზე — ამ ვაქრუჟანებისა და გაბლენძილი სნობების

წყვეულ ნაციაზე, რომელმაც ჯერ კიდევ გასულ საუკუნეში შეირცხვინა თავი იმით, რომ პრემიერ-მინისტრის სავარძელზე ებრაელი დასვა. ფრანგებზე — ცოცხლად ლობად ბრბოზე, ამ გარყვნილ, საზიზღარ მებაყაყეებზე, რომლებსაც არ გააჩნიათ რწმენა, ერთიანობა, დაუშვეს „სახალხოდ“ წოდებული ბლოკის შექმნა. რუზველტზე — პოლიომიელიტისაგან ფეხებწართმეულ პლუტოკრატზე და ტიპიური პრაგმატული გონების პოლიტიკურ კომბინატორზე; დიდ გერმანელ პიანისტ ვალტერ გიზეკინგზე, რომელმაც არ მიბაძა თომას მანის ან ფოიხტვანგერის ტიპის ბილწ მჭლახნელებს და კი არ დატოვა დიდი გერმანია, არამედ გებელსის ნებართვით გაემგზავრა საერთაშორისო ტურნეზე, რათა ასახელოს იგი; კოსმოსური ყინულისა და დედამიწის სიციარიელის თეორიაზე...

იგი არ შეხებია მხოლოდ ერთ თემას. სწორედ იმას, რომელიც დღეს ყველაზე ძლიერ აინტერესებდათ სტუმრებს — მოლოტოვთან მომავალ შეხვედრას.

ჰიტლერის დღევანდელი სტუმრები მხოლოდ სწორედ ამაზე ელოდნენ მის აზრს. აქ თავმოყრილი ადამიანები ხომ კარგად იცნობდნენ ფიურერის უაღრესად საიდუმლო გეგმებს.

მათ იცოდნენ, მაგალითად, რომ რუსეთთან ომი წინასწარ განსაზღვრულია — ამის შესახებ ფიურერმა უკვე მიიღო ურყევი გადაწყვეტილება. მეტიც: ომი გაჩაღებულიც იქნებოდა, კაიტელსა და ჰალდერს წმინდა სამხედრო მოსაზრებათა გამო რომ არ დაერწმუნებინათ ჰიტლერი, მომავალი წლისათვის გადაეტანა მისი დაწყება.

არა, ისინი თვით ჩანაფიქრის წინააღმდეგი როდი იყვნენ — ეს იცოდა ყველამ, ვინც ახლოს იყო ფიურერთან. უბრალოდ დაარწმუნეს იგი, რომ ასეთ მოკლე დროში შეუძლებელი იყო დასავლეთიდან აღმოსავლეთში საჭირო სამხედრო კონტინგენტის დროულად გადასროლა. დაუმტკიცეს, რომ ასეთი დიდი კამპანიის წამოწყება ზამთრის პირას არახელსაყრელი იყო.

ფიურერი არც თუ დიდი ხალისით დაეთანხმა მათ მოსაზრებებს და გამოაცხადა, ახალ დიად გამარჯვებათა წელი ამიერიდან მომავალი 1941 წელი უნდა გახდესო.

სამწუხაროდ, უკანასკნელ ხანებში ამ საკითხზე კრემლში ეჭვები მნიშვნელოვნად გაიზარდა. ეს აქ შეკრებილთათვისაც არ იყო საიდუმლო და უფრო ცხადი გახდა მო-

ლოტოვისა და ტიპელსკირხის ამასწინანდელი შეხვედრის შემდეგ.

აქ თავმოყრილთ ყველას ახსოვს, ამ ორიოდ თვის წინათ ამავე სასტუმრო ოთახში, სავარძელში მჭლომი გალიზიანებული ფიურერის წინ რიბენტროპი რომ იდგა და ამ შეხვედრის შესახებ უამბობდა. მოხსენების დაწყებისთანავე პიტლერი უკვე ბრაზმა აიტანა და რიბენტროპის მიერ ტიპელსკირხის პირველსავე ხსენებაზე იგი ლანძღვით მოიხსენია. გაუგებარი იყო რატომ. სავსებით ბუნებრივი იყო ტიპელსკირხის საბჭოთა საგარეო საქმეთა სახალხო კომისარიატში წასვლა; ელჩი გრაფი შულენბურგი ხომ შევებულებით ბერლინში იმყოფებოდა, ხოლო დროებით რწმუნებულად სწორედ ვერნერ ფონ ტიპელსკირხი რჩებოდა. ცხადია, ყოველივე, რაც შემდეგ მოხდა, რწმუნებულის დიპლომატიური უნიჭობით კი არ განისაზღვრებოდა, არამედ იმ დავალების ხასიათით, რომელიც თვით პიტლერმა დააკისრა მას.

ტიპელსკირხს უნდა ეცნობებინა კრემლისათვის, რომ იპაონია; იტალია და გერმანია უახლოეს დღეებში აპირებენ ურთიერთშორის სამხედრო კავშირის დადებას.

ამისათვის მზადება ძლიერ საიდუმლოდ მიმდინარეობდა. მაგრამ რამდენიმე დღით ადრე, სანამ საიდუმლო გამოქვეყნდებოდა, ფიურერმა დაავალა თავის საელჩოს მოსკოვში; ეცნობებინათ საბჭოთა მთავრობისათვის მომავალი სამმხრივი ხელშეკრულების დადების შესახებ.

რწმუნებულს ევალებოდა ჩანასახშივე ჩაეხშო ამასთან დაკავშირებული ყოველგვარი ეჭვი, რომელიც შეიძლებოდა კრემლში აღძროდათ.

პიტლერს ახასიათებდა თავისი დღევანდელი და ხვალინდელი მოწინააღმდეგეების არაჩეროვნად შეფასება. მაგრამ იგი საკმაოდ ჰკვირავდა იყო საიმისოდ, რომ ტიპელსკირხის მისიის წარმატება მხოლოდ რწმუნებულის უნართან არ დაეკავშირებინა და მოსკოვისათვის არასასიამოვნო ცნობა შემოვლითი ფრაზებით შეენიღბა. ამიტომ ტიპელსკირხს დაევალა დამატებითი ცნობის მიცემა საბჭოთა საგარეო საქმეთა სახალხო კომისარიატისათვის და ეს ცნობა უნდა ყოფილიყო კრემლისადმი ფიურერის უსაზღვრო ნდობის დამამტკიცებელი საბუთი. ნავარაუდევ ხელშეკრულებაში იქნებოდა სპეციალური საიდუმლო მუხლი, რომ იგი მიმართულია არა საბჭოთა კავშირის, არამედ აშშ-ის წინააღმდეგ.

...როდესაც რიბენტროპი ბერგკოფში გამოცხადდა და ტიპელსკირხის მისიის შედეგები მოახსენა ჰიტლერს, ამ უკანასკნელმა ეს ამბები უკვე კარგად იცოდა საელჩოდან მიღებული იმ პატაკების მიხედვით, რომლებიც გესტაპოსა და აბვერის წარმომადგენლებმა გადმოსცეს.

რიბენტროპს ისლა დარჩენოდა, ყოველივე ეს ტიპელსკირხისა და, რალა თქმა უნდა, მოლოტოვის წინააღმდეგ იმთავითვე მტრულად განწყობილი ჰიტლერის წინაშე მსახიობივით გაეთამაშა.

ამრიგად, თანახმად გერმანიის საქმეთა რწმუნებულის დაშიფრული შეტყობინებისა, საბჭოთა სახკომმა იგი საკმაოდ გულცივად მოისძინა და მოკლე ნოტაცია წაუყიბნა. მისი აზრი მდგომარეობდა იმაში, რომ თანახმად საბჭოთა კავშირ-გერმანიის პაქტის მეოთხე მუხლისა, შემდგომში გერმანიის მიერ დასადები ყოველგვარი საერთაშორისო შეთანხმების ტექსტი წინასწარ უნდა იქნეს ნაჩვენები საბჭოთა მთავრობისათვის.

სწორედ რომ „წინასწარ“ და არა „წინაღლით“, ხანგასმით თქვა მოლოტოვმა და დაურთო: „ყოველგვარი საიღუმლო ოქმისა ან რაიმე არაგასამქლავებელი მუხლის ჩათვლით“.

ტიპელსკირხი ცდილობდა, — განაგრძობდა თავის მოხსენებას რიბენტროპი, — უარეყო ეს პრეტენზიები და მიზეზად ასახელებდა ომის დროის პირობებს, რომელშიც იმყოფებოდა გერმანია, იმ პირობებს, რომლებიც გარდაუვალად ართულებდნენ დიპლომატიურ შეთანხმებათა პროცედურას. მაგრამ მოლოტოვმა მოულოდნელი შევითხევით მკვეთრად შეაწყვეტინა.

საბჭოთა მთავრობას, თქვა მან, სურს დაწვრილებით იცოდეს გერმანიისა და ფინეთის შეთანხმების შესახებ ფინეთის ტერიტორიაზე გერმანელთა ჯარების ყოფნას თაობაზე... რიბენტროპის ამ სიტყვებზე ჰიტლერი ხავარძლიდან წამოხტა და მუშტების ქნევით დაიწყო ყვირილი, რომ გერმანია არაა ვალდებული ვინმეს ანგარიშები აბაროს და თუ მსგავსი რამის თქმას მოლოტოვი ან სხვა ვინმე მას, ჰიტლერს გაუბედავდა განადგურებულ იქნებოდა, ფერფლად იქცეოდა, აღიგებოდა პირისაგან მიწისა. ამას მოჰყვა ზიზლის გამომხატველი რამდენიმე ფრაზა მანერჰაიმის, ამ დედაბრისა და გაიძვერა მელიის მისამართით, რომელსაც ჯერ ისევ აქანკალებს „რუსეთის“ ხსენებაზე, თუმცა მასთან ომი უკვე რამდენიმე თვეა დამ-

თავრდა. ეს უკანასკნელი პიტლერმა კიდევ მრავალი უხამსი ეპითეტით შეამკო და ძალაგამოცლილი ჩაჭდა, უფრო სწორად, ჩაეხეთქა ისევ სავარძელში, თან რიბენტროპს ხელით ანიშნა, განაგრძეო.

რიბენტროპმა, რომელიც მოყვასისათვის კვანტის გამოდების ხელსაყრელ მომენტს ხელიდან არასოდეს არ გაუშვებდა, საჩქაროდ დაუმატა, რომ ტიპელსკირხი, ჩანს დაიბნა, რადგან დაშიფრულ წერილში არ იტყობინება რა უპასუხა მოლოტოვს. მხოლოდ მისი სიტყვები მოჰყავს საბჭოთა მთავრობის დაეჭვების გამო, რომელმაც კარგად იცისო, რომ მარტო უკანასკნელ დღეებში გერმანელთა შეიარაღებული ძალები ფინეთის სულ ცოტა სამ პორტში შევიდნენ.

პიტლერმა კვლავ იფეთქა. იგი ისევ წამობტა სავარძლიდან, ფეხი წაჰკრა ბუხრის წინ დაყრილ შეშის გროვას, რომელიც გრუხუნით ჩამოინგრა და აყვირდა, რომ ვერ მოითმენს ამ აღმამფოთებელ დაეჭვებას, ვინაიდან კრემლისთვის ნათქვამი ჰქონდათ, რომ გერმანელთა ჯარები მიემართებიან არა ფინეთ-„ში“, არამედ „მასზე“ გაკლით — სორვეგიაში...

პიტლერი ყვიროდა სულ უფრო ხმამაღლა, სულ უფრო გაშმაგებით. თუმცა თვითონაც და მასთან დაახლოებულმა პირებმაც იცოდნენ, რომ სიტყვა ეხება ტრიუქს, მანეგრს, კამუფლიაჟს; რომ ფინეთში გაგზავნილ ჯარებს ნაბრძანები აქვთ, დარჩნენ იქ და მოემზადონ რუსეთზე თავდასხმისათვის ჩრდილოეთიდან, რაც, უწინარეს ყოვლისა, ლენინგრადს ემუქრებოდა. თავისი სიტყვა ფიურერმა დაასრულა წამოძახილით, რომ რაკი ასეა. იგი აღარ დაელოდებოდა მომავალ წელს და დღესვე გასცემს ბრძანებას, აღგავონ რუსეთი პირისაგან მიწისა...

მაგრამ ასეთი ბრძანება არ გაცემულა. მსოფლიოზე ბატონობის წყურვილით შეპყრობილ ამ მანიაკში, რომელიც თითქოსდა არ სცნობდა არავითარ საღ გაანგარიშებას. უეცობა და სიგიჟე შერწყმული იყო სატანურ ეშმაკობასთან. კონკრეტული პოლიტიკური სიტუაციის ჩინებულ მიხვედრასთან და გარდაუვალად მოსალოდნელ წინააღმდეგობებზე თამაშის უნართან. ამრიგად, პიტლერს იმ დღეს არ გაუცია ბრძანება „აღეგავათ რუსეთი პირისაგან მიწისა“... მეტიც, გერმანიის დიპლომატიას დაავალა, მთელი ძალ-ღონე იქით წარემართა, რომ მიეძინებინა კრემლის დაეჭვება.

ახლა მისი ფსონი იყო მოლოტოვის მიწვევა ბერლინში

გერმანია-საბჭოთა კავშირის ურთიერთობის ნორმალიზაცი-
ისა და ყველა სადავო საკითხის გარკვევის საბაზით. ამ შეხ-
ვედრისას აუცილებელი იყო რუსეთის თვალი აერიდებინათ
გერმანიის სამხედრო მზადებისათვის და სულ სხვა მხარე
წარემართათ იგი.

...და აი დღეს ბერგჰოფში თავმოყრილ რჩეულთა ჩვეუ-
ლებრივი წრე მოუთმენლად ელოდა, როდის შეეხებოდა ფი-
ურერი ამ მეტისმეტად აქტუალურ თემას. მოლოტოვი ხომ
ორი დღის შემდეგ ბერლინში იქნება...

მაგრამ ჰიტლერი ამ თემის გარდა რაზე აღარ ლაპარაკობ-
და. ბოლოს და ბოლოს მისმა დაქანცულმა სტუმრებმა რაიმე
ახლის გაგების იმედი დაკარგეს და მოუთმენლად ელოდ-
ნენ იმ წუთს, როცა დასაძინებლად წასვლის ნებას მიიღებ-
დნენ.

მაგრამ ჰიტლერი, თითქოს არ აპირებდა წასვლას. და-
ვიწყდა, რომ უკვე გვიანი იყო. დაავიწყდა თავისი სტუმრე-
ბიც და საერთოდ ყველაფერი, რა გარემოცვაშიც იმყოფე-
ბოდა.

მაგრამ მთავარი, რომ ზეგ ბერლინში საბჭოთა კავშირის
წარგზავნილთან შეხვედრა ელოდა, მას კარგად ახსოვდა. ას-
ლაც სწორედ ამაზე ფიქრობდა. ფიქრობდა მდუმარედ, ვიან-
იდან საერთოდ არაფრად მიაჩნდა ადამიანები, მასთან მეტად
დაახლოებული ის პირებიც კი, რომლებიც ახლა ამ სასტუმ-
რო ოთახში ისხდნენ.

რა თქმა უნდა, გერინგთან, ჰესთან, ბორმანთან, გებელს-
თან და რიბენტროპთან ერთად მან ჯერ კიდევ წინასწარ უწ-
ვრილმანესი დეტალების გათვალისწინებით, შეხვედრიდან
გაცილებამდე, შეიმუშავა ყველაფერი, რაც უნდა განეხორ-
ციელებინა ზეგ. დარწმუნებული იყო, რომ წარმატებას მი-
აღწევდა.

და მაინც ახლა იგი ელოდებოდა მორიგ „ნათელხილვას“,
ბრწყინვალე იდეას, რომელიც დაეხმარებოდა მას, შეეტყუ-
ებინა მოლოტოვი ისეთ ხაფანგში, რომლიდანაც გამოსა-
ვალს ვეღარ იპოვიდა.

...არეული ნაბიჯით, სხვადასხვა მიმართულებით იგი ბოლ-
თას სცემდა სადარბაზო ოთახში. თითქოს იმ გეგმის აბლაბუ-
დას ქსოვდა, რომელშიც მოსკოვის წარმოგზავნილი უნდა
გახლართულიყო და ბოლოს და ბოლოს ილაჩგაწყვეტილი
ბუზივით ჩამოკიდებულყო.

მოქმედების გეგმა ძირითადად უკვე შემუშავებული
იყო. მას ჰქონდა ორი მხარე: პოლიტიკური და, ასე ვთქვათ,

ემოციური. პირველის აზრი იმაში მდგომარეობდა, რომ დაემშვიდებინათ რუსეთი, მიეძინებინათ მისი დაქვევება, დაერწმუნებინათ ბოლშევიკები—გადაეტანათ ყურადღება ჩრდილოეთიდან და დასავლეთიდან სამხრეთისაკენ და ამრიგად საშუალება მიეცათ გერმანიისათვის, დაესრულებინა მზადება აღმოსავლეთში გადამწყვეტი დარტყმისათვის.

მეორე, ასე ვთქვათ, ემოციური მხარე ამ გეგმისა ის იყო, რომ ჩაეხშოთ — არა, უფრო სწორად, აღენთოთ მოლოტოვის წარმოსახვა. საბჭოთა მინისტრს უნდა დაენახა წარმტაცი, მიმზიდველი მირაჟი და მასში დაჯერებულს, თავისკენ გადაებირებინა სტალინი და ყველა დანარჩენებიც.

და სანამ ისინი გაერკვევიან, რომ მათ წინაშე მირაჟია. მანამდე საკმარისი დრო გაივლის, რომ გერმანიამ დაასრულოს საჭირო სამზადისი იმ მძლავრი დარტყმისათვის, რომელიც გადამწყვეტს არა მარტო რუსეთის ბედს, არამედ მთელი ევროეთ წოდებული მსოფლიო ცივილიზაციისას, რომელსაც უკვე ყავლი გაუვიდა.

ღიახ, გეგმა კარგად იყო მოფიქრებული. ჰიტლერს მანც ეჩვენებოდა, რომ ამ გეგმას აკლდა რომელიღაც უკანასკნელი, გადამწყვეტი შტრიხი, ბერკეტი, რომელზედაც ხელის დაჭერით შეიძლებოდა ხაფანგის მაგრად ჩარახვა.

ამ ბერკეტის მისაგნებად აუცილებელი იყო „ნათელხილვა“. ის კი არ ვეღინებოდა...

სტუმრებმა უკვე იმედი დაკარგეს, რომ ფიურერისაგან გაიგებდნენ მათთვის უცნობ რაიმე ახალ დაწერილებით აზრებს საბჭოთა კომისრის მომავალი ვიზიტის შესახებ. ელბოდებოდნენ იმ წუთს, როცა ოთახში მორიგი გარბენის შემდეგ ჰიტლერი აღარ მიუბრუნდებოდა ბუხარს, ძალს მოუხმობდა, კარისკენ მიმავალი გამომშვიდობების ნიშნად, ჩვეულებისამებრ, ზღურბლიდან დუნედ აუქნევდა ხელს სტუმრებს.

ამ სადარბაზო ოთახში შეკრებილთაგან მხოლოდ ერთს აკცს არ სწყუროდა დასვენება და არ ოცნებობდა იმაზე, რომ ფიურერი წასულიყო. მისი სურვილი იყო, თუ ვერ მახსენდა, ეტყირა მაინც მისთვის. ეტყირა ძარად, დღისითა და ღამით. დაეჭირა მისი ყოველი მოძრაობა, ყოველი გამხებედა... იგი გრძნობდა, რომ დანარჩენი სტუმრები დაილაღნენ, უნდათ მალე აიშალნონ და თავიანთ ოთახებს მიასურონ, უკვფრდა მათი და ამის გამო ისინი სძავდა კიდევ...

კაცი, რომელიც ერთგულ მზერას არ აშორებდა ოთახში მოსიარულე ჰიტლერს, იყო არნიმ დანვიცი. იოდლის

შტაბის ეს ოცდაათი წლის მაიორი ახლახან დაბრუნებული-
ყო ოკუპირებული პოლონეთიდან, სადაც გაემგზავრა ფიუ-
რერის პირადი საიდუმლო დაეპლებით, რომელიც უკვე რამ-
დენიმე თვეა, განსაკუთრებით კეთილად იყო განწყობილი
მისადმი.

არნიმ დანვიცი იყო მიუნხენის „ლუდხანის პუტჩის“ მო-
ნაწილის, ნაცისტური პარტიის ერთ-ერთი უძველესი წევ-
რის შვილი. ხელისუფლების სათავეში ჰიტლერის მოქცევი-
დან სულ მალე ეს კაცი მიიცვალა. მის ვაჟს კი დაუსწრებლად
ქაბუკობიდანვე უყვარდა ჰიტლერი.

არა მხოლოდ მამის ანდერძის გულისათვის, არამედ სა-
კუთარი მხურვალე სურვილითაც არნიმმა გადაწყვიტა, მთე-
ლი თავისი სიცოცხლე ფიურერის სამსახურისათვის შე-
ეწირა.

წარსულში ჰიტლერიუგენდის წევრმა არნიმმა საწესდუ-
ბო ასაკს მიაღწია თუ არა ნაცისტურ პარტიაში შევიდა. დან-
ვიცის შემდგომი კარიერა იმ დღეს განისაზღვრა, როცა მას
წილად ხვდა ბედნიერება სხვა ახალგაზრდა ნაცისტებთან ერ-
თად სახელმწიფო ოპერის შენობაში დასწრებოდა „ჰელდ-
ენგედენკენტაგს“ — პირველ მსოფლიო ომში დაღუპულ
გერმანელ გმირთა ხსოვნისადმი მიძღვნილ ზეიმს. —

იმან, რაც არნიმის თვალმა იქ იხილა, წმიდათა წმიდა
გრძნობით აათრთოლა მისი სული.

დარბაზში მან დაინახა სამხედრო მუნდირების ზღვა.
სცენაზე გაქვავებულიყვენ რაიხსვერის ჯარისკაცები, რომ-
ლებსაც ხელთ ეპყრათ მოკაშკაშე პროექტორების შუქით
განათებული გერმანული საბრძოლო დროშები... დროშების
ტარებსა და ჯარისკაცთა თავებს ზემოთ ირხეოდა უზარმა-
ზარი მოვერცხლისფერ-მოშავო რკინის ჯვარი. როცა ორ-
კესტრმა ბეთჰოვენის სამგლოვიარო მარში დაუკრა, სამე-
ფო ლოჯაში გამოჩნდა ჰიტლერი და ხელგაშვერილი თავის
ქარებს მიესალმა. არნიმ დანვიცი დარბაზის ერთ-ერთ გა-
სასვლელში იდგა. გაშეშებული თითებით ნაცისტური დრო-
შის ტარს ჩაფრენოდა და მთელი მისი არსება მოწიწებისა
და აღტაცების გრძნობას შეეპყრო.

იმ დღიდან მას უკვე სხვა კარიერაზე აღარ უფიქრია
გარდა სამხედროსი. წარმატებით დაამთავრა სამხედრო სას-
წაილებელი, ყურადღება მიიპყრო და სამუშაოდ გაგზავნეს
სახმელეთო ჯარების გენერალურ შტაბში, რომელსაც ჰალ-
დერი მეთაურობდა. მაგრამ დანვიცი გერმანიის მთელ შეი-
არადებულ ძალთა ოპერატიული ხელმძღვანელობის შტაბ-

ში მუშაობაზე ოცნებობდა, რადგან ამ შტაბს მეთაურობდა ალფრედ იოდლი.

ჰალდერი ძველი გერმანული გენერალიტიტის წარმომადგენელი იყო. მის მიმართ ნაცისტები მუდამ შურიტ, მტრობითა და ეჭვით იყვნენ განწყობილნი. ხოლო იოდლი ახალი, ნაცისტური ფორმაციის გენერალი იყო და ყველამ იცოდა, ფიურერის სიმპათიებით რომ სარგებლობდა.

გერმანიის მიერ პოლონეთზე თავდასხმის შემდეგ სულ მალე დანვიცმა მოახერხა იოდლის შტაბში გადასვლა.

მისი ბედის შემოტრიალება საიდუმლოსთან იყო დაკავშირებული. და ეს ამბავი მის გულს სიამაყით აქსებდა.

1939 წლის 17 აგვისტოს იგი გამოიძახა ჰალდერმა და უთხრა, რომ მას, არნიმ დანვიცს, მაშინ ჯერ კიდევ კაპიტანს, ავალებენ სახელმწიფო მნიშვნელობის საქმეს. იგი სრულიად საიდუმლოდ უნდა იქნეს დაცული. მან სიტყვა გადაუჭრა იმაზე, რომ სს-ის რაიხსფიურერმა ჰიმლერმა პირადად მიუთითა დანვიცზე, როგორც გენშტაბის ოფიცერზე, რომელიც შეიძლება დაიშვეს ამ საიდუმლო ოპერაციაზე.

დანვიცი იცნობდა ჰიმლერს. ის მამამისის ძველი პარტიული ამხანაგი იყო და ჯერ კიდევ ადრე, 1933 წლამდე. ესე იგი გარმანიის სათავეში ჰიტლერის ჩადგომამდე, მათ ოჯახში დადიოდა ხოლმე.

არნიმმა მოისმინა ჰალდერის ინსტრუქციები, ქუსლო ქუსლს შემოჰკრა, მარჯვენა ხელი წინ გამოსწია და აჩქარებით გავიდა გენერლის კაბინეტიდან.

გენშტაბის უფროსმა კი თავის დღიურში, რომელსაც ყოველდღე აწარმოებდა, გააკეთა უცნაური ჩანაწერი: „ჰიმლერი, ჰაიდრიხი, ობერზალცბერგი: პოლონური ფორმაცია ტანსაცმლის 150 კომპლექტი ყოველივე აუცილებლით, ზემო სილენზიისათვის“.

ის, რაც შემდეგ მოხდა, ასობით მილიონმა ადამიანმა გერმანიაში, პოლონეთში, მთელ მსოფლიოში მხოლოდ 31 აგვისტოს შეიტყო, ამ დღეს ბერლინის რადიომ გამოაცხადა: პოლონელ ჯარისკაცთა რაზმი გლაივიცის მახლობლად გერმანიის ტერიტორიაზე შეიჭრა და ბრძოლით ხელთ იგდო გერმანელთა რადიოსადგური. მაგრამ რაიმე გამომწვევი მიზეზის გარეშე ჩადენილი აგრესიის ეს აქტი გათავზიდებულ პოლონელ მტარვალებს ეცოტავათ, — აღშფოთებით განაგრძობდა დიქტორი, — პოლონელებმა არა მხოლოდ ხელთ იგდეს გერმანელთა რადიოსადგური, არამედ გამფიყე-

ნეს იგი პოლონურ ენაზე ანტიგერმანული გადაცემებისათვის. მთელ მსოფლიოს შეეძლო მოესმინა დიდი გერმანიისა და მისი ბელადისადმი გამონდომებით აღსავსე ეს თავხედური გადაცემა...

ღიან, ეს სიმაართლე იყო: ასეთი გადაცემა რამდენიმე საათის შემდეგ გაისმა ეთერში. მაშასადამე, პოლონელებმა ისარგებლეს გერმანელთა რადიოსადგურით?

ჰო, რაღა თქმა უნდა! აი სწორედ ამ პოლონელებმა, რომელთა ფოტოსურათებიც გერმანიის ყველა საღამოს გაზეთმა გამოაქვეყნა. თუმცა სურათებზე გამოსახულ ადამიანებს ვერაფერს ვერ შეეკითხებოდით. ისინი მკვდრები იყვნენ გერმანელთა მიწაზე, გლაივიციის მახლობლად, რადიოსადგურის შენობის ფონზე. რას იზამ, ესეც ბუნებრივად გამოიყურებოდა: დამპყრობთა ნაწილი ვერმანტის მამაცმა ჯარისკაცებმა გაანადგურა, დანარჩენები უკანვე გაიქცნენ პოლონეთში.

ფიურერმა უბრძანა გერმანელთა ჯარებს ამ თავხედური პროვოკაციის პასუხად გადაელახათ პოლონეთის საზღვარი...

რადიოსადგურისათვის ბრძოლაში დახოცილი დამპყრობლები რამდენიმე დღის იყარნენ იქვე, სადაც სიკვდილმა უწიათ. გერმანელმა და უცხოელმა ფოტორეპორტიორებმა დახოცილები აღბეჭდეს იმ ომის მატრიანესათვის, რომელიც ის-ის იყო დაიწყო.

და არც ერთმა მათგანმა არ იცოდა, რომ ეს „პოლონელები“ ჯერ კიდევ რამდენიმე დღის წინათ წმინდა სისხლის გერმანელები, დახაუს საკონცენტრაციო ბანაკის სიკვდილმისჯილი პატიმრები იყვნენ. არავინ არ იცოდა, რომ მათ სიცოცხლესა და თავისუფლებას შეჰპირდნენ, თუ პოლონურ სამხედრო ფორმას ჩაიცვამდნენ და მონაწილეობას მიიღებდნენ ოპერაციაში, რომლის კოდური სახელწოდება იყო „კონსერვები“.

როცა გერმანელმა სამხედრო ექიმმა ყველას იქვე, რადიოსადგურის შენობასთან, პარტახტიანი ტიფის საწინააღმდეგო აცრა გაუკეთა, პატიმრებმა რა იცოდნენ, თუ დაიხოციბოდნენ. მათ უთხრეს, ეს სიფრთხილის მიზნით აუცილებელია: გვერდით ხომ ისეთი ბინძური და მათხოვრული სახელმწიფოს საზღვარია, როგორც პოლონეთიაო. ისინი დაიხოცნენ ინექციიდან ოთხი წუთის შემდეგ. ტყვიებით მიყენებული ჭრილობებისაგან, რომლებიც ასე კარგად აისახა ფოტოსურათებზე, უკვე აღარც იტანებოდნენ, რადგან:

მკვდრები ტკივილებს არ გრძნობენ, თუნდაც ავტომატი დაუშინონ თავში.

მაგრამ ყოველივე ამის შესახებ არაფერი არ იცოდა. ის რამდენიმე კაცი, რომლებსაც გაანდეს საიდუმლო და მისი შენახვაც იცოდნენ, ანგარიშში არ ითვლებოდა.

ამათ შორის იყო კაპიტანი დანეიცი, რომელიც უზრუნველყოფდა ოპერაციის სამხედრო მხარეს — პოლონურ ფორმის ტანსაცმლისა და შეიარაღების ადგილზე მიტანა.. ყოველივე დანარჩენზე პასუხს აგებდა გესტაპო.

მონდა ისე, რომ სწორედ დანეიცი, როგორც ამ ამბის თვითმხილველს ჩატარებული ოპერაციის შესახებ იოდლი-ხათის უნდა ჩაებარებინა პატაკი. ამ უკანასკნელის შეკითხვაზე, თუ რა ჯილდოს მიღებას ისურვებდა, დანეიცი უპასუხა: „თქვენი ხელმძღვანელობით სამსახურს, ბატონო გენერალო“.

შესაძლოა, სანამ დანეიცი ჰიტლერისათვის პატაკის მასაცემად წაიყვანდა, იოდლმა უამბო ფიურერს ახალგაზრდა ერთგული ნაციისტი-ოფიცრის შესახებ, რომელიც დიდ იქნებებს იძლეოდა და საიდუმლოს შენახვა იცოდა. იქნებ, თვით ჰიტლერმა მიაქცია ყურადღება იოდლის დავალებათა შემსრულებლის უზადო არიულ გარეგნობას: — მაღალი, ქერთმიანი, სახენაყვავილარი და წელზე მჭიდროდ ქამარშემორტყმული დანეიცი ფოლადისფერ თვალებში ისეთი ძალღუერი ერთგულება ამოიკითხა, რომ მისდამი სიმპათიით განიმსჭვალა.

ასე იყო თუ ისე, ერთი თვის შემდეგ დანეიცი მაიორის წოდება მიენიჭა. მომდევნო სამი თვე რომ გაჟიდა, ფიურერის ერთ-ერთი ადიუტანტი გახდა. ხოლო ნახევარი წლის მერე მისგან მიიღო საგანგებო დავალება, რომლის შესასრულებლად უკვე დაპყრობილ პოლონეთში გაემგზავრა.

მივლინებიდან დანეიცი მხოლოდ დღეს დილით დაბრუნდა. ჩამოვიდა თუ არა ბერლინში, ბრძანება მიიღო, დაუყოვნებლივ გამოცხადებულყო ფიურერთან ბერგპოფში.

...და აი არნიმ დანეიცი უკვე რამდენიმე საათია ზის ჰიტლერის სადარბაზო ოთახში და ცდილობს არ გამოჩჩეს მისა არც ერთი სიტყვა, არც ერთი რესტი.

იგი მუდამ აღმერთებდა თავის ფიურერს.

მაგრამ ოპერაცია „კონსერვებში“ მონაწილეობის შემდეგ დანეიცი გრძნობას განსაკუთრებული ელფერი მიეცა. არნიმს ეჩვი არ ეპარებოდა, რომ მთელი ეს იღვია ფიურერის გენიალური ტვინში დაიბადა. ამგვარად, მონაწილეობდა რა

მის განხორციელებაში, დანვიცი, თითქოსდა თავისი ბელადის იღუმალ ზრახვათა მოზიარე, მათი უშუალო შემსრულებელი ხდებოდა.

მაშასადამე, ავზნებით მსჯელობდა დანვიცი, მათ — დაღ ფიურერსა და არნიმს, — რალაც იღუმალი, ადამიანთათვის უხილავი კავშირი აერთიანებს. იგი, დანვიცი, თითქოს თვით ფიურერის ნაწილაკი გახდა, დაე, უმცირესი, მაგრამ მაინც მისი ნაწილაკი.

ეს აზრი აბრუებდა დანვიცს. იგი ისევ და ისევ უბრუნდებოდა მას, როცა უმზერდა დიდ ადამიანს, რომელმაც ეს მოკრძალებული მაიორი თავის წმიდათა წმიდა სამყოფელში შეუშვა.

როცა შავ ხის ჩარჩოში ჩასმულმა კედელთან მდგარმა მალალმა საათმა ორის ნახევარი დაჰკრა, დანვიცი მიხვდა, რომ დღეს უკვე ვერ მოახერხებდა ფიურერისათვის მოიხსენებინა თავისი მგზავრობის შედეგები.

მან უკვე არაერთხელ სცადა დაეჭირა ჰიტლერის მზერა, როცა იგი გვერდით ჩაუვლიდა ხოლმე. სურდა მისი თვალების გამომეტყველების მიხედვით მიმხვდარიყო, ბერგჰოფში დარჩენილიყო თუ დაბრუნებულყო ბერლინში და ფიურერას იქ ჩასვლას დალოდებოდა. მაგრამ ჰიტლერი თითქოს ვერ ამჩნევდა თავის აღიიურანტს და საკუთარ ფიქრებში ჩადირული ოთახში ბოლთის ცემას განაგრძობდა.

ბოლოს იგი კარისკენ გაემართა, დამშვიდობების ნიშნად ოდნავ ასწია მარჯვენა ხელისგული და გავიდა.

სტუმრები მაშინვე გამოცოცხლდნენ და ხმაურით ემშვიდობებოდნენ ერთმანეთს.

კაიტელი, ლეი ცოლითურთ და, რა თქმა უნდა, ევა ბრაუნი ღამის გასათევად ბერგჰოფში რჩებოდნენ.

დანვიცი იდგა დიდ ჰოლში, რომლის კედლები ირმის რქებითა და „ნიბელუნგთა რკალების“ თემებზე შესრულებული გრაფიურებით იყო მორთული და ფიქრობდა, ბერლინში დაბრუნებულიყო თუ აქ, ვილაში, დაცვისათვის განკუთვნილ ბინაში გაეთია ღამე. ამ დროს მასთან ჰიტლერის პირადი შოფერი მივიდა, ქუსლი ქუსლს შემოჰკრა და ხმადაბლა უთხრა:

— ფიურერი გელოდებათ, ბატონო მაიორო. იგი თავის კაბინეტში გახლავთ.

...ჰიტლერი რყავის ღრმა სავარძელში იჯდა. ფრენჩი გაიოღა, ფიხები წინ გაეშალა, რომლებზეც მალალყლიანი ჩექმები შემოტმასნოდა. სავარძელი ფანჯარასთან იდგა და

დანვიცმა უკვე იცოდა, რომ ეს იყო ფიურერის საყვარელი სავარძელი. ჩვეულებრივ, იგი მასში ისვენებდა. ოთახის ძარცხენა ნაწილი სამუშაო იყო. იქ იდგა წითელი ხის განიერი საწერი მაგიდა და დიდი გლობუსი, რამდენადმე იმაზე მომცრო, რომელიც დანვიცს უნახავს ფიურერის ოფიციალურ რეზიდენციაში, ახალი საიმპერიო კანცელარიის კაბინეტში.

დანვიცი კარის ზღურბლზე გაქეავდა. ხელი დაძაბულად ასწია და ხმადაბლა, მაგრამ გრძნობით, როგორც ერთგულების ფიცი, ისე წარმოთქვა „ჰაილ ჰიტლერ!“ ფიურერმა რამდენსამე წამს არ უპასუხა მისალმებაზე და დაჯინებით მიშტერებოდა. ბოლოს ოდნავ შესამჩნევად დაუქნია თავი, გაუღიმა და მრავალმნიშვნელოვნად ჰკითხა:

— აბა... დანვიცი.

— ჩემო ფიურერ, მე დაგბრუნდი ბერლინში დღეს თოთხმეტსა და ნოლ ნოლზე, — უპატაკა დანვიცმა, — თქვენი ბრძანება სრულდება ზუსტად, საჭირო საიდუმლოების დაცვით.

— უფრო დაწვრილებით! — მკვეთრი ხმით უბრძანა ჰიტლერმა.

ისევ იმ პოზაში მყოფმა დანვიცმა მოახსენა, რომ ახალი სამხედრო კონტიგენტებისათვის კლუბებისა და სპორტული ნაგებობების ნიღბით მზადდება ბინები, ითხრება მიწისქვეშა საწყობები საბრძოლო მასალებისათვის. ყველა სამუშაო, როგორც წესი, მიმდინარეობს საღამოს თერთმეტიდან დილის სამ საათამდე, ესე იგი შუალამისას. არ არის არავითარი ნიშანი იმისა, რომ ისინი შეემჩნიათ რუსებს.

— დარწმუნებული ხართ? — ცქვიტა ყურები ჰიტლერმა და კვლავ მიაპყრო დანვიცს თავისი განმსჭვალავი იჭვნეული მზერა.

— უმალ მოვეცდებოდი, ვიდრე თავს ნებას მივცემდი შეცდომაში შემეყვანეთ, ჩემო ფიურერ, — კვლავინდებურად სამხედრო პატაკის ტონით, მისი მბურღავი მზერის წინაშე თავის დაუხრელად უპასუხა დანვიცმა.

— ჩინებულისა! — შესძახა ჰიტლერმა. რამდენიმე ხანს იგი ღუმდა, შემდეგ კი უკვე ჩვეული უფერული ხმით ჰკითხა:

— რაზე ლაპარაკობენ?

— მოლოტოვის მომავალ ჩამოსვლაზე. — მოკლედ უპასუხა დანვიცმა.

— უფრო ზუსტად.

— ბევრს მიაჩნია, რომ მოლაპარაკება განამტკიცებს ჩვენს ხელშეკრულებას და...

ეს საკმარისი გახდა იმისათვის, რომ ჰიტლერი წამოშტაჩორო, თითქოს სავარძლიდან უხილავ კატაპულტას ამოვგდოს და მუშტების ქნევით წამოიყვირა:

— გულუბრყვილოები, სულელები! მონების თაობა! ისინი მნიშვნელობა ანიჭებენ ფარატინა ქალაქებს, მოლაპარაკებებს! თუმცა-ლა, — დაასრულა მან უკვე დამშვიდებით, — ეს ბუნებრივია იმათთვის, ვისი შეგნებაც ჯერ კიდევ სულელური ცრურწმენის ტყვეობაშია, იმათთვის ვისაც არ შესწევს ძალა გადააბიჯოს მონასა და ბატონს შუა აღმართულ საუკუნოვან ზღვარს.

და ჰიტლერი კვლავ შეუდგა აჩქარებით ბოლთის ცემას. თითქოს მხოლოდ მისთვის ხილულ რაღაცას უნდა დაეწიოსო.

დანვიცი მოწიწებით ელოდა ფიურერის დიადი აზრების გაგრძელებას, მაგრამ მან მოულოდნელად სხაპასხუპით ჰკითხა:

— კვირაში რამდენი ეშელონის გადასროლა შეიძლება შეუმჩნევლად ზღვისპირა რაიონებში?

— ეს დამოკიდებულია წელიწადის დროზე, ბნელ ღამეებსა და მატარებლების უკანასკნელი გაჩერებიდან საზღვრამდე არსებულ მანძილზე, ჩემო ფიურერ, — უპასუხა დანვიცმა.

მან გააკეთა პაუზა და უკვე, ასე ვთქვათ, საკუთარი რისკით დაუმატა:

— რა თქმა უნდა, თუ მოლოტოვთან მოლაპარაკება ცუდად დამთავრდება და ჩემი ფიურერი გადაწყვეტს...

მაგრამ იმ წამში ჰიტლერმა შეაწყვეტინა. სიტყვებში მან ზიზლის მთელი ძალა ჩააქსოვა და ისე წამოიძახა:

— მოლაპარაკებანი, ხელშეკრულებანი!.. ყველა კავშირი აბდაუბდაა, არაფრად არა ღირს!

იგი აუჩქარებელი, საზეიმო ნაბიჯით მიუახლოვდა დანვიცს, ნიკაპში წაავლო ხელი, თავი ცოტათი აუწია და თვალებში ჩახედა.

შემდეგ მძიმედ დაუშვა ხელი მაიორის მხარზე:

— მისმინე, ჩემო დანვიც და სამუდამოდ დაიმახსოვრე თანამედროვე პოლიტიკის ანბანი. სანამ არსებობს ბოლშევიკური რუსეთი, ჩემი მიზანი — გადავაქციო გერმანია მსოფლიოს მბრძანებლად — მიუღწეველია. გასაგებია შენთვის ეს, დანვიც?

— დიახ, ჩემო ფიურერ, — აჩქარებით უბასუხა დანვიცმა და დაუმატა:

— ისტორიის როგორი უაზრო შეცდომაა! ბოლშევიზმი საერთოდ არ იარსებებდა, თვრამეტ წელს გერმანელთა არმია რომ არ დამარცხებულყო...

— სიცრუეა, სიცრუე! — შერბილებული ხმით წამოიყვირა ჰიტლერმა და ფეხი დააბაკუნა. — საზიზლარი ზღაპრებია! — მუშტების ქნევით ყვიროდა იგი. — გერმანელთა არმია არ დამარცხებულა! არა, იგი გასცეს! გერმანიამ, გერმანელმა ჯარისკაცებმა როდის წააგეს ეს ომი. მათ ზურგიდან ჩასცხეს მახვილი, ზურგიდან! — იმეორებდა ჰიტლერი, თან იგუდებოდა და დორბლებს ჰყრიდა. — ებრაელებმა და ბოლშევიკებმა — აი ვინ გასცა ისინი, როცა გამარჯვება უკვე მოახლოებული იყო!

იგი დადუმდა. სიშმაგის შეტევამ ძალა გამოაცალა და ლაპარაკი ველარ განაგრძო.

დანვიცი დუმდა. წამოცდენილი სიტყვებისათვის გულში ლანძღავდა თავის თავს. ჰო, რა თქმა უნდა, როგორ შეეძლო მას დაეიწყებოდა ფიურერის დიადი აზრი, რომელიც მას არაერთხელ გამოუთქვამს თავის სიტყვებში, სტატიებში და ბოლოს „მაინ კამპფში“! ჰო, რაღა თქმა უნდა მსოფლიო ომში გერმანიას უღალატეს. მისი ჯარისკაცები უკვე მარშით დადიოდნენ უკრაინაში. რკინის მუშტით უსწორდებოდნენ ბოლშევიკებს და მზად იყვნენ, დაეწყოთ შეტევა პეტროგრადზე, როცა საკუთარ ზურგში, ბერლინში, გერმანიის გულში ბოლშევიკთა აგენტებმა, ებრაელმა გამცემლებმა ლიბკნეხტმა და ლუქსემბურგმა აჯანყება წამოიწყეს...

— მაპატიეთ, ჩემო ფიურერ, — ხმის კანკალით თქვა დანვიცმა, — მე სისულელე წამომცდა. უბრალოდ, იმ აზრმა, რომ ბოლშევიზმის მოხრჩობა აკვანშივე შეიძლებოდა, ყველა სხვა აზრი დამიჩრდილა. დამნაშავე ვარ.

მაგრამ ეს სიტყვები ჰიტლერის ყურთასმენას თითქოს არც გაჰქარებია. იგი იდგა დანვიცისაკენ ზურგშექცევით. პირი მიექცია უზარმაზარ ფანჯრისაკენ, რომლის სქელ, ტყვიავაუმტარ შუშის იქით მთვარით განათებული მთები მოჩანდა.

და ჰიტლერი თითქოს მათ, ამ სუსტი შუქით განათებულ მწვერვალებს მიმართავდა, როგორც ქადაგი ეკლესიის კათედრიდან, ახლა უკვე ნელა და მძიმედ ლაპარაკობდა:

— მხოლოდ ერთ ქვეყანას შეუძლია ჰქონდეს პრეტენზია, იქცეს ევროპის უდიდეს ძალად. ეს არის გერმანია.

თითქმის ყველა დანარჩენი ერი გადაშენების გზას ადგას. მაგრამ გადაშენება მეტად ნელა მიმდინარეობს. ჩვენ შეგვიძლია დავაჩქაროთ ეს გარდაუვალი პროცესი. მივეშველებით მათ, ალიგავონ პირისაგან მიწისა ან იმ ხვედრის მოპოვებაში, რომელიც დაიმსახურეს, — მონის ხვედრისა. გერმანია მსოფლიოს პატრონი გახდება, ვინაიდან სახელმწიფო, რომელიც გადაგებულია თავისი საუკეთესო რასობრივი ელემენტების გაზრდაზე, არ შეიძლება დამარცხებულ იქნეს...

ჰიტლერი კვლავ შეტრიალდა სახით დანვიცისაკენ, მაგრამ მისი თვალები თითქოს ვერ ამჩნევდნენ მათს.

ამ დროს დიდმა საათმა ორჯერ ყრუდ ჩამოჰკრა. ამ ხმამ თითქოს ახალი ბიძგი მისცა ფიურერის ფიქრებს.

— უამმა დარეკა! — ზეიმით წარმოთქვა მან. — გესმით, დანვიც? ჩვენ მივიღეთ გადაწყვეტილება და მას აღარ გადავუხვევთ. რუსეთი გაისრისება. პირველად ლენინგრადი დაეცემა, მერე — მოსკოვი. ბოლშევიკების ხელმძღვანელობას მოკლებული რუსები დაიჩოქებენ. ტექტონური სული ამოუცნობი საიდუმლოების მატარებელია. იგი იმორჩილებს სუსტებს. მე ვწინასწარმეტყველებ, დანვიც, ნაციონალ-სოციალისმთან პირველი შეტაკებისთანავე რუსეთი მტკრად და ფერფლად იქცევა. ხუთი კვირის შემდეგ იმ დღიდან, როცა ეს ხელი, — წიხ გაიშვირა ხელი, — გზას მიუთითებს გერმანულ ჯარებს, ჩვენ ვიზეიმბატ გამარჯვებას. და არაფერს არ ძალუძს ჩვენი შეჩერება!

— ჩემო ფიურერ! — წამოიძახა დანვიცმა. — მე მინდა გთხოვოთ მალალი ჯილდო! იმ დროს, როცა თქვენი ხელი მაგ გზაზე მიგვითითებს, მე მინდა ვიყო იქ, აღმოსავლეთში. ჩვენი ჯარების პირველ რიგებში! მე მინდა ვიყო პირველი, ვინც თქვენ დიად გამარჯვებას გაცნობებთ!

რამდენიმე წამს ჰიტლერი ჩააშტერდა მას. მიუახლოვდა. ფრენჩის გადანაკეცებში ჩაავლო ხელები, მკვეთრი მოძრაობით თავისკენ მიიზიდა. ყრუდ, თითქოს საიდუმლოს ან-ლობსო წარმოთქვა:

— ის სამყარო, რომელსაც მე ავაშენებ, ისეთების კუთვნილება გახდება, როგორც შენ ხარ, დანვიც!

IV

...საბჭოთა კავშირიდან ჩამოსული სტუმრების მიღება ჰიტლერის რეზიდენციაში — ახალ საიმპერიო კანცელარიაში — დავალებული ჰქონდა სტატსმდივან ოტო შაისნერს.

მაგრამ დანვიცმა, როგორც ფიურერის ერთ-ერთმა აღიუტანტმა, შარიანად შეამოწმა მიღებისათვის სამზადისი.

აი, ამ ჭიშკარში გამოჩნდება მანქანები, რომლებშიც ისხდებიან რუსები. ნელი სვლით — საათში ხუთი კილომეტრის სიჩქარით — გაივლიან ნაცრისფერი გრანიტის ფილებით მოფენილ შიდა ეზოს.

აი, აქ, მაღალი, ბრინჯაოთი მოპირკეთებული კარებიდან თხუთმეტი მეტრის დაშორებით მოლოტოვსა და მის თანამგზავრებს დაელოდება მაისნერი. იგი გადადგამს რამდენიმე ნაბიჯს მოლოტოვის შესაგებებლად. მაგრამ უცბად კი არა. მისცემს მას საშუალებას, თვალი შეავლოს საიმპერიო კანცელარიის შენობას — ახლახან დამთავრებულ დიდებულ არქიტექტურულ ნაწარმოებს. თუმცა, ზოგიერთებს იგი არ მოსწონთ. ადამიანები, რომელთა გემოვნება დამახინჯებულია ეგრეთ წოდებული ცივილიზაციით, არქიტექტორს სტილების აღრევას უსაყვედურებენ. პიგმეები! მათთვის გაუგებარია, რომ გენიალურმა ხუროთმოძღვარმა შექერმა თავის ქმნილებაში ხორცი შეასხა ფიურერის აზრებსა და შექმნა ახალი არქიტექტურული სტილი — ნაციონალ-სოციალისტური.

ამრიგად, აქ, კარგად შესამჩნევ სპეციალურად გავლებულ თეთრ ხაზთან უნდა შეჩერდეს პირველი მანქანა. დაახლოებით ამ კვადრატში მოლოტოვს მოუხდება ერთი წუთით შეყოვნება, სანამ მასთან მივიდოდეს მაისნერი. საინტერესოა, როგორ იგრძნობს თავს ბოლშევიკი მწყობრად მდგარ ვერმახტის ჯარისკაცთა და ამ მაღალი ნაცრისფერ-მარმარილოსებრი სვეტების გარემოცვაში.

აი, ამ გზით მოუწევდა ბოლშევიკთა წარმოგზავნილს ასევე თავის გოლგოთაზე.

აქ, კანცელარიის შესასვლელში, დანვიციც შეუერთდება პროცესიას, რომ მოლოტოვი ლეშულად ფიურერის კაბინეტამდე მიაცილოს.

არცთუ ისე მოკლე იქნება ეს გზა! გაყვება ოთახების ანფილადას, კედლებთან გაქვევებულ ვერმახტის ოფიცერთა მწკრივებს, გაივლის სს-ისა და სდ-ის ჩინოსანთა შუა და დასრულდება წმინდათა წმინდა კართან, რომელიც ლეშულად ფიურერის კაბინეტში გადის. ეს ყველაფერი ასე იქნება.

...ავტომანქანათა რიგი კანცელარიის შიდა ეზოს ჭიშკარში პირველ საათსა და თხუთმეტ წუთზე გამოჩნდა. პირ-

ველი მანქანა — შავი გრძელი „მერსედესი“ — შოფრისათვის მიცემული ინსტრუქციის თანახმად თეთრ ხაზთან გაქვევდა.

შოფრის გვერდით მჯდომი საგარეო საქმეთა სამინისტროს ჩინოვნიკი მანქანიდან გადმოხტა და კაბინის უკანა კარი გამოაღო. იქიდან აუჩქარებლად გადმოვიდნენ მოლოტოვი და მისი თანმხლებნი.

მოლოტოვმა წამიერად მიმოავლო თვალი საპატიმროსა თუ საყარაულოს მსგავს კვადრატულ პლაცს და თითქოს ვერც არწივები შეამჩნია კლანჭებში რომ სვასტიკები ეჭირათ, ვერც კატალიფსიურ პოზაში მდგარი ჯარისკაცები, ნავარაუდევად პაუზის გარეშე მკვეთრი ნაბიჯებით გაემართა შენობაში შესასვლელი კარისაკენ.

და შესასვლელთან მდგომ მაისნერს სხვა გზა აღარ დარჩენოდა, სასწრაფოდ უნდა შეგებებოდა, თორემ სახკომი უკვე ყოველგვარი ესკორტის გარეშე ერთ წამში თვითონ მიაღწევდა მაღალ, ბრინჯაოთი მოპირკეთებულ კარს.

მაისნერს თითქმის სირბილი დაჭირდა, რომ შუა გზაზე მაინც მოესწრო მოლოტოვის მიღება.

და მოხდა ისე, რომ მიღების მთელი ცერემონიალი: ქულების მოხდა, ხელის ჩამორთმევა — თავისთავად მოიხსნა მოლოტოვი შეუჩერებლივ, ოღონდ ნაბიჯის ოდნავ შენელებით ისე მიესალმა მაისნერს, აბეზარ მთხოვნელს ზრდილობიანად რომ მოიშორებ.

დანვიცი ამ სცენას ვესტიბიულის ფანჯრიდან ადევნებდა თვალს და შეურაცხყოფისა და ბრაზისაგან კანში ველარ ეტეოდა. მისი ფიქრით, მაისნერს — განსვენებულ ჰინდენბურგის ამ ლაქიას, ტყუილად დაავალეს მოლოტოვის მიღება. სს-ის ყოველი ოფიცერი ამ ძველი მოდის დიპლომატიის ცრურწმენით სავსე კაცზე ბევრად უკეთ გაართმევდა თავს საქმეს.

მაისნერის. მოლოტოვისა და მის თანმხლებთა ვესტიბიულში გამოჩენამ დანვიცს ფიქრები შეაწყვეტინა.

იმ წუთში, როცა სტუმრები მას გაუსწორდნენ, იგი სამწყობრო წესით მობრუნდა და პროცესიას შეუერთდა.

ისინი მიჰყვებოდნენ იმ უფანჯრებო ოთახების დაუსრულებელ ანფილადას, რომლებიც დღედაღამ მხოლოდ ელექტრომუქით იყო განათებული. გრძელ მწკრივებად მდგომი ოფიცრები ქუსლს ქუსლზე ირტყამდნენ და ისეთი სისწრაფითა და ძალით იქნევდნენ წინ მარჯვენა ხელს, რომ მათ

შუა მიმავალთ შეიძლება მოჩვენებოდათ თითქოს მათ უპირებდნენ გარტყმას.

ეს რიტუალი თავისი პირქუში ზეიმურობით გულის დამამძიმებელი იყო. მხოლოდ ქუსლების ტყაპუნი. მხოლოდ ხელების მკვეთრად აქნევა. ამ სალუტში ერთად შერწყმულიყო მუჭარაც და მორჩილების მკაცრი ბრძანებაც.

მაგრამ, ეტყობოდა, მოლოტოვზე ეს ადამიანები ქარის წისკვილებზე მეტ შთაბეჭდილებას როდი ახდენდნენ.

დანვიცმა განზრახ აუჩქარა ნაბიჯს და ახლა თითქმის მოლოტოვის გვერდით, ოღონდ ცოტა მოშორებით, მიდიოდა ახლა მას შეეძლო დაენახა სახკომის სახე — მოყვითალო პირისკანი, შეჭადარავებული უღვაშები, მჭიდროდ მოკუმული ტუჩები, პენსნე, დიდი შუბლი, გულდასმით დავარცხნილი შუაზე გაყოფილი თმა.

ერთხანს დანვიცს მოეჩვენა, რომ მოლოტოვმა ძლივს შეიკავა ზიზღნარევი ღიმილი და ტუჩები შეარხია. ქვეყნად ყველაფერზე უფრო მეტად ახლა დანვიცმა ინატრა დაეყვირა „პალტ!“, შემდეგ კი ებრძანებინა: შეეპყროთ ეს კაცი, მკლავები გადაეგრისათ და ძირს დაენარცხებინათ...

მაგრამ, აი, წინ დღის შუქი შემოეყარათ, ანფილადა მრგვალი, დიდფანჯრებიანი ჰოლით თავდებოდა.

იგი გაჭედილი იყო ხალხით: ისინი ისხდნენ კედლების გასწვრივ დადგმულ დივნებზე, ირეოდნენ საუზმით გაწყობილ მაგიდასთან, ტყავის სქელი საქალაღდეებით ხელში წინ და უკან მიმოდრიოდნენ სამოქალაქო და სამხედრო პირები...

დამხოლოდ ჭერამდე აწვდილი მაღალი კარების წინ, სადაც ორი ესესელი გაშეშებულყო, რჩებოდა თითქოსდა მკვდარი სივრცე. ამ კართან ახლოს ვერავინ მიდიოდა. როგორც კი ჰოლში გამოჩნდნენ მოლოტოვი და ისინი, ვინც მას მიჰყვებოდნენ, ირგვლივ სიჩუმე ჩამოვარდა. ვისაც ხელში თეფშები ეჭირათ სასწრაფოდ დააწყეს მაგიდაზე. დივნებზე მსხდომნი სწრაფად წამოდგნენ. ყველას ყურადღება საბჭოთა დელეგაციამ მიიპყრო. მოლოტოვმა თავაზიანად, მაგრამ ცივად, ოღნავ დახარა თავი, სახის გამომეტყველება არ შეცვლია.

ჩამოვარდნილ სიჩუმეში გაისმა დანვიცის სიტყვები. აღელვების, მომენტის სიღიადის შეგნების გამო ჩავარდნილი ხმით მან თქვა, რომ ბატონ-მოლოტოვსა და მის თანმხლებ პირებს ფიურერი თავის კაბინეტში ელოდება.

და მაშინვე ჰოლში შეჭგუფულმა ადამიანებმა აჩქარებით დაიხიეს უკან, კედლებისაკენ. გუშაგად მდგომმა ესესე-

ლებმა ორივე კარი შეაღეს, მკვეთრად შებრუნდნენ და მარჯვენა ხელები ზევით აიჭნიეს.

მოლოტოვი, მისი მოადგილეები და თარჯიმნები ჰიტლერის კაბინეტში შევიდნენ. მათ უკან კარი უხმაუროდ დაიხურა.

... შეიძლება ითქვას, ბერლინში ჩამოსვლის შემდეგ მოლოტოვი პირველად მხოლოდ ახლა შეცბუნდა ოდნავ. კაბინეტი ცარიელი გეგონებოდათ. საბჭოთა წარმომადგენლები იდგნენ დიდ, თითქოს მეჯლისებისათვის განკუთვნილ დარბაზში. კედლებზე უზარმაზარი გობელენები ეკიდა. ფუმფულა ნოხს იატაკი დაეფარა. შემოსასვლელის მარჯვნივ მრგვალი მაგიდა და რამდენიმე საჯარძელი იდგა. მაგიდაზე არ იყო არც ქაღალდები, არც ფანქრები, მხოლოდ აბაჯურიანი დიდი ანთებული ლამპა იდგა.

ალბათ, ამ ლამპის შუქის გამო ყველაფერი, რაც ოთახის სიღრმეში იდგა, ბინდბუნდში იყო ჩაძირული. თუმცა სწორედ იქ, შორს, გაარჩევდით დიდი საწერი მაგიდის მოხაზულობას და საყრდენზე დადგმულ უზარმაზარ, ადამიანის სიმაღლე გლობუსს.

სანამ მოლოტოვი გადაწყვეტდა, სად დალოდებოდნენ კაბინეტის პატრონს — შუა ოთახში, თუ მრგვალ მაგიდასთან მიდგმულ საჯარძლებში, შორიდან გამოჩნდა ფრენში გამოწყობილი პატარა ღონემიხდილი ფიგურა. იგი თითქოს იატაკის ქვეშედან ამოძვრა და მოლოტოვი ახლა მიხვდა, რომ ვერ შეამჩნია საწერ მაგიდასთან მჯდომი ჰიტლერი. ის ბინდბუნდში ოდნავ მოჩანდა გობელენების, გლობუსის, მაღალზურგიანი სკამების — ამ ზომაზე მეტად დიდი საგნების — ფონზე.

მაგრამ მოლოტოვის თვალი თანდათან შეეჩვია გარემოს. იგი ხედავდა, რომ ჰიტლერი წამოდგა და საწერ მაგიდაზე ორივე ხელით დაყრდნობილი ჩაცვივით უცქეროდა ოთახის შუაში მდგომ ადამიანების ჯგუფს.

ეს სულ რამდენიმე წამს გაგრძელდა.

შემდეგ ჰიტლერი მაგიდას მოსცილდა და მოლოტოვისკენ გამოემართა.

ახლა უკვე შეიძლებოდა მისი ფრენის მომწვანო ფერისა და მკერდის მარცხენა მხარეზე მიბნეული შავი სამხედრო ჯერის გარჩევა.

მოლოტოვისაგან რამდენიმე ნაბიჯის დაშორებით ჰიტ-

ლერი უეცრად შეჩერდა და დუნედ აიქნია ხელი. ეს არ ჰგავდა ხელის იმ მოძრაობას, როგორცაა აქეთკენ მომავალ მოლოტოვს სალუტს აძლევდნენ ოფიცრები.

შემდეგ იგი მივიდა მოლოტოვთან და უწინდებურად მღუმარედ გაუწოდა ხელი. ისინი ერთმანეთს მიესალმნენ.

ხელის ჩამორთმევის პროცესმა რამდენიმე წუთს გასტანა. ჰიტლერი სათითაოდ მიდიოდა საბჭოთა წარმომადგენლებთან, თარჯიმნებთან და ხელს უწვდიდა.

მთლად მოდუნებული, მომჩვარებული ჩანდა. მხრები ჩამოეშვა, ხელი თითქოს უძვლო ჰქონდა; ნაცრისფერ პირისკანს სიცოცხლის ფერი არ ედო.

და მხოლოდ თვალები, პატარა, მახვილი, შეშუპებული ქუთუთოებით ნასევრად დაფარული თვალები ნაცარში შეხვიული ნაკვერცხლებივით უელავდა.

შემდეგ ჰიტლერმა სწრაფად, მაგრამ მონოტონურად, თითქოს სავალდებულო ბეგარას იხდისო, თქვა, რომ მოხარულია მიესალმოს მოსკოველ სტუმრებს ბერლინში.

თარჯიმანი, რომელიც ისე შეუმჩნევლად გაჩნდა, თითქოს კედლიდან გამოძვრაო, იმგვარადვე უფერულად, ჰიტლერის იმიტირებით რუსულად იმეორებდა ცივი მისალმების სიტყვებს.

მოლოტოვმა ხმის ამოუღებლად დახარა თავი. ჰიტლერმა ხელის ზანტი ქესტით ანიშნა მრგვალ მაგიდასა და სავარძლებზე და პირველი წაცუნცულდა იქითკენ. ვერავინ შენიშვნა, როგორ და საიდან გაჩნდა ოთახში რიბენტროპი, რომელსაც თან ახლდნენ ჰიტლერის პირადი თარჯიმანი სქელსქელი შმიდტი და გერმანიის საელჩოს მრჩეველი მოსკოვში, ხმელ-ხმელი ჰილგერი.

მას შემდეგ, როცა ყველანი დასხდნენ, რამდენიმე ხანს სიჩუმე იდგა. ჰიტლერი წელში მოხრილი იჯდა, სავარძლის საიდაყვეს ოდნავ გადაყრდნობილი.

მოულოდნელად იგი გაიმართა. თავი უკან გადასწია და ისე, რომ პირდაპირ არავისთვის არ მიუმართავს, კერში თვალაპყრობით დაიწყო ლაპარაკი.

სიტყვის დასაწყისი მშვიდი, მონოტონურიც კი იყო. ლაპარაკობდა რამდენადმე დაღლილი კაცის იერით.

ჰიტლერმა დაიწყო იმით, რომ ინგლისის დამარცხება — ეს არსებითად, უკვე მომხდარი ფაქტია. ხშირი ნისლი რომ არ ყოფილიყო, რომელიც წელიწადის ამ დროს, ჩვეულებრივ დაბურავს ხოლმე ბრიტანეთის კუნძულებს, ინგლისის დელეგაცია ფორმალური კაპიტულაციით ხელში უკვე ამ

შენობის ზღურბლთან იდგებოდა მიღების მოლოდინში. მაგრამ ნისლის პერიოდი მალე დამთავრდება და გერმანელთა ავიაცია საბოლოოდ დარტყმას განახორციელებს.

ჰიტლერი ლაპარაკობდა უდიდებულად, ინტონაციას მოკლებული ხმით, მაგრამ შეუფერხებლად და წაუბორობიკებლად, თითქოს წინასწარ დაწერილ ტექსტს კითხულობსო. ჩანდა, იგი განზრახ, წინასწარი მოფიქრებით არ აქსოვდა თავის სიტყვებში არავითარ ემოციას, რითაც სურდა ეთქვა, რომ ყველაფერი, რაზეც ვლაპარაკობ, არსებითად აქსიომაა. სასაცილოა აღელდე არქიმედეს კანონის გადმოცემისას. კანონი კანონია, აუცილებლობის შემთხვევაში შეიძლება იგი შეახსენო, მაგრამ მისი დაურღვევლობის მტკიცება ახირებულიობაა.

სწორედ ამაში მდგომარეობდა ჰიტლერის ორატორული ხერხის მიზანი — იგი ლაპარაკობდა ინგლისის დამარცხებაზე, როგორც გადაწყვეტილ, საყოველთაოდ ცნობილ, უდავო რამეზე, რაც არგუმენტაციას არ საჭიროებს. იმისთვისაც კი არ იწუნებდა თავს, რომ სახეზე შეეხედა თანამოსაუბრეთათვის, რათა განესაზღვრა, თუ რა შთაბეჭდილებას ახდენდა მათზე მისი სიტყვა. მას ექვი არ ეპარებოდა ამ შთაბეჭდილების ძალაში. ლაპარაკის დროს ჰიტლერი სადღაც, მის წინ მსხდომთა თავს ზევით იყურებოდა.

— ... ამრიგად, — განაგრძო მან, — ჩვენთვის აზრი არა აქვს ინგლისის პრობლემის განსახილველად დროის ხარჯვას. ინგლისს ბოლო მოვუღეთ, — თქვა მან ხმის ცოტა აწევით და ისე მკვეთრად გაიქნია ხელი, თითქოს განზე გადაისროლა, საბოლოოდ ჩამოწერა განადგურებული ინგლისი. შემდეგ წამით დადუმდა და პირველად შეხედა პირდაპირ მოლოტოვს.

მაგრამ იგი სავარძლის საიდაყვეებზე ხელებდაწყობილი უძრავად და მშვიდად იჯდა.

მხოლოდ იშვიათად, თარგმანის მოსმენისას, იგი ოდნავ შესამჩნევად იხრებოდა ხოლმე თარჯიმანისაკენ.

— არის, რა თქმა უნდა, ამერიკის პრობლემა, — თქვა ჰიტლერმა, — მაგრამ მას ჯერჯერობით მხოლოდ წმინდა თეორიული მნიშვნელობა აქვს, ვინაიდან შტატები ვერ შეძლებენ დაემუქრონ „ახალ ევროპას“ სამოცდაათიან ან ოთხმოციან წლებამდე... ვერ შეძლებენ! — გაიმეორა მან და უკვე რამდენადმე გაღიზიანებით, რადგან მოეჩვენა, რომ „ახალი ევროპის“ ხსენებისას მოლოტოვის სახეზე ოდნავ შესამჩნევმა დამცინავმა ღიმილმა გაიელვა.

მაგრამ ჰიტლერმა იქვე ალაგმა თავისი გაღიზიანება.

— ახლა, — განაგრძო ჰიტლერმა, — ისტორიული მო-
შენების სიდიადისა და ჩვენი ქვეყნის წინაშე გადაშლილ
შესაძლებლობათა შესაბამისად, ჩვენ უნდა განვიხილოთ
პირველხარისხოვანი საკითხი: რა იქნება მომავალში?

იგი სავარძლის საზურგეს გადაეყრდნო და სათითაოდ
შეათვალიერა დამსწრენი. სიჩუმე არ დარღვეულა. ჰიტლერი
თავისი სიტყვის მეორე ნაწილისათვის ემზადებოდა.

მართალია, რიბენტროპმა სულ ერთი საათით ადრე
მოახსენა მას, რომ ბელვიუს ციხე-დარბაზში წინასწარი მო-
ლაპარაკების დროს მოლოტოვზე განსაკუთრებული შთა-
ბეჭდილება არ მოუხდენია გერმანიასა და რუსეთს შორის
მსოფლიოს განაწილების პერსპექტივას. მაგრამ ჰიტლერს ამ
ინფორმაციისათვის განსაკუთრებული მნიშვნელობა არ
მიუცია და გადაწყვიტა თავისი სიტყვის გეგმა არ შეეცვალა.
მას ვერ წარმოედგინა, რომ საბჭოთა სახკომი არ ჩაეკიდე-
ბოდა გულუხვ წინადადებას, როცა მას თვით ჰიტლერი შეს-
თავაზებდა. მისი აზრით, იგი არ მოიკლებდა სიამოვნე-
ბას, — მოეხსენებინა სტალინისათვის, რომ წარმატებით
შეასრულა თავისი მისია, უზრუნველყო რა რუსეთისათვის
წარმატაცი პერსპექტივები.

ჰიტლერმა ხატოვნად და ტემპერამენტიანად დაახასიათა
ორი სახელმწიფოს ინტერესთა დამთხვევა. ილაპარაკა რუ-
სეთისათვის „ოკეანეზე გასვლის ისტორიულად გამართლე-
ბული წყურვილის“ დაკმაყოფილებაზე. მაგრამ მოლოტოვ-
ზე არც მის სიტყვას მოუხდენია რაიმე შთაბეჭდილება.

და ამას ჰიტლერი წონასწორობიდან გამოჰყავდა. მან
რიბენტროპის ნაპატივებ სახეზე ჩაცინების მსგავსი რამეც
დალანდა. მრისხანე მზერა სტუკორცნა თავის მინისტრს. ად-
გილიდან წამოვარდა და სიშმაგის შემოტევისაგან თავშე-
კავების ღონე რომ აღარ ეყო, ხმამაღლა და არეულად მორ-
თო ყვირილი, რომ ისტორია და რუსი ხალხი არასოდეს არ
აპატიებენ საბჭოთა მთავრობას, თუ იგი არ გამოიყენებს მის
წინ გადაშლილ შესაძლებლობებს.

იგი სულმოუთქმელად ყვიროდა და როცა ჰაერის ჩასა-
სუნთქად შეჩერდა, მოლოტოვის მიერ ხმადაბლა წარმოთქ-
მული სიტყვები მოესმა:

— მე მ-მინდა შევნიშნო, — თქვა სახკომმა, — რომ ბა-
ტონ რაიხსკანცლერის მსჯელობა რამდენადმე ზოგადი ხა-
სიათისაა.

ჰიტლერმა თავი ისე იგრძნო, თითქოს გაქანებული სირ-

ბილის დროს მოულოდნელად შეაჩერესო. ნერვიულად მოილოკა გამშრალი ტუჩები და როგორღაც უცნაურად გაიქნია თავი, თითქოს უნდოდა დარწმუნებულიყო, რაც ახლა ხდება, ზმანებაა თუ ამ პენსენიანმა კაცმა ნამდვილად გაბედა იმის თქმა, რაც მოვისმინეო.

მაგრამ მოლოტოვი, თითქოს ვერ ამჩნევდა ჰიტლერის მდგომარეობას. იგი მოთმინებით ელოდა პასუხს.

ოთახში მყოფთა ერთი ნაწილი გუნებაში იცინოდა, სხვები გარდაუვალი ქარიშხლის წინათგრძნობით თრთოდნენ.

მოლოტოვი აღარ დაელოდა ჰიტლერის პასუხს და ახლა უკვე აშკარად აგრძნობინა, რომ არავითარ მნიშვნელობას არ აძლევს აქამდე ნათქვამს და განაცხადა:

— საბჭოთა მთავრობამ მოსკოვიდან გამომგზავრების წინ მომცა სრულიად ზუსტი ინსტრუქციები, რომლებიც საჭიროა დავიცვა. უწინარეს ყოვლისა, მე ვაპირებ განვაცხადო ის, რაც პირველ რიგში აინტერესებს ჩემს მთავრობას.

მოლოტოვმა წარმოთქვა ეს სიტყვები დინჯად, როგორღაც განკერძოებით და ჩვეულების წინააღმდეგ თითქმის ენის წაუბოროძიებლად.

კაბინეტში ერთი წუთის წინაც სიჩუმე იდგა, მაგრამ ახლა იგი განსაკუთრებით საგრძნობი გახდა. მთელი თავისი ტონით, სახის ცივი და მკაცრი გამომეტყველებით მოლოტოვი თითქოსდა ამბობდა: „ის, რაც ხდებოდა აქ ამ წამამდე, არაარსებითია. ახლა კი იწყება მთავარი, რისთვისაც, სწორედ რომ ვთქვათ, ჩვენ აქ შევიკრიბეთ“.

ასე ჭერ არავის არ ულაპარაკია არათუ თვით ჰიტლერთან, არამედ მისი თანდასწრებითაც კი. იგი ვარაუდობდა, თუ მოლოტოვი არ „წამოეგება“ მისთვის მომზადებულ სატყუარაზე, ყოველ შემთხვევაში, ჩათრეული მაინც აღმოჩნდება განხილვაში, თუნდაც დავაში ჰიტლერის წინადადების ღირსება-ნაკლოვანებათა შესახებ.

მაგრამ ფიურერის სიტყვების ასე ხელალებით უკუგდება, აგდებულად თავიდან მოშორება! ეს გაუგონარი რამ იყო.

ჰიტლერი იკრუნჩხებოდა. უხმოდ აღებდა და კუმავდა პირს, თითქოს ჰაერს იჭერსო. რალაციის თქმა უნდოდა, მაგრამ მოლოტოვმა ერთი სიტყვის თქმაც არ აცალა. პასუხისთვის არ დაუცდია ისე განაგრძო:

— საბჭოთა მთავრობა კვლავ დაჟინებით მოითხოვს განმარტებებს: რას აპირებენ გერმანელთა ჯარები ფინეთში? რას ნიშნავს ცნება „ახალი წესრიგი ევროპასა და აზიაში“?

რაც არაერთხელ აქვს გამოყენებული ბატონ ჰიტლერს თავის სიტყვებში? რაში მდგომარეობს სამი სახელმწიფოს პაქტის ნამდვილი აზრი?

ქვის ლოდების ცვენას გავდა მისი კითხვები. უკანასკნელი კითხვის შემდეგ მოლოტოვმა მოკლე პაუზა გააკეთა და, ეტყობა, ჰიტლერის დაბნეულობით კმაყოფილმა, თითქოს სასხვათაშორისოდ დასძინა:

— გვაქვს სხვა საკითხებიც, რომლებშიც გარკვეულობა უნდა იქნეს შეტანილი. ეს საკითხები დაკავშირებულია ბალკანეთის ქვეყნების მომავალთან, უფრო ზუსტად, ბულგარეთის, რუმინეთისა და აგრეთვე თურქეთის დამოუკიდებლობის პრობლემასთან.

მან ისევ გააკეთა პაუზა და მერე მოკლედ და დაყინებით თქვა:

— ჩვენ ველოდებით პასუხებსა და განმარტებებს.

როგორც ჩანდა, ახლა განსაკუთრებული რალაც უნდა მომხდარიყო. ვერც ერთ მათგანს ვინც თვალს ადევნებდა ჰიტლერს ხელისუფლების სათავეში ჩადგომიდან დღემდე, ვერ წარმოედგინა იგი ისეთ კაცად, რომელსაც შეიძლება დაკითხვა მოუწყო.

ჰიტლერს ნაცრისფერი სახე ოდნავ წამოუწითლდა, პირზე დორბლი მოადგა, ხელებით სავარძლის იდაყვისაყრდენებს ჩაებლაუჭა...

მაგრამ აფეთქება არ მომხდარა. რიბენტროპის, შმიდტისა და ჰილგერის გასაოცრად, ჰიტლერი უცებ რალაცნაირად მოიღვენთა. მარჯვენა მხარი ჩვეულებისამებრ რამდენჯერმე შეუთრთოლდა, ტუჩები ენით მოილოკა, საათს შეხედა და ყოყმანით თქვა:

— წამოჭრილი საკითხების განხილვა, როგორც ვფიქრობთ, დროს მოითხოვს... მოლაპარაკების გაგრძელება ხვალისათვის გადავდოთ. მით უმეტეს, ჩვენი ცნობების მიხედვით, მალე მტრის ავიაციის თავდასხმა მოგველის...

იგი წამოდგა. ადგილებიდან წამოდგნენ სხვებიც. შეხვედრა დამთავრდა, რომელიც ხვალ დღის ოთხ საათზე კვლავ უნდა განახლებულიყო...

სიძულვილის ძალა ჰიტლერში ვერ ახშობდა ცივი ანგარიშიანობის უნარს. მას შეეძლო დამაჯერებლად მკვერმეტყველი ყოფილიყო; როცა მოლაპარაკებას აწარმოებდა იმ ქვეყნის წარმომადგენლებთან, რომლის დაპყრობაც გადაწყვეტილი ჰქონდა, მაგრამ რომელიც ჯერ კიდევ სერიოზულ სამხედრო და პოლიტიკურ ძალად რჩებოდა.

ახლა მას სჭირდებოდა, თუნდაც მოსაჩვენებელი მეგობრული ურთიერთობა რუსეთთან. სჭირდებოდა იმისათვის რათა დრო მოეგო და ჯარების საჭირო კონტიგენტი გადაესროლა ფინეთში — საბჭოთა კავშირის ჩრდილოეთ საზღვრებისაკენ, პოლონეთში — დასავლეთ საზღვრებისაკენ და მოესწრო მის მიერ უკვე დაპყრობილ ქვეყნებში მრეწველობის სამხედრო ყაიდაზე გარდაქმნა.

ამიტომ ჰიტლერი, მიუხედავად იმისა, რომ მის პრესტიჟს მოლოტოვმა აშკარა დარტყმა მიაყენა, კმაყოფილი იყო თავისი ქცევით. კმაყოფილი იყო იმით, რომ არ დაუშვა მოლაპარაკების ჩაშლა. დრო მოიგო — თუნდაც ერთი დღე-ღამე, რათა მომზადებულიყო მისი მეორე ეტაპისათვის.

სალამოს მან ვიწრო წრის თათბირი მოიწვია: გერინგი, რიბენტროპი, იოდლი, ჰალდერი.

პირველი ორი დაჯინებით მოითხოვდა „მტკიცე ხაზს“. ძალა ფიურერისა იმაშია, რომ იგი ფიურერია. როგორც არ უნდა იქცეოდეს მოლოტოვი მოლაპარაკებაზე, სტალინს აუცილებლად მოახსენებს რაც სჭირდება გერმანიას, აგრძობინებს, რომ მასთან ხუმრობა არ შეიძლება.

სტალინმა, რომელიც აქამდე არ შეხვედრია თავის ღირსეულ მოწინააღმდეგეს, არ შეიძლება არ შეიგნოს, რომ აწმის წინ დგას რკინისებური ნებისყოფის კაცი. არ შეიძლება არ იგრძნოს, რომ მასთან ხუმრობა არ გაუვა.

გენერლები განსაკუთრებით ჰალდერი, შეედავნენ. ცხადია, ისინი სავსებით მხარს უჭერდნენ ჰიტლერს რუსეთზე თავდასხმის გადაწყვეტილებაში. მაგრამ ფიურერი ბრძნულად დათანხმდა მოსამზადებლად მიეცა მათთვის ერთი წელიწადი. ახლა უკვე დარჩენილიყო მხოლოდ რამდენიმე თვე! „მტკიცე ხაზი“, მოლაპარაკების ჩაშლა გაართულებს საქმეს, მეტად გააძლიერებს რუსეთის დაეჭვებას. ასეთ პირობებში გაძნელებდა მოსამზადებელ სამხედრო ღონისძიებათა საიდუმლოდ შენახვა. გენერლები მოუწოდებდნენ ჰიტლერს, გამოეჩინა ტევტონური ეშმაკობა.

რიბენტროპმა გამოთქვა ვარაუდი, ხვალ მოლოტოვი შეცვლის თავის ტაქტიკასო. ბოლოს და ბოლოს, მშვიდობის შენარჩუნება — კრემლის იდეფიქსია. და ეს გასაგებიცაა: მოსკოვსაც სჭირდება დროის მოგება. მოლოტოვს შეეშინდება სტალინთან არაფრისმთქმელი პასუხით დაბრუნება. იგი ახლა უთუოდ თვითონვე ნანობს თავის დღევანდელ საქციელს...

ჰიტლერმა შეწყვიტა თათბირი. მან თქვა, რომ გადაწყვე-

ტილებას მოგვიანებით მიიღებს და შესთავაზა ენახათ დასავლეთის ფრონტიდან მიღებული უკანასკნელი დოკუმენტური კინოგადაღებები. ყველანი კინოდარბაზში გავიდნენ...

უჩვენეს ინგლისთან ომისადმი მიძღვნილი მოკლემეტრაჟიანი ფილმი. ინგლისის კუნძულების პანორამა მშვიდობიანობის დროს. ქუჩები სავსეა ხალხით. ავტომობილების ნაკადი. მალაზიების ვიტრინები, აბრა „კოლონიური საქონელი“. დიქტორი ლაპარაკობს, დიდი ბრიტანეთის ძლიერება, მისი სიმდიდრე ზღვისგაღმა კოლოსალურ სამფლობელოებს ემყარებაო. კოლონიებისა და დომინიონების პანორამა. კუნძულები წყნარ ოკეანეში. ინდოეთი. აფრიკა. მალტა. შორეული აღმოსავლეთი. უსაზღვრო ტერიტორიები. მილიონობით ადამიანი. და ყოველივე ამას ფლობს დიდი ბრიტანეთი უფრო სწორედ, ინგლისი. პატარა თავი გიგანტურ სქეულზე...

მერე გერმანელთა თვითმფრინავები ინგლისის თავზე. ხანძრები ლონდონში. ჩერჩილი ხელჯოხით, კბილებში სიგარითა და მხარზე აირწინალის ჩანთით. სახეზე აშკარა შიში აწერია. ისევე ავიაბომბების აფეთქება. პანიკით მოცული ადამიანები გარბიან ქუჩებში. ისევე გადმოსცემს დიქტორი: ბრიტანეთის იმპერიის კრახის კვირაძალია. ძალაგამოლეული ტანი წაიქცევა, თუ მას თავს წააცლიან. დიდი ბრიტანეთის თავი ისტორიის სანაგვე ყუთში ჩასავარდნადაა გამზადებული. იგი უკვე ძლივს დგას ფეხზე... ისევე ბომბების დარტყმა. ჩერჩილის თავი კრუნჩხვით კრთის კვადრატულ მოუხეშავ ტანზე.

„ხორსტ ვესელის“ მელოდია გერმანიის ჰიმნის „გერმანია, გერმანია უპირველეს ყოვლისა“... დიად ჰანგებში გადადის. დასასრული. დარბაზში შუქი ინთება.

პიტლერის გარდა, ყველანი წამოდგნენ. იგი ზის გაუნძრევლად, ჩუმი, ჩაფიქრებული. დანარჩენები ისევე გაუბედავად ჩაეშენენ სავარძლებში...

...მოლოტოვი კი ამ დროს უნტერ-დენ-ლინდენზე საბჭოთა ელჩის კაბინეტში, თავის თარჯიმანთან ერთად იჯდა და ცკ-სა და მთავრობისადმი გასაგზავნ მოხსენებაზე მუშაობდა. მეთოდურად, თანმიმდევრობით, დეტალურად აღწერდა ყოველივეს, რაც მოლაპარაკებაზე ხდებოდა. სალამოსთვის მოხსენება მზად იყო. თითქმის შუალამისას ვრცელი შიფროგრაფა მოსკოვში გაიგზავნა.

შემდეგ მოლოტოვი და მისი დელეგაციის წევრები თავიანთ რეზიდენციაში გაემგზავრნენ და დასაძინებლად დაწ-

უნენ. მხოლოდ ერთი თარჯიმანი, ჯერ კიდევ სრულიად ახალ-
გაზრდა კაცი, საგარეო საქმეთა სახალხო კომისარიატის მუ-
შაკი, რომელმაც ბრწყინვალედ იცოდა გერმანული ენა,
რისთვისაც სწორედ მასზე შეაჩერა მოლოტოვმა თავი-
სი არჩევანი, გვიანობამდე იჯდა პატარა ოთახში. წესრიგში
მოჰყავდა თავისი ჩანაწერები და იღუმალად იმედოვნებდა,
რომ დადგებოდა დრო, როცა შეძლებდა მათ გამოქვეყ-
ნებას...

მეორე დღეს ისინი კვლავ შეხვდნენ ერთმანეთს.

მოლოტოვმა პირველმა მოითხოვა სიტყვა. რიბენტრო-
პის წინასწარმეტყველების წინააღმდეგ იგი მშვიდი და თავის
თავში დარწმუნებული იყო. მისი პატაკის პასუხად მოს-
კოვიდან ინსტრუქცია ჯერ კიდევ შუადღისას მოვიდა.

მოლოტოვს ისევ ფინეთი აინტერესებს, როგორც ახ-
სოვს, ბატონ რაიხსკანცლერს გუშინ პასუხი არ გაუცია მის
შეკითხვებზე. რა გაეწყობა, იგი მზად არის გაიმეოროს ის
შეკითხვები. ამრიგად, რა საფუძველით აგზავნის გერმანია
ფართულად თავის ჯარებს ფინეთში? როგორია ამ ჯარების
რაოდენობა? რა უნდა გააკეთონ მათ ფინეთში? ოკუპირებას
თუ უპირებენ? იგი პასუხს უცდის.

ჰიტლერი მხრებს იჩეჩავს. გაოცებას გამოთქვამს საბჭო-
თა წარმომადგენლის უცნაური ტერმინოლოგიის გამო
„ოკუპაცია?“ იგი განცვიფრებულია, როგორ მოუვიდა
კრემლს ასეთი ფიქრი. ეგ ელემენტარული ტრანზიტია. გერ-
მანული ნაწილები ნორვეგიაში მიემართებიან. გერმანიისა-
თვის ყველაზე მოკლე და მოსახერხებელი გზა ფინეთზე გა-
დის. განა ყოველივე ეს გერმანიის ელჩმა მოსკოვში უკვე არ
განუმარტა საბჭოთა მთავრობას? როგორც გეოგრაფიიდან
ვიცით, ფინეთი ნორვეგიას ესაზღვრება, და ამიტომ...

— ფინეთი საბჭოთა კავშირსაც ესაზღვრება, — მშვიდად,
მაგრამ მტკიცედ შეაწყვეტინა ჰიტლერს მოლოტოვმა, —
კერძოდ, უდიდესი საბჭოთა ეკონომიური და პოლიტიკური
ცენტრი — ქალაქი ლენინგრადი — ფინეთის საზღვრიდან
არც ისე შორს მდებარეობს.

ჰიტლერი კვლავ მხრებს იჩეჩავს. როგორც კი სიტყვა
ფინეთზე ჩამოვარდება, ბატონი მოლოტოვი უცნაურ დაინ-
ტერესებას იჩენს. ხოლო ეს შემაშფოთებელ ფიქრებს აღძ-
რავს. იქნებ თვით საბჭოთა კავშირს აქვს რაიმე განსაკუთ-
რებული გეგმები, რომლებიც ამ სახელმწიფოს შეეხება?

მოლოტოვი უპასუხებს, რომ საბჭოთა კავშირის საზღვრების უშიშროებაზეა ლაპარაკი.

მაგრამ ჰიტლერი ამას თავისებურ განმარტებას აძლევს. მან თქვა, რომ მოლოტოვის პასუხი, ცოტა არ იყოს, მიკიბულ-მოკიბულად ეჩვენება. მას სურს გააფრთხილოს საბჭოთა კავშირის მთავრობა: ბალტიკაში ომი მეტად გაართულებდა რუსეთისა და გერმანიის ურთიერთობას. მეტიც, იგი გაუთვალისწინებელ შედეგებამდე მიგვიყვანდა და...

მოლოტოვიმ მკვეთრად შეაწყვიტინა:

— ეს მუქარაა?

ლაპარაკში მოულოდნელად რიბენტროპი ჩაერია. მან ფარ-ხმალის დამყრელი ღიმილით თქვა, განა ღირს ფინეთისათვის ამდენი დროის დათმობა. ბოლოს და ბოლოს, გერმანიისა და რუსეთის წინაშე წამოჭრილი საერთო ამოცანების ფონზე ეს საკითხი მეორეხარისხოვანზე უფრო უმნიშვნელოა...

ყველაფერი თითქოს ნოტიების მიხედვით სრულდებოდა. ასე შეთანხმდნენ ჯერ კიდევ გუშინ კინოდარბაზში. თუ მოლოტოვი კვლავ ჩამოაგდებს სიტყვას ფინეთში გერმანელთა კონტინგენტების გაგზავნაზე, რიბენტროპი ჩაერევა ლაპარაკში და ფიურერს საშუალებას მისცემს განახორციელოს გეგმა, რომელიც გუშინ ყოველივე წვრილმანის გათვალისწინებით იქნა მოფიქრებული.

ჰიტლერი წამოდგა, ხელი ასწია, თითქოს ყველას სთხოვდა, თავთავიანთ ადგილებზე დარჩენილიყვნენ. ოთახში რამდენიმე ნაბიჯი გადადგა. შემდეგ თავისი სავარძლის ზურგს უკან შეჩერდა და მშვიდად, შემარიგებლურად თქვა:

— რიბენტროპი მართალს ამბობს. ჩვენ თემას გადავუხვიეთ. ყველა ეს წვრილმანი ჩინოვნიკებსა და ექსპერტებს, დავუტოვოთ განსახილველად. ჩვენი საერთო შტრები მეტად იოლად გაიმარჯვებდნენ, თუ გერმანიისა და რუსეთს შორის შუღლის ჩამოგდებას შეძლებდნენ რაღაც წმინდა რეჟინიერი პრობლემების გამო, როგორცაა ფინეთზე გავლით გერმანიის ქარების ტრანზიტი...

მან აგდებით ჩაიქნია ხელი. ისევ შემოუარა მაგიდას, შეჩერდა სავარძელთან, რომელზეც მოლოტოვი იჯდა, ოღონად შეეხო მის მხარს, ხელის მოძრაობით მიიწვია და თვითონაც წავიდა მოშორებით მდგარი გლობუსისაკენ.

მოლოტოვი წამოდგა. სახეზე ცოტა გაოცება აღებქდა, მაგრამ ჰიტლერს მაინც გაპყვა.

დანარჩენებიც მიჰყვნენ.

პიტლერი შავი ხის საყრდენზე დამაგრებულ გლობუსს მიუახლოვდა, შეჩერდა, დაადო ხელი და უბიძგა მრავალფეროვან სფეროს. გლობუსმა იწყო სწრაფად ტრიალი თავისი ლერძის გარშემო. პიტლერმა იგი ხელის სწრაფი მოძრაობით შეაჩერა და საზეიმო ხმით წარმოთქვა:

— ბატონო მოლოტოვ! ჩვენი ორი დიდი ქვეყანა მსოფლიოს ნამდვილი ბატონ-პატრონები არიან. მოდით ბატონ-პატრონებივით ვიაზროვნოთ და ვილაპარაკოთ!

იგი მისთვის ჩვეულ წინასწარმეტყველის, ზეადამიანის როლში შედიოდა.

— შეხედეთ ამ გლობუსს, — განაგრძობდა პიტლერი, — აი აქ! — მან თითოთ უჩვენა ინგლისის კუნძულები. — ეს არის ინგლისი, მსოფლიოს გუშინდელი მბრძანებელი, ზღვათა მფლობელი. დღეს იგი სულს დაფავს! ხვალ იგი შეწყვეტს არსებობას! — აქ პიტლერმა თითები გაპარკყა და ხელი მძლავრად დაჰკრა გლობუსის იმ ადგილს, სადაც ინგლისის მოხაზულობა მოჩანდა, მერე გამარჯვებულივით შეხედა მოლოტოვს, რომლის ფართო სახეზე დამორცხვების მსგავსმა გამომეტყველებამ კმაყოფილება მოჰგვარა. მოლოტოვი, მართლაც ცოტათი დამორცხვებული ჩანდა. იგი, უბრალოდ არ იყო მიჩვეული ამგვარ სპექტაკლებს. გარდა ამისა, მას გაახსენდა ჩაპლინის ფილმი „დიქტატორი“. სურათი ახლახან გამოჩნდა ეკრანზე და ამერიკის საელჩომ ფირის ეგზემპლარი კრემლში გაგზავნა გასასიხჩად. ფილმი სასაცილო და მძაფრი იყო, — თუმცა, ვინც იგი კრემლში ნახა, ამბობდნენ: საკმაოდ მძაფრი და ღრმავაზროვანი არ არისო. გადაწყვიტეს, სურათი არ ეყიდათ. და არც შეიძლებოდა მისაყიდვა გერმანიასთან დადებული ხელშეკრულების პირობებში: ეს გახდებოდა საბაბი, ატეხილიყო ხმაური არამეგობრული აქტის შესახებ. თანაც ფილმს ძალზე ძვირს აფასებდნენ...

და აი ახლა, გლობუსთან მდგომ პიტლერს რომ უცქეროდა, მოლოტოვს გაახსენდა ანალოგიური კადრი „დიქტატორი“-დან და ძლივს შეიკავა ღიმილი.

მაგრამ თვით ფიურერმა მოლოტოვის სახის გამომეტყველება თავისებურად გაიგო.

იგი განაგრძობდა ლაპარაკს და მის ხმას სულ უფრო აშკარად ეძლეოდა საზეიმო ტონი:

— ამრიგად, ხვალ ინგლისს მოვუღებთ ბოლოს. მაგრამ ხვალვე წამოიჭრება სხვა, ერთობ მნიშვნელოვანი საკითხი: რა ვუყოთ დიდ ბრიტანეთს? რა ვუყოთ ოსმალეთს?

მილიონი კვადრატული კილომეტრის სიდიდის გიგანტურ გაკოტრებულ მამულს?

მან ისევ დაადო ხელისგული გლობუსს და პათოსით წარმოთქვა:

— ბატონო მოლოტოვ, გერმანია სთავაზობს რუსეთს მონაწილეობა მიიღოს ამ მამულის გაყოფაში!

და პიტლერმა ხელის აქნევით შეეკრებილი კვლავ მრგვალ მაგიდასთან მიიწვია, თითქოს იმისათვის, რომ მისი წინადადების განხორციელებას შედგომოდნენ.

როდესაც ყველანი თავიანთ ადგილებზე დასხდნენ, პიტლერმა თითების დაუდევარი მოძრაობით უკან გადაიწია ოფლიან შუბლზე მიწებებული თმა და საქმიანი ტონით თქვა:

— დიდი ბრიტანეთის გაყოფაში დაინტერესებულმა სახელმწიფოებმა აუცილებლად უნდა შეწყვიტონ ერთმანეთს შორის დავა. ასეთი დავით მხოლოდ მსოფლიო პლუტოკრატია გაიმარჯვებს. ჩვენ ყურადღება უნდა მივაპყროთ დიადი გაყოფის საკითხებს. მხედველობაში მყავს გერმანია, იტალია, იაპონია, და, ცხადია, რუსეთი.

ამას რომ ამბობდა პიტლერი, მალლა, ჰერში იცქირებოდა, მაგრამ სიტყვა „რუსეთის“ წარმოთქმისას სწრაფად გადაიტანა მზერა მოლოტოვზე, რათა დაენახა, როგორი შთაბეჭდილება მოახდინა მასზე ამ კოზირით სულამ, ამ მაცდუნებელმა წინადადებათ.

მაგრამ მოლოტოვის სახეზე მოსალოდნელი აღტაცების ნაცვლად მან აშკარა მოწყენილობა დაინახა. მოლოტოვი რამდენიმე წამს გულგრილად უყურებდა პიტლერს. შემდეგ აუჩქარებლად მოიხსნა პენსნე, შუშები დაორთქლა, ქათქათა ცხვირსახოცით ნელა გაწმინდა, ისევ ცხვირზე დაიმაგრა და დინჯად თქვა:

— დიდი ბრიტანეთის გაყოფის საკითხი ჩვენ მიგვაჩინია... არააქტუალურად. არის სხვა საკითხები, რომლებიც საბჭოთა კავშირს პირველ რიგში აინტერესებს. ზოგი მათგანი ჭერ კიდევ გუშინ დავასახელებთ. და თუმცა მათზე დღესაც არ მიგვიღია დამაკმაყოფილებელი პასუხი, გვინდა იმ საკითხებს ზოგი სხვაც დაეუმატოს.

იგი ოდნავ დაიხარა მაგიდაზე და უკვე სხვა, მკვეთრი ტონით განაგრძო:

— ვილაპარაკოთ გულახდილად: როგორც ვიცით, გერმანიამ გარკვეული გარანტიები მისცა რუმინეთს. იქ სულ ახალი და ახალი გერმანული ნაწილები ჩამოდიან. ჩემს

მთავრობას ყველა საფუძველი აქვს იფიქროს, რომ ეს ეგრეთ წოდებული გარანტიები მიმართულია საბჭოთა კავშირის წინააღმდეგ.

ჰიტლერს სახეზე აღშფოთება გამოესახა.

— მე არ მესმის, — წამოიწყა მან, — რა საფუძველია...

მაგრამ მოლოტოვმა შეაწყვეტინა.

— ბოდიშს ვითხოვ, ბატონო რაიხსკანცლერო, მაგრამ მე არ დამიმთავრებია, — ისევ ისე მკაცრად და დამრიგებლურად თქვა მან, — საბჭოთა მთავრობამ დამავალა განვაცხადო, რომ იგი დაეინებით მოითხოვს ამ გარანტიების გაუქმებას.

— რაო?! — აღშფოთდა ჰიტლერი და სავარძლიდან წამოხტა. მან ვრცელი სიტყვა გადმოაფრქვია. უჩიოდა რუსეთის უმადურობას, რომელიც უარს აცხადებდა მიეღო გერმანიის გულუხვი წინადადება. ბრალს სდებდა საბჭოთა მთავრობას ექვიანობაში, არაგულწრფელობაში. გაჰყვიროდა, რომ გერმანია თავის საუკეთესო გრძნობებში მოტყუებული რჩებოდა.

მან თავისი სიტყვა დაამთავრა განცხადებით, რომ გერმანია არასოდეს და არავითარ პირობებში არ წაიღებს უკან გარანტიებს, რომლებიც მისცა რუმინეთს.

სიჩუმე ჩამოვარდა. მოლოტოვმა შეხედა ჰიტლერს. თითქოს ჭერ კიდევ ეეჭვებოდა, დაამთავრა თუ არა მან თავისი უსასრულო სიტყვა და თქვა:

— კარგი. მაშინ მე მაქვს შეკითხვა: დაფუძვალ, საბჭოთა კავშირი, რომელიც, ბუნებრივია, დაინტერესებულია თავისი სამხრეთ-დასავლეთი საზღვრების უშიშროებით, გარანტიებს მისცემს ბულგარეთს იმავე პირობებით, როგორც იტალიამ და იტალიამ მისცეს ისინი რუმინეთს...

— განა მეფე ბორისმა გთხოვათ ასეთი გარანტიები? — აჩქარებით შეაწყვეტინა ჰიტლერმა.

— ეს მეორე საკითხია, — უპასუხა მოლოტოვმა. — მე მინდოდა პირველის პასუხი მიმეღო.

ჰიტლერმა თითები ნერვიულად დაარაკუნა სავარძლის იდაყვისაყრდენებზე. ცდილობდა სწრაფად გაეაზრებინა შექმნილი სიტუაცია. მისთვის უკვე ნათელი იყო, რომ წინასწარ შემუშავებული გეგმა ჩაიფუშა. სწორედ ეს ფაქტი აწუხებდა მას ყველაზე მეტად ვიდრე მეორე — მოლოტოვის წმინდა პოლემიკური შეკითხვა.

იგი დაეინებით მოითხოვდა საბჭოთა წარმომადგენლის ჩამოსვლას ბერლინში დარწმუნებული იმაში, რომ ფან-ტასტიკური პერსპექტივებით თვალს მოსჭრიდა და კრემ-ლის დეზორიენტირებას მოახდენდა.

მაგრამ გამოვიდა ისე, რომ საბჭოთა წარმომადგენელმა ბერლინში ჩამოსვლა გამოიყენა იმისათვის, რათა მიეცა იგივე შეკითხვები, რომლებიც კრემლმა უკვე წაუყენა გერმანიის ელჩს მოსკოვში.

მაგრამ ელჩი მაინც ელჩია. მას ყოველთვის შეეძლო მოემიზებებინა ჩემი მთავრობისაგან სათანადოდ ინფორმირებული არა ვარო. მოეთხოვა დრო აუცილებელი კონსულტაციებისათვის, და ბოლოს, გამოეგონა, ესა თუ ის დამამშვიდებელი ვერსია და შემდეგ უარეყო, სხვით შეეცვალა. ამ თვალთახედვით ჰიტლერს ახლა მიუტევებელ სისულელედ მიაჩნდა მოლოტოვის მოწვევა ბერლინში და უშუალოდ გერმანიის მთავრობის მეთაურისათვის შეკითხვების დასმის საშუალების მიცემა.

და ახლა მას გამსჭვალავი და ამავე დროს აშკარად დაბნეული მზერა მიეპყრო რიბენტროპის, შმიდტისა და ჰილგერისაკენ. თითქოს შველას ემუდარებოდა და თანაც ადანაშაულებდა იმაში, რაც მოხდა.

მაგრამ ისინი დუმდნენ, თვით ჰიტლერს კი არაქათი გამოლოდა. ამ წინასწარ შემუშავებულ გეგმას მთელი თავისი ხელოვნური მგზნებარება, მთელი თავისი, ასე ვთქვათ თვითაგზნება შეაღია და ახლა ქანცი გაუწყდა.

ბოლოს, მან ყრყა და ჟნიათო ხმით ჩაიბურტყუნა, რომ სანამ დასმულ კითხვას პასუხს გასცემდეს, კონსულტაცია უნდა გამართოს მუსოლინისთან.

ყველაფერი, რაც ამის შემდეგ მოხდა, გუშინდელი შეხვედრის დასასრულის უსუსური გამეორება იყო. ჰიტლერმა საათს შეხედა, მოიმიზეზა, უკვე გვიანია და შესაძლოა საპაერო თავდასხმაც დაიწყოსო.

უშედევგოდ დამთავრდა მეორე შეხვედრა, რომლის შესახებ გებელსმა წინასწარ უბრძანა გაზეთებს, შეეფასებინათ როგორც „ისტორიული“ და გერმანია-საბჭოთა კავშირის შეგობრობის „გამაღრმავებელი“.

მომზადებული სტატიები საღამოს გაზეთებში არ გამოქვეყნებულა. გვიან საღამოს საბჭოთა საელჩოში დარბაზობა გაიმართა.

დარბაზობაზე ჰიტლერი არ მივიდა.

ღიახ, იგი არ მოვიდა დარბაზობაზე, თუმცა მისი აქ

დასწრების შესახებ წინასწარ იქნა მიღწეული ფარული შეთანხმება. რაიხსკანცლერს რიბენტროპი სცვლიდა დარბაზობაზე.

ამ დაუსწრებლობით ჰიტლერს სურდა კრემლისათვის მოლაპარაკების მსვლელობით თავისი უკიდურესი უკმაყოფილება ეჩვენებინა. მან იცოდა, რომ გერმანიის მოქმედებისა და განზრახვების შესახებ ექვი თანდათან იზრდებოდა. მაგრამ იმაშიც დარწმუნებული იყო, რომ კრემლი ცდილობდა რაღაც უნდა დაჭდომოდა, შეინარჩუნებინა მშვიდობა.

სტალინის მიერ დროის მოგების ამ სურვილს ითვალისწინებდა სწორედ თავის თამაშში ჰიტლერი. სწორედ მასზე ამყარებდა იგი თავის რწმენას, რომ რუსეთის ცდები მოლაპარაკებისას გერმანია ჩიხში მოემწყვდია, მხოლოდ ბლუფია, ტაქტიკური ხერხია. კრემლის სტრატეგია კი მშვიდობის შენარჩუნებისაკენ იყო გამიზნული.

ეს რწმენა მარტო იმას როდი ემყარებოდა, რომ სტალინს მშვიდობა სჭირდებოდა თავისი ქვეყნის ინდუსტრიული ძლიერების განვითარებისათვის, არმიის ხელახლა შეიარაღებისათვის, რაც უკვე დაიწყო და ეს ჰიტლერმაც იცოდა.

იგი იმასაც ითვალისწინებდა, რომ, თუ საბჭოთა კავშირს გერმანიაზე თავდასხმა უნდოდა, ახლავე დაიწყებდა სანამ გერმანელთა ძალების ნაწილი დასავლეთში იყო კონცენტრირებული.

ჰალდერმა ერთ-ერთ თათბირზე თავს იმის ნებაც კი მისცა უგუნურად ეთქვა, წითელ არმიას ახლა გერმანიაზე შეტევა რომ დაეწყო, სანამ ვერმახტი სერიოზული წინააღმდეგობის გაწევის ორგანიზებას შეძლებდა, იგი ბერლინს მოადგებოდა.

რუსეთის სამხედრო შესაძლებლობათა შესახებ ჰალდერის სიტყვებმა მწვავე ჭრილობა მიაყენა ჰიტლერის პატივმოყვარეობას, მაგრამ იმავე დროს დაშვიდდა, რადგან ექვიც არ ეპარებოდა იმაში, რომ სტალინს გერმანიაზე თავდასხმის სურვილი არ ჰქონდა. ამიტომ, ფიქრობდა ჰიტლერი, ახლა მთავარი ისაა, რომ დაარწმუნო რუსეთი, გერმანია მზად არის განავითაროს და განამტკიცოს მასთან მშვიდობიანი ურთიერთობა. და მაშინ არაფერი არ შეუშლის ხელს მომდევნო ნახევარ წელიწადში გერმანია ყოველმხრივ მოემზადოს აღმოსავლეთზე დასარტყმელად.

მაგრამ ფაქტები ფაქტებად რჩებოდა — შეთავაზებულ-
მა სატყუარამ კრემლი ვერ შეაცდინა. ვერც „ხელების
თავისუფლებამ“ სამხრეთში, ვერც ბრიტანეთს „მამუ-
ლის“ განაწილებამ იგი ვერ მოხიბლა.

ამიტომ მომდევნო ღამისა და მეორე დღის ნახევარი
ჰიტლერმა, რიბენტროპმა, გერინგმა, გებელსმა და კაი-
ტელმა რუსეთისადმი მისაცემ წინადადებათა ახალი ვა-
რიანტის შემუშავებას მოანდომეს.

იმ დღეს უნდა შემდგარიყო გერმანია-საბჭოთა კავში-
რის წარმომადგენელთა უკანასკნელი შეხვედრა — საბჭო-
თა საელჩომ უკვე შეატყობინა გერმანიის საგარეო საქმე-
თა სამინისტროს, მოლოტოვი გასამგზავრებლად ემზადე-
ბაო.

ამჯერად ჰიტლერმა გადაწყვიტა, რომ დასკვნითს მო-
ლაპარაკებაში მონაწილეობას არ მიიღებდა. ეს გადაწყვე-
ტილება მიიღო არა მარტო იმიტომ, რომ სჯეროდა მის მი-
ერ მოფიქრებული გერმანიის მშვიდობისმოყვარეობის
ახალი დემონსტრირების უცილობელი დამაჯერებლობა,
არამედ იმიტომაც, რომ თავისი დაუსწრებლობით ხაზი გა-
ესვა მოლოტოვის ქცევით უკმაყოფილებისათვის და ამით
ზეგავლენა მოეხდინა კრემლზე.

...საგარეო საქმეთა სამინისტროს საპარადო შესასვ-
ლელის მძიმე კარი მოლოტოვისა და მისი თანამგზავრე-
ბის მოლოდინში ფართოდ გაეღოთ. ამით ხაზგასმით გამო-
ხატავდნენ მათი მოზრძანების საზვიამო ხასიათს, ვინაიდან
ჩვეულებრივ შემთხვევებში მხოლოდ გვერდით მდებარე
პატარა გასასვლელს აღებდნენ ხოლმე.

მოლოტოვი შევიდა და აღმოჩნდა გრანიტის ორ უზარ-
მაზარ სფინქსს შორის, რომლებიც უცნაურად შესცქე-
როდნენ მას. ქანდაკებებს თვალი შეავლო და, ეტყობოდა,
რალაც თავისი აზრების პასუხად ჩაიღიმა.

მაისნერმა აჩქარებით გაატარა სტუმრები თეთრ ვეს-
ტიბიულში და ხელით ანიშნა, ასულიყვნენ მარმარილოს
ფართო კიბეზე.

რიბენტროპს კაბინეტი ბელეტაჟზე ჰქონდა და კიბის
ბაქნიდან დაწყებული იქამდე იატაკზე წითელი ნოხი ეფი-
ნა. ამ წითელი ნოხისა თუ პოლებსა და კაბინეტებში დად-
გმული წითელი ხის ავეჯის მიზეზით სამინისტროს მოხე-
ლეთა უარგონზე ამ სართულს „ღვინისა“ ერქვა.

შეხვედრა შედგა დღის მეორე ნახევარში რიბენტრო-
პის კაბინეტში. მაგრამ მას არ ეწერა იქ დამთავრება. რი-

ბენტროპმა ერთხელ კიდევ გადაიხადა მადლობა საბჭოთა საელჩოში გუშინდელი მიღებისათვის, მოიკითხა, როგორ გრძნობდა თავს მოლოტოვი. მისი პირველი სიტყვების თქმისთანავე გაისმა სირენის სიგნალი.

რიბენტროპმა ხელები გაასავსა, საათზე დაიხედა, ინგლისელები უდროოდ დროს მოჭრინდნენო, თქვა და იქ მყოფთ ბომბსაფარში ჩასვლა შესთავაზა. იგი კარგად მოწყობილი სადგომი აღმოჩნდა, რომელიც ლამის რიბენტროპის კაბინეტის დუბლირებას წარმოადგენდა, ოღონდ უფანჯრებოდ: კედლებზე მძიმე ფარდები, წითელი ხის ფართო მაგიდა, კუთხეებში ფრიდრიხ დიდისა და ბისმარკის მარმარილოს ბიუსტები, მაღალ ჭერზე ბროლის ქალი. რიბენტროპმა მოლოტოვს საწერ მაგიდასთან მდგარი ტყავის ღრმა სავარძელი შესთავაზა, თარჯიმნებს კი — იქვე ნახევარწრედ დაწყობილი მაღალბურჯიანი სკამები.

— ამრიგად, — ღიმილით თქვა რიბენტროპმა, როცა ყველანი დასხდნენ, — ვერავითარი მტერი, — საჩვენებელი თითი ზევით ასწია, რითაც აშკარად ინგლისის ავიაციას გულისხმობდა, — ვერ შეძლებს გერმანია-საბჭოთა კავშირის მოლაპარაკებებს ჩაშლას. ვერ გაგვითმავენ ჩვენ ვერც იქ, მიწაზე, ვერც აქ, მიწის ქვეშ.

რიბენტროპის სახეს ღიმილი მაშინაც არ მოშორებია, როცა მის სიტყვებს თარჯიმანი თარგმნიდა.

მოლოტოვი დუმდა, თითქოს გაგრძელებას ელოდა. მაგრამ ამან რიბენტროპი როდი დააბნია.

— აქ, — მკერდის მარცხენა მხარეზე ხელის დადებით ამაყად თქვა მან, — დევს დოკუმენტი, რომელიც, დარწმუნებული ვარ, ახალ ერას დაიწყებს გერმანია-საბჭოთა კავშირის ურთიერთობაში...

მოლოტოვმა პენსნეს ოვალურ მინებს ზემოთ გაოცებით აზიდა წარბები.

— დიადი გერმანია, — განაგრძო რიბენტროპმა, — სანახევროდ არაფერს აკეთებს. თუ მახვილი მოიქნია, მტრის თავს არ დააცდენს. თუ მეგობრობის ხელს გაიწვდის, მხოლოდ იმიტომ, რომ მეგობარს მაგრად ჩამოართვას ხელი. აი...

და მან პიჯაკის შიდა ჯიბიდან ამოიღო ოთხად დაკეცილი ფურცელი, გაშალა, ცალი კუთხით დაიჭირა და ჰაერში დააქნია.

მოლოტოვის თვალებში, თითქოს, ცნობისმოყვარობამ გაიღვიძა, იგი ყურადღებით უცქეროდა ქალაღის

ფურცელს, რომელსაც რიბენტროპი იქნევდა და რამდენადმე წინ გადაიხარა კიდეც.

— ახლა კი, — თქვა რიბენტროპმა, თან გაკიმიულ ხელში ისევ ეჭირა ქაღალდი, — მე მინდა საბჭოთა სოციალისტური რესპუბლიკების კავშირს მივცე საგანგებო მნიშვნელობის წინადადება...

იგი წამოდგა. წამოდგა მოლოტოვიც.

— ჩვენ მივმართავთ რუსეთს, — აუჩქარებლად, თითოეული სიტყვის გამოკვეთით განაგრძო რიბენტროპმა, — შემოუერთდეს სამ სახელმწიფოს: გერმანიის, იტალიისა და იაპონიის პაქტს, — რომელიც ამ წუთიდან ოთხმხრივი გახდება. ხელშეკრულების პროექტი ხელთა მაქვს...

და რიბენტროპი გაჩუმდა, თან გამარჯვებულის იერით შესცქეროდა მოლოტოვს. უნდა ითქვას, მან ერთგვარად მართლაც მიაღწია თავის მიზანს — განაცვიფრა სახკომი. მოლოტოვმა მხარი აიწურა, მოიხსნა პენსნე, ბეცი თვალები მოკუტა და მინების წმენდას შეუდგა...

— ვაცხადებ, — კვლავ ალაპარაკდა რიბენტროპი, — ხელშეკრულების პროექტს იმისათვის, რომ შევძლოთ მისი განხილვა და აუცილებელ შესწორებათა შეტანა...

მან სავარძელზე მიუთითა მოლოტოვს, რომელსაც უკვე გაეკეთებინა პენსნე და თვითონაც დაჯდა.

რიბენტროპს ჰქონდა გულის გამაწყალებელი ჩვეულება; საუბრის დროს ადგილს უცვლიდა მაგიდაზე დადებულ საგნებს. პრესპაპიეს, ფანქრებს, სახაზავს, სამაგრებს ერთი ადგილიდან მეორეზე გადადგამდა, შეაერთებდა, ისევ განაცალკევებდა.

ახლაც ჩაეშვა თუ არა სავარძელში, წინ სწრაფად დაილაგა პრესპაპიე, სიგარებიანი კოლოფი, ბრინჯაოს თავსახურიანი სამელნე და ცოტა მოშორებით დადო აეტოკალამი.

— ამრიგად, — განაგრძობდა რიბენტროპი, — მსოფლიოს პოლიტიკური კონფიგურაცია შეიცვლება. ასობით დაათასობით კილომეტრით დაშორებული ქვეყნები გაერთიანდებიან. — ფართოდ გაშალა ხელები, მაგიდას მოუსვა და ერთ გროვაში მოაქცია პრესპაპიე, სიგარების კოლოფი და სამელნე, მაგრამ კალმისტრისათვის ხელი არ უხლია. შემდეგ სავარძელს ზურგით გადაეყრდნო, კვლავ აიღო ხელში დოკუმენტი და კითხვას შეუდგა...

მოლოტოვი კვლავ დუმდა და ყურადღებით უსმენდა

რიბენტროპს, თან ცოტა გოცებით ადევნებდა თვალს მის მანიპულაციებს მაგიდაზე.

პირველი პუნქტები, რომლებიც საერთაშორისო შეთანხმებისათვის ჩვეულებრივ ჩამოთვლებსა და ფორმულებს შეიცავდა, რიბენტროპმა სნაპასხუპით წაიკითხა. მაგრამ კითხვის ტემპი თანდათან ნელდებოდა.

— „...მუხლი მეთერთმეტე, — ხმამაღლა წარმოთქვა რიბენტროპმა, პაუზა გააკეთა და განაგრძო, მაგრამ ახლა უკვე სულ ნელა, ჩუმად, იღუმალის ხმითაც კი, თითქოს მოლოტოვს უდიდესი სახელმწიფო მნიშვნელობის საიდუმლოება უნდა გაანდოსო. — მუხლი მეთერთმეტე, საიდუმლო... ხელშეკრულების მონაწილენი ვალდებულებას კისრულობენ არ შეეცილონ ერთი მეორეს გავლენის ბუნებრივ სფეროებში და, კერძოდ, რუსეთისა, რომელიც, უეჭველია, დაინტერესებული უნდა იყოს ინდოეთის ოკეანეზე გასასვლელში“...

რიბენტროპმა პაუზის შემდეგ დასძინა:

— ცხადია, ამას და მისი განმარტების მუხლებს ჩვენ არ გამოვაქვეყნებთ. ყოველივე დანარჩენის საჯაროდ გამოტანა შეიძლება თუნდაც ხვალ.

რიბენტროპმა ქალაქი მაგიდაზე დადო, ხელისგული დააჭირა, მეორე ხელის სწრაფი მოძრაობით მისწია კალმისტარი, რომელიც ცალკე იდო, სამ სხვა, ადრე გადაადგილებულ საგანთან. ახლა მისი აზრით გერმანია, იტალია, იაპონია და რუსეთი გაერთიანებული იყვნენ. და მან გამარჯვებული სახით შეხედა მოლოტოვს.

მოლოტოვი იჯდა, ქუთუთოები ნახევრად დაეშვა. მერე თქვა:

— საბჭოთა კავშირი სრულებითაც არ არის დაინტერესებული ინდოეთის ოკეანით. იგი მისგან საკმაოდ შორს მდებარეობს...

შემდეგ, მოულოდნელად რიბენტროპისკენ წახარა და ენერგიულად განაგრძო:

— ევროპის საქმეებითა და ჩვენი სამხრეთ საზღვრების უშიშროებით კი დაინტერესებული ვართ. და ამის შესახებ უკვე ორჯერ მოხსენდა ბატონ რაიხსკანცლერს. ჩვენ არც სიტყვები გვაინტერესებს და არც ფარატიხა ქალაქები, — სულ უფრო ხმამაღლა და დაჟინებით განაგრძობდა იგი, — არც სიტყვები და არც ფარატიხა ქალაქები ჩვენ გვაწუხებს რუმინეთისა და უნგრეთის ბედი. მე კიდე და კიდევ ერთხელ ვეკითხები გერმანელთა მხარეს:

როგორია ღერძის სახელმწიფოთა განზრახვები იუგოსლავიისა და საბერძნეთის მიმართ? რა მოელის მომავალში პოლონეთს? როდის წავლენ გერმანიის ჯარები ფინეთიდან? თუ აპირებს გერმანიის მთავრობა შვეციის ნეიტრალიტეტისადმი ანგარიშის გაწევას?

მოლოტოვმა თავისი შეკითხვები ჩამოთვალა სწრაფად და მკაფიოდ, თითქოს არ სურდა პასუხების მოფიქრების დრო მიეცა რიბენტროპისათვის.

შეკითხვების მიცემის დროს იგი სულ უფრო და უფრო იხრებოდა წინ, რიბენტროპს უახლოებდა სახეს და ბოლოს გაჩუმდა.

დუმილი ჩამოწვა. საიდანღაც ზევიდან ბომბების აფეთქების ყრუ ხმა და საზენიტო ქვემეხების ჭერი მოისმოდა.

— ეს რაა: დაკითხვაა? — აუჩქარებლად, თითქოსდა შეკითხვით, თითქოსდა მუქარით წარმოთქვა ბოლოს რიბენტროპმა.

მოლოტოვი სავარძლის საზურგეს გადაეყრდნო და მხრები აიჩეჩა:

— რათა? უბრალოდ საბჭოთა მთავრობა მადლობელი იქნებოდა შესაბამისი განმარტებისათვის...

— მაგრამ ყველა ეს მეორეხარისხოვანი პრობლემებია! — თითქმის სასოწარკვეთილებით წამოიძახა რიბენტროპმა. — ამასთანავე თქვენც აქამდე არ გაგიციათ პასუხი ფიურერის მთავარ შეკითხვაზე: აპირებს თუ არა რუსეთი ჩვენთან თანამშრომლობას ინგლისის იმპერიის ლიკვიდაციის საქმეში?

მოლოტოვმა თვალები მოქუტა.

— თქვენ ნამდვილად დარწმუნებული ხართ, რომ ინგლისს ბოლო მოუღეთ? — ჰკითხა მან.

— უეჭველად!

— მაშინ, — უკვე დაცინვის დაუფარავად თქვა მოლოტოვმა, — ნება მიბოძეთ მოგცეთ უკანასკნელი შეკითხვა: თუ ეს ასეა, მაშ რ-რატომ ვსხედვართ ახლა ამ ბომბსაფარში? და ვისი ბომბები ცვივა ზემოდან?..

...იმავე დღეს საღამოს რიბენტროპმა მოახსენა ჰიტლერს, რომ მოლაპარაკება უშედეგო აღმოჩნდა — მოლოტოვმა არავითარი ინტერესი არ გამოიჩინა სამთა პაქტში მონაწილეობისადმი და უკან გამგზავრების სურვილი განაცხადა.

...მე ვაგონის სარკმელთან ვიდექი. მატარებელმა სვლას უკლო. გამოჩნდა ბელოკამენსკის ჩემთვის ნაცნობი ნიშნები: მისრის ჯიხური, სერზე აგებული სკოლის შენობა. დაბალი გალავნით შემოზღუდული სტადიონი.

რა სიამოვნებით, რა სიხარულით ვფიქრობდი, რომ რამდენიმე წუთის შემდეგ ჩავალ. ხვალ კი დილით ადრე გავიღვიძებ პატარა, სუფთად დალაგებულ ოთახში და გაუნძრევლად ნახევრადმთვლემარე, დიდხანს ვინებივრებ ლოჯინში. მოვისმენ ოდნავ ქანგმოკიდებულ, წვრილ, გრძელ ძეწკვზე საწონჩამოკიდებული შეღებილი კედლის საათის ტაკატუს, მამლის ყვილს, ფორნის რახრახს და ფლოქვეების თქარუნს — ყველა ამ საყვარელ, უბრალო, დამამშვიდებელ ხმას, როგორსაც არასოდეს არ გაიგონებ ლენინგრადში.

წინ ორნახევარი თვე წყნარი, უდარდელი ცხოვრება. არდადეგები. რა კარგია!..

ყველაფერი უკან დარჩა. ჩათვლები, ანატოლი, ზვიანგინცევი და მისი ტელეფონით რეკვა, მამა, დედა, ბიბლიოთეკის დარბაზი, ანატომისტი ქალი, ეს წამლების სუნი — იოდის, ფორმალინისა და კარბოლმქაევას ნარევი, კანში რომ ჩაჯდება ხოლმე, მუდამ დროის უქონლობა, მუდმივი ფაციფუტი — ყველაფერი, ყველაფერი უკან დარჩა!

ახლა მატარებელი გაჩერდება, ვაგონიდან გავალ და დეიდა მაშასა და ძია ეგორს დავინახავ. ისინი, როგორც სჩვევიათ, ბაჟნის ცენტრში, საათის ქვეშ იდგებიან. ჩემს დანახვაზე ტაშს შემოკრავენ და შესახვედრად გამოეშურებიან. ყველაფერი ეს მე წინასწარ ვიცი, ვინაიდან უკვე მივეჩვიე. — ასე იყო შარშანაც, შარშანწინაც, შარშანწინისწინაც. რამდენიმე წელია, რაც ზედიზედ ჩამოვდივარ აქ არდადეგებზე — ოდესღაც მოწაფე, ახლა კი უკვე სტუდენტი.

ამრიგად, ორნახევარ თვეს ისე ვიცხოვრებ, რომ არაფერზე არ ვიფიქრებ. ხელში არც ერთ წიგნს არ ავიღებ. ადრე ავღებები ხოლმე, დიდხანს ვიბანავებ პატარა წყნარ, ალერსიან მდინარე ზნამენკაში. ნასადილევს წავიძინებ, საღამომობით კინოში ვივლი, მეორე და მესამეჯერ ვნახავ იმ სურათებს, რომლებსაც ლენინგრადში ნახევარი წლისა ან ერთი წლის წინათაც უჩვენებდნენ. ადრე დავწვები ხოლმე, ბორბლების რახარუხსა და მამლის ყვილზე გავიღვიძებ... რა კარგია!

ჩემს თაროს დაეუბრუნდი. ჩემოდანი ჩამოვიღე, თანამგზავრებს დავემშვიდობე და გასასვლელისაკენ მივიკვლევ გზას.

რასაკვირველია, ყველაფერი ისე მოხდა, როგორც მოველოდი: ერთი წამის შემდეგ უკვე ფიცრით მოგებულ ბაქანზე გავბრბოდი დეიდა მამასა და ძია ეგორის შესაგებებლად. ჩემოდანს მივათრევედი და თან ჩემი დედ-მამისაგან მოკითხვას გადავცემდი მათ... ძია ეგორმა აიღო ჩემი ჩემოდანი, ძველი ჩვეულებისამებრ მხარზე შეიგდო — იგი ოდესღაც მზიდავად მუშაობდა. — და აი, ჩვენ სამივენი უკაცური ბაქნით მივდივართ იქით, ვაგზლისპირა პატარა მოედნისაკენ, სადაც ბოლო გაჩერებაზე მგზავრების მომლოდინე ავტობუსი დგას.

მე რაღაცას განუწყვეტლივ ვტიტინებ, თითქოს ოცისაკი არა, თოთხმეტი წლისა ვიყო, როგორც მაშინ, როცა აქ პირველად ჩამოვედი დამოუკიდებლად, უდედოდ. ძია ეგორი კი როგორც ყოველთვის, დროგამოშვებით ჩაურთავს ზოლმე თავის მოკლე შეკითხვებს: „როგორ არის დედაშენი?“, „როგორაა მამაშენი?“, „როგორ ცხოვრობს ქალაქი პიტერი?“

და უეცრად გავშეშდი. შორს, ბაქნის ბოლოში, დგას ანატოლი. ერთ ხელში ჩემოდნით, მეორეში თეთრი ლაბადით — ერთად რომ ვიყიდეთ ქარვასლაში.

იგი დგას და მეც ვდგავარ. დეიდა მამა და ძია ეგორი გოცუებით შემომცქერაინ: მივდიოდი, მივდიოდი და უცებ თითქოს ლანჩები ფიცრებს მიკროდეს.

ახლა აღარ ვიცი, რა ვქნა. როგორ მოხვდა იგი აქ? განა ჩვენ წუხელ არ დავემშვიდობეთ ერთმანეთს ვარშავის ვაგზალზე და მან მითხრა, რომ არდადეგებზე სოჭში აპირებს წასვლას. ჩემი ბელოკამენსკის მისამართიც კი არ უთხოვია, და მე მეწყინა, თუმცა სადღაც გუნებაში შეება ვიგრძენი: ანატოლიზე ფიქრებით, ცოტა არ იყოს, დავიღალე კიდევ...

მას კი... აი, თურმე რა უნდოდა! ასე გამოდის, როცა ჩვენ ვაგზალში ერთმანეთს ვემშვიდობებოდით, მას უკვე ჰქონდა იმავე მატარებლის ბილეთი და, ალბათ, თავის ვაგონში ჩემოდნის შეტანაც ჩემთან შეხვედრამდე მოუსწრია.

და აი ანატოლი დგას ბაქნის ბოლოში და ისე მიცქერის, თითქოსდა არც კი დავემშვიდობებოდათ ერთმანეთს. მე ვაგზალზე დამხარდა და თანაც გამეხარდა. ყველაფერი ერთად მომი-

ვიდა. „შემოდგომამდის, ნახვამდის“, — რაღაც მეტრისმეტად მშვიდად მითხრა მან გუშინ. აი, თურმე რა ყოფილა მის მიერ გათამაშებული გულგრილობის მიზეზი!

— რა მოგივიდა, ვერუნჯა? — გაოცებით შეკითხება ძია ეგორი.

ვუპასუხებ:

— არა, არა, არაფერი... ქუსლს რაღაც მოუვიდა, ღრიქში ჩამეჭვდა.

ჩვენ ბაქნის გასწვრივ მივდივართ. ანატოლი ისევ უძრავად დგას, შემდეგ თავის დახვეულ ლაბადას მკლავიდან დაუდევრად მოიგდებს მხარზე და ვითომც აქ არაფერიაო, პატარა ჩემოდანს ოდნავ აქანავებს და ჩვენ შესახვედრად მოემართება.

თვალს ვაშორებ, ვცდილობ მისკენ არ გავიხედო, მაგრამ ვგრძნობ, მშვენივრად ვგრძნობ, რა სისულელეა ყოველივე ეს. მოვიხედავ და ჩაშტერებით ვუცქერი. როცა ჩვენ მხოლოდ ჩამდენიმე ნაბიჯი-ღა გვაშორებდა, ანატოლიმ ცუდად გათამაშებული განცვიფრებით ფართოდ გაახილა თვალები, დადგა თავისი ჩემოდანი და თეატრალურად შესძახა:

— ვეროჩკა?! აი ესეც შეხვედრა!..

ვგრძნობ, რომ ვწითლდები, ნაბიჯი ველარ გადამიდგამს. დეიდა მაშა და ძია ეგორიც შეჩერდნენ და გაოცებითა და კითხვის გამომეტყველებით შემოგვცქერიან ხან მე, ხან მას. ჩამდენიმე წამი გავიდა, სანამ ვიტყვოდი:

— გამარჯობა, ტოლია! აქ როგორ მოხვდი?

გამოეტყდები, ესეც გულუბრყვილოდ, არაბუნებრივად და როყიოდ გამოვიდა და აჩქარებით დავძინე:

— გაიცანით. ანატოლი) გახლავთ... ესეც ლენინგრაღელია.

ჩემი ეს სიტყვები უკვე მთლად შეუსაბამოდ ედერენ, პირდაპირ ბავშვურად. მაგრამ იმ წუთში სხვანაირად როგორ შემეძლო ამეხსნა ჩვენი ნაცნობობა?

ანატოლი თავის დაკვრით მიესალმა მათ. ამ დროს რბილი თმა ჩამოეშალა და ხელის სწრაფი მოძრაობით უკან გადაიწია.

— გადავწყვიტი ამ ღვთით კურთხეულ პატარა ქალაქში დავისვენო ალალ-მართალი შრომის შემდეგ, — თქვა ანატოლიმ გადაქარბებულად დაუდევარი ტონით, თან გაუგებარი იყო, მე მომმართა თუ ჩემს თანამგზავრებს. ჩვენ ყველანი ჯერ კიდევ ბაქანზე ვიდექით.

— მაშ, აგრე, — ხანმოკლე დუმილის შემდეგ გაეხმაურა ძია ეგორი, — ალბათ, აქ ნათესავები ან ნაცნობები გეყოლებათ?

— ო, არა, საიდან! — ხელის ჩაქნევით უპასუხა ანატოლიმ. — უბრალოდ, ჩვენი კურსის ბიჭები სოკში აპირებდნენ, მე კი, როგორც ხედავთ, ორიგინალობა გამოვიჩინე. მაგიდაზე რუკა გავშალე, ჩემი თითი ბელოკამენსკს მოხვდა. ჰოდა, ვიფიქრე, ლამაზი სახელია...

— მაშ, აგრე, — გაიმეორა ძია ეგორმა. — დიდი ხნით ჩამობრძანდით?

— ვინ იცის! — უდარდელად მიუგო ანატოლიმ. — დღეს ოცდაერთი ივნისია, ჰოდა, ორი თვითა და ათი დღით თავისუფალი კაზაკი გახლავართ.

— მაშ, თავისუფალი ხართ, რაღა, — გაიმეორა ძია ეგორმა და ჩემი ჩემოდანი მხარზე შეიგდო. — აბა, დავიძრათ, თორემ ავტობუსის ლოდინი დიდხანს მოგვიწევს.

იგი და დეიდა მაშა, როგორც მომეჩვენა, განზრახ აჩქარებით წავიდნენ წინ. მე და ანატოლი მათ უკან მივაბიძებდით.

— ბრაზობ? — ჩუმად მკითხა მან.

— არაფერსაც არ ვბრაზობ, — ვუთხარი გაჭაყრებით, — ოღონდ... ოღონდ ეს... რაღაცნაირი ავანტიურაა! რად მოიქეცი ასე?

— იმიტომ, რომ შენი ნახვა მინდოდა, — მიპასუხა ანატოლიმ.

— შენ დღესვე უნდა დაბრუნდე უკან! — ვუთხარი ყოყმანით.

— არცა ვფიქრობ. აბა, სად უნდა წავიდე? სოკში? და ვუცქირო როგორ იტყლარქებიან პლიაუზე პიეონი ვაყები და ქარაფშუტა ელლოჩკები?

არ დავფარავე, ყოველივე ამის მოსმენა მსიამოვნებდა. მაგრამ არ შევიძინე და ვუთხარი:

— ნუთუ შენ არ გესმის, რომ ეს... უხამსობაა! ისინი ხომ ჩემი ნათესავები არიან. დეიდა მაშა — და არის დედაჩემისა. რუკაზე თითის მოხვედრა!.. შენ რა, ბავშვები ხომ არ გგონია ისინი?

— აბა, რა უხამსობაა ამაში? — შემომიბრუნა კითხვა და მხრები აიჩეჩა. — დღეს ხომ არ გაგიცანი. თქვენს სახლშიც ნამყოფი ვარ. დედაშენიც მიცნობს. ახლა კი მისი დაც გავიცანი. ვერ გამოიგია, რად ართულებ ასე ყველაფერს?

— შენ კი აუბრალოებ! — ვუპასუხე მე და სულ ეს იყო, რის თქმაც მოვახერხე.

იგი მიხვდა, რომ გაიმარჯვა, ოდნავ გაიღიმა და თქვა:

— ყველაფერზე ეტყობა, კარგი, წყნარი ქალაქია. როგორც ტორეოკი.

— რა შუაშია აქ ტორეოკი?

— აბა... „გამომქრელი“... გახსოვს? იგორ ილინსკის-თან ერთად.

— არაფერიც არ მახსოვს, — ჩავიბურტყუნე მე.

„მიყვარს იგი თუ არა?“ — შევეკითხე ჩემს თავს, როცა ოთახში მარტო დავრჩი.

...მე და ანატოლი ეს-ეს არის ერთმანეთს დავეშორდით. ავტობუსით ერთად ვიმგზავრეთ და ახლა იგი ჩვენთან ერთად მოდიოდა აქ, ახალშეღებილი ლარტყის გალაკიათ შემოზღუდული პატარა ნაცნობი სახლისაკენ. იგი განუწყვეტილად ყბედობდა, ალბათ, უხერხულობის გასათანტავად.

მეც საშინლად ვღელავდი.

როცა კართან სულ ახლოს მივედი, არ ვიცოდი რა მექნა და სიტყვები: „დაბინავებას სადღა აპირებ, ტოლია?“ — უკვე ენის წვერზე მალდა.

მაგრამ ამ დროს ძია ეგორმა მოულოდნელად მიწაზე დადგა ჩემი ჩემოდანი და ანატოლის მიუბრუნდა:

— აი, ჩვენ უკვე მოვედით. თქვენ სადმე ახლო აპირებთ დაბინავებას?

ვხედავდი, რომ ანატოლი აშკარად დაიბნა, გაწითლდა და ყრუდ უპასუხა:

— ო, არა... მე მხოლოდ ისე... გამოგაცილეთ.

— მაშ, ბინა არა გაქვთ? — მოულოდნელად ჩაერია აქამდე გაჩუმებული დეიდა მაშა და მის ხმაში თანაგრძნობა გაისმა.

— სწორედ აგრეა! — წამოიძახა ანატოლიმ უკვე ინერგიულად და თამამადაც. — ასე ვთქვათ, უპასპორტო მაწანწალა ვარ.

— მაწანწალობა ახლა ვის გამოადგება, — დამრიგებლურად თქვა ძია ეგორმა. — თვითონ უფრო ძვირად დაუჯდება. თუკი საცხოვრებელი ადგილის შოვნა გიჭირთ, მარია დაგეხმარებათ. გესმის, მარია, მიიყვანე ეს ახალგაზრდა დენისოვნიანთსა. მათ, მგონი, შარშან ჰყავდათ მოაგარაკენი.

— ო, რასაკვირველია, რასაკვირველია! — დაფაცურდა

დეიდა მაშა. უხაროდა, რომ ყველაფერი ასე უბრალოდ და კეთილად გვარდებოდა. — ახლავე წავალთ! ისინი, დენისოვები, აქ ახლოს ცხოვრობენ, სამი კვარტალიც არ იქნება, აი მხოლოდ ვეროჩკა მოვაწყოთ...

— ვეროჩკას მოსაწყობი არაფერი სჭირს. — შეაწყვეტინა ძია ეგორმა. — ის ხომ თავის სახლში მოვიდა. ჰოდა მისთვის ყველაფერი მზად არის. შენ კი წადი, დროს ნუ კარგავ. ეგ ახალგაზრდაც ნამგზავრია, ალბათ, დასვენება უნდა...

ერთმანეთს დავეშვიდობეთ. უკვე მიმავალმა ანატოლიმ მომძახხა, საღამოხანს, რვა საათისათვის შემოგივლიო.

...და, აი ახლა ვზივარ ჩემს პატარა ოთახში მეორე სართულზე, სწორედ სხვენს ქვემოთ, ფრანგები, ალბათ, მას „მანსარდას“ დაარქმევდნენ, და ჩემს თავს სულ ერთსა და იმავეს ვეკითხები: მიყვარს იგი თუ არ მიყვარს?

ჩემს მომცრო „მანსარდაში“ დგას მონიკელებული ბურთულებიანი რკინის საწოლი, ორი ტაბურეტი, ტუმბოზე ქილა ყვავილებით, საწოლს ზემოთ კედელზე ჰკიდია ნაქსოვი პატარა ხალიჩა, რომელზეც გამოსახულია ოკეანეზე როგორ მიუტრავენ გედები. ნაპირზე კი დგას მეფისწული ბოვა. ტანთ ხიფთანი აცვია, ფეხთ ჰვინტიანი წალები და გედებს გასცქერის.

ვზივარ ტაბურეტზე და ფანჯრიდან ვიციქირები.

ჯერ კიდევ სინათლეა და არც ისე დიდი დრო გასულა — ექვსი საათი და რაღაც წუთებია.

ჩემი ბარგი რა ხანია გაეხსენი და ტანსაცმელი ჩამოვკიდე. მთელი კედელი დაიკავა.

ახლა კი ფანჯარასთან ვზივარ, იდაყვებით რაფას-დაყრდნობილი და თავზე ხელებშემოწყობილი და თვალყურს ვადევნებ ქუჩას.

იქ კი განსაკუთრებული არაფერი ხდება. აუჩქარებლად მიდიან ადამიანები თავიანთ საქმეებზე. იშვიათად გაივლის მანქანა, უფრო ხშირად კი ორთქალა ან ფორანი, რომლებსაც ლენინგრადში ახლა ველარც ნახავ, ხმაურითა და ღრქილით მიაქროლებს ველოსიპედს ბიჭუნა. ეს არის სულ ქუჩის მთელი მოძრაობა.

ვზივარ და მინდა ვიფიქრო იმაზე. რა სიწყნარეა, რა კარგია აქ, ბელოკამენსკში. არაფერი მაქვს გასაკეთებელი და არსად არ მიმიჩქარება. ასე იქნება ხვალაც, ზეგაც და კიდევ მრავალ, მრავალ დღეს.

გულში ისე ვიმეორებ, თითქოს ჩემს თავს ვაპიპნოზებ-
დე: ყოველგვარი მღელვარება უკან მოვიტოვე, წინ მყუდ-
რო, გულმშვიდი დასვენებაა, მაგრამ ვიცი, რომ ყველაფერი
უკვე აღარც მთლად ასეა.

სადგურის ბაქნის შორეულ კუთხეში ანატოლი რომ და-
ვინახე, იმ წუთიდან ჩემთვის ყველაფერი შეიცვალა.

...ჩვენ ერთმანეთი შარშანწინ გავიცანით, თეთრი ღამეე-
ბის გაცილებისას. შემთხვევით, სხვას კი არ გავუცვნივართ-
ვერ ვიტან ქუჩაში გაცნობას, თუმცა მესმის, რომ ეს ფაქტი
თავისთავად ცუდს არაფერს არ ნიშნავს.

აქ კი ასე მოხდა. ჩვენ, ინსტიტუტის მთელი კამპანია,
კინოს შემდეგ სალამოს ათი საათი იქნებოდა, რომ პარკისკენ
გავემგზავრეთ. მე ნავით სეირნობა ავიჩემე. ყველანი ერ-
თად დავეშვიტე ნაგების სადგურისაკენ. იქ სარკმელთან კი-
რიგი იყო. სულ ოთხიოდე კაცი იდგა, მაგრამ სადგურის და-
ხურვის დროსაც ცოტა-ლა უკლდა და ცხადი იყო, ჩვენ რიგს
არ მოგვიწყევდა.

ჩემი თანამგზავრები შარწმუნებდნენ, ხელი ამეღო ამ
განზრახვაზე, კაფეში ან რესტორანში შევსულიყავით.

მაგრამ მე აღვილიდან არ დავძრულვარ და დავიჟინე.
ნავით უნდა ვისეირნო-მეთქი, თუმცა თვითონვე ვგრძნობდი,
რომ ეს სულელური გაჭიურება იყო.

ბიჭები ბრაზობდნენ, მეუბნებოდნენ, კამპანიას გვირღვე-
ვო, აქ ლოდინს გადავიყვებით და ვერც კაფეში მოვხვდებით
და ველარც რესტორანშიო. მე კი თითქოს რაღაც შემიჩნდა.
მესმოდა, რომ ისინი მართალი იყვნენ, ნავის მიღების არა-
ვითარი იმედი არ ჩანდა. მაგრამ თუთიყუშივით ერთსადამი-
ვეს ვიმეორებდი: „მე მაინც დაველოდები“.

„ჰოდა, დაელოდე!“ — დამიყვირა ბოლოს რომელიღა-
ცამ ბრაზით და ყველანი კიბეს აპყვნენ.

მიეხვდი, ბიჭები აღარ ხუმრობდნენ და ერთი წუთის
შემდეგ მართლაც მართოდ დაერჩებოდნენ. უკვე მზად ვიყავო
დამეძახა მათთვის და გავყოლოდი, მაგრამ ამ დროს ვილა(ყ)ს-
ხმა შემომესმა:

— ქალიშვილო! ნავი თქვენ გელოდებათ!

მიმოვიხედე, რომ ის ბედნიერი ქალიშვილი დამენახა.
ხმა კი კვლავ გაისმა:

— მე თქვენ მოგმართავთ, ლურჯბერეტიანო ქალიშვი-
ლო! მობრძანდით, ეს თქვენი ნავია!

მე მართლაც ლურჯი ბერეტი მეხურა. ქვემოთ, წყალში
ჩავიხედე და დავინახე, რომ ფერდით ქიმიწას ოდნავ ეხლი-

ბოდა და მისადგომთან ქანაობდა პატარა ნავი. მასში კი წონასწორობის დასაცავად ფართოდ გალაჭული იდგა მაღალი, მხარბეკიანი, ცისფერ პერანგსა და ფლანელის ნაცრისფერ შარვალში გამოწყობილი ჭაბუკი.

ყოყმანით ჩავედი მისადგომთან.

— ეს თქვენი ნავია, — თქვა მან ღიმილით. შეირხა, ერთი ხელით ხიმიჩქს ჩაეკიდა და ნავს მისადგომისაკენ ეწეოდა, მეორე ხელი კი მე გამომიწოდა.

ყოყმანობდი, არ ვიცოდი რა მექნა. დაბნევით მივიხედ-მოვიხედე, მაგრამ ჩემი ამხანაგები უკვე აღარ ჩანდნენ.

„ზოდა გავისიერებ კიდევ!“ — ჭიუტად გადავწყვიტე და ფეხი შევდგი წყალზე მოქანავე ნავში.

...ყველაფერი სწორედ აქედან დაიწყო. ჩვენ ხან ხშირად ვხედავდით ერთმანეთს, ხან უფრო იშვიათად. მაგრამ კვირა ისე არ გაივლიდა, ერთმანეთს რომ არ შევხვედროდით ან ტელეფონით არ გველაპარაკა.

ერთხელ მოვიხედე ტოლია მამაჩემისათვის გამეცნო, მაგრამ ვერაფერი სახარბიელო შეხვედრა გამოვიდა. მამაჩემი მშრალი, უთქმელი კაცია და ადამიანებს რაღაცნაირი ძველ-მოდური, მკაცრი, მხოლოდ თვითონ მისთვის გასაგები საზომით უდგება. უცნაურადაც კი მეჩვენება, რომ ისეთი ადამიანი, როგორც მამაჩემია, პარტიის ძველი წევრი, რევოლუციური ბრძოლების მონაწილე, პირწმინდად მოკლებულია რომანტიკის გრძნობას. ზოგჯერ ეუცქერი ხოლმე და ვფიქრობ, რომ ის ბუღალტერს უფრო წააგავს, ვიდრე კადრის მუშას, უზარმაზარი საამქროს ოსტატს. პედანტიის სამუშაო თუ უქმე დღეებში დილით ყოველთვის წუთის გაუცდენლად ერთსა და იმავე დროს დგება; უნდა დახედეს ფაქიზად დაკეცილი გაზეთი, და სანამ ის არ წაიკითხავეს ვერც მე, ვერც დედაჩემი ხელს ვერ ვახლებთ, როცა მამაჩემი სამუშაოდან მოვა, სადილი მაგიდაზე გაწყობილი უნდა იყოს. ხოლო შჩი, რომელსაც პირველ კირძად თითქმის ყოველთვის მიირთმევს, მღულარესავით ცხელი უნდა იყოს, ექიმებისა მამაჩემს არაფერი სწამდა, ხოლო თუ ზოგჯერ ავად გახდებოდა, მკურნალობდა იმ ბალახებით, რომლებიც დედაჩემს მუდამ ჰქონდა პაკეტებში საშხარეულოს კარადის ცალკე თაროზე...

მამაჩემის შესახებ ზოგი რამ ეუბამბე ანატოლის და იგი, ასე ვთქვათ, უკვე მომზადებული მოვიდა. ალბათ, ამიტომაც გადაწყვიტა მამაჩემისათვის ეამებინა და რაღაც რევოლუციურ წამოიწყო ლაპარაკი. თანაც, მგონი, დააყოლა. „მე მუდამ ვნანობ, რომ იმ დროს არ მომიხდა ცხოვრება...“

მამაჩემი მოლუშულიყო და სულ დუმდა. მაშინ ტოლიამ ჰკითხა, ზამთრის სასახლის იერიში უშუალო მონაწილეობის მიღება თუ მოგიხდათო.

მამაჩემმა მშრალად და მოკლედ უპასუხა, იმ ღამეს ზამთრის სასახლეს ახლოსაც არ გავკარებდით, რევიკომის დავალებით ნარვის კარიბჭესთან იარაღის საწყობის გუშაგად ვიღიქი და არაფერი არ შემთხვევიაო.

ანატოლიმ ვრცლად და მგზნებარედ დაიწყო მტკიცება, არსებითი ის კი არ არის, სახელდობრ, სად იმყოფებოდნენ იმ ღამეს, არამედ იმის შეგნება, რომ იგი საერთო რევოლუციურ საქმეში მონაწილეობდაო. შემდეგ ჰკითხა მამაჩემს, საგუშაგოზე დგომისას რაზე ფიქრობდითო. მან კი, როგორც გაჯავრების დროს იცოდა ხოლმე, თვალები მოქუტა და ისე უპასუხა, იმ ღამეს ძლიერი ყინვა იყო და იმაზე ვფიქრობდი, მოიფიქრებენ თუ არა ჩემი ამხანაგები, ტყაპუქი მომიტანონო.

ერთი სიტყვით, მათ საუბარი ვერ ააწყვეს და ტოლიას კინოში წასვლა შევთავაზე.

როცა შინ დავბრუნდი, მამას არ ეძინა და მკითხა:

— რაო, შენი არშიყია, თუ?

შემრცხვა და ვუპასუხე, რომ ჯერ ერთი; ვერ ვიტან ამ შეშჩანურ სიტყვას, მეორეც, არ მესმის, რისთვის არ მოეწონა მას ტოლია.

— მერე და ვინ გითხრა, რომ არ მომეწონა? — მიპასუხა მამამ, მხრები აიჩეჩა და დაუმატა: — ოლონდ ბევრი ლაპარაკი ჰყვარებია. რამდენი წლისაა?

— ოცდასამის.

— შეიძლება კიდევ ივარგოს, როცა გამოიჩეკება, — ჩაცინებით თქვა მამაჩემმა.

მე მეწყინა და ვუთხარი, რომ ტოლია ყბედი და უსუსური კი არ არის, იგი სტუდენტია, მომავალი არქიტექტორი. ინსტიტუტში კომკავშირის კომიტეტის წევრია, და თუ მართალი გნებავთ, მთელი ის ლაპარაკი მან მხოლოდ თავაზიანობის გამო წამოიწყო.

— აჰა-ა, მაშ, ამით ჩემდამი პატივისცემის გამოხატუენდოდა... მე სულელი კი ვერ მივხვდი, — კვლავ თვალების მოქუტვით თქვა მამაჩემმა.

— შენ, ჩანს, ბევრი რამ არ გესმის, — ვუთხარი აულამომჯდარმა და პირი ვიბრუნე.

დარწმუნებული ვიყავი, რომ მამაჩემი ახლა გაჯავრებით შემაწყვეტინებდა, რადგან ვერ იტანდა, თუ მას და დედა-

ჩემს საჭირო თავაზიანობით არ ველაპარაკებოდი, მაგრამ ამის მაგივრად მოულოდნელად ხელები მხრებზე დამაწყო, თავისკენ მიმაბრუნა, დაჟინებით ჩამაქქერდა თვლებში და მერე თავის ოთახში გავიდა.

მაშინ კი მე მივხვდი, ყველაფერს მივხვდი. მას, უბრალოდ, ეშინოდა ჩემი დაკარგვის. ეშინოდა, რომ დადგება დღე და მე ანატოლის გავყვები... მან რომ იცოდეს!... მე ხომ არასოდეს გამოვუტყდები იმაში, რომ მიყვარს ანატოლი, მიყვარს და... მეშინია მისი დაკარგვისა! იმისიც კი მეშინია, რომ ამაში ჩემს თავსაც გამოვუტყდები.

... უცებ თითქოს რაღაცამ მიბიძგა და შიშით შევხედე საათს. შვიდის ნახევარია. იგი დამპირდა, შვიდზე მოვალე. კიდევ ნახევარი საათი დარჩა!..

ნეტა რაზე ვიჭყლიტავ ტვინს, რად ეუფსვამ თავს ყველა ამ სასაცილო, რიტორიკულ კითხვას: „მიყვარს — არ მიყვარს?“ განა არ მესმის, რომ, როდესაც ანატოლის ვუწყარები და ისე ვექვევი, თითქოს უიმისოდ უკეთ ვიქნები, ამას თავდაცვის მიზნით ჩავდივარ, რომ მოვატყუო იგი, არ მივახვედრო, რომ მე ისეთი უნებისყოფო ვარ, რომელიც მისი გულისათვის ყველაფერს იკისრებს.

როცა იქ, სადგურის ბაქანზე გაუუწყვირი, როცა ჩემს თავს ვარწმუნებდი, რომ მისგან დავიღალე, ყველაფერი ეს სიცრუე იყო. ჩემს თავსაც და მასაც ვარტყუებდი.

სიმართლე კი ის არის, რომ ტოლიას დაკარგვის მეშინია. და ვიცი, რომ დავკარგავ, აუცილებლად, ვინაიდან, გატაცება დიდხანს ვერ გასტანს. იგი არასოდეს არ მოინდომებს თავისი ცხოვრება მე დამიკავშიროს და მართალიც იქნება. იგი ლამაზია, ჭკვიანი, ცნობილი ლენინგრადელი არქიტექტორის გაჟია, რომელ ქალიშვილს არ ეამება ასეთი ქაბუკის ყურადღება. მე ვინ-ღა ვარ? როგორც იტყვიან, არაფრით არ გამოვიჩჩევი, არავითარი ტალანტი არ გამაჩნია. და, როგორც მამაჩემი ხშირად შემახსენებს ხოლმე, „საბჭოთა ხელისუფლება რომ არ ყოფილიყო“, ინსტიტუტშიც ვერ მოვხვდებოდი. მთელი ცხოვრების განმავლობაში მკერავად ან შინამოსამსახურედ დაერჩებოდი.

და თუ ანატოლი თავს დამანებებდა, აღარ შემხვდებოდა ხოლმე, ალბათ, შევებას ვიგრძნობდი. ჩემს თავს დავარწმუნებდი, დავაჭერებდი, რომ ასე უნდა მომხდარიყო.

არა, ნამდვილად ვერ დავარწმუნებდი... აკი ვ(აღე. წარმოვიდგენდი ხოლმე, რომ ანატოლი არ არსებობს და ვ(ღი-

ლობდი დამეჭერებინა ჩემი თავი, რომ უამისოდ შევებას იგრძნობ და უკეთ ვარ.

მაგრამ ვერ შევიძელი ჩემი თავის დაჭერება. ვერც მარტოდ ყოფნისას, ვერც მაშინ, როცა გვერდით მყავდა ალიოშა ზეიაგინცივი.

თუმცა ალექსი და მე იშვიათად ვხვდებოდით ერთმანეთს. მე არ მინდოდა შეხვედრა. ხშირად არ მივდიოდი ტელეფონთან, როცა იგი მირეკავდა. მართალია, იგი ორჯერ თუ სამჯერ იყო ჩვენთან ოჯახში, თეატრშიც ვყოფილვართ ერთად, მაგრამ ძალიან იშვიათად. ის კი მირეკავდა და მირეკავდა... ზოგჯერ მინდოდა მეთქვა: „არ არის საჭირო, ალიოშა, არ არის საჭირო!..“

ჰო, რა თქმა უნდა, თვითონა ვარ დამნაშავე. პირველ ხანებში მასთან ყოფნა მაინტერესებდა. ჩვენ ერთმანეთი გაცივანით თეთრფინელებთან ომის დამთავრებიდან ცოტა ხნის შემდეგ. მინდოდა ამ ომის შესახებ რაც შეიძლებოდა მეტი რამ გამეგო. მინდოდა წარმომედგინა, ვუსმენდი და ვცდილობდი დამენახა ყოველივე, როგორც ცხადში, და ვფიქრობდი: არა, მე ამას ვერასოდეს ვერ გავუძლებდი — სიცვივე, ქარი, სიკვდილი, ყოველ ნამჭერთან რომ მოგეღის...

მან კი, ალიოშამ, ყოველივე ეს სულ სხვანაირად აღიქვა. მას მოეჩვენა, რომ მისდამი ჩემი დამოკიდებულება სულ სხვანაირია. პირველად ეს აზრადაც არ მოსვლია. ამას მივხვდი მხოლოდ იქ, პარკში, მერხზე, როცა სცადა მომხვეოდა...

ჰო, რა თქმა უნდა, ყველაფერში თვითონ ვარ დამნაშავე. მაშინვე უნდა მეთქვა მისთვის, რომ ეს სულ სხვა რამ არის, რომ ჩვენი ურთიერთობა მხოლოდ მეგობრული უნდა იყოს. სხვა რამ კი ჩვენს შორის შეუძლებელია...

მაგრამ... რატომღაც ენა ვერ მომიბრუნდა, ვშიშობდი, არ ვაწყენინო-მეთქი. დედაჩემს კი ის მოსწონს. ერთხელ, როცა მორიგი დარეკვისას ვთხოვე მას, ტელეფონთან მისულიყო და თუ ალიოშა მირეკავდა, ეთქვა, რომ მე შინ არ ვიყავი, იგი გამიჩაერდა. მითხრა: „ავდგები და ყველაფერს ვუამბობ! ვერყვი, ცრუობს-მეთქი! მეტი აღარ დაურეკოთ-მეთქი. ასეთი კარგი კაცი, მაიორი, დამოუკიდებელი, უცოლო! აბა, რომელი გოგო იტყვის უარს...“

მე კი პასუხად მხოლოდ გავიცინე. ვიცოდი, ალიოშა კარგი ადამიანი იყო: როგორ წაუხდა გუნება, როცა იკუთხარი, მთელ ზაფხულს სხვაგან გავეტარებ-მეთქი!.. მაგრამ ანატოლიმ ჩემთვის ყველა დაჩრდილა. მიყვარს იგი და მუდამ

ეშიშობ, უკანასკნელად ხომ არ ვხედავ-მეთქი. ეშიშობ, რა ზე-
შა და აღარ დამიბრუნდება.

...მაგრამ იგი არ მიდის. აი აქაც, ბელოკამენსკშიც ჩა-
მოვიდა.

ისევე საათს დაეხედე, ადგილს მოეწყდი და სწრაფად შე-
ეუდღე ქი ტანისამოსის გამოცვლას, იგი ათი წუთის შემდეგ
უნდა მოსულიყო...

ისინი პატარა, საზაფხულო ტიპის კინოდარბაზში ისხდ-
ნენ და უყურებდნენ სურათს, რომელიც ორივეს უკვე რამ-
დენჯერმე ჰქონდა ნანახი.

ფილმს „პეტერი“ ერქვა. მასში ნაჩვენები იყო თავშე-
საქცივი ამბავი თანამედროვე გულუბრყვილო გოგოსი, რა-
მელიც გარემოებისა და საკუთარი მომხიბვლელობის წყა-
ლობით გზას იკაფავს კეთილდღეობისაკენ და თავის ბედს
ლაშაზ, ცოტა ქარაფშუტა ახალგაზრდა ექიმს უკავშირებს.

ყველაფერი ისე მიმდინარეობდა, როგორც პროვინციულ
პატარა კინოში უნდა მომხდარიყო. ბიჭუნები, რომლებსაც
პირველი რიგები დაეკავებინათ, ხმაურით აწყლავდნენ
ტუჩებს, როცა ეკრანზე ქალ-ვაჟი ერთმანეთს კოცნიდა. რო-
ცა ფირი წყდებოდა, ბიჭუნებიც და მოზრდილებიც ერთად
აბრაზდებდნენ ფეხებს.

და ყველანი თვალმოუცილებლად უყურებდნენ ეკრანზე
მიმდინარე ამბებს, რომლებშიც გადაშლილიყო სხვისი
ცხოვრება — არეკლილი მაღაზიების სარკიან ვიტრინებში,
ილიგანტური ავტომანქანების მინებში და გამგლგლთა გაპ-
რიალებულ ფეხსაცმელებში.

როცა გაისმა ჰანგები განთქმული ტანგოსი, რომელსაც
კომიკურად ცეკვავედა მამაკაცის კოსტუმში გადაცმული გმი-
რი ქალი, ტანგოსი, რომელიც უკვე დიდი ხანია საბჭოთა
საცეკვაო მოედნებისა და რესტორნების აუცილებელ
„მშვენებად“ იქცა, ანატოლიმ თავისი ფართო ხელისგული
ვერას მუხლზე დადო.

ქალიშვილი შეკრთა, მაგრამ განზე არ გაიწია, არ მოი-
შორა მისი ხელი, ჩვეულებრივი „არაა საჭიროც“ არ წას-
ჩურჩულა. ვერ მოახერხა ეს, საამისოდ ძალა არ ეყო. ეამა
და თანაც შეეშინდა, უფრო მეტად შეეშინდა, ვიდრე იქ,
ლენინგრადში, რადგან აქ, ამ პატარა ქალაქში ისინი განმარ-
ტოებული, თითქოსდა მთელ ქვეყანას მოწყვეტილი იყუ-
ნენ.

ვერამ გაუბედავად დაადო ხელისგული ვაჟის ხელს ისე, რომ ჭერ არც კი იცოდა, მის მოსაცილებლად გააკეთა ეს თუ, პირიქით, ალერსითვე უპასუხა. მაგრამ როგორც კი იგრძნო მისი ხელისგულის სითბო, მიხვდა, ამ სითბოს შეგრძნების შეწყვეტის მიზნით იგი არაფერსაც არ გააკეთებდა. ასე იყო წინათაც. ანატოლი ეხვეოდა მას კინოდარბაზების სიბნელეში, დამშვიდობებისას ჟოცნიდა, მაგრამ ჰამინ ქალიშვილი შიშს არ გრძნობდა.

ახლა კი ყველაფერი სხვაგვარად შეიგრძნობოდა...

როგორც იქნა, ფილმი დამთავრდა. დარბაზში შუქი აანთეს. ისინი ქუჩაში გამოვიდნენ. კინოთეატრთან მომდევნო სენსის მომლოდინე ხალხი შეჩაგუფულიყო.

— მესამეჭერ ვუყურებ ამ მონაჩმახს, — თქვა ანატოლიმ. — და მესამედაც მსიამოვნებს. ბრაზიც კი მომდის. შენ მერამდენეჭერ უყურებ?

— მეც მესამეჭერ, — უპასუხა ვერამ. — ძალიან კარგი მსახიობია ფრანჩესკა გალი, ოღონდ ძნელი წარმოსადგენია, რომ ეს ხდება გერმანიაში.

— სახელდობრ რა?

— აი, მთელი ეს ცხოვრება... იდამიანებიც ეგეთი მშვიდობიანები არიან, მახვილგონიერნი, კეთილმოსურნენი...

— მე მგონია, ფილმი ავსტრიაშია გადაღებული და არა გერმანიაში.

— ჰოდა, გაზეთებში წერენ, არც ავსტრიაში ყოფილა ტკბილი ცხოვრება. ისე კი... იცი, ახლა რა გავიფიქრე? რაიმეს ხომ არ ვაზვიადებთ მეთქი.

— რა მხრივ?

— იქნებ, ყველაფერი, რაც იქ ხდება, არ ეხება... აბა, როგორ გამოვთქვა, მთელ ხალხს? სადღაც რაღაცას არბევენ, ვილაცას სციმენ, აწამებენ, ხალხის ყურამდე კი ეს არც მიდის და იგი ავლავ თავისი ცხოვრებით განაგრძობს ცხოვრებას. აი, სწორედ იმ ცხოვრებით, რომელიც ახლა ვნახეთ ნუთუ შეიძლება ასე იყოს?

— ჭერ ერთი, ის, რაც ახლა ვნახეთ, ხალხის ცხოვრება არ არის, — დამრიგებლურად თქვა ანატოლიმ. — სერიოზულად თუ მივუდგებით, სწორედ ეს „პეტერი“ ტიპიური წვრილბურჯუაზიული ფილმია და სხვა არაფერი. სურთ დათესონ ილუზია, რომ ბედნიერება ხელმისაწვდომია ყოველი...

— შენ არ უპასუხე ჩემს კითხვას.

— შენს კითხვაზე პასუხის გაცემა ძალიან ადვილია. ფა-

შიზმის საშიშროების შემცირებულად წარმოდგენა სერიოზული შეცდომის დაშვებას ნიშნავს.

— მე არ ვუშვებ „სერიოზულ შეცდომას“, — უწყინარი ირონიით თქვა ვერამ, — უბრალოდ მაინტერესებს. თუ შეიძლება აგრე იყოს. რაღაც საშინელი, უჩვეულო ხდება, გვერდით კი ცხოვრება მშვიდად მიედინება. და იმასა და ამას შორის თითქოს კედელი აღმართულა.

— რა თქმა უნდა, ობივატელებისთვის ცხოვრება ყოველთვის...

— ცხადია, შენ მართალი ხარ, — შეაწყვეტინა ვერამ.

მთავარ ქუჩაზე სეირნობა იყო გამართული. ხალხი ნელა მიჰყვებოდა ტროტუარს; ჩგუფ-ჩგუფად იღგნენ გაზიანი წყლის სატურატორთან, ბურახიან კასრთან, ხედებოდნენ ნაცნობებს, შუა ტროტუარზე ერთად ჩერდებოდნენ და სხვა მოსეირნეთ იძულებულს ხდიდნენ გზა აეგლოთ მათთვის; მოსეირნეთა შორის დაძვრებოდნენ ბიჭუნები, რომლებსაც პირში შაქარყინულის მამლები ედოთ და გარეთ მარტო ჩხირები-ღა გამოეყოთ. უჩინარი რეპროდუქტორი ქალაქს ღუნაევისკის სიმღერათა მელოდებს აფრქვევდა.

ახლა ისინი მიდიოდნენ ტროტუარიდან ცოტა მოშორებით, უშენ ადგილზე გამართულ ტირთან, რომელიც კაშკაშა-შუქით განათებისა და შეღებილ სამიზნეთა გამო თოჭინების თეატრს მიაგავდა.

თარჯთან ბავშვები შეჩგუფულიყვნენ.

— მოდი, ცოტა ხანს ვისროლოთ? — მოულოდნელად შესთავაზა ანატოლიმ.

„ეს რა ბავშვობაა!“ — გაიფიქრა ვერამ, მაგრამ ანატოლი მას უკვე მიარბენინებდა ბარიერისაკენ, რომელიც მაღაზიის დახლივით ფართო იყო და თან ელაპარაკებოდა:

— შენ არასოდეს არ გინახავს, როგორ ვისვრი, ხომ? არასოდეს? ახლა ნახავ!..

ანატოლიმ ქალაქის მანეთიანი გაუწოდა დახლს იქით ტაბურეტზე მჯდარ კაცს და უთხრა:

— ამისი სულ. თუ ქეიფია, ქეიფი იყოს.

კაცი წამოდგა. ვერამ შეამჩნია, რომ მას ცალი ფეხი ხისა ჰქონდა, კაცმა იატაკზე მდგარ მუყაოს დიდ კოლოფში ხელი მოაფათურა და ანატოლის გაშვერილ ხელისგულში ერთი მუქა წვრილი, მუქი-ნაცრისფერი ტყვიები ჩაუყარა. შემდეგ შაშხანა მიაწოდა.

— აბა, მითხარი, რა გინდა რომ მოვკლა? — ჰკითხა ანა-

ტოლიმ. მკვეთრი მოძრაობით ორად მოკეცა შაშხანა და ვაზ-
ნა ლულაში ჩადო. — კურდღელი?

ვერამ სამიზნეს შეხედა. თითქოს იქ, მათგან ათიოდე მე-
ტრის დაშორებით, რაღაც უცნაური, საოცარი სამყარო თა-
ვისი საკუთარი ცხოვრებით ცხოვრობდა. კბილებს კრეჭდა
ფაშისტი, რომელსაც გულის მაგივრად შაფი, ობობასებრი
სვასტიკა ჰქონდა. მთელი სისწრაფით საღდაც გარბოდა კუ-
დაპრეხილი კურდღელი. მურა დათვი უკანა თათებზე შემდ-
გარიყო. ლურჯ ცაზე დასრიალებდა ფრთაგაშლილი არწივი.
არაბუნებრივად მწვანე ბარდების თაფზე მიფრინავდნენ
იხვები. იქით გოპაკს ცეკვავდა „ბატკა“ მახნო.

— კურდღელს ნუ ესვრი, ჯობია ფაშისტს ესროლო, —
უთხრა ვერამ.

— სიკვდილი ფაშიზმს! — მხიარულად გამოეხმაურა ანა-
ტოლი და შაშხანა მოიმარჯვა.

ბიჭვებ განაბულიყვნენ და გაფაციცებით უცქეროდნენ
მას. გაისმა სროლის ხმა. ფაშისტური სვასტიკა — გული —
შეტრიალდა, ჩამოვარდა და ახლა მომწვანო-ნაცრისფერა
მუნდირიანი ფიგურის მუცელზე გადაინაცვლა.

ანატოლიმ შაშხანა ჩამოუშვა და ღიმილით მიუბრუნდა
ვერას.

— აბა, ახლა ვინ მოკვლა? თუმცა, ვიცი, — გაიცინა
მან, — შენ კლასობრივი მტრების მოკვლა გირჩევენია.

მან ხელახლა გატენა თოფი, ასწია და თითქმის დაუმიზ-
ნებლად გაისროლა. მახნოს ბანჯგვლიანი თავიდან ბოხობი
განზე გადავარდა.

— აი, მესმის! — იტაცებით ჩაილაპარაკა თარჯთან შეჯ-
გუფული ბიჭებიდან რომელიღაცამ. ისინი უფრო მჭიდროდ
შემოიერთებენ გარს ანატოლის.

— აბა, ახლა ვინ? ყველანი ზედიზედ?.. — ჰკითხა მან. —
ქერჯერობით რვა ვაზნა კიდევ დამრჩა.

— იცი, რას გეტყვი, ჯობია გავისეირნოთ. თავი მიბრუნის
ამ სროლისაგან, — უთხრა ვერამ, თან ეშინოდა გულახდი-
ლად ეთქვა, რომ მას სრულიად ბავშვურად შეეებრაღა ეს
უშნო დათუნები, კურდღლები და ფრინველები, რომლებიც
ახლა ანატოლის სამიზნეები უნდა გამხდარიყვნენ.

— ამ ვაზნებს რა ვუყო? — დაბნეულად ჰკითხა ანატო-
ლიმ.

— ვაზნები ბიჭუნებს მიეცი. მათაც სურთ სროლა. ფუ-
ლი კი არა აქვთ. ხომ მართალია, ბიჭებო?

— იდეაა! — წამოიძახა ანატოლიმ და დახლზე გროკად

დაყრილ ვაზნებზე ბიჭებს თითით ანიშნა. — დააფრინ-
დით!

რამდენიმე წყვილი ხელი ელვის უსწრაფესად წარიმარ-
თა დახლისაკენ.

— როგორ მოგეწონა, — ღიმილით ჰკითხა ანატოლიმ,
ტირიდან რომ გამოვიდნენ, — ხომ ვარ ტალანტი?

— ღმერთმა ქნას, მაგ ტალანტის გამოყენება არასოდეს
დაგპირებოდეს, — წყნარად და რაღაცნაირად დედაბრული
მწუხარებით თქვა ვერამ.

— შენ რას გულისხმობ? — უცხად დასერიოზულდა ანა-
ტოლი. — „თუ ხვალ ომი დაიწყოს?“ სამწუხაროდ, ომი გარ-
დაუქვია. ამას შენი მაიორიცი კი დაადასტურებს. — უკანას-
კნელ ფრაზაში მან ირონიაც გაუჩია.

მაგრამ ვერამ ამას ყურადღება არ მიაქცია. მან უცებ
გაიფიქრა, რომ უკანასკნელი წლების განმავლობაში „ომი“
ყოველთვის სიტყვა „გარდაუქვია“ გვერდით იხმარებოდა.

ორი თითქოს ერთმანეთს შეზრდილი სიტყვა: „ომი გარ-
დაუქვია“... ეს უკვე როგორღაც თავისთავად იგულისხმე-
ბოდა. მას არ ახსოვდა არც ერთი საჯარო სიტყვა, არც ერთი
საერთაშორისო მდგომარეობისადმი მიძღვნილი საგაზეთო
სტატია, რომელშიც ომის საშიშროებაზე არ ყოფილიყო ლა-
პარაკი. ამ აზრით იყო გამსჭვალული მრავალი თანამედროვე
რომანი, კინოსურათი, უბოპულარესი სიმღერა. მას უკვე
ყველა შეეჩვია. და გეგონებოდა, თუ ხვალ უცხად გამოაც-
ხადებდნენ, ომი დაიწყოს, ეს არავისთვის არ იქნებოდა
მოულოდნელი.

— რას გაჩუმებულხარ? — ჰკითხა ანატოლიმ.

— არ ვიცი, — უპასუხა ვერამ. — ალბათ, იმიტომ, რომ
ომზე ვფიქრობდი. საშინელება იქნება, თუ იგი მართლა
დაიწყება. ასე მგონია, მხოლოდ ახლა ვიწყებთ ნამდვილ
ცხოვრებას. მამაჩემიც ყოველთვის ასე ამბობს, დედაჩემიც.
ხან ნგრევა, ხან შიმშილი, ხან წიგნაკები... ის აღარ არის, ეს
აღარ იშოვება... ახლა კი ყველაფერი სხვანაირად არის.

— აი, ამ ვიტრინებში მეტი ფართო მოხმარების საქონე-
ლია, — თქვა ანატოლიმ.

— კინოზე ამბობ? ჰო. ოღონდ ვერ წარმომიდგინია, თუ
შევძლებდი იმათებურად მეცხოვრა. შენ?

— მე იგეთი ცხოვრება მეზიზღება, — დაბეჯითებით მი-
უგო ანატოლიმ, — გონებაჩლუნგი შემჩანები. გუშინდელი
დღე დღევანდელს ჰგავს და ხვალინდელიც ასეთივე იქნება.
ყველაფერი პატარა, ვიწრო მდინარის მღვრიე წყალივით

მდორედ მიედინება... იცი, — ხმის დაწვევით უთხრა, მან, — ხანდახან მინდა, რომ ომი მალე დაიწყოს.

— რას ამბობ, ხომ არ გაგიყლი?

— არა, არა, მე ყველაფერი მესმის... ყველაფერი. ომი — უბედურებაა... მაგრამ მგონია, მასში მალე მოვნახავდი ჩემს ადგილს. რატომაც არა? სროლა ვიცი...

— გაჩუმდი!

— რა თქმა უნდა, ყოველივე ეს რამდენადმე... სულელურად უღერს, — თქვა ანატოლიმ. — და მაინც მე... აბა, რა გორ აგიხსნა, მინდა ნამდვილი ბრძოლა, საშიშროებანი, რაღა... მე მესმის, ამის თქმა ბავშვობაა. მაგრამ გულწრფელად ვამბობ. ხანდახან მეჩვენება, როცა ინსტიტუტს დავამთავრებ, უკვე ყველაფერი უკან მოტოვებული მექნება. ყოველივე მთავარი აშენებული იქნება, ძირითადი საქმეები გაკეთებული... აბა, იფიქრე, უკვე რამდენი რამ გამოგვრჩა: კომსომოლსკი — უჩვენოდ აშენდა, კუზნეცკი და მაგნიტოგორსკი — უჩვენოდ, დნეპროსტროი — უჩვენოდ. ყოველივე მთავარი — უჩვენოდ. მაგრამ ომი კი გვერდს ვერ აგვივლის!

— გაჩუმდი! — კვლავ უთხრა ვერამ.

ვაჟი გაჩუმდა.

ვერაც დუმდა. მაგრამ ანატოლის ბოლო სიტყვებმა ბიბი მისცა მის ფიქრებს. მან გაიფიქრა: „ვინ იცის, რა მოხდება, თუ ომი იქნება?..“ ასეთი შეშფოთებით უწინ არასოდეს არ უფიქრია ამაზე და ამასწინანდელი ამბები რომ არ მომხდარიყო, ალბათ, ვერც კი წარმოიდგენდა, თუ რას ნიშნავს „ომი.“ წიგნებში, რომლებიც წაუკითხავს ვერამ, კინოსურათებში, რომლებიც უნახავს, არაიშვიათად ასახულიყო ომები — მსოფლიო და სამოქალაქო. მაგრამ ის იყო შორეული და როგორღაც არარეალური. თითქოს მასში მონაწილეობდნენ სულ სხვა ადამიანები, რომლებიც არ ჰგავდნენ იმათ, რომელთა შორის ვერა ცხოვრობდა. მათ მხოლოდ ძველი ალბომების ფოტოსურათებით იცნობდა. — ულვაშოსნებს, წვეროსნებს, ჩაცმულებს ისე, როგორც უკვე აღარავინ იცვამს დღეს... ქალაქები და სოფლები, სადაც ეს ადამიანები ცხოვრობდნენ, კერძო მესაქუთრეთა გრძელი და ფართო ფირნიშინი სახლებით, ქუჩები კომიკური, თითქოს ჰაერით გაბერილ ტლანქ პოლიციელთა ფიგურებით, დაუვარცხნელი, ქალამნიანი გლეხები — ყველაფერი ეს ვერასთეატრალურ რამედ ეჩვენებოდა. ისე შორეულად, როგორც

ყველაფერი ის, რის შესახებაც ისტორიის სახელმძღვანელოში წაუკითხავს ხოლმე.

სამოქალაქო ომი მისთვის უფრო ნაცნობი ამბავი იყო: მასში ხომ მამამისი მონაწილეობდა, რასაც ხშირად გაიხანებდნენ ხოლმე. თუმცა, ვერას ეს ომიც შორეულად, მარადისობაში ჩაძირულად ეჩვენებოდა, ისევე როგორც მისთვის მხოლოდ წიგნებითა და კინოფილმებით გაცნობილი მთელი სამყარო. სამყარო ასფალტის მოსადუღებელ ქვაბებში ღამის მათევარი უპატრონო ბავშვებისა, მეტომრეებით გაქვლილი ვაგზლების, სატვირთო მატარებლების სახურავებზე მოკალათებული მგზავრების, ცხენებზე ვაჟაყურად ამხედრებული ბუდიონოველებისა და თეთრკვარდიელი თფიქრების, რომლებიც ვიდრე ტყვედ ჩავარდნილ წითელარმიელთა წამებას შეუდგებოდნენ პორტსიგარებს ატკაცუნებდნენ და პაპიროსს სთავაზობდნენ მათ.

კარგლიის ყელზე ამასწინათ მომხდარმა ამბებმა ვერას შეგნებაში სიტყვა „ომი“ კონკრეტულად შესაგრძნობი გახადა, ვინაიდან ახლა უკვე არა როძელოდაც, მისთვის ნაკლებად ნაცნობი ქალაქი, არამედ მისი მშობლიური ლენინგრადი ყოველდამ სიბნელებში იძირებოდა ხოლმე და ადამიანები, რომლებიც გუშინ ქალიშვილის გვერდით იყვნენ, დღეს ფრონტზე მიდიოდნენ...

ყოველგვარ უბედურებას ადამიანი მით უფრო ძლიერ აღიქვამს, რამდენადაც მეტი აქვს დასაკარგი. ახლა ვერა თავის პირველ ნამდვილ სიყვარულს განიცდიდა და ფიქრი იმაზე, რომ ახალი ომის შედეგად იგი დაკარგავს ანატოლის, აუტანელ საშინელებად ეჩვენებოდა.

იქნებ იმიტომ გამოჰკითხა ამ რამდენიმე თვის წინათ ასე დაეინებით, ასე დაწერილებით ამასწინანდელი ომის შესახებ ალექსი ზეიაგინცეკს, რომ ქვეცნობიერად სურდა გაეგოშქმლებოდა თუ არა ომის დროსაც არ განშორებოდა ანატოლის. ყოფილიყო იქ, სადაც ანატოლის მოუხდებოდა ყოფნა.

იმაში კი, რომ ანატოლი ომის პირველი დღიდანვე ფრონტზე მოხვდებოდა, ვერას ეჭვი არ ეპარებოდა.

... იმ წუთში ანატოლი საკუთარ ფიქრებში იყო, თუ ინტუიციით ვერას შეშფოთებდა იგრძნო, დაბეჭითებით თქვა:

— საერთოდ კი ახლო მომავალში არავითარი ომი არ იქნება.

— რატომ ხარ ასე დარწმუნებული? — აჩქარებით ჰკითხა ვერამ, რომელსაც ამ წამს ყველაფერზე მეტად სურდა

მოესმინა ისეთი სიტყვები, ამ უეცარ მღელვარებას რომ გაუფანტავდნენ.

— იმიტომ, რომ ჰიტლერს შეეშინდებოდა ახლა ჩვენსკენ წამოსვლა. — დარწმუნებით თქვა ანატოლიმ.

— მამაჩემი ამას წინათ ქალაქკომში იყო თათბირზე, — ხმის დაწევით თქვა ვერამ, — იქ უთქვამთ, რომ შესაძლოა ყველაფერი მოხდესო.

— ჰო, ამას სიფხიზლის მიზნით იტყოდნენ! ჩვენც გვექონდა ამას წინათ კომკავშირის კრება, პოლკის კომისარი გამოვიდა... მაგრამ ყველასათვის, ვინც კი პოლიტიკაში ერკვევა, ნათელია, რომ ჭერაჭერობით ომი არ იქნება. საკდესის ცნობა თუ წაიკითხე?

— კი, წავიკითხე. — წყნარად თქვა ვერამ.

— ჰოდა, ასე! ასეთ ამბებს ტყუილუბრალოდ როდი აქვეყნებენ, — დარწმუნებით თქვა ანატოლიმ.

მან მკლავში ხელი გაუყარა ვერას. მისმა მტკიცედ ნათქვამმა სიტყვებმა და მისმა შეხებამ ვერა დაამშვიდა. მართლაც, ასე უცბად რამ ააფორიაქა? და რატომ წამოიწყის ლაპარაკი ომზე? რა შუაშია აქ ომი? ყველგან სიწყნარე და სიმშვიდეა. ანატოლი გვერდით ჰყავს. წინ უამრავი კარგი სასიხარულო დღეა...

— საით მივდივართ? — ჰკითხა ვერამ, როცა მთავარი ქუჩიდან დაუხვიეს და ქვევით მიმავალ ცუდად განათებულ შესახვევს გაჰყვნენ.

— მდინარისაკენ, — რაღაც გადაჭარბებული უდარდელობით მიუგო ანატოლიმ, — აქ მშვენიერი პატარა მდინარეა. დღისით ვიბანავე კიდეც. ზნამენჯა იცი?

აბა როგორ არ ეცოდინებოდა! წყნარი, ალერსიანი პატარა მდინარეა. ასიოდე მეტრი დაღმართია, შემდეგ უნდა გაუხვიო მარჯვნივ და ისევ მარჯვნივ. ოღონდ იქ ნაპირი საკმაოდ მაღალი და ფლატეებიანია. თუ ცოტას გაივლი, იქით დამრეცი, ქვიშნარია.

ვერამ მალულად დახედა საათს. თერთმეტის ნახევარი იყო.

— მომისმინე, ტოლია, უკვე გვიანია, — უთხრა ვერამ და მისი ხმა მოულოდნელად მუდარასავით შესაბრალისად გაისმა.

— მერე რა? — მხიარულად გაეხმაურა ანატოლი. — შინ არც მამიკოა და არც დედიკო, ვისი უნდა გეშინოდეს...

მას ხელი ჩაეკიდა ვერასათვის და წინ მიუძღოდა.

ასფალტი მოთავდა. ახლა ისინი ბინდში ოდროჩოდრო ნაპირს მიუყვებოდნენ.

მიდიოდნენ ისინი სიბნელეში მდინარის ფლატიეზიან ნაპირისაკენ. ვერამ რცოდა ეს გზა. გასულ წლებში არაერთხელ უვლია აქ მარტოს. მაგრამ ეს იყო დღისით, ახლა კი თანდათან უფრო ღამდებოდა. ცა იყო უმთვარო, ქარი სულ უფრო ძლიერდებოდა და უცებ აცივდა კიდეც.

— საით მივდივართ? — კვლავ ჰკითხა ვერამ.

— მდინარისაკენ... იქ დავსხდეთ, — უპასუხა ანატოლიმ ყრუდ, ფარული მღელვარებით.

უეცრად იგი შეჩერდა და თქვა:

— აქ!

იგი მოწყვეტით დაეშვა მიწაზე, თან ვერაც მიიზიდა. ისიც დაჯდა, რაღაც ეკლიან ტოტზე მუხლი მტკივნეულად გაიფხაჭხა და იმწამსვე ანატოლიმ ხელი მოჰხვია და მაგრად ჩაიხუტა.

— არ გინდა... ტოლია! — ჩაიჩურჩულა ვერამ, თან მსუბუქი ხელის კვრით მოიშორა იგი.

— არა, ასე, ასე მინდა! — გაიგონა ქალიშვილმა, მისი ხრინწიანი ხმა. — დავიღალე, გესმის, დავიღალე. შენ არ გიყვარვარ, ან არა გჭერა ჩემი...

— არა, არა, მიყვარხარ, მჯერა, — ძლივს გასაგონად ეუბნებოდა ვერა.

მაგრამ ვაჟს აღარ ესმოდა მისი ნათქვამი. ქალიშვილსაც აღარ ესმოდა თავისივე სიტყვები. გული ისე უცემდა, რომ ეს ხმა ქვეყნად ყველაფერს, ყველაფერს ახშობდა; იგი ირგველივ ვერაფერს ხედავდა და ველარაფერს გრძნობდა, ველარაფერს, გარდა ვაჟის მკლავებისა, გარდა მისი ხელისგულებისა, გარდა თითებისა, რომლებიც თითქოს მას მთლიანად, მისი სხეულის ყოველ ნაწილს ფარავდნენ.

ქალიშვილი შიშმა შეიპყრო. მაგრამ ეს იყო ახალი, მანამდე უცნობი შიში, ანგარიშმიუცემელი, რაღაც გარდაუვალის მოახლოებასთან შერწყმული.

— ტოლია, ტოლენკა, მოიცა, მოიცა! — წამოიძახა მან.

და უცებ იგრძნო, რომ თავისუფალია. წამის წინ ეგონა, რომ გალიაშია დამწყვდელი, უხილაჯ ცხელ კედლებში ჩაკედლილი. ახლა კი თითქოს კედლები ჩამოინგრაო, ცივმა ქარმა დაჰკრა და თავით ფეხებამდე დაუარა...

— მაშ კარგი, — გაიგონა მან ანატოლის უცხო ხმა, — კარგი, ასე იყოს. აქედან და აქამდე. ყველაფერი ზუსტია. ყველაფერი მოზომილია. სწორედ ამას ჰქვია სიყვარული...

ვაჟი უწინდებურად აქ, გვერდით იყო, მაგრამ მისი სიტყვები თითქოს საიდანღაც შორიდან მოისმოდა.

— არა, ტოლია, არა, — სასოწარკვეთილებით უთხრა ვერამ, — შენ არა ხარ მართალი. მე მიყვარხარ, შენზე მახლობელი არავინ არა მყავს, უბრალოდ მეშინია, რომ ჩემგან წახვალ...

— წავალ? — გაოცებით ჩაეკითხა ანატოლი და ვერამ იგრძნო, როგორი გაღიზიანებით აუთრთოლდა მას მხრები. — აჰა... აი თურმე რას ფიქრობ...

— არა, არა! — ქალიშვილმა ისე ჩაავლო მხრებში ხელი, თითქოს უნდოდა დაეკავებინა იგი. — შენ ვერ გამიგი. უბრალოდ მეშინია, ამის მეშინია, ბოლოსდაბოლოს ხომ შეგიძლია გამიგო!...

მოულოდნელად ვერამ იგრძნო, რომ რაღაცამ ყელში წაუქირა, იგი აქვითინდა,

— ვერა, ვეროჩკა, რა მოგივიდა, რა მოგივიდა? — შიშითა და თანაგრძნობით იმეორებდა ანატოლი. — კარგი, გეყოფა, მაპატიე.

— არა, არა, — შეაწყვეტინა ვერამ, — დაე ყველაფერი იყოს, დაე, მე არ მინდა, იფიქრო, რომ შენი მეშინია, რომ რაღაცაზე იმედს ვამყარებ, დაე, ყველაფერი იყოს, დაე!..

ქალიშვილმა მკლავები კისერზე შემოაქლო და ათრთოლებით მიიზიდა იგი თავისკენ. და ისევ იგრძნო, როგორ დაფარეს მისი ტანი ვაჟის ველებერთელა ხელისგულებმა...

უცებ ვერას თვალი მოსჭრა კაშკაშა სინათლეზე. მათთან სულ ახლოს ორი ქაბუჯი იდგა. ერთ მათგანს ხელში ჯიბის ფარანი ეჭირა.

მოულოდნელობისაგან ვერამ მკვეთრი ხელისკერით მოიცილა ანატოლი, ხოლო ჩერ კი ვერაფერს ხედავდა, გარდა თვალებში მიშუქებული სინათლის მძაფრი სხივისა. გაისმა ხმამალალი, გაზვიადებით ხმამალალი, თავხედური სიტყვები.

მაგრამ წამიცი და სიცილი მოულოდნელად შეწყდა, რადგან ანატოლი იცა მასთან ახლოს მდგარ ქაბუჯს. ფარანი დავარდა და ახლა უზარმაზარ ციციანაუელასავით ეგდო ბალახში. მიწაზე გართხმულ შუქში ბალახის ღეროები არაბუნებრივად დიდად და მსხვილად მოჩანდნენ. ისინი ჩხუბობდნენ უხმოდ, გაშმაგებით, მაგრამ ცოტა ხანს. შემდეგ ვერამ გაი-

გონა დაცემის ხმაური, წყლის ტლაშუნი და სიცილი, ამჟერად მოკლე და ნაწყვეტ-ნაწყვეტი.

— ტოლია, ტოლია! — დაიყვირა ვერამ.

ფარნის შუქი ისევ ზეაღიმართა, შემდეგ იქით, ქვევით-კენ გადაინაცვლა და ვერამ დაინახა, რომ ანატოლი მუხლამდე წყალში იდგა.

— ტოლია, ტოლია! — ეძახდა სასოწარკვეთილი ვერა. ახლა-ლა შეამჩნია, რომ მისგან ორ ნაბიჯზე ფლატე იყო. ფეხზე წამოიჭრა, ნაბიჯი გადადგა ფლატისაკენ...

ერთ-ერთმა ბიჭმა უხეშად სტაცა ხელი მხარში და სიცილით უთხრა:

— შემიძლია შევენაცვლო, ქალიშვილო! რაღად გინდა იგეთი... ამოლუმბული...

— მე შენ გიჩვენებ, არამზადავ! — გაისმა ქვემოდან ანატოლის ხმა.

შემოიგ კვლავ გაისმა დაცემის ხმაური. ეტყობოდა, ანატოლი ცდილობდა ფლატეზე ზემოთ ამოცოცებას, მაგრამ ფეხი დაუტურდა და ისევ ჩავარდა.

ის ორნი იცინოდნენ.

ვერა ვერ ხედავდა მათ სახეებს. ესმოდა მხოლოდ მათი ხმები, მათი თავხედური სიცილი. ქალიშვილი ანგარიშში იყუცემლად მკვეთრად მოტრიალდა და სცადა სახეში სილა გაერტყა ბიჭისათვის. მაგრამ ვერ მოახვედრა, ბიჭმა ადვილად აიცილინა, ისევ შიანათა ფარნის შუქი ანატოლის, რომელიც დაბნეული იდგა ნაპირზე და წყალი წურწურით ჩამოსდიოდა. შემდეგ შუქმა კვლავ ვერა გაანათა.

— თავი დაანებე მაგას, კილტია, — ზოზონით უთხრა მეორე ბიჭმა, — მე მალაღმარისხოვეანი საქონელი მეგონა. ეგ კი, ისე რა... ჭივჭავია...

ფარნის სინათლე ჩაქრა და ვერას ესმოდა როგორ ტყუენობდნენ შტოები იქით მიმავალთა ფეხქვეშ.

— ღობეზე გადაკიდე შენი არშიყი, დე გაშრეს! — მოისმა შორიდან. და ისევ სიცილი, მერე ყველაფერი იცურდა.

— ტოლია, საყვარელო, როგორა ხარ? — შესძახა ვერამ.

მას მოესმა ვაჟის ნელი ნაბიჯების ჭყაპუნნი მარჩხოვზე.

— ტოლია, მომიცადე, ახლავე ჩამოვალ შენთან! — თითქმის ტირილით თქვა ვერამ, თან სიბნელეში ამაოდ ეძებდა ჩასასვლელს.

სიჩუმე. არავეითარი გამოხმაურება. მხოლოდ იქით მიმავალი ნაბიჯების ჭყაპუნის ხმა მოისმის ქვემოლან.

— ტოლია, ტოლია! — კიდევ ერთხელ სასოწარკვეთილებით დაიყვირა მან.

ანატოლი პასუხს არ იძლეოდა. სირცხვილისა და დამცირებისაგან გაოგნებული უხმოდ მიჰყვებოდა მდინარის ნაპირს.

წვიმა წამოვიდა. სულ უფრო ძლიერ ქროდა ცივი ქარი. ანატოლი კი მიდიოდა და მიდიოდა ნაპირზე, გზის გაღრჩეულად და ცდილობდა, რაც შეიძლებოდა მალე გასცლოდა ამ ადგილს...

ვერა დარწმუნებული იყო, რომ ანატოლი დილით უსათუოდ მოვიდოდა მასთან. მაგრამ იგი არ ჩანდა. მან იცოდა, სადაც ცხოვრობდა ანატოლი, მაგრამ მისვლა ვერ გადაიწყვიტა.

მთელი ღამე თეთრად გაათენა. ეჩვენებოდა, თითქოს იდგა ისევ იქ, უმწეო, ფარნის შექმინათებული და ყველაზე ხედავდა.

ანატოლიზე იგი წყენანარევი სიბრალულით ფიქრობდა. ესმოდა, თუ რა განცდა ექნებოდა მას, როცა მთლად შლამში ამოსვრილი მუხლებამდე წყალში იდგა და ხულიჯნები დასცინოდნენ.

და ყოველივე ეს ხომ მან ვერას გულისთვის გადაიტანა.

ღიან, ვერას ესმის: გაღიზიანება, მამაკაცური თავმოყვარეობა, უმწეობის განცდა, მთელი სიტუაციის კომიკური სისაძაგლე... და მაინც როგორ შეძლო მან წასულიყო, მარტომმარტო მიეტოვებინა იგი ნაპირზე ღამით!.. ის ბიჭები რომ დაბრუნებულიყვნენ?..

ღიან, მას შეეცოდა ვაჟი, შეეცოდა თავისი თავიც. ვერას სირცხვილის აღმური ეკიდებოდა სახეზე, როგორც კი გაახსენდებოდა, რაც მოხდა. მაგრამ მაინც ვერ აიძულა თავი წასულიყო ანატოლისთან.

„იგი მოვა, — არწმუნებდა თავს ვერა, — არ შეიძლება არ მოვიდეს. შეუძლებელია, ვერ მიხვდეს, რას განვიცდი მე ახლა. იგი მოვა!“

მაგრამ ანატოლი არ მოდიოდა.

...ვერა მთელ დილას ელოდა მას. მერე მეტი გეღარ მოითმინა; მოდი მდინარეზე წავალო, თქვა და კაბის ქვეშ საცურაო კოსტუმი ჩაიცვა, ჩანთაში ჩაიწყო ხალათი, რეზინის ქუდი, პირსახოცი და შინიდან გამოვიდა, მაგრამ მდინარისაკენ არ წასულა. ანგარიშშიუცემლად გაემართა იმ ქუჩისაკენ,

სადაც ანატოლი ცხოვრობდა, იმ იმედით, რომ შემთხვევით მას შეხვდებოდა.

არა, ვერ შეხვდა. შორიდან შეავლო თვალი იმ სახლს, სადაც ანატოლი დაბინავდა; ანატოლიმ ის ჭერ კიდეც გუშინ დაანახვა, როცა კინოს შემდეგ ქალაქში გაიარეს. ეს პატარა ერთსართულიანი ხის სახლი ადვილი მისაგნები იყო წყალსადენის წერტილს, რომელიც იქვე შავად მოჩანდა...

იგი ოციოდე წუთს იდგა, სახლს უთვალთვალა, მაგრამ ორსაფეხურიან მოჩუქურთმებულ კიბეზე არავინ გამოჩენილა. სახლში არავინ არ შესულა და შიგნიდან არავინ გამოსულა.

ვერას სმენამდე მოაღწია შორეულმა კაკუნმა, თითქოს კოდალა აკაკუნებდნენ. რამდენიმე წამი გავიდა, სანამ იგი მისვდებოდა, რომ ეს ქუჩის რეპროდუქტორი გადმოსცემდა ზუსტი დროის სიგნალებს.

მან უნებურად დაიხედა საათზე. თერთმეტს ერთი წუთი უკლდა. მხოლოდ თერთმეტია!.. ამან იგი ცოტა დაამშვიდა. ჭერ ადრეა. ასაღლევებელი არაფერია. იქნებ ეს-ეს არის გაიღვიძა ან იქნებ ჭერ კიდეც სძინავს. ან იქნებ ახლახან გავიდა შინიდან და ერთმანეთს ასცდნენ.

ვერა მოტრიალდა და უკან დაბრუნდა. მაგრამ მდინარისაკენ კი არ წასულა, შინისაკენ გაემართა. იფიქრა, ანატოლი შეიძლება სწორედ შინ მოვიდეს, როცა იგი შინ არ იქნება და ფეხს აუჩქარა.

ახლა უჩინარი რეპროდუქტორებიდან სიმღერა ისმოდა. „საყარელ ქალაქს შეუძლია მშვიდად იძინოს“... — გარკვევით გამოთქვამდა მომღერალი მამაკაცი.

„რა სისულელეა, რომ აქ დილიდან სადამომდე დროს ლებს რადიო“, — გაჭავრებით გაიფიქრა ვერამ. ეს აზრი მას მხოლოდ ახლა დაებადა. გუშინ იგი რეპროდუქტორის ხმას არც კი უსმენდა. ხოლო ახლა გაახსენდა, რომ გასულ წლებშიც რადიო აქ მთელი დღე, დილიდან შუალამემდე, ხმაურობდა. ჩანს, ასე იყო მიღებული. სიმღერები, ლექციები, პიესები — ყველაფერი ზედიზედ...

ათი წუთის შემდეგ იგი ისევ თავის ოთახში იყო. არა, არავინ არ მოსულა, არავის არ უკითხავს იგი.

მოულოდნელად ვერას მწარე აზრი დაებადა: „იგი აქედან გაემგზავრა!“ ჭერ კიდეც ამ დილით ლენინგრადში გაემგზავრა. მოხდა ის, რისიც ქალიშვილს მთელი ამ თვეების მანძილზე ეშინოდა. ანატოლის, ალბათ, ყველაფერი მობეზრდა და წავიდა. მან ჭერ კიდეც გუშინ, იქ, ნაპირზე გადაწყ-

ვიტა წასულიყო. ვერამ საათს დახედა. თორმეტს თხუთმეტი წუთი უკლია. იგი არ არის. დარღისაგან ვერა საწოლზე დაემხო, სახე ბალიშში ჩარგო, რომ არაფერი დაენახა და არაფერი გაეგონა, მაგრამ ფარნის მკვეთრი, ხანჯალივით მახვილი სხივი, თითქოს ბალიშში გადიოდა და თვალებს სჭრიდა.

ყოველგვარი ტანჯვა, რის გადატანაც სხედასხვა მიზეზით ადამიანს მთელი თავისი ცხოვრების მანძილზე უხდება, ფარდობითია და მისი ნამდვილი სიღრმე მხოლოდ შედარებისას შეიცნობა.

და ვერას რომ შეძლებოდა წარმოედგინა, თუ რის გადატანა მოუხდებოდა უახლოეს მომავალში, მაშინ ყველაფერი, რასაც ამ წუთში განიცდიდა, მწუხარებად კი არა, სიხარულადაც მოეჩვენებოდა.

ღიახ, სიყვარულის გამო ამ პირველ თავზარდაცემას იგი შეიგრძნობდა, როგორც ბედნიერებას. ვინაიდან ეს მოხდა ჯერ კიდევ „იმ დღეებში“, როცა მას ცა უღრუბლოდ, ცხოვრების წესი გონივრულად და უცვლელად ეჩვენებოდა. როცა დიდ საერთო სახალხო მწუხარებასა და გაჭირვებაზე წარსული დროით ლაპარაკობდნენ, უკავშირებდნენ რა მათ სამოქალაქო ომს, ინტერვენციას, ნგრევიას.

და თუმცა ქვეყნის ცხოვრება, რომელშიც, როგორც ერთი მიმილიონედი, ვერას ცხოვრებაშიც ჩაქსოვილიყო, უღრუბლო სულაც არ ყოფილა. მის სირთულეთა და წინააღმდეგობათა შეცნობასა და ამოხსნას ადამიანები მრავალი წლის შემდეგ შეეცდებიან. ვერასა და მილიონობით მის თანამედროვეს ეს ცხოვრება ნათელი ფერებით მოსილ შემოქმედებითი შრომის ხანად წარმოედგინათ.

ადამიანთა თვალებში პირველი ხუთწლიელების ჩირაღდანთა ანარეკლები კიაფობდნენ. სოციალური სიამაყე, საერთო საქმისათვის თავის განსაწირავად მზადყოფნა, შეგნება იმისა, რომ ისინი მსოფლიოს ახლებურად, სამართლიან საქმეებზე გარდამქმნელ მებრძოლთა პირველ რიგებში დგანან, განსაზღვრავდა მათ საქციელს...

ცხოვრება უკეთესი და საამურო გახდა, ამას ეთანხმებოდნენ მოხუცებიცა და ახალგაზრდებიც.

არა. ეს არ იყო სიუხვის წლები. ადამიანებს ჯერ კიდევ ბევრი რამ აკლდათ. მაგრამ ხანშესულთ შეიძლოთ შედარება მოეხდინათ. მათ თვალწინ წარსულს ჩაბარდა საბარათო სისტემა და მასთან ერთად გამოფხევილი, მარტო რკოს ყავის ქილებითა და ლორის მულაყებით მორთული ვიტრინები; გაუთავებელი რიგები კარტოფილსა და პურზე, გა-

თენებამდე რომ დგებოდნენ ადამიანები... ცხოვრება გაუძღობესდა.

სიცოცხლე საამური გახდა და ეს პირველად ახალგაზრდობამ იგრძნო. ისინი ავსებდნენ უთვალავ საცეკვაო მოედანს, კაფეებს. ზაფხულში საღამოობით სახლების ფანჯრებიდან ისმოდა პატეფონის ხმა, ესტრადებზე გრიალებდნენ ჯაზ-ორკესტრები... და გეგონებოდა მუდამ ასე იქნებოდა, რომ წლიდან წლამდე ცხოვრება უკეთესი და უფრო საამური გახდებოდა.

და თუმცა უკანასკნელ ხანს ამ შეგრძნებას სულ უფრო ხშირად შეიგრძნოდა ხოლმე. ომის მუქარასთან დაკავშირებული საშიშროების გრძობა, მას არ შეეძლო ჩაეხშო ხალხში რწმენა, რომ ხვალინდელი დღე დღევანდელზე უკეთესია, უფრო ნათელი და მდიდარი იქნებოდა.

ასე ფიქრობდა, ასე სჯეროდა ვერასაც.

მას ჭერ კიდევ რასთან უნდა შეედარებინა თავისი დღევანდელი პატარა მწუხარება და ამიტომ ეჩვენებოდა იგი უზომოდ და გამოუსწორებლად.

„მეც წავალ, — თავისთვის თქვა ვერამ, — მეც დაებრუნდები ლენინგრადში. აბა, რა გავაკეთო ამ მოსაწყენ, უგვანო, უღმობელ პატარა ქალაქში“.

„მაგრამ, თუ იგი არ წასულა? — იმედით გაიფიქრა მან. — არა, სულ ერთია. მაშინ მე წავალ“.

იგი წამოიჭრა და აჩქარებით შეუდგა საკიდარებიდან თავისი კაბების ჩამოხსნას. მერე საწოლის ქვემოდან ცარიელი ჩემოდანი გამოაჩოჩა, გახსნა...

ქვემოდან კარის ქრიალი გაისმა. ეს, ალბათ, დეიდა მაშა დაბრუნდა ბაზრიდან. ოღონდ ზევით არ ამოვიდეს, ვერას სამზადისი არ დაინახოს...

ვერა უძრავად იდგა. დაე, დეიდა მაშას ეგონოს, რომ იგი შინ არ არის. საოჯახო საქმით გაერთოს, ღუმელი გაახუროს, ქვაბები და ჭურჭელი ააჩხრიალოს. მაშინ იმ ხმაურში ჩალაგებასაც მოასწრებს.

ქუჩიდან ღია ფანჯარაში რადიოს ხმა შემოდიოდა. „იწყება ბელოკამენსკის სამშენებლო ტექნიკუმში შესვლის მსურველთა განცხადებების მიღება...“

სიტყვამ „სამშენებლო“ მისი ფიქრები ისევ ანატოლისკენ მიაბრუნა — იგი ხომ სამოქალაქო ინჟინერთა ინსტიტუტში სწავლობდა. ალბათ, ახლა უკვე მიქრის იმ მატარებლით, რომ-

მელიც ბელოკამენსკიდან დილის 7 საათსა და 30 წუთზე გავიდა. ვერა ყოველთვის ამ მატარებლით ბრუნდებოდა შინ, ლენინგრადში. მგონი, არის კიდევ მეორე მატარებელიც, უფრო გვიან. აი იმით გაემგზავრება კიდევ დღეს. არა, განა იმიტომ, რომ იქ, ლენინგრადში, ანატოლი ნახოს. იგი მას აღარასოდეს არ ნახავს. აღარასოდეს! შეძლებს მოერიოს თავის თავს. ხეალვე დაიწყებს მეცადინეობას, მომდევნო სასწავლო წლისათვის მზადებას. ზაფხულობით კარგია საჯარო ბიბლიოთეკაში ქდომა. დარბაზები ნახევრად ცარიელია...

და თითქოს მის დასაცინად, რადიორეპროდუქტორიდან სიმღერა მოისმა. მღეროდა გუნდი, სმენადობა ცუდი იყო, მაგრამ სიტყვები „შორეულ გზას გავუდგით“, ვერამ ადვილად გაარჩია.

„მეგრე იყოს, მაშ გავუდგეთ გზას!“ — გამწარებით გაიმეორა თავისთვის ვერამ. საწოლიდან კაბა აიღო და გახსნილ ჩემოდანში ჩააგდო.

ქვემოდან მოისმა ნაცნობი ხმები; დეიდა მაშა ლუმელის დასანთებ ნასხებებს ამზადებდა, მერე ფლატუნა ნაბიჯები, სამზარეულოს ჭურჭლის დაწყობის ხმაური...

რადიო მიჩუმდა, მაგრამ ვერას ეს არც შეუმჩნევია. იგი აჩქარებით ყრიდა ჩემოდანში თავის კაბებს, თეთრეულს, საბანაო ნივთებს. გადაწყვიტა დაევიწყებინა ყოველივე, რაც მოხდა. დაევიწყებინა ადამიანი, რომელიც მისი სიზარულისა და მტანჯავი ეჭვების წყარო იყო. ხაზი გაესვა წარსულისათვის და ცხოვრების ახალ ეტაპს შესდგომოდა. და ახლა რომ მისთვის ვინმეს ეთქვა ორი, არა, ერთი წუთის შემდეგ მარტო ის, ვერა კი არა, ქვეყნის თვალუწვდენელ სივრცეზე მილიონობით ადამიანი იძულებული გახდება გამმიჯნელი ხაზი გააგლოს თავის წინანდელ ცხოვრებას და ახალი, შფოთიანი, საშინელი, შავბნელი შეუცნობლობით აღსავსე ეტაპი დაიწყოს, ვერა გაოცებით აიჩეჩავდა მხრებს.

ფიქრებში გართული, იგი მექანიკურად ალაგებდა ნივთებს და ვერც კი გაიგონა დიქტორის ზვავივით მომსკდარი პირველი სიტყვები.

— ყურადღება!.. ყურადღება!.. ლაპარაკობს მოსკოვი... მუშაობს საბჭოთა კავშირის ყველა რადიოსადგური...

ქუჩაში გამოსული ვერა სახტად დარჩა. არაფერი არ შეცვლილიყო. მზე კაშკაშებდა. მალაზიების კარები ღია იყო.

თავის მაგიდასთან ტაბურეტზე იჯდა თეთრხალათიანი ნაყინის გამყიდველი. თუმცა, ვერას რომ დრო ჰქონოდა, და ქუჩას დაჰკვირვებოდა, შეამჩნევდა ცვლილებებს: ადამიანები ტროტუარზე კი არ მიდიოდნენ, არამედ იდგნენ. თავები იქით მიებრუნებინათ, საიდანაც რეპროდუქტორის ხმები მოდიოდა. ლაპარაკობდა მოლოტოვი. მაგრამ ვერას მისი სიტყვა მთლიანად არ მოუხსენია. გერმანელები რომ საბჭოთა კავშირს თავს დაესხნენ, ეს მან დასაწყისშივე თქვა.

იგი გარბოდა იმ სახლისაკენ, სადაც ანატოლი ცხოვრობდა. „იქნებ ის ჯერ კიდევ იქ არის, იქნებ ჯერ არ წასულა“ — რეკავდნენ საფეთქლები. მაშინ ისინი ერთად უნდა იყვნენ. ასეთ წუთს ისინი გვერდში უნდა ედგნენ ერთმანეთს. მთელი მათი შელაპარაკება — სისულელეა, მტვერია ყველას თავს დამტყდარ საშინელ უბედურებასთან შედარებითი. ისინი ახლავე შინ, ლენინგრადში უნდა გაემგზავრონ.

ერთსართულიან პატარა სახლთან რომ მიიბრძინა, ვერას უკვე სუნთქვა ეკვროდა. ერთი ნახტომით მოექცა თავს ორსაფეხურიან კიბეს და ხელი ჰკრა კარს.

კარი ჩაკეტილი იყო. ვერამ ორივე ხელით მაგრად დააბრაზუნა. როგორც იქნა კარი გაიღო. ზღურბლზე ხანშესული ზორზოხა ქალი იდგა, ხელში პირსახოცი ეჭირა.

— მაპატიეთ, მე მინდა გავიგო... — სირბილისა და მღელვარებისაგან დაქანცული ვერა ნაწყვეტ-ნაწყვეტი ხმით ალაპარაკდა. — ანატოლი.. სტუდენტი ლენინგრადიდან... თქვენთან ცხოვრობს?

— ვინ? — დაბნეულად ჰკითხა ქალმა და ვერას მოეჩვენა, რომ ქალი თუმცა შესცქეროდა მას, მაგრამ ვერაფერს ვერ ხედავდა.

... ანატოლი იწვა საკუჭნაოს მსგავს პაწაწა ოთახში, სადაც მხოლოდ საწოლი და სკამი ეტეოდა. შუბლზე ვიწროდ დაკეცილი პირსახოცი ეფარა.

— შენა ხარ? — თქვა ანატოლიმ თავის მოუბრუნებლად.

— რა მოგივიდა, ტოლია? — ჰკითხა შეშინებულმა ვერამ.

— არაფერი. ზორბა ბუღას ფილტვების ანთება შეეყარა. — იგი მოთენთილი და ბრაზიანი ხმით ლაპარაკობდა. მძიმედ და ხრინწიანად სუნთქავდა.

ვერა, რომელსაც ჯერ კიდევ ვერ მიეცა თავისი თავისთვის ანგარიში იმაში, რაც მოხდა, სკამზე დაეშვა და მის

შუბლზე დადებულ პირსახოცს შეეხო. ის მშრალი და თბილი იყო. მან ააცალა პირსახოცი და ცხელ და სველ შუბლზე ხელი დაადო.

— შენ მაღალი ტემპერატურა გაქვს, ტოლია! — წამოიძახა ვერამ.

— უფრო ზეგით ველარ ავა, — ჩაიციხა ანატოლიმ, — ეჭიმმა თქვა, ოცდაცხრამეტი და რვა ხაზიაო. მომეშვილე, მე ახლავე წამოდგები... ვიცოდი, რომ მოხვიდოდი და მომეშვილებოდი...

მან ვერას მხრებზე დაადო ხელები და წამოდგომა სცადა.

— არა, არა, იწეპი, ისეთი სიცხე გაქვს, შენი წამოდგომა არ შეიძლება, — დაჟინებით უთხრა ვერამ, თან მხრებიდან მისი ხელები ჩამოიღო, — შენ უნდა იწევე!

— შენ... შენ გესმის, რას ამბობ! — წამოიყვირა ანატოლიმ, — ნუთუ არ მოუხსინე რადიოს?! დაუყოვნებლივ უნდა წავიდე ლენინგრადში!

— ჩვენ ხვალ წავალთ, — უთხრა ვერამ და მხრები ბალიშზე დაადებინა. — ხვალ სიცხე დაგიწევს და გავემგზავრებით.

— დიასახლისს დაუძახე, უთხარი, ჩემი ტასაცმელი მოგცეს, — უთხრა ანატოლიმ ისე, რომ ქალიშვილის სიტყვებისათვის ყურადღებაც არ მიუქცევია.

ვერა მეორე ოთახში გავიდა... ის ქალი ახლა მაგიდასთან იჯდა თავდახრილი და ვერას ისევ მოეჩვენა, რომ იგი ფაქრებით სადღაც შორს იყო და ირგვლივ წელანდელივით ვერაფერს ხედავდა.

ვერა დაბრუნდა და დაბნეულად აიჩეჩა მხრები.

— სულ ერთია, — თქვა ანატოლიმ, — მე უნდა...

ფრაზა ვერ დაამთავრა, უღმობელი ხველა აუვარდა და აძიკძივდა.

შემდეგ ხველამ გაუარა. ახლა ანატოლი ძალაგამოლეული იწვა და სახეზე ონშივარი ასდიოდა.

— უნდა გავემგზავრო... — ოღნაე გასაგონად თქვა მან, — ეს არაფერია... დაუყოვნებლივ უნდა გავემგზავრო...

VI

1941 წლის შუა ივნისში ლენინგრადის ოლქის სარდლობა ჯარების ინსპექტირებასა და ტაქტიკურ მეცადინეობას ატარებდა.

ეს ხდებოდა ჩრდილოეთში, მურმანსკის ახლოს. ისე

როგორც კარელიის ყელი, ოლქის ჩარებისათვის ეს მიმართულება უმნიშვნელოვანეს ოპერაციულ მიმართულებად რჩებოდა.

მაიორი ზვიაგინცევი შტაბის იმ მეტაურთა შორის იყო, რომლებიც სარდლობის ბრძანებით ჯერ კიდევ ივნისის პირველ რიცხვებში გაემგზავრნენ ჩრდილოეთისაკენ, რომ სწავლის დაწყებამდე ყველაფერი მოემზადებინათ.

მაგრამ როცა უკვე აღვიღებთ გამოცხადდა, ზვიაგინცევმა თავისი უფროსებისაგან ახალი მითითება მიიღო. მას უბრძანეს, ვიბორაგის გამაგრებულ რაიონში წასულიყო და ახალ რკინა-ბეტონის თავდაცვის ნაგებობებში საარტილერიო სისტემების სწრაფი და საბოლოო დამონტაჟებისათვის ყველა აუცილებელი ზომა მიეღო. გამაგრებული რაიონის შტაბის უფროსთან, პოდპოლკოვნიკ გოროხოვთან ერთად. ზვიაგინცევი მთელ დღეებსა და ღამეების დიდ ნაწილს დოკუმენტებისა და დოკუმენტების საბრძოლო მზადყოფნის, მშენებელთა და მესანაგრეთა ბატალიონების ნამუშევართა ხარისხის შემოწმებას ანდომებდა და მუდამ ახსოვდა მთავარი მითითება — რაც შეიძლებოდა მალე დაემთავრებინა მონტაჟი.

...ის დღეც ჩვეულებრივ ერთად დაალამეს ზვიაგინცევმა და გოროხოვმა ობიექტების ინსპექტირებაზე. თეთრი ღამეები უკვე მოძალბებულიყო, ამიტომ სამუშაო დღე ჰიანურდებოდა. როცა ზვიაგინცევი და გოროხოვი ერთმანეთს დაეშვიდობნენ, რომ დილაადრიან ისევ შეხვედრილიყვნენ. უკვე შუაღამე იყო.

ზვიაგინცევი მეტაურთა საერთო საცხოვრებელში მისთვის გამოყოფილ ოთახში დაბრუნდა. გიმნასტურა გაიხადა და არმიელთა ჩვეულებისამებრ წელზე პირსახოცშემორტყმულმა აიღო სასაპნე, კბილის ჯაგრისი და პირსაბანი ოთახისკენ აპირებდა წასვლას, რომ კარზე დააკაკუნეს. ზვიაგინცევმა კარი გააღო. მის წინ წითელარმიელი იდგა. მან ერთნაბიჯით უკან დაიხია და შუბლზე ჩამოფხატულ პილოტურასთან ხელის მიტანით მოახსენა, პოდპოლკოვნიკი გოროხოვი სთხოვს ამხანაგ მაიორს, დაუყოვნებლივ შტაბში მოვიდესო.

ზვიაგინცევმა გაკვირვებით აიჩიქა მხრები და მოკლედ უპასუხა: „მოახსენეთ, ახლავე მოვა-თქო“. ისევე გადაიცვა გიმნასტურა, ქამარი შემოირტყა და ოთახიდან გავიდა.

პოდპოლკოვნიკი თავის კაბინეტში ელოდებოდა ზვიაგინცევს და როგორც კი იგი გამოჩნდა, უთხრა:

— აი, რაშია საქმე. ამხანაგო მაიორო, — მაპატიეთ, რომ

დაძინება არ გაცალეთ... ეს-ეს არის მესაზღვრეებმა დამირე-
კეს. სასწრაფოდ მიხმობენ. იქ მათი კაცი საზღვარს იქით გა-
სულა და ისევ დაბრუნებულა. საინტერესო რამეებს ჰყვე-
ბა... — გოროხოვმა მაგიდაზე დააჩაყუნა თითები და გაიმე-
ორა: — მერე და როგორ საინტერესოს!.. ჰოდა, ვიფიქრე,
ურიგო არ იქნებოდა, თქვენც მოგესმინათ იმ კაცისათვის.
მესაზღვრეებს მე მოველაპარაკე — საწინააღმდეგო არაფე-
რი აქვთ...

ზვიაგინცევს არ უნდოდა ჩარეულიყო ისეთ საქმეებში,
რაც არ ეხებოდა. მაგრამ გოროხოვის დაჟინებამ დააინტერე-
სა. მან იცოდა, რომ მესაზღვრეები, ისე, როგორც შინაგან
საქმეთა სახკომის სისტემის ყველა მუშაკი, ჩვეულებრივ,
საიდუმლოდ იცავენენ ყველაფერს, რაც მათი კომპენტენ-
ციის საქმეებთან იყო დაკავშირებული.

მან წამიერი, გამომცდელი მზერა შეავლო პოდპოლკოვ-
ნიკს. იგი აშკარად ღელავდა. რა დროსაც არ უნდა ენახა
ზვიაგინცევს გოროხოვი, მას თმა ყოველთვის საგულდაგუ-
ლოდ ჰქონდა გაყოფილი და დავარცხნილი. ახლა კი გაყო-
ფის ხაზი საქოჩრებზე აწეწილ თმებში აღარ ეტყობოდა.

— კარგი, — მოკლედ უთხრა ზვიაგინცევმა და წამოდ-
გა. — მე მზადა ვარ.

... პოლკოვნიკის მიერ გამოძახებულმა „ემკამ“ თხუთმეტ
წუთში მიიყვანა ისინი მესაზღვრეთა განლაგებაში. შტაბი
წითელი აგურის ერთსართულიან შენობაში იყო მოთავსე-
ბული. გუშაგმა იცოდა მეთაურთა ჩამოსვლის შესახებ და
გასასვლელში გოროხოვს ხმადაბლა უთხრა:

— პოლკოვნიკმა ბრძანა, რომ თქვენ ჯერ მორიგესთან
გაიაროთ.

მორიგე, წითელ სამკლაურიანი უმცროსი ლეიტენანტი
მაგიდას უჯდა. იგი წამოხტა.

— ახლავი მოვახსენებ, ამხანაგო პოდპოლკოვნიკო. ერთ
წუთას...

ისინი ჩამოსხდნენ ფიცრით შეჭედილ მაგიდასთან, რო-
მელზეც იდო ყავისფერ საკანტორო ყდაში ჩასმული სქელი
ეურნალი — მორიგეობის ჩასაწერად, ქადრაკის დაფა, ეურ-
ნალების „პოგრანიჩნიკისა“ და „ოგონიოკის“ რამდენიმე და-
ფურცლული ნომერი.

მალე კარი გაიღო და ზღურბლზე ტანდაბალი, ზორზობა
პოლკოვნიკი გამოჩნდა. გოროხოვი და ზვიაგინცევი წამო-
დგნენ.

— მოხვედით? — თქვა პოლკოვნიკმა, თავი დაუქნია გო-

როხოს და ზვიაგინცევს მიაჩერდა. იგი წარუდგა. — ვაჟ ასე, წამობრძანდით, მოუსმინეთ, — უთხრა პოლკოვნიკმა. — საიდუმლოს დაცვის შესახებ, ვფიქრობ, გაფრთხილება არ გჭირდებათ, — დაუმატა მან უფრო ზვიაგინცევის მისამართით. იგი კილევ ერთ წუთს იდგა აღვილზე და არავისთვის არ მიუმართავს, ისე თითქოს თავისთვის ჩაიბუტბუტა: — არ მომწონს მისი ხმა...

შემდეგ ხელის აქნევით მიიწვია მოსულნი, მომყევითო. პოლკოვნიკის კაბინეტში დიდ, ძველმოდურ საწერ მაგიდაზე მწვანე მინის აბაჟურიანი საკანცელარიო ლამპა იდგა. მისი შუქი მაგიდას ეცემოდა და ამიტომ ზვიაგინცევმა იქვე მჯდარი კაცი უცბად ვერ გაარჩია.

როცა ზვიაგინცევი და გოროხოვი შემოვიდნენ, ეს კაცი წამოდგა.

— იჯექი, იჯექი, ტოივო, — რალაც განსაკუთრებული ყურადღებითა და ალერსითაც კი უთხრა პოლკოვნიკმა. — ამხანაგი პოდპოლკოვნიკი ჩვენი არმიული მეზობელია, მაიორი კი — საოლქო შტაბიდანაა... დაბრძანდით, ამხანაგებო, — დაუმატა მან და კედელთან მდგარ სკამებზე მიუთითა.

ახლა ზვიაგინცევს შეეძლო შეეთვალეიერებინა ის, ვისაც პოლკოვნიკი უბრალოდ სახელს ეძახდა: „ტოივო“.

ეს იყო ორმოცდაათიოდე წლის კაცი, ტანმორჩილი, გლახურად ჩაცმული. მას გამომეტყველებასმოკლებულ, მჭკნარ სახეზე უფერული წარბები თითქმის არც კი ეტყობოდა. გეგონება ამ სახეზე ყველაფერი — ტუჩები, ცხვირი, წარბები — მხოლოდ პუნქტირით იყო მოხაზული. ასეთ სახეს ვერ დაიხსომებდი. ძნელი იყო წარმოსახვით მისი აღდგენა.

პოლკოვნიკი მაგიდასთან მდგარ ხის სავარძელში ჩაჯდა.

— აბა, ტოივო, — თქვა მან და ბლოკნოტი მოიმარჯვა, — მორი თავიდან დავიწყეთ. ამხანაგებმაც მოისმინონ. ამრიგად...

— იქ... ბევრი გერმანელია, — თქვა პაუზის შემდეგ ტოივომ.

მის წყნარ ხმას, ისევე როგორც სახეს, არავითარი გამომეტყველება არ გააჩნდა. ჩვეულებრივი ხმებისაგან იგი მხოლოდ ფინური კილოთი გამოირჩეოდა.

— არა, არა, — უთხრა პოლკოვნიკმა, — შენ, ამხანაგო ტოივო, თანმიმდევრობით მოგვიყევი. რაითნი, ღრო, ერთი სიტყვით, როგორც მე მიაბობდი.

— როვანიემის რაიონია, — ისევე მკრთალად თქვა ტოივომ, — ბევრი გერმანელია. ბევრი მსუბუქი მანქანაა.

— რამდენია? — შეაწყვეტინა პოლკოვნიკმა.

— ყოფილი სკოლის შენობასთან, გაჩერებაზე, თორქე-ტია. შოფრები სამხედროებია. ოცდაათი წუთის დაკვირვების განმავლობაში მოვიდა და წავიდა კიდევ ათი მანქანა.

„რა შეიძლებოდა არ მოსწონებოდა პოლკოვნიკს მის ხმაში? — გაკვირვებული ფიქრობდა ზვიაგინცევი. — ჩვეულებრივი ხმაა. კარელიელი გლეხის ჩვეულებრივი მეტყველება“.

— ჰოდა, რა უნდა იყოს, შენი აზრით, იმ სკოლაში? — ისევ ჰკითხა პოლკოვნიკმა.

— შტაბი, — უპასუხა ტოივო.

— დავუშვათ, ასეა. მაგრამ რომელი შტაბი? — ჩაერია გოროხოვი.

— არ ვიცი.

— კარგი. ვცადოთ, ჩვენ თვითონ განვსაზღვროთ, — თქვა პოლკოვნიკმა და მახვილი მზერა სტუორცნა ზვიაგინცევს. — ამრიგად, შენობასთან გაჩერებაზე თორქეტი მსუბუქი მანქანაა. დაახლოებით ამდენივე ოცდაათი წუთის განმავლობაში მოვიდა შესასვლელთან. გერმანელი ოფიცრები დაინახე?

— დიახ. ოცდაათ წუთში — თერთმეტი. შედიოდნენ და გამოდიოდნენ. სამი ობერ-ლეიტენანტი იყო, ორი პოლკოვნიკი, ერთი გენერალი. სხვების წოდებები ვერ გავარჩიე.

— ისინიც ოფიცრები იყვნენ?

— კი.

ყოველი სიტყვის წარმოთქმის შემდეგ ზვიაგინცევი სულ უფრო მეტი ყურადღებით უსმენდა, თუ რას ამბობდა ეს შეუხედავი კაცი. ასეთი ტოივო წარმოიდგინა მან ფინეთის პატარა ქალაქის ქუჩაში. როგორ დგას იგი, მიყრდნობია კედელს და მის ფონზე თითქმის განურჩეველი, იტყირება წინ თავისი მოთეთრო წარბებქვეშ მოჩივრული უფერული, უმინაარსო თვალებით და გგონია ვერაფერს ამჩნევსო, ნამდვილად კი ყველაფერს ხედავს.

— კიდევ რა შენიშნე, ტოივო? — ჰკითხა პოლკოვნიკმა.

— ფელდკავეშირის ორი მოტოციკლი. ორივე მივიდა შენობასთან.

— იმავე ოცდაათი წუთის განმავლობაში? — ჰკითხა ზვიაგინცევმა.

— კი.

— ერთდროულად?

— არა. ჭერ ერთი. ათი წუთის შემდეგ — მეორე.

— მომისმინე, ტოივო. — უთხრა პოლკოვნიკმა და მაგიდაზე მისკენ გადაიხარა, — ხომ არ აზვიადებ? მანქანებზე, ოფიცერთა რაოდენობას?..

— თქვენ გსურთ, რომ შევამცირო? — მოულოდნელად გაჩაგრებით, თითქოსდა შოლტის გადაყვრით. მოიგერია ტოივომ.

„მას, მართლა უსიამო ხმა ჰქონია“, — გაიფიქრა ზვიაგინცევა, რომელიც ამ წუთამდე არც კი დაეკვივებულა, რომ შეიძლებოდა ერთი და იმავეი კაცის ლაპარაკის მანერის ასე შეცვლა.

ჩანდა, პოლკოვნიკიც ცოტათი შეცბა ასეთი მკაცრი შეტყევით.

მას ხველა აუვარდა. მაგიდაზე მდებარე „ბელომორის“ კოლოფიდან პაპიროსი ამოაძრო, თითებით მოსრისა, მუნღ-შტუქში ჩაღო და გააბოლა.

— მაშ, კარგი, — შემარბივებლურად თქვა პოლკოვნიკმა. — თუ აგრეა, აგრე იყოს. მადლობა მნიშვნელოვანი ცნობებისათვის. ახლა წადი, დაისვენე. დილისათვის, ალბათ, ზემოდან მოვლენ ამხანაგები და კიდევ მოინდომებენ მოსმენას. მანამდე კი წადი, დაიძინე. კიდევ ერთხელ გმადლობ...

როცა ისინი მანქანით უკან ბრუნდებოდნენ, გოროხოვმა ჰკითხა ზვიაგინცევს:

— აბა, მაიორო, რას ფიქრობ?

ზვიაგინცევა მხრები აიჩეჩა:

— ფინეთში გერმანელთა ჯარების კონცენტრაციის შესახებ ცნობები ახალი ამბავი როდია. ნორვეგიაშიც ბლომად არიან ისინი.

— ასე, — თქვა გოროხოვმა, თან ნეკით ჩამოფერთხა ფერფლი ცერსა და საჩვენებელ თითებს შუა მოქცეული პაპიროსიდან, — ახალი არ არის, მაშ...

შტაბამდე მდუმარედ მგზავრობდნენ.

— მინდა ორიოდ შეკითხვა მოგკე, ამხანაგო მაიორო ზვიაგინცე, — უთხრა გოროხოვმა, როცა მანქანიდან გადმოვიდნენ. — მაგრამ ჩერ უნდა აღვნიშნო, რომ იმ კაცს მესაზღვრეები ისე ენდობიან, როგორც საკუთარ თავს. იგი გამოცდილი მზვერავია და თანაც პარტიის წევრი. გასაგებია?

გოროხოვმა ეს ისეთი ტონით თქვა, თითქოს ზვიაგინცევს კამათში იწვევსო.

მაგრამ ზვიაგინცევა ოდნავ გაშალა ხელები და უპასუხა:

— ჰოდა, მათთვის უფრო ნათელი იქნება. დაზვერვა ჩემი პროფესია არ არის.

— გეტყობა კიდევ, — ოდნავ ჩაცინებით შენიშნა გოროხოვმა, — დაზვერვა რომ შენი პროფესია ყოფილიყო, არ იდგებოდი ისე, ვითომც აქ არაფერიაო. კარგი. აი ჩემი შეკითხვები, — შენი კი არა, ჩემი შემოწმება მინდა. შენ როვანიემის რაიონს იცნობ?

— წმინდა გეოგრაფიულად, — ცოტა წყენით მიუგო ზვიაგინცევმა.

— სწორედ გეოგრაფიაზე გეუბნები. საზღვრიდან რამდენ კილომეტრზეა ეს რაიონი, წარმოდგენილი გაქვს?

— ვგონებ, ორმოციოდრე კილომეტრზე იქნება.

— ოცდახუთზე, — შეუსწორა გოროხოვმა, — მეორე შეკითხვა: თუ იმ ტოივოს დაეუჭერებთ, — მე კი მჭერა მისი! — როგორ განსაზღვრავდი იმ სკოლაში განლაგებულ შტაბის დონეს? ჰა?

ზვიაგინცევმა გონებაში აღადგინა ყოველივე, რაც ტოივომ თქვა, გაიანგარიშა თავისთვის და ყოყმანით თქვა:

— შესაძლოა, დივიზიის შტაბი იყოს.

— უფრო მაღლა აუწიე, — უთხრა გოროხოვმა ზვიაგინცევს და მისკენ გადაიხარა, — კორპუსისა! გენერალი, ორი პოლკოვნიკი, ორი ათეული მანქანა, ფელდკავშირის მოტოციკლები... კორპუსია, მე შენ გეუბნები!

— იქნებ იგრეცაა, გამორიცხული როდია, რომ კორპუსიც იყოს, — ყოყმანით დაეთანხმა ზვიაგინცევი.

— ჰოდა, თუ გამორიცხული არ არის, — ხმის დაწვევით თქვა გოროხოვმა და უფრო მიუახლოვდა ზვიაგინცევს, — მაშინ მინდა დაგისვა მესამე, ასე ვთქვათ, რიგგარეშე შეკითხვა. რა ოხრად უნდა გერმანულ კორპუსს ჩვენს საზღვართან ასე ახლოს განლაგება, ა?

და მან დაჟინებით, მძიმედ და იქვნეულად შეხედა ზვიაგინცევს.

მოულოდნელად ზვიაგინცევმა იგრძნო, რომ შეშფოთების გრძნობა ეუფლებოდა.

— ეს მართლაცდა უცნაურია... — თითქოს თავისთვის ჩაილაპარაკა მან.

— ჰოდა, მეც ასე ვფიქრობ, — კმაყოფილებით თქვა გოროხოვმა. — მაშ, რა ვქნათ?

ზვიაგინცევმა კითხვის გამომეტყველებით შეხედა პოლკოვნიკს, თითქოს უნდოდა ეთქვა, რომ მისი შეკითხვა არ ესმოდა. იგი მართლაც ცოტა შეფიქრიანებულიყო.

— ვფიქრობ, რომ მესაზღვრეები დაშიფვრით აცნობებენ ზევით, — თქვა ბოლოს ზვიაგინცევმა.

— ჭკვიანურია! — გესლიანი ჩაყინებით წამოიძახა გორხოვმა, — ესე იგი, ამბობ, რომ ცნობის დაშიფრულად გაგზავნა საჭირო. ამას, რა თქმა უნდა, გააკეთებენ. მესაზღვრეებმა იციან თავიანთი სამსახური. ერთ საათში უთუოდ აცნობებენ.

ზვიაგინცევმა მხრები აიჩეჩა.

— ჩემგან რაღა გინდა? — შეეკითხა იგი.

— აი, რა, — უთხრა გორხოვმა და ზვიაგინცევთან უფრო ახლოს მიიწია. — შენ კომუნისტი ხარ, ხომ? პოლა, პირობა მომეცი, როცა ოლქში დაბრუნდები, სარდალთან გამოცხადდები და რაც მოისმინე, ყოველთვის პირადად მას მოახსენებ. პირადად! შეგიძლია დაუმატო, რომ ეგ ტოივოცხრამეტი წლიდან პარტიის წევრია. გააკეთებ?

— შევეცდები, — უპასუხა ზვიაგინცევმა.

— მაშ, წადი, დაიძინე. და მაპატიე, რომ შეგაწუხე. ხვალ როდის დავიწყეთ? შეიღზე, როგორც ჩვეულებრივ?

— შეიღზე.

— აგრე იყოს. კიდევ ერთხელ მაპატიე.

ზვიაგინცევს კარისკენ უნდოდა წასვლა, მაგრამ დაბარუნდა.

— მომისმინე, — უთხრა მან. — თუ მიხვდი, რატომ არ მოეწონა პოლკოვნიკს იმ ტოივოს ხმა?

გორხოვი ერთხანს დუმდა, თავი გადააქნ-გადმოაქნია და უპასუხა:

— მგონი, მიეხვდი. მეტიმეტად უყოყმანოა. ეჭვისთვის ადგილს არ ტოვებს.

ზვიაგინცევი ნელა წავიდა საერთო საცხოვრებლისაკენ. დღესათვის იყო. თეთრი ღამის მქრქალ სინათლეზე ყველა შენობა, შტაბთან მდგარი შავი „ემკა“, ტელეგრაფის ბოძები, რადიოანძა მკვეთრად შემოხაზული და უხილავი სხივებით გაშუქებული ჩანდნენ.

ზვიაგინცევმა საზღვრის მხარეს, შორეთს გახედა. მან კარგად იცოდა, რამდენი დოტი და დზოტი, რამდენი ბეტონის სიმაგრეა თავმოყრილი ტყეშიც და გრანიტის უზარმაზარ ქვათა ქაოსშიც.

ისიც იცოდა ზვიაგინცევმა, რამდენი ძალ-ღონე და სახსრები იყო დახარჯული ამ ჭიანჭველების გროვათა მსგავსი სიმაღლეების აგებაზე, რომლებიც ბეტონისა და ლითონის არმატურის მიწისქვეშა ნაგებობებს აგვირგვინებდნენ.

მაგრამ მისთვის მეორე რამეც კარგად იყო ცნობილი: საზღვრის საფარის ახალი გეგმის მიხედვით, რომელიც სულ თვენასეგრის წინათ იქნა შემუშავებული, ეს ნაგებობები გაცილებით მეტი უნდა ყოფილიყო.

თუმცა, მშენებლობისათვის ჯერ კიდევ ჰქონდათ დრო, --- გეგმა საზღვრის საბრძოლო მზადყოფნას, როგორც იტყვიან სრულ ჩაქეტვას, წლის ბოლომდე ითვალისწინებდა. მაშ ასე, ოთხი-ხუთი თვის განმავლობაში კიდევ ბევრი რამის გაკეთება შეიძლება!..

„მაგრამ ომი რომ უფრო ადრე დაიწყოს?“ — შეეკითხა თავის თავს ზვიანცევი და იმ წუთას ისეთივე შეშფოთება! გრძნობდა დაეუფლა, როგორც მაშინ, როცა ტოივოს მონათხრობს ისმენდა...

გეგმით განსახორციელებელი მუშაობა ყოველ შტაბში — საოლქოდან დაწყებული პოლკის შტაბით დამთავრებული — საბრძოლო ატმოსფეროს ქმნიდა. ხოლო საოცარი ის იყო, რომ იგივე მუშაობა, თითქოს აპიპნოზებდა მასში მონაწილეთ, მის შემსრულებელთ...

„ჩვენ ხომ ვმუშაობთ, გამუდმებით ვმუშაობთ, არ ვიძინებთ, გულარხეინად არა ვართ! — ეუბნებოდა თავს ზვიანცევი, თან ცდილობდა ჩაეხშო ის შეშფოთება, რომელიც ტოივოს ნათქვამმა გამოიწვია. — კიდევ რის გაკეთება შეგვიძლია, გარდა იმისა, რომ დღედაღამ ვიმუშაოთ ჩვენი საზღვრების გასამაგრებლად?.. განა ჩვენ უდარდელები ვართ? და, საერთოდ, ვის შეუძლია ჩვენს ქვეყანაში უდარდელად ყოფნა?..“

ამის გაფიქრებისას მას ჩაეცინა. მოწაფეობის წლებიდან, მას შემდეგ, რაც ზვიანცევმა მოზრდილთა ნათქვამის ნამდვილი აზრის გაგება შეძლო, მას შემდეგ, რაც გაზივების კითხვა დაიწყო, იგი შეეჩვია იმას, რომ ჩვენთან ყველანი უწინარეს ყოვლისა, შრომაში იყვნენ ჩაბმული. შრომას ყოველთვის პირველი ადგილი ეჭირა. მას მიჰქონდა მთელი დრო, გარდა ძილისა. მას ანდომებდნენ დასვენების დღეებზე. მას ეძღვნებოდა არა მარტო საგაზეთო სტატიები, არამედ რომანებიც და კინოფილმებიც...

ზვიანცევს რამდენიმე წლის წინათ გარდაცვლილი მამა მოაგონდა. ამ მაღალი კვალიფიკაციის ხარატმა შეძლო წარმოებიდან მოუწყვეტლივ დაემთავრებინა უმაღლესი ტექნიკური სასწავლებელი და თავისი ცხოვრების უკანასკნელ ორ წელიწადს დიდი ჩარხსაშენებელი ქარხნის საამქროს უფროსად მუშაობდა.

იმ იშვიათ მომენტშიც, როცა სამივეს — მამას, დედას და ალიოშას ერთად მოუხდებოდათ სადილობა, მამა მხოლოდ საწარმოზე ლაპარაკობდა. თუ საამქრო გეგმას ვერ ასრულებდა, ამას მთელი ოჯახი განიცდიდა. თუ გეგმა სრულდებოდა, მაშინ დღესასწაული ჰქონდათ, გეგონება ყველაფერი საამქროს გეგმის შესრულებაზე იყო დამოკიდებული — არა მარტო მამის გუნება, არა მარტო შინაური ატმოსფერო, არამედ საერთოდ ყველაფერი ალიოშას ირგვლივ, მთელი ქვეყნის ცხოვრება...

და ახლა მაიორ ზვიაგინცევის ცნობიერებაში კვლავ ამოტივტივდნენ ბავშვობისა და ადრეული სიყმაწვილის მოგონებები და დღევანდელ შემაშფოთებელ ფიქრებს გადაეხლართნენ.

აი როგორ ხდება ყოველივე ეს, ფიქრობდა ზვიაგინცივი. როცა დიდი ქარხნის დირექტორი მნიშვნელოვანსა და სასწრაფო სახელმწიფო შეკვეთას მიიღებს, ის მხოლოდ იმაზე ფიქრობს, როგორ შეასრულოს იგი წინასწარ გათვალისწინებულ ვადაში.

მთელი მისი შრომა, მთელი მისი აზრები მხოლოდ აქეთაა მიმართული. და ისინიც, ვისზეც დამოკიდებულია საბოლოოდ შეკვეთის შესრულება, — საამქროთა უფროსები, ოსტატები, ბრიგადირები, მუშები — მთელ თავიანთ ძალ-ღონეს ძაბავენ რათა ვადაზე შეასრულონ დავალება.

და მაშინ არც ერთი მათგანი — დირექტორიდან მუშამდე — უკვე აღარ ფიქრობს იმაზე, რომ შეიძლება სიტუაცია შეიცვალოს, რომ შემკვეთს — მთავარ სამმართველოს, სახალხო კომისარიატსა და საბოლოო ჯამში სახელმწიფოს — მოცემული პროდუქცია შესაძლოა მოულოდნელად უფრო ადრე დასჭირდეს, ვიდრე ამას გეგმა ითვალისწინებს.

და ყველა, დირექტორიდან მუშამდე, სულდგმულობს რწმენით, რომ მთავარია გეგმის ვადაზე შესრულება, რომ ქვეყანას შეიძლება ზარალი მოუვიდეს მხოლოდ ამ ვადის დარღვევის შემთხვევაში.

ხოლო სანამ მუშაობა გრაფიკის მიხედვით მიმდინარეობს, ყველაფერი კარგად წარიმართება და არაფერი არ მოხდება.

„გეგმის ასეთ ჰიპნოზში ხომ არ იმყოფება ახლა ათობით გენერალი, ათასობით უფროსი მეთაური, რიგოსანი, პოლიტმუშაკი, ინჟინერი, მესანგრე, ლენინგრადის სამხედრო ოლქის მშენებელი?“ — ჰკითხა თავის თავს ზვიაგინციმა.

არა, მოსალოდნელ ომზე ფიქრს ყველა ისინი არაერთხელ დაბრუნებია.

და მაინც შეგნება იმისა, რომ გეგმის შესრულება 1941 წლის ბოლოსათვის არის დანიშნული და ამრიგად მათს განკარგულებაში კიდევ რამდენიმე თვეა, ახშობდა შეშფოთებას...

იმ დღეებში ზვიაგინცევიმ ჩერ კიდევ ბევრი რამ არ იცოდა—არ იცოდა, რომ სულ სხვადასხვა დონის შტაბებში მიდიოდა სააგენტურო, სახმელეთო, საავიაციო დაზეირვათა პატაკები. ეს პატაკები სავსე იყო საგანგაშო ცნობებით საბჭოთა საზღვრებზე გერმანელთა ჯარების კონცენტრაციას შესახებ. ეს პატაკები უყურადღებოდ როდი რჩებოდა. არა, მათი შედეგი იყო ახალი შეფუცხუნება: აჩქარებდნენ მრეწველობას — რომ უფრო სწრაფად ეწარმოებინა საჭირო სამხედრო ტექნიკა; აჩქარებდნენ საოლქო შტაბებს — რომ უფრო სწრაფად დაენერგათ ეს ტექნიკა, უფრო სწრაფად ეწარმოებინათ საზღვრების გასამაგრებელი სამუშაოები. ხოლო მეტისმეტი შეშფოთების ყოველგვარ გამოკლინებას, ჯარების დიდ მოძრაობასთან დაკავშირებულ წინადადებებს გამოხდნენ, ვინაიდან არ უნდა მიეცათ საბაზი პროვოკაციებისათვის, — ასე თქვა სტალინმა.

და თუ მისი გეგმა განსაზღვრულ ვადას ითვალისწინებს, იმ ვადაზე აღრე არაფერი არ უნდა მოხდეს, არ შეიძლება მოხდეს. „იგი უკეთ ხედავს“... და საკდესის ახლახან გამოქვეყნებულ ცნობაში ნათქვამი იყო, სსრ კავშირისა და გერმანიის ურთიერთობა ნორმალურად ვითარდებოდა.

ობიექტური და სუბიექტური სიძნელეების, წინააღმდეგობათა მთელი კომპლექსის გაგება და გაანალიზება იმ დროს, ბუნებრივია, არ შეეძლო არა მარტო ისეთ შედარებით დაბალი რანგის მეთაურს, როგორც ზვიაგინცევი იყო, არამედ იმათაც, ვისაც გაცილებით უფრო მნიშვნელოვანი თანამდებობები ეკავათ.

... და ახლა თითორი, მკრთალი შუქით განათებულ პატარა მოედანზე, ვიბორსკის გამაგრებული რაიონის შტაბის წინ იდგა ზვიაგინცევი და ვერ გარკვეულიყო ესოდენ ურთიერთ საწინააღმდეგო ფაქტორების რთულსა და დრამატულ შეხამებაში: ყოველთვის, როცა მის ცნობიერებაში მტკიცწულად იელვებდა მტრის მიერ უცარი თავდასხმის აზრი, ის სხვა, პრაქტიკულ საქმეებთან დაკავშირებულ, მისთვის დავალებული სამუშაოს შესრულების ნაკადში იკარგებოდა.

საშიშროება იმისა, რომ ომი შესაძლოა დღეს თუ არა ხვალ ატყდეს, შეეჩეოდა ხოლმე ათობით კონკრეტულ საზრუნავს — ნაღმებზე, რომლებიც ჯერ კიდევ ცოტა ჰქონდათ, საზღვართან ახლოს საწყობების მშენებლობაზე.

ამჯერად ზვიაგინცევის ცნობიერებაში წარმოიშვა ახალი ფაქტორი, რომელმაც აიძულა ოგი კვლავ ეფიქრა მომავალ ომზე არა როგორც უახლოეს დროში გარდაუვალ მოვლენაზე, მაგრამ მაინც რეალურზე; მოახლოებულ საშინელ უბედურებაზე, რომელიც შეიძლება ყოველ წუთს დასტყლომოდა თავს ქვეყანას.

ეს ახალი ფაქტორი ტოივოსთან შეხვედრა იყო. ის, რომ გერმანელები თავს უყრიან ჯარებს ფინეთსა და ნორვეგიაში, ზვიაგინცევისათვის, რა თქმა უნდა, ახალი არ იყო. ამის შესახებ არაერთხელ ყოფილა ლაპარაკი საოლქო შტაბის მრავალ ოპერატიულ თათბირზე.

მაგრამ „იქითა მხარეს“ ნამყოფ კაცს მან პირველად მოუსმინა.

გორახოვთან საუბრის შემდეგ მარტოდ დარჩენილ ზვიაგინცევს უკვე აღარ შეეძლო შებრძოლებოდა მოახლოებული გარდაუვალი უბედურების შეგრძნებას.

„ღიახ, — ფიქრობდა ზვიაგინცევი, — აუცილებელი როდია მშვერავი ან მსხვილი ოპერატორი იყო, რომ იცოდეს, რა შემთხვევაში განლაგდება კორპუსის შტაბი და ისიც ფინეთისა კი არა, გერმანიის ჯარებისა, უშუალოდ ასე ახლოს საზღვართან. ძნელად მოიძებნებოდა სამხედრო კაცი, რომელიც ვერ უპასუხებდა კითხვას: „რისთვის არის საზღვართან ასე ახლოს წამოწეული სავარაუდო მოწინააღმდეგის კორპუსის შტაბი?“

ღიახ, რა თქმა უნდა, ამის შესახებ დაუყოვნებლივ უნდა ეცნობოს. და არა მარტო ოლქის შტაბს, არამედ მოსკოვსაც. გორახოვმა თქვა, რომ დაშიფრული ცნობა ერთი საათის შემდეგ გაიგზავნებაო. ჰო, ცხადია, ის პოლკოვნიკი უფრო ადრე ვერ მოასწრებს — ხომ უნდა შეადგინოს პატაკი, ლოგინიდან ააყენოს დამშიფერელი...

და მაინც გორახოვი მართალია. ჩაუა თუ არა ლენინგრადში ზვიაგინცევი, დაუყოვნებლივ უნდა წაიღდეს სარდალთან, რა თქმა უნდა, იმ დროისათვის — მივლინების ვადა მას ერთი კვირის შემდეგ უთავდება — სარდალს მესაზღვრეთა დაშიფრული ცნობა უკვე წაკითხული ექნება: ზვიაგინცევს კი შეიძლება შენიშნაც მისცეს, სხვის საქმეში

ნუ ეჩრები, როცა შენიც ბევრი გაქვსო. და მაინც წავა და ეტყვის ყველაფერს, რაც მოისმინა.

ზვიაგინცევი ნელი ნაბიჯით გაემართა მეთაურთა შემადგენლობის საერთო საცხოვრებლისაკენ. თხუთმეტიოდე წუთის შემდეგ იგი ლოგინში იწვა და ცდილობდა დაეძინა: გათენებამდე ხუთი საათი-ლა დარჩენილიყო.

მაგრამ ძილი არ ეკარებოდა. ნერვიული ავზნებისა თუ იმის გამო, რომ ფანჯრებიდან თეთრი ღამის შუქი შემოდინოდა, დაძინება ვერ შეძლო.

თეთრი ღამე ახლა მასში ზიზღს იწვევდა. ზვიაგინცევიკმა უცებ წარმოიდგინა, რომ არაბუნებრივ დღის სინათლეზე ყველაფერი ჩანს, ყველაფერი — მისი დაუმთავრებელი ღოტებიც, საწყობებიც, ნაწილთა განლაგებაც და თვით იგიც, ზვიაგინცევი, — ყველაფერს, როგორც ხელისგულზე, ისე ხედავს მტერი.

იგი იწვა და ფიქრობდა. ისე მოეძალა ფიქრი; რომ უკვე ვერ შეძლო დაძინება, ერთი ფიქრი მეორეს ჩაებლაუშებოდა, თითქოს მეორე პირველიდან გამომდინარეობდა და თავის მხრივ მესამეს ბადებდა...

ზვიაგინცევი საათს დახედა — ორი სრულდებოდა.

„უნდა შევწყვიტო ეს უმიზნო ფიქრები და მაინც ვცადო დაძინება“.

...მაგრამ ზვიაგინცევს დილამდე ძილი მაინც არ დასცალდა.

კაკუნმა გააღვიძა. მან ჭერ საათს დახედა — მხოლოდ ოთხის ნახევარი იყო — და უკმაყოფილოდ იკითხა:

— ვინ არის? რა მოხდა?

— ამხანაგ მაიორ ზვიაგინცევს ტელეფონთან სთხოვენ! ლენინგრადი გეძახით! სასწრაფოდ! — მოისმა ხმა დერეფნიდან.

რამდენიმე წუთში ზვიაგინცევი ჩაიკვია ბრიჯი და პერანგზევე გადაიკვია ნაცრისფერი წყალგაუმტარი ლაბადა. იგი თითქმის სირბილით შევიდა შტაბის შენობაში.

აპარატიდან გადმოღებულ იქნა ყურმილი მაგიდაზე იდო. მორიგე მას ხელი სტაცა და ზვიაგინცევს გაუწოდა.

ზვიაგინცევი მიკროფონს ჩაბერა და ხმამალა ჩასძახა: „მაიორი ზვიაგინცევი გისმენთ“ — და მაშინვე გაიგონა ოლქის შტაბის უფროსის მოადგილის პოლკოვნიკ კოროლიოვის ნაცნობი ხმა:

— ლენინგრადში დაბრუნდი, მაიორო! სასწრაფოდ!

რამდენიმე საათის შემდეგ, დაღლილი, უძილობისაგან თვალეზიანებული ზვიაგინცევი ხელში პატარა ჩემოდნით პირდაპირ კოროლიოვის კაბინეტს მიაღწია. საინჟინრო სამმართველოს უფროსი, რომელსაც იგი უშუალოდ ექვემდებარებოდა, ადგილზე არ იყო. ზვიაგინცევს კი თავის სამმართველოში მოვალეობის მიხედვით მუდმივი საქმიანი კავშირი ჰქონდა საინჟინრო საკითხებზე შტაბის ოპერატიულ განყოფილებასთან. სულ ათი დღე იყო, რაც მას კოროლიოვი არ ენახა, მაგრამ მაშინვე შეამჩნია, რომ ამ ხნის განმავლობაში იგი შეცვლილიყო.

ვეებერთელა, ზორზოხა, მაგრამ მუდამ აკვალთული, სუფთად გაპარსული, მჭიდროდ ქაშარშემოჭერილი კოროლიოვი ამჯერად რაღაც აბურძგნილად გამოიყურებოდა. გიმნასტურის საყუროს გაღებულა და ქვესაყუროც არც თუ ისე სუფთა ჰქონდა.

კოროლიოვი რუკებით გადატვირთულ გრძელ მაგიდაზე დახრილიყო. როცა ზვიაგინცევი შევიდა, წელში გაიმართა, მისალმებაზე მოღუშულმა დაუქნია თავი და თითქოს ერთმანეთს არც კი დასცილებიანო, უკმაყოფილოდ ჰკითხა:

— ვიმედოვნებ, გახსოვს სამმართველოში თქვენს მიერ შემუშავებული ნაღმური ღობურის გეგმა საზღვრის სასწრაფოდ დასაფარად?

ზვიაგინცევს, ცოტა არ იყოს, ეხამუშა ასეთი მიმართვა.

— ზოგადად, რა თქმა უნდა მახსოვს, ამხანაგო პოლკოვნიკო, — მშრალად და ოფიციალურად მოახსენა მან. თან უკვირდა მისი იერი და ტონი, მისი აზრით, კოროლიოვთან ხომ მეგობრულ დამოკიდებულებაში იმყოფებოდა. — მაგრამ მე ეს-ეს არის მივლინებიდან დავბრუნდი, გეგმა კი, როგორც ცნობილია, ინახება...

— კარგი, — შეაწყვეტინა კოროლიოვმა, — ვიცი, სადაც ინახება. გასაგებია, რომ ჭიბით არ დაათრევ. დაჯექი.

ზვიაგინცევი მორჩილად დაეშვა საწერ მაგიდასთან მდგარ სკამზე.

კოროლიოვი კი კაბინეტის კართან მივიდა, ოღნავ გამოალო, ისევ მიხურა და საკეტში ჩაჩრილი გასაღები გადაატრიალა.

ზვიაგინცევი ცოტა გაოცებით და შეშფოთებით აღივინებდა თვალს მის მოძრაობას. როცა კოროლიოვი მაგიდასთან მივიდა და საჯარძელში მძიმედ ჩაეშვა, ჰკითხა:

— რა მოხდა, პავლე მაქსიმოვიჩ?

— არაფერიც არ მომხდარა. — მკვეთრად, როგორც

ზვიაგინცევს მოეჩვენა, უგუნებოდაც კი უპასუხა კოროლიოვმა. მაგრამ წამის შემდეგ დაუმატა: — სიტუაცია არასახარბიელოა. აი, რა მოხდა. როგორ მიღის საქმეები იქ, საზღვარზე?

ზვიაგინცევმა საარტილერიო სისტემების სამონტაჟო სამუშაოთა მდგომარეობაზე ლაპარაკი დააპირა, მაგრამ კოროლიოვმა ისევ შეაწყვეტინა:

— ყველაფერი ეს მე უშენოდაც ვიცი! „მზადყოფნის ოთხმოცი პროცენტი, მზადყოფნის სამოცი პროცენტი“, — გამოაჩავრა მან. — მე შენ როგორც მესანგრეს ისე კი არ გეკითხები, არამედ როგორც ცოცხალ, თვალხილულ ადამიანს! უჩვეულო რამ შეინიშნება საზღვარზე?

— შემთხვევით ხომ არ გინახავთ იქაური მესაზღვრეების გამოგზავნილი დაშიფრული ცნობა? — შეუბრუნა კითხვა ზვიაგინცევმა.

— არ მინახავს. ალბათ, სადაზვერვო განყოფილებამ მიიღო. რა, დაშიფრული ცნობაა?

და მაშინ ზვიაგინცევმა დაწვრილებით უამბო ყველაფერი, რაც ტოივოსაგან გაიგონა.

— მაშ, ასე, ერთი მეორეს ემატება... — დაღერემილად თქვა კოროლიოვმა, როცა ზვიაგინცევი გაჩუმდა. იგი „ჩრდილოეთის პალმირის“ კოლოფს გადაწვდა, პაპიროსი ამოიღო, პირში ჩაიდო, კბილები მაგრად დააჭირა და მოუქიდა. მერე მოლურჯო ბოლის სქელი ბოლქვი გამოუშვა და ჩაფიქრებით გაიმეორა: — ერთი მეორეს ემატება.

— ნუ აჭიანურებ, პავლე მაქსიმოვიჩ, ბოლოს და ბოლოს, მითხარი რამე გარკვეული! — სთხოვა ზვიაგინცევმა.

— აბა, „გარკვეული“ რა უნდა გითხრა, რა? — გაღიზიანებით გაეპასუხა კოროლიოვი. — საზღვარზე ჯარებს თავს უყრიან ფინელები და გერმანელებიც. მათ რომ თავისი ჯარისკაცები ნორვეგიიდან ფარულად ფინეთში გადაჰყავთ, ეს ჩვენ დღეს როდი გავიგეთ. ახლა კი გამოდის, რომ ფინეთში კი არა, პირდაპირ ჩვენს საზღვართან გადმოჰყავთ. და კიდევ: ლენინგრადში მომავალი გერმანელთა სავაჭრო გემები უკანვე გაბრუნდნენ, ნავსადგურში არ შემოსულან.

— ჩემი წინადადებაა, დაუყოვნებლივ მოვახსენოთ საბჭოებს ტოივოს ნათქვამი და...

— რისთვის? — მხრები აიჩეჩა კოროლიოვმა. — თუ დაშიფრული ცნობა მიღებულ იქვთ, იმას ისედაც მოახსენებენ. მოსკოვსაც შეატყობინებენ. თანაც გენერალი საზღვრიდან ჯერაც არ დაბრუნებულა...

— მაგრამ მთავარია დრო! — წამოიძახა ზვიაგინცევმა. — სარდალმა თვითონ რომ დაურეკოს უფროსებს...

— ის არ დაურეკავს, — დაღლილი კაცის კილოთი თქვა კოროლიოვმა.

— რატომ?

— უკვე დაურეკა. მეცადინეობათა ადგილიდან. მოახსენა, გერმანული თვითმფრინავები ძლიერ თავსედურად დაფრენენ, საზღვარს გადმოდიანო...

კოროლიოვმა გაფაციცებით შეხედა კარს და ხმის დაწვეით თქვა:

— მერე რა უპასუხეს?

— „გიჯობს პანიკორობას კი არა, საცეცხლე მომზადებას მოჰკიდო ხელი, რაც ოლქში არაფრად არ გიქარგაო“. აი, რა უპასუხეს უფროსებმა.

კოროლიოვი გაჩუმდა. პაპიროსის ნამწვი საფერფლეში ჩააგდო და საწერ მაგიდაზე დადებულ მინას ხელისგული დასცხო.

— კარგი! უმაღლესი სარდლობის საქმეებში ნუ ეჭვრებით. წესი არ არის, ჩვენს საქმეებს კი მიეხედოთ: წადი და დაწერე დაშიფრული მოხსენება ნაღმურ ღობურათა შესახებ. როცა დაწერ, ხელის მოსაწერად მომიტანე. ოღონდ სწრაფად.

ზვიაგინცევი წამოდგა. რამდენიმე წამს იგი ისე იდგა, თითქოს მერყეობსო, შემდეგ არეული ნაბიჯით გაემართა კარისაკენ.

— აბა? — უკმაყოფილოდ წარმოთქვა კოროლიოვმა. — რას ტოკავ?

ზვიაგინცევი მობრუნდა და ისევ მაგიდასთან მივიდა.

— პავლე მაქსიმოვიჩ, — ხმადაბლა უთხრა მან, — ნუ აბუნდოვნებ. პირდაპირ მითხარი: რალაც ხომ მოხდა? რაუ გამომიძახეს ასე სასწრაფოდ? საზღვარზე კიდევ ბევრი დამუშთავრებელი საქმეა, პირველი დღე ხომ არა ვარ არმიაში და მესმის, რომ თუ...

— მაიორო ზვიაგინცევ, შეასრულეთ ბრძანება! — გაღიზიანებით უთხრა კოროლიოვმა.

ზვიაგინცევი მკვეთრად შეტრიალდა.

— მოიცა! — შეაჩერა კოროლიოვმა, როცა ზვიაგინცევი უკვე კართან იყო მისული. — შენ მართალი უნდა იყო, ალექსი, — უთხრა მან და უფრო მიუახლოვდა ზვიაგინცევს, — რა საქირთა გაბუნდოვნება. თანაც შენ შტაბის პარტბიუროს წევრი ხარ. სახალხო კომისარიატიდან მოვიდა დეპეშა. გვა-

ფთხილებენ, რომ უახლოეს ორ-სამ დღეში შესაძლებელია... პროვოკაციები, ნაბრძანებია, პროვოკაციებს არ აკუყვით, მაგრამ ვიყოთ სრულ საბრძოლო მზადყოფნაში. სალამოს სმოლნში მოწვეულია პარტიული აქტივი, აი ამჟამად ყველაფერი. წადი.

VII

რაიხსკანცლერის კაბინეტში შეკრებილნი: გერინგი, გებელსი, ფელდმარშალი კაიტელი, გენერლები იოდლი; ბრაუხიჩი, პალდერი, ვერმანტის შტაბის ოპერატიული სამმართველოს რამდენიმე ოფიცერი და ორი სტენოგრაფისტი უკვე ნახევარი საათია უცდიდნენ ჰიტლერს.

ფიურერი დაგვიანებით მოვიდა. იგი სიტყვით გამოსულიყო ბერლინის დასავლეთ ნაწილში, ლაპარაკს გაიტაცნა და საათზე დახედვა დაეიწყებოდა. მას შემდეგ, რაც ინგლისის ავიაცია საჰაერო თავდასხმებს უწყობდა გერმანიას — ეს ჩვეულებრივ სალამო ხანს ხდებოდა ხოლმე — ჰიტლერი პროპაგანდისტულ მოღვაწეობას მხოლოდ დღის პირველ ნახევარში ეწეოდა. მას დიდი ხანია მოთხოვნილებად გადაქცეოდა ხშირ-ხშირი გამოსვლა მიუნხენის „ლიოიგენბრაუს“ ლულის სარდაფში — ფიურერის საყვარელ აუდიტორიაში. ბერლინის „სპორტპლასში“ თუ სხვა ადგილებში.

ახლა კი, „დიადი გადაწყვეტილების დღის“ წინ, ამ საქმემ იგი პირდაპირ გაიტაცა.

ჰიტლერი ამბობდა, რომ ყოველდღე უნდა ჩახედოს თვლებში თავის ხალხს, რომელსაც სულ მალე მოუხდება გადაწყვეტ ბრძოლაში ჩაბმა, და მათ არ უნდა მოაკლდეთ ბედნიერება ყოველდღე ნახონ თავიანთი ფიურერი.

საიმპერიო კანცელარიაში გამართულ თათბირზე ჰიტლერმა დაიგვიანა. ყველა გამოძახებული უკვე იქ იყო. მას ზედაც არავისთვის შეუხედავს, ისე შევიდა კაბინეტში და მისალმების ნიშნად ერთი წამით ოდნავ ასწია ხელისგული.

მან მაშინვე დაიწყო ლაპარაკი. არ დაელოდა ადგილებიდან წამომხტარი ხალხის დასხდომას. ბოლო ხანებში ესიც ჰიტლერის მანერა გახდა — თითქმის კარის ზღურბლიდანვე იწყებდა ლაპარაკს, რითაც ხაზს უსვამდა, ტყუილ-უბრალოდ ერთი წუთის დაკარგვაც არ მინდაო.

ახლაც ასე მოხდა. ჰიტლერმა სწრაფად გადაკვეთა კაბინეტი, თავის უზარმაზარ მაგიდასთან შეჩერდა და თითქოს უკვე დაწყებულ სიტყვას განაგრძობსო, თქვა:

— საიდუმლოება დაცულ უნდა იქნეს აბსოლუტურად.

გადაწყვეტილება, რომელსაც თქვენ ახლა მოისმენთ, ზემს მიერ დეტალურად არის მოფიქრებული. მან უნდა განსაზღვროს „ბარბაროსას“ გეგმის განხორციელება, მოგვიანებით იოდლის შტაბი ამას ბრძანებით გააფორმებს. ამრიგად... --- მან დამსწრეთ მჩხვლეტავი მზერა მოაელო. — ამრიგად, პირველი, რაც გენერლიდან დაწყებული ჯარისკაცამდე ყველამ აუცილებლად უნდა შეითვისოს: რუსეთის წინააღმდეგ არ შეიძლება რაინდულად ვიომოთ. წარსულის არც ერთ ომთან მისი შედარება არ შეიძლება. ეს იქნება იდეოლოგიურ და რასობრივ დაპირისპირებათა ომი. და უნდა ვიომოთ უპრეცედენტო, უღმობელი ხერხით!

ჰიტლერმა ხელის მკვეთრი აქნევით ხაზი გაუსვა ამ ბოლო ორ სიტყვას.

მან რამდენიმე ნაბიჯი გადადგა წინ, სავარძლებში მსხდომთ მიუახლოვდა და თქვა:

— იდეოლოგია, რომლის განადგურება, ძირფესვიანად მოთხრა, უკვალოდ მოსპობა მოგვიწევს, ჰაერში როდია გამოკიდებული. არა! მას ბევრი კონკრეტული მიმდევარი ჰყავს. მთავარი კი კომისრები არიან. ამ სიტყვას თავისი ისტორია აქვს. და ბოლშევიკები ფართო გაგებით ხმარობენ. მაგრამ ამჟამად მხედველობაში მყავს წითელი არმიის კომისრები. ოფიციალურად ყველა მათგანი როდი ატარებს ამ წოდებას. კომისართა არცთუ მცირე ნაწილი მოქმედებს პოლიტბელების, პარტიულ ორგანიზაციათა მდივნების, ეგერეთ წოდებული პოლიტგანყოფილებათა ოფიცრების, ინსტრუქტორებისა და სხვა ამგვარი სახელწოდებებით. და აა, მე მივიღე კარდინალური და უდავოდ შესასრულებელი გადაწყვეტილება. მასში ნათქვამია...

ჰიტლერმა ირიბად გადახედა სტენოგრაფისტებს, დაინახა რომ ისინი ქალღმერთიდან ფანქრის მოუწყვეტილ წერდნენ და ნელ-ნელა წარმოთქვა:

— ...ბოლშევიკი კომისრები, რაც არ უნდა ერქვათ მათ, ფიზიკურად მოსპობილ უნდა იქნენ. ყველა. უკლებლივ.

თითქოს წუთის წინ წარმოთქმული სიტყვების შაგბნელი აზრით ტკბებო, კარგა ხანს გაყურდა. შემდეგ მაგიდას მიუახლოვდა, იქ მყოფთ მოუტრიალდა და მიამახა:

— შეკითხვები?

შეკითხვა მისცა პედანტურმა პალდერმა, სახმელეთო ჯარების შტაბის უფროსმა. ყველამ იცოდა, ომის დროის ოპერატიული სამუშაოებით დიდი დატვირთვის მიუხედავად, იგი რეგულარულად აწარმოებდა დღიურს. ჰიტლერის კა-

ეებმა ორ-სამეჭერ შეძლეს ამ დღიურში ჩახედვა. მათ ვერაფერი ვერ იპოვეს მასში, გარდა მიღებულ ბრძანებათა ჩანაწერების, დღის განმავლობაში ჩატარებული საუბრების მოკლე შინაარსისა, საღამოობით დროს ტარების და დაძინების საათის აღნიშვნისა. ერთი სიტყვით, არაფერი საძრახის: არ იყო.

ჭიმლერმა ჰალდერს უნდელი ღიმილით უწოდა „გენერალ-ბუღალტერი“ და დამშვიდდა.

ახლა ჰალდერმა ჰიტლერის გეგმა — „უდიდესი და კოლოსალური, ისევე როგორც ფიურერის ყველა წამოწყება“ — შთლიანად მოიწონა, მაგრამ დაინტერესდა, როგორი ახსნა უნდა მიეცეს მომავალში ზოგიერთ გარდაუვალ წინააღმდეგობას ამ გეგმასა და ჰააგის კონვენციას შორის.

ჰიტლერი დაიმანჭა და უპასუხა: რუსეთი კონვენციაში არ მონაწილეობს. და, მაშასადამე, მასთან დაკავშირებული არავითარი უფლება არა აქვსო.

ეს იყო სიტყუე, ვინაიდან ყველამ, ვინც ასე თუ ისე იცნობდა საერთაშორისო სამართალს, იცოდა, რომ ჭერ კიდევ 1918 წელს საბჭოთა ხელისუფლებამ ლენინის მიერ ხელმოწერილ ოფიციალურ დოკუმენტში სცნო შენევისა და ჰააგის ყველა კონვენცია. მაგრამ არც ერთს იქ დამსწრეთაგანს ამაზე სიტყვაც არ წამოსცდენია. მხოლოდ გებელსმა ადგილიდან ირონიულად შენიშნა, რომ არსებობს პრობაგანდის სამინისტრო და სახმელეთო ჯარების შტაბი რად უნდა დაიტვირთოს ისეთი საზრუნავით, რომელსაც მასთან პირდაპირი დამოკიდებულება არა აქვსო.

ჰიტლერი კვლავ ალაპარაკდა. მან განაცხადა, რომ აღმოსავლეთში ოპერაციის დაწყებისთანავე აუცილებელია გერმანიის სამხედრო-საველე სასამართლოთა ფუნქციების შეზღუდვა. ამიერიდან გერმანელ სამხედრო მოსამსახურეთა ყველა მოქმედება, რომელიც კი სხვა პირობებში შესაძლოა უკანონოდ ჩათვლილიყო, ამ სასამართლოებში განხილვას არ ექვემდებარება: სამხედრო-საველე სასამართლოთა საქმიანობა უნდა განისაზღვროს დისკიპლინისა და გერმანელთა შეიარაღებული ძალების უშიშროების დაცვით, და მორჩა. თუ რომელიმე რუსი, ასე თუ ისე, ემუქრება ამ უშიშროებას, მხოლოდ სულელს შეუძლია მოითხოვოს სასამართლო პროცედურა. ეს რუსი უნდა მიუყვანონ უბრალოდ გერმანელ ოფიცერს, რომელიც ერთპიროვნულად გადაწყვიტს, დამნაშავეა იგი თუ არა. თუ დამნაშავეა, სასჯელი შეიძლება იყოს მხოლოდ ერთი: დახვრეტა.

შემდეგ ჰიტლერმა გასცა რამდენიმე მნიშვნელოვანი განკარგულება. მან ჰიმლერი ორ დაპირისპირებულ პოლიტიკურ სისტემას შორის ბრძოლიდან გამომდინარე „სპეციალურ ამოცანათა“ გადაწყვეტის რწმუნებულად დანიშნა. მიანიჭა უფლება — იმოქმედოს თავისი პირადი პასუხისმგებლობითა და არმიისაგან დამოუკიდებლად.

გერინგი ინიშნებოდა გერმანიის ინდუსტრიისათვის საბჭოთა კავშირის მთელი ეკონომიური რესურსების გამოყენების რწმუნებულად.

როზენბერგს ევალებოდა რამდენადმე უფრო შორეული ამოცანის გადაწყვეტა: საომარ მოქმედებათა დამთავრების შემდეგ რუსეთის სახელმწიფო წყობილების პროექტის შემუშავება. ჰიტლერი მიუახლოვდა თავის უზარმაზარ გლობუსს და მოკლედ განმარტა ძირითადი პრინციპები, რომლებიც საფუძვლად უნდა დასდებოდა ამ პროექტს. ხელისგული გლობუსის ზედაპირს გადაუსვა და განაცხადა, რომ რუსეთის ევროპული ნაწილი დაყოფილ უნდა იქნეს სახელმწიფო პროტექტორატებად, უკრაინა უნდა გადაიქცეს ბუფერულ, გერმანიის მოკავშირე სახელმწიფოდ. ბალტიისპირეთის სამი სახელმწიფო და ბელორუსია შემოუერთდება გერმანიას. კავკასია კი თავისი ნავთობიანი რაიონებით გერმანელი რწმუნებულის მმართველობას დაექვემდებარება.

ჰიტლერი კიდევ დიდხანს ლაპარაკობდა მოკლე, ნაწყვეტ-ნაწყვეტი ფრაზებით, მკვეთრი, მყუფარე ხმით. რასაც ახლა იგი ლაპარაკობდა რაიხსკანცლერის კაბინეტში შეკრებილთათვის ახალი ამბავი როდი იყო. უფრო მეტიც, აქ მოწვეულნი — გერინგიც, ჰიმლერიც და გებელსიც, — ყველანი მონაწილეობდნენ ფიურერის გეგმის ამა თუ იმ ნაწილის შემუშავებაში. და, მიუხედავად ამისა, ჰიტლერმა ვერ დათმო სიამოვნება, კიდევ ერთხელ გამოცხადებულიყო შეკრებილთა წინაშე მომავლის მკვერტელისა და მსოფლიოს ბედობლის გადამწყვეტის მისთვის საყვარელ როლში...

როგორც წესი, ჰიტლერი უმეცარ კაცად მიაჩნდათ. თუ სიტყვა „განათლებულობა“ ნიშნავს რომელიმე განსაზღვრულ დარგში ღრმა, სისტემატიზებულ ცოდნას და სხვებში მეტ-ნაკლებ ორიენტირებას, მაშინ გერმანიის რაიხსკანცლერი, ცხადია, უმეცარი იყო. მას არც სასწავლებელში, არც დამოუკიდებლად თანმიმდევრულად და ობიექტურად არ

შეუსწავლია რომელიმე საგანი. ამას უნდა დაეუმატოთ ის, რომ მთელი სიცოცხლის მანძილზე მას არ წაუჭიფებია, ალბათ, არც ერთი რომანი, არც ერთი პოემა, — ყოველ შემთხვევაში ასე ამბობდნენ მასთან დაახლოებული პირები.

და მაინც ჰიტლერის უმეცრება განსაკუთრებული ხასიათისა იყო, რამდენადაც მას წაჭიფებული ჰქონდა უამრავი წიგნი, უმთავრესად ისტორიის საკითხებზე.

ეს იყო უწესრიგო, უსისტემო კითხვა. იმ წიგნებს, რომელთაც უეჭველი სამეცნიერო ღირებულება ჰქონდათ, ენაცვლებოდა ათასგვარი პროპაგანდისტული ბროშურა ან უცნობი ავტორების ფსევდომეცნიერული გამოცემები, სადაც კაცობრიობის ისტორია განხილული იყო რასისტული, ვიწროგეოგრაფიული ან მისტიკური თეორიების თვალსაზრისით.

სულ მალე წიგნებისადმი ჰიტლერის ინტერესს გარკვეული ხასიათი მიეცა. იგი მხოლოდ იმას კითხულობდა და იხსომებდა, — მეხსიერება კი მას მშვენიერი ჰქონდა — რაც პირდაპირ საკუთარი აზრებისა და მიზნების დასადასტურებლად გამოადგებოდა. ეს იყო აზრები არიული რასის — უწინარეს ყოვლისა, გერმანელების რჩეულობაზე და სხვა რასების არასრულფასოვნებაზე, ძალაზე, როგორც ყველა ისტორიული დაკის გადამწყვეტ არგუმენტზე. მიზანი კი მდგომარეობდა მსოფლიოზე გერმანიის ბატონობის დამკვიდრებაში.

მსოფლიოს დაპყრობის მისწრაფებაში ჰიტლერი ორიგინალური არ ყოფილა. არც რასიზმია მისი გამოგონილი. მას პირველს როდი ეკუთვნოდა იდეა ჯვაროსნული ლაშქრობისა კომუნისმის წინააღმდეგ.

მაგრამ ეს ჩანაფიქრები და იდეები არსად ასე უცნაურად არ გადახლართულან, როგორც ჰიტლერის თავში.

რა თქმა უნდა, ჰიტლერის მოქმედებაში მთავარი და გადამწყვეტი ყოველთვის იმპერიალისტის ლოგიკა იყო. ძალაუფლებით უმაღლესი ტკობის წუთებშიც კი მას ყოველთვის ახსოვდა, ჰინ ჩააბარა მას ეს ძალაუფლება. ჰიტლერი პოლიტიკური შანტაჟის ოსტატი იყო. თუმცა მისი ინტრიგების განხორციელებას საგრძნობლად აადვილებდა ის, რომ იგი დასავლეთის სახელმწიფოთა მიუხეხენის პოლიტიკის ატმოსფეროში მოქმედებდა, იყენებდა რა მათს სიძულვილს კომუნისმისადმი, საბჭოთა კავშირის თვით არსებობის ფაქტისადმი.

მაგრამ სოციალურ სფეროში ყველა მოკლეა შეიცავს

არა მხოლოდ ზოგად კანონზომიერებებს, არამედ თავის კონკრეტულობასაც.

და ჰიტლერი რომ კაცობრიობის ისტორიაში მსოფლიოზე ბატონობის პირველი პრეტენდენტი არ ყოფილა, როდი ჩრდილაჭს მის სპეციფიკურ თვისებებს. ეს თვისებები არ იყვნენ გადამწყვეტნი, მაგრამ მის საქციელს მით უფრო მანიაკურს ხდიდნენ.

როდესაც გერმანელი ფაშიზმის სულიერ სათავეებზე ლაპარაკობენ, ხშირად ახსენებენ ნიცშეს, უფრო ზუსტად, მის მიერ შექმნილი „ქერათმიანი გაიძვირის“, „ზეადმიანის“ სახეს, რომელსაც მხოლოდ საერთოდ მიღებულ ყოფაქცევის ნორმათა ფეხქვეშ გამთელავი ძალის კულტი სწამს. ასანღლებენ აგრეთვე ჰუსტონ სტიუარტ ჩემბერლენს, გასულ საუკუნეში გერმანიაში გადმოსახლებულ ინგლისელს, რასიზმის იდეებით გამსჭვალული წიგნების ავტორს.

გაცილებით ნაკლებად არის ცნობილი სახელი იმ ადამიანისა, რომლის გავლენა ჰიტლერზე უეჭველი იყო. მას ერქვა ჰანს ჰიორბიგერი. ამ სახელით ხელმოწერილი იყო ერთნაირი შინაარსის წერილები, რომლებსაც 1925 წლის ზაფხულში ათობით და შეიძლება ასობით გერმანელი და ავსტრიელი მეცნიერი ღებულობდა. ამ წერილის რამდენიმე სტრიქონმა აღრესატების უდიდესი აღშფოთება გამოიწვია. აი, ეს სტრიქონებიც: „ახლა თქვენ მოგიწევთ გააკეთოთ არჩევანი, ვისთან იქნებით — ჩვენთან თუ ჩვენს წინააღმდეგ. ჰიტლერი გაწმენდს პოლიტიკას, ჰანს ჰიორბიგერი კი აღგვის ცრუ მეცნიერებებს. გერმანელთა ეროვნული აღორძინების სიმბოლო მარადიული ყინულის დოქტრინა იქნება. გაფრთხილებთ! ჩადექით ჩვენს მწყობრში, სანამ გვიან არ არის!“

ულტიმატუმს გულისწყრომით და ირონიით შეხედნენ, თუმცა წერილის ავტორი სრულებითაც არ ყოფილა ჩვეულებრივი უგუნური. ჰანს ჰიორბიგერს გერმანიაში ბევრი იცნობდა. იცოდნენ, როგორ გამოიყურებოდა ეს სამოცდახუთი წლის გოლიათი უზარმაზარი თეთრი წვერით. გარდა ამისა, იგი ბევრ სხვადასხვა სახის დიპლომს ფლობდა და დაწერილი ჰქონდა რამდენიმე წიგნი. იყო ავტორი იმ თეორიისა, რომელიც ზოგ წრეში მოდაში შემოდინდა. ეს თეორია უარყოფდა თანამედროვე ასტრონომიასა და მათემატიკას. მას საფუძვლად ედო ძველი მითები.

ჰანს ჰიორბიგერი იყო შემქმნელი მომაჯადოებელ-რომანტიკული აბრაკადაბრისა — ეგრიტ წოდებული მოძღვრე-

ბისა კოსმოსური ყინულის „ველტაისლერის“, ანუ შემოკლებით „ველის“ შესახებ.

ოციანი წლებიდან მოყოლებული, მიუნხენის განთქმული „ლუდის პუტჩის“ შემდეგ, ჰიტლერის სახელი შედარებით ცნობილი გახდა. მასზე ხშირად წერდნენ გერმანულ გაზეთებში, ხანდახან მსოფლიო პრესაშიც ახსენებდნენ. მისალოზუნგები, მისი ტერმინოლოგია, რაგინდ სხვადასხვა აზრისაღ უნდა ყოფილიყვნენ ადამიანები მათ მიმართ, მსოფლიო პოლიტიკის ცენტრში მყოფ პრობლემებს ეხებოდნენ და ამიტომ ბუნებრივ ინტერესს იწვევდნენ.

ჰიორბიგერს კი მხოლოდ გერმანიაში იცნობდნენ. დანარჩენი მსოფლიოსათვის ეს სახელი არაფერს არ ნიშნავდა. მისი მტკიცება, რომ „მეცნიერება — დეკადენტური ფეტიშია“ ან რომ „მათემატიკა — გროშად ღირებული სიცრუეაო“, თავისი აღმაშფოთებელი აბსურდულობით თულა ჰიპპრობდა ყურადღებას. და, ცხადია, თავდაპირველად არაგის მოსვლია ფიქრად, რაიმე კავშირი დაემყარებინა ცრუმეცნიერ, მისტიკოს ჰიორბიგერსა, ვისი აგზნებული აზრაც სადღაც „მარადიული ყინულის“ იდუმალ სივრცეებში ტრიალებდა და „მედაფდაფე“ პრაქტიკოსს შორის. იგი მოითხოვდა ვერსალის ხელშეკრულების მოსპობას, ებრაელებსა და მარქსისტების ამოხოცვას და გერმანიის შეიარაღებას. ამ კავშირს ვერავინ ვერ ამჩნევდა.

თუმცა „ვერავინ“ — მაინც გაზვიადებულად არის ნათქვამი. სულ ცოტა, ორი კაცი მაინც გრძობდა დასაწყისშივე ამ გარეგნულად შეუმჩნეველ კავშირს. ერთი მათგანი თვით ჰიტლერი იყო. მეორე — ჰაინრიხ ჰიმლერი. იგი მეფრინველეობის ფერმის მფლობელი იყო და ჭერჭერობით იმ პირველის ჩრდილში იმალებოდა.

ეს ორი კაცი ჭერ კიდევ მაშინ, ოციან წლებში, ინახავდნენ თავიანთ საკუთარ ასტროლოგებს, ჰიორბიგერის მოწაფეებს. მხოლოდ მრავალი წლის შემდეგ ჩაიწერა ისტორიაში, რომ ჰიტლერის ასტროლოგს, ბედის ირონიის წყალობით, ფიურერი ერქვა. ეს მოხდა მაშინ, როცა მას ოფიციალური წესით მიანიჭეს უაზროდ მკლერი წოდება — „მათემატიკურ, ასტრონომიულ და ფიზიკურ მეცნიერებათა სრულმპრობელი“.

ჰიტლერმა ბევრი რამ ისწავლა ჰიორბიგერისაგან, თუ სიტყვა „ისწავლა“ აქ უადგილო არ იქნება, მაგრამ არც ამ უკანასკნელისთვის ჩაუვლია უკვალოდ ჰიტლერის გაკვეთილებს. მარადიული ყინულის თეორიის მიმდევარნი, მოი-

ერიშეთა მსგავსად, ჯგუფად ერთიანდებოდნენ. და თუ მათა: „ველს“ ვინმე ვერ აღიქვამდა, მუშტებითა და კასტიტით ჩაუქვედდნენ ამას ზედმიტად ფხიზელ თავში.

ერთი შეხედვით კაცს უცნაურ დამთხვევად მოეჩვენებოდა, რომ სწორედ ფირმების იმ მფლობელებმა რომლებიც ჰიტლერს აფინანსებდნენ, ერთი მეორის მიყოლებით „ველი“ თავიანთ ოფიციალურ იდეოლოგიად გამოაცხადეს. იმ დროს, როცა ჰიორბიგერის თეორიის მქადაგებელნი ცემა-ტყეპით უმასპინძლდებოდნენ მეცნიერებს, რომელნიც მარადიული ყინულის თეორიას უმეცრულ ბოდვას უწოდებდნენ, თვით მესია კი უნივერსიტეტის აუდიტორიებში აკრავდა პროკლამაციებს („როცა ჩვენ გაიღმარებებით, თქვენ ხელგამოწვდილნი იდგებით ქვაფენილზე!“), მთელი რიგი ბანკების, სადაზღვევო კომპანიებისა და ქარხნების მფლობელები თავიანთი მოსამსახურეებისაგან მოითხოვდნენ დაედოთ სპეციალური ფიცი, რომელიც შეიცავდა სიტყვებს: „იფიცავ, რომ მწამს მარადიული ყინულის თეორია!“

მათთვის, ვინც გაუბედავად იძლეოდა კითხვას, რა არის ეს „მარადიული ყინული“ და ჩრდილოეთის პოლუსი რა ანტარქტიდა ხომ არ იგულისხმებაო, იბეჭდებოდა პოპულარული ბროშურები. მათში ბუნდოვნად, მაგრამ ამასთანავე ენერგიულად იყო გადმოცემული ამ იდეალური მოძღვრების აზრი. ერთ-ერთ ასეთ ბროშურაში ნათქვამი იყო:

„ჩვენი ნორდული წინაპრები ყინულსა და თოვლში გახდნენ ძლიერნი. ამიტომ კოსმოსური ყინულისადმი რწმენა—ნორდული ადამიანის ბუნებრივი მეგვიდრეობაა. აესტრიელმა ჰიტლერმა განდევნა ებრაელი პოლიტიკანები. აესტრიელი ჰიორბიგერი განდევნის ებრაელ მეცნიერებს. თავისი ცხოვრების მთელი გამოცდილებით ჩვენმა ფიურერმა გვიჩვენა შთაგონების უპირატესობა პროფესიონალიზმთან. საჭირო გახდა მეორე შორსმჭვრეტელი, რომ მოეცა ჩვენთვის კოსმოსის სრული გაგება“.

ძნელი წარმოსადგენია, თუ ვინმე შეიძლება ბოლომდე გარკვეულიყო ამ მისტიკურ აზრებებში. ამ წარმართულ ქადაგებისა და ყაჩაღობისკენ მოწოდებათა პრეტენზიულ ნარევიში.

მაგრამ ჰიტლერი პატივს სცემდა ჰიორბიგერს და მისი ქადაგების მოსმენისას იგზალტაციის მდგომარეობაში ვარდებოდა.

ჰიორბიგერის ზეშთაგონებათაგან ერთი ჰიტლერმა კარგად შეითვისა. მისი აზრი იმაში მდგომარეობდა, რომ მეც-

ნიერების როლი დაყვანილ უნდა იქნეს მხოლოდ იმის დასაბუთება-დადასტურებამდე, რაც ირაციონალური გზით, როგორც რალაც ნათელხილვა, გამოეცხადა „ზეადამიანს“.

ეს აზრი პიტლერის გულს ინადირებდა, ვინაიდან მისთვის აუცილებელი იყო გადაეჩვია ხალხი ლოგიკურ აზროვნებისათვის, მიზეზებისა და შედეგების დაპირისპირებისა და მოვლენათა გაანალიზებისათვის. ამის ნაცვლად მათ უნდა ესწავლათ მხოლოდ აღქმა, ესე იგი, ფიქრების მიერ წარმოთქმული ყოველი სიტყვის შეუქამათებლად დაჭერება.

ნარკოტიკული გაბრუების მდგომარეობაში მყოფ ადამიანებს ქიმერები ეუფლება. პიტლერისათვის მთავარი იყო მიეღწია იმისათვის, რომ ადამიანები მუდმივი სისასტიკის ევფორიის მდგომარეობაში ყოფილიყვნენ.

კომუნისში, როგორც რეალური ძალა და როგორც იდეოლოგია, ფაშიზმისათვის ნომერ პირველი მტერია. გენოციდი კი ყოველთვის მსოფლიოზე ბატონობისათვის ბრძოლის აუცილებელი თანამგზავრია. და მაინც იმისათვის, რომ მილიონობით ადამიანი ჩაეთრიათ ხალხების მასობრივ მკვლელობაში, რომ ყოველდღიურობაში შემოეღოთ კრემატორიები ცოცხლებისათვის, გამოეგონათ გაზის ქამერები, საჭირო იყო არა მარტო ადამიანის სინდისის ქიმერად გამოცხადება, არამედ უნდა ეცადათ ესნათ იგი ამ ქიმერისაგან. თუკი კაცობრიობის მთელი მეცნიერული ისტორია მხოლოდ ინტელიგენტური გამონაგონი იყო, რომელიც ფარავდა „ნამდვილ“ ისტორიას თავისი წარღვნებით, სტიქიათა ბრძოლით, ხალხთა გადასახლებებით, გიგანტებითა და მონებით, თუკი ასეთი იყო კაცობრიობის წარსული, რატომ არ უნდა იყოს ასეთივე მისი მომავალი?

პიტლერმა ახალ საიმპერიო კანცელარიაში, რომ დაამთავრა თათბირი, მერე ბერგჰოფისკენ გაემართა.

ბერლინში, ნიურნბერგში იგი თავს გრძნობდა ტრიბუნად — მედაფდაფედ, სარდლად. ალპების დიდებულ მთებს შორის ტაფობში მდებარე ბერგჰოფი კი ჩვეულებრივ, საზეიმო-პირქუშ გუნებაზე აყენებდა. მას თავი წარმოედგინა მოკვდავთა თვალისათვის მიუწვდომელ გენიოსად, მათი ბედ-იღბლის უზენაეს გამგებლად. იგი მიემგზავრებოდა მატარებლით — ორვაგონიანი ორთქლმავლით. ერთი ვაგონი დაცვას ეკავა. მეორე სალონ-ვაგონის ფანჯარასთან თვითონ

აქდა და კვლავ ცდილობდა წელან დამთავრებული ჯათბორის დეტალების მეხსიერებაში აღდგენას.

ახლა თითქოს შორიდან ხედავდა თავის თავს. იგი იდგა გიგანტურ, შავი ხის საყრდენზე დამაგრებულ გლობუსთან, უძრავად მსხდომ ადამიანთა ჯგუფის წინაშე, რომელთა მზერა მისკენ იყო მიპყრობილი.

ჰიტლერმა თვალეები მილულა და მოეჩვენა, თითქოს ეს გლობუსი დედამიწის ბირთვის ოდენად გაიზარდა. მაგრამ უცებ სულ სხვა სურათი წარმოესახა. მოულოდნელად გლობუსი თავის ჩვეულებრივ ზომამდე დააბატარა. მასთან იდგა იგი, ჰიტლერი, მაგრამ არათანაზომიერად პატარა, დორბლიანი ქონდრის კაცი ნერვიულად აცმაკუნებულ უღვაშებით და კომიკური ექსტიკულირებით.

ეს იყო კადრი ამერიკული კლოუნის, ჩაპლინად წოდებული საცოდავი კომედიანტის სურათიდან. მიუხედავად ათეულ, ასეულ ათასობით მარკისა გერმანიის მთავრობამ რომ გაიღო ბევრი ამერიკელი ჩინოვნიკის მოსასყიდად... გასულ წელს მან მაინც შეძლო დაემთავრებინა თავისი ბილწი შენათითხნი და გაუშვა იგი მსოფლიოს ეკრანებზე სამოგზაუროდ.

ჰიტლერს მოახსენეს, რომ ანტიამერიკული საქმიანობის საგამომძიებლო კომისიამ წამოიწყო საქმე ამ საძაგელი ტაკიმასხარას წინააღმდეგ, რომელმაც დიდი სახელმწიფოს შეთაურს დასცინა.

„კომისიები, კონგრესები, პარლამენტები!...—თქვა გულში ჰიტლერმა და ამ სიტყვებში სიძულვილისა და ზიზღის მთელი ძალა ჩააქსოვა. — გახრწნილი, დამპალი ცივილიზაციის ნაყოფი! საბედნიეროდ, ევროპის დიდ ნაწილში ამას უკვე ბოლო მოეღო“.

მან ჩაიცინა, წარმოიდგინა რა, როგორ იკლავება ზობა ესეგელთა ხელში ჩაბღუჯული ქუსლებმოქცეული, ვიწრო პიჯაკიანი სულელურ ქვაბუნაქუდიანი ქონდრისკაცი. და თვითონ ჰიტლერი აგებებს ამ პიჯამის პირველ დარტყმას — მუშტებს სიფათში და წიხლებს ლაჭებში...

ჰიტლერს უნებურად შეეკუმშა მუშტები. რამდენიმე წამს იგი უღმობელი სიხარულის შეგრძნებით ტკბებოდა. მერე ნებისყოფა მოიკრიბა, მეხსიერებიდან ამოიგდო, წაშალა ეს საძაგელი ფილმიც და ნაძირალა კომედიანტის აახეც.

ახლა მან წარმოიდგინა უზარმაზარი ტერიტორია. რომელიც არასოდეს თვალთ არ უნახა. ქალაქები, სოფლები,

ტყეები, მთები, მინდვრები, ადამიანები. და ყოველივე ამას ცეცხლი მოსდებოდა, ცა ალისფრად კაშკაშებდა...

ბერგპოვში ჰიტლერს დანვიცი ელოდებოდა. ფიურერის ამ რჩეულს უკვე მიეღო მრმაველ გრანდიოზულ საომარ მოქმედებაში მონაწილეობის მიღების უფლება. ერთი კვირის შემდეგ იგი აღმოსავლეთ პრუსიაში უნდა გამგზავრებულიყო და „ჩრდილოეთის“ კოდური სახელწოდებით ფორმირებულ არმიათა ჯგუფის ერთ-ერთ ნაწილში ქვეითი ბატალიონის მეთაურის თანამდებობა დაეკავებინა.

ჰიტლერს ჟუვარდა, ირგვლივ ისეთი ადამიანები ჰყოლოდა, რომლებიც მზად იყვნენ დამორჩილებოდნენ მის ნათქვამ პირველსავე სიტყვას. მის გაკეთებულ პირველსავე უესტს. ისეთი ადამიანები, რომელთა აზრები და სურვილები მისი საკუთარი აზრებისა და სურვილების გაგრძელება იქნებოდა.

დანვიცი სწორედ ასეთი იყო. მაგრამ ჰიტლერმა იგი მარტო ამისათვის როდი ამოირჩია. ფიურერი მასში თავისი სისტემის, თავისი აღზრდის რაღაც იდეალურ პროდუქტს ხედავდა.

მაღალ პოლიტიკაში დანვიცი არავეითარ როლს არ ასრულებდა. მას ნაკლებად იცნობდნენ. მაგრამ ჰიტლერს არ შეეძლო მის თვალეში არ შეემჩნია ფიურერის მუდმივად გაღმერთება, მისდამი მიმართული პირველი სიტყვებისთანავე მდუმარე ეგზალტაცია, საოცარი ამთვისებლობა იმ ბუნდოვან-მისტიკური ქადაგებისა, რომელსაც თვითონ დროგამოშვებით გადმოაფრქვევდა ხოლმე.

დანვიცის მხურვალე თხოვნაში, უფრო სწორად ვიდრე-ბაში ფრონტზე გაგზავნის შესახებ, ჰიტლერმა დროების ნიშანი დაინახა. მას სურდა ეხილა თავისი არმია, შემდგარი სწორედ ისეთი ადამიანებისაგან, როგორც დანვიცი იყო. ფრონტზე ამ ოფიცრის გაგზავნით ჰიტლერი თითქოს სიმბოლურ აქტს ასრულებდა — აგზავნიდა იქ თვით თავის ნაწილაკს, უმცირესს, მაგრამ მაინც ნაწილაკს.

...მან დაჟინებული მზერით შეათვალიერა თავისი კაბინეტის ზღურბლთან გაშეშებული, მისალმების ნიშნად წიხნელგაშეერილი დანვიცი, რომელსაც უკვე სამხედრო-საგულე ფორმა ეცვა.

— მაშ ასე, მიემგზავრები, დანვიც? — საზეიმო ხმით წარმოთქვა ჰიტლერმა.

— დიახ, ჩემო ფიურერო, — იმ წამსვე გადაიღო ჰიტლერის ინტონაცია და ისეთივე პირქუში საზეიმო კილოთა უბასუხა დანვიცმა. — მე გეახვლით, რომ დაგემშვიდობოთ. მან სწრაფად დაუშვა ხელი, მაგრამ კვლავ უძრავად იღმა ჰიტლერი ნელა წამოდგა და დანვიცს მიუახლოვდა.

— რის გაგონებას ისურვებდი შენ ჩემგან დამშვიდობებისას? — ჰკითხა ჰიტლერმა.

— მხოლოდ ერთი სიტყვისა, ჩემო ფიურერო: „წადი“.

— შენ გაიგონებ ერთ სიტყვაზე უფრო მეტს.

ცოტა ხნის წინათ ჰიტლერი იძულებული იყო სამი საათის განმავლობაში ესმინა გენერლების მშრალი, წარმოსახვას მოკლებული პატაკები. თვითონ კი გაითამაშა თავისი ერთ-ერთი საყვარელი როლი — სარდლის როლი, ცეზარის, ნაპოლეონისა და მოლტკესი ერთად შეერთებული. მისი სიტყვები კატეგორიული იყო, ფრაზები მოკლე, რეპლიკები შეუვალი. ახლა ჰიტლერი დიდხანს და მკვივრმეტყვილურად ლაპარაკის სურვილმა შეიპყრო.

მან ხელით ანიშნა დანვიცს, გამომყევით და ვენეციური ფართო ფანჯრისაკენ გაემართა. გაზაფხულის მზე დაჰქათქათებდა აქა-იქ თოვლით დაფარულ ალპიურ მწვერეალებს.

— შეხედე, დანვიც, ამ მთებს, — ხმამაღლა წარმოთქვა ჰიტლერმა. — დატკბი ამ ხედით. შენ ხომ მალე მოგიწევს ძირს დაშვება. მილიონობით ჩემს ჯარისკაცთან ერთად შენ გაემგზავრები ბნელსა და პირქუშ ქვეყანაში. მისმინე, დანვიც, — თავი უკან გადაეწია და განაგრძობდა ჰიტლერი. — ბევრნი ფიქრობენ, რომ მე მინდა ამ ქვეყნის დაპყრობა. ისინი ცდებიან, მე მინდა მისი მოსპობა. და რაც უნდა გახდეს ფრონტზე — პოლკოვნიკი თუ გენერალი, რასაც უნდა შეთაურობდე — ბატალიონს, პოლკსა თუ დივიზიას, — შენთვის მთავარი უნდა იყოს ეს ჩემი ჩანაფიქრი. ხომ გაიგე? თუ ვერა, შემეკითხე. მე გილოდები!

— მე ვფიქრობ, გაგიგეთ, ჩემო ფიურერო! — ყრუდ წარმოთქვა დანვიცმა, თან თვალს არ აშორებდა ჰიტლერს. — მე უნდა დავხოცო მტრები. არ დავინდო ისინი ბრძოლაში.

— არა! — წამოიყვირა ჰიტლერმა. — ეს არ კმარა, არ კმარა! მე მინდა ეს სახელმწიფო აღვგავო პირისაგან მიწისა. მინდა, რომ მოსკოვისა და ლენინგრადის ადგილას ტბები დადგეს. მინდა ფიზიკურად გავანადგურო ეს სლავიანურ-მონგოლური რასა, მთელი ეს ნარევი აზიელებისა, ებრაელებისა, ბოშებისა, არაკაცებისა, რომელთაც თავი აღამიანებად წარმოუდგენიათ! იქნებ იფიქრო, რომ ჭურვები და

ბომბები არ გვეყოფა? მაგრამ მე მათ არა მარტო ქურავები-
თა და ბომბებით გავანადგურებ...

მას მარჯვენა მხარი აუთამაშდა, თვალები ჩაუწითლდა,
სახე დანვიცის სახესთან მიიტანა.

— მისმინე. — ხმის დაწვეით ხრინწიანად უთხრა ჰიტ-
ლერმა. — ჩემი ღიადი გეგმა უკვე შემუშავებულია. მის
შემდეგ, რაც ბოლშევიკურ არმიას დავამარცხებთ, — ამას
რამდენიმე კვირა მოუწდება, — მთელი სურსათი, რუსეთის
მთელი მინერალური სიმდიდრე გაიგზავნება მხოლოდ გერ-
მანიაში. რუსეთში დაიწყება შიმშილი. საყოველთაო, ულ-
მობელი შიმშილი. იგი შავ ჭირზე უფრო საშიშელი იქნება.
დაილუპებიან მილიონები, მაგრამ ეს შედის ჩემს გეგმაში.
გადარჩებიან ათასები, ან იქნება, ათეულ ათასები. ისინი,
ვინც მოჰკიდებენ ხელს თოხითა და ბარით მიწის ჩიჩქნას.
ისინი, ვინც მოემსახურებიან გერმანელ ბატონებს, გამიგე
შენ, დანვიც?

ღიახ, დანვიცმა გაუგო. იგი თავისი ფიურერის თვალე-
ბით უცქეროდა ყველაფერს.

ახლა დანვიცის აგზნებული გონების თვალწინ სისხლის
ზღვა გადაიშალა. იგი ამ ზღვაში თავის თავს ხედავდა მუხ-
ლამდე მდგომს, მსგავსად ზიგფრიდისა, რომელიც მის მიერ
დამარცხებული გველეშაპის შავ სისხლში რიტუალურ გან-
ბანვას ასრულებდა.

— შე გაგიგეთ თქვენ, ჩემო ფიურერო! — ამაყად განა-
ცხადა მან.

ჰიტლერმა კმაყოფილებით დაუქნია თავი და უთხრა:

— რა თქმა უნდა, უმაღლეს მეთაურებს ექნებათ საჭი-
რო ინსტრუქციები. მაგრამ შენ ხარ — ჩემი თვალები. შენ
ხარ — ჩემი ყურები. და თუ ისეთ რაიმეს გაიგებ, რაც ჩემს
ზრახვებს არ ეთანხმება, დაუყოვნებლივ უნდა მაცნობო.
მე მიცემ მითითებას ფონ ლეიბს, რომ შენი პარაკები სას-
წრაფოდ გადმომცენ ხოლმე.

მან ოთახში გაიარ-გამოიარა.

— როგორც უკვე ვთქვი, მთელ კამპანიას მოუწდება
ერთნახევარი. მაქსიმუმში ორი თვე, — თითქოს თავისთვის
ჩაილაპარაკა ჰიტლერმა ისე, რომ დანვიცს არ უცქერო-
და, — ამის შემდეგ დარჩება, ასე ვთქვათ დეტალები. აღმი-
ნისტრაციის შექმნა, ჰიმლერის ღონისძიებანი და ასე შეე-
დგე... ზოგ-ზოგნი ცდილობენ რუსული ზამთრით დამაში-
ნონ. მაგრამ ჩვენ ზამთარში როდი ვიბრძობლებთ — მოულო-
დნელად ფალციტით წამოიყვია ჰიტლერმა. — თუმცა, —

დასძინა მან უკვე მშვიდად, — წლევანდელი ზამთარი რუსეთში რბილი იქნება.

— ეს მეტეოროლოგების პროგნოზია? — გაუბედავდ ჰკითხა დანვიცმა, რომელსაც არაერთხელ გაეგონა რუსეთის საშინელი ზამთრის შესახებ.

— ეშმაკს წაუღია მეტეოროლოგია! — ისევ გაშმაგებით დაიყვირა პიტლერმა. ხელისგული გადაისევა ოფლიან შუბლზე და ზედ მიკრული თმა უკან გადაიყარა. შემდეგ ხმის დაწვეით თქვა:

— ჩვენ შევდივართ ახალ ციკლში. მარადიული ყინულიდან მივემართებით ცეცხლის ციკლისაკენ. ჩემი ჭარისკაცები — ესენი არიან მაგიური ცეცხლის პირველი მატარებელნი. ზამთარი პირქვე დაემხოა მათ წინაშე.

იგი კვლავ მიუახლოვდა დანვიცს და, თითქოს მას კი არა, სხვა უხილავ მსმენელებს მიმართავსო, შესძახა:

— არა, ჩვენ არ ვიბრძობებთ ზამთარში რუსები ექვს კვირაზე მეტ ხანს ვერ გაუძლებენ გერმანიის არმიასთან შერკინებას. მე ვიცი ეს, ვიცი! — მან ზევით აიშვირა საჩვენებელი თითი, თითქოს ფიცს იძლევაო.

— მისმინე, — განაგრძო მან და კვლავ მოჰადოებულევით მდგარ დანვიცს მიუბრუნდა. — რუსებთან პირველადე შეხვედრისას დარწმუნდები ჩემი სიტყვების სიმართლეში. გამოსცადე პირველივე ტყვედ ჩავარდნილი რუსი. მისი განძღობა, მისი სულის სიმტკიცე. გამონახე ყოველივე ამის შემოწმების ხერხი. და შენ გაიგებ, რომ არც ერთ მათგანს არ ძალუძს წინ აღგვიდგეს. ჩვენთან პირისპირ რომ აღმოჩნდებიან, გაშიშვლდება მათი არსების მთელი არარაობა. მთელი მათი იდეოლოგია, მათი ერთგულება კომუნისმისადმი — ყველაფერი ჩენჩოსავით დაცვივა, დაიფანტება მაშინვე, როგორც კი მათ თავზე ნაციონალ-სოციალიზმის მახვილი აღიმართება. ახლა კი გზას გაუღდექი, მაიორო დანვიცი! საბრძოლო საყვირის ხმაზე შენს ადგილზე უნდა იყო, პირველ რიგებში. მშვიდობით!

VIII

მთელი მსოფლიო — მათ შორის თითქმის ყველა საბჭოთა ადამიანი დარწმუნებული იყო, რომ სტალინი ცხოვრობს კრემლში, სწორედ იმ პატარა სამოთახიან ბინაში, რომელიც ანრი ბარბიუსმა თავის ფართოდ ცნობილ წიგნში აღწერა.

მაგრამ სტალინი, თუმცა ჰქონდა ბინა კრემლში — ხელ-ახლა გადაკეთებული სქელკედლებიანი და მაღალჭერიანი სადგომი სენატის ძველ შენობაში — უკვე რამდენი წელი იყო, ფაქტიურად იქ აღარ ეხოვრობდა.

ოცდაათიანი წლებიდან მოყოლებული მისი მუდმივი და საყვარელი სახლი იყო აგარაკი მოსკოვის მახლობლად, და-ბა ვოლინსკოეში, კუნცევოს გვერდით.

სტალინის სამუშაო კაბინეტი კრემლში მოთავსებუ-ლი იყო იმავე შენობის მეორე სართულზე. სადაც ბინა ჰქონდა.

ამიტომ მუშაობის შემდეგ — მისი ოფიციალური სამუ-შაო დღე საღამოს შვიდი-რვა საათისათვის მთავრდებოდა — სტალინი სადილისათვის ქვემოთ ჩადიოდა.

ჩვეულებრივ, სადილი დიდხანს გასტანდა ხოლმე — სტალინი ვერ იტანდა მარტოობას და შინ მარტო იშვიათად ბრუნდებოდა. მიუხედავად ამისა, კრემლში არასოდეს არ რჩებოდა ღამის გასათევად და საღამოს თერთმეტი საათისა-თვის სუფრას ტოვებდა, რათა ვოლინსკოეში წასულიყო.

კრემლის ბოროვიცკის ქიშკრიდან გრძელი შავი ავტო-მანქანები გამოდიოდნენ. ერთ მათგანში იჯდა სტალინი.

იქ, სადაც ქალაქი თავდებოდა და დოროგომილოვის ქუ-ჩა მინსკის გზატკეცილზე გადიოდა, მანქანები მარცხენა პარალელურ ხეივანში ჩაიქროლებდნენ ხოლმე.

ხეივანის დასაწყისში ეკიდა ნიშანი, რომელიც ყოველ-გვარი ტრანსპორტის მოძრაობას კრძალავდა.

შავი მანქანები ხეივანში სვლას უმატებდნენ, შემდეგ მარცხნივ მეორე პერპენდიკულარულ ხეივანში შეუხვიე-დნენ, შერე, — მარჯვნივ, მესამეში. რომელიც მთისკენ მიე-მართებოდა...

აღმართი „საქვერტიან“ ჰიშკართან თავდებოდა. მანქა-ნების მიახლოებისას ჰიშკარი ისე იღებოდა, რომ შალ დაუყოვნებლად შეეძლოთ შიგ შესვლა.

აქ, მოსკოვთან ახლოს, მაგრამ მისი ხმაურისაგან დაშო-რებით, ხის მაღალი ღობის შიგნით, რომელსაც თითქმის ზედ ეკვროდა ხშირი ტყე, იდგა ხის სახლი, რომელშიც სტალინი უკანასკნელ წლებში ატარებდა ყოველ დილას, ყოველ საღამოსა და ღამეს.

...იმ ღამეს სტალინი, ჩვეულებრივ, სამის ნახევრამდე მუშაობდა. გრძელი სასადილო მაგიდის ერთი ბოლო ქა-

ღალღებითა და გაზეთებით იყო დატვირთული. ეს მაგიდა, ჩვეულებრივ, საწერი მაგიდის მაგივრობას უწყევდა სტალინს.

მისი სამუშაო განრიგი ასეთი იყო — ღამის სამი საათისათვის სტალინი გადადიოდა პატარა ოთახში, რომლის კედლები ზუსტად ისეთივე იყო, როგორც კრემლის კაბინეტში — ნაელენთი მუხით მოპირკეთებული ფირფიცარი, ზემოთ კი ლინკრუსტი. დასაძინებლად წვებოდა დივანზე, რომელზეც ღამით ლოგინს უშლიდნენ. გვირდით, პატარა მაგიდაზე, ედგა ტელეფონი — კრემლის „ტრიალა“, მაგრამ ღამის საათებში მას, ჩვეულებრივ, არ იყენებდა.

მას გვიანობამდე ეძინა — დღის თერთმეტ-თორმეტ საათამდე. შემდეგ დგებოდა და ბაღში გამართულ ტალავარში მიდიოდა: იქ მოუტანდნენ საუზმეს, გაზეთებსა და დილის ფოსტას.

ღღის ორ საათზე შავი ავტომანქანები გამოდიოდნენ კუნცევოს აგარაკის ქიშკრიდან, ერთ მათგანში — არავინ იცოდა თუ სახელდობრ რომელში — იჭდა სტალინი.

მანქანები ჩვეული მარშრუტით მიქროდნენ და კრემლის ბოროვიცკის ქიშკარში უჩინარდებოდნენ.

ასეთი იყო სტალინის დღის განრიგი. იგი საეალღებულო იყო ყველასათვის, ვისთანაც მას ჰქონდა ან შეიძლებოდა ჰქონოდა ურთიერთობა — პოლიტბიუროს წევრებისათვის, სახკომებისათვის, მხედართმთავრებისათვის!

ასეთი იყო ეს განრიგი შაბათსაც. 1941 წლის ოცდაერთ ივნისს.

...ღამის სამის ნახევარზე სტალინი დასაძინებლად წავიდა. ნახევარი საათის მოგვიანებით ლოგინში ჩაწვა და ცკვის სამშართველოს უფროსი, ტანმორჩილი, ზონზროხა გენერალიც.

ფანჯრებში შუქი ჩაქრა.

როცა და ცკვის უფროსის ოთახში ტელეფონის ზარი გაისმა, გენერალმა მაშინვე ვერ გაიგონა. მრავალი წლის განმავლობაში იგი მიჩვეულიყო, როცა სტალინი დასაძინებლად დაწვებოდა, დროის მსგელლობა თითქოსდა ყველასთვის ჩერდებოდა. ვინც კი მისი ჩვეულება იცოდა, ვერავინ გაბედავდა დღე-ღამის ამ დროს აქ დარეკვას.

ამიტომ გენერალს ღრმად ეძინა, ხოლო როცა გამოიღვიძა, მაშინვე ვერ მოისაზრა, რომ სწორედ ტელეფონი რეკავდა. ყუკმაცოფილოდ შეიკმუხნა, შუქი ანთო და საათს დახედა. ისრები ხუთის ათ წუფს აღნიშნავდნენ. გაოცების, ცნობისმოყვარეობისა და ამ უღროო დროის დამრეკავის შეხუ-

რების სურვილის შერეული გრძნობით მან ყურმილი აიღო და უკმაყოფილოდ იკითხა:

— ვინ არის?

მან მაშინვე იცნო მოლაპარაკის ხმა. ეს იყო წითელი არმიის გენერალური შტაბის უფროსი.

— სთხოვე ამხანაგ სტალინს, — მკვეთრად მოითხოვა ნაცნობმა ხმამ.

— რა? ახლა? — განცვიფრებით უპასუხა დაცვის უფროსმა. — ამხანაგ სტალინს სძინავს.

— მე შენ გეუბნები, გააღვიძე! — ბრძანების კილოთი იყვირა ყურმილმა. — გერმანელები ბომბავენ ჩვენს ქალაქებს!

დაცვის უფროსი რამდენიმე წამს დუმდა, სულ უფრო მაგრად უჭერდა ხელს ტელეფონის ყურმილს. ბოლოს ყრუდ წარმოთქვა:

— მოიცადე.

მან ყურმილი მაგიდაზე დადო, გაოფლიანებული ხელისგული პერანგზე შეიმშრალა, შემდეგ მხრებზე დაბადა მოხურა და აჩქარებით გავიდა ოთახიდან.

...გავიდა რამდენიმე წუთი, სანამ სტალინმა ყურმილი აიღო.

— სტალინი, — თქვა მან ხმადაბლა.

— ამხანაგო სტალინი, — გაისმა გენშტაბის უფროსის მკვეთრი ხმა, — თავდაცვის სახკომის დავალებით გირეკავი. გერმანელები ბომბავენ ჩვენს ქალაქებს...

იგი დადუმდა. დუმდა სტალინიც. ისმოდა მხოლოდ მისი, თამბაქოს მწვეელი კაცისათვის დამახასიათებელი მძიმე ხრინწიანი სუნთქვა.

— სად არის სახკომი? — იკითხა ბოლოს სტალინმა და მავთულის მეორე ბოლოში მყოფ გენერალს მოეჩვენა, ეს კითხვა მხოლოდ იმიტომ მისცა, რომ დრო შეეჩერებინა, შეეკავებინა, გაეჭიმა.

— მაღალი სიხშირის ტელეფონით კიევის ოოქს ელაპარაკება, — აჩქარებით უპასუხა შტაბის უფროსმა.

ისევე სიჩუმე ჩამოვარდა.

„რატომ დუმს იგი, რატომ?..“ — ეკითხებოდა თავის თავს მოუთმენლობით გაწამებული გენშტაბის უფროსი. მაგრამ ასეთ მომენტშიც ვერ გაბედა დუმილის დარღვევა. არმიის გენერალი გაბედული, გულადი კაცი იყო. იგი თითქოს ომისთვის იყო დაბადებული. მისთვის არსებობდა მხოლოდ ომის კანონები — ქვეყნის თავდაცვის ლოგიკა, რომლის წი-

ნაშე გადამწყვეტ მომენტში უკანა პლანზე იხვედნენ აღამიანები, წოდებები, სუბორდინაცია. მაგრამ ვერც იგი ბედავდა დაერღვია სტალინის ღუმელი.

გენერალი მოთმინებით ელოდა, როდის დაილაპარაკებდა სტალინი, თვალწინ კი ის სცენა ედგა, რომლის მოწმედ და მონაწილედ ყოფნა გუშინ დღისით მოუხდა.

...მარშალთან ერთად იგი გამოცხადდა სტალინთან განსაკუთრებული მნიშვნელობის ცნობის მოსახსენებლად. საქალაქში, რომელიც გენშტაბის უფროსმა თან მოიტანა, კიევის სამხედრო ოლქიდან მიღებული დაშიფრული ცნობა იღო. სარდალი უპატაკებდა ჩვენი ჯარების განლაგებაში გადმოსული გერმანელი ჯარისკაცის შესახებ. ამ ჯარისკაცმა განაცხადა, რომ მის ნაწილში გამოცხადებული ბრძანებით ხვალ გარიჟრაჟზე იწყება საომარი მოქმედება სსრ კავშირის წინააღმდეგ, როგორც ჯარისკაცი ამბობს, იგი კომუნისტია, საბჭოთა კავშირის მეგობარი და გადაწყვიტა საკუთარი სიცოცხლის რისკით გაეფრთხილებინა რუსეთი იმ საშიშროების შესახებ, რომელიც მას ემუქრება.

დაშიფრულ ცნობასთან ერთად საქალაქში იღო ბრძანების პროექტი დასაქლეთის ოლქების ჯარების სრულ სამხედრო მზადყოფნაში მოყვანის შესახებ. სწორედ ეს პროექტი წარუდგინეს განსახილველად სტალინს.

...იგი იდგა კედელთან, მარქსისა და ენგელსის პორტრეტების ქვეშ, დინჯად ეწეოდა ჩიბუხს და მდუმარედ ისმენდა მარშალის მოხსენებას. შემდეგ ნილი, უხმაურო ნაბიჯით გაემართა სხდომების გრძელი მაგიდისაკენ, სპილენძის პასიურ საფერფლეში ჩააგდო ასანთის ნამწვი, აუჩქარებლად მიუბრუნდა ჯიქრავად მდგომ ორ სამხედრო პირს და მშრალად ჰკითხა:

— თქვენ შეგიძლიათ იყოთ იმის თავდები, რომ თქვენია გადმოსული თვით გერმანელების მიერ არ არის გადმოსრულილი?

და მან ოდნავ მოჰუტა მომცრო თვალები და ცივი მზერა მიაპყრო თითქმის ერთიმეორის მხარი-მხარ მდგომი სარდლისა და გენერლის სახეებს.

ისინი ღუმდნენ.

— დარწმუნებული ხართ, რომ ეს პროვოკაცია არ არის? — ოდნავ ხმის აწევით ჩაეკითხა სტალინი ამჯერად გენშტაბის უფროსს.

ვინც სტალინის გარშემო ტრიალებდა, მასთან შესვლის ნება ჰქონდა, მასთან საუბრობდა, მათ შორის, ალბათ, არ

მოძებნებოდა ადამიანი, რომელიც გაბედავდა კატეგორიული ფორმით უარყოფითი პასუხი გაეცა მის ვარაუდზე.

ვინაიდან მათ იცოდნენ: აზრი შესაძლებელი პროვოკაციის შესახებ რათა. ომში ჩაეთრიათ საბჭოთა კავშირი, არასოდეს არ შორდებოდა სტალინს და განუყრელად უკავშირდებოდა მეორე აზრს, არ აპყლოდა ამ პროვოკაციას.

და ამავე დროს ყოველი ადამიანი, რომელსაც კჭონია შესაძლებლობა ელაპარაკა სტალინთან ან თუნდაც მოესმინა მისთვის, ექვემდებარებულ ფაქტად თვლიდა, რომ სტალინს მასზე მეტი ესმის, მასზე შორს ხედავს, ფლობს ცნობებს, რომლებიც მხოლოდ მან ერთმა იცის.

ამჯერად სტალინთან ურთიერთობის ლოგიკა, მისი ინტელექტუალური უპირატესობის შეგნება, ხალხში წლობით განმტკიცებული მისი ყველაზე შორს და ყველაზე ღრმად ხედვის უნარი აიძულებდა მის წინ მდგომ სარდალსა და გენერალს დასთანხმებოდნენ, საფუძვლიანად მიეჩნიათ მისი ექვები.

მაგრამ ამჯერად სხვანაირად მოხდა.

გენშტაბის უფროსმა მძიმე, მასიური თავი ოდნავ უკან გადასწია და მტკიცედ თქვა:

— არა, ამხანაგო სტალინ. გადმოსული არ ტყუის.

გვერდით მდგომ მარშალს მოეჩვენა, რომ ახლა გენერლისათვის გამოუსწორებელი რამ მოხდებოდა. მან იცოდა. სტალინი ხმას არ აუწევდა, არ აღშფოთდებოდა, არავითარ გაღიზიანებას არ გამოამჟღავნებდა. მაგრამ, შესაძლოა, მან წარმოთქვას თავისი მოკლე, უაპელაციო, დამამტკიცებელი, აფორიზმივით მეღერი ერთი იმ ფრაზათაგანი, რომლებმაც ესოდენ დიდი ხნით უკვე განსაზღვრეს მრავალი ადამიანის ბედ-იღბალი.

მაგრამ ამის მსგავსი არაფერი მომხდარა.

სტალინი რამდენიმე წამს მდუმარედ უცქეროდა შტაბის უფროსს. აუჩქარებლად მიიტანა ჩიბუხი პირთან, ღრმა ნაფაზი დაარტყა, ოთახში დინჯად გაიარ-გამოიარა. ეტყობოდა, იგი არ ამჟღავნებდა ასეთ სიტუაციაში ესოდენ ბუნებრივ აღელვებას არც ქესტით, არც სიტყვით, არც სიარულით. ბოლოს სტალინი გრძელ მაგიდასთან შეჩერდა და ხმადაბლა თქვა:

— წაიკითხეთ ჯარებისადმი თქვენი ღირექტივის პროექტი.

გენშტაბის უფროსმა საჩქაროდ ამოიღო საქალაქი-

დან ფურცელი, საქალაქის დასადებად აქეთ-იქით მი-
მოიხედა, მაგიდასთან მივიდა, საქალაქე დადო, სწრა-
ფად დაბრუნდა თავის ადგილზე და ხმამაღლა კითხვას შე-
უდგა...

ისევ სიჩუმე ჩამოვარდა. სტალინიმა გულდასმით ამო-
ჩხრიკა ჩიბუხი და საფერფლეში ჩაფერთხა თამბაქოს და-
უწვავი ნარჩენები. მერე მაგიდიდან „გერცეგოვინი ფლო-
რის“ კოლოფი აიღო და გახსნა. ორი პაპიროსი ამოიღო,
თამბაქო დაფშენა, გამოცარიელებული ქალაქის პილზე-
ბი საფერფლეში ჩააგდო და კვლავ ჩიბუხის გატენას შე-
უდგა.

აუჩქარებლად მიმოავლო ანთებული ასანთი თამბაქოს
ზედაპირზე, გააბოლა და თქვა:

— ამგვარი დირექტივა უნდა ჩავთვალოთ... ნაადრე-
ვად. მოამზადეთ სხვა, უფრო მოკლე. მასში უნდა გატარ-
დეს აზრი, რომ ოცდაორი იენისის წინადაქმეს საზღვარზე
შესაძლოა მოხდეს პროვოკაციები. საამისოდ მზად უნდა
ვიყოთ, მაგრამ მათზე... — ოდნავ პაუზის შემდეგ ჩიბუ-
ხიანი ხელი ისე ჩაიქნია, თითქოს რაღაც უხილავს იშო-
რებსო და გაიმეორა: — მაგრამ მათზე არ უნდა წამოვე-
გოთ.

...სტალინი კვლავინდებურად დუმდა. დუმდა მავთუ-
ლის მეორე ბოლოში მყოფი გენერალიც. მას კრემლის
„ტრიალა“ ტელეფონის აპარატის ყურმილი ისევ მაგრად
ჩაებლუჭა, რომ ხელში ტკივილს გრძნობდა. თვალწინ კი
ედგა ყოველივე ის, რაც თორმეტი საათის წინ კრემლში,
სტალინის კაბინეტში მოხდა.

„რას ფიქრობს ახლა იგი, რას ფიქრობს?! — მოუთ-
მენლად სურდა გენერალს მიხედრილიყო.

სტალინიც კი საწოლად გადაქცეულ დივანზე ნახევრად
ჩაცმული იქდა, ტელეფონის მაგიდას დაყრდნობოდა და
გრძნობდა, რომ რაღაც უზარმაზარი სიმძიმე სულ ქვე-
ვით და ქვევით, მიწისაკენ ეწეოდა. ყურმილი მაგიდაზე
დაუშვა, მაგრამ ხელი არ მოუცილებია. და მასაც თვალ-
წინ იგივე სურათი ედგა, როგორც იმ კაცს, ახლა რომ
ყურთან ყურმილმიჭერილი უდიდესი შეშფოთებითა და
განცვიფრებით ფიქრობდა. რატომ დუმს სტალინი? დიახ,
ისინი ამ წამებში ერთმანეთს ზედავდნენ. ხელაედნენ იმ

სახით, როგორითაც თორმეტი საათის წინ, უკანასკნელი შეხვედრისას იღგნენ ერთიმეორის პირისპირ.

თითოეული მათგანი თავისებურ ფიქრებს შეეპყრო.

„შეცდომა იყო, — ფიქრობდა გენერალი, — შეცდომა იყო, რომ სტალინმა არ დაუჯერა იმ გერმანელ ჯარისკაცს, არ დაგვიჯერა ჩვენ. აკრძალა ნაწილთა და შენაერთთა მეთაურებისათვის ხელების გახსნის ბრძანება... ახლა რატომ დუმს, რატომ თავისი ჩვეული გაბედულებით არ გასცემს ამ წუთში ერთადერთ შესაძლებელ განკარგულებას?..“

„მაინც რა ხდება იქ, საზღვარზე? — ფიქრობდა სწორედ იმავე დროს მაღალი ლობით ტყისგან გამოყოფილ მყუდრო ხის სახლში კაცი და ხელში ტელეფონის ყურმილი ჩაებლუჯა. — პანიკა ხომ არ არის ყოველივე ეს? იქნებ იმ ადამიანთა დამახასიათებელი ისტერიკაა, რომლებსაც მოვლენათა არსში ჩაწვდომის უნარი არ გააჩნიათ და მხოლოდ ზედაპირულად სჯიან? მათ, ეტყობა, არ ეეკვებათ, რომ ის ჯარისკაცი მართალი იყო. მაგრამ განა სიცრუე ხშირად უდავო სიმართლის სამოსელით არ გვევლინება ხოლმე? განა არ შეიძლება ეს დაბრმავა, რომელსაც უთუოდ აზვიადებენ პანიკიორები, მხოლოდ კარგად მოფიქრებული პროვოკაციის რგოლი იყოს?“

არა, შეუძლებელია ჰიტლერი ისე სულელი გამოდგეს, რომ საბჭოთა კავშირის წინააღმდეგ ომი წამოიწყოს, სანამ ინგლისს დაამარცხებდეს. ეს დაბრმავა — უეჭველი პროვოკაციაა. და იგი სწორედ ასეთი გრანდიოზული მასშტაბისა უნდა იყოს, რომ პანიკაში ჩააგდოს სუსტნერვებიანი ადამიანები. ჰიტლერი უთუოდ მოელის ისეთ საპასუხო მოქმედებას, რომელიც მისცემს მას საშუალებას, დაარწმუნოს გერმანელები და ყველა თავისი სატელიტი აგრესიაში საბჭოთა კავშირის მხრივ. განა გამორიცხულია, რომ მან მაინც შეძლოს ინგლისთან შეთანხმება? იქნებ იმ ბებერმა მელამ, კომუნიზმის იმ დაუძინებელმა მტერმა ჩერჩილმა დაარწმუნა გერმანელები შეეცვალათ დარტყმის მიმართულება და ახლა ჰიტლერს მსოფლიო საზოგადოებრიობის თვალში თავისი მომდევნო ნაბიჯის გადადგმის გამართლება სჭირდება?..“

და რაც უფრო მეტს ფიქრობდა სტალინი ამაზე, მით უფრო რწმუნდებოდა თავის ვარაუდთა სამართლიანობაში. ბოლოს ყურთან მიიტანა მან ტელეფონის ყურმილი და აუჩქარებლივ, მაგრამ ხმადაბლა, მისი ლაპარაკის ჩვეული მანერისათვის მეტად ჩუმად წარმოთქვა:

— დაუყოვნებლივ მოღიჯ კრემლში. სახკომთან ერ-
თად.

მან ყურმილი ჩამოკიდა, პასუხს აღარ დაელოდა.

...ნახევარი საათიც არ იქნებოდა გასული, და გრძე-
ლი შავი მანქანები ღია ჰიშკრიდან გამოსრიალდნენ. სე-
ლექტორით გაფრთხილებულმა ქუჩაში მოძრაობის მარე-
გულირებელი განყოფილების მუშაებმა სასწრაფოდ გა-
დართეს შუქნიშნები წითელ შუქზე დოროგომილოვისა
და არბატის მთელ სიგრძეზე. ბოროვიცკის ჰიშკრის შესა-
სვლელთან გუშავის ქიხურში გამაფრთხილებელი ზარი
აწყრიალდა. ამ კვირადღის განთიადზე ერთეული გამვლე-
ლები პატივისცემით აუოლებდნენ თვალს ქვაფენილის
ცენტრალურ ნაწილზე მიმავალ მანქანებს. ეჭვი არ ეპარე-
ბოდათ, რომ ერთ-ერთში სტალინი იჯდა. და ფიქრობდ-
ნენ: „საქმეები... საქმეები! ასე გვიანია, მას კი არ სძინავს...
მას არ სძინავს... საქმეები აქვს!..“

ადამიანები შინისაკენ მიიჩქაროდნენ სტუმრობიდან,
რესტორნებიდან, შაბათსაღამოს წვეულებებიდან. ზოგს
ხელში ეკავა პატეფონი, პატარა ჩემოდანი ფირფიტებით,
ზოგნი კუთხეებში მოგროვილიყვენ და თავისუფალ ტაქსს
ეძებდნენ. ყველანი შინისაკენ ეშურებოდნენ, სიამოვნებით
ოცნებობდნენ ხვალინდელ უქმე დღეზე, რომ უფრო მეტ
ხანს შეეძლოთ ძილი. თუ ხვალ კარგი ამინდი გამოვა, წაე-
ლენ ხიმიკში, ან სერებრიანი ბორში, ან სოფლის მეურ-
ნეობის გამოფენაზე...

ყველაფერი, ყველაფერი შეუძლიათ გააკეთონ, რადგან
ვისზეც დამოკიდებულია მათი ხვალინდელი დღე, მათი
მომავალი, ისინი ღამითაც არ იძინებენ. და მათ შორის
არის სტალინი — ყველაზე ბრძენი, ყველაზე საქმიანი,
შორსმკვრეტელი, დიდი ადამიანი... რომელმაც არ იცის
არც ძილი, არც დასვენება და იცავს მათ ყოველგვარი
საშიშროებისაგან, მტრების ყველა ხრიკისაგან...

როცა მარშალი და არმიის გენერალი შევიდნენ სახკომ-
საბჭოს თავმჯდომარის კრემლის კაბინეტში, რომელიც
მუხის პანელითა და ლინკარუსტით იყო მოპირკეთებული,
პოლიტბიუროს წევრები უკვე სხდომებისათვის განკუთვი-
ნილი გრძელი მაგიდის ორივე მხარეს ისხდნენ.

სტალინს ხელში ეკირა თამბაქოთი დატენილი, მაგრამ
მოუყიდებელი ჩიბუხი. მან არ უპასუხა სამხედრო პირ-
თა მისალმებას და ყრუდ წარმოთქვა:

— დაიწყეთ მოხსენება.

მარშალმა ლაკონურად მოახსენა შექმნილ მდგომარეობაზე: მტერი ბომბავს მურმანსკს, ტალინს, კიევს, მოგილიოვს, ოდესას... მისი ჭარები უტევენ საზღვარს მთელ დასავლეთის ფრონტზე.

იგი ცდილობდა დინჯად ელაპარაკა და სიტყვებისათვის ემოციური შეფერვა არ მიეცა, მაგრამ მიუხედავად ამისა, ეს სიტყვები აქ ჰექაქუხილივით ისმოდა, როცა მარშალმა დაასრულა, სიჩუმე ჩამოვარდა. ყველა იქ მყოფს თვალები სტალინისაკენ მიეპყრო. მაგრამ სტალინიც დუმდა და ჩიბუხში ცერით გულდასმით ტენიდა თამბაქოს.

ბოლოს გაისმა მისი ხმა:

— ერთი შითხარით, არ გეჩვენებათ, რომ ყოველივე ეს შესაძლებელია პროვოკაცია იყოს?

ეს სიტყვები მან თითქოს ჩვეულებრივი, მკრთალი, თითქმის უინტონაციო ხმით თქვა. მაგრამ ყველა, ვისაც ხშირად მოუხმენია სტალინისათვის, ახლა მის ტონში რაღაც ახალ, წინათ წარმოუდგენელ, თითქოს თხოვნის კილოს შეამჩნევდა.

და ამის გამო ოთახში შეშფოთებამ უფრო იმატა.

სტალინი კი პასუხს ელოდებოდა. იგი კითხვის გამომეტყველებით შესცქეროდა სამხედროებს, თავი ოდნავ გადაეწია და ნიკაპი ცოტათი წინ წამოეწია; ჩიბუხიანი ხელი, საათის ისრებივით რომ ხაზავდა ნარნარა ნახევარბრუნებს, ჰაერში გაშეშებოდა.

და ყველამ, ვინც ამ დიდ ოთახში იმყოფებოდა, იგრძნო, სტალინის ყველაზე დიდი სურვილი ახლა დადებითი პასუხის მიღება იყო. ეს განსაკუთრებით ნათლად იგრძნო ორმა სამხედრომ — ხმელ-ხმელმა, მარშლის ვარსკვლავებიანმა და ტანმორჩილმა, მასიურთავიანმა არმიის გენერალმა.

შემთხვევით თუ განზრახ, პასუხის მოლოდინში სტალინმა სწორედ გენერალზე შეაჩერა მზერა და იგი მიხვდა, პასუხის გაცემა მას მოუხდებოდა.

გენერალმა კარგად იცოდა, რომ ადამიანები არაიშვიათად აძლევდნენ ამ ნაცრისფერ ქურთუქსა და რბილ ჩექმებში გამოწყობილ ტანმორჩილ კაცს ისეთ პასუხებს, როგორც მას სურდა მოესმინა. ისინი ამას ალღოთი გრძნობდნენ.

და იქნებ ამ მწარე გრძნობის გავლენით გენერალმა

უფრო ხმამაღლა, უფრო მკვეთრად და სწორხაზოვნად უპასუხა, ვიდრე აპირებდა:

— რაღა პროვოკაცია შეიძლება იყოს ეს, ამხანაგო სტალინ? ჩვენს ქალაქებს ხომ ბომბებს უშენენ!

სტალინმა მოუთმენლად გააქნია ხელი და უკმაყოფილოდ თქვა:

— გერმანელები — პროვოკაციების ცნობილი ოსტატები არიან. ამის გულისათვის ისინი თავიანთი ქალაქების დაბომბვასაც არ შოერიდებიან.

მან თვალი შეავლო დამსწრეთ, თითქოს ჩვეულ მხარდაჭერას ეძებსო.

მაგრამ ყველანი დუმდნენ.

სტალინმა ოთახში რამდენიმე უხმაურო ნაბიჯი გადადგა და მაგიდასთან მჯდომი მოლოტოვის პირდაპირ შეჩერდა.

— სასწრაფოდ უნდა დაუკავშირდეთ ბერლინს, — თქვა მან და ჩიბუხნის მოღუნული ტარით მოლოტოვს მიუთითო, — გერმანიის საელჩოში უნდა დავკრეკოთ.

ყველამ თითქოს თავისუფლად ამოისუნთქა: სტალინის სიტყვები ერთგვარ მოქმედებას შეიცავდა, ხოლო რა მოქმედებას, რა ბრძანებას — ამას სტალინისაგან ელოდნენ.

მოლოტოვი აჩქარებით წამოდგა და დიდ საწერ მაგიდასთან მდგარ ტელეფონებიან პატარა მაგიდას მიაშურა. ერთ-ერთი ყურმილი აიღო და ხმადაბლა გადასცა მითითება საგარეო საქმეთა სახალხო კომისარიატის მორიგეს.

სიჩუმე ჩამოვარდა. სტალინი კვლავ კედლის გასწვრივ ბოლთის ცემას შეუდგა. იგი უწინდებურად ჩამქრალი ჩიბუხნით ხელში დადიოდა და მხოლოდ დროდადრო მოაბრუნებდა თავს და კიდევ უფრო შეანელებდა ნაბიჯს, თითქოს ყურს უგდებდნენ. და მათ, ვინც ამ ოთახში შეკრებილიყვნენ, ეჩვენებოდათ, რომ მას იმ შორეული კანონადის ხმის გაგონება უნდოდა.

გაისმა ტელეფონის ზარი. მოლოტოვი პატარა მაგიდას არ მოშორებია, ისე აიღო სწრაფად ყურმილი. რამდენიმე წამს იგი მდუმარედ უსმენდა. შემდეგ წარმოთქვა: „მოვიდეს“, ყურმილი დადო, სტალინს მიუბრუნდა და ენის ოღნავ ბორძიკით თქვა:

— შ-შულენბურგს დაუყოვნებლივ უნდა ჩემი ნახვა. ამბობს, მნიშვნელოვანი ცნობა მაქვსო. მე ვუთხარა: მოვიდეს-მეთქი.

— წადი, — მოკლედ მოსკრა სტალინმა.

ბოლოტოვი ჩქარი ნაბიჯით გავიდა ოთახიდან.

ისევ სიჩუმე ჩამოვარდა. მარშალი და გენერლები ისევ ასე ოთახის შუაგულში იდგნენ. არაეინ სთავაზობდა მათ დამსხდარიყვნენ. თვით სტალინიც ფეხზე იდგა. ასე, რომ ყველაფერი ბუნებრივად გამოიყურებოდა. აი, სწორედ ასე იდგნენ ისინი თორმეტი, არა, ახლა უკვე ცამეტი საათის წინ, როცა ჩვენს მხარეზე გადმოსულ კაცზე ლაპარაკობდნენ. ყველანი იმავე ადგილებზე იდგნენ. „რომ შეიძლებოდეს დროის დაბრუნება, მისი შეჩერება, ცამეტი საათით უკუგდება!“ — გაიფიქრა გენშტაბის უფროსმა და იმავე წამს სტალინმა თვალი თვალში გაუყარა.

და გენერალს მოეჩვენა, რომ სტალინმა ამოიკითხა მიწის აზრები და ახლა აღარ აშორებს თავის ცივ, გამსჭვალავ მზერას, თითქოს ყვედრებით ეუბნება: „ეს ჩერ კიდევ ვნახოთ, ამხანაგო არმიის გენერალო! სამხედრო საქმეებში თქვენ ერკვევით, მაგრამ პოლიტიკა გაცილებით ნაკლებად გაგეგებათ. თქვენ არ შეგიძლიათ ჩაწვდეთ მტრის ვერაგულ ზრახვებს. მე კი, მათ კარგად ვხედავ. და დრო დაამტკიცებს ამას“.

გენერალმა იცოდა, რომ სტალინი ვერ იტანდა, როცა მისი დაეინებული მზერისაგან თვალებს დახრიდნენ. თუ ადამიანი გაუძლებდა მის მზერას და თვალს არ მოარიდებდა, სტალინს ეს გულწრფელობის, ფარული აზრის უქონლობის ნიშნად მიაჩნდა.

მაგრამ ახლა არმიის გენერალი, ეს დაბალი, განიერ სწორ მხრებზე აღმართული დიდი თავის და მძიმე ნიკაპის მქონე კაცი იმიტომ კი არ უცქეროდა სტალინს ჩაშტერებით, რომ ეშინოდა.

არა, მას უბრალოდ ძალიან უნდოდა, რომ სტალინი მართალი გამოსულიყო, სტალინის დაეინებულ მზერაში გენერალს უნდოდა ამოეკითხა მტკიცე რწმენა, რაღაც ისეთის ცოდნა, რაც ამ ოთახში მყოფთა შორის არც ერთმა არ იცოდა, მაგრამ რაც საბოლოო ანგარიშში ძირეულად შეცვლიდა მდგომარეობას.

ბოლოს სტალინმა თვალი მოაშორა გენერალს და კედლის გასწვრივ ისევ რამდენიმე ნაბიჯი გადადგა. ხალიჩაზე სავსებით უხმაუროდ დააბიჯებდა, გენერალს კი მოეჩვენა, რომ ნაბიჯების ხმა ყურში ჩაესმოდა.

იგი არაეინს აღარ უცქეროდა. ყველა იქ მყოფის მზერა კი მასზე იყო მიჯაჭვული და თითქოს უხილავი ძაფებით

მასთან შეერთებული. სტალინი ოთახის შორეულ ბოლოსკენ გაემართებოდა, ყველა თავს იქით მიაბრუნებდა ბოლომდე. როცა უკან ბრუნდებოდა, ყველა განუწყვეტლივ ჩასტყეროდა მისი სახის გამომეტყველებას, რალაც მნიშვნელოვან, გადამწყვეტ სიტყვებს ელოდა.

მაგრამ სტალინი დუმდა.

დაძაბულ სიჩუმეში თითქოს ვერავინ შეამჩნია, ოთახში ისევ როგორ გაჩნდა მოლოტოვი. ყრუ ხმით, ისე რომ ცალკე არავისთვის არ მიუმართავს, მან წარმოთქვა:

— გერმანიის მთავრობამ ომი გამოგვიცხადა.

ამ სიტყვებმა სტალინს მაშინ მოუსწრო, როცა იგი ოთახის შორეული კუთხისაკენ მიემართებოდა.

ამის გაგონებაზე იგი უცბად შემოტრიალდა. და სწორედ ამ წამს ყველამ დაინახა, რომ მასში რალაც შეუმჩნეველი, მაგრამ შექველი ცვლილება მოხდა.

მან რამდენიმე არამტკიცე ნაბიჯი გადადგა, მაგრამ ჩვეული მარშრუტით კი არა, არამედ ოთახის სიღრმეში. შემდეგ თითქოს ვერაფერს ხედავსო, მაგიდას მიუახლოვდა და ნელა დაეშვა თავისუფალ სკამზე. იგი მოხრილი იჭდა, თავი დაეხარა. დატენილი, მაგრამ გაუჩაღებელი ჩიბუხი ძაგუიდაზე დაედო. მილიონობით ადამიანის წარმოსახვით სტალინის ხელთან სამუდამოდ შერწყმული, თითქოს ამ ხელის ბუნებრივი გაგრძელება პატარა მოლუნული ხის ნაჭერი გამოუსადეგრად იდო ფართო მაგიდაზე. ბოლოს სტალინმა თავი ასწია, საჩვენებელი თითი სამხედრო პირებისაკენ გაიშვირა — და თქვა:

— მიეცით დაუყოვნებლივ დირექტივა, რომ ჩვენმა ჯარებმა უკუაგდონ მტრის იერიშები. მაგრამ, — განაგრძობდა იგი მოულოდნელად ხმის აწევით და თითქოს უხილავ ოპონენტს ეკამათებო, — უბრძანეთ, ჯერჯერობით საზღვარი არ გადალახონ, — იგი წუთით გაჩუმდა და უკვე ხმადაბლა დაუმატა. — ავიაციის გარდა. წადით.

უკანასკნელი სიტყვა მან თითქმის თავისი ჩვეული დინჯი, მბრძანებლური კილოთი წარმოთქვა, მაგრამ მიუხედავად ამისა, ყველამ მწარედ იგრძნო, რომ ამჯერად მას ხმა როგორღაც არაბუნებრივად გაისმა.

არც მეორე დღეს, არც მომდევნო ორი დღე-ღამის განმავლობაში ვერც სტალინს, ვერც მის უახლოეს ხელმძღვანელ ამხანაგებს ჯერ კიდევ ვერ წარმოედგინათ, როგორ

განვითარდებოდა ომის ამბები. წინასწარ ბოლომდე ვერ განექვევრითათ ჩვენს ქვეყანაში ჩამოწოლილი საშიშროების მასშტაბები.

სტალინიც და პოლიტბიუროს წევრებიც დარწმუნებული იყვნენ წითელი არმიის ძლიერებაში. მათ ეჭვი არ ეპარებოდათ, რომ მტერი უახლოეს ხანში მოგერიებულ და საბჭოთა ტერიტორიიდან უკუგდებულ იქნებოდა. მესაზღვრეთა თავდადებული წინააღმდეგობისა და უკრაინაში ჩვენი ჯარების მედგარი თავდაცვის შესახებ ცნობები თითქოს ადასტურებდნენ ამ გულდაჩერებულობას.

შაულიაისა და რაეა-რუსკაის მიმართულელებით ჩვენს ტერიტორიაზე შემოჭრილი მტერი დამარცხებულ და უკუგდებულ იქნა საზღვრის იქით. სამხრეთ-დასავლეთის მიმართულეებაზე საბჭოთა ჯარებმა დაიბრუნეს გერმანელების მიერ აღებული პერემიშლი...

მაგრამ ამავე დროს გროვდებოდა სხვა შემაშფოთებელი, საშიშარი ფაქტები.

22 ივნისს ჯერ კიდევ დღის მეორე ნახევარში ფრონტებს მიეცათ ბრძანება გადასულიყვნენ გადამწყვეტ შეტევაზე მტრის მთავარი დარტყმების მიმართულეებაზე. მომდევნო სამი დღის განმავლობაში ცხადი გახდა, რომ ჩატარებულმა კონტრშეტევამ, თუმცა მტრის წინსვლა უეჭველად შეაკავა, მაგრამ დასახულ მიზანს ვერ მიაღწია. სულ ახალ-ახალი პატაკები მოწმობდა იმას, რომ საპასუხო დარტყმის ჩანაფიქრი და საბრძოლო მოქმედებათა მოწინააღმდეგის ტერიტორიაზე გადატანა ვერ ხერხდებოდა. დიდი დანაკარგებით დასუსტებულ საბჭოთა ჯარებს, მიუხედავად იმისა, რომ თავგანწირვით იბრძოდნენ, არ შეეძლოთ არც მტრის შეჩერება, არც მის მიერ მოხდენილი ღრმა გარღვევების ლიკვიდირება. განსაკუთრებით მძიმე მდგომარეობა შეიქმნა ბელორუსიაში.

გვიან საღამოს სტალინი და მისი თანმხლები პოლიტბიუროს რამდენიმე წევრი მოულოდნელად მოვიდნენ თავდაცვის სახალხო კომისარიატის შენობაში ფრუნზეს ქუჩაზე.

სახკომის კაბინეტში შესვლისას სტალინი დამშვიდებული და თავის თავში დარწმუნებული იყო. მაგრამ სწორედ იქ, სახელმწიფოს ხელმძღვანელობის ცენტრში, მან მთელი კონკრეტულობით პირველად შეიგრძნო მოახლოე-

ბული საშიშროების მასშტაბები. მოწინააღმდეგის სატან-
კო ჯგუფები ცდილობდნენ მარწუხებში მოემწყვდიათ მინ-
სკი და გეგონებოდა, მათს წინსვლას ველარაფერი აღუდ-
გებოდა. მტრის დარტყმისაგან უკანდახეულ ჩვენს ჯარებ-
თან კავშირი დარღვეული იყო...

გარეგნულად ჩვეულებრივ მშვიდმა, საუბარსა და მოძ-
რაობაში დინჯმა სტალინმა ამჯერად თავი ვერ შეიკავა.
იგი მრისხანე საყვედურებით დაესხა თავს სახალხო კომი-
სარიატსა და გენშტაბის ხელმძღვანელებს. შემდეგ, ზედ
არავისთვის შეუხედავს, თავდახრილი, მხრებჩამოყრილი
გავიდა შენობიდან, ჩაჭდა მანქანაში და კუნცეევოში წა-
ვიდა.

...არავინ არ იცოდა, რას ფიქრობდა სტალინი მომდევ-
ნო რამდენიმე ათეული საათის განმავლობაში. იგი არავის
არ უნახავს. იგი არ გამოჩენილა კრემლში. არავის არ მო-
უსმენია მისი ხმა ტელეფონის ყურმილში. მას არავინ არ
გამოუძახია. და ვერც ერთ მათგანს, ვინც იმ დღეებში
ყოველ საათს ელოდა გამოძახებას, ვერ გადაეწყვიტა გა-
მოუძახებლად ხლებოდა მას...

პოლიტიბუროს წევრებს, სახკომებს, თავდაცვის სა-
ხალხო კომისარიატის ხელმძღვანელებს, გენშტაბსა და
არმიის პოლიტიკურ სამმართველოს ერთბაშად თავს და-
ატყდა ზურგში და ფრონტებზე საომარ ღონისძიებათა გან-
ხორციელებასთან დაკავშირებული ათასობით დიდი და
პატარა საქმე. უმოკმედოდ არავინ არ დარჩენილა.

დილიდან ნაშუალამეევამდე გადაუდებელი საქმეებით
დაკავებულნი ხშირად ეკითხებოდნენ ერთმანეთს: სად არ-
ის სტალინი, რატომ დუმს იგი?

ჰოდა რას აკეთებდა, რას ფიქრობდა იგი იმ გრძელ,
საშინელ საათებში? ამის შესახებ მხოლოდ მკითხაობა თუ
შეიძლება. იმ ღამეს იგი გამოვიდა თავდაცვის სახალხო
კომისარიატის შენობიდან, როგორც ტრანსში ჩავარდნი-
ლი, ვერაფერს და ვერავის ხედავდა. მანქანაში ჩაჭდა.
ციალებდნენ შუქნიშნები, საყვირის ხმაზე გვერდს უქცე-
დნენ შემხვედრი ავტომობილები. უხმაუროდ გაიღო კუნ-
ცეეოს აგარაკის ყრუდ დახურული ჭიშკარი...

შესაძლოა, იგი მდუმარედ შევიდა ოთახში, რომელიც
სასადილოსა და კაბინეტის მაგივრობას უწყევდა. ქალა-
დებისა და გაზეთების გროვა განზე გასწია და დაჭდა. გუ-
ლის არეში ძლიერი ტკივილი იგრძნო. უნდობლად მიუგ-
ღო ყური ამ ტკივილს. იგი იშვიათად ავადმყოფობდა და

ექიმებს მაგარი, ჯანმრთელი კაცის უგულვებელყოფით ექცეოდა.

თუმცა წელიწადში ერთხელ თუ ორჯერ მაინც აძლევდა ნებას ექიმს, გაესინჯა იგი. სასადილო ოთახში, ქურკლის კარადაში, ყოველ შემთხვევისათვის იღვა რამდენიმე წამლის შუშა, მაგრამ სტალინი ამ წამლებს არასოდეს არ ღებულობდა.

და აი ახლა შევიდა სასადილო ოთახში, მივიდა კარადასთან, გამოაღო, მრავალი წლის მანძილზე იქნებ პირველად დააქქერდა წამლის შუშებს. და ხელიც არ უხლია, სრულიად მექანიკური შოძრაობით მიხურა კარი.

ნელი, მისთვის უჩვეულო ფრატუნა ნაბიჯებით გაიარა რბილ სქელ ხალიჩაზე — თითქმის ერთადერთ ფუფუნების საგანზე, რომელიც დაშვებულ იქნა ამ სახლში — ფანჯარასთან შეჩერდა, ბაღში გადაიხედა.

დილის საათებში მას უყვარდა ალუბლის ხეებით გარშემორტყმულ ტალავარში ჯდომა და კითხვა. უყვარდა ვაშლის ხის თეთრი ფერის ცქერა.

მან ფანჯარა გამოაღო, ჰაერი ღრმად ჩაისუნთქა, მაგრამ ვერ იგრძნო მცენარეთა ჩვეულებრივი სურნელება. მოეჩვენა, რომ ჰაერში დამწვრის მწვავე სუნი ტრიალებდა. ფანჯარა მიხურა, მაგიდასთან დაბრუნდა და ისევ დაჯდა.

„როგორ შეიძლებოდა ეს მომხდარიყო? როგორ?.. რატომ იხევენ უკან ჩვენი ჯარები?“ — ეკითხებოდა თავის თავს სტალინი.

და ეს იყო სწორედ ის კითხვა, რომელსაც სულ მალე დაუსვამდა თავის თავს მილიონობით საბჭოთა ადამიანი ზურგსა და ფრონტზე.

იგი ვერ პოულობდა ამ კითხვის პასუხს. რეფლექსი, ჩვეულებრივ, უცხო იყო სტალინისათვის. იგი ყოველთვის გამბედავ, თავისი მთლიანობითა და მიზანსწრაფვით უხეში ბუნების ადამიანადაც კი ჩანდა. დაეჭვება, ყოყმანი სტალინს ადამიანის სერიოზულ მანკად მიაჩნდა — მის მიერ ყველაზე უფრო ათვალწუნებული სახე მსოფლიო ლიტერატურაში პამლეტი იყო.

და მაინც სტალინის თითქოსდა მთლიან ხასიათსა და ქცევას სერიოზული წინააღმდეგობანი ახასიათებდა.

ღიახ, ერთი მხრივ იგი იყო კომუნისმის აშენების იდეის უსაზღვროდ ერთგული რევოლუციონერი. მისი ინიციატივით ღებულობდნენ და მისი ხელმძღვანელობით

ხორციელდებოდა ჩვენს ქვეყანაში ყველა კარდინალური გადაწყვეტილება. მის სახელთან იყო დაკავშირებული პარტიის ბრძოლა სწვადასხვაგვარი ოპოზიციის წინააღმდეგ, რომლებსაც აერთიანებდა საერთოდ რწმენის უქონლობა რუსეთში სოციალიზმის აშენების შესაძლებლობის ან მისი მშენებლობისათვის აღებული ტემპების შესახებ. იგი ცენტრალურ კომიტეტს სათავეში ედგა იმ წლებში, როცა ხორციელდებოდა ქვეყნის კოლექტივიზაცია და ინდუსტრიალიზაცია — პროცესები, რომლებისათვის მილიონობით ადამიანის ფსიქიკაზე თავის გავლენის, მათთან დაკავშირებული ტექნიკური პროგრესის სიღრმის მიხედვით შეიძლება გვეწოდებინა მეორე რევოლუცია. მის სახელთან იყო დაკავშირებული საბჭოთა კავშირის ძლიერ ინდუსტრიულ სახელმწიფოდ გარდაქმნა, გეგონებოდა, სტალინი ყოველთვის მიდიოდა წინ, უკან მიუხედავად.

მასში ცოცხლობდა გამანჯილებელი გრძობა დროისა, მისი დინებისა. სტალინის მიერ მიღებულ მთავარ გადაწყვეტილებებს საფუძვლად ედო დროის ლიმიტი, შეგნება იმისა, რომ „ეს უნდა მოვასწროთ“, „მოვასწროთ“, სანამ გვაქვს „შესვენება“; გამოვიყენოთ კომუნიზმის მტრების ბანაკში არსებული წინააღმდეგობანი, მოვიგოთ დრო საბჭოთა ქვეყნის ძლიერების განსამტკიცებლად.

და აქამდე როგორც ამ გადაწყვეტილებათა მიღებაში, ისე მათი განხორციელების ხელმძღვანელობაში სტალინი მუდამ სწორე იყო.

მაშ რა მოხდა ახლა? მაინც რათ გაჩაღდა ომი, წინააღმდეგ მისი მტკიცე რწმენისა, რატომ იხვევენ ჩვენი ჯარები?..

...იქდა იგი ერთბაშად რამდენიმე წლით დაბერებული. სულ არ ჰგავდა იმ პორტრეტებზე გამოსახულ სტალინს, რომელსაც წელიწადში ორჯერ ხალხი ლენინის მაგზოლუუმის ტრიბუნაზე ხედავდა. არ ჰგავდა იმ მარად მხნე სტალინს, რომელსაც სახეზე არ ეტყობოდა ნაყუავილარი და შავ თმაში ჰალარა არ ეკარებოდა; სტალინს, რომელიც თითქოს არასოდეს არ იხდიდა ყველა ღილზე შეკრულ ქურთუკს და არ იშორებდა მოღუნულ ჩიბუხს, იმ სტალინს, რომელსაც ხანდახან თვითონაც შესამე პირით იხსენიებდა ხოლმე... იქდა მაგიდაზე დახრილი და მწარედ ეკითხებოდა საკუთარ თავს: როგორ მოხდა, რომ ყველაზე

მრისხანე მოვლენა, რაზეც მუდამ ფიქრობდა და რომლის საშიშროებაზე არაერთხელ გაუფრთხილებია პარტია და ხალხი თავის სიტყვებსა და მოხსენებებში, მაინც ასე მოულოდნელად დაატყდა თავს?

რაშია შეცდომა, რაში?! რატომ იხევენ უკან ჩვენი ქარები?

იქნებ, ქვეყნის თავდაცვას საკმარისი ყურადღება არ ეთმობოდა? იქნებ, თანხები არ ემეტებოდათ ამისათვის? იქნებ, ქვეყნის საუკეთესო მეცნიერები არ იყვნენ მოწვეული უახლესი სამხედრო ტექნიკის შესაქმნელად? იქნებ, არმიისა და ხალხის აღზრდა არ ხდებოდა მობილიზაციისათვის მუდმივი მზადყოფნის სულისკვეთებით? იქნებ, სათანადოდ ვერ შეაფასეს ჰიტლერი, მისი არმია, მიივიწყეს გერმანული ფაშიზმის საშიშროება, დაამშვიდეს თავიანთი თავი და ხალხი წითელი არმიის უძლეველობის შთაგონებით?

„არა, არა!“ — უპასუხებდა გულში სტალინი.

ხომ არ გამოუტანიათ არც ერთი მნიშვნელოვანი გადაწყვეტილება ომის საშიშროების გათვალისწინების გარეშე. ყოველ საათს, დღე-ღამეს, თვეს აღიქვამდნენ მხოლოდ როგორც შესვენებას, რომელიც ძალ-ღონისა და საშუალებათა დაუზოგავად უნდა გამოეყენებინათ. განა რაღაც ათი წლის განმავლობაში ჩვენი არტილერია შეიძღვრ არ გაიზარდა, ტანკსაწინააღმდეგო და სატანკო კი — ჩვიდმეტჯერ? ჩვიდმეტჯერ! არსებითად ახლად შეიქმნა ჩვენი სატანკო ქარები. ექვსჯერ გაიზარდა თვითმფრინავების რაოდენობა! სამხედრო-საზღვაო ფლოტმა ხუთასი ახალი ხომალდი მიიღო — განა ეს ცოტაა? განა შეიძლებოდა უფრო მეტი მოგვეთხოვა ხალხისაგან, რომელსაც სულ რაღაც ათი წელი ჰქონდა იმისათვის, რომ თვალუწვდენელ ვეებერთელა, ლატაკ, გლეხურ ქვეყანაში შეექმნა თავისი საკუთარი ინდუსტრია, შეექმნა გამოცდილების უქონლად, გაჭირვებისა და ტანჯვის ფასად, გარედან ყოველგვარი დახმარების გარეშე?

განა მომავალ ომზე შეშფოთების აზრით არ იყო გამსჭვალული მწერალთა ნაწარმოებები, კინოფილმები, განა არ ისმოდა იგი სიმღერებში, არ ყვიროდა პლაკატებიდან? განა თვითონ მას, სტალინს, წარმოუთქვამს თუნდაც ერთი მოხსენება, რომელშიც არ გამოეთქვა გაფრთხილება ომის საშიშროებაზე?

მაშ მაინც მთიდან მოწყვეტილი ზვავივით რათ, დაგ-

ვატყდა თავს ომი? რატომ იწვის აეროდრომზე ჩვენი თვითმფრინავები, რატომ არ მისცემს თავის ყოვლისგანანადგურებელ ზალპს არტილერია, რათ იხევენ უკან მებრძოლები?

...იგი მხრებში მოხრილი გაუნძრევლად იჯდა გრძელ, ვიწრო მაგიდასთან, რომელზეც უწესრიგოდ ეყარა ქაღალდები და გაზეთები. ფართო ფანჯრის იქით მზე კაშკაშებდა, ბალი სურნელებას აფრქვევდა. ქალაქგარეთ მდებარე, ტყით გარშემორტყმულ ამ სახლში გარედან არავითარი ხმაური არ შემოდისოდა.

აქ შემოსვლის უფლების მქონეთაგანს არც ერთს არ უნახავს სტალინი ასეთი — არც დაცვის უფროსს თავისი შრავალრიცხოვანი შტატით, არც მოხუც ქალს, დაწესებულ დროს დივანზე ლოგინს რომ უგებდა და შუადღისას, როცა სტალინი ტალავარში წავიდოდა, ისევე აალაგებდა ხოლმე...

ისინი ფრთხილად იკყიტებოდნენ სასადილო ოთახის ნახევრადლია კარში, მალულად თვალყურს ადევნებდნენ უძრავად მჯდომს. ეგონათ, რომ მას ეძინა.

მაგრამ სტალინს არ ეძინა. მის ყურებში, მის ცნობიერებაში ისმოდა ხმები, გრიანებდა საარტილერიო ზალპები. და მას სურდა თავისი შინაგანი ხმით ჩაეჭრო, დაეძლია, ჩაეხშო ყველა ეს ხმა.

„არა, არა! — ეპასუხებოდა შინაგანი ხმა. — ჩვენ ვემზადებოდით ომისათვის, არ ვთვლემდით! ერთი კვირაც არ გავიდოდა ისე, რომ სამხედრო პირებს პოლიტიბიუროსთვის არ მოეხსენებინათ ახალ სამხედრო შეიარაღებათა პროექტები, ყოველთვიურად მივემგზავრებოდით აეროდრომებსა და პოლიგონებზე, რომ პირადად დაერწმუნებულიყავით ახალი ტექნიკის ბრძოლისუნარიანობაში. განა სულ ახლახან არ მოახდინეს „ტ-34“ ტანკის შესანიშნავი ღირსებათა დემონსტრირება? განა რომელიმე არმიას მსოფლიოში მოეპოვება ასეთი ტანკი? განა ჩკალოვის, გრომოვის, კოკინაქის, გრიზოდუმოვას გაფრენები ჩვენი საავიაციო ტექნიკის ძლიერებისა და მფრინავთა შესანიშნავი ხელოვნების ობიექტური საბუთი არ იყო?

მაგრამ, მაშინ იქნებ სხვა რამეშია შეცდომა? იქნებ იგი საბჭოთა კავშირ-გერმანიის პაქტში იმალება?

არა! ეს ხელშეკრულება აუცილებელი, გარდაუვალი იყო. ამის გადაწყვეტა ადვილი როდი იყო, მაგრამ ამას მოითხოვდა ქვეყნის ინტერესები.

განა დასავლეთის სახელმწიფოები საბოტაჟს არ უწყევდნენ ჩვენს მრავალი წლის ცდებს — შეგვექმნა ფაშისტური აგრესიის საწინააღმდეგოდ კოლექტიური უშიშროება? განა მათ არ უღალატეს მშვიდობას მიზნებში? განა ჩემბერლენმა და დალადიემ არ გამოგზავნეს მოსკოვში პაიკები, რომელთაც ჰიტლერის საწინააღმდეგო ქმედითი პაქტის დადებისა კი არა კერძო ხასიათის სამხედრო გადაწყვეტილების მიღების რწმუნებაც არა ჰქონდათ.

რა გვიპასუხეს მათ, კომუნიზმის ამ დაუძინებელმა მტრებმა, როცა ჩვენ გვინდოდა დავხმარებოდით ჩეხოსლოვაკიას და მის დაპყრობაში ჰიტლერისათვის ხელი შეგვეშალა? რა გააკეთა საფრანგეთმა? სამხედრო დახმარებაზე უარი უთხრა ჩეხოსლოვაკიას. რა გვიპასუხა პოლონეთის მთავრობამ? „პოლონეთის ტერიტორიაზე არც ერთ საბჭოთა ჯარისკაცს არ გავატარებთ!“ როგორ მოიქცა ბენეში? მან ამჯობინა უგულვებლედ ყო საბჭოთა კავშირის მხრივ დახმარება და ჰიტლერის წინაშე კაპიტულაცია განაცხადა. ინგლისი და საფრანგეთი ყველაფერს აკეთებდნენ იმისათვის, რომ ჰიტლერის „გული მოეგოთ“, ოღონდ კი იგი მიბრუნებულიყო აღმოსავლეთისაკენ, რა უნდა გვექნა?!

დიახ, ამ პაქტის დადება ადვილი როდი იყო... მაგრამ განა ამან არ მოგვცა საშუალება, რომ თითქმის ორი წელი მშვიდობიანად გვეცხოვრა, როცა ევროპაში უკვე ომი ბოიქრობდა? განა ჩვენ ვერ შევძელით შორს გადაგვეწია ჩვენი საზღვრები? და განა ეს მორჩილების პაქტი იყო? არა, ჩვენ ფხიზლად ვადევნებდით თვალს მტრის ხრიკებს. როცა საჭირო იყო ჩვენ არ გვეშინოდა დიდ სახელმწიფოს ხმით მასთან ლაპარაკისა, განა მოლოტოვი ბერლინში ისე ჩავიდა, როგორც მთხოვნელი?

მაშ, მიუხედავად ყოველგვარი ზომების მიღებისა, რათ დაგვატყდა თავს გერმანელთა დარტყმა მოულოდნელად? რატომ? — სიმწრით, გულის ტკივილით ეკითხებოდა თავის თავს სტალინი. — იქნებ რაიმე საბედისწერო შეეცდომა დავუშვით, თუ ვერაფერს ვუსაყვიდურებ ჩემს თავს?!

და იგი ვერ პოულობდა პასუხს ამ უღმობელ კიოხვაზე. იმ დღეებში მას არ შეეძლო პასუხის მონახვა, რადგან ეს კაცი არა მარტო ნებისყოფის სიძლიერით გამოირჩეოდა, არამედ უდიდესი პოლიტიკური გამოცდილებით, გონებითა და კომუნიზმის საქმისადმი ერთგულებით. მაგრამ ამათთან ლოგიკურად თითქოს შეუთავსებელი სხვა

თვისუბებიც ჰქონდა: თავის შეუმცდარობაში წლიდან წლამდე თანდათან განმტკიცებული რწმენა, ეკვიანობა და გაუმართლებელი სისასტიკე — არა უბრალოდ რევოლუციის მტრებთან ბრძოლაში აუცილებელი სისასტიკე, არამედ სწორედ ის სისასტიკე, როგორითაც ასე ხშირად თავისიანებსაც ურტყამდა.

არა, მიზეზი იმაში არ მდგომარეობდა, რომ ომისათვის არ ვემზადებოდით. უკანასკნელ წლებში, თვეებში არმიანზე ზრუნვა პარტიისა, ცკ-სი და მთავრობის მთავარი საზრუნავი იყო. ცდილობდნენ არმიისათვის მიეცათ იმის მაქსიმუმი, რის წარმოებაც შეეძლო ახლად შექმნილ სოციალისტურ ინდუსტრიას.

და რასაკვირველია, ჰიტლერთან დადებულ პაქტში კი არ მდგომარეობდა სტალინის შეცდომა, — ეს იყო არამტკიცე ხელშეკრულება, იძულებითი, გარდაუვალი. წინასწარგანსაზღვრული იმ დიდი კაპიტალისტური სახელმწიფოების მიერ მიუხეხნის ღალატით, რომლებსაც მიზნად ჰქონდათ დასახული ხელები გაეხსნათ გერმანელებისათვის; საბჭოთა ქვეყნისაკენ მიემართათ იგი.

შეცდომა სხვა რამეში იყო. და სწორედ ამაში გამოიხატა სტალინის წინააღმდეგობათა შემცველი ხასიათი, მისი აზროვნების ავტორიტარულობა, მასში შემოქმედებითი და დოგმატური ელემენტების უცნაური შეთავსება.

ხელისუფლების სათავეში ჰიტლერის ჩადგომის მომენტიდან საბჭოთა კავშირზე მის არა თუ შესაძლებელ, გარდაუვალ თავდასხმაშიც დარწმუნებული იყო სტალინი. ამ თავდასხმას ყოველ საათს ელოდა, როცა ცხადი გახდა, რომ ინგლისსა და საფრანგეთს არა სურთ საბჭოთა კავშირთან ერთად ჰიტლერის მოთოკვა და პირიქით, ცდილობენ, რომ გერმანელმა დიქტატორმა ომი აუტეხოს სოციალისტურ ქვეყანას. მაგრამ როცა ჰიტლერმა მოლოდინის წინააღმდეგ დასაველეთში დაიწყო ომი, სტალინი გაუმართლებლად დამშვიდდა.

მან ისევ დაძაბა ყურადღება გერმანიისა და საფრანგეთს შორის „უცნაური ომის“ პერიოდში მაყინოს ხაზზე გერმანელთა ჯარების საეჭვო უმოქმედობის დროს. იმ აზრმა, რომ ჰიტლერი ამ დროს მოლაპარაკებას აწარმოებდა საფრანგეთის გამყიდველ მთავრობასთან, სტალინის სიფხიზლე ისევ გაამახვილა.

მაგრამ როცა გერმანიამ ომი დაუწყო ინგლისს, სტალინი დარწმუნდა, რომ ჰიტლერი დიდი ხნით ჩაეთლო. მხო-

ლოდ და მხოლოდ გერმანიის ავიაციის ძალებით ინგლისის დაპყრობა, რა თქმა უნდა, მას არ სჯეროდა. ხოლო გერმანელთა ჭარების ლამანშზე გადავლით კუნძულებზე გადასხმა ძნელ საქმედ ჰქონდა წარმოდგენილი. ეს ჰიტლერისაგან ადამიანთა უზარმაზარ რეზერვებსა და ტექნიკას მოითხოვდა. თავის დროზე ამის მსგავს ცდაზე ტყუილად როდი თქვა უარი თითქოსდა უძლეველმა ნაპოლეონმა.

ასეა თუ ისე, სტალინი ვარაუდობდა, თუ ჰიტლერი გადაწყვეტს ინგლისის ტერიტორიაზე ომის გადატანას, საბჭოთა კავშირს მინიმუმ ერთი წელიწადი ექნებოდა რეზერვში. ომის შესაძლებლობა კი, რომ გერმანია თავს დაესხმის საბჭოთა კავშირს ინგლისთან მომქანცველი ომის წარმოებასთან ერთდროულად, სტალინს არაჩეალურად მიიჩნდა. რასაკვირველია, ფიქრობდა იგი, მთელი ეს ამბები თუმცა გადადებს, მაგრამ არამც და არამც არ სპობს საბჭოთა კავშირ-გერმანიის ომის პერსპექტივებს. მაგრამ ვარაუდი გვიკარნახებს, რომ ჰიტლერმა გინდაც დაიპყროს ინგლისი და მსოფლიოზე ბატონობის წყურვილით შეპყრობილმა, თავისი არმია აღმოსავლეთისაკენ შეაბრუნოს, ამ ახალ ომს იგი დაიწყებს მნიშვნელოვნად დასუსტებულ, წარმატების რეალური შანსების გარეშე.

რა თქმა უნდა, ფიქრობდა სტალინი, ალბათ რჩება სხვა საშიშროება: დიდი ბრიტანეთის მმართველნი-დღემდე ვერ განშორებიან თავიანთ ჭერ კიდევ განუხორციელებელ ოცნებას — მიუსიონ ჰიტლერი საბჭოთა კავშირს. შექმნილ პირობებში ასეთი ჩანაფიქრის განხორციელებას ინგლისისათვის განსაკუთრებული მნიშვნელობა ექნებოდა, რადგან მისი არსებობის საკითხი წყუდებოდა.

იმპერიალისტთა ბანაკში სოციალისტური ქვეყნის ხარჯზე შეთანხმების შესაძლებლობას სტალინი არასოდეს არ გამორიცხავდა. მაშასადამე არ გამორიცხავდა ისეთ სიტუაციასაც, რომლის დროსაც ინგლისი შეძლებდა დაერწმუნებინა ჰიტლერი არ დალოდებოდა, ვიდრე საბჭოთა კავშირის ძლიერება კიდევ უფრო გაიზრდებოდა. შერიგებოდა ბრიტანეთს, მოკავშირედ გაეხადა ან ნეიტრალურად ექცია და დაერტყა აღმოსავლეთისათვის.

ასეთ პირობებში, სტალინის რწმენით, საბჭოთა კავშირის აშკარა საომარი-აქტივიზაცია, სამობილიზაციო გეგმის შეუპოვარი განხორციელება, უეჭველად შეამსუბუქებდა ინგლისის განზრახვებს და ჰიტლერთან საიდუმლო თამაშში კოზირად გადაიქცეოდა.

მაშასადამე, ამოცანა იმაში მდგომარეობდა, რომ მოგვეგო დრო. იგი ჩვენი, საბჭოთა კავშირის სასარგებლოდ მუშაობდა, რათა კიდევ წელიწადი-წელიწადნახევარი არმიის გეგმაზომიერი ხელახალი შეიარაღებისათვის გამოგვეყენებინა. ამასთანავე პროვოკაციების საბაზი არ მიგვიცა. ასეთი იყო სტალინის ვარაუდი. და მას ასეთი ვარაუდისათვის ჰქონდა ლოგიკური, პოლიტიკური და სტრატეგიული საფუძველი.

მაგრამ ყველაზე სწორი ვარაუდის დოგმად გადაქცევა კარგავს თავის პირვანდელ აზრს. ამ შემთხვევაში ყველა ახალი ფაქტი, თუ ის რამდენადმე ეწინააღმდეგება ადრე მიღებულ გადაწყვეტილებას, უარყოფილი იქნება.

ცნობებს, რომლებიც მოწმობდნენ ჰიტლერის მზადებას სსრ კავშირზე თავდასხმისათვის, სტალინს ატყობინებდნენ საბჭოთა მზვერავები. ზოგიერთ ამ ცნობათაგანს იგი არაღაგდებდა, ზოგს არ აძლევდა ისეთ მნიშვნელობას, როგორსაც ის იმსახურებდა. მეტიც, ინგლისელთა ან თვით ჰიტლერის მხრივ რაიმე ეშმაკური ნაბიჯის გადადგმის ყოველდღიურ მოლოდინში, სტალინი ხანდახან მზვერავთა ამ მონაცემებში ხედავდა სწორედ მათ საიდუმლო ჩანაფიქრთა ანარეკლს. დარწმუნებული იყო, რომ გამაფრთხილებელ შეტყობინებათა ავტორები უნებლიე იარაღად ქცეულიყვნენ შტრების ხელში.

ეს საიდუმლო ჩანაფიქრები მარტო სტალინის წარმოდგენაში როდი არსებობდა. მას კარგად ახსოვდა ჩემბერლენის მიერ შის თანამოაზრეთა წრეში თავის დროზე წარმოთქმული სიტყვები: „ჩვენთვის, რასაკვირველია, ყველაზე კარგი იქნებოდა, ჰიტლერი და სტალინი რომ დაეტაკებოდნენ და დაგლეჯდნენ ერთმანეთს“. სტალინის ყურადღების დაქაბვა მართებული იყო.

მაგრამ იგი ცდებოდა, როცა თვალს ხუჭავდა თავისი პროგნოზის, თავისი ვარაუდის საწინააღმდეგო სულ ახალ-ახალ ფაქტებზე. დასავლეთში გაჩაღებული ომის დაუშთავრებლად ჰიტლერის მიერ ახალი ომის დაწყებას დაუშვებლად თვლიდა სტალინი და იგი ლოგიკურად მართალი იყო. მას გერმანელი დიქტატორი ისეთ უგუნურად არ მი-აჩნდა, რომელიც თავს მოიხვევდა მეორე გახანგრძლივებულ ფრონტს.

მაგრამ ჰიტლერი სხვაგვარად მსჯელობდა, ვიდრე სტალინი. ჰიტლერს არ სჯეროდა საბჭოთა ხალხის ერთსულოვნება და სიმტკიცე. არ სჯეროდა წითელი არმიის სიძლიე-

რე. მას არ დაუგეგმია ხანგრძლივი ომი. ფიქრობდა, რომ „ბლიცკრიგის“ გზით რამდენიმე კვირაში დაამარცხებდა საბჭოთა კავშირს.

მაგრამ ჰიტლერის აზრი ასეთ ვარაუდზე, ფიქრადაც არ მოსვლია სტალინს. იგი დარწმუნებული იყო საბჭოთა სახელმწიფოს ძლიერებაში. ისიც სჯეროდა, რომ ჰიტლერიც მხედველობაში მიიღებდა ამ ფაქტორს.

მოიქცა თუ არა სტალინი წინდაუხედავად, როცა მტკიცედ სჯეროდა, რომ ომი ერთ წელზე უფრო ადრე ვერ დაიწყებოდა? არა, ასეთი მტკიცება სწორი არ იქნებოდა. ჯერ კიდევ საბედისწეროდ ქცეული 1941 წლის. დასაწყისში გენშტაბმა სამხედრო ოლქებთან და ფლოტებთან ერთად შეიმუშავა საბჭოთა კავშირის სახელმწიფო საზღვრის დაცვის ახალი გეგმა. იმავე თვეში მთავრობამ შეიარაღებულ ძალთა მობილიზაციის გეგმა დაამტკიცა. თანახმად ამ გეგმისა, ჩატარდა მიწერილი შემადგენლობის სასწავლო შეკრება — კიდევ მილიონამდე კაცმა ჩაიკცა სამხედრო ფორმა. მაისში გენშტაბმა მიიღო მითითება, დაუყოვნებლივ შედგომოდა საფრონტო საკომანდო პუნქტების მშენებლობას და დაემთავრებინა გამაგრებული რაიონების მშენებლობა.

და მაინც დარტყმა მოულოდნელი აღმოჩნდა. „რატომ მოხდა ასე, რატომ? მაშ, რაში მდგომარეობდა შეცდომა?“ — ისევ და ისევ ეკითხებოდა თავს სტალინი.

მაგრამ ანალიზს, რის გაბედვაც ამ კაცს შეეძლო, თავისი საზღვარი ჰქონდა. იგი სტალინი აღარ იქნებოდა, ყოველთვის პირდაპირ და მიუდგომლად რომ შეძლებოდა ყველა თავისი ვარაუდისა და საქციელის შეფასება.

სტალინად ყოფნა კი ძალიან ბევრს ნიშნავდა:

ეს ნიშნავდა სიცრუისადმი სიძულვილს და არაიშვიათად ტყუილისადმი დამორჩილებას, ადამიანების დაფასებას და მათ არდანდობას, თავისი გემოვნების მიხედვით სპარტანელად ყოფნას და პომპეზობის წაქეზებას, კომუნისმისათვის საკუთარი სისხლის წვეთ-წვეთობით გაღებისათვის მზადყოფნას, დოგმატიზმისა და ქება-დიდებას სიძულვილსა და მათი გავრცელების ხელშეწყობას, ბელადთა კულტის ესერულ ცდომილებად მიჩნევას და საკუთარ კულტზე თვალის დახუჭვას...

თავისი უცოდველობისადმი, თავისი წინასწარხედვის

შეუცდომლობისადმი, ერთადერთ მართებულ გადაწყვეტილებათა მიღების მხოლოდ მისთვის დამახასიათებელი უნარისადმი რწმენა, რაც წლებზე განმავლობაში განუმტკიცდა, სტალინს დღესაც საშუალებას არ აძლევდა, მოენახა სწორი პასუხი კითხვაზე, „რამი მდგომარეობდა შეცდომა“.

თავის თავში რომ ეპოვა ძალა, გამბედაობა და სურვილი ობიექტურად და შეუბრალებლად შეეფასებინა თავისი საქციელი, სხვა რამეც გარდაუვლად უნდა გახებოდა მას. უნდა გახსენებოდა რომ სწორედ მისი ნებით, მისი გაუმართლებელი, ჯანსაღი აზრის საზღვარს გადაცილებული ექვიანობით წინა წლებში არმიამ ესოდენ მძიმე ზარალი განიცადა კადრების მხრივ:

...მაგრამ ახლა ქალაქების გროვაზე მძიმედ დახრილ სტალინს საეჭვოა ეფიქრა ყოველივე ამაზე. შესაძლოა, მთელი ეს მწარე ფიქრები მოგვიანებით აღეძრას მას. ყოველ შემთხვევაში სულ მალე მისმა რკინისებურმა ნებისყოფამ დაძლია თავზარდაცემულობა და იგი ისევ გახდა სტალინი, როგორც წინათ უნახავთ.

ჯერ კი ისევ გრძელ, ვიწრო მაგიდას უჯდა მარტოდმარტო, გულის დამამძიმებელ სიჩუმეში.

საღლაც აქედან მრავალი ასეული კილომეტრის იქით, ბარენცის ზღვიდან შავ ზღვამდე უკვე ქუხდა ომი. საღლაც იდგნენ სასიკვდილოდ თავგანწირული საბჭოთა ადამიანები და სტალინის სახელით, სამშობლოს სადიდებლად კვდებოდნენ. მათ არ ყოფნიდათ იარაღი — მძლავრი მანევრისუნარიანი, საიმედო ჯავშნით დაცული ტანკები. არ ყოფნიდათ ტანკსაწინააღმდეგო და საზენიტო არტილერიის ქვემეხები, სხვადასხვა კალიბრის ზარბაზნები. არ ყოფნიდათ ავტომატები... ჩვენი ჯარები აღმოჩნდნენ განლაგებული ოთხნახევარი ათასი კილომეტრის სიგრძისა და ოთხას კილომეტრზე მეტი სიღრმის ფრონტზე. და იმ პირველ ტრაგიკულ დღეებში მტრის დამრტყმელ დაჭუფებათა პირისპირ იდგნენ მხოლოდ მესაზღვრეთა ნაწილები და მხოლოდ საზღვრის ახლოს მყოფი, პირველი ეშელონების მსროლელთა ცალკეული დივიზიები...

და ყოველივე ამაში საეჭვოა, რომ ჯერჯერობით ანგარიშს აძლევდა თავის თავს სტალინი. მაგრამ ერთი რამ კი იცოდა: მოხდა რაღაც გაუთვალისწინებელი, მრისხანე, რამაც გადაატრიალა მისი ვარაუდები...

მტერთაგან ვინმეს სასწაულის ძალით რომ ენახა ამ წუთებში სტალინი, იგი ღვარძლიანად წინასწარ დატკბებოდა გამარჯვებით, დიდი სოციალისტური სახელმწიფოს კრახით.

ეს გარდაუვალია — იტყოდა, ალბათ, მტერი — მილიონობით საბჭოთა ადამიანი ზომ მუდამ ჩვეული იყო ენახა სტალინი მოვლენათა მწვერვალზე. განა მას არ ხატავდნენ ყველა პლაკატზე, ლენინის მსგავსად, მომავლისაკენ მიმართული, გზის მაჩვენებელი ხელით? განა მისი სიტყვები არ გაისმოდა ქვეყნის ყველაზე მაღალი ტრიბუნებიდან? განა მის მიერ წამოყენებული ლოზუნგები არ ედო საფუძვლად ყველა დიადი საქმის აღსრულებას? განა იგი არ აწერდა ხელს ყველა მთავარ გადაწყვეტილებას? განა მისგან არ მოვლიან მუდამ უსაქიროეს, უმნიშვნელოვანეს სიტყვას?..

და აი იგი ზის მღუმარე, მძიმე ფიქრებში ჩაფლული, ხალხისაგან დაშორებით იმ წუთებში, როცა მისი ქვეყანა დგას სასიკვდილო საშიშროების წინაშე. მაშასადამე, ეს ქვეყანა განწირულია!

ალბათ, სწორედ ასე იმსჯელებდა გამარჯვებით წინასწარ დამტკბარი ჩვენი მტერი.

მაგრამ ეს იქნებოდა უხეში, საბედისწერო შეცდომა, და არა მხოლოდ იმიტომ, რომ გაივლის სულ რამდენიმე ათეული საათი და სტალინი იპოვის თავის თავში ძალასა და გამბედაობას სათავეში ჩაუდგეს არმიის უმაღლეს სარდლობასაც და ქვეყნის თავდაცვის კომიტეტსაც. საქმე სხვა რამ იყო...

სწორედ ამ ტრაგიკულ დღეებში უდავოდ ნათელი გახდა, რომ სტალინში კი არ მდგომარეობს, უწინარეს ყოვლისა, ჩვენი ქვეყნის უძლეველი ძალა, არამედ მის სოციალურ წყობილებაში, კომუნიზმის საქმისადმი მილიონობით ადამიანის ერთგულებაში.

და სწორედ იმ წუთებში, როცა სტალინი ჯერ კიდევ მძიმე ფიქრთა ტყვეობაში იყო, ასობით, ათასობით ადამიანი, სამოქალაქო თუ სამხედრო — საკ კპ(ბ) ცკ-ში, მოკავშირე რესპუბლიკათა კომპარტიების ცენტრალურ კომიტეტში, საოლქო კომიტეტსა და რაიკომებში, შტაბებსა და სამხედრო კომისარიატებში — უმოქმედოდ როდი იმყოფებოდა. ათობით მანქანა მიქროდა მოსკოვის დაცარიელებულ ქუჩებში იქით, ძველი მოედნისაკენ, ცკ-ს შენობისაკენ, ბულვარის ლითონის გალავანთან მწკრივში დგებოდ-

ნენ და მანქანებიდან აჩქარებით გამოსული ადამიანები სახლების შესასვლელებში უჩინარდებოდნენ...

მანქანებისა და ადამიანების ასეთივე მოძრაობა შეინიშნებოდა იმ გარიჟრაჟზე მოსკოვის სხვა რაიონშიც ფრუნზეს ქუჩასა და გოგოლის ბუღეარზე, სადაც განლაგებული იყო თავდაცვის სახალხო კომისარიატი, გენერალური შტაბი და წითელი არმიის მთავარი პოლიტიკური სამმართველო...

მოსკოვის ქუჩებში მოტოციკლებითა და ავტომანქანებით დაქროდნენ ფელდშეკავშირეები, აგროვიბდნენ რასსრ კავშირის შეიარაღებულ ძალთა სარდლობის მთავარბანაკის შექმნის შესახებ ცკ-სა და სახკომსაბჭოს გადაწყვეტილების პროექტზე პოლიტიბუროს წევრების, ცკ-ის მდივნებისა და სახალხო კომისართა ხელმოწერებს, გენშტაბში ცდილობდნენ დაემყარებინათ უწყვეტი კავშირი ოლქების შტაბებთან, რომლებიც ახლა ფრონტების სამმართველოები ხდებოდნენ, თუმცა ეს კავშირი ახალ, საომარ პირობებში ჯერ კიდევ არამყარი იყო...

IX

ლენინგრადში იენისის საღამო ოდნავ თუ განსხვავდებოდა დღისაგან. განსაკუთრებით შაბათ საღამოს. თუმცა თერთმეტი საათი სრულდებოდა, 25 ოქტომბრის, ყოფილი ნევის პროსპექტი ისე გამოცოცხლებულიყო როგორც შუადღისას. ქუჩების კუთხეებში ყიდდნენ ყვავილებს — იმ ზაფხულს ლენინგრადში ძალიან ბევრი ყვავილი იყო. კაფე „ნორდთან“ გროვდებოდა ახალგაზრდობა. სასტუმროების „ევროპეისკაიას“ და „ასტორიას“ ხალხით გაჭედილი რესტორნების ესტრადებზე ადგილებს იკავებდნენ მუსიკოსები. დასასვენებელი ბადის ხეივანებში ნელა მიედინებოდნენ მოსეირნეთა ნაკადები. სახლების ფართოდ გაღებული ფანჯრებიდან პატეფონის ხმები და სიცილ-კისკისი ისმოდა.

ნევაზე მშვიდად მიცურავდნენ სასეირნო კანოები. თითქოს არავინ არ ფიქრობდა ძილზე, დაუსრულებლად გრძელდებოდა მზიარული დღე.

მაგრამ ცენტრიდან დაშორებით, სმოლნის რაიონში, სადაც მოთავსებული იყო პარტიის საოლქი და საქალაქო კომიტეტები, ამ გვიან საღამოს სულ სხვა ატმოსფერო სუფევდა.

ვანიერ ჭიშკარში ერთიმეორის მიყოლებით შემოდის-

დნენ მანქანები. გრძელი, დაბალი „ზის-101“-ები; მაღალი, ზანდუკის მსგავსი „ემკები“. სმოლნის შენობისაკენ დაწალიკებით მიდიოდნენ ადამიანები.

შემთხვევით გაძვლელები, რომლებიც იმ საათში სმოლნის ახლოს აღმოჩნდნენ, ამ მოძრაობას განსაკუთრებულ ყურადღებას არ აქცევდნენ, — უკანასკნელი ორი დღის განმავლობაში ქალაქკომის პლენუმი მიმდინარეობდა. ამას იუწყებოდნენ ვაზეთები, ხოლო, რომ იგი ამ დღით დამთავრდა, მხოლოდ ცოტამ თუ იცოდა.

და მხოლოდ ადამიანთა მეტად განსაზღვრულმა წრემ იცოდა, რომ შუალამისას ქალაქკომის მდივანთან ვასნეცოვთან შედგებოდა პარტიული აქტივის საგანგებო სხდომა.

აქტივი უეცრად მოიწვიეს. დღის მეორე ნახევარში, ქალაქკომის პლენუმის დამთავრებიდან სულ რაღაც ორი-სამი საათის შემდეგ, რაიკომების მდივანების, დიდი ქარხნების დირექტორების კაბინეტებსა და პარტიულ კომიტეტებში აწკრიალდა ტელეფონები.

იმათთვის, ვინც შუალამისათვის გამოიძახეს სმოლნში, გამოძახების მიზეზი არ უცნობებიათ.

მაგრამ მაიორმა ზვიაგინცევი ეს მიზეზი იცოდა. მას სადამოს ათ საათზე პოლკოვნიკმა კოროლიოვიმა გამოუძახა და გადასცა სამხედრო საბჭოს წევრის ბრძანება — ღამის თორმეტი საათისათვის ყოფილიყო სმოლნში. მზად ჰქონოდა პასუხები მოსალოდნელ კითხვებზე საზღვარზე თავდაცვითი სამუშაოების მდგომარეობის შესახებ, ვინაიდან ზვიაგინცევი ის-ის იყო იქიდან ჩამოვიდა, ხოლო საინჟინრო სამმართველოს უფროსი ჯერ ისევ სასაზღვრო რაიონში იმყოფებოდა.

შტაბის „ემკამ“ ზვიაგინცევი სმოლნის შესასვლელთან მიიყვანა. თორმეტს რომ თხუთმეტი წუთი აკლდა, დაცვისათვის საბუთების ორჯერ ჩვენების შემდეგ, იგი სხვებთან ერთად აპყვა განიერ ქვის კიბეს მეორე სართულზე და გრძელი დერეფნის ბოლოში მოთავსებულ ქალაქკომის მდივნის კაბინეტისაკენ წაშოვიდა. ურიცკის, ყოფილი დვორცოვიას მოედნიდან, სადაც ლენინგრადის სამხედრო ოლქის შტაბი იყო, მანქანამ, რომელსაც ზვიაგინცევი მიჰყავდა, მთელი ნევის პროსპექტის გასწვრივ ჩაიქროლა, ემკის ღია სარკმლებიდან ესმოდა მას ხმაური უდარდელი მოზეიმე ხალხისა, რომლითაც გაჰედილი იყო ტროტუარები.

და სმოლნში რომ აღმოჩნდა, სწორედ ამიტომ შეიგრძნო მან ასე მკვეთრად აქ გამეფებული დაჭიმული, შემამოფრთხილებელი ატმოსფერო.

თითქოს დაუსრულებლად გრძელ დერეფანში მკრთალად ანათებდნენ კედლის სანათები. სიჩუმე იდგა. ადამიანები მდუმარედ და უხმაუროდ დადიოდნენ: ფართო ხალიჩის საფენი ახშობდა მათ ნაბიჯებს.

...ქალაქკომის მდივნის გაკაშკაშებული კაბინეტის ფანჯრებზე მჭიდროდ ჩამოეფარებინათ მძიმე ფარდები.

როცა ზვიაგინცევი ამ ოთახში შევიდა, იქ უკვე ბევრი ხალხი იყო. მოსულნი კედლების გასწვრივ ჩამწკრივებულ სკამებზე და გრძელი, მწვანე მაუდგადაფარებული, სხდომებისთვის დანიშნულ მაგიდის ორივე მხარეს დამსხდარიყვნენ.

ქალაქკომის მდივანი ვასნეცოვი მაღალი ხმელ-ხმელი, შავთმიანი, მოგრძო სახის ახალგაზრდა კაცი იყო. ღრმად ჩაცვენით თვალებს ზემოთ ხშირი წარბები ღამის შეერთებოდა. მას ზვიაგინცევი პორტრეტებიდან იცნობდა. ის იდგა საწერ მაგიდასთან, კარს შესტკეპროდა, რომელიც წამდაუწუმ იღებოდა და ხმადაბლა იმეორებდა:

— შემოდით, ამხანაგებო, შემოდით...

ზვიაგინცევი კედელთან თავისუფლად დარჩენილი სკამებისკენ გაემართა. გზადაგზა მისალმების ნიშნად წელში სწორდებოდა. ვასნეცოვმაც საპასუხოდ თავი დაუქრა, თან თქვა: „გაიარეთ, ამხანაგებო, გაიარეთ...“

ზვიაგინცევი დაჯდა და ხალხი შეათვალიერა.

ზოგ მათგანს იგი პირადად შეხვედრია, ზოგის ფოტოსურათები კი ბევრჯერ უნახავს გაზეთებში, შემოვიდა პოლკოვნიკი—ქალაქის საჭაერო თავდაცვის უფროსი, შემდეგ — კიროვის ქარხნის დირექტორი, მერე — შინსახკომის სამმართველოს უფროსი... შემოვიდა, შეკრებილთ თავი დაუქრა და ვასნეცოვისკენ გაემართა ლენსაბჭოს თავმჯდომარე პოპკოვი — კანის გალურჯებამდე გაპარსული, გიმნასტურაში გამოწყობილი მხარბეკვანიერი კაცი. ისევ გაიღო კარი და ამჯერად შემოვიდა მაღალი, ხმელ-ხმელი უღვაშა მოხუცი, რომელსაც ძველმოდური შავი კოსტიუმი ეცვა და ვიწრო ნაქსოვი ჰალსტუხი ეკეთა.

„— ეს ხომ ვერას მამაა! — თქვა გუნებაში ზვიაგინცევმა და ძლივს შეიკავა თავი, რომ მის შესაგებებლად არ წამომხტარიყო. — ეს საიდანღა მოხვდა აქ?“

მაგრამ ზვიაგინცევი მაშინვე მიხვდა ამ კითხვის პასუხს.

მან იცოდა, რომ ვერას მამა — ქადრის პუტილოველი მუშაა და მისი აქ ყოფნა იმაზე მეტყველებდა, რომ ალბათ, ქარხნის პარტკომის ან რაიკომის ბიუროს წევრიც კი იყო.

მაგრამ ყოველივე ამან მხოლოდ გაიელვა ზვიაგინცევის ცნობიერებაში და იმ წამსვე განიღვენა შემაშფოთებელი აზრით: „სად არის ვერა?“

მან ივანე მაქსიმეს ძე კოროლიოვთან მისვლა დააპირა, რომ ეკითხა გაემგზავრა სადმე ვერა თუ, საბედნიეროდ, არსად არ წასულა. მაგრამ მოხუცმა ვასნეცოვს თავი დაუკრა და თავისი გრძელი ხელების ოდნავი რხევით მოპირდაპირე კედლისაკენ გაემართა.

... როცა ყველანი დასხდნენ, ვასნეცოვმა მაგიდიდან აიღო ქალაღლის ფურცელი და ხმადაბლა თქვა:

— ქალაქკომის ბიურომ შეგკრიბათ, თქვენ, ამხანაგებო, იმისათვის, რომ მოსკოვიდან მიღებული დეპეშა გაგაცნოთ.

აუჩქარებლივ, ცალკეული ფრაზების გამოყოფით, დაიწყო მან კითხვა. დეპეშაში ლაპარაკი იყო იმაზე, რომ 22-23 ივნისს, ესე იგი ხვალ ან ზეგ, შესაძლებელია მოხდეს გერმანელ ფაშისტთა ჯარების უეცარი თავდასხმა რიგ საზღვრისპირა ოლქების, მათ შორის ლენინგრადის ტერიტორიაზე. ამოცანა ასეთია — არ ავყვეთ არავითარ პროვოკაციას, მაგრამ ოლქის ჯარებს ნაბრძანები ჰქონდათ 22 ივნისის ღამეს ფარულად დაეკაევიანთ საცეცხლე წერტილები სახელმწიფო საზღვრის გამაგრებულ რაიონებში, ხოლო გარიჟრაჟის წინ თავი მოეყარათ ავიაციისათვის საველე, აეროდრომებზე და საგულდაგულოდ შეენიღბათ იგი.

ვასნეცოვმა კითხვა დაამთავრა, ქალაღლი მაგიდაზე დალო და დაჯდა.

სიჩუმე ჩამოვარდა. ღუმდა ვასნეცოვიც, თითქოს სურდა საშუალება მიეცა შეეკრიბილთათვის შეეფასებინათ სიტუაცია, ბოლომდე შეეგრძნოთ მოახლოებული საფრთხე.

ღუმილი რამდენიმე წამს გრძელდებოდა. ზოგი თავდახრილი იჯდა, ზოგი დაძაბული იყურებოდა წინ.

ღუმდა ზვიაგინცევიც. უკვე რამდენჯერმე გადაავლო თვალი ბლოკნოტში თავის ჩანაწერებს და შლიდა იმ შემთხვევისთვის არასაქიროს, თუ ლაპარაკი მოუხდებოდა. ზვიაგინცევს ნაბრძანები ჰქონდა თავისი შეტყობინება შემოეფარგლა საზღვრის გამაგრებულ რაიონებში საინჟინრო სამუშაოთა მოკლე დახასიათებით.

მოულოდნელად გაისმა ხმა, რომელმაც აიძულა ზვი-
აგინცევი სწრაფად აეწია თავი.

— ეს რაა? ომია?!

იკითხა ივანე მაქსიმეს ძე კოროლიოვმა. მას მუხლებ-
ზე დაედო ფართო ხელისგულები და ოდნავ წინ წახრი-
ლი იჯდა.

— არ ვიცი, — დაუყოვნებლივ უბასუხა ვასნეცოვმა. —
ღებეშაში ნათლად არის ნათქვამი: შესაძლებელია პროვო-
კაციები მოხდესო. — წამით გაჩუმდა და უკვე ხმის დაწვეით
დაურთო: — შესაძლოა, ივანე მაქსიმოვიჩ, ომიც...

ისევ სიჩუმე ჩამოვარდა.

მაგრამ ეს დიდხანს არ გაგრძელებულა. ვასნეცოვმა
მზერა ზვიაგინცევზე გადაიტანა და თქვა:

— ამხანაგებო, აქ გვესწრება მაიორი... ამხანაგი ზვია-
გინცევი ოლქის შტაბიდან. თქვენ იცით, რომ ფინეთის სა-
ზღვრის გამაგრებულ რაიონებში დიდსა და სასწრაფო სამუ-
შაოებს ვატარებთ. ამხანაგი ზვიაგინცევი ეს-ეს არის დაბ-
რუნდა საზღვრიდან, სადაც ამ სამუშაოთა მიმდინარეობას
ამოწმებდა. არის წინადადება, მოვისმინოთ, როგორ მი-
დის ამჟამად თავდაცვითი მშენებლობის საქმეები.

ხალხი ხმადაბლა, მაგრამ მოწონების ნიშნად ახმაურდა,
რადგან სიჩუმის დარღვევით შვება იგრძნო.

ზვიაგინცევი წამოდგა. ყველა საჭირო შენიშვნა წინას-
წარ ბლოკნოტში ჰქონდა ჩაწერილი. ახლა ეს ბლოკნოტი
ეჭირა და სიტყვის თქმას აპირებდა.

და თუმცა სულ ერთი წუთის წინ ზვიაგინცევმა გარკ-
ვევით იცოდა, რით უნდა დაეწყო თავისი სიტყვა და რით
დაემთავრებინა, მაგრამ ახლა, როცა ყველა მას ელოდა,
იგი თითქოს დაბნეული ღუშდა.

გავიდა რამდენიმე წამი და ზვიაგინცევმა დაინახა, ვასნე-
ცოვი რალაცნაირი გაოცებით, ხშირი. წარბების ოდნავ
აზიდვით შესტკეპროდა მას. მიხვდა, დაუყოვნებლივ უნდა
დაეწყო ლაპარაკი.

და მაინც ღუშდა...

ზვიაგინცევის მიერ დასახული და სარღობასთან შე-
თანხმებული მისი გამოცვლის გეგმა უკიდურესად მოკლე
და ნათელი იყო. მას უნდა ეცნობებინა, რომ საზღვარზე
ინტენსიურად მიმდინარეობს სამშენებლო სამუშაოები,
რაც სათანადო ვადებში მთლიანად დამთავრდება და, რომ
იტყვიან, საზღვარი ჩაიკეტება. მაგრამ ეს სამუშაოები ახ-
ლა გაცილებით უფრო სწრაფად უნდა წარმოებდეს. და

ვინაიდან ოლქში ჯერ არ ყოფნით ინჟინერ-მშენებლები, მეტად სასურველი იქნებოდა სამოქალაქო ინჟინერთა გარკვეული რაოდენობა თადარიგიდან გაეწვიათ.

ერთი სიტყვით, აზრი ზვიაგინცევის სიტყვისა, რომელიც ახლა უნდა წარმოეთქვა, იმაში მდგომარეობდა, რომ საჭიროა საზღვრის კიდევ უფრო გამაგრება. მაგრამ ამჟამად ყველაფერი რიგზეა. თუ მტერი გაბედავს თავს და გვესხას, გამანადგურებელ დარტყმას იგემებს.

ასეთი იყო სამოქალაქო აუდიტორიაში სამხედრო პირთა სიტყვით გამოსვლის მიღებული ყველა სქემა. ზვიაგინცევიც ამ სქემას უნდა მიჰყოლოდა.

რამდენიმე წუთის წინ ასეთი გამოსვლის კანონზომიერება მასში არავითარ ეჭვს არ იწვევდა. წლების განმავლობაში ზვიაგინცევი მიეჩვია იმ ამბავს, რომ საქმის რეალურ მდგომარეობაზე სამხედრო პირები ერთმანეთში და სამსახურებრივ თათბირებზე ხშირად გულწრფელად ლაპარაკობდნენ, მაგრამ სამოქალაქოთა წინაშე მათს გამოსვლას საფუძვლად ედო უცვლელი გეგმა-კონსპექტი: საჭიროა სიფხიზლე, თოფისწამალი მშრალად უნდა ვიქონიოთ, მაგრამ თუ დაგვეკირდა, მტრის ყოველგვარ დარტყმას სამმაგი დარტყმით ვუპასუხებთ, საკუთარ ტერიტორიაზევე ვურტყამთ.

ასეთი იყო სქემა და ზვიაგინცევს იგი ბუნებრივად და თითქოს თავისთავად გასაგებად მიაჩნდა.

და, მიუხედავად ამისა, სწორედ იმ მომენტში, როცა მას პართლაც ამ სქემის მიხედვით უნდა დაეწყო ლაპარაკი, უცბად მიხვდა, რომ არ შეუძლია ასე თქმა. არ შეუძლია, რადგან განსაკუთრებული ძალით შეიგრძნო, რომ ახლა დგას პარტიის წინაშე, რომ მას ღელევითა და მოლოდინით შესცქერიან ადამიანები, რომლებიც ასეული ათასობით კომუნისტის მიერ არიან არჩეული, და საქმის ნამდვილი მდგომარეობის მათგან დაფარვის ყოველი ცდა უპატიოსნება, ბოროტმოქმედება იქნებოდა.

ოთახში გაოცების ჩქამი გაისმა. ვასნეცოვმა კიდევ უფრო მალა აზიდა წარბები. უკვე აშკარა გაკვირვების და უკმაყოფილების გამომეტყველებით უცქეროდა ზვიაგინცევს, როცა მან ყველასთვის და, უწინარეს ყოვლისა, თავისდა მოულოდნელად თქვა:

— ამხანაგებო, მე ეს-ეს არის დავებრუნდი საზღვრიდან. მდგომარეობა უალრესად ჭერიოზულია...

იმწამსვე სიჩუმე ჩამოვარდა. ყველა თვალმოუწყვრტ-

ლივ შესტკეროდა ზვიაგინცევს. ყურადღებით უცქეროდა მას ვასნეცოვიც. მაგრამ მის სახეზე ახლა მშფოთვარე მოლოდინი აღბეჭდილიყო.

ზვიაგინცევი ყოველივე ამას თითქოს ვერ ამჩნევდა. მას სავსებით დაეუფლა იგივე გრძნობა, რომელიც განიცადა მაშინ, თითქმის წელიწადნახევრის წინათ, როცა კრემლის ტრიბუნაზე იდგა. და არაფერზე ფიქრობდა — არც იმ შთაბეჭდილებაზე, რომელიც იქ შეკრებილებზე შეეძლო მოედინა მის სიტყვას, არც თავის მომავალ ბედზე — და რაღაც მომენტში თვით სტალინის იქ ყოფნაც კი დაავიწყდა. — მღელვარედ და აჩქარებით ლაპარაკობდა იმაზე, რაც გულში დაუგუბდა, რაც უსათუოდ უნდა ეთქვა.

და აი ახლა ზვიაგინცევი მოჰყვა რაც მზვერავ ტოივოსგან მოისმინა, დაწერილებითა და დაუფარავად გააცნო შეკრებილებს თავდაცვითი ნაგებობების მზადყოფნის მდგომარეობა და დაამთავრა ვარაუდით, რომ თუ გერმანელებმა თუნდაც მხოლოდ პროვოკაცია ჩაიფიქრეს, მით უფრო, მზად უნდა ვიყოთ ყველაფრისთვისო.

ისევე მოულოდნელად დაამთავრა მან ლაპარაკი, როგორც დაიწყო. დაჯდა და იქ დამსწრეთ ვეღვი გადაავლო. არავინ შერხეულა. სიჩუმეში ისმოდა, როგორ აკაკუნებდა ვასნეცოვი ფანქარს მინაზე, რომელიც საწერ მაგიდას ფარავდა.

ზვიაგინცევი მიხვდა, რომ ზედმეტის თქმა მოუვიდა. მისი სიტყვა თუ პირდაპირ არ ეწინააღმდეგებოდა ვასნეცოვის მიერ გამოცხადებულ დეპეშას, მაინც აშკარად სცილდებოდა მის ფარგლებს.

ზვიაგინცევის ყურში ჯერ კიდევ ჟღერდა მისი საკუთარი, წელან წარმოთქმული სიტყვები. მხოლოდ ერთი წუთის მოგვიანებით თითქოს შორიდან მოაღწია მასთან ვასნეცოვის ხმამ.

ქალაქკომის მდივანი არავითარ კომენტარებს არ უკეთებდა ზვიაგინცევის სიტყვას — თითქოს ის არც კი ყოფილიყო. იგი ლაპარაკობდა იმაზე, რომ მიღებული დირექტივა ითვალისწინებს ზოგიერთი ქალაქისა და სამხედრო ობიექტების ჩაბნელებას, მორიგეობის დაწესებას და ადგილობრივი საპაირო თავდაცვის აქ დამსწრე წარმომადგენლებს, უფრო მსხვილ საწარმოთა ხელმძღვანელებს ევალებათ მოგვასხენონ ამ დირექტივის შესრულებისათვის მზადყოფნის შესახებ.

— მე მესმის, — განავრძობდა ვასნეცოვი, რომ, რაკი

ამ თათბირის მიზანი წინასწარ არ იყო გამოცხადებული, თქვენ გჭირდებათ დრო მოფიქრებისათვის. ამიტომ ვაცხადებთ შესვენებას ათი წუთით.

იგი დაჯდა, რალაც ქაღალდები თავისკენ მიიწია, პლასტმასის პატარა ჭიქიდან ფერადი ფანქარი ამოიღო და კითხვას შეუდგა.

ხმადაბალი ლაპარაკი გუგუნში გადაიზარდა. ადამიანები ადგილებიდან წამოდგნენ, ჩგუფ-ჩგუფად გროვდებოდნენ, ზოგიერთი თამბაქოს მოსაწევად დერეფანში გავიდა.

ზვიაგინცევა დაბნეული მიმოიხედა, შემდეგ მზერა ვასნეცოვზე შეაჩერა. უნდოდა მასულიყო მასთან და ვითომც სხვათაშორის ეკითხა:

„ნამეტანი ხომ არ გადაეუხვიე?“ — გაეგო, როგორი შთაბეჭდილება მოახდინა მისმა სიტყვამ.

მაგრამ ვასნეცოვს თავი არ აუწევია. „რა თქმა უნდა, ოლქის პოლიტსამმართველოს შეატყობინებს, — მწარედ გაიფიქრა ზვიაგინცევა, — ახსნა-განმარტების დაწერა მომიწევს... ჰოდა, აგრე იყოს! — უთხრა თავის თავს რადაცნაირი თავზე ხელაღებული უდარდებლობით. — მოედანზე ხომ არ მილაპარაკია. აქ სხედან ქალაქკომის ბიუროს წევრები, რაიკომების მდივნები, უმსხვილეს საწარმოთა დირექტორები. მათ წინაშე ტყუილის თქმა არ შეიძლება. მათ ყველაფერი უნდა იცოდნენ, ყველაფერი“.

მან თავი გააქნია. დაინახა, რომ ივანე მაქსიმოვს ძე კოროლიოვიც კარისკენ გაემართა. ვერა გაახსენდა და მის მამას დაედევნა.

დერეფანში მან ოდნავ შეახო ხელი კოროლიოვის მხარს და როცა იგი შემობრუნდა, უთხრა:

— გამარჯობათ, ივანე მაქსიმოვიჩ, ჩვენ ხომ ვიცნობთ ერთმანეთს.

— გაგიმარჯოს, შაიორო, — მიუგო კოროლიოვმა, თან დაეინებით ჩააცქერდა, — მახსოვს. პავლეს თანამშრომელი ხართ. ხომ?

— დიახ, დიახ, — აჩქარებით დაუდასტურა ზვიაგინცევა.

— მაშ რა, ომია? — მკაცრად ჰკითხა კოროლიოვმა.

— ჯერჯერობით ძნელია თქმა, — უპასუხა მისი მომთხოვნ-მკაცრი მანერით შეცბუნებულმა ზვიაგინცევა, — მოსალოდნელია პროვოკაციები. მაგრამ...

— რა ყველას დაგიჩემებიათ — „პროვოკაციები, პრო-

ვოკაციები“!.. — შეაწყვეტინა კოროლიოვმა. — მე საქმის არსზე გეკითხები, სახელწოდებაზე კი არა.

— არა მგონია, რომ მათ მართლაც გაბედონ, — ყოყმანით წამოიწყო ზვიაგინცევა, თან ცდილობდა, ახლა მაინც გაეჭარწყლებინა შთაბეჭდილება თავისი აშკარად თვითნებური სიტყვისაგან, მაგრამ კოროლიოვმა ისევ შეაწყვეტინა.

— არა მგონია!.. — სიტყვების ოდნავ გაკვიანურებით გაიმეორა მან.

მან ხელი ისე გააქნია, თითქოს უნდა ზვიაგინცევი თავიდან მოიშორასო. ჭიბიდან „რაკეტის“ კოლოფი ამოიღო და იქით მიბრუნდა.

— ივანე მაქსიმოვიჩ, მე მინდა გკითხოთ... — მოულოდნელი მორცხვობით წარმოთქვა ზვიაგინცევა.

კოროლიოვი დინჯად აბოლებდა პაპიროსს და მას არ უყურებდა.

— მე მინდა გკითხოთ, — გაიმეორა ზვიაგინცევა, — ვერას შესახებ... სად არის იგი? უკანასკნელად, ტელეფონით რომ ვილაპარაკეთ, მითხრა, გამგზავრებას ვაპირებო...

კოროლიოვმა ყვითელ თითებში ატრიალა მომწვარი ასანთი, ისევ კოლოფში ჩადო და ჩაიბუტბუტა:

— წავიდა. ბელოკამენსკში. დეიდამისთან.

— მე მგონია, სასწრაფოდ უკანვე უნდა გამოვიძახოთ. რა თქმა უნდა, ჩრდილოეთი არ არის, ბელოკამენსკს არაფერი არ ემუქრება, მაგრამ მაინც...

ამჯერად კოროლიოვი დაჟინებით დააცქერდა ზვიაგინცევს.

— მეუბნები, გამოვუძახო?.. — გაიმეორა მან, შემდეგ ზვიაგინცევს ორი თითი ჩაავლო სამხარბლივეში, ოდნავ თავისკენ მიიზიდა და ხმის დაწევით ჰკითხა: — მაშ, იქნება ომი, მაიორო?

— ეშიშობ, რომ იქნება, ივანე მაქსიმოვიჩ, — ძლივს გასაგონად უპასუხა ზვიაგინცევა.

— მაშ ასე, — თავი გააქნია კოროლიოვმა. შემდეგ ამოიღო საათი, თავსახური ახადა, დახედა და თქვა: — ღროა. გავიდა ჩვენი ათი წუთი...

ამ წუთში ვასნეცოვის კაბინეტის კარი გაიღო და ვიდაცამ ხმამაღლა დაიძახა:

— მაიორ ზვიაგინცევს ტელეფონთან სთხოვენი!

ზვიაგინცევი აჩქარებით დაბრუნდა კაბინეტში. ვასნეცოვი ისევ ისე იჯდა კითხვით გართული. ერთ-ერთი ტე-

ლეფონის ყურმილი მოხსნილი იყო და მაგიდაზე იდო.
როცა ზვიაგინცევი მიუახლოვდა, ვასნეცოვმა მალლა
აუხედავად ყურმილზე თავით ანიშნა და მოკლედ უთხრა:
— შტაბიდან არის.

ზვიაგინცევმა ხელი სტაცა ყურმილს და მაგრად მიიჭი-
რა ყურთან. მოესმა უცნობი ხმა:

— მაიორი ზვიაგინცევი ხართ? გელაპარაკებათ მორი-
გე. გამოძახებული ხართ შტაბის უფროსთან. თქვენს წა-
მოსაყვანად გამოსულია მანქანა.

ზვიაგინცევს კინალამ წამოსცდა: „რამე მოხდა? მნიშ-
ვნელოვანი?“ მაგრამ დროზე შეიკავა თავი და მხოლოდ
ეს ჰკითხა:

— მარტო მე?

ამას მოჰყვა მოკლე პაუზა. შემდეგ კვლავ გაისმა მო-
რიგის ხმა, ამჯერად რამდენადმე ყრულ და არც ისე მტკი-
ცედ:

— არა... საერთო განგაშია. ოცდაათ წუთში უნდა გა-
მოცხადდეთ.

ზვიაგინცევმა გიმნასტურის სახელო აიწია და მაჯის
საათს დახედა.

ლამის პირველი საათი იყო. დაიწყო 1941 წლის 22 ივ-
ნისი.

X

საბჭოთა საელჩოდან დილიდანვე დაიწყეს რეკვა. რე-
კავდნენ სხვადასხვა ტელეფონით — საოქმო განყოფილე-
ბაში, პოლიტიკურ დეპარტამენტში, მინისტრის სამდივ-
ნოში და მოითხოვდნენ, რომ რიბენტროპს საბჭოთა ელჩი
მიეღო. პასუხები სტერეოტიპური იყო: ბატონი მინისტრი
აღგილზე არ იმყოფება, იგი ქალაქგარეთ არის და არ ვი-
ციტ, როდის დაბრუნდება. რამდენიმე ხნის შემდეგ სამი-
ნისტროში კვლავ ისმოდა რეკვა... რეგულარულად, ყოველ
ნახევარ საათში. ამ რეკვის მიხედვით შეიძლებოდა დრო-
ის შემოწმება.

ასრულებდა რა პიტლერის ინსტრუქციას, რიბენტროპი
შაბათს სულ არ გამოჩენილა თავის სამინისტროში ვილ-
ჰელმშტრასეზე. ფრთხილობდა, რომელიმე ჩინოვნიკი და-
ინახავდა და რუსებს უპასუხებდა, ბატონი მინისტრი თა-
ვის კაბინეტშიაო.

რიბენტროპმა იცოდა, რატომ უნდოდა ასე დაჟინებით

საბჭოთა ელჩს მასთან შეხვედრა. უკანასკნელ დღეებში საელჩოს წარმომადგენლები არაერთხელ მოსულან საგარეო საქმეთა სამინისტროში მოთხოვნით, ეცნობებინათ გერმანიის მთავრობისათვის საბჭოთა პრეტენზიები: გერმანიის შეიარაღებულ ძალთა თვითმფრინავები სისტემატურად არღვევენ საზღვარსო. ამჟერად საელჩომ, როგორც ჩანს, გადაწყვიტა მორიგი პროტესტი უშუალოდ თვით მინისტრისათვის განეცხადებინა.

მაგრამ ასეთი შეხვედრა რიბენტროპის განზრახვებს არ ეფარდებოდა. მას 22 ივნისის დილის სამ საათზე უნდა ენახა საბჭოთა ელჩი. სწორედ ამ დროს — საბჭოთა კავშირზე გერმანელთა ჯარების თავდასხმიდან ერთი საათის შემდეგ — რიბენტროპს უნდა გამოეძახა საბჭოთა ელჩი და განეცხადებინა, რომ მის სახელმწიფოსთან ომი დაიწყო. ამ შეხვედრისათვის იგი დაძაბულად ემზადებოდა.

იმ შაბათ ღღეს რიბენტროპს მშფოთვარე და ერთმანეთის საწინააღმდეგო ფიქრები დაეუფლა. იგი განიცდიდა სულიერ აღფრთოვანებას, სასიხარულო მღელვარებას და იმავე დროს რაღაცნაირ, თვით მისთვის ბოლომდე შეუცნობელ შეშფოთებას, შიშსაც კი გრძნობდა.

ამ შეგრძნებას არაფერი არ ჰქონდა საერთო იმასთან, რასაც ჩვეულებრივ სინდისის ქენჯნას უწოდებენ. რიბენტროპს სძაგდა თვით ცნება „სინდისი“, როგორც საცოდავი ლიბერალური, ქრისტიანული გამონაგონი. როგორც თავისებური ბორკილი, რომელიც ზღუდავს ქვეშარიტი ნაციონალ-სოციალისტის გონებასა და საქციელს.

მორალის საკითხებისადმი ასეთი დამოკიდებულებიან შეთვისება რიბენტროპისათვის მეტად ადვილი იყო, ვინაიდან ბუნებით იგი სასტიკი, ეშმაკი და ძალაუფლების მოყვარული კარიერისტი იყო.

აქტიურ ნაციონალ-სოციალისტთა დიდ უმრავლესობას სწორედ ასეთი ჯურის ადამიანები წარმომადგენდნენ. მაგრამ ყველა მშვიშარები როდი იყვნენ. რიბენტროპი კი მშვიშარა იყო. სამაგიეროს გადახდის შიში თითქმის ყოველთვის ბუდობდა მის ცნობიერებაში. იგი მოგაგონებდათ თვალშეუდგამ სიმაღლეზე აყვანილ კაცს, რომელიც დროდადრო მაინც იხედება ქვევით, უფსკრულში და გულის კანკალით განიცდის შესაძლებელი ჩამოვარდნის მთელ საშიშროებას. უფრო ხშირად რიბენტროპი ახერხებდა ამ გრძნობის იმდენად ჩახშობას, რომ იგი სრულე-

ზითაც აღარ ეგრძნო. მაგრამ ხანდახან ეს გრძნობა იღვიძებდა და მაშინ მთელ მის არსებას შიში მოიცავდა.

ის, რომ სწორედ მას უნდა გაეკეთებინა საბჭოთა ელჩისათვის ისტორიული განცხადება, რიბენტროპის მთელ არსებას საკუთარი თავის დიდი მნიშვნელობით თავმოწონების შეგრძნებით ავსებდა. თუ დღემდე საექვო იყო შეეა იგი მსოფლიო ისტორიაში, თუ სამუდამოდ დაიფარება თავისი ფიურერის უზარმაზარი პირქუში ჩრდილით, ხვალინდელი დღის განთიადზე ყველა. ეს ეჭვი გაქრება. ამაზე ფიქრი რიბენტროპს ნამდვილ სიამოვნებას ჰგვრიდა. იგი იდგა უზარმაზარი სარკის წინ თავის საწოლ ოთახში, რომელიც ქალის ბუდუარს ჰგავდა. გულში იმ სიტყვებს იმეორებდა, რომლებიც ხვალ საღამოსვე მთელი მსოფლიო პრესის ფურცლებზე მისი პორტრეტის გვერდით უნდა მოთავსებულყო.

სასიამოვნო, სასიხარულო იყო ამით წინასწარ ტკობა. თავისი გრძნობებისათვის განსაკუთრებული სიმახვილე რომ მიენიჭებინა, რიბენტროპი შეეცადა მეხსიერებაში აღედგინა მისთვის მეტად დამამტკიცებელი ეპიზოდები მოლოტოვთან შეხვედრების დროს. როგორ იტანჯებოდა, როგორ ეწამებოდა იგი, რომ არ შეეძლო, უფლება არ ჰქონდა ეთქვა ამ პენსნიანი კაცისათვის, თუ როგორი მომავალი მოელოდა მის უკვე განწირულ ქვეყანას, გამოეცხადებინა მისი სასიკვდილო განაჩენი!

რიბენტროპს სძულდა ეს ქვეყანა, მისი თვალუწვდენელი, ათეულობით გერმანიის ოდენა სივრცეები, მისი იღუმალი, გაუვალი ტყეები, მისი თავის ძალაში დარწმუნებული ხალხი, რომლისთვის მლიქვნელურად უნდა გაეღიმა ზოლმე მოსკოვში თავისი ვიზიტის დროს...

ის, რომ ახლა სწორედ მას უნდა მოეხდინა ისტორიული მნიშვნელობის აქტი — გამოეცხადებინა საბჭოთა ელჩისათვის, ომი უკვე დაიწყო და არ არსებობს ისეთი ძალა, რომელსაც შეუძლია შეაჩეროს გერმანელთა ჯარების ზეგავიო, — რიბენტროპს ბედნიერებას ანიჭებდა, წინასწარ ტკებოდა იმ როლით, რომელიც ისტორიის სცენაზე უნდა შეესრულებინა.

და მაინც... ამ სიხარულის, სიამაყისა და ღვარძლიანობის გრძნობას ერწყმოდა სავსებით სხვა რამეც: შიში.

შიში განა მარტო რიბენტროპს ახასიათებდა. ნაცისტური პარტიისა და სამხედრო თავკაცთაგან მომავლის წინაშე შიშს ბევრი განიცდიდა. რიბენტროპის მსგავსად,

ეს ადამიანები ერეკებოდნენ ზმ გრძნობას, ახშობდნენ მას წარსულ გამარჯვებათა მოგონებებით, გერმანელთა არმიის უძლეველობაზე, გერმანიის ისტორიულ მისიაზე ფიქრებით. მაგრამ მათ ცნობიერებაში შიში არასოდეს არ ქრებოდა საბოლოოდ. ეს იყო შიში მოთამაშისა, რომელიც უზარმაზარ ფსონს ჩადის. და თუმცა მოთამაშემ იცის, რომ მისი ბანქო დანიშნულია და ამიტომ დარწმუნებულია მოგებაში, წაგების მაინც ეშინია.

ეშინია, რადგან ფსონი უზარმაზარია, რადგან იგი მოიცავს არა მარტო ყველაფერს, რასაც ფლობს მოთამაშე, არამედ თვით მის სიცოცხლესაც. ბანქომ ხომ მაინც შეიძლება. კაცს უმტყუნოს, ხომ ყოველთვის არის წაგების სულ რაღაც მცირეოდენი შესაძლებლობა და მაშინ განკითხვის ქამი გარდაუვალია.

სწორედ შიშის ეს ჭერ კიდევ ბუნდოვანი, შეუცნობელი გრძნობა ხელს უშლიდა ახლა რიბენტროპს სრულიად დამტკბარიყო იმ როლით, რომელიც უნდა შეესრულებინა. იგი იცილებდა ამ გრძნობას და ისევ და ისევ იმეორებდა გუნებაში ფიურერის სიტყვებს, რომ რუსეთს სულ რამდენიმე კვირაში მოეღება ბოლო. მეხსიერებაში აცოცხლებდა ვარშავის ნანგრევებს, ავსტრიის, ჩეხოსლოვაკიის, ბელგიის ქუჩებს, რომლებიც სავსე იყო მარშით მავალ გერმანელთა ჯარებით, პარიზის ეიფელის კოშკს, უზარმაზარი ნაციონალური დროშით დაგვირგვინებულს... და მაინც სევდის მგვრელი შფოთვის გრძნობა არ შორდებოდა.

რიბენტროპმა სამინისტროში დარეკა. მდივანმა მოახსენა, რომ საბჭოთა საელჩოდან კვლავ დაეინებით ცდილობენ მიაღწიონ ბატონ მინისტრთან შეხვედრას...

რიბენტროპმა დაადანტურა წინანდელი ინსტრუქცია: იგი არ არის ქალაქში, არ ვიცით, სად იმყოფება. ხელმძღვანელთა შემადგენლობა და თავმჯდომარეები სამუშაოდღის დამთავრების შემდეგ არ დაიშალონ. არავითარი დათხოვნა. არავითარი საშაბათო გასკლა ქალაქგარეთ. ადგილზე უნდა იყვნენ მთელი საღამო. მთელი ღამე...

მან ყურმილი ჩამოკიდა და ისევ ფიქრებში ჩაიძირა. შეეცადა წარმოედგინა ხვალინდელი ბერლინის ქუჩები: გაზეთის გამყიდველთა ყვირილი, მოზეიმე ადამიანთა ბრბოები, საბჭოთა საელჩოს შენობა უნტერ-დენ-ლინდენზე — პირველი დაპყრობილი საბჭოთა ტერიტორია...

ღილის სამი საათისათვის საბჭოთა საელჩოში ტელეფონმა დარეკა. საგარეო საქმეთა სამინისტროს მოხელემ

მშრალად და მოკლედ გადმოსცა, შეეტყობინებინათ ელჩისათვის, რომ ბატონი რიბენტროპი სთხოვს სასწრაფოდ მივიდეს მასთან.

...რიბენტროპმა კი ამ დროს თავის სამსახურის კაბინეტში უკვე მრავალჯერ გაიარა იმის რეპეტიცია, რაც დანიშნულ საათს უნდა მომხდარიყო. ჯდებოდა მაგიდასთან დიდებული და პირქუში, მის გაპრიალებულ ზედაპირზე ორივე ხელის დაყრდნობით ნელ-ნელა დგებოდა, თან წარმოიდგენდა, როგორ შემოდის საბჭოთა ელჩი ფაქტობრივად გაღებულ კარში. ქედმაღლურად, ხელის ჩამოურთმევლად, თავის დაქნევით შესთავაზებდა ელჩს დამჯარიყო და თვითონ პირველი ჩაეშვებოდა საუარძელში. ისევ და ისევ იმეორებდა სიტყვებს, რომლებიც ელჩს უნდა მოესმინა. ბოლოს ისევ დგებოდა, რომ უკვე სრული ფორმით გადაეცა საჭოთა წარმომადგენლისათვის ოფიციალური მემორანდუმი — ასლი იმ დოკუმენტისა, რომელსაც სწორედ იმავე დროს შულენბურგი გადასცემდა მოლოტოვს მოსკოვში.

ამრიგად, თითქოს ყველაფერი წინასწარ მოფიქრებული და შესწავლილი იყო. რიბენტროპს მომავალი ცერემონიის მსვლელობისათვის წუხილის საფუძველი არ გააჩნდა. როლს რომლისთვისაც იგი გუშინდელი დღიდან, — არა, მთელი უკანასკნელი წლების მანძილზე! — ემზადებოდა, ბრწყინვალედ შეასრულებს. და მაინც, როცა დიდი დასადგმელი საათის ისრები სამს მიუახლოვდა, რიბენტროპმა კვლავ განიცადა ის გულისამრევი მწიწკნავი გრძნობა, რომელსაც შიში ეწოდება.

არა, იმისი როდი ეშინოდა, რომ შეიძლება შეეშალოს, დაიბნეს და ცერემონია წახდეს. იგი სხვა რამეზე ფიქრობდა. ეს ხომ სწორედ მას მოელის გახდეს ის ადამიანი, რომელიც ფორმალურად გამოუცხადებს ომს რუსეთს!.. და ამას მსოფლიო არასოდეს არ დაივიწყებს. უკვე არასოდეს და არავითარ პირობებში რიბენტროპი ვერ მოახერხებს უარყოს, რომ სწორედ იგი იყო ეს ადამიანი...

მთელ უკანასკნელ თვეებში იგი ნატვრით ელოდებოდა ამ ისტორიულ მომენტს. მხურვალედ უქერდა მხარს ფურერის ყველა გეგმას, რომელიც რუსეთთან მომავალ ომს ეხებოდა. აი, ახლაც, რომ შეიძლებოდა აქ, კაბინეტში ყოველგვარი მოწმის გარეშე დილაქზე ხელის დაქერა და მთელი იმ სახელმწიფოს თავისი ხალხიანად, ქალაქებიანად, სოფლებიანად აფეთქება, რიბენტროპი ამას უდიდ-

სი სიამოვნებით გააკეთებდა და ოდნავ არ დაჰქეჩნიდა სინდისი.

სინდისის ქენჯნას რიბენტროპი არც ახლა განიცდიდა. მაგრამ სულ უფრო და უფრო ეუფლებოდა ქვეცნობიერი შიში იმისა, რომ შესაძლოა დადგეს სხვა ქამი და მოუხდეს პასუხის გება.

გაივლის წლები და თარჯიმანი შმიდტი, რომელიც აკვირდებოდა რიბენტროპს საბჭოთა ელჩის გამოჩენის წინა წუთებში, დაწერს, რომ არასოდეს არ უნახავს თავისი შეფი ესოდენ აღელვებული, გალიაში მოხვედრილი მხეცივით უზარმაზარ კაბინეტში წინ და უკან მორბენა-ლი...

საბჭოთა ელჩი სულაც ვერ მიხვედრილიყო დამით გამოძახების მიზეზს იგი, დარწმუნებული, რომ ამის საბაბი მისი პირადი დაჯინებითი თხოვნა იყო, რიბენტროპის კაბინეტში ზუსტად სამ საათსა და ოცდაათ წუთზე გამოჩნდა.

მისალმებისას მან ხელი გაუწოდა მინისტრს, რომელიც მაგიდასთან იჯდა და წამოდგა. ეს რიბენტროპს არ გაუთვალისწინებია და გააკეთა რამდენიმე გაუბედავი, ნერვიული მოძრაობა, ხელის ხან ოდნავ აწევითა და ხან დაწევით, სანამ გადაწყვეტდა ელჩისათვის სწრაფად ჩამოერთმია ხელი. შემდეგ ქედმალლური თავის დაქნევით ელჩს ანიშნა დამჭდარიყო და თვითონ პირველი ჩაეშვა სავარძელში. თუმცა რიბენტროპმა მრავალჯერ გაიარა იმის რეპეტიცია, რაც ახლა უნდა მომხდარიყო, ისე ძლიერ დელავდა, რომ პირველ წამებში ერთი სიტყვაც ვერ წარმოთქვა.

ელჩმა რიბენტროპის სიჩუმე თავისებურად ახსნა. მან გაიფიქრა, რომ მინისტრი უბრალოდ ელოდება, რომ გააცნონ მას ის საქმე, რის გულისთვისაც ასე დაჯინებით ცდილობდნენ მასთან შეხვედრას, და პირველმა დაიწყო ლაპარაკი.

მან განაცხადა, რომ აქვს რიგი შეკითხვები, რომლებსაც სჭირდებათ დაუყოვნებლივი განმარტება და რომ საბჭოთა მთავრობა დაჯინებით მოითხოვს, რომ...

მაგრამ ამ მომენტში რიბენტროპმა შეაწყვეტინა ელჩს. ზემოდლა, წივილით, თითქოს თავისი შინაგანი ხმის ჩახშობა სურსო, თქვა, იმას, რის შესახებაც ელჩი ლაპარაკს აპირებს, ახლა არავითარი მნიშვნელობა არა აქვს. ახლა სულ სხვა რამეზე იქნება საუბარი... და დაიწყო მაგიდა-

ზე მღებარე საგნების შფოთიანად გადაადგილება და სიტყ-
ვების კორიანტელი დააყენა.

მოულოდნელობისა და განცვიფრებისაგან გაოგნებულ
ელჩს იგი უყვიროდა, რომ გერმანია ჩასწვდა ვერაგი საბ-
ჭოთა კავშირის საიღუმლო ზრახვებს, რომ ფიურერმა
უტყუარი წყაროებიდან შეიტყო რუსეთის მზადების შე-
სახებ გერმანიაზე თავდასასხმელად და იძულებული გახდა
მიეღო ქმედითი კონტრზომები... შემდეგ რიბენტროპს
სუნთქვა შეეკრა, პაუზა გააკეთა და ზეიმით განაცხადა:
გერმანელთა ჯარებმა იერიში მიიტანეს საბჭოთა კავშირის
საზღვარზე...

საბაბის გარეშე, რაიმე გაფრთხილების გარეშე ომის
გამოცხადების თვით ფაქტი თავისთავად საკმარისი იყო,
რომ ელჩი გაშტერებულიყო.

არანაკლებ განაცვიფრა იგი რიბენტროპის ურცხვმა,
აღმაშფოთებელმა სიცრუემ საბჭოთა კავშირის „საიღუმ-
ლო ზრახვებისა“ და „კონტრზომების“ შესახებ.

რიბენტროპი, როგორც იქნა, გაჩუმდა. წამოდგა, მა-
გიდიდან აიღო წინასწარ დაბეჭდილი მემორანდუმი და
თეატრალური ქესტით გადასცა იგი ელჩს.

ელჩიც წამოდგა, არც კი წაუკითხავს, ისე დაკეცა
ოთხად ქალაღი და ჩაიდო პიჯაკის ჯიბეში.

ღუმილი რამდენიმე წამს გრძელდებოდა. რიბენტრო-
პის მძიმე სუნთქვა ისმოდა. ცხვირის წვერზე მას ოფლის
დიდი წვეთი ეკიდა.

და ბოლოს ელჩმა თავშეკავებით, ცივად და გარეგ-
ნული სიმშვიდით სინანული გამოთქვა იმ ამბების გამო,
რაზეც მთლიანად და სრულად პასუხისმგებლობა გერმა-
ნიას ეკისრება. „რა თავხედური აგრესიაა! თქვენ ინანებთ
ამას...“ — უთხრა ელჩმა. თავისი უკანასკნელი სიტყვების
წარმოთქმისას იგი რიბენტროპს პირდაპირ თვალებში უც-
ქეროდა. შემდეგ ოდნავ დაუქნია თავი, შებრუნდა და ნე-
ლა გაემართა კარისკენ.

მაგრამ ელჩის სწორედ ამ უკანასკნელმა სიტყვებმა
გამოიწვია რიბენტროპში ის ნაცნობი გრძობის მოზღვა-
ვება, რომელსაც იგი ასე დიდხანს და ამოდ ებრძოდა.
მან ნერვიულად შეარხია მხრები, როგორც ეს პიტლერმა
იცოდა. თარჯიმანისთვის მოულოდნელად იგი თითქმის
სირბილით გამოუდგა ელჩს, გვერდით გაჰყვა და დრო-
დადრო პიჯაკის სახელოზე ხელით ეხებოდა, ეტყობოდა.
რალაცის თქმა უნდოდა, მაგრამ სიტყვებს ვერ პოულობდა.

ასე მივიდნენ ისინი კარებამდე. რიბენტროპი ხან ჩამორჩებოდა, ხან წინ უსწრებდა ელჩს.

და უცებ ზედ კართან მისვლისას რიბენტროპმა კვლავ შეაკავა ელჩი სახელოთი და ძლივს გასაგონად, არეულად და სხაპასხუპით უთხრა:

— აუწყეთ იქ... მოსკოვში... მე... არ მინდოდა ეს... მე... მინდოდა დამეჭვრებინა ფიურერი, მაგრამ...

უქანასკნელი სიტყვები მან ცარიელ სივრცეში წარმოთქვა, ვინაიდან ელჩი უკან მოუხედავად და ნაბიჯის შეუნელებლად თავისი თარჯიმნის თანხლებით უკვე გასული იყო კაბინეტიდან.

რიბენტროპი ერთხანს დაბნეული ტოკავდა ზღურბლთან. მერე მოტრიალდა და მაგიდისაკენ გაემართა. გზად საათს შეხედა, ოთხს აკლდა ოცი წუთი. ომის დაწყებიდან უკვე საათი და ორმოცი წუთი გასულიყო. და ქვეყნად არ არსებობდა ისეთი ძალა, რომელიც შეძლებდა მის შეჩერებას.

...რიბენტროპმა შეხედა კედელთან აქამდე ისევ ისე უხმოდ მდგარ შმიდტს, ჩაიციხა და თქვა:

— გადაწყდა ბედი!

მინისტრს ეგონა, რომ თარჯიმანი პასუხად რამეს ეტყოდა, მაგრამ იგი ღუმდა.

— გადაეცით, რომ ათი წუთის შემდეგ ჩემთან შეიკრიბოს სამინისტროს ხელმძღვანელი შემადგენლობა, — გაღიზიანებით უბრძანა რიბენტროპმა, როცა შმიდტმა თავი დაუჭრა და კარისკენ გაემართა, მიაძახა: — არა, ოცი წუთის შემდეგ!

...მას სჭირდებოდა ეს ოცი წუთი, რათა გონს მოსულიყო, დამშვიდებულიყო. ასე აფორიაქებული დაეძებს მკვლელი თავისი მსხვერპლისათვის ზურგში დანის ჩაცემის შემდეგ წყნარ და მოფარებულ ადგილს სულის მოსათქმელად, ხელების სისხლის ჩამოსარეცხად, თავის დასამშვიდებლად, რომ მას არაფერი არ ემუქრება.

რიბენტროპმა მაგიდის ერთ-ერთი უჯრა გამოადლო და პატარა, ოვალური ვერცხლის ჩარჩოში ჩასმული სარკე ამოიღო. ეს სარკე მუდამ ხელთან ახლოს ჰქონდა, რათა საჭირო მომენტში დარწმუნებულიყო, რომ სრულ ფორმაში იმყოფებოდა. რიბენტროპი იყო უხეში, თავისნათქვამა და ამავე დროს კეკლუცი. თავი გერმანიაში უღამაზეს კაცად მიაჩნდა. სააბაზანო ოთახის თაროებზე გამწკრივებული ჰქონდა სუნამოსა და ოდეკოლონის ფლაკო-

ნები, ათასგვარი კრემიანი ქილები. მუდამ იმის ცდაში იყო გადასლექილი, ბრიოლინწასმული თმა ყოველთვის უხადოდ გაყოფილი ჰქონოდა, ხოლო პირის კანი კი სუფთა და ნაზი.

ამჯერად კი რიბენტროპმა სარკეში რომ ჩაიხედა, დაინახა, სახე ოფლის წვეთებით დაფარვოდა და სველი თმები შებლზე მიწებებოდა. მან სწრაფად ჩალო სარკე ისევ უჯრაში. კაბინეტის გვერდით მდებარე დასასვენებელ ოთახში გავიდა და აჩქარებით შეუდგა თავისი თავის წესრიგში მოყვანას.

როცა რიბენტროპი ისევ კაბინეტში შემოვიდა, დანიშნულ თათბირამდე კიდევ ათი წუთი იყო დარჩენილი.

მან ელექტროშუქი ჩააქრო და ფარდები გასწია. უკვე თენდებოდა. ფანჯარა გააღო. რამდენიმე წამს დატინებით უყურებდა უკაცრიელ ქუჩას. „რა თქმა უნდა, — გაიფიქრა მან, — ხალხმა ჯერ კიდევ არაფერი არ იცის. რადიოთი გადაცემამდე და დილის გაზეთების გამოსვლამდე ორი საათი დარჩა“...

დღის სინათლემ რიბენტროპი დაამშვიდა. იწყებოდა წყნარი, უღრუბლო მზიანი დილა. გულში შეღწეული შიმის გრძნობა თანდათან უნელდებოდა. იგი გადავიდა მეორე ფანჯარასთან, რომელიც პარკში გადიოდა. ისევე, როგორც ვილჰელმშტრასეზე მდებარე შენობა, ესიც ისტორიული პარკი იყო. ოდესღაც ამ პარკში დასეირნობდა ხოლმე გერმანიის მომავალზე ფიქრებით გართული თავადი ბისმარკი. ამ კაცს გერმანია-რუსეთის კავშირი თავისი საგარეო პოლიტიკის უდიდეს მიღწევად მიაჩნდა... რიბენტროპს გაახსენდა, თუ როგორ დაიმოწმა ბისმარკი, ორი წლის წინათ ამავე კაბინეტში, როცა თავის უახლოეს თანამშრომლებს გერმანიასა და საბჭოთა კავშირს შორის ახლახან დადებული პაქტის შესახებ ინფორმაცია მისცა. მაშინ რიბენტროპი ამავე ფანჯარასთან იდგა და ხელის გაშვერით თქვა: „ამ პარკის განსვენებულ პატრონს რომ ახლა ჩვენი ნაუქვამის მოსმენა შეეძლოს, მისი პირველი სიტყვები მოწონების სიტყვები იქნებოდა“. ამ გამოსვლაში მან საერთოდ არაერთხელ დაიმოწმა ბისმარკი... „სისულელეა!“ — შეწყვიტა ფიქრი რიბენტროპმა და ფანჯარას მოშორდა. „ახლა მეცხრამეტე საუკუნე კი არ არის. ბოლშევიკურ რუსეთს არაფერი აქვს საერთო იმასთან, მეფის რუსეთთან. ფიურერი კი ბისმარკზე უფრო მალღაღას. უფრო მალღა, უფრო მალღა!“

მას სიამოვნებას ჰგვრიდა ამ სიტყვების გუნებაში გა-
შეორება. და არა მხოლოდ იმიტომ, რომ ისინი ამშვიდებ-
დნენ მას, უმტკიცებდნენ დაწყებული კამპანიის წარმატე-
ბის რწმენას. იყო სხვა მიზეზიც. ყოველთვის, როცა რი-
ბენტროპი ბისმარკის სახეს წარმოიდგენდა, ალტაეებისა
და არაკეთილგანწყობილების შერეულ გრძნობას განიკ-
დიდა. იგი ამაყობდა იმით, რომ ხელმძღვანელობდა გერ-
მანიის საგარეო პოლიტიკას, რომელიც ოდესღაც თვით
„რკინის კანცლერის“ პრეროგატივას წარმოადგენდა. და
იმავე დროს რიბენტროპმა იცოდა, რომ ეს გულხეიადი და
უფლებამოსილი არისტოკრატი, ქედმაღალი სნობი რიბენ-
ტროპს, უგვარტომო კაცს, თავისი კაბინეტის ზღურბლ-
თანაც კი არ მიუშვებდა.

...გადიოდა წუთები და მის გუნებაში გადამწყვეტი
გარდატეხა ხდებოდა. არა, მას არ ჰქონდა მღელვარების
მიზეზები. გერმანელთა არმია უძლეველია. ხოლო გამარ-
ჯებულებს არ ასამართლებენ. ისინი თვით ასამართლე-
ბენ...

და მაინც, მსგავსად მკვლელისა, რომელიც ჩადენილი
ბოროტმოქმედების შემდეგ პირველ წამებში შიშით კან-
კალებს იმაზე ფიქრით, ვაითუ შემნიშნესო, ხოლო როცა
დარწმუნდება, საფრთხე არ მომელისო, მშვიდდება, რი-
ბენტროპმაც ბოლოს სავსებით დაიმორჩილა თავი და რო-
ცა გამოძახებული მოხელეები კაბინეტში შემოვიდნენ დაი-
ნახეს წინანდელი, მათთვის კარგად ცნობილი რიბენტროპი,
სალუქი, თავის თავში დარწმუნებული, ქედმაღალი...

ნელა, ზეიშით აუწყა მან შეკრებილთ რუსეთთან ომის
დაწყება. შემდეგ ხმის დაწევით, საიდუმლოდ დაუმატა:
ფიურერმა მიიღო ინფორმაცია, რომ სტალინი დიდ ძალ-
ღონეს ახმარდა წითელი არმიის განმტკიცებასა და მისი
ძლიერების ზრდას, რათა შესაფერის მომენტში თავს და-
სხმოდა გერმანიასო. მაგრამ ფიურერმა გამოიცნო და ჩა-
შალა ბოლშევიკთა განზრახვები. მას არ შეეძლო დაეშვა,
რომ გერმანიის კეთილდღეობა ბევრზე ყოფილიყო და-
კიდებული. მან პირველმა დაარტყა. ახლა ჩვენი ზურგი
სტალინის კეთილგანწყობილებაზე არ იქნება დამოკიდე-
ბული. ჩვენი მომავალი ჩვენს ხელთ არის. ჰაილ ჰიტლერ!

მან მოწყალედ დართო ნება მიეცათ მისთვის შეკითხ-
ვები. მას ჰკითხეს: როგორი პროგნოზებია ომის ხანგრ-
ძლიობის შესახებ? რიბენტროპმა მოკლედ და გარკვევით
უპასუხა: მაქსიმუმი რვა კვირა. მეტი არა? არავითარ შემ-

თხვევაში. ასე თქვა ფიურერმა! მაინც ხომ ორ ფრონტზე იქნება ომი? ეს არაფერია! ორი თვის განმავლობაში შევძლებთ, თუკი ეს აუცილებელი იქნება, ორ ფრონტზეც ვიმომოთ, მაშასადამე ჩვენი საგარეო პოლიტიკა მთლიანად იცვლება...

ეს უკანასკნელი შეკითხვა მისცა ვინმე რიხტერმა. საბინისტროს ერთ-ერთმა უხუცესმა მოხელემ. იგი იყო ერთ-ერთი იმ მეტად მცირერიცხოვან მოხელეთაგან, რომლებიც ნაირატის მოხსნისა და პირადი შემადგენლობის წმენდის შემდეგ შემორჩენოდნენ სამსახურს. მაშინ რიხტერი დაინდეს, გულმოწყალებით კი არა, უბრალოდ ეს ბებრუხუნა, რომელმაც სამინისტროში ორმოცამდე წელიწადი იმსახურა, გერმანიის საგარეო პოლიტიკის ცოცხალ ენციკლოპედიად ითვლებოდა. მისი მენსიერება ინახავდა ფაქტებსა და მოკლენებს, რომელთაც ვერ აღადგენდნენ ვერავითარი საარქივო დოკუმენტებით. იგი სასარგებლო კაცად ითვლებოდა.

მაგრამ ახლა, რიხტერის შეკითხვის გაგონებაზე, რიხტენტროპმა დაუფარავი ბრაზით შეხედა მას. უეჭველია, ამ ბებრუხუნას მექანიკურმა მენსიერებამ სიტყვასიტყვით ჩაიწერა ის, რაც თქვა რიხტენტროპმა მაშინ, ოცდაცხრამეტი წლის აგვისტოში, გერმანია-საბჭოთა კავშირის პაქტის დადებისას. აი, ეს სიტყვებიც: „რუსეთთან ჩვენი ხელშეკრულება საშუალებას გვაძლევს შიში არ ვიქონიოთ გერმანიისა ზურგისათვის და ლიკვიდაციას უკეთებს საფრანხეს ორ ფრონტზე ომისა, რომელმაც ჩვენი ქვეყანა ერთხელ უკვე მიიყვანა კატასტროფამდე. დადებული კავშირი ჩემი საგარეო პოლიტიკის უდიდეს მიღწევად მიმაჩნია...“

დიახ, სწორედ ასე განაცხადა რიხტენტროპმა ორი წლის წინათ... მაშ, რის თქმა უნდა ამ ნაირატის ლაქიას, რომლის ტვინი ძველმოდური ლიბერალური დიპლომატიის ახმანაკში გახლართულა? იმის ხომ არა, რომ არსებული საერთაშორისო ტრადიციების მიხედვით შექმნილ სატუციაში აუცილებელია იგი, რიხტენტროპი, სამსახურიდან გადადგეს?

მან რიხტერის შეკითხვას მოკლედ, მაგრამ ღვარძლიანად უპასუხა, გერმანიის მომავალი ფიურერის ხელშია. იმათ, ვისაც ამაში ეჭვი ეპარებათ, ჩვენ რკინის მუშტით გავუსწორდებით.

ეს იყო და ეს. რიხტენტროპმა დახურა თათბირი. რო-

დესაც ყველა დაიშალა სამინისტროს პირადი შემაღენ-
ლობის უფროსი დაიბარა და უთხრა, რომ ახალი, გადამ-
წყვეტი ომის პირობებში, მაქსიმალური სიფხიზლე უნდა
იქნეს გამოჩენილი. ყველა, ვინც თუნდაც მცირედონ ექვს
იწვევს თავის ლოიალობაში ფიურერისა და დიადი გერმა-
ნიისადმი, გაძევებულ უნდა იქნენ დაუყოვნებლივ. მაგა-
ლითად, ეგ, რიხტერი... არა, არა, არავითარი პენსია. გერ-
მანია ვერ დაუშვებს, მისი ფული წვრილმან რამეებზე იფ-
ლანგებოდეს იმ დროს, როცა ყოველი მარკა საჭიროა
ომის საწარმოებლად. ეს იქნებოდა ლალატის თანაბარი...

ცხრა საათი რომ დაიწყო, რიბენტროპმა დატოვა სა-
მინისტრო, შოფერს უბრძანა ნელი სვლით ევლო ბერლი-
ნის ქუჩებში. ახლა ხომ ორ საათზე მეტი იყო გასული მას
შემდეგ, რაც რადიომ გერმანელ ხალხს გამოუცხადა გერ-
მანიის ისტორიაში მომხდარი უდიდესი მოვლენის შესა-
ხებ...

თუმცა მის ყურამდე აღწევდა დილის გაზეთების გამ-
ყიდველთა წამოძახილები: „— ომი რუსეთთან!“ „ფიურ-
ერმა გადადგა გადამწყვეტი ნაბიჯი!“ — მაგრამ მას ბერ-
ლინის ქუჩებში არ შეუმჩნევია არც გამოცოცხლება, არც
ზეიმი. პირიქით — რაღაცნაირი სიჩუმე და გულის დამამ-
ძიმებელი ატმოსფერო იგრძნობოდა. ადამიანები თავჩა-
ქინდრულად მიდიოდნენ. რიბენტროპმა საკრძოლის მინა
ჩასწია და ისე დაჯდა, რომ გამვლელებს დაენახათ და
ეცნოთ. გზაჯვარედინებზე მდგომი მოიერიშენი ხელის
სწრაფი აქნევით ესალმებოდნენ რიბენტროპს. ფეხარევით
მიმავალმა სახეშეღებილმა შეზარხოშებულმა მეძავემა ქალ-
მა ნაცისტური სალუტი მისცა თუ ჰაეროვანი კოცნა გამო-
უგზავნა, ხმამაღლა ხრინწიანად დაიყვირა: „ჰაილ ჰიტ-
ლერ!“ მაგრამ ამ დილაადრიან ქარხნებისაკენ მიმავალი
მუშები და მოსამსახურენი კი თითქოს არავითარ ყურა-
დლებას არ აქცევდნენ არც რიბენტროპის უზარმაზარ შავ
მანქანას, არც თვით მას.

მან გაიხსენა 1939 წლის აგვისტოს დღე, როცა რადი-
ომ გერმანია-საბჭოთა კავშირის პაქტის დადების შესახებ
გამოაცხადა. გესტაპოს ცნობებიდან შეიძლებოდა იმ დას-
კვნის გამოტანა, რომ ხალხმა შვეებით ამოისუნთქა. მომ-
დევნო ცნობებშიც არაიშვიათად მოჰყავდათ გამონათქვა-
მები, რომლებშიც არსებითად, ერთი აზრი გამოიხატე-
ბოდა: „ფიურერი სწორად მოიქცა, მოსკოვთან ხელშეკ-
რულება რომ დადო. ან რატომ უნდა ვიომოთ საბჭოებ-

თან? განა უკეთესი არ არის მივიღოთ მათგან ხელშეკრულებით საჭირო სურსათი დაზგებზე და მანქანებზე გაცვლით? იქნებ ახლა უფრო გაადვილდეს ცხოვრება...”

„არაფერია, — თქვა გულში რიბენტროპმა, — მალე ყველაფერი გამოიცვლება! გერმანელები მალე გაიხარებენ, როგორც კი გაიგებენ აღმოსავლეთის ფრონტიდან მიღებულ პირველ გამარჯვებათა ცნობებს, როგორც კი გერმანიისაკენ დაიძრება რუსული კარაქითა და ღორის ლორით დატვირთული მატარებლები და ავტომანქანები...”

მან უბრძანა შოფერს უნტიერ-დენ-ლინდენით გაეცლო. კაბინის სარკმელი გამოაღო და შუა ადგილისკენ გაიწია, როცა მანქანა საბჭოთა საელჩოს შენობას უახლოვდებოდა, უცბად მუშტები შეკუმშა. დაინახა საელჩოს შენობაზე აფრიალებული ალაში, — უზარმაზარი წითელი ბაირალი ნამგლისა და ჩაქუჩის გამოსახულებით.

„რა თავხედობაა! ასეთ მომენტში...” ღვარძლიანი კმაყოფილების გრძნობით შეამჩნია მან, რომ საელჩოს ფანჯრები ყრუდ იყო ფარდამიფარებული, თვით შენობას კი გარს ერტყა პოლიცია. მოპირდაპირე სახლთან იდგა რამდენიმე ესესელი, მოტოციკლები კედელზე მიიყუდებინათ... „დასანანია, რომ ამ სურათის დანახვა არ შეუძლია ფიურერს, — გაიფიქრა რიბენტროპმა. — საბჭოთა კავშირი შეიარაღებული გერმანელების ალყაში. სიმბოლოა...”

ღიახ, ჰიტლერს არ შეეძლო ამ სურათის დანახვა, თუმცა იგი უეჭველად გაახარებდა.

ამ დროს იგი ბერლინიდან შორს იმყოფებოდა. საერთოდ უკანასკნელ ხანს როგორც დედაქალაქში, ისე თავის საყვარელ ბერგჰოფში ჰიტლერი მხოლოდ ცოტა ხნით თუ შეივლიდა ხოლმე. პოლონეთზე თავდასხმის დროს მისი შტაბ-ბინა მოთავსებული იყო სპეციალურ მატარებელში, რომელიც კოგოლინის მახლობლად იდგა. რამდენადმე მოგვიანებით იგი გადაბარდა სასტუმრო სოპოტაში.

დასავლეთის კამპანიის დაწყებისას მან თავისი ბანაკი გადაიტანა ბუნკერში ბად ნაუჰაიმის ახლოს. მოგვიანებით კი იგი აღმოსავლეთ პრუსიაში, რასტენბურგის მახლობლად ტყეში დამკვიდრდა.

თავის ამ ბანაკს ჰიტლერმა „მგლის ბუნაგი“ უწოდა... საერთოდ მგლისადმი ფიურერი განსაკუთრებული სიმპათიით იყო გამსჭვალული. მგელი მის საყვარელ პოეტურ

სახეს წარმოადგენდა. მის ნაგავს ბლონდის ძნელად თუ გაარჩევდით მგლისაგან. ზოგჯერ მისტიკური ფიქრებით შეპყრობილი ჰიტლერი თავის თავსაც მგლის სახედ წარმოიდგენდა — ძლიერ, მტაცებელ, ვერაგ, მუდამ მშიერ, მსხვერპლს მოწყურებულ მხეცად, ბნელ ტევრთა ბინადრად...

...იმ დროს, როცა რიბენტროპი გალიაში მოხვედრილი მხეცივით წრიალებდა თავის სამინისტროს კაბინეტში, ჰიტლერმა უკვე გასცა ყველა საჭირო ბრძანება რამდენიმე საათის შემდეგ მთელ გერმანია-საბჭოთა კავშირის საზღვარზე შეტევის დაწყების შესახებ. მან ის-ის იყო დაამთავრა უკანასკნელი მოლაპარაკება გენერლებთან, რომლებიც სათავეში ედგნენ არმიის ჯგუფებს „ჩრდილოეთი“, „ცენტრი“ და „სამხრეთი“. ახლა იჭდა ყოველი მხრიდან უღრანი ტყით დაფარულ თავის „ბუნაგში“ და მუსოლინისადმი წერილს უკარნახებდა.

ჰიტლერისათვის ეს ადვილი საქმე არ იყო. იგი მთლიანად არაფის არ ენდობოდა, მათ შორის მუსოლინსაც.

ამიტომ ჰიტლერი უკანასკნელ მომენტამდე უმაღლესად თავის მთავარ მოკავშირეს საბჭოთა კავშირზე თავდასხმის თარიღს და მხოლოდ ოცდაერთ ივნისს, საღამოს თერთმეტ საათზე შეუდგა იტალიელ დუჩესადმი გასაგზავნი ბარათის კარნახს. მისთვის არაერთხელ უწოდებია საჯაროდ თავისი მასწავლებელი და ერთგული მეგობარი.

ეს იყო საინტერესო დოკუმენტი, რომელიც ჰიტლერის ხასიათის ერთ მხარეს ცხადყოფდა. მის ფურცლებზე უბრალოდ მატყუარა კი არა, შთაგონებული მატყუარა იყო წარმოსახული. ერთი შეხედვით, თითქოს უაზრობა იყო ჰიტლერს მოეტყუებინა მუსოლინი: კაცი, რომელმაც ჩინებულად იცოდა ფიურერის ქეშმარიტი ზრახვები და მისი ყველა წამაქეზებელი მოტივი? იტალიელი დიქტატორი არანაკლებ სისხლისმსმელი და ძალაუფლებისმოყვარული იყო, ვიდრე გერმანელი დიქტატორი. უბრალოდ, დუჩეს შესაძლებლობანი უფრო შემოფარგლული იყო, ვიდრე ფიურერისა. მათ შორის ხანდახან ამოტივტივდებოდა ხოლმე მტაცებელ მხეცთა შორის გარდაუვალი ზოგიერთი წინააღმდეგობა. მაგრამ ჰიტლერის ძირითადი გეგმები — საბჭოთა კავშირზე თავდასხმა, ცხადია, ამ გეგმებში შედიოდა — მუსოლინიმ იცოდა და მოსწონდა კიდევ.

და მაინც ჰიტლერმა, დარწმუნებულმა, რომ ამჯერა-

დაც შეძლებს მსოფლიოს მოტყუებას, გამონაკლისი არც მუსოლინის მიმართ გააკეთა, თუმცა ამას არავითარი საპირობება არ მოითხოვდა. იქნებ მას მაინც ეშინოდა ისტორიის განაჩენისა და ახლა ცდილობდა არა მარტო თანამედროვეთა, არამედ შთამომავალთა მოტყუებასაც?..

ჰიტლერი თავისი მიწისქვეშა შტაბის ფართო კაბინეტში ბოლთას სცემდა და უკარნახებდა:

— „ღუჩე! მე გწერთ ამ წერილს თქვენ იმ მომენტში, როცა მტანჯველი ფიქრებისა და ნერვიული დაძაბულობის თვეები დამთავრდა ერთ-ერთი ყველაზე დიადი გადაწყვეტილებით, როგორც კი ჩემს სიცოცხლეში ოდესმე მიმიღია“...

იგი ვრცლად და მაღალფარდოვნად გადმოსცემდა მიზეზებს, რომლებმაც აიძულეს იგი მიეღო ეს გადაწყვეტილება. ო, არა, სისასტიკე და მსოფლიო მბრძანებლობის წყურვილი კი არ ამოძრავებდა მას, არამედ მოვლენათა უღმობელი ლოგიკა. ახლა, როცა საფრანგეთი დამხობილია, ინგლისი კი სულს დაფავს, მთელი მისი წინააღმდეგობა, ყველა იმედი დაკავშირებულია რუსეთთან. რუსეთის დაპყრობა ავტომატურად ნიშნავს ინგლისის დაცემას. სანამ არსებობს რუსეთი, ინგლისი წინააღმდეგობას გასწევს... ინგლისელებს ყოველთვის უნდოდათ, რომ ომი დაწყებულიყო სწორედ იქ, აღმოსავლეთში, — განაგრძობდა კარნახს ჰიტლერი, მაგრამ წინათ ეს მათთვის ხელსაყრელი იქნებოდა. ახლა ეს ომი მათ დაღუპვას ნიშნავს...

იგი შესჩიოდა მუსოლინის, რომ აქამდე არასოდეს არ ჰქონდა საშუალება ინგლისზე დარტყმისათვის მოეგროვებინა მთელი თავისი ძალები, რადგან სახმელეთო ჯარებისა და საჰაერო ფლოტის ძირითადი ნაწილი აღმოსავლეთში უნდა ჰყოლოდა, მაგრამ ახლა, რუსეთს რომ გავუსწორდები...

შემდეგ ჰიტლერმა დაიწყო გეგმების გადმოცემა, რომლებიც ეხებოდა რუსეთის სწრაფად დამარცხებას, პოზიციას საფრანგეთის მიმართ, შეხედულებებს ჩრდილოეთ აფრიკის, ესპანეთის, ეგვიპტის მომავალი ბედის შესახებ... გააკეთა პაუზა, დაათქრა თავში უეცრად მოსულმა აზრმა, რომელიც ამ წერილზე მუსოლინის შესაძლებელ რეაქციასთან იყო დაკავშირებული. შემდეგ აჩქარებით უკარნახა:

— „ვუბრუნდები რა რუსეთთან ომის საკითხს, მინდა გითხრათ, რომ ამ კამპანიას ჩვენს თავზე ვღებულობთ,

თქვენ არ დაგპირდებათ ჩვენს აღმოსავლეთ ფრონტზე იტალიელთა ჭარების გაგზავნა“...

მან ისევ პაუზა გააკეთა. წარმოიდგინა მუსოლინი წერილის კითხვის დროს. საექვოა მას მოეწონოს ეს უკანასკნელი სტრიქონები. ასეა, ყველას თავისი უნდა მიეზღოს. რუსულ ღვეზელს გერმანია თვითონ შეექცევა. რაც შეეხება დღეებს...

— „...ხოლო რაც შეეხება იტალიას, — ისევ განაახლა კარნახი ჰიტლერმა, — იგი სერიოზულ დახმარებას გაგვიწევდა ჩრდილოეთ აფრიკაში თავისი ჭარების გაძლიერებით და საფრანგეთზე გასალაშქრებლად საჭირო მომზადების ჩატარებით, თუ ვიში არ დაიცავს ხელშეკრულებას ან თუ იქ სხვა რაიმე უწყესრიგობა წარმოიშობა“...

მან ჩაიცინა და გაიფიქრა, რომ ეს კარგი სატყუარა იქნება ახალ ტერიტორიებს დახარბებულ დღეისათვის.

ჰიტლერმა ხელი მოაწერა გადაბეჭდილ წერილს, რომელიც თავდებოდა სიტყვებით: „გულისათადი და საბრძოლო საღმთი“ — და ბრძანა თვითმფრინავით გადაეგზავნათ იგი რომში.

ღამის ორის ნახევარზე, ესე იგი სსრ კავშირზე გერმანიის თავდასხმამდე ნახევარი საათით ადრე, გერმანიის ელჩმა იტალიაში ფონ ბისმარკმა ლოგინიდან წამოაყენა საგარეო საქმეთა მინისტრი ჩიანო და მოსახოვა დაუყოვნებლივ ჩაებარებინა ჰიტლერის ბარათი კურორტზე მყოფი მუსოლინისათვის.

როცა ჩიანომ საქალაქთაშორისო ტელეფონის ზარით გააღვიძა დუჩე და უთხრა ჰიტლერის ბარათი მივიღეთო, მან გაღიზიანებით ჩაიბურტყუნა, შუალამისას მსახურებსაც კი არ აღვიძებენო...

მაგრამ მუსოლინის იმ წამსვე დაავიწყდა ძილი, როგორც კი ჩიანოსაგან გაიგო, თუ რაზე იყო მასში ლაპარაკი, და მან ბრძანა, დაუყოვნებლივ მოემზადებინათ დეკლარაცია იმის შესახებ, რომ იტალია იმყოფება რუსეთთან საომარ მდგომარეობაში...

ეს ხდებოდა სწორედ იმ წუთებში, როცა გერმანელთა არტილერიამ უკვე დაუშინა ცეცხლი საბჭოთა საზღვარს. ბომბებით დატვირთული ლუფტვაფეს თვითმფრინავები კი საბჭოთა ქალაქებისაკენ გაემართნენ.

საბჭოთა კავშირზე გერმანიის თავდასხმისა და გუდერიანის ტანკების ძლევამოსილი წინსვლის შესახებ ცნობების გაგებისთანავე მილიონობით ადამიანი გერ-

მანიაში და მთელ მსოფლიოში დარწმუნებული იყო, რომ ჰიტლერის მთავარი მიზანი მოსკოვის აღება იყო.

მაგრამ ეს მხოლოდ ნაწილობრივ იყო მართალი. ვინაიდან, თუმცა მოსკოვის ხელში ჩაგდება ჰიტლერის პირველრიგისეულ გეგმაში შედიოდა, მისი უახლოესი მიზანი ლენინგრადი იყო.

ამ ქალაქის დაცემას ჰიტლერი უდიდეს სტრატეგიულსა და პოლიტიკურ მნიშვნელობას ანიჭებდა. ლენინგრადი ხომ სიდიდით საბჭოთა კავშირის მეორე ქალაქი იყო. უდიდესი სარკინიგზო კვანძი და მნიშვნელოვანი სამხედრო-საზღვაო ბაზა. ლენინგრადის ხელში ჩაგდებით ჰიტლერი მნიშვნელოვანი ბაზების გარეშე დატოვებდა საბჭოთა სამხედრო ფლოტს. ამ შემთხვევაში გერმანელთა გეგმები და წყალქვეშა ნაევები არა მარტო ბალტიკაში გაბატონდებოდნენ, არამედ უზრუნველყოფდნენ საიმედო საზღვაო კომუნიკაციებს თავიანთ ჯარებთან მთელი ჩრდილო-დასავლეთის სტრატეგიული მიმართულებით. და ბოლოს, ლენინგრადის დაცემა გერმანელთა ჯარების ფინელთა ჯარებთან შეერთებას ნიშნავდა.

სწორედ ამიტომ № 21 ბრძანებაში („ბარბაროსას“ ვარიანტი) და ღირექტივაში ჯარების თავმოყრის შესახებ („ბარბაროსას“ გეგმა) ლენინგრადის დაკავება „გადაუდებელ ამოცანად“ იყო გამოცხადებული. მისი განხორციელება ჯარების ჯგუფის „ჩრდილოეთის“ მძლავრი დარტყმითა და ლადოგის ტბის აღმოსავლეთიდან ფინეთის ჯარების შეტევით ნავარაუდები იყო მაქსიმალურად მოკლე ვადაში.

მაგრამ იყო სხვა რამეც, რაც თვით ზესაიდუმლო დოკუმენტებშიც არ იყო ნახსენები და ლენინგრადის აღების ამოცანას განსაკუთრებულ, წმინდა სამხედრო ჩანაფიქრზე გაცილებით მეტ მნიშვნელობას ანიჭებდა.

ეს „სხვა რამე“ იყო ჰიტლერის ფანტიკური სიძულვილი ნევაზე გაშენებული ქალაქისადმი.

ასეთი სიძულვილისათვის მას ბევრი მიზეზი ჰქონდა. პეტერბურგის, სლავური რუსეთისათვის ევროპაში გასასვლელი ამ ქიშკრის, წარმოშობის თვით ფაქტში ჰიტლერი რაღაც წამბილწველ-არაბუნებრივს ხედავდა.

ლენინგრადი იყო ყველა ანტიავტორიტარულ აჯანყებათა ცენტრი. როგორც იდეოლოგები აქ დაიბადნენ, გაიზარდნენ და ჩამოყალიბდნენ ადამიანები, რომელთა სახელებთან დაკავშირებული იყო ჰიტლერის სიძულვილი რუ-

სეთში შეტანილი განმანათლებლობის, დემოკრატიისა და კომუნისმის იდეების გამო. სწორედ აქ დაიბადა საბჭოთა ხელისუფლება.

პეტერბურგის — პეტროგრადის — ლენინგრადის მთელი არსებობის მანძილზე რომ მის ტერიტორიაზე მტრის არც ერთ ჭარისკაცს ფეხი არ დაუდგამს, ეს უფრო აღვივებდა ჰიტლერის სამხედრო გულისთქმას და ამ ქალაქის პირველ რიგში დაპყრობის იდეას სიმბოლურ ხასიათსაც აძლევდა.

წინამორბედ დამპყრობელთა შორის საკუთარ პერსონას ჰიტლერი მხოლოდ იმიტომ კი არ გამოჰყოფდა, რომ მას საერთოდ ახასიათებდა ყოველგვარ მსგავს დაპირისპირებაში, თავისი თავისთვის უპირატესობის მიკუთვნება.

საკუთარ ისტორიულ გამორჩეულობას იგი იმაში ხედავდა, რომ მიზნად დაისახა არა მარტო ქვეყნებისა და ხალხების დაპყრობა, არამედ მთელი იმ იდეოლოგიის განადგურება, რომელიც მილიონობით ადამიანის გონებას დაუფლებოდა. და სიტყვა „ლენინგრადი“ მისთვის ამ იდეოლოგიის ერთ-ერთ სინონიმად გადაიქცა.

იღუმალეებით მოცულ გაუვალ ჭაობებში დაბადებული, თითქოს თეთრ ღამეებში მცურავი ეს ქალაქი ჰიტლერში შიშსაც იწვევდა და სიძულვილსაც.

და მას უნდოდა მოესპო მეორე საბჭოთა დედაქალაქი ჯერ კიდევ ომის პირველსავე კვირებებში. კი არ დაეპყრო, არამედ მოესპო, წაეშალა გეოგრაფიული რუკიდან. იმ მიწისათვის, რომელზეც ეს ქალაქია განლაგებული, დაებრუნებინა თავისი პირვანდელი სახე, გადაექცია გაუვალ ჭაობებად, რომელსაც ბოლქვ-ბოლქვად აუვიდოდა შხამიანი ოხშივარი...

XI

ლენინგრადის პარტაქტივის კრებაზე, რომელიც თითქმის ღამის ორ საათამდე გაჰიანურდა, გადაწყვიტეს ხვალ დილის ათ საათზე საპაერო განჯაში გამოეცხადებინათ. ამის შესახებ დაუყოვნებლივ აცნობეს რადიო კომიტეტსა და ადგილობრივი საპაერო თავდაცვის რაიონულ შტაბებს.

განჯაშს სასწავლო ერქვა და საპაერო თავდაცვის გრაფიკით იყო გათვალისწინებული, მაგრამ ადვილად შეიძ-

ლებოდა საბრძოლოდ ქცეულიყო, თუ კი დილით მდგომარეობა შეიცვლებოდა.

შემდეგ ვასნეცოვმა თათბირი დახურულად გამოაცხადა. დამსწრენი გააფრთხილა, რომ ამ საათიდან დაწყებული პარტიისა და კომკავშირის რაიკომებში, აგრეთვე საწარმოთა დირექციებში დღედაღამ ყოფილიყვნენ ტელეფონებთან მორიგეები და ისევ მის წინ გაშლილ ქაღალდებში ჩაეფლო.

ხალხმა აჩქარებით დატოვა კაბინეტი.

გავიდა რამდენიმე წუთი და ვასნეცოვმა გაიგონა ხმადაბლა ნათქვამი სიტყვები:

— სერგი ათანასევიჩ, მინდა შეგეკითხოთ...

ვასნეცოვი, რომელსაც ეგონა, მისი კაბინეტი უკვე დაცარიელებული იყო, მოულოდნელობისაგან შეკრთა, თავი ასწია და კოროლიოვი დაინახა. იგი მაგიდასთან იდგა და ხელში კმუჭნიდა თავის დაძველებულ ქუდს.

— გისმენ, ივანე მაქსიმოვიჩ, — დაღლილი ხმით უთხრა ვასნეცოვმა და თავის ქნევით მიუთითა მაგიდასთან მდგარ ტყავის სავარძელზე. მაგრამ კოროლიოვი ისევ ფეხზე იდგა.

— სად არის ანდრეი ალექსანდრეს ძე? — ხმადაბლა ჰკითხა მან.

ვასნეცოვმა დაჟინებით შეხედა მას. შემდეგ თავი ჩაღუნა, თითქოს ისევ ქაღალდებში ჩაეფლო და კოროლიოვისათვის არ შეუხედავს, ისე უპასუხა:

— შეებულებაშია.

გავიდა კიდევ რამდენიმე წამი. ვასნეცოვმა თავი ასწია და დაინახა, კოროლიოვი უწინდებურად მღუმარედ იდგა მაგიდასთან.

— ჰა, რას გაჩუმებულხარ? — მოულოდნელად გაღიზიანებით, ხმამაღლა წარმოთქვა ვასნეცოვმა და ხელის წაკვრით მისწია იქით ქაღალდები. — გინდა მკითხო: რატომ ასეთ დროს... ჰო? ჰოდა გეტყვი: მას გულის ანგინა სჭირს. იცი, რა არის ეგ? მის მაგიდაზე პალეზური კოლოფი შეგინიშნავს? დასამშვენებლად კი -არ უდევს! იმაში ნიტროგლიცერინს ინახავს. ოთხი წელია შეებულებაში არ ყოფილა და ახლაც არ უნდოდა წასვლა. ჩემი თანდასწრებით ლაპარაკობდა მაღალი სინშირის ტელეფონით, არწმუნებდა გარემოება ნებას არ მაძლევსო...

— მერე... რა გამოვიდა? — ისევ ხმადაბლა ჰკითხა კოროლიოვმა.

— პასუხი მიიღო, შვეებულებაში ახლა უნდა წახვიდეო. ზაერთოდ ისტორია ადასტურებს, მტერი თუ ომს იწყებს, ეს, ჩვეულებრივ, ხდება შემოდგომაზე, როცა მოსავალი აღებულია. მაშასადამე, ივლისის ბოლომდე შეუძლია შვეებულების გამოყენება... არ შეეკვება, რომ შექმნილ მდგომარეობაში იგი დაუყოვნებლივ დაბრუნდება, — დაუმატა ვასნეცოვმა პაუზის შემდეგ. — კიდევ გაქვს შეკითხვები?

— მაქვს, — მკვეთრად და მომთხოვნი კილოთი თქვა კოროლიოვმა.

იგი დაჯდა, უკმაყოფილოდ შეიკმუხნა, როცა რბილი სავარძელი ღრმად ჩაზნიჭა და უფრო მაგარი კიდისკენ გადაიწია. ვასნეცოვს ჩაშტერებით შეხედა და მხოლოდ ერთი სიტყვა წარმოთქვა:

— ომია?

რამდენიმე ხანს ვასნეცოვიც თვალებში შესტკეროდა მას. შემდეგ თავი დახარა.

პირველ წამს მას უნდოდა ეთქვა, ახლახან წაკითხულ დეპეშაში, რაც წერია, იმის მეტი არაფერი არ ვიცი და ახლა ყავის ნალექით მკითხაობა კი არ არის საჭირო, არამედ დასახულ თავდაცვით ღონისძიებათა ცხოვრებაში სწრაფი გატარებო... უნდოდა ეთქვა, მაგრამ არ ეთქვა.

მის წინ იჯდა პიტერის ერთ-ერთი უხუცესი მუშა. პარტიის წევრი 1916 წლიდან, კიროვის ქარხნის პარტკომის წევრი, რაიკომის ბიუროს წევრი, წითელგვარდიელთა რაზმის ყოფილი მეთაური, ზინოვიეველებთან და ტროცკისტებთან ბრძოლის აქტიური მონაწილე. ვასნეცოვს არ შეეძლო ამ კაცისათვის ზოგადი ფრაზებით ეპასუხა. არ შეეძლო. არ ჰქონდა ამის უფლება.

მაგრამ სხვას რას უპასუხებდა ვასნეცოვი, ქალაქკომის ერთ-ერთი მდივანი, რომელიც ყველა შესაძლო განსაკუთრებულ საიდუმლო ხასიათის ინფორმაციას ღებულობდა მხოლოდ უდანოვის მეშვეობით, რომელიც უკვე რამდენიმე დღეა, რაც ქალაქში არ იმყოფებოდა?!

— თუ ის, რასაც ეს მაიორი ამბობდა, მართალია... — წამოიწყო კოროლიოვმა, მაგრამ ვასნეცოვი ინსტიქტურად ჩაეჭიდა, თვითონ მასაც რომ აწვალებდა იმ გადაუწყვეტილი საკითხისაგან თავის დაღწევის საშუალებას და შეაწყვეტინა:

— ეგ ზვიაგინცევი აშკარად პანიკორობს. და, გარდა

ამისა, მან გადააქარბა თავის რწმუნებულებას. რაც უნდა იყოს, აქ ათობით კაცი ესწრებოდა. სარდლობამ მას სრულიად ზოგადი ინფორმაციის გაკეთება დაავალა.

— ის, რაც ზვიაგინცევმა თქვა, ათობით კი არა ათასობით აღამიანს უნდა ვუთხრათ! — შეაწყვეტინა კოროლიოვმა. — და რაც უფრო მალე ვეტყვი, მით უკეთესი იქნება! როგორ გგონია, ჰიტლერი მანერჰაიმი?

— არ მესმის, ივანე მაქსიმოვიჩ, — მხრები აიჩეჩა ვასნეცოვმა და კვლავ ინსტიქტურად ცდილობდა საუბარი მთავარიდან მეორე ხარისხოვანზე გადაეყვანა, — რატომ ფიქრობ, რომ ჩვენ ვერ ვხედავთ განსხვავებას? და რასთან დაკავშირებით...

— იმასთან დაკავშირებით, — ისევ შეაწყვეტინა კოროლიოვმა, — რომ მანერჰაიმის მოხრჩობა შეიძლებოდა ჯარით. აქ კი მხოლოდ ჯარით ვერაფერს გახდები! აქ, თუ რამე მოხდა, მთელი პარტია, მთელი ხალხი ფეხზე უნდა დაეყენოთ. მთელი ხალხი, გაიგე?

სიჩუმე ჩამოვარდა. იგი ისევ კოროლიოვმა დაარღვია.

— მომისმინე, ამხანაგო მდივანო, — თქვა მან და სასაწერი მაგიდის კიდეს მკერდით დაეყრდნო, — მე შენ ჯერ კიდევ კომკავშირელს გიცნობდი. შენი სიტყვაც არაერთხელ მომისმენია. ისიც მახსოვს, თუ როგორ მოგყავდა ვლადიმერ ილიას ძე ლენინის თხზულებებიდან ციტატები. მართალი გითხრა, მე ციტატები არ შემარჯვება. მაგრამ თვითონ მას, ლენინს ბევრჯერ მოვეუსმინე. ჰოდა, როცა ჩვენ კორნილოვის გასანადგურებლად მივიდიოდით, მან გზის დასალოცი სიტყვა გვითხრა. მაშინ ჯერ კიდევ ბნელი. უფიცი ვიყავი, მერე კი ცოტათი დაეჭკვიანდი. მთელი მისი მაშინდელი ნათქვამიდან მხოლოდ სამი სიტყვა დავიხსომე. გინდა გავიმეორო? „ამხანაგებო, რეისპუბლიკა საფრანგულია!“

იგი დადუმდა.

— მე გავიგე; მაქსიმოვიჩ, — ხმადაბლა უთხრა ვასნეცოვმა, — მაგრამ შგონია, ზოგი მეტად მნიშვნელოვანი რამე მხედველობიდან გეპარება. როცა თქვენ კორნილოვს ურტყამდით, ჩვენს ქვეყანაში, არსებითად, არ იყო არმია. ახლა კი იგი არის. იგი მსოფლიოში უძლიერესია, ივანე მაქსიმოვიჩ! და დარწმუნებული ვარ, თუ მართლაც ომი იქნება, მაშინ...

— აგიტაციას ნუ კი მიწევ, სერგეი! მე ჩვენი არმიისა შენზე ნაკლებად როდი მჯერა. მაგრამ ჰიტლერს მართო

ჩვენი არმიის დამარცხება როდი სურს. მას ხომ ხალხის, ჯალხის მუხლებზე დაჩოქება უნდა, დაჩოქება და აგრე დატოვება. მუხლებზე დაჩოქილად!

— მაგრამ ეგ შეუძლებელია! — წამოიყვირა ვასნეცოვმა და ხელისგული ძაგიდას დაარტყა. მისი სიტყვები გაისმა წკრიალით, წინასწარგანუზრახველად, მთლად ყმაწვილურად, თითქოს არა გონებიდან, არამედ გულის სიღრმიდან მოდიოდნენ.

ერთი წამით კეთილი, თითქმის ალერსიანი ღიმილი დააჩნდა კოროლიოვის ხმელ-ხმელ, დანაოჭებულ სახეს, მაგრამ მაშინვე გაქრა.

— მაშ, ასე, — თქვა კოროლიოვმა, თითქოს ვასნეცოვის წამოძახილს მნიშვნელობას არ აძლევს და შეწყვეტილ აზრს ავითარებსო, — თუ რამე იქნა, ჩვენთან, კიროვის ქარხანაში რაზმების შედგენას შევეუდგებით. სწორედ ეს მინდა განგიცხადო. იარალი იქნება?

— მოიცა, მოიცა, მაქსიმოვიჩ! — აჩქარებით წამოიძახა ვასნეცოვმა, — ჭერ ხომ ომი არ დაწყებულა! და შესაძლოა არც დაიწყოს.

— მე პირველი როდი გავრბივარ საომრად, მაგრამ თუ დაიწყოს?

— მაშინ პარტია მოგვეცემს ყველა აუცილებელ დირექტივას!

— პარტია? — ხმამაღლა და მუქარაგარეული ხმით გაიმეორა კოროლიოვმა. — მე ვინლა ვარ, შენი აზრით, უპარტიო ვარ?

იგი წამოდგა. ვასნეცოვიც ადგა.

— მაშ, ასე, — თქვა მან გადაჭრით, — დამიხსოვრე, თუ რამე იქნა, მუშათა რაზმები შედგება. არმიაში წაიყვანენ მათ, ვინც ყველა მუხლის მიხედვით ვარგისია. რაზმებში კი ვარგისობის ერთი მუხლია: ქვეყნის დაცვა გინდა? იარალის ტარება შეგიძლია? აჰა შაშხანა და მიდი!

და მან ისე გაუწოდა ხელი ვასნეცოვს დასამშვიდობებლად, თითქოს შაშხანა ჩააბარაო.

...მარტოდ დარჩენილმა ვასნეცოვმა აიღო ტელეფონის ყურმილი და დარეკა ოლქის შტაბში. მას უპასუხეს, რომ ჭერ ყველგან სიწყნარეა, არავითარი ცვლილება არ მომხდარა. მაშინ მაღალი სიხშირის ტელეფონით მოსკოვში დარეკა. მოსკოვმა უპასუხა: „ჭერჭერობით ახალი არაფერია. იხელმძღვანელებთ მიღებული დირექტივებით. ქდანოვი ამ დღეებში დაბრუნდება ლენინგრადში...“

...ამ წუთიდან ყოველ საათში პარტიის ქალაქკომის მო-
რიგე ურეკავდა ლენინგრადის სამხედრო ოლქის შტაბის
ოპერატიულ მორიგეს:

მაგრამ პასუხები სტერეოტიპული იყო:

— ჯერჯერობით სიწყნარეა...

„ჯერჯერობით სიწყნარეა!“ — დაახლოებით ასეთსავე
პასუხს ღებულობდნენ იმ ღამეს გენშტაბის ოპერატორე-
ბი, რომლებიც ოლქების შტაბებთან იყვნენ დაკავშირე-
ბული. „ჯერჯერობით სიწყნარეა!“ — მოახსენებდნენ ისი-
ნი თავდაცვის სახკომსა და გენშტაბის უფროსს...

და ისინი მართალი იყვნენ. იმ, სულ უკანასკნელ სა-
ათებში საბჭოთა კავშირის დასავლეთის თვალუწვდენელ
საზღვარზე, ბარენცის ზღვიდან შავ ზღვამდე, უცნაური,
უჩვეულო სიჩუმე იდგა.

ჯერ კიდევ დღისით საზღვრის იქითა მხარეს რაღაც
გამალებული მოქმედება ხდებოდა. გუგუნებდნენ ტანკე-
ბი, მოტორები, ცაში აიჭრებოდნენ საზღვარს დასტრია-
ლებდნენ და ხშირად კვეთდნენ მას თვითმფრინავები. საბ-
ჭოთა სათვალთვალ კოშკურებიდან ღურბინდის გარე-
შეც შეიძლებოდა საზღვრისპირა გზებზე სამხედრო სატ-
ვირთო მანქანების ინტენსიური მოძრაობის დანახვა.

მაგრამ 22 ივნისის ღამეს მოულოდნელად ყველაფერი
მიჩუმდა. ხმისდამჭერები არავითარ საეჭვო ხმაურს არ
აღნიშნავდნენ. ამაოდ უსმენდნენ მესაზღვრეები. გერმა-
ნელთა გადალაპარაკების დაჭერით დასაქმებული რადიო-
ოპერატორები მეთაურთა კითხვის გამომხატველი შემო-
ხედვის პასუხად მხრებს იჩიქდნენ და მოახსენებდნენ:
„ღუმან. თითქოს ყველაფერი ჩამკვდარა“.

და ეს მართალი იყო. რადგან, თანახმად გერმანელთა
უმალღესი სარდლობის ბრძანებისა, 22 ივნისს ღამით, იმ-
მომენტამდე, სანამ მოცემული იქნებოდა სიგნალი, ყველა
საველე შტაბს, საზღვრისკენ წინ წაწეულსა და გადამწყ-
ვეტი ნახტომისათვის მომზადებულ მთელ ჯარებს წინა-
დადგება ეძლეოდათ შეეწყვიტათ ყოველგვარი მოძრაობა,
და სრული სიჩუმე დაეცვათ.

გერმანელი ოფიცრები თავიანთ კარვებსა ან საშტაბო
ავტობუსებში ისხდნენ და რუკებზე დახრილიყვნენ. ტე-
ლეფონებით სარგებლობა მხოლოდ უკიდურესი საჭიროე-
ბისას იყო ნებადართული. ეთერში სამარისებური სი-
ჩუმე იდგა...

ოლქის შტაბში დაბრუნებულ ზვიაგინცევს თავისი გან-
ყოფილების თანამშრომელთა უმეტესობა იქ დახვდა.

როგორც ყოველთვის, სამუშაო დღის დაწყებამდე,
დერეფანში ხმაური იყო. ქვის იატაკზე ჩექმების ბრაგუნს
აღამიანთა ხმები ერთვოდა.

მოდრიდნენ სულ ახალი და ახალი მეთაურები. შემო-
სულთ სახეებზე შეშფოთებაც ეწერათ და გაკვირვებაც.
ისინი გაოცებული სახით ეგებებოდნენ მათ, ვინც უფრო
ადრე მოსულიყო, რომ გაეგოთ, რა მოხდა.

მაგრამ ადრე მოსულებმაც ჯერ რიგიანად არაფერი
არ იცოდნენ. თანამშრომელთა კითხვის გამოძახატველ
მზერაზე ისინი მხოლოდ ხელებს ასავესაებდნენ.

სამმართველოში შეუუღელლად ზვიაგინცევი, როგორც
ტელეფონით ჰქონდა ნაბრძანები, შტაბის უფროსისაკენ
გაემართა.

მუდამ გამოწყეპილმა ელეგანტურმა გენერალმა, რო-
მელიც ზვიაგინცევს რამდენიმე კვირა იყო არ ენახა, ამ-
ჯერად მასზე უცნაური შთაბეჭდილება მოახდინა.

მაგიდის ლამპის შუქზე კარგად ეტყობოდა როგორ
გაბურძგნოდა წვერი ოდნავ გაფიფინებულ სახეზე. კიტე-
ლი დაქმუქნოდა, თითქოს გაუხდელად ძინებიაო. იგი ს-
წერ მაგიდასთან იჭდა. მის ზემოთ კედელზე სტალინის,
ვოროშილოვისა და ტიმოშენკოს პორტრეტები ეკიდა. კი-
თხვით გართულმა წამით თავი ასწია, ზვიაგინცევმა თავი-
სი მოსვლა რომ მოახსენა და ისევ კითხვას მისცა თავი.

მოხსენება რომ დაამთავრა, ზვიაგინცევი რამდენიმე
წამს მდუმარედ იდგა. მერე ხმადაბლა ჰკითხა, რას მიბ-
რძანებთო.

— მოიცადე, — თავაულებლივ მოკლედ უპასუხა გე-
ნერალმა.

ზვიაგინცევი ადგილიდან არ იძვროდა. განცვიფრებით
უყურებდა გენერლის დაბლა დახრილ თავს და ის იყო
უნდა ეკითხა, ხელქვეითებს რა დაჯალბებები მივცეო, რომ
ამ მომენტში გენერალმა ჩაიბურტყუნა:

— ხელს ნუ მიშლი, შენთან წადი. ხომ გითხარი: მოი-
ცადე-მეთქი.

ზვიაგინცევი უცბად შემოტრიალდა და კაბინეტიდან
გავიდა. მაგრამ თავისთან კი არა, ოპერატიულ განყოფი-
ლებაში წავიდა. იქნებ სწორედ იქ ნაცნობობით გაეგო
უეცარი გამოძახების მიზეზი.

იგი უკვე აპირებდა დერმატინგადაკრულ კარში შეს-

ვლას, როცა იქიდან პოლკოვნიკი კოროლიოვი გამოვიდა. დანახვისთანავე შუბლშეკრულმა უთხრა ზვიაგინცევს:

— გამოცხადდი? რატომ შენს სამმართველოში არა ხარ?

საერთო დაძაბულ-შფოთიან გარემოებას აყოლილმა ზვიაგინცევმა უპატაკა, რომ შტაბის უფროსთან იყო. არავითარი ბრძანება არ მიუღია გარდა მოცდისა და ახლა უნდოდა...

— ჩაგეტარებინა დამოუკიდებელი დაზვერვა ოპერატორებთან? — ერთგვარი ირონიით შეაწყვეტინა კოროლიოვი.

ზვიაგინცევი დუმდა.

— კარგი, — უთხრა კოროლიოვმა, — წამოდი ჩემთან. ჭერ მე მაქვს შენთან შეკითხვა.

ისინი შევიდნენ პოლკოვნიკის ოთახში, რომელიც სავესე იყო თამბაქოს ბოლით. კოროლიოვი მაგიდას მიუჯდა, თავის დაქნევით სკამზე მიუთითა ზვიაგინცევს და უთხრა:

— რა გილაპარაკია იქ, სმოლნში?

„ჰო, ასეა, — გაიფიქრა ზვიაგინცევმა, — ევ არის. მოუხსენებიათ“.

მან ეს, შიშისა და წყენის გარეშე, მაგრამ რალაცნაირი უიმედო დაღლილობის შეგრძნებით გაიფიქრა.

— მგონი, გასაგებად გეკითხები? — ხმის აწევით დაიწყო ისევ კოროლიოვმა. — ათი წუთის წინ შტაბის უფროსს დაურეკეს საგანგებო განყოფილებიდან. ამბობენ, რომ შენ იქ გაგიმეღავენებია საიდუმლო მონაცემები, მზვერავის მთელი ის აბდაუბდა. და საერთოდ, მთელი შენი გადმოცემის ტონი თურმე პანიკური იყო. კიდევ კარგი, რომ მე მომიხელთეს და არა გენერალი. თუმცა მას მაინც უნდა მოვასხენო. თვითონ იცი, ასეთი რამეები სახუმარო როდია. აბა, რას იტყვი?

— მოახსენეთ, ამხანაგო პოლკოვნიკო, — მშრალად და ოფიციალურად უპასუხა ზვიაგინცევმა.

— შენ მე ნუ მასწავლი! — უყვირა კოროლიოვმა და მაგიდას მუშტი დაჰკრა. — შენი ხათრი რომ არ მქონდეს, გენერლისთვის მოგიხდებოდა განმარტების მიცემა! შენ გესმის, რა შეუძლიათ გიყონ ცხელ გულზე და ისიც ასეთ მომენტში?!

იგი გაჩუმდა, სკამის საზურგეს გადაეყრდნო და რამდენიმე ხანს დაჟინებით უცქეროდა ზვიაგინცევს.

ზვიაგინცევი დუმდა.

— მაშასადამე ყველაფერი სიმაართლეა, — დანანებით თქვა კოროლიოვმა და ხელი ჩაიქნია. — გადაეწყვიტე მომეცადა, სანამ შენ გამოცხადდებოდი. მეგონა, თავის გასამართლებლად რამეს იტყოდი... რაღას გაჩუმებულხარ ლენჩივით?! — ისევ იფეთქა მან. — თქვი, მოგიგონეს, თუ ყველაფერი სიმაართლეა?

— ყველაფერი სიმაართლეა, — გულგრილად თქვა ზვიაგინცევი.

— ეშმაკმა უწყის, რა არის ეს! — წაიბუტბუტა კოროლიოვმა. წამოდგა და კაბინეტში რამდენჯერმე აჩქარებით გაიარ-გამოიარა. შემდეგ გაუნძრევლად მჯდომ ზვიაგინცევის წინ გაჩერდა. — მაგრამ შენ... როგორ გაბედე? — ისევ დაილაპარაკა მან. — ნერვებმა გიღალატა? პანიკამ შეგიპყრო?

ზვიაგინცევი სკამიდან წამოხტა. ამ წუთში მას სძულდა კოროლიოვი. იმიტომ კი არ სძულდა, რომ სასჯელის ეშინოდა. არა, ახლა მას სულ სხვა აზრები დაუფლებოდა...

— ამხანაგო კოროლიოვო, — მტკიცედ წარმოთქვა მან და, ალბათ, პირველად მიმართა მას არა წოდებით, არა სახელითა და მამის სახელით, — მე კომუნისტი ვარ. და მე გამგზავნეს სალაპარაკოდ კომუნისტებთან. ჩემი მოვალეობა იყო მათთვის სიმაართლე შეთქვა. მე არ მესმის... როგორ შეგიძლიათ თქვენ?.. მაშინ რაღა ითქმის... რამდენიმე საათის შემდეგ ომი რომ დაიწყოს?!

ზვიაგინცევი იდგა შემართული, თითქოს მისი ყოველი ნერვი, ყოველი კუნთი უკიდურესობამდე დაძაბულიყო. შუბლზე ოფლის წვეთები დაასხდა. იგი ჩაშტერებით შესცქეროდა კოროლიოვს. სიჩუმე ჩამოეარდა.

კოროლიოვმა რაღაცნაირად დუნედ ჩაიქნია ხელი და ისევ რამდენიმე ნაბიჯი გადადგა კაბინეტში. შემდეგ მაგიდას მიუბრუნდა, დაჯდა, გიმნასტურის საყუდლო შეიხსნა, ცხვირსახოცი ამოიღო და მოკლე, დაძარღვეული კისერი შეიმშრალა.

— კარგი, — თქვა მან ბოლოს, — ჩავთვალთ, რომ საგანგებო განყოფილების თანამშრომლები უკიდურესობაში გადავარდნენ. გენერლისთვის მოხსენებას დილაძდე გადავდებ. დაჯექი, დათვალე რებაზე ზომ არ დგახარ...

ზვიაგინცევი დაჯდა. და კვლავ ძლიერი დაღლა იგრძნო. იგი შვებას არ გრძნობდა იმის შეგნებისაგან, რომ გადაიღო საფრთხე, რომელიც პირადად მას ემუქრებოდა. ახლა ამაზე აღარ ფიქრობდა.

— წადი, შენთან მოიცადე, — ხმადაბლა უთხრა კოროლიოვმა.

— არა, — თავი გააქნია ზვიაგინცევმა, — უნდა გითხო...

— რაღა უნდა მკითხო? — უკმაყოფილოდ წარმოთქვა კოროლიოვმა.

— უწინარეს ყოვლისა, პაულე მაქსიმოვიჩი, — უკვე ნაკლებად ოფიციალურად უთხრა ზვიაგინცევმა, — თუ შეიძლება გავიგო საერთო განგაშის კონკრეტული მიზეზი? რამე ხომ არ მოხდა?

— მერე.

— აბა... რას ნიშნავს ეს გაურკვეველი განკარგულება „მოიცადე“?

— კიდევ?

— ისევ და ისევ იგივე, პაულე მაქსიმოვიჩი, მაპატიე, მაგრამ ისეთი შთაბეჭდილება მრჩება, რომ საზღვარზე რაღაც მოხდა, მაგრამ ამას ჩვენ გვიძალავენ.

— გასაგებია, — ჩაიციხა კოროლიოვმა, — გიპასუხებ პუნქტების მიხედვით. განგაშის მიზეზი შენთვის ცნობილია — სახკომის დეპეშის შინაარსი ჭერ კიდევ დღისით ჩემგან გაიგე: „შესაძლებელია პროვოკაციები“, ეს პირველი. მოცდა იმიტომ გაქვს ნაბრძანები, რომ მთელი აუცილებელი სამუშაო გეგმის მიხედვით შენ ჭერ კიდევ დღისით ჩაატარე. შენს მესამე კითხვაზე კი შემიძლია გიპასუხო, რომ საზღვარზე ყველგან სიწყნარეა.

— სიწყნარეა? — ფანცვიფრებით გაიმეორა ზვიაგინცევმა.

— დიახ. დიახ, სიწყნარეა, მაგათი დედაც... — მოულოდნელად ხმამაღლა შეიგინა კოროლიოვმა. — მთელი თვის განმავლობაში პირველი ღამეა, რაც სიწყნარეა! სიჩუმე! თითქოს ყველანი ჩაძლდნენ.

იგი სავარძლიდან წამოხტა და ოთახში აჩქარებით დაიწყო სიარული.

— ნეტავ ვიცოდე, რა ხდება იქ, იმათთან!.. — ხმადაბლა, თითქოს თავისთვის წაიბუტბუტა კოროლიოვმა.

...მაგრამ ლენინგრადის სამხედრო ოლქის შტაბში არავინ არ იცოდა და არც შეეძლო სცოდნოდა, რა ხდებოდა იმ მომენტში, მოსკოვის დროით სამ საათსა და ოც წუთზე და შუაეკროპული დროით პირველსა და ოც წუთზე. მოულოდნელად მიწყნარებულ, თითქოს ჩამკვდარ საბჭოთა კავშირ-ფინეთის საზღვარს იქით. სხვა სამხედრო

ოლქებშიც არ იცოდნენ და არც შეეძლოთ სკოდნოდათ, რას აკეთებდნენ იმ წუთებში გერმანელები.

მაგრამ ფაქტი ფაქტად რჩებოდა — გადაღმა სამარისეზური სიჩუმე სუფევდა. ტყეებს თითქოს ეძინათ. მინდვრები უკაცრიელი იყო. ბრესტის რკინიგზის ხიდზე წელა მიცოცავდა და საბჭოთა კავშირ-გერმანიის საზღვარს ჰკვეთდა ხელშეკრულების თანახმად გერმანიაში გაგზავნილი სურსათითა და მინერალური ნედლეულით დატვირთული მატარებელი. საბაჟოს ორი მოხელე მიმავალ მატარებელს შეახტა. ყველაფერი ჩვეულებრივად იყო. მაგრამ ამდენი საათის დუმილის შემდეგ სწორედ ამ წუთებში ოპერატიული მუშაკების კარავში აწკრიალდა ტელეფონი და არმიის 24-ე კორპუსის ოპერატიული განყოფილების უფროსმა უპატაკა, რომ „ხიდი სრულ წესრიგშია“.

არავითარი კომენტარი არ გაუკეთებიათ. არც ერთი განმარტებითი სიტყვა არ უთქვამთ. მაგრამ ტელეფონით მოლაპარაკებებმა იცოდნენ, ნათქვამი ეხებოდა იმ ხიდს, რომელზეც რაღაც ერთი საათის შემდეგ გუდერიანის ტანკები ბუგზე გადავიდოდნენ და ბრესტს ეძვეებოდნენ.

გადიოდა წუთები. გერმანელთა შტაბის ოფიცრების საგულდაგულოდ შემოწმებულ საათებზე ისრები შუაფეროპული დროით ორს უახლოვდებოდა.

უეცრად გიგანტურმა ალმა დილაბინდის მრუმე გააპო. ყველა კალიბრი, გერმანულმა ზარბაზნებმა ბარენცის ზღვიდან შავ ზღვამდე ერთდროულად დაუშინეს ცეცხლი საბჭოთა ტერიტორიას.

ომი დაიწყო.

XII

1

1941 წლის 22 ივნისს განთიადისას ორასამდე გერმანულ-ფაშისტური დივიზია — ქვეითი, მოტორიზებული, სატანკო-საავიაციო ფუგასური ბომბებით წინასწარ გადახნულ საბჭოთა კავშირის სასაზღვრო რაიონებს მოედო. კორპუსებად, არმიებად, არმიულ ჯგუფებად გაერთიანებულ მილიონობით ჯარისკაცს ათეულ ათასობით ოფიცერი და ასობით გენერალი ხელმძღვანელობდა. ისინი აღკურვილი იყვნენ მათ მიერვე დამორჩილებულ ევროპის ქარხნებში დამზადებული უახლესი იარაღით და გაბრუებულნი დასავლეთში ელვისებური გამარჯვებით. იმ საშინელ, მიწის ქარბორბალით ჩაბნელებულ, ნამწვის სუნით

გაქვითილ დილით, როცა ჰიტლერის მიერ სინდისის კონტროლისაგან განთავისუფლებული და უმდიდრესი ნადავლის შოვნით ანთებული მილიონობით ფაშისტი თავს დაგვესხა, საექვოა ჩვენს ქვეყანაში ვინმეს სრულად წარმოედგინა მოვლენათა შემდგომი განვითარება და თავს დამტყდარი საშიშროების სიდიდე.

გავა რამდენიმე წელი, სისხლი მდინარეებად დაიღვრება და ოცი მილიონი საბჭოთა მეომარი შეეწირება მამაპაპათა მიწას, რათა მილიონებმა, მათმა ძმებმა შეძლონ საძულველი მტრის განდევნა და მის ბუნაგში შექრა. და მაშინ ცნობილი გახდება მსოფლიოსათვის გეგმა „ბარბაროსა“ და ისიც, რაც ამ სიტყვის უკან იმალება.

მაგრამ იმ მწარე დილას საბჭოთა კავშირში არავინ არ იცოდა ამ გეგმის შინაარსი. არ იცოდნენ და არც შეეძლოთ სცოდნოდათ ამის შესახებ იმ აღამიანებსაც — სამხედროებს და სამოქალაქოებს — რომლებიც ბალტიისპირეთისა და ლენინგრადის სამხედრო ოლქების ნაწილებს, ქვეგანაყოფებსა და ლენინის ქალაქის ათასობით კომუნისტს ხელმძღვანელობდნენ.

გაივლის დღეები, დაუსრულებელი, როგორც წლები, სანამ საშინელი საშიშროება სრულად იქნება შეგნებული და ისინი გაიგებენ, რომ შვიდასი ათასი გერმანელი ჯარისკაცი და ოფიცერი, 1500 ტანკი და 1200 თვითმფრინავი გამოწმურნენ ქვეყნის ჩრდილო-დასავლეთისაკენ ერთი მთავარი მიზნით — სვლის შეუჩერებლივ გაენადგურებინათ ლენინგრადი, ხოლო თორმეტი ათასი ზარბაზანი და ნალმსატყორცი მზად იყო ყველაფრის დამანგრეველი ცეცხლით აღეგავა იგი პირისაგან მიწისა.

მაგრამ ივნისის იმ დილას ეს ციფრებიც და ეს მიზანიც, გერმანელთა გარდა, ჯერ კიდევ არავინ არ იცოდა.

არ იცოდნენ ეს არც ქალაქის პარტიული ორგანიზაციის ხელმძღვანელებმა, — მათ შორის ქალაქკომის ერთ-ერთმა მდივანმა სერგი ათანასეს ძე ვასანეცოვმაც.

ამ კაცს ჯერ ორმოცი წელიც არ შესრულებოდა. იგი მეტისმეტად გამხდარი იყო. სწორი, წაწვეტებული ცხვირი და მკვეთრად წამოწეული ლაწვები მის სახეს მკაცრ და გულჩათხრობილ გამომეტყველებას აძლევდნენ.

კომკავშირის ოლქკომის ერთ-ერთი ყოფილი მდივანი, იგი ცხრამეტი წლისა შევიდა პარტიაში. ოციანი წლების დასასრულს ლენინგრადის საგუბერნიო კომიტეტში წაიყვანეს ინსტრუქტორად. მერე პარტიის ერთ-ერთი სა-

ქალაქო რაიკომის მდივნად აირჩიეს. ერთი წლის შემდეგ კი ისევ დაბრუნდა სმოლნში, უკვე პარტიის ქალაქკომის მდივნის თანამდებობაზე. ამ პოსტზე მოუხსრო ომმა.

ბევრი მათგანი, ვისაც ვასნეცოვთან შონდენია მუშაობა, ამ კაცს „ადამიან-ზამბარას“ უწოდებდა: მას უსაზღვრო ენერჯია და ძალ-ღონის დაუშრეტელი მარაგი ჰქონდა. ადამიანებს უკვირდათ, როგორ შეეძლო ამ ასკეტური გარეგნობის კაცს მთელი დამეობით უძილობა, ერთსა და იმავე დღე-ღამეში სრულიად სხვადასხვა და ერთმანეთისაგან დაშორებულ ადგილებში — ქარხნებში, სასწავლებლებში, სამხედრო ნაწილებში, გემებზე — მისვლა.

როგორც წესი, ვასნეცოვი მით უფრო მშვიდი, ადამიანებთან დამოკიდებულებაში აუჩქარებელი იყო, რაც უფრო დაძაბული იქნებოდა სიტუაცია. ბევრს ეჩვენებოდა, რომ იგი უდანოვს ბაძავდა. მაგრამ თუ უდანოვი ცდილობდა ხშირათვის არ აეწია (და ისინი, ვინც მას იცნობდნენ, დარწმუნებული იყვნენ, რომ იგი ბაძავდა სტალინს), ვასნეცოვი ხშირად „იფეთქებდა“ — მასში თავს იჩენდა კომკავშირული დვრიტა. ასეთ შემთხვევაში უკიდურესობამდე მკაცრი, თითქოს სასტიკიც ხდებოდა. ეს მხოლოდ გარეგნულად, ისე კი ვასნეცოვი სასტიკი არასოდეს არ ყოფილა. უბრალოდ, იმ წლებში პარტიის მიერ აღზრდილი სხვა მრავალი ადამიანივით მას არ სწამდა არავითარი კომპრომისი, როცა საკითხი საქმისადმი დამოკიდებულებას ეხებოდა. და საქმის ინტერესებსა და ადამიანის ქცევას შორის წარმოქმნილ ყოველგვარ წინააღმდეგობას პირველის სასარგებლოდ გადაწყვეტდა ხოლმე.

დისციპლინას, ადამიანის უნარს — რადაც უნდა დაუჭედეს შეასრულოს დავალება, ვასნეცოვი ისეთ უმნიშვნელოვანეს თვისებათა გვერდით აყენებდა, როგორიცაა პატიოსნება, ერთგულება პარტიისადმი, მზადყოფნა მისთვის სრული თავდადებისათვის.

ამიტომ, როცა დილის ხუთის ნახევარზე ვასნეცოვის კაბინეტში, რომელიც მას პარტაქტივის დამთავრების შემდეგაც არ მიუტოვებია, ტელიფონის ზარი გაისმა და საოლქო მტაბის უფროსმა აცნობა, რომ გერმანელები ჩვენს ქალაქებს, მათ შორის ლენინგრადის მახლობლად მდებარე ბალტიისპირა რესპუბლიკების დედაქალაქებს ბომბავენო. ვასნეცოვის პირველი შეკითხვა იყო: „რა მითითებები მოვიდა?“

მტაბის უფროსმა მღელვარების დაუფარავად, აჩქარებით, მაგრამ იმავე დროს როგორღაც ყოყმანით უპასუხა,

რომ მიღებულია სახკომის ბრძანება — მოვიგერიოთ მტერი, გავრეკოთ ჩვენი ტერიტორიიდან, მაგრამ საზღვარი არ გადავლახოთ.

ვასნეცოვმა ჰკითხა, სარდალი სად არისო. უპასუხეს, ჯარებიდან მის მოსვლას ყოველ საათს ველოდებითო და ყუჩმილი დაჰკიდა.

ვასნეცოვს გონების თვალწინ წარმოუდგა ქალაქის პარტიული ორგანიზაციის მთელი ფართოდ განშტოებული ქაეღლი — ქალაქკომის ბიურო, რაიკომები, ქარხნების პარტიული კომიტეტები, ასობით პირველადი პარტიული კოლექტივები, მათი ხელმძღვანელები და იმის შეგნებამ, რომ ყველანი საბრძოლო მზადყოფნაში არიან და მითითებებს ელოდებიან წუთიერი კმაყოფილება აგრძნობინა.

მან ზარის ღილაკს დააჭირა ხელი და შემოსულ თანაშემწეს, — ახალგაზრდა კაცს, რომელიც ფინელებთან ომში მიღებული ჭრილობის შემდეგ ოდნავ კოჭლობდა, დაავალა — ქალაქკომის ბიუროს ყველა წევრი გაეფრთხილებინა, რომ ოცდაათი წუთის შემდეგ სმოლნში მოსულიყვნენ.

შემდეგ მან კედლის საათს შეხედა. ავტომატურად დაინიშნა დრო, და იმავე წუთს მოუხვეწრობა დაეუფლა.

ვასნეცოვი დაფიქრდა იმაზე, რომ რაკი ჟღანოვი აქ არ არის, ბიუროს სხდომის ხელმძღვანელობა მას მოუხდება. მაშასადამე, პირველ რიგში სწორედ მას ეკისრება პასუხისმგებლობა ყველა იმ გადაწყვეტილებაზე, რომელსაც კი მიიღებენ.

რასაკვირველია, ვასნეცოვმა იცოდა რა უნდა გაეკეთებინა პირველ რიგში. ყველა საჭირო ღონისძიება იმ შემთხვევისათვის, თუ მდგომარეობა გამწვავდებოდა, გათვალისწინებული იყო არა მარტო ახლახან დამთავრებულ პარტაქტივის კრებაზე, არამედ უფრო ადრეც: საპაირო თავდაცვის საშუალებათა საბრძოლო მზადყოფნაში მოყვანა, პარტიულ ხელმძღვანელთა სადღეღამისო მორიგეობა — უმსხვილეს საწარმოთა პარტკომებამდე და მათ ჩათვლით, ღონისძიებანი სახელმწიფო უშიშროების ორგანოთა ხაზით და სხვა მრავალი.

და მაინც იმის შეგნება, რომ ყოველივე დასახული არასაკმარისი იქნება, რომ ახლა საშიშროება თეორიული შესაძლებლობა კი აღარაა, არამედ საშინელი სიცხადე და საჭიროა რაღაც ახალი, მნიშვნელოვანი, მშვიდობიანობის დროს გაუთვალისწინებელი მოქმედებანი — ეს შეგნება თანდათანობით სავსებით დაეუფლა ვასნეცოვის გონებას.

ახლა იგი ცდილობდა წინასწარ მიხვედრილიყო, გამოეცნო, კიდევ რა იყო აუცილებელი. და მისდა შეუმჩნევლად ღრმა ფიქრებს მიეცა.

...ჯერ კიდევ ორი კვირის წინათ ვასნეცოვს ვერ წარმოედგინა, რომ ომი ასე მალე ატყდებოდა.

როგორც მილიონობით საბჭოთა ადამიანმა, მან სულ ახლახან წაიკითხა გაზეთებში საკდესის ცნობა. მოკლე და კატეგორიული გამოთქმები — მათში იგრძნობოდა სტალინის სტილი — ეს ცნობა უარყოფდა უცხოელ კორესპონდენტთა შტკიცებას საბჭოთა კავშირ-გერმანიის საზღვარზე გერმანელთა ჯარების კონცენტრაციის შესახებ, როგორც ბოროტად განზრახულსა და პროვოკაციულს.

ცნობაში ნათქვამი იყო, რომ გერმანია განუხრელად ასრულებს საბჭოთა კავშირ-გერმანიის პაქტიდან გამომდინარე თავის ვალდებულებებს, და ხმები სსრ კავშირზე მისი თავდასხმის განზრახვის შესახებ მოკლებულია ყოველგვარ საფუძველს.

ყოველივე ეს არა მხოლოდ არ შეესაბამებოდა შფოთიან ატმოსფეროს, რომელშიც ცხოვრობდა ჩვენი ქვეყანა, არამედ თითქოს პირდაპირ ეწინააღმდეგებოდა სიფხიზლისა და საბრძოლო მზადყოფნისაკენ მოწოდებით აღსავსე დირექტივებს, ცკ-დან რომ სისტემატურად მოდიოდა საოლქო კომიტეტში.

ვასნეცოვმა ჰკითხა ჟდანოვს, როგორ უნდა გაგებულყო საკდესის ეს განცხადება.

ჟდანოვმა დინჯად და მეთოდურად განუმარტა ვასნეცოვს, რომ ამ განცხადებას აქვს ორი მიზანი: ჯერ ერთი, გაუფანტოს გერმანიას შესაძლებელი ეჭვები — დასავლეთის ბურჟუაზიული პრესა, რომელიც ფარულად ჯერ კიდევ იმედოვნებს აამხედროს ჰიტლერი ჩვენს წინააღმდეგ, რეგულარულად აქვეყნებს ყალბ ცნობებს იმის შესახებ, რომ სსრ კავშირი აპირებს პრევენტული ომის დაწყებას; მეორეც, საკდესის ეს განცხადება მიმართულია იმისკენ, რომ აიძულოს გერმანია გამოვიდეს ანალოგიური დოკუმენტით სსრ კავშირის მიმართ.

განმარტება დამაჯერებლად ედერდა და რამდენიმე დღის განმავლობაში ჟდანოვთან ლაპარაკის შემდეგ ვასნეცოვი განსაკუთრებული ყურადღებით კითხულობდა უცხოური პრესის ცნობებსა და ხელში ჩაგდებულ ფინურ და გერმანულ რადიოგადაცემებს იმ იმედით, რომ ნახავდა გერმანიის მთავრობის მოსალოდნელ განცხადებას.

მაგრამ ასეთი განცხადება არ მოჰყოლია. გერმანიაში თითქოს საერთოდ ვერ შეამჩნიეს საკდესის ცნობა.

ამ თემაზე ვასნეცოვს მეტი შეკითხვა აღარ მიუცია ჟღანოვისათვის, ვინაიდან ყოველი ასეთი შეკითხვა, რა ფორმითაც უნდა ყოფილიყო იგი დასმული, არა მარტო ვასნეცოვის ვარაუდით გამომხატველი იქნებოდა, რომ პუბლიკაციამ ვერ მიაღწია მიზანს, არამედ საერთოდ, განცხადების მიზანდასახულობასაც ეჭვის ქვეშ დააყენებდა.

ვასნეცოვი ასეთი ეჭვის გამოთქმის ნებას ვერ მისცემდა თავის თავს. თავისი მდგომარეობით მართალია, იგი ჟღანოვის ერთ-ერთ უახლოეს თანამშრომლად ითვლებოდა, მაგრამ მათ შორის მაინც უზარმაზარი დისტანცია არსებობდა, ვინაიდან ჟღანოვი პოლიტიკურს წევრი და ცენტრალური კომიტეტის მდივანი იყო.

პარტიული დისციპლინა, ანუ, უფრო ზუსტად, „პარტიული ზრდილობა“, როგორც ეს იმ წლებში პარტიული აპარატის ბევრ პასუხისმგებელ მუშაკს ესმოდა, იმაში მდგომარეობდა, რომ „ცხვირი არ ჩაგეყო“ იმ საქმეში, რომლებიც ქვეყნის უმაღლესი ხელმძღვანელობის კომპენტენცი-აში შედიოდა.

იგულისხმებოდა — და თვითონ ვასნეცოვსაც სწორედ ასე მიაჩნდა — ვისაც ეხებოდა, ყველა თავის დროზე მიიღებდა საჭირო ინფორმაციას. საკუთარი ინფორმირებულობის სფეროს თვითნებურად გაფართოების ცდის მეტის-მეტი ინიციატივა კი არ უნდა გამოეჩინა. ამას შეეძლო საბაბი მიეცა ცკ-სთვის არასწორად გაეგოთ მისი ქცევა. თვით ფიქრიც ამაზე ვასნეცოვის ხასიათს ეწინააღმდეგებოდა.

და განა იმიტომ, რომ თავისთვის რაიმე არასასიამოვნო შედეგებისა ეშინოდა — თუმცა ვასნეცოვის თვალწინ დამსხვრეულა ხოლმე იმ ადამიანთა ბედი, რომლებიც, როგორც მიაჩნდათ გადაჭარბებით აფასებდნენ თავიანთი პიროვნების მნიშვნელობას და პატივმოყვარეობის ოცნებებს ეძლეოდნენ, არა, შიში როდი აკავებდა, ცენტრალური კომიტეტის ნდობას ვასნეცოვი ყველაზე მეტად აფასებდა და მისი დაკარგვით დაკარგავდა იმას, რაც თავის ცხოვრებაში უმთავრესად მიაჩნდა.

ამიტომ ჟღანოვთან შემდგომი საუბრის დროს ვასნეცოვი უკვე აღარ უბრუნდებოდა საკდესის 14 ივნისის განცხადებას. შით უფრო, რომ ამ თარიღის შემდეგ ცენტრალური კომიტეტიდან მოსული დირექტივებიც სიტხიზლის კიდევ მეტად გაძლიერებას მოითხოვდა, თუმცა სავალდებუ-

ლო შენიშვნით—ჩასატარებელ ღონისძიებათა სრულიად საიდუმლოდ დაცვის აუცილებლობის შესახებ, რათა არ მიეცათ საბაზი პროვოკაციებისათვის. სწორედ ამ ღირებულების შესასრულებლად ხდებოდა ქალაქის უმსხვილეს საწარმოთა უმნიშვნელოვანესი ცენტრების — საოლქო კომიტეტის, ქალაქკომის, რადიოკომიტეტის, სატელეფონო კვანძის, ტელეგრაფის სამობილიზაციო გეგმების შედგენა და გადასინჯვა. ზუსტდებოდა რაიკომებისა და ძირეული პარტიული კომიტეტების თავდაცვის ღონისძიებათა სიები. ქალაქკომის ბიუროს სხდომები დღის წესრიგში სულ უფრო ხშირად შეჰქონდათ საპაერო თავდაცვის ადგილობრივ ხელმძღვანელთა მოხსენებები.

ქალაქკომის ბიუროს წევრებისათვის ისიც კარგად იცოცნობილი, რომ ანალოგიური ღირებულებები, რომლებიც საბრძოლო მზადყოფნას მოითხოვდნენ, თავდაცვის სახალხო კომისარიატიდან ლენინგრადის სამხედრო ოლქის შტაბშიც მოდიოდა. სწორედ ერთ-ერთი ასეთი ღირებულების შესასრულებლად ოლქის ხელმძღვანელები ორი კვირის წინაშე ფინეთთან მოსაზღვრე რაიონებში გაემგზავრნენ. უნდა ჩაეტარებინათ ჯარების ინსპექცია და ტაქტიკური მეცადინეობა, ვინაიდან თანახმად მოვლენათა ლოგიკისა, მხოლოდ სწორედ იქიდან, ჩრდილოეთიდან შეეძლო პოტენციურ მტერს დამუქრებოდა ქვეყნის დასაველეთი ზღუდეებიდან დაშორებულ ლენინგრადს.

მიუხედავად ამისა, გუშინდლამდე ვასნეცოვი ძნელად თუ წარმოიდგენდა მოახლოებული ომის რეალობას.

და არა მარტო იმიტომ, რომ საკდესის განცხადებამ მაინც მოახდინა მასზე გარკვეული ფსიქოლოგიური ზემოქმედება.

არა მარტო იმიტომ, რომ ცენტრალურმა კომიტეტმა ნება დართო ედანოვს შევებულებით გამგზავრებულოყო, და აქედან გამომდინარე, არ მოელოდა ომის საშიშროებას, ყოველ შემთხვევაში უახლოეს დროში...

იყო კიდევ ერთი, ფსიქოლოგიური, ოღონდ ფრიად მნიშვნელოვანი გარემოება, რომელიც ხელს უწყობდა იმ რწმენას, რომ ომი მოულოდნელად არ დაიწყებოდა: ვასნეცოვის, ისევე როგორც სოციალისტური მშენებლობის წინა რიგებში მდგომი ათეულ ათასობით ადამიანის ცნობიერებაში, უფრო კი, ქვეცნობიერებაში თვით ისტორიის მსკდლოობით განმტკიცდა აზრი სტალინის ყოველისშემძლეობის შესახებ.

ფაქტები, უცილობელი ფაქტები, ფიქრობდა ვასნეცოვი, აი უკვე მრავალი წლის მანძილზე გვაჯერებდნენ იმაში, რომ ურწმუნოთა — უკლონისტებისა და ოპოზიციონერების — წინააღმდეგ ჩვენი ქვეყნის ცხოვრება სწორედ ისე ვითარდებოდა, როგორც წინასწარ დასახული იყო პარტიის, ცენტრალური კომიტეტის, სტალინის მიერ.

აი უკვე მრავალი წელია, რაც ქვეყანა მშვიდობიანობის პირობებში ვითარდება და გამანადგურებელ წინააღმდეგობას უწევს გარედან შემოწმების ცალკეულ ცდებს. სტალინმა მოიგო ხანგრძლივი, წლობით გაგრძელებული შესვენება, — იგი მართალი აღმოჩნდა.

სტალინმა თქვა, რომ ჩვენი ქვეყნის უშიშროების ნამდვილად უზრუნველყოფის ერთადერთი შესაძლებლობა მდგომარეობს მძლავრი ინდუსტრიული ბაზის შექმნაში — „თორემ ჩვენ გავვთელავენ“.

და ურწმუნოებს საკმარისი რაოდენობით კვალიფიციური კადრების უყოლობის და გარედან ფინანსური დახმარების გარეშე ისევ დაუჭერებლად, შეუძლებლად ეჩვენებოდა ამ ტიტანური ამოცანის გადაწყვეტა.

მაგრამ ეს ძირითადად გადაწყვეტილი იქნა ათ წელზე უფრო ნაკლებ დროში.

არ შეიძლება წარმატებით ვაშენოთ კომუნიზმი, როცა ქვეყანაში გვაქვს ორი წყობა: მძლავრი სოციალისტური ინდუსტრია და დაქუცმაცებული, კერძომესაკუთრული წვრილმესაქონლური სოფლის მეურნეობა, — და სტალინმა დასახა მისი კოლექტივიზაციის ამოცანა.

და ისევ აღმოჩნდნენ ადამიანები, რომლებსაც ეს ამოცანა განუხორციელებლად ეჩვენებოდათ, ყოველ შემთხვევაში თვალმისაწვდომი დროის პერიოდში.

მაგრამ სოფლის მეურნეობის მთლიანი კოლექტივიზაცია უდავო ფაქტად იქცა. სტალინმა ამჯერადაც დაამტკიცა თავისი სიმართლე...

არა, ვასნეცოვი სტალინში როდი ხედავდა უბრალოდ უცილობელი ძალაუფლებით აღჭურვილ კაცს, პიროვნებას, ვისი რკინისებური ნებისყოფაც იძულებულს ხდიდა ადამიანებს მის მიერ ნაჩვენები მიმართულებით წასულიყვნენ. სტალინის ასეთი შეფასება, დამახასიათებელი მათთვის, ვისაც შარქსიზმთან საერთო არაფერი არ ჰქონდა, მას სისულელედ მოეჩვენებოდა.

ვასნეცოვი დარწმუნებული იყო, რომ სტალინის ძლიერება მდგომარეობს მის მეცნიერულ წინასწარხედვის ნიჭში,

სხვა ადამიანებისათვის ურთულეს, ჯერ კიდევ ბუნდოვან სიტუაციაში ერთადერთი სწორი გადაწყვეტილების გამოჩენის უნარში.

და როცა ვასნეცოვი მოსალოდნელ ომზე ფიქრობდა, ეს არწმენა ავტომატურად წარმართავდა მის აზრებს ჩვეულებრივ კალაპოტით.

თუ შესაძლებელია ომის აცილება, ამბობდა თავისთვის ვასნეცოვი, სტალინი შეძლებდა იმის გაკეთებას. თუ კი იგი, მიუხედავად მიღებული ზომებისა, უნდა ატყდეს, სტალინს ეცოდინება მაინც ამის შესახებ და შესაფერ მომენტში და დროულად მიუთითებს პარტიას, ხალხს, რა და როდის მოიმოქმედონ.

ასე ფიქრობდა ვასნეცოვი, და თუმცა ეს აზრები მის ცნობიერებაში ესოდენ ელემენტარულ-ლოგიკური წესით არ წარმოშობილა, ისინი მაინც ქმნიდნენ თავისებურ დამცველ ბარიერს. და სხვა, თითქოს და უდავო აზრს — იმის შესახებ, რომ ყოველგვარ ომში ორი ძალა ეჭახება ერთმანეთს და ერთი მათგანი თვით სტალინსაც არ ემორჩილება, — უკვე აღარ შეეძლო ამ ბარიერის გარღვევა.

... მაგრამ დღეს, 1941 წლის 22 ივნისის განთიადზე ეს უჩვეულო აზრი რამდენიმე ხნით დაეუფლა ვასნეცოვის გონებას.

იგი სდევნიდა ამ აზრს, არწმუნებდა თავის თავს იმაში, რომ უახლოესი მომავალი უსათუოდ დაადასტურებს, რომ სტალინი ამჯერადაც მართალი იყო. რომ მან ახლაც ყველაფერი გაითვალისწინა და მალე, შესაძლოა რამდენიმე საათის შემდეგ, თავხედი მტერი დამარცხებული და უკუგდებული იქნება...

მას თვალწინ დაუდგა ამას წინათ ნანახი იმ კინოფილმის ეპიზოდები, რომელმაც გაზეთების მაღალი შეფასება დაიმსახურა: ცა, თითქმის მთლად დაფარულია წითელვარსკვლავიანი თვითმფრინავების ესკადრილიებით. საკომანდო პუნქტში ბრიგადის მეთაური კითხულობს რადიოუწყებას: მტრის დედაქალაქი, რომელმაც გუშინ გაბედა საბჭოთა კავშირის წინააღმდეგ ომის დაწყება, ნანგრევებად არის ქცეული...

მას გულზე მოეშვა. „ასეც იქნება!“ — დარწმუნებით თქვა ხმამაღლა ვასნეცოვი. თავისი ხმა გაიგონა და ახლაც უკვე თავისთვის გაიმეორა: „ასეც იქნება!..“

მან საათს შეხედა. თხუთმეტი წუთის შემდეგ შეიკრიბებინა ბიუროს წევრები.

ვასნეცოვმა ოლქის შტაბთან პირდაპირი კავშირის ტელეფონის ყურმილი აიღო. უფროსის ნაცნობი ხმა ამკერად ხრინწიანად ისმოდა, თითქოს გაციებულოყო.

— რა მდგომარეობაა? — მოკლედ ჰკითხა ვასნეცოვმა.

— ბომბავენ რიგას, ლიბავენს, კაუნასსა და ვილნიუსს, — შეკავებული მღელვარებით უპასუხა შტაბის უფროსმა.

— ჩვენები? — მოუთმენლად შეაწყვეტინა ვასნეცოვმა.

— რა? — კითხვითვე უპასუხა გენერალმა.

— ჩვენი ჯარების შესახებ გეკითხებით! — ხმამალლა, თითქმის უხეშად დაიყვირა ვასნეცოვმა.

პასუხი დუმილი იყო.

— თქვენ გესმით ჩემი ხმა? — უფრო ხმამალლა წარმოთქვა ვასნეცოვმა. — მე გეკითხებით, როგორია ჩვენი ჯარების მდგომარეობა?

— ბალტიისპირეთის ოლქის ჯარები დაძაბულ ბრძოლებს ეწევიან, — შეყოვნებით უპასუხა გენერალმა.

ახლა ვასნეცოვი დადუმდა. შემდეგ მან ჩუმად წარმოთქვა.

— ასე... — და უკვე ჩვეული დინჯი, მშვიდი ხმით დაუმატა: — თხუთმეტი წუთის შემდეგ ბიუროს სხდომა შედგება. შეგიძლიათ, მობრძანდეთ?

— არის, — აჩქარებით უპასუხა გენერალმა, — ზუსტად ხუთზე მანდ ვიქნები.

ვასნეცოვმა ყურმილი ჩამოჰკიდა. შემდეგ წამოდგა და მივიდა კედელთან მდგარ პატარა მაგიდასთან, რომელზეც რადიომიმღები იდგა. სახელური დაატრიალა. გაისმა რბილი ტაკანი. მწვანე ნათურა აინთო და შკალა გააშუქა; საიდანაც, თითქოს სხვა სამყაროდან, თანდათანობით ზრდადი ზოზუნნი მოისმა. მერე ეს თანაბარ, რბილ მოგუგუნე ფონად იქცა და ამ ფონზე გაისმა ხმამალალი, მკვეთრად წარმოთქმული სიტყვები:

—...ოხოტის ზღვის მეთევზეებმა ვადამდე შეასრულეს თევზჭერის თვიური გეგმა. ორშაბათიდან მოყოლებული ზღვის მაშვრალნი — შორეულ აღმოსავლეთელები უკვე ივლისის გეგმის ანგარიშში იმუშავებენ. დღეს კი მათ კვირადღის განწყობილება დაუფლებიათ, ბალები და პარკები სავსეა ათასობით მეთევზეთა ოჯახებით...

ვასნეცოვი მიმღებზე დაიხარა. მწარე ფიქრმა იმაზე, რომ ქვეყანამ ჯერ კიდევ არ იცის უბედურების შესახებ, რომელიც მას დაატყდა თავს, გამსჭვალა მისი გონება, მაგრამ მაშინვე გაქრა. მეორე აზრმა მთლიანად მოიცივა იგი. ეს

ხმა, ეს სიტყვები ხომ გუშინდელი, ჯერ კიდევ მშვიდობიანი დღიდან ისმოდა. ისინი თითქოს ორ ნაწილად გაყოფილი დროის საზღვარს წარმოადგენდნენ. და ვასნეცოვს წამიერად მოეჩვენა, რომ დრო შეჩერდა და დღევანდელი საშინელი დილა ჯერ კიდევ არ დამდგარიყო.

დიქტორი კი სულ ლაპარაკობდა და ლაპარაკობდა... იგი უკვე ჩვეულებად ქცეულ სიტყვებს წარმოთქვამდა, მაგრამ ვასნეცოვისათვის ისინი ახლა ისე გაისმოდნენ, როგორც ღრმა, დაუვიწყარი აზრით აღსავესენი.

იგი მიეკრა რადიომიმღებს, თუმცა ხმა მშვენიერად ისმოდა და ხარბად იჭერდა, თითქოს ისრუტავდა ყოველივე იმ ნაცნობს, საყოველღეოს, მშვიდობიანს, რასაც დიქტორი იუწყებოდა...

შემდეგ აჩქარებული მოძრაობით გამორთო რადიომიმღები.

და მაშინვე გაიგონა ღია ფანჯრიდან შემოჭრილი ხმაური ქალაქისა, რომელიც იღვიძებდა: ავტობუსების წყვეტილი გუგუნი, ტრამვაის ზარის ელრიალი...

და არც ერთმა მათგანმა, ვინც გაჩერებაზე ტრამვაის უცდიდა, ვინც ავტობუსებით მიემგზავრებოდა, არც ერთმა მათგანმა, ვინც აჩქარებული ნაბიჯით მიდიოდა ტროტუარზე და სამუშაოზე მიეშურებოდა, — ჯერ კიდევ არაფერი არ იცოდა საშიშროებაზე, რომელიც თითოეულ მათგანს კარს მოადგა.

ამის გაფიქრებამ მოულოდნელად გააოცა ვასნეცოვი თავისი ტრაგიკულობით, და გული მეტისმეტად დაუძმძმდა, რომ მას — ერთ მათგანს, ვისიც სჯერათ და ვისზეც არიან დანდობილი ეს ადამიანები, არაფრის გაკეთება არ შეუძლია იმისათვის, რომ საშიშროებამ გვერდი აუაროს და არ შეეხოს მათ...

გაისმა მაღალი სიხშირის ტელეფონის აპარატის — მთავერობის საქალაქთაშორისო კავშირის — ძლიერი ზარი.

ვასნეცოვი ყურმილს ეცა იღუმალი, ქვეცნობიერი იმედით, რომ იმ აზრს თან მოჰყვება რაღაც ახალი, მნიშვნელოვანი, რაც სათანადო მსვლელობას მისცემს ყველა მოვლენას.

მან ხელი სტაცა ყურმილს, თავისი გვარი დაასახელა და სადენის მეორე ბოლოში წარმოთქმულ პირველსავე სიტყვაზე მიხვდა, რომ ცენტრალური კომიტეტის მდივანი ლაპარაკობდა.

ამ დროს კაბინეტში ერთიმეორის მიყოლებით დაიწყეს შემოსვლა გამოძახებულმა ბიუროს წევრებმა.

ვასნეცოვი ყურადღებით უსმენდა ყურმილიდან მომდინარე ხმას და დროგამოშვებით მოკლედ ამბობდა: „ღიახ... გასაგებია... ღიახ...“ — და გამაფრთხილებლად ასწევდა თითს, როცა ოთახში თათბირის მორიგი მონაწილე შემოდის.

როგორც იქნა, მან დადო ყურმილი, მძიმედ მოავლო თვალი გრძელი მაგიდის გარშემო შემომსხდართ და თქვა:

— ამხანაგებო, დღეს თორმეტ საათზე რადიოთი გამოცხადებულ იქნება, რომ დაიწყო ომი. გადაწყვეტილება მობილიზაციის შესახებ უკვე მიღებულია. გარდა ამისა, რვა რესპუბლიკაში და თექვსმეტ ოლქსა და მხარეში, მოსკოვისა და ლენინგრადის ჩათვლით, საომარი მდგომარეობა ცხადდება. ცენტრალური კომიტეტი წინადადებას გვაძლევს, დაუყოვნებლივ შევუდგეთ თავდაცვის ღონისძიებათა გეგმის შესრულებას. ანდრეი ალექსანდრეს ძე ქალაქში ბრუნდება.

დღის თორმეტ საათზე ცენტრალური კომიტეტისა და მთავრობის დავალებით, მოლოტოვმა წარმოთქვა მოკლე სიტყვა. იგი საბჭოთა კავშირის ყველა რადიოსადგურმა გადასცა...

და ოცდამეორე ივნისის შუადღე საბჭოთა ადამიანების ცხოვრებაში ახალი ისტორიული პერიოდის დასაწყისი გახდა.

ამ მომენტიდან ყოველივე ის, რაც აღრე ქვეყნის, ოჯახის ან ცალკეული ადამიანის ცხოვრებაში ხდებოდა, აგონდებოდათ აუცილებელი წინსართით: „ომამდე“...

„ომამდე“, „ომის დროს“, „ომის შემდეგ“ — ეს სიტყვები მთელი ათეული წლობით შემოვიდა ხმარებაში.

მაგრამ ივნისის იმ ცხელ შუადღეს, როცა ათასობით მოედანსა და ქუჩაზე, მილიონობით სახლში, გემთა რადიოაპარატებში, მფრინავთა შლემოფონებში გაისმოდა სიმწარითა და აღშფოთებით აღსავსე სიტყვა მტრის თავდასხმის შესახებ, ადამიანები ჯერ კიდევ არ ფიქრობდნენ იმაზე, რა დიდხანს მოუხდებოდათ ომი.

მათი ფიქრები, მათი გრძნობები იმ წუთებში ერთი ყოვლისმომცველი ფაქტის გავლენის ქვეშ იყო: მტერი თავს დაესხა საბჭოთა კავშირს, ომი დაიწყო. და სიტყვის

დამთავრების შემდეგ მათს ყურებში ეღერდა მხოლოდ სამი ფრაზა: „ჩვენი საქმე სამართლიანია, მტერი დამარცხებულ იქნება, გამარჯვება ჩვენ დაგვრჩება!“

...ბიუროს სხდომა შედარებით მალე დამთავრდა. უკვე დილის შვიდ საათზე ქალაქკომის მდივნები, განყოფილებათა გამგეები აქეთ-იქით გაემგზავრნენ ქალაქში — წარმოებებში, სამხედრო ნაწილებში, თითოეული მასზე დაკისრებულ დავალებათა შესასრულებლად.

ხელმძღვანელთაგან სმოლნში დარჩა მხოლოდ ვასნეცოვი — რათა არ შეეწყვიტა კავშირი ოლქის სარდლობასთან და მოსკოვთან, მაგრამ ორი საათის შემდეგ, რაც მთავრობის ცნობა გაისმა ეთერში, ისიც ქალაქში გაემგზავრა.

უწინარეს ყოვლისა, ვასნეცოვს უნდოდა შემოეველო რამდენიმე სამხედრო კომისარიატი, რათა დარწმუნებულიყო მათს მზადყოფნაში სამხედრო ვალდებულთა მობილიზაციის დაწყებისათვის — ამის შესახებ განცხადებას ყოველ წუთს მოელოდნენ.

სმოლნთან ყველაზე მახლობელი სამხედრო კომისარიატი მეზობელ ქუჩაზე მდებარეობდა.

ვასნეცოვმა ჯერ კიდევ შორიდან დაინახა რიგი კვარტალის შუაში. იქ, სადაც სასურსათო მაღაზია იყო, — მანქანის სარკმლიდან კარგად მოჩანდა დიდი აბრა „ბაკალეია“. „აი, ომის პირველი შედეგიც“, — სიმწრით თქვა მან და გაიფიქრა, რომ, ალბათ, აუცილებელი გახდებოდა საბარათო სისტემების შემოღება.

ვასნეცოვის ნაფიქრალი არ გამართლდა. მაღაზიის შესასვლელთან ხალხი გროვდებოდა, მაგრამ რიგი მეზობელ კარს მიდგომოდა, რომელსაც რაიონის სამხედრო კომისარიატის პატარა აბრა ამშვენებდა.

„კი, მაგრამ ეს როგორაა, — განცვიფრებით, შვებითა და სიხარულით გაიფიქრა ვასნეცოვმა, — მობილიზაციის შესახებ ხომ ბრძანება ჯერ არ გამოცხადებულა!“

რიგში მდგომთა უქმყოფილო წამომახილების მიუხედავად ვასნეცოვმა ძლივს გაარღვია რიგი და სამხედრო კომისარიატის მისაღებ ოთახში მოხვდა. მერე ასევე ხალხით გაჭედილი კიბე გაჭირვებით აიარა და მეორე სართულზე მოთავსებულ სამხედრო კომისარის კაბინეტს მიაშურა.

ოთახის კარებთან ორი წითელარმიელი იდგა. ისინი ძლივს აკავებდნენ მოწოლილ ხალხს. ვასნეცოვი იძულებულ

ბული გახდა თავისი ვინაობა დაესახელებინა, სანამ სამხედრო კომისართან შეუშვებდნენ.

ქალაქის დასტებით დაზვინულ მაგიდასთან ხნიერი მაიორი იჯდა. მას ბამბის ქსოვილის გიმნასტურა ეცვა, რომელიც ოფლით დასველებოდა. ვასნეცოვი რომ დაინახა, სწრაფად წამოდგა და სასოწარკვეთილი ხმით უთხრა:

— რა ვქნათ, ამხანაგო ვასნეცოვ? თავბრუ მესხმის! მართო ორი საათის განმავლობაში ათას ხუთასი განცხადება მივიღეთ!

— ვფიქრობ, უნდა გვიხაროდეს, — წამოიწყო ვასნეცოვმა, მაგრამ სამხედრო კომისარმა შეაწყვეტინა:

— დიახ, მაგრამ ბრძანება ხომ ჯერ არ გამოქვეყნებულა! რა ვქნათ, რა ვუბასუხოთ? — მან ხელი გაიქნია მაგიდაზე დაწყობილ ფურცლების დასტებისაკენ. — აქ ხომ მოხუცებიც არიან და ახალგაზრდებიც! გასაწვევი ასაკის ადამიანები, მოზარდებიც და მთლად ბებრებიც! არა, ერთი ნახეთ!

მაიორმა ერთი დასტა გადაქექა; ქალაქის ფურცელი გამოაძრო, თვალი გადაავლო და ვასნეცოვს გაუწოდა. მან წაიკითხა ქიმიური ფანქრით ნაჩქარევად ნაწერი სტრიქონები:

„მე 1905 წლის რევოლუციური ბრძოლების მონაწილე ვარ. 1918-ში იუდენიჩს ვურტყამდი. სამოქალაქო ომში მეტყვიამფრქვევეთა ოცეულს ვმეთაურობდი. გთხოვთ დაუყოვნებლივ გამიწვიოთ სამხედრო სამსახურში...“

— ეს ხომ ძლიერ კარგია! — წამოძახა ვასნეცოვმა და სამხედრო კომისარს ფურცელი დაუბრუნა.

— აბა რა არის კარგი, რა? — წამოიყვირა სამხედრო კომისარმა, ვასნეცოვს ხელიდან გამოსტაცა ფურცელი და მაგიდაზე დააგდო. — იცით რამდენი წლისაა ეს მეტყვიამფრქვევე? სამოცდაცამეტ წელშია დაბადებული — გესმით? დიდი ხანია, აღრიცხვიდან მოხსნილია!

— უმდა მიგეცათ განმარტება... —

— რა განმარტება, — კვლავ შეაწყვეტინა სასოწარკვეთილებით სამხედრო კომისარმა, — ისეთი აურზაური ატეხა!

ქარს უკან გაისმა ხმაური, რასაც ცალკეული წამოძახილები ფარავდა.

— გესმით, ამხანაგო ვასნეცოვ, — საცოდავად წარმოთქვა მაიორმა, — და ყველას მხოლოდ სამხედრო კომისართან უნდა შემოსვლა! განყოფილების გვერდის აე-

ლით! ჰგონია, რომ მე აქვე შევიაარალებ მათ და ფრონტზე გავგზავნი. ამხანაგები უნდა დამახმაროთ, თორემ გაეიგულებით! უკვე სამჯერ მოვახსენე ქალაქის სამხედრო კომისარს. ათი კაცი მაინც მჭირდება, რომ ეს ნაკადი დაეშალო!

— კარგი, ამხანაგო მაიორო, შევეცდები დაგეხმაროთ, — დინჯად უპასუხა ვასნეცოვმა, რომელსაც დიდი კმაყოფილება აგრძნობინა ახლახან მოსმენილმა სიტყვებმა.

...ვასნეცოვმა ძლივს გააღწია გასასვლელისაკენ, მანქანაში ჩაჯდა და შოფერს კიდევ ერთი სამხედრო კომისარიატის მისამართი მისცა. აქ იგივე ამბავი ხდებოდა. ასობით ადამიანი მიკვროდა კარს. აქ იყვნენ ჰაბუკებიც, ქალიშვილებიც და მოხუცებიც. ვასნეცოვი არ შევიდა სამხედრო კომისარიატში, რადგან მიხვდა, რომ იმავე საჩივრებისა და იმავე მოთხოვნათა მოსმენა მოუხდებოდა. შოფერს უბრძანა, უახლოეს პარტრაიკომში წასულიყვნენ. რაიკომის მდივანი ადგილზე არ დახვდა. მორიგეშ მოახსენა, რომ იგი დილიდანვე საწარმოებში წასულიყო.

ვასნეცოვი ტელეფონით დაუკავშირდა ქალაქის სამხედრო კომისარიატს. კომისარმა უპასუხა, რომ შეუდგნენ ყველა შესაძლებელი ზომის მიღებას. არა უგვიანეს ერთი საათისა სამხედრო კომისარიატები მიიღებენ საჭირო შევსებას, და დაუმატა, რომ წინასწარი მონაცემების მიხედვით ომის დაწყების შესახებ რადიოთი გამოცხადებიდან ერთი საათის განმავლობაში სამხედრო კომისარიატებში შემოვიდა ათასობით მოხალისის განცხადება.

ვასნეცოვი მხნე, ხალისიან გუნებაზე გამოვიდა რაიკომის შენობიდან, მანქანაში ჩაჯდა და შოფერს უთხრა:

— კიროვის ქარხანაში, კოლია.

მისი სიტყვები ისე ხმამაღლა და თავმომწონედაც გაისმა, რომ შოფერმა საყვედურით შეხედა მას და ჰკითხა:

— რა გიხარიათ, სერგი ათანასევიჩი?..

მაგრამ ვასნეცოვმა, ეტყობოდა, ვერ გაიგონა მისი შეკითხვა...

XIII

ისინი—ვერა და ანატოლი—ბელოკამენსკის ვაგზლის ბაქანზე იდგნენ.

ათი დღე გავიდა მას შემდეგ, რაც ანატოლი ავად გახდა. მთელი ეს დრო ვერამ მის სასთუმალთან გაატარა. ლე-

ნინგრადიდან მას დეპეშებით ბომბავდნენ, ვერა ასეთ პასუხს აძლევდა: „ავად გავხდი, სერიოზული არაფერი არ მქირს, ამ დღეებში წამოვალ“. ნათესავეები ჭავრობდნენ, აძალებდნენ ვერას, დაუყოვნებლივ დაბრუნებულყო შინ და ნუ ანერვიულებდა მშობლებს. ქალიშვილი არ მიდიოდა. დღეებს და თითქმის მთელ ღამეებს ანატოლის საწოლთან ატარებდა.

ერთი კვირის შემდეგ ანატოლი თავს უკეთ გრძნობდა. ერთი დღის შემდეგ წამოდგომაც სცადა. მეათე დღეს მათ გამგზავრება გადაწყვიტეს. ანატოლიმ მშობლებს დეპეშა გაუგზავნა, რომ შინ ბრუნდებოდა. ვერამ იმ საღამოსვე იყიდა ბილეთები და მანაც გაგზავნა შინ დეპეშა. ნათესავეები მას უგულოდ დაემშვიდობნენ. და აი ანატოლი და იგი მატარებლის მოლოდინში დილაადრიან დგანან ბაქანზე.

თითქოს ეს პატარა, წყნარი ფიცრული ბაქანი ცოტათი შეცვლილიყო. ოღონდ ახლა ვაგზლის კედლები ბრძანებებით, განცხადებებითა და პლაკატებით იყო დაფარული.

ბრძანება საყოველთაო მობილიზაციის შესახებ. სამხედრო წესების შემოღების შესახებ. შუქშენილბვის შესახებ. განცხადებები მატარებლის ბილეთების გაყიდვის ახალი წესის შესახებ, მახლობელი ბომბსაფარის ადგილმდებარეობის შესახებ. პლაკატები: „სიკვდილი ფაშიზმს!“, „გაიანადგუროთ მტერი!“

მაგრამ ყოველივე დანარჩენი თითქოს ძველებურად იყო. აუჩქარებლად მიჰყვებოდა ლიანდაგს მზზინავ სპეცტანსაკმელში გამოწყობილი ვაგონის ოსტატი, ერთ ხელში საზეთე ექირა, მეორეში გრძელ ბაჭყალი. მოშორებით ჩემოდნებზე განმარტოებით იჯდა ჩამდენიმე მგზავრი. უკვე ამოვიდა მზე. უღრუბლო ცა თვალისმომკრელად ლურჯი იყო.

ვერა და ანატოლიც თავიანთ ჩემოდნებზე ჩამოსხდნენ.

— თითქოს ომი არც კი არისო, — ჩაფიქრებით თქვა ვერამ.

— ოჰ, ომი აქედან შორსაა! — გაზვიადებით მხნედ უპასუხა ანატოლიმ.

— თავს როგორა გრძნობ, სიცხე ზომ არა გაქვს? — შეეკითხა ვერა და ანატოლის შებლისაკენ გაიწვდინა ხელი.

მან უკმაყოფილოდ გაიწია განზე და თქვა:

— თავი დამანებე! ახლა ვინ ფიქრობს, სიცხე აქვს თუ არა?

— აბა, რაზე ფიქრობ ახლა?

— უაზრო შეკითხვაა! იმაზე, რომ მალე ჩავიდე ლენინგრადში და სამხედრო კომისარიატში გამოვცხადდე. ეს გაცილებით უფრო ადრე უნდა გამეკეთებინა.

— მაგრამ შენ ხომ ავად იყავი! ექიმის ცნობაც გაქვს.

— შესანიშნავი განმარტებაა! — გაღიზიანებით აიჩეჩა მხრები ანატოლიმ. — „სად იყავით თქვენ, როცა მობილიზაცია დაიწყო, ამნანაგო ვალიცკი?“ — „მე, უნდა მოგახსენოთ, ავად ვიყავი. უღროდ ღროს ვიბანავე მდინარეში. აი, დოკუმენტი, ინებეთ...“

იგი გაბრაზებული იყო ყველაზე: ვერაზე, ვის გული-სათვისაც აქ ჩამოვიდა, ავადმყოფობაზე, რომელმაც ლოგინად ჩააგდო და უფრო კი თავის თავზე.

გამწარებული იყო და რცხვენოდა, რომ ის არ იყო ერთი პირველთაგანი, არა, ყველაზე პირველი მათ შორის, ვინც იმ კვირადღეს მოლოტოვის სიტყვის მოსმენისთანავე სამხედრო კომისარიატში გამოცხადდა.

მას ეჩვენებოდა, რომ მოშორებით მსხდომი მგზავრებიც და თვით ვერაც კი სიბრალულნარევი გაოცების გრძნობით უცქერიან მას — ახოვან, ჭანსად ქაბუკს, გამოწყობილს სამოქალაქო პიჯაკითა და ჭერ კიდევ გაუწმენდავი ფეხსაცმელებით, რომლებზეც სანაპიროს ტალახი და შლამი მიმხმარიყო.

ვერა კი სულ სხვა რამეზე ფიქრობდა; თავის ბედზე კი არა, — ამაზე ფიქრი მას საერთოდ არ მოსვლია თავში, — არამედ იმაზე, თუ რა მოხდებოდა ამის შემდეგ...

მას ესმოდა: მოხდა რაღაც უზარმაზარი, გაუგონარი, ის, რასაც მას ყოველთვის ახსენებდნენ, რაზეც წლიდან წლამდე აფრთხილებდნენ ხოლმე გამოსვლებში, სტატიებში, წიგნებში, სიმღერებსა და კინოსურათებში... და, მაშასადამე, ახლა ცხოვრება უნდა შეიცვალოს, რაღაც სხვანაირი, წინანდელისაგან განსხვავებული უნდა გახდეს... სახელდობრ როგორი, ვერას ეს ვერ წარმოედგინა, მაგრამ შეგნებული ჰქონდა, რომ ყოველივე ამასთან შედარებით მისი პირადი ბედ-იღბალი იმდენად ნაკლებმნიშვნელოვანია, რომ მასზე ფიქრი უგუნურებაც კი იქნებოდა.

სულ ახლახან, თინეთის ომის ამბების მოსმენისას, ვერა ცდილობდა ოცნებით თავი ამ ომის მონაწილედ წარმოედგინა, ვითომც ფრონტზე ყოფილა.

მაგრამ ახლა იგი ფიქრობდა დედაზე, მამაზე, ანატოლიზე, ფიქრობდა არა ანატოლის უმიზეზო სინდისის ქენჯნაზე, როგორც მას ეჩვენებოდა, არამედ მის მომავალზე, მის შემდგომ ბედზე. გასულ დღეებში ვერამ, რომელიც ავადმყოფ ანატოლის უვლიდა, ფიქრებისათვის უბრალოდ ვერ მოიცალა. რა თქმა უნდა, ისე როგორც ყველა, ისიც ომზე ფიქრებით ცხოვრობდა. ყოველ წუთს ახალ ცნობებს ელოდა და მეზობელ ოთახში კედელზე მიმაგრებულ შავ თეთრისებურ რეპროდუქტორს უსმენდა...

და მაინც იგი „კონკრეტულად“ ომზე არ ფიქრობდა. შეიგრძნობდა მას უბრალოდ, როგორც უზარმაზარ, შეგნებისადმი დაუმორჩილებელ უბედურებას, რომელიც თავს დაატყდა ყველაფერს, რაც მის ცხოვრებას შეადგენდა.

ანატოლის სულ სხვა რამე აწუხებდა. იგი ომს არ აღიქვამდა, როგორც რაიმე მრისხანეს, სადაც ყველასათვის ისეთი შედეგები იმალებოდა, რომელთა გამოცნობა ამჟამად შეუძლებელი იყო. ანატოლი ამაზე არც ფიქრობდა. ყველა მისი ფიქრი განედევნა იმ მწარე შეგრძნებას, რომ სწორედ ის მოვლენა, რომლის შესაძლებლობაზე ამდენს წერდნენ და ლაპარაკობდნენ, რომელსაც უკავშირდებოდა ვაჟაკობის, გმირობის, თავდადების ცნებები, ბოლოს და ბოლოს მოხდა, ანატოლი კი განზე დარჩა.

იგი არ ფიქრობდა ომთან დაკავშირებულ მომავალ მძიმე გასაჭირზე, ან შესაძლებელ სიკვდილზე, რომელიც ყველა ომში უხილავად დგას ყოველი ფრონტელის ზურგს უკან, არც იმაზე, რომ ომი ვერასთან დააშორებდა.

ანატოლის სტანჯავდა ის, რომ სამხედრო ფორმა არ ეცვა, აწუხებდა იმის შიში, რომ ასე სამოქალაქო ტანსაცმლით ლენინგრადში ჩასულს შეიძლებოდა უკვე სამხედრო ფორმაში გამოწყობილი რომელიმე მეგობარი შეხვედროდა.

თავისი შემდგომი მოქმედების მიმართულებაში ანატოლის ეჭვი არ ეპარებოდა, ეს ნათელი იყო: სამხედრო კომისარიატი, ფრონტი. წამით თვალწინ დაუდგა როგორ იტირებდა დედამისი, ვერ წარმოედგინა მხოლოდ როგორ მოიქცეოდა მამა. რა თქმა უნდა, მოხუცი თავს არ დაიმდაბლებდა და ცრემლს არ დაღვრიდა — სენტიმენტალობა მისთვის უცხო იყო. და მაინც საინტერესოა, როგორ მოიქცევა მამა, გაიფიქრა ანატოლიმ. ბოლოს და ბოლოს

მას აქამდე არასოდეს არ ჰქონია შემთხვევა შვილი სასიკვდილოდ გაეცილებინა.

ეს სიტყვა „სიკვდილი“ ანატოლიმ პირველად თქვა გულში, ისე, რომ ამ ცნებისათვის არავითარი მნიშვნელობა არ მიუნიჭებია, მაგრამ თან პირქუშ სიამაყეს განიცდიდა.

ანატოლიმ მალულად შეხედა ვერას. რა უცნაურად აეწყო ყველაფერი, გაიფიქრა მან. სულ რაღაც ერთი წლის წინათ აზრადაც არ მოუვიდოდა, რომ ვერა იქნებოდა სწორედ ის ქალიშვილი, რომელიც მას ომში გააცილებდა. მან იცოდა, რომ ვერას იგი გაგიჟებით უყვარდა.

ამის შეგნება ანატოლის საკუთარ თვალში ამალღებდა. მან წარმოიდგინა ვერა სადგურის ბაქანზე, იმ მატარებელთან მდგომი, რომელიც რამდენიმე წუთის შემდეგ წაიყვანს მას იქით, დასავლეთისაკენ. და მას შეეცოდა ქალიშვილი. ეს მატარებელი ისეთად წარმოიდგინა, როგორც კინოეკრანებზე უნახავს ომის თემაზე შექმნილ ფილმებში, — წითელარმიელებით გაჭედული, უპლაკარტო, სატვირთო ვაგონები, თამბაქოს ბოლი, გარმონის ხმები, ატირებული ქალები ბაქანზე...

იგი ჩაეფლობა ახალ ცხოვრებაში, რომელიც საშიშროებასაც და გმირობის ჩადენასაც პირდება. დარჩება კი მის გულში ადგილი ვერასათვის? საეჭვოა.

და მას მაინც ეცოდებოდა ვერა. ეცოდებოდა და სწყინდა, რომ სწორედ ვერა ხედავდა მას ამ ათი დღის განმავლობაში ასეთ უმწეო მდგომარეობაში.

ნეტაე ჩქარა ჩავიდეს ლენინგრადში! ახლა დიდხანს ლოდინი აღარ დასჭირდება.

— თხუთმეტი წუთის შემდეგ მატარებელიც მოვა, — მაჯის საათზე დაიხედა და სთქვა ანატოლიმ.

— ჰო, კიდევ თხუთმეტი წუთი დარჩა, — გაიმეორა ვერამ და მანაც დახედა საათს.

ბაქანზე ნელა მიდიოდა უცნაური კაცი. მას ეცვა საავადმყოფოს ნაცრისფერი ხალათი, რომლის ქვეშოდან წინდებში ჩატანებული ქვედა საცვლის თეთრი ნაწიბურები უჩანდა, თავზე სამხედრო პილოტურა ეხურა. მარჯვენა ხელი დოლბანდის სახვევზე ჰქონდა ჩამოკიდებული.

იგი მიდიოდა, თან ყურადღებით იცქირებოდა აქეთ-იქით. როცა ტოლიას და ვერას გაუსწორდა, მოულოდნელად ჰკითხა:

— მითხარი, ძამია, სად არის აქ ფარდული, სადაც ლუღს ყიდიან?

მას ხრინწიანი ხმა ჰქონდა.

— რაო? — კითხვითვე უპასუხა ფიქრებში გართულმა ანატოლიმ.

— „რაო, რაო!“ — გამოაჩავრა ხალათში გამოწყობილმა კაცმა. — გეკითხები, ლუღი სად იყიდება-მეთქი? ბიჭები ამბობდნენ ვაგზალში ფარდული არისო.

ანატოლის უნდოდა მკვახედ ეპასუხა, რომ ახლა რა დროს ლუღიაო. მაგრამ უცბად თვალი თვალში რომ გაუყარა, გარკვევით მიხვდა, მის წინ იდგა დაჭრილი, რომელიც მოსულიყო იქიდან, ომიდან.

— თქვენ... ფრონტიდან ხართ? — აჩქარებით ჰკითხა მან.

— დეიდასთან ბლინებს შევექცეოდი და იქიდან მოვდივარ, — უხეშად მიუგო იმ კაცმა ლაწვმალალი, გაუპარსავი პირისახის მანჭვით.

— მაშ, ვურტყამთ ფაშისტებს? — ისევ შეეკითხა ანატოლი და მისი ხმა რალაც ლალად და იმავე დროს პირფერულად გაისმა.

— ჭერჭერობით ისინი გვირტყამენ, — უპასუხა კაცმა და გადააფურთხა.

ანატოლის უნდოდა ჩაეჩუმებინა ეს არასასიამოვნო, აშკარა პანიკორის-ტიპი, მაგრამ კიდევ ერთხელ შეავლო თვალი მის შეხვეულ ხელს და განზრახვის წინააღმდეგ დაბნევით ჰკითხა:

— მაგრამ... რატომ?

— მთელი მიზეზი ისაა, ძამია, რომ შენ ფრონტზე არა ხარ, — თვალების ჰუტვითა და შეურაცხმყოფელი, ბოროტი ღიმილით უპასუხა ხალათიანმა კაცმა. ისევ გადააფურთხა და დიდი ჩუსტების ფლატუნით განაგრძო გზა ფიცარნაგზე.

ვერამ დაინახა, როგორ მყის შეუფაქლდა ანატოლის დაფიქრებული, გაზნდარი სახე და აღშფოთებით მიაძახა ხალათიან კაცს, რომელიც მათ თანდათან შორდებოდა:

— თუ არ იცი, არც უნდა ილაპარაკო!

ეს სიტყვები სულელურად, საცოდავადაც კი გაისმა. კაცი მოტრიალდა, რამდენსამე წამს ირონიულად შესცქეროდა ვერას და მერე გულცივად უთხრა:

— კარგი. არსად გაუშვა ეგ შენი... დაჯავშნული.

...ამსობაში ბაქანზე ხალხმა იმატა. გამოჩნდა რამდე-

ნიმე სამხედრო პირი. ქალები თოკებითა და ღვედებით შეკრული ფუთებით, მამაკაცები პორტფელებით...

მატარებელი კი მაინც არ ჩანდა. უკვე ოციოდე წუთი გადასცდა მატარებლის ჩამოდგომის დროს, ხალხი ბაქანზე იდგა და იმედით, რომ ორთქლმავლის კვამლს დაინახავდა, დაძაბულად გასცქეროდა იმ მხარეს, სადაც რელსები თითქოს ერთ ძლივს გასარჩევ ხაზად ერწყმოდნენ ერთმანეთს.

მაგრამ მატარებელი არ ჩანდა.

...და უცებ მომინდა, რომ მატარებელს რაც შეიძლებოდა მეტ ხანს დაეგვიანებინა. სანამ მატარებელი არ მოსულა, ჩემთვის და ტოლიასათვის ხომ თითქოს ძველი ცხოვრება გრძელდებოდა, მერე კი შევეალთ ახალში — უცნობსა და შფოთიანში, რომელშიც უკვე ერთად აღარ ვიქნებოდით.

მე გამახსენდა, როგორ ვიჭექი სულ ახლახან ჩემს „მანსარდაში“ და ვფიქრობდი, მიყვარს ტოლია თუ არა. ახლა კი მსგავსი კითხვა პირმოთნედ და სულელურად მომეჩვენებოდა. იმიტომ, რომ ამ დღეების განმავლობაში ნამდვილად გავიგე, თუ როგორ მიყვარს იგი. რა უაზროა, რა საწყენია, რომ ნამდვილად აღამიანი სიყვარულს მხოლოდ მაშინ იწყებს, როცა მისი დაკარგვის შიში შეიპყრობს!..

მატარებელი კი ისევ არ ჩანდა.

მატარებელი მხოლოდ სალამო ხანს მოვიდა. და ბელოკამენსკის ბაქანზე მყოფი ადამიანები, რომლებიც მშვიდობიან დროს თავიანთ ვაგონებში წყნარად და ალიაქოთის გარეშე შევიდოდნენ, ახლა დიდი ხნის ლოდინით გაწამებულნი, გრძნობდნენ რა მათთვის ჩვეული ცხოვრების წესის დარღვევას, გააფთრებით ეცნენ ვაგონების კიბეთა საფეხურებს და შეიქმნა ერთი ჭყლეტა და გაწამაწია.

ვერა და ანატოლი პლაცკარტიან ვაგონს ეცნენ. მაგრამ კიბის ზემოთა საფეხურზე გამცილებელი იდგა, მოხურული კარის სახელურს ჩაჭიდებოდა და ყვიროდა, ვაგონში ადგილები აღარ არისო.

ანატოლიც პასუხად რაღაცას უყვიროდა, ბილეთებს

აფრიალებდა, მაგრამ მიხვდა, ვერაფერს გააწყობდა და ვერა სხვა ვაგონისაკენ წაიყვანა.

როგორც იქნა, ხალხით გაჭედილ საერთო ვაგონში შეაღწიეს.

ისინი ყველაზე ბოლოს აძვრნენ. მათ წინ კიბეზე აბობლდა გაბარდინის პლაშჩიანი ჩნერგიული ტიპი, რომელსაც ხელში პატარა ჩემოდანი ეჭირა. მან ოდნავ უბიძგა კიდევ ანატოლის, რომელიც ვერას ვაგონის მაღალ საფეხურზე ასვლაში შეელოდა.

როცა ისინი ბოლოს და ბოლოს ვაგონში შეიჭედნენ, თავისუფალი ადგილები აღარ დახვდათ. ბარგის დასაწყობზე მოთარობზეც კი ხალხი იწვა. მაგრამ ანატოლი და ვერა ამან როდი განაცვიფრა. ორივეს უმგზავრია ხალხით სავსე ვაგონით.

არა, ეს მატარებელი განსხვავდებოდა სულ სხვა რაღაცით. იქნებ იმით, რომ ვაგონში სინათლის აუნთებლობის გამო სიბნელე მეფობდა, ან იმით, რომ ერთმანეთს მჭიდროდ მიკრული ადამიანები უჩვეულოდ დუმდნენ, ან სხვა რაღაც ნიშნით, რომელიც ანატოლის და ვერას ჯერ ვერ გამოეცნოთ, მაგრამ ორივემ უცბად იგრძნო, რომ ისინი მათთვის უცნობ, ბნელ, მდუმარე, შემფოთებულ სამყაროს ზღურბლთან იდგნენ.

გავიდა რამდენიმე წუთი, ადამიანები „დაბინავდნენ“, „ერთმანეთს შეეწყვნენ“, როგორც ჩასხდომის შემდეგ ყოველთვის ხდება ხოლმე. და გასასვლელიც გათავისუფლდა. ანატოლიმ თავისუფალი ადგილების მოსანახად ვაგონის გასწვრივ გაიარა, მაგრამ დარწმუნდა, რომ ყველა ადგილი დაკავებული იყო. იგი ვერასთან დაბრუნდა. ისინი ტამბურში გამავალ კართან იდგნენ. ხნიერმა გამცილებელმა ქალმა, ხელში ტყავის ბუდეში ჩაწყობილი დახვეული ალმები რომ ეჭირა, უთხრა, იქით გაიარეთ და სადმე ჩაეჩხირეთო.

ანატოლიმ საკმაოდ მკვახედ უპასუხა, ვაგონში ადგილები არ არისო, მაგრამ გამცილებელმა შეაწყვეტინა: „ვაგონი საერთოა და აქ ადგილები არავისთვის არ არის დაჯავშნილიო“. შემდეგ კი ურჩია, ბარგი ერთ-ერთ საწოლქვეშ დაეწყოთ, თვითონ კი როგორც მოახერხებდნენ ისე მოწყობილიყვნენ, ოღონდ კარებში ნუ გაჩერდებოდნენ.

ანატოლი გასასვლელში გავიდა. თავისი და ვერას ჩემოდნები ისე ეჭირა, რომ საწოლებიდან გადმოშვერილ

უკვე დაწოლილთა ფეხებს არ წამოსდებოდა. ბოლოს ალაბედზე ჰკითხა ქვემოთა საწოლზე მოთავსებულ ერთ მამაკაცს, თუ მისცემდა ნებას მის საწოლქვეშ დაედგა ჩემოდნები. მან მოკლედ უპასუხა, შეყარეო. როცა ანატოლი ჩემოდნების შეწყობას შეუდგა, მხოლოდ მაშინ შეამჩნია, რომ საწოლზე მოკალათებულიყო სწოდეს ის გაბარდინის პლაშიანი ტიპი, რომელმაც მატარებელში ამოსვლისას წინ გაუსწრო. მას თავქვეშ ჩემოდანი ამოედო და პლაშიგაუხდელად იწვა.

ანატოლი ბრაზმა აიტანა. ეს თავხედი რომ არ გამოჩენილიყო, მას და ვერას საწოლი ექნებოდათ. ახლა კი მთელი ღამე გასასვლელში დგომა მოუხდებათ.

იგი ვერას მიუბრუნდა და უთხრა:

— აი, აქ, ფანჯარასთან დადექი, ვეროჩკა, ეს მოქალაქე იმდენად თავაზიანია, რომ ნებას ვეაძლევს მის საწოლქვეშ შევაწყოთ ბარგი.

სიტყვები „მოქალაქე“ და „ნებას ვაძლევს“ ანატოლიმ ხაზგასმული ირონიით წარმოთქვა.

მატარებელი დაიძრა. ერთი წუთის შემდეგ ვილაც მამაკაცის უკმაყოფილო — მომთხროენი ხმა გაისმა:

— გამცილებელო, შუქს რატომ არ ანთებენ?

მას დაუტატანეს. ვილაცამ წყვეტილად, ნაღვლიანად ჩაიციინა.

— შუქი არ იქნება, მშვიდობიანობის დროს კი არა ემგზავრობთ!

— უნდათ, დამაჯერონ რაღა... მონახეს სათამაშო... — ჩაიბურტყუნა პირველმა ხმამ, — ომობანას თამაშობენ... ფრონტი აქედან ათას კილომეტრზეა, ესენი კი...

ბორბლების დაგადუგმა ხმები ჩაახშო.

ანატოლი და ვერა გასასვლელში, მტკრით დაფარულ ფანჯარასთან იდგნენ. ჰაერი აუტანლად შეხუთული იყო. ანატოლიმ სცადა ფანჯრის გაღება, მაგრამ ამ დროს გამცილებელმა ქალმა, რომელმაც ვაგონში გაიარა, უთხრა:

— ფანჯარა არ გააღოთ. აკრძალულია.

— ეშმაკმა იცის, რა ხდება... — გაღიზიანებით თქვა ანატოლიმ, — შუქი არ აანთოთ, ფანჯრები არ გააღოთ... თითქოს ფრონტი აქვე იყოს.

— რა ვუყოთ, ტოლია, ალბათ ასეთია წესი, — შემრიგებლურად შეაწყვეტინა ვერამ.

ანატოლი გაჩუმდა.

ფანჯრის იქით ბინდში გაიელვეს ბელოკამენსკის უკა-

ნასკნელმა სახლებმა, მეისრის ფიცრულმა ჯიხურმა. დაიწყო ტყე.

ვერა ფიქრობდა, რომ სულ ცოტა ხნის წინათ იგი სწორედ ასე იღვა ფანჯარასთან და ყველაფერი ეს — სახლები, ჯიხური, ტყე — მიცურავდა მის თვალწინ, ოღონდ პირუკუ.

მაგრამ მაშინ ტყესაც, ჯიხურსაც და სახლებსაც ზაფხულის მზის სხივები ეფრქვეოდა და ნათლად და მზიარულად გამოიყურებოდნენ. ახლა კი ყველაფერი, რაც ვაგონის ფანჯრის იქით იყო, ვერას უცხოდ, შემაშფოთებლად, ფარული საშიშროებით სავსედ ეჩვენებოდა.

მან ფანჯარას ზურგი შეაქცია და ჩუმად, მხოლოდ იმ მიზნით, რომ ანატოლის ხმა გაეგონა, ჰკითხა:

— როგორ ხარ, ტოლია, თავი ხომ არ გტკივა?

— ეჰ... რა დროს თავია... — გაღიზიანებით უპასუხა ანატოლიმ.

— მალე შინ ვიქნებით... — თქვა ვერამ.

— ჰო, ჰო. შვიდ საათსაც კი არ მოგვიწევს ფეხზე დგომა, რომ შინ ვიქნებით, — ბრაზით დაეთანხმა ანატოლი.

— მაგრამ... ამაში ხომ დამნაშავე არავინაა ტოლია, რას იზამ, — უთხრა ვერამ და მის ხელს შეეხო.

ვაჟს უცებ შერაცხვა. მან ხელი მოუჭირა ქალიშვილის ხელს და უთხრა:

— მაპატიე. მე მხოლოდ ჩემს თავზე ებრაზობ. ყველაფერი ისე ბრიყვულად, უაზროდ გამოვიდა. ეს სულელური ავადმყოფობა, ეს ხალხით გაჭედილი მატარებელი... ნაცვლად იმისა, რომ ახლა იქ ვყოფილიყავი...

ვაჟი გაჩუმდა.

— ქალიშვილს შეუძლია დაჯდეს, — გაისმა მოულოდნელად მის ზურგს უკან.

ანატოლი მკვეთრად შემოტრიალდა. ეს სწორედ იმ გაბარდინის პლანშიანმა ტიპმა თქვა. ახლა იგი უკვე ნახევრად მიწოლილიყო. თავქვეშ ხელი ამოედო და ფეხები იატაკზე ჩამოეშვა.

— გმადლობთ, თქვენი თავაზიანობის გარეშე() ილაღ ვა ვალთ, — დვარძლიანად მიუგო ანატოლიმ.

— თქვენ არც შემიპატიებებიხართ, — მშრალად, პოზის შეუცვლელად უთხრა პლანშიანმა კაცმა.

— გმადლობთ, გმადლობთ, — აჩქარებით ჩაერია ვე-

რა, — ჩვენ ხომ ერთად ვართ. თქვენ ნუ წუხდებით გათავყვა.

— თავაზიანობა მატარებელში ამოსვლისას უნდა გამოგეჩინათ, — არ ცხრებოდა ანატოლი, — მუჭლუგუნები კი არ უნდა გეკრათ, როგორც... — მას სიტყვის ძეგნაში ენა დაება, — როგორც ბაზარში... აქტიურობა ფრონტზე გამოგეჩინათ...

ეს უკანასკნელი ფრაზა ანატოლის თავისდა უნებურად წამოსცდა.

— როგორც გატყობთ, არც თქვენ ხართ ჯერჯერობით გასაწვევ ასაკს გადაცილებული, — გაისმა მშვიდი პასუხი.

— ეს თქვენი საქმე არ არის, — ჩაიბურტყუნა ანატოლიმ.

— რა თქმა უნდა, — გულგრილად დაეთანხმა პლაშჩიანი.

შემდეგ იგი მოულოდნელად წამოდგა. თავისი ჩემოდანი გვერდულად კედელს მიაყუდა, ჩამოჯდა, ჩემოდანზე ხელი ჩამოსდო და თქვა:

— დასხედით ორივენი.

— ჩვენ უკვე გიპასუხეთ, რომ... — ის იყო წამოიწყო ანატოლიმ, მაგრამ მან ბრძანების კილოთი შეაწყვეტინა:

— მე ვთქვი: დასხედით. ადგილი საკმარისია.

უცებ შუქის წერილმა ნაკადმა გაიელვა. კაცს ხელში ჯიბის ფარანი ეჭირა. მან საწოლზე გათავისუფლებული ადგილი გაანათა, შემდეგ მოურიდებლად მიანათა სხივი ანატოლისა და ვერას და შუქი გამოართო.

— დავსხდეთ, ტოლია, — ხმადაბლა შემრიგებლურად უთხრა ვერამ, — თუკი ამხანაგი გვთავაზობს... — და უიმიძთლად ჩურჩულით დაუმატა: — მთელი ღამე ხომ მგზავრობაში უნდა გავატაროთ...

ახლა საწოლზე უკვე სამნი ისხდნენ: პლაშჩიანი კაცი, ვერა და ანატოლი. იგი ზედ ნაპირზე ჩამოჯდა, თითქოს უნდოდა ეჩვენებინა, რომ არ სურდა ამ ტიპთან რაიმე საერთო ჰქონოდა.

ისინი მღუმარედ ისხდნენ. მოპირდაპირე საწოლზე ვილაც ქალს თავქვეშ ბოლჩა ამოედო, პალტო გადაეხურა და ეძინა.

მთვარე ამოვიდა. ის საკმლიდან არ ჩანდა, მხოლოდ რკინიგზის ორივე მხარეს გადაჭიმული ტყე უკვე ისე პირქუშად აღარ გამოიყურებოდა და ხეებიც ერთმანეთისაგან გამოირჩეოდნენ. ვაგონშიც სინათლემ იმატა.

სიწყნარე იყო; ზოგნი დასაძინებლად დაწოლილიყვნენ, ზოგნი მდუმარედ ისხდნენ გასასვლელში ჩემოდნებზე.

ეს სიჩუმე, რომელსაც მხოლოდ ბორბლების დაგადუგი არღვევდა, ვერას გულს უღონებდა. მან თავი ჩალუნა და სცადა ჩაეთვლინა. მაგრამ ძილი არ ეკარებოდა. ძალიან მოსწყინდა.

პლაშჩიანი კაცი ისევ თავის ჩემოდანზე იყო დაყრდნობილი და ნახევრად შებრუნებული ფანჯარაში იცქირებოდა. ახლა ვერას შეეძლო მისი პროფილის გარჩევა. მას გამხდარი სახე ჰქონდა, მაღალ დაწვებზე კანი გადაჭიმოდა. შესახედობით ასე, რომოციოდე წლისა იქნებოდა.

მოულოდნელად იგი ვერასაკენ მობრუნდა, ჯიბეში ხელი ჩაიყო და დიდი ვაშლი ამოიღო.

— არ გინდათ? — ჰკითხა მან და ვაშლი ვერას გაუწოდა.

— არა, არა, როგორ გეკადრებათ... — ჩაიბუტბუტა ქალიშვილმა და მალულად შეხედა ანატოლის, რომელიც უძრავად იჯდა, თავი ძირს დაეხარა და თითქოს თვლემდა.

— აიღეთ, — თქვა ისევ პლაშჩიანმა თავისი მშრალი, უხალისო ხმით, ვერას მუხლებზე დაუდო ვაშლი და კვლავ ფანჯრისკენ შებრუნდა.

ქალიშვილმა აიღო ვაშლი, ისევ შეხედა ანატოლის და ცოტა მოკბინა. ვაშლი წვნიანი იყო და ვერას კიდევ უფრო ძლიერ მოსწყურდა. იგი აჩქარებით შეუდგა ჭამას.

— სტუდენტები ხართ? — მოულოდნელად ჰკითხა მეზობელმა ისე, რომ არც მობრუნებულა.

— დიახ, — ჩუმად უპასუხა ვერამ.

— ლენინგრადელები?

— დიახ.

— რა გქვიათ?

მის მოკლე, მშრალ შეკითხვებში ერთდროულად ეღერდა მბრძანებლურობაც და გულგრილობაც. იგი, როგორც წესად, არც ახლა უცქეროდა ვერას.

ქალიშვილმა უპასუხა:

— ვერა.

მერე გაუბედავად დასძინა:

— იმას კი — ანატოლი.

და უბრალოდ, თავაზიანობისათვის ჰკითხა:

— თქვენ?

— კრავცოვი, — მოკლედ თქვა პლაშჩიანმა.

ამჯერად იგი შემობრუნდა. ახლა ვერას შეეძლო დაკვირვებოდა. მას უხეში, არასასიამოვნო სახე ჰქონდა, თხელი, მოკუმული ტუჩები და მარჯვენა წარბს ზემოთ ნაიარევი.

ვერამ ვაშლის ქამა დაამთაერა, ნარჩენი ხელში ეკავა და არ იცოდა, სად გადაეგდო.

— აქეთ მოიტათ, — მოულოდნელად თქვა კრავცოვმა და ვერას ხელს შეეხო. ქალიშვილმა იგრძნო, რომ მას ბმელი, ცივი თითები ჰქონდა.

მან ვაშლის ნარჩენი გამოართვა და სარკმელთან კედელზე მიმაგრებულ საფერფლეში შეტენა.

— არდადეგებზე გამოემგზავრეთ? — ჰკითხა კრავცოვმა და მის ხმაში ვერას ამჯერად რაღაც ირონიისმაგვარი მოესმა.

— დიახ, — უპასუხა მან.

— შეუფერებელი დროა, — თითქოს გაკიცხვით, თითქოს სინანულით შენიშნა კრავცოვმა.

— რაღას ვიზამთ? — აჩქარებით მიუგო ვერამ. — უბრალოდ ასე მოხდა. — მან ისევ მალულად შეხედა უძრავად მჯდომ ანატოლის, — ეს ავად გახდა, პოდა შეეფერხდით. ფილტვების ანთება ჰქონდა.

— ქმარია?

— არა, რას ბრძანებთ! უბრალოდ ჩვენ... ერთად ვიმგზავრეთ...

— გასაგებია, — მოკლედ შენიშნა კრავცოვმა.

— ვერა, მორი ადგილები გავცვალოთ, აქ მეტი ჰაერია, — მოულოდნელად და რაღაცნაირი მშრალი ხმით თქვა ანატოლიმ და წამოდგა.

ვერამ იგრძნო, რომ გაწითლდა. ანატოლის მოქმედება მას უზრდელად, უტაქტოდ მოეჩვენა, მაგრამ მორჩილად წამოდგა. მათ ადგილები გაცვალეს.

ახლა ანატოლი კრავცოვსა და ვერას შუა იჭდა უძრავად. მოპირდაპირე კედელს შესცქეროდა და მთელი თავისი გამომეტყველებით ხაზს უსვამდა, რომ უწინდებურად არ სურდა მეზობელთან რაიმე საქმის დაქერა. ყველა დუმდა, მხოლოდ ბორბლების დაგადუგი ისმოდა.

რამდენიმე ხნის შემდეგ კრავცოვმა სარკმლის ქვეშ მიმაგრებულ თაროზე დააწყო ხელები და თითქოს ჩათვლიდა.

— ტოლია, — ჩურჩულით უთხრა ვერამ, — რატომ იქცევი ასე? შენ ხომ აწყენინე ამ კაცს!

— აიტანს, — ანატოლიმ მხრები აიჩეჩა და დააძინა: — იპოვა რაღა დრო, გაგთამაშებოდა.

— რა სისულელეა! — ისევ ჩურჩულით უთხრა ვერამ, უკმაყოფილოდ გაიწია ანატოლისაგან და კრავცოვს შეხედა, რათა გაეგო, გაიგონა თუ არა მისი სიტყვები. მას კი, ჩანდა, მართლაც ეძინა.

ერთხანს ისინი დუმდნენ...

— ვერა, — ჩუმად უთხრა ანატოლიმ და მისკენ მიიწია, — ნუ გამიწყობი!

ქალიშვილი დუმდა.

— მე ვიცი, რომ სულელურად ვიქცევი, — ჩურჩულით განაგრძობდა ანატოლი, — მაგრამ გამიგე... მე ძლიერ მწყინს... ძლიერ მედარდება... ასე მგონია, ყველა ისე მიყურებს, როგორც... თითქოს ომს თავს ვარიდებდე, გესმის?.. ის დაქრილიც, ბაქანზე... მას ხომ შევეზიზღე! და მართალიც იყო. მე მისი დავიწყება არ შემიძლია. უკვე კვირაზე მეტია, ომია, მე კი... შენ, ალბათ, გრცხვენია, ჩემს მაგიერ?

იგი ჩუმად, თითქმის ჩურჩულით ლაპარაკობდა, ენა ებმოდა, მაგრამ მის ხმაში ტკივილი და წყენა ისმოდა. ვერას შეეცოდა იგი. მისი ხელისგული ლოყაზე მიიღო და აჩქარებითა და დაბნეულად ალაპარაკდა:

— არა, არა, ტოლენკა, რას ამბობ? ასეთი რამე ფიქრადაც როგორ მოგივიდა. მე ხომ ვიცი, ეს ყველაფერი ჩემს გამო მოხდა, მხოლოდ ჩემი გულსათვის. მე სულელი ვიყავი, ტუტუცი, უკარება. ეს იმიტომ, რომ მიყვარხარ, ისე მიყვარხარ, თქმაც კი არ შემიძლია. და ყოველთვის მეშინოდა შენი დაკარგვისა, ოღონდ ვერ გეუბნებოდი ამას, მრცხვენოდა, მაგრამ მეშინოდა იმ წუთიდანვე როცა ერთმანეთი გავიცანით, მაშინ, ნავში, გახსოვს?..

მას ეგონა, რომ იმას არ ლაპარაკობდა, რაც საჭირო იყო. ყველაფერი ეს, ახლა, როდესაც ომია, დროს არ შეეფერებოდა და მისი სიტყვები ისე ეღერდა, თითქოს იგი ისევ ძველ, კეთილსა და ნათელ სამყაროში ცხოვრობდა. ხვალ კი შეიძლება ერთმანეთს დაშორდნენ და ახლამთავარია, ტოლია ცოცხალი გადარჩეს. ყოველივე დანარჩენი უკვე უმნიშვნელოა და ამაზე ლაპარაკი სასაცილოა და სულელურიც... ვერამ იგრძნო, რომ ტოლის ხელისგული, რომელსაც იგი სულ უფრო და უფრო მაგრად იკრავდა ლოყაზე, დასველდა, და მხოლოდ მაშინ მიხვდა, რომ ტიროდა.

— ვერა, ვეროჩკა, ნუ, ნუ ტირი, — იმეორებდა ანატოლი, და მის ხმაშიც ცრემლი გამოკრთოდა. ანატოლი ხელისგულთ უმშრალეებდა მას სახეს, მეორე ხელით კი თავისკენ იზიდავდა, ეხვეოდა და მათ გადაავიწყდათ ყველაფერი — ხალხით გაქედილი ნახევრადრეზინებული, თამბაქოს ბოლით გავსებული ვაგონიც, გარშემო მყოფი ადამიანებიც, რომლებიც შეიძლება ხელავენ და ესმით: მათი ლაპარაკი...

და ამ მომენტში სადღაც სულ ახლოს გამაყრუებელი აფეთქების ხმა გაისმა. ვაგონი მძლავრად შეირყა. ფანჯრის იქით ცეცხლმა იელვა და წამით თვალის მომპრეცი სიკაშკაშით გაანათა ვაგონში ყველაფერი. მოისმა გულგამგმირავი, გამწივანი ხმა და ვაგონის სახურავზე თითქოს სეტყვამ დაუშვა. გაიწკრიალეს ფანჯრის მინის ნამსხვრევებმა.

უეცარი, ძლიერი ბიძგისაგან მატარებელი გაჩერდა თაროებიდან ბარგის ჩამოცვენის გრუხუნის, ადამიანთა ყვირილი — ყველაფერი ერთმანეთს შეერწყა და სადღაც სულ ახლოს ისევე გაისმა აფეთქება...

— გადით ვაგონიდან! ჩქარა! ყველანი გადით ვაგონიდან! — დაიყვირა ვიღაცამ ხმაშალლა, მბრძანებლურად და ვერა, რომელიც გასასვლელში ჩახერგილ ჩემოდნებსა და ფუთებს შორის ხელჩაყიდებული მიჰყავდა ანატოლის, მიხვდა, რომ ეს კრავცოვის ხმა იყო.

ისინი შიშისაგან გონდაკარგულ ადამიანთა შორის მიიკვლევდნენ გზას გასასვლელისაკენ. მათ ესმოდათ ბავშვების ტირილი, დახშული რაღაც ახალი, საშინელი, მოგუგუნე ხმით, რომელიც წინათ არასოდეს არ გაეგონათ. ბოლოს მიაღწიეს ტამბურს, საღაც ზურგიდან მოწოლილმა ხალხის ტალღამ გამოაგდო ისინი გარეთ...

ანატოლი და ვერა მალალ მიწაყრილთან წაიქნენ და ძირს დაგორდნენ, გვერდით კი გარბოდნენ, ეცემოდნენ და ისევ მიგორავდნენ ადამიანები. მათ თავს ზემოთ კი ციდან, სულ ახლო მანძილიდან, ისმოდა აუტანელი ძლიერი გუგუნის...

და უკვე იქ, მიწაყრილის ქვემოთ, ლაფში ჩაწოლილმა ანატოლიმ და ვერამ დაინახეს, როგორ იწვოდა ცეცხლის ენებში გახვეული ვაგონები.

— ვერა, ვერა, გავიქცეთ! — სულზეხუთვით ყვიროდა ანატოლი. იგი წამოხტა, ხელში სწვდა ვერას, წამოაყენა და გაიქცნენ. გარბოდნენ, თვითონაც არ იცოდნენ,

საით. ორმოებში ვარდებოდნენ, ბუჩქნარს მიარღვევდნენ, წინ ვერაფერს ვერა ხედავდნენ და მარტო ერთი ფიქრით იყვნენ შეპყრობილი: რაც შეიძლებოდა უფრო შორს გაქცეულიყვნენ ამ საშინელებისაგან.

მაგრამ დიდხანს არ ურბენიათ. მათ თავს ზემოთ ისევ გაისმა გუგუნე, რომელიც თანდათან ძლიერდებოდა. ამ საშინელმა ხმამ, რომელიც წინათ არასოდეს არ გაეგონათ, აიძულა ისინი პირქვე დახობილიყვნენ მიწაზე. შემდეგ ტყვიამფრქვევის ჯერი გაისმა, ერთი წუთის მერე კი ყველაფერი მიწყნარდა.

ანატოლიმ თავი ასწია. ვერა მის გვერდით იწვია, ორი-ოდე ნაბიჯის იქით კი — კიდევ ვიღაც ქალი. იგი პირქვე და-ცემულიყო. მას ხალათი ეცვა, რომელიც დაკეშისას აწეო-და და მთვარის შუქზე შიშველი, მსხვილი, მუქი ვენებით დასერილი ფეხები უჩანდა.

— ვერა, წამოდექი, ისინი გაფრინდნენ! — საკუთარი თავისა და ქალიშვილის გასამხნეველად უკვე ხმამაღლა თქვა ანატოლიმ. — ჩვენ უნდა წავიდეთ. ისინი შეიძლება ისევ მოფრინდნენ.

მან შეხედა ქალს, რომელიც მათგან ორ ნაბიჯზე იწვია და გაიმეორა:

— წამოდექით, ყველაფერი გათავდა.

მაგრამ ქალი არ იძვროდა. ეტყობოდა, იცოდა კიშისაგან ჯერ კიდევ გონს ვერ მოსულიყო.

— წამოდექით! — ისევ უთხრა ანატოლიმ და მის მხარს შეეხო.

მან იგრძნო რაღაც მწებარე, თბილი, შეძრწუნებულმა მოაშორა ხელი და დაიყვირა:

— ვერა, იგი მოკლულია!

ვერამ. შიში დასძლია და ქალის თავს შეეხო. თითებით თბილი და რბილი სისხლიანი მასა შეიგრძნო.

იმავე წამს სადღაც შორიდან კვლავ მოაშრა თვით-მფრინავის გუგუნე.

და მაშინ ორივე — ანატოლი და ვერა — ისევ წამო-ვარდნენ და გაიქცნენ...

...ისინი მხოლოდ მაშინ შეჩერდნენ, როდესაც ვერას სირბილი აღარ შეეძლო და დაეცა. ანატოლი არწმუნებდა, უკანასკნელი ძალ-ღონე მოეკრიბა და გზა განეგრძოთ, მაგრამ ვერამ უთხრა, მუტი აღარ შემიძლიაო.

ანატოლი მის გვერდით მუხლებზე დაეშვა და ტალა-

ხითა და ცრემლებით დასველებულ სახეს ცხვირსახოციით წმენდდა.

ისინი პატარა წარაფის პირას იმყოფებოდნენ. აქედან მატარებელი უკვე აღარ ჩანდა, მაგრამ ხანძრის ანარეკლი ჯერ კიდევ ბრიალებდა ცაზე.

სიჩუმემ დაისადგურა. მათ უკვე აღარ ესმოდათ არც აფეთქება, არც ყურის გამაყრუებელი გუგუნი, არც ხალხის ყვირილი.

— ეს ავიაციის თავდასხმა იყო, გესმის, თავდასხმა! — ქოშინით უთხრა ანატოლიმ.

ვერა დუმდა: ისიც სულს ძლივს ითქვამდა და ჯერ კიდევ ვერ გარკვეულიყო იმაში, რა მოხდა.

მან ყური მიუგდო ანატოლის სიტყვებს. თავდასხმაა? ჰო, რასაკვირველია, ეს თავდასხმა იყო. მას კინოში უნახავს, თუ როგორ ხდება ეს, მაგრამ ის, რაც მოხდა, არც ერთ კინოფილმს არ ჰგავდა.

თითქოს ეშინოდა, მის ხმას სადმე ჩასაფრებული მტერი მოისმენდა, ვერამ ჩუმად ჰკითხა:

— რაღა ვქნათ, ტოლია?

— არ ვიცი... უნდა ვიაროთ, სანამ ვინმე არ შეგვხვდება. იქნებ აქ ახლოს სოფელი იყოს.

— არ შემიძლია სიარული, — შესაბრალისად თქვა ვერამ, — ფეხები აღარ მემორჩილება.

— ცოტა დავისვენოთ და გაგივლის.

— სისველემ ლამის ძვლებში გამატანა...

და ისინი მხოლოდ ამ წუთში მიხვდნენ, რომ თან არაფერი არ ჰქონდათ, ჩემოდნები ხომ ვაგონში დარჩათ.

— ეჰ, ცუდად არის საქმე, — დაბნევით თქვა ანატოლიმ, — მეც მთლად დავსველდი.

— ისევ ავად გახდები, — შეშფოთებით უთხრა ვერამ.

— ეგ არაფერია! განა ახლა ამაზე ფიქრის დროა!

ანატოლი თანდათან გონს იკრებდა, შოკიდან გამოდიოდა. მან მიმოიხედა. ღამე უკვე იწურებოდა. უცბად რომ ცა ღრუბლებს არ ჩამოებურათ, ერთი საათის შემდეგ უკვე მთლად გათენებული იქნებოდა. მაგრამ ახლა ისინი ბინდში იყვნენ გახვეული. ანატოლიმ საათს დახედა — ისრები ორის ნახევარს უჩვენებდა.

ისინი ნამიან ბალახზე ისხდნენ. მახლობლად ტანწვრილი თეთრი არყების ხშირი წარაფი მოჩანდა. სადღაც ბაყაყი ყიყინებდა. იმ მხარეს, სადაც მატარებელი იდგა, ხანძრის შუქი ჩაქრა.

— მისმინე, ტოლია, — გაუბედავად თქვა ვერამ, — იქნებ დავბრუნებულყავით იქ... მატარებელთან? რაც უნდა იყოს, იქ ხალხია... იქნებ ჩვენი ბარგიც გადაჩა... —

— ხომ არ გაგიყვლი, — მკვახილ უპასუხა ანატოლიმ, — მათ შეუძლიათ ისევ მოფრინდნენ! ჩვენ უნდა დავისვენოთ და გზა განვაგრძოთ. ჯერ აღრეა. ერთ-ორ საათში გათენდება, და უსათუოდ ვინმეს შევხვდებით. ბოლოს და ბოლოს ლენინგრადის ახლოს ვართ და არა უკაცრიელ კუნძულზე.

რამდენიმე ხანს ისინი ორივენი დუმდნენ.

— ტოლია, როგორ მოხდა ეს, — კითხვითა თუ ხმა-მალლა ფიქრებით თქვა ვერამ, — როგორ შეძლეს მათ... აქამდე მოფრენა? ფრონტი ხომ იქ, სადღაც შორსაა?

— არ ვიცი, — პაუზის შემდეგ უპასუხა ანატოლიმ, — იქნებ... — მისი ხმა უფრო ყრულ ისმოდა, — იქნება ამ ერთ დღე-ღამეში რაიმე შეიცვალა?

ამ საშინელი ვარაუდით გულდამძიმებულნი ისინი ისევ დადუმდნენ.

— აი, რა, — თქვა ბოლოს ანატოლიმ, — მოდი, წავიდეთ იქით, ხეებისაკენ. თორემ ვსხედვართ აქ... თვალში საცემ ადგილზე.

ვერა მორჩილად წამოდგა. ისინი წარაფისაკენ გაემართნენ. ანატოლი წინ მიდიოდა, ფეხებს ძლივს ადვამდა. ფეხსაცმელებზე ტალახის გუნდები მოსდებოდა. სველი შარვალი კანკებზე ეკვროდა. ვერა ფეხშიშველა მღუშარედ მიჰყვებოდა. ქუსლებმომძვრალი ფეხსაცმელები ხელში ეჭირა. ისინი უკვე წარაფის პირს უახლოვდებოდნენ. რომ უცბად ბინდიდან ვილაცის ხმა მოესმათ:

— ვინ მოდის?

ანატოლი შეკრთა და შეჩერდა. ხმა ხეების იქიდან, მაგრამ სადღაც ქვემოდან, თითქოს მიწიდან, მოისმოდა.

— ეს ჩვენი ვართ... — დაბნევით უპასუხა მან და იმ წამსვე დაინახა ხშირი ბალახით დაფარული კაცი, რომელმაც ხელზე დაყრდნობით წამოიწია. ვერამ და ანატოლიმ მაშინვე იცნეს კრავცოვი. მას ისევ ის ლურჯი გაბარდინის პლაში იცვა, ოღონდ ზედ ტალახი, ფოთლები და ბალახი მიწებებოდა.

ვერამ რამდენიმე სწრაფი ნაბიჯი გადადგა კრავცოვისკენ და შევებით, სიხარულითაც კი შესძახა:

— ეს თქვენა ხართ? თქვენ?

— მე ვარ, — მშვიდად მიუგო კრავცოვმა და ისევ ბა-

ლახზე დაეშვა. — აბა, ერთი ჯოხი მომიტეხე, — მიუბრუნდა იგი ანატოლის.

— რაო? — ვერ მიუხვდა ანატოლი.

— ჯოხი, — მკვეთრად გაიმეორა კრავცოვმა, — რაიმე ტოტი. მსხვილი იყოს, გასაგებია?

ჯერ კიდევ ერთი საათის წინ ანატოლი საკადრის პასუხს გასცემდა ამ კაცს, ასეთი კილოთი და „შენობით“ რომ მიემართა.

მაგრამ ახლა იგი მოხარული იყო ყოველგვარი მითითებისა, ვისგანაც უნდა ყოფილიყო. ანატოლიმ არ იცოდა, თუ რად დასჭირდა ამ კაცს ჯოხი, ამაზე არ უფიქრია. იგი სწრაფი ნაბიჯით გაეშურა წარაფის სიღრმეში და რამდენიმე წუთში დაბრუნდა, თან ღიდ ტოტს მოათრევდა.

მან დაინახა, კრავცოვი უწინდებურად იწვა, მუხლებზე დაჩოქილი ვერა კი თავზე ადგა.

მაგრამ ანატოლის ეს არ გაკვირვებია. იგი განაცვიფრა იმან, რომ კრავცოვის გვერდით იღო სწორედ ის პატარა ჩემოდანი ასე რომ დაამახსოვრდა მას. ანატოლის ამოუხსნელ ამოცანად მოეჩვენა, ამ კაცმა რომ ასეთ კატასტროფაში თავისი ჩემოდნის გადაჩენა შეძლო.

ანატოლის დანახვაზე ვერამ თქვა:

— ამხანაგი კრავცოვი დაჭრილია. ფეხში.

ტყის სიბნელეში ანატოლიმ ჭრილობა ვერ შეამჩნია. მხოლოდ ის დაინახა, რომ კრავცოვს ცალ ფეხზე შარვლის ტოტი შემოხეული ჰქონდა.

— არაფერია, — უთხრა კრავცოვმა. — ჯოხი მომიტანე?

— კი, კი, — აჩქარებით უპასუხა ანატოლიმ, თან ტოტი გაუწოდა.

— ეს ხარების გასარეკი წნელია, — უკმაყოფილოდ უთხრა კრავცოვმა, — მე ჯოხი მჭირდება. დასაყრდენად. გამიგე?

და დაბნეულ ანატოლის რომ შეხედა, დასძინა:

— მაშ, კარგი. შემოამტვრიე ნახევრამდე. გამოდგება. — და მოულოდნელად იკითხა: — რომელს გაქვთ ასანთი?

— ასანთი? მოსაწევად? — თავაზიანად გაეხმაურა ანატოლი. — სამწუხაროდ, არც ასანთი მაქვს, არც პაპიროსი. არ ვეწევი.

— თქვენს ჭრილობას შეხვევა უნდა, — უთხრა ვერამ, — მაგრამ რომ არაფერი არა გვაქვს. ყველაფერი იქ დარჩა, ვაგონში, იქნებ, თქვენს ჩემოდანში...

მან ხელი გაიწვდინა ლითონის კუთხედებით შემოკედლილ დერმატინის პატარა ჩემოდნისაკენ.

— ხელი არ ახლო, — მოულოდნელად მკვახელ უთხრა კრავცოვმა და შეშინებულმა ვერამ ხელი განზე გასწია.

— მე მინდოდა იქ ცხვირსახოცი ან პერანგი მეპოვნა, — დარცხვენით თქვა მან, — ნუ გეშინიათ, მე მედიკი ვარ, შემძლია.

კრავცოვმა ჩაიციხა.

— რაკი მედიკი ყოფილხარ, მიმკურნალე, — უთხრა მან მისთვის არადამახასიათებელი გულგრილი ირონიით. — მომიწიე ჩემოდანი... ვერა.

ქალიშვილმა მისწია ჩემოდანი, რომელიც მთლად მსუბუქი აღმოჩნდა, და შეეცადა გაეღო, მაგრამ კრავცოვმა ხელით მოიცილა იგი, წამოიწია და ჩემოდანზე დაიხარა.

ბინდში საკეტებმა გაიჩხაკუნეს.

— აჰა, — უთხრა კრავცოვმა. მან ისევ დახურა თავსახური და ვერას რაღაც თეთრი გაუწოდა.

ქალიშვილმა აკურატულად დაკეცილი თეთრი მართკუთხედი გაშალა და თქვა:

— პერანგია, სულ ახალია!

— ჯანდაბას. დახიე, — უთხრა კრავცოვმა.

მაგრამ ქალიშვილს ღონე არ ჰყოფნიდა, რომ პერანგი დაეხია. მას ანატოლი მიეშველა.

— ჰრილობის დამუშავებაა საჭირო, — თქვა ვერამ, თან ისევ კრავცოვის ფეხისკენ დაიხარა, — მაგრამ რით იქნებ ოდეკოლონი გაქვთ?

— არა, — მოკლედ მიუგო კრავცოვმა.

— მაშინ კარგი იქნებოდა ჰრილობა მოგვებანა, ზედ ტალახი მიკვრია. მაგრამ წყალი რომ არა გვაქვს.

— წყალი არის! — სწრაფად თქვა ანატოლიმ. — აქ ათიოდრე ნაბიჯზე რაღაც თხრილია თუ ტბორი. მე დავინახე.

— ტბორი? — იკითხა კრავცოვმა. — ღრმა არის?

— მე... მე არ ვიცი, — დაბნეულად უპასუხა ანატოლიმ.

— ტოლია, წადი და ეს დაასველე, — უთხრა ვერამ და პერანგის ნაფლეთი გაუწოდა.

— და გასინჯე, ღრმა თუა ის ტბორი, ჯოხით გაზომე! — დაუმატა კრავცოვმა.

ანატოლიმ გაოცებით აიღო ჯოხი.

— აბა, ჰა, ჩქარა! — უბრძანა კრავცოვმა.

ანატოლი ხეებში მიიშალა, ვერამ კი გაკვირვებით შეხედა კრავცოვს. მას მოეჩვენა, რომ იგი სრულებითაც არ ჰგავდა იმ კაცს, რომლის გვერდითაც სულ ცოტა ხნის წინათ ვაგონის მერხზე იჯდა. იქ ის მშვიდი, გულგრილი ჰანდა.

ეს კრავცოვი კი სულ სხვანაირი იყო. ვერას არ გაუკვირდებოდა იგი დაბნეული, შეშინებული რომ ყოფილიყო. ყოველივე ამის შემდეგ, რაც მოხდა, ასეთი ცვლილება ბუნებრივი იქნებოდა, მაგრამ ახლანდელი კრავცოვი მას ეჩვენა გაღიზიანებული, ბრაზიანი, რომელიც სიტყვის შებრუნებას ვერ იტანდა. ისე ექცეოდა მათ, როგორც ბავშვებს, მოწაფეებს.

— გტყვიათ? — ჰკითხა ვერამ.

— რაო?

— მე გკითხეთ, თუხი ხომ არ გტყვიათ-მეთქი.

— ა... ა, მორჩი რაღა! — ხელი ჩაიქნია კრავცოვმა.

ვერა გაჩუმდა. წუთის შემდეგ ანატოლი დაბრუნდა.

— ფსკერამდე ვერ ჩავწვდი! — რატომღაც სინარულით წამოიძახა მან. შემდეგ ჯოხი მიწაზე დადო და სველი ჩვრები ვერას გაუწოდა.

ქალიშვილმა მუხლებზე დაიჩოქა და ფრთხილად დაუწყო კრავცოვს ქრილობის გარშემო კანის მოწმენდა.

— ეს ნატყვიარია? — შეეკითხა ქალიშვილი.

— შედიკმა უნდა იცოდეს ცეცხლმსროლელი იარაღებით მიყენებული ქრილობების გამოცნობა. — დაცინვით უბასუხა კრავცოვმა. — არავითარი ტყვია. წვეტიან რკინას წამოვეგე. როგორც ჩანს ძველი სახნისი ეგდო. მაშ, ანატოლი, შენ ამბობ, ტბორი ღრმა არისო?

— ფსკერამდე ვერ ჩავწვდი! — სწრაფად გაიმეორა ანატოლიმ.

— მაშ, ასე, — კმაყოფილებით შენიშნა კრავცოვმა. იგი ორივე ხელით დაეყრდნო ჯოხს და ტყვილისაგან შექმუხნილი წამოდგა.

— აიღე ჩემოდანი, — უბრძანა მან ანატოლის, — აბა, წავიდეთ შენი ტბორისაკენ.

ანატოლიმ ხელი წაავლო ჩემოდანს და წინ გაეშურა; მაგრამ კრავცოვმა ხმადაბლა შეძახილით შეაჩერა იგი:

— გვერდით მომყევი!

კრავცოვი მიდიოდა ნელა, მთელი ძალით ეყრდნობო-

და ჯოხს და ფეხს მიითრევდა. რამდენიმე წუთი გავიდა სანამ წყალთან მივიდოდნენ.

ირგვლივ გადატეხილი ხეები, ჭირკვები და წვეტიანი ტოტები გამოშვერილიყვნენ.

კრავცოვი რამდენიმე წამს უცქეროდა სწორ მღვრიე ზედაპირს, შემდეგ ანატოლის მიუბრუნდა და უთხრა:

— ჩააგდე. ოღონდ მოშორებით, რომ შუა გულში მოახვედრო. გაიგე?

— რა... ჩაეაგდო? — განცვიფრებით ჰკითხა ანატოლიმ.

— „რა, რა!“ — გამოაჩავრა კრავცოვმა. — ჩემოდანი. აბა, შიგ შუაგულში გადააგდე. გეყოფა ღონე?

— მაგრამ არ მესმის... — წამოიწყო ანატოლიმ. კრავცოვმა თქმა არ აცალა:

— ჩააგდე, — უბრძანა მან, — აბა, ჩქარა. ერთი..

და ანატოლი უნებურად დაემორჩილა. მოიქნია და ჩემოდანი წყალში გადააგდო.

გაისმა ძლიერი ჩქაფუნი და ჩემოდანი გაქრა.

კრავცოვი რამდენიმე ხანს უცქეროდა წყლის ზედაპირზე გაჩენილ რგოლებს.

— ტბორი ღრმაა, — თქვა ანატოლიმ, რადგან ინტუიციით გრძნობდა, რომ კრავცოვს სიამოვნებდა ამის მოსმენა.

— ტბორი, ტბორი... — ირონიულად გაიმეორა კრავცოვმა. — ეს ტბორი კი არაა, ჰაობია. ჰაობია, რომელშიც ტონიანი ბომბი ჩავარდა. გაიგე?

...რამდენიმე ხანს სამივენი წყალთან იდგნენ. შემდეგ ანატოლიმ და ვერამ მორცხვად შეხედეს კრავცოვს, თითქოს მისგან განმარტებებს მოელოდნენ, მაგრამ იგი დუმდა. გეგონებოდა, მათი იქ ყოფნა სულაც გადაავიწყდაო.

კრავცოვი დაძაბულად გასცქეროდა წყალს, ლაწვებზე კანი თითქოს კიდევ უფრო დაკვიმოდა, ხოლო მარჯვენა წარბს ზემოთ ნაჭრილობევი უფრო ჩაღრმავებოდა.

ანატოლი პატივისცემისა და არაკეთილგანწყობილების შერეული გრძნობით შესცქეროდა ამ უცნაურ კაცს. იგი ინსტიქტურად გრძნობდა კრავცოვის უპირატესობას, თუმცა თავის თავს ანგარიშს არ აძლევდა, თუ სახელდობრ რაში და იმავე დროს ეს გრძნობა, როგორც მას ეჩვენებოდა, ამცირებდა მას ვერას თვალში. ანატოლის ეჭვი არ ეპარებოდა, რომ კრავცოვს ვერ გაუტოლდებოდა. მან არ იცოდა, ამის შემდეგ რა უნდა ექნა, საით წასულიყო. კრავცოვმა კი, როგორც ეტყობოდა, იცოდა. ჩემოდნის

უცნაური, იღუმალებით მოცული ისტორია მხოლოდ ხაზს უსვამდა ამ კაცის საოცარ მოქმედებას. ვინ არის იგი? იქნებ ბნელი პიროვნება? რა იღო ჩემოდანში? იქნებ მოპარული ნივთები?... მაგრამ ანატოლი გრძნობდა, რომ ეჭვით ვერ გაბედავდა ეკითხა ამაზე კრავცოვისათვის. უკითხავს არ იცოდა რატომ. გუნებაში იქნებ ეშინოდა კიდეც მისი.

და ამასთანავე კრავცოვის იქ ყოფნა ამშვიდებდა ანატოლის. იგი ინსტიქტით გრძნობდა, რომ შეიძლებოდა მასზე დაყრდნობა. ვინც უნდა იყოს ეს კაცი უთუოდ მიიყვანს მათ რომელიმე დასახლებულ პუნქტამდე. იქ კი მისი დავიწყებაც შეიძლება. შემდეგ ყველაფერი უფრო გაადვილდება. საკმარისია მხოლოდ გამოჩვენო, რა მანძილით არის დაშორებული ლენინგრადს და არის თუ არა მახლობლად რკინიგზის სადგური ან გზატკეცილი.

ვერაც ერთგვარი გაკვირვებით ფიქრობდა კრავცოვზე. იგი უცნაურ, არაჩვეულებრივ კაცად ეჩვენებოდა, მაგრამ ყველაზე ძლიერ ვერას კრავცოვის კრილობა აფიქრებდა, ფეხზე მიყენებული დიდი გლეჯილი კრილობა, რომელსაც დაუყოვნებლივ სჭირდებოდა დამუშავება, შემდეგ გაშეშების საწინააღმდეგო შრატის შეშხაპუნება. მაგრამ ყოველივე ეს შეიძლება გაკეთდეს მხოლოდ მაშინ, როცა ისინი უახლოეს სოფელს მიაღწევენ. იქ, რა თქმა უნდა, მედპუნქტი იქნება. და ტოლიასაც დაუყოვნებლივ უნდა გაუსინჯონ სიცხე, კარგი იქნებოდა პროფილაქტიკისათვის კოტრშებიც დააყარონ. მედპუნქტში უთუოდ იქნებათ. პნევმონიასთან ხუმრობა არ შეიძლება. უნდა დააჩქარონ კრავცოვი, უთხრან, რომ ღროის დაკარგვა არ შეიძლება. თუმცა საერთოდ საკვირველია, როგორ შეუძლია მას ასეთი კრილობით ფეხზე დგომა. უნდა უშველონ სიარულში. მხრებში ამოუდგნენ და ატარონ...

— როგორ გგონიათ... — მორცხვად წამოიწყო ვერამ, მაგრამ კრავცოვმა შეაწყვეტინა, მბრძანებლურად, თუმცა ხმადაბლა უთხრა:

— ჩუმად!

ვერამ და ანატოლიმ გაოცებით შეხედეს ერთმანეთს. შემდეგ დაძაბულად მიაყურეს და მაშინ გაიგონეს რაღაც შორეული ყრუ გუგუნინ...

— რა არის ეს? — შეშფოთებით იკითხა ანატოლიმ. — შენ გესმის?

— კი; — ჩუმად მიუგო ვერამ.

— ვერ გამიგია, რა გუგუნია, — განაგრძო ანატოლიმ. — იგი რალაცას მაგონებს, ხოლო ვერ გამიხსენებია რას. თითქოს რალაც ზვავი ან ჩანჩქერია. — მან შეკითხვის გამომეტყველებით შეხედა კრავცოვს.

— წავიდეთ, — მოულოდნელად წარმოთქვა კრავცოვმა. უცბად მობრუნდა და დაეცა. ტკივილისაგან სახე დაეღმობა. ვერა მივარდა მას, მკლავში ხელი სტაცა, შეეცადა წამოეყენებინა, თან სხაპა-სხუპით ეუბნებოდა:

— ხედავთ? ხედავთ? ხომ გტკივათ? ცხადია, გტკივათ! ეს მუდამ ასეა, პირველ ხანებში ტკივილს ვერ გრძნობ, მერე კი ყველაფერი იწყება. ტოლია, მოდი აქ, ტოლია, მივეშველოთ წამოდგომაში...

ანატოლი იდგა, კისერი წაეგრძელებინა, ყურს უდებდა, ცდილობდა გაეგო, რას ნიშნავდა ეს შორეული გუგუნი. დარწმუნებული იყო, რომ არა ერთხელ მოესმინა იგი, მაგრამ ვერაფრით გაიხსენა, სად, რა დროს.

ახლა იგი ადგილს მოწყდა, კრავცოვს მივარდა, მერე მხარში შეუდგა.

— დამეხსენ, — ხელის კვრით მოიშორა იგი კრავცოვმა.

მათ გაოცებულებმა დუშვეს იგი ბალახზე.

კრავცოვმა გულდასმით შოავლო თვალი გარშემოდგარ ხეებს და უკვე მშვიდი და მეგობრული ტონით წარმოთქვა:

— მგონი, ცოტა დასვენება მჭირდება, ახალგაზრდებო, ა? აი, ძალ-ღონეს მოვიკრებ და ისევ გზას გავუდგებიო მარტოდ ხომ არ მიმატოვებთ, არა? თანაც ჯერ ადრეა. ყველას სძინავს. ადგილი კი აქ კარგია, მყუდრო. დავისვენოთ?

და მან ვერასა და ანატოლის მუდარანარევი ღებილით ახედა.

— კი, მაგრამ თქვენი ჭრილობა... — წამოიწყო ვერამ.

— ჩანდაბამდე გზა ჰქონია, — ისევ გაიღიმა კრავცოვმა, — ჰოდა, ჭრილობისთვისაც უკეთესია. ცოტა დამიამდება. აბა? დავსხდეთ.

ისინი მორჩილად დასხდნენ კრავცოვის გვერდით. ამ კაცში მოულოდნელად მომხდარი ცვლილება მათ თან ამშვიდებდა და თანაც აშფოთებდა.

— ჰოდა ძალიანაც კარგია, ყმაწვილებო, ძალიან კარგია, — ლაპარაკობდა კრავცოვი, — მაშ შენ ტოლია გქვია? — ჰკითხა მან, თუმცა ადრევე სახელით მიმართავდა ანატოლის.

ანატოლიმ თავი დაუქნია.

— სად სწავლობ, ტოლია? — ისევ ჰკითხა კრავცოვმა.

ანატოლიმ ნერვიულად აიჩეჩა მხრები. მას თვითონ უნდოდა ათობით შეეითხვა მიეცა ამ კაცისათვის და, უწინარეს ყოვლისა, ეკითხა, საიდან გაჩნდნენ აქ, ფრონტიდან რამდენიმე ასეული კილომეტრის დაშორებით. გერმანელთა თვითმფრინავები, მაგრამ იგი, კრავცოვში მომხდარი ცვლილებებით ჩაფიქრებული, გაჩუმებულიყო.

მან უპასუხა, რომ სწავლობს სამოქალაქო საინჟინრო ინსტიტუტში.

— გასაგებია, — თავი დაუქნია კრავცოვმა. — მაშ, არადადეგებზე გაემგზავრე და ავად გახდი?

— ფილტვების ანთება ჰქონდა, — ჩაერია ვერა.

— მაშ, ასე, — ჩაფიქრებით წარმოთქვა კრავცოვმა. — ვინ იცის, იქნებ ასე ჯობდა.

ვერამ განცვიფრებით ასწია წარბები.

— ამით რის თქმა გინდათ? — გაკვირვებით ჰკითხა ანატოლიმ და წყენით დაურთო: — მაგ წყეული ავადმყოფობის გამო სამხედრო კომისარიატში ვერ გამოვიცხადდი.

— ჰოდა, ესეც იღბალი, მოგვიანებით გამოცხადდები, — შემრიგებლური ღიმილით თქვა კრავცოვმა. — გიანბობ ერთ შემთხვევას, რაც თავს გადამხდა. ერთხელ მივლინებაში გამგზავნეს. მე ვაჭრობის ქსელში ვმუშაობ. მივედი მოსკოვის ვაგზალში, ბილეთები არ არის — არც რბილისს, არც პლატყარტის, მხოლოდ საერთოსი აქვთ. ტაკიმა-სხარა ხომ არ ვიყავი, რომ სახბორეთი მემგზავრა. მაგრამ რაც გინდ მომხდარიყო უნდა გავმგზავრებულიყავი — სამსახურებრივი მოვალეობა მაკისრებდა. ტაქსში ჩავხტი და აეროდრომისაკენ გავექანდი. ბედმა გამიღიმა — უკანასკნელი ბილეთი ვიშოვნე! ჩასხდომამდე ერთი საათი დრო მქონდა. ვიფიქრე, მოდი, ბუფეტში შევივლი, ას გრამს გადავხუხავ და ლუქმას შევატან-მეთქი. და უცებ რადიოთი აცხადებენ „მოქალაქე კრავცოვ, მოლით სალაროსთან“ ავდექი და მივედი. და იცით რა მითხრეს? წინადადება მომცეს, ეგ ბილეთი ჩავგაბარეო. ვეკითხები, რათა? მოლარე ქალი კი, წარმოგიდგენიათ რაღაცას მიედ-მოედება, ეს ბილეთი დაჭავშნული იყო და შეცდომით მოგყიდეთო. არაფერსაც არ მოგცემ-მეთქი, ავტებზე ყვირილი, ვერაფერი გავაწყე. მეუბნება. ან ბილეთი ჩამაბარეთ და ფული დააბრუნეთ, ანდა შეინახეთ ის როგორც სუეინირი, სულ-

ერთია ამ ბილეთით არ ჩაგსვამენო. მივაფურთხე ამ საქმეს, ფული დავიბრუნე და ისევ მოსკოვის ვაგზალში წავ-გრიალდი, იქ კი საერთოს ბილეთებიც აღარ იყო. ჰოდა, გადაეწყვიტე მეორე დღეს გავმგზავრებულიყავი, აი, რა მოხდა!..

ანატოლი და ვერა განცვიფრებით უსმენდნენ ამ უაზრო და იმ ვითარებაში უაღვილო მონათხრობს.

კრავცოვი გაჩუმდა, ანატოლიმ მხრები აიჩიჩა და ჰკითხა: — მერე და რა?

წამით კრავცოვს ტკივილისაგან სახე ისევ დაეღმიჭა. მაგრამ მაშინვე ეშმაკურმა ღიმილმა გადაურბინა.

— ისა, რომ, — თქვა კრავცოვმა ჩაფიქრებით, — ის თვითმფრინავი დაიმსხვრა. გაზეთებში ეწერა. გაიგე? ასე გამოდის — იღბალია...

— ვერ გამიგია, — თქვა ანატოლიმ, — რა საერთო აქვს ყოველივე ამას...

— დამაცადე, — შეაწყვეტინა კრავცოვმა, — ახლავე გაიგებ. ფორტუნა — სულელია, ამბობს ანდაზა, ტყვია კი — ის უფრო სულელი რამ არის. ვინ იცის, პირველ დღესვე რომ ფრონტზე წასულიყავი, იქნებ უკვე ცოცხალი არ ყოფილიყავი. ახლა კი ცოცხლობ, გაიგე?

ანატოლის სახეზე სისხლი მოაწვა. მან მუშტები შეკუმშა და ხმამაღლა უთხრა:

— თქვენ... სისულელეს ამბობთ!

— ტოლია, აბა, ასე რატომ... — ჩაერიო ვერა, თუმცა კრავცოვის ნაამბობით მასაც გუნება აემღერა, — უბრალოდ, გეხუმრებიან!..

— მე კი ამნაირ ხუმრობას, ისიც ასეთ მომენტში, არა ვცნობ, — კიდევ უფრო გაცხარებით შესძახა ანატოლიმ, — თანაც, იცოდეთ, მე კომკავშირელი ვარ...

— ოხ-ხო-ხო-ხო! — დამცინავად წარმოთქვა კრავცოვმა. — განა კომკავშირელებს არ უნდათ სიცოცხლე? ამბობენ, პარტიულებიც კი ნიავექარს არ ატანენო სიცოცხლეს. — ერთი ზედმეტი დღის სიცოცხლეს ვინ არ ეპოტინება. თუ კი რასაკვირველია, თავი აბია.

— აი, რას გეტყვით, — გადაპრით უთხრა ანატოლიმ და წამოდგა, — მე თქვენ გაგიგეთ. ჯერ კიდევ მაშინ, ბელოკამენსკში, ბაქანზე გაგიგეთ, როცა მუჯღუგუნის კვრით ვაგონიდან განზე მიგვაგდეთ. ახლა კი ჩემთვის კვილაფერი ნათელია! ესე იგი, აღამიანები ფრონტზე სისხლს ღვრიან, თქვენ კი თქვენს სავაჭრო ქსელში მაქინაციებით

ხართ გართული, მერე კი ჩემოდნებს წყალში ყრით! ჰო-
და, იცოდეთ, მე ლაჩრები მეზიზღება და მე...

ანატოლი თავს ველარ იკაევებდა. სულ უფრო მეტი გა-
ცხარებით გაიძახოდა საწყენ სიტყვებს, ცდილობდა, რაც
შეიძლება უფრო მეტად შეელახა თავმოყვარეობა კა-
ცისათვის, რომელიც მის ფეხებთან გაწოლილიყო. ანატო-
ლი ლანძღავდა მას, თან კმაყოფილების გრძნობას განიც-
დიდა, თითქოს უნდოდა თავისი თავისადმი რწმენა განემ-
ტკიცებინა, კვლავ მოეპოვებინა ფეხქვეშ ნიადაგი და ის,
რომ ამას ვერაც უსმენდა, ანატოლის მით უფრო მეტ კმა-
ყოფილებას გვრიდა.

— დიახ, დიახ, — ყვიროდა იგი, — მეზიზღება ლაჩრე-
ბი, რომლებიც სხვებთან ერთად მღეროდნენ „ხვალე ომი
თუ ატყდა“, მაგრამ როცა ომი დაიწყო, კუნძულებში
მიიმალნენ! მე რომ ტრიბუნალის თავმჯდომარე ვიყო...

სიტყვების ნაკადმა მას სული შეუფუჭა, გაჩუმდა, მძი-
ველ ამოისუნთქა და თითქოს ყველაფერი შეაჯამაო, გადა-
ჭრით თქვა:

— წავიდეთ, ვერა!

მთელი ამ ხნის განმავლობაში კრავცოვი ყურადღე-
ბით უსმენდა ანატოლის, არ აშორებდა თავის წვრილ,
უმოდრაო თვალებს. არც ერთხელ არ შეაწყვიტინა ლაპარა-
კი არც სიტყვით, არც ეესტით.

და მხოლოდ ახლა, ანატოლის უკანასკნელი სიტყვების
შემდეგ, წამოიწია და უკეთური ჩაცინებით თქვა:

— მაშ, მე აქ დამაგდებთ?

ანატოლი განზე მიბრუნებულიყო და დუმდა.

— არც დაჭრილთა მიტოვება აქვთ კომკაეშირელებს
წესად, — ჰკუის დარიგებით უთხრა კრავცოვმა.

— თქვენ დაჭრილი არა ხართ, — კრავცოვისათვის არც
შეუხედავს, გაბრაზებით უპასუხა ანატოლიმ, — თქვენ უბ-
რალოდ მოკურცხლეთ და შემთხვევით ფეხი დაიშავეთ.

— სწორია, — დაეთანხმა კრავცოვი, — მაგრამ მე მა-
ინც ველარ ვივლი. ნუ მიმატოვებთ?

— არა, ტოლია, ასე არ შეიძლება, — თქვა ვერამ. —
ჩვენ უნდა მივიყვანოთ... იგი. თუმცა, — მიუბრუნდა იგი
კრავცოვს, — პირდაპირ უნდა გითხრათ, თქვენი მსჯელო-
ბა მეც... უცნაურად მეჩვენება.

— ჰოდა, აი, შევთანხმდით, — შემრიგებლურად თქვა
კრავცოვმა და ისევ ზურგზე დაწვა.

გათენდა. მოთეთრო ბინდი თანდათან იფანტებოდა. სა-

ღღაც უხილავე, ღრუბლებს მოფარებული მზე ამოდრიოდა. ქარმა გაინავარდა, ხეები აშრიალდნენ და ტბორის მღვრიე წყალი ქაველებით დაიფარა, კრავცოვი ისევ პირალმა იწვანატოლი ზურგშექცევით იდგა რამდენიმე ნაზიჯის მოშორებით და მთელი გამომეტყველებით ხაზგასმით აღნიშნავდა, რომ კრავცოვი მისთვის აღარ არსებობდა. დაბნეული ვერა ერთ ადგილზე წრიალებდა. ხან ანატოლის შესცქეროდა, ხან ბალახზე გაწოლილ, დაგლეჯილ, ტალახში ამოვლებულ გაბარდინის პლაშჩიან კაცს.

— აი, რას გეტყვით, — თქვა ბოლოს ანატოლიმ, — უნდა ვიაროთ. უახლოეს დასახლებამდე მიგიყვანთ. იქ კი იმედიცა, უჩვენოდაც ივარგებთ.

ყოველივე ეს მან ისე წარმოთქვა, რომ კრავცოვისათვის ზედაც არ შეუხედავს, შემდეგ კი განზე გადაგდებულ ჯოხს დასწვდა, კრავცოვს მიუგდო და ვერას კუშტალუთხრა:

— მოდი, წამოდგომაში ვუშველოთ.

— აი, გმადლობთ, — უწინდებურად მშვიდობიანად თქვა კრავცოვმა და სცადა წამოდგომა. ტკივილისაგან სახე ისევ დაემანჭა, მაგრამ მაშინვე გაიღიმა და თქვა: — აქედან აღამიანებამდე სულ ხუთასიოდრე ნაზიჯი თუ იქნება. რაკქნა, ყმაწვილებო, მიშველეთ ინვალიდს.

ანატოლიმ და ვერამ გაოცებით გადახედეს ერთმანეთს: საიდან იცის ამ უცნაურმა ტიპმა, სად იმყოფებიან ისინი, ხოლო თუ იცის, აქამდე რატომ იყო ამაზე გარუშებული?

შემდეგ ვერამ მას ხელში ჯოხი შეაჩეჩა. ანატოლისთან ერთად წამოდგომაში უშველა. ასე, ნელ-ნელა სიარულით, ისინი ნაცნობ წარათის პირას გავიდნენ. და უცებ ანატოლიმ დაინახა კაცი. ეს იყო წვეროსანი მამაკაცი, ჩექმები და განიერი, შარვლის ზემოთ ჩამოშვებული ლურჯი პერანგი ეცვა, ხელში ცული ეჭირა. იგი ბალახზე მიაბიჯებდა და ნელა უახლოვდებოდა მათ. ანატოლიმ პირველმა დაინახა იგი და გახარებულმა შეჰყვირა:

— ჰეი, ამხანაგო!

ლურჯპერანგიანმა კაცმა თავი ასწია, მიახლოებული აღამიანები დაინახა და ცულის რხევით შეჩერდა.

ანატოლი მისკენ გაექანა და სელის შეუჩერებლივ შეეკითხა:

— გვითხარით, ამხანაგო, სად ვიმყოფებით?

კაცმა თავიდან ფეხებამდე შეათვალიერა ანატოლი,

წერე მზერა გადაიტანა ოდნავ მოშორებით გაჩერებულ ვერასა და კრავცოვზე, ისევ ანატოლის შეხედა და უპასუხა:

— მიწაზე იმყოფებით, ჭაბუკო.

— მე მესმის, — მოუთმენლად უთხრა ანატოლიმ, — ჩვენ მატარებლიდან ვართ, მატარებელს თვითმფრინაეები დაესხნენ, ჩვენ კი ლენინგრადში მივემგზავრებოდით, ახლა კი არ ვიცით, სად ვიმყოფებით და ლენინგრადიდან შორს ვართ თუ...

— მაშ, ასე, — დინჯად უთხრა წვეროსანმა და აქამდე განზე მდგომ ვერას ხელზე დაყრდნობილ კრავცოვისაკენ გაემართა.

ანატოლი ფეხდაფეხ მიჰყვა, თან ეუბნებოდა:

— თქვენ, რა, განა არ იცით, რა ჰქვია ამ ადგილს? თქვენ ხომ აქაური კოლმეურნე ხართ, არა?

წვეროსანი კაცი მდუმარედ მიუახლოვდა კრავცოვსა და ვერას, ისევ ისე დაეინებით შეათვალიერა ისინი, თან კრავცოვს მიუბრუნდა და ჰკითხა:

— ტყვიამ გაგკრა?

— არა, — უპასუხა კრავცოვმა, — რკინას დავეჭახე.

— ფეხი გაიჭრა, — აჩქარებით ჩაერია ვერა, — სასწრაფოდ უნდა წავიყვანოთ მედპუნქტში, აქ ახლოს არ არის საავადმყოფო ან მედპუნქტი?

— როგორ არა, — ისევ ისე დინჯად და დაფიქრებით უპასუხა წვეროსანმა, — კოლმეურნეობაში ყველაფერი გვაქვს. მედპუნქტიც გვაქვს...

იგი თან ლაპარაკობდა, თან დაეინებით შესცქეროდა სახეში კრავცოვს და უცებ მოულოდნელად თქვა:

— აი თურმე, რა უსიამოვნება მოგსვლიათ, ამხანაგო კრავცოვ.

ვერამ და ანატოლიმ ერთმანეთს გადახედეს.

— თქვენ საიდან მიცნობთ? — შეეკითხა კრავცოვი, თან თავი გაითავისუფლა ვერას მიერ შეშველებული ხელისაგან, ჯოხს მძიმედ დაეყრდნო და წვეროსანი კაცისაკენ ნაბიჯი გადადგა.

— როგორ არ გიცნობ, — კირზის ჩექმის მაგარ უდრეკ ყელზე ცულის მიზაფუნებით უპასუხა მან. — მე გიცნობთ და თქვენც უნდა მიცნობდეთ. ჩემი გვარია ჟოგინი. ჟოგინი კლებიკიდან. გაგიგონიათ ასეთი სოფელი?

წუთით დუმილი ჩამოვარდა.

— ჰოდა, კარგი, ჟოგინ, — უთხრა ბოლოს კრავცოვმა,

თან ორივე ხელით ჯოხს დაეყრდნო. — თუ აქ კლექიკია, მაშ სოფლსაბჭომდე ორიოდ ნაბიჯი დაგვრჩენია. ლენინ-გრადიც ახლოსაა. სწორია?

— ერთი მხრით, ამხანაგო კრავცოვ, ეს სწორია, მეორე მხრივ კი — როგორ ვითხრათ, — ნელა, გაჭიანურებით უპასუხა ჟოგინმა. — აი მე გადავწყვიტე როკები ამეყრიფა. ამობენ, წუხელ აქ ისეთმა გრიგალმა გადაიარაო... ტყის გაჩეხვას ხომ საბჭოთა ხელისუფლება გვიკრძალავს. ჰოდა, თუ კი უჩვენოდ გაუჩეხიათ.

— როკებს სხვა დროს აკრეფ, — შეაწყვეტინა კრავცოვმა, — ახლა კი სოფლსაბჭოში მიგვიყვანე, უთხარი, რომ საზიდარი გამოგზავნონ.

— მაშ, გეჩქარებათ, ამხანაგო კრავცოვ? საჭიროა კი?

ისევ ღიხუმე ჩამოვარდა. ახლა კრავცოვი და ჟოგინი დაჟინებით, თვალმოუშორებლივ შესცქეროდნენ ერთმანეთს.

კრავცოვმა პირველმა ჩაღუნა თავი. რამდენიმე წამს იგი თავის ფეხებს დასცქეროდა, თითქოს ხშირ ბალახში რაღაცას აკვირდებო, შემდეგ ანატოლის მიუბრუნდა და უთხრა:

— განზე გადქვი, ტოლია. შენც ვერა. მე და ჟოგინმა ცოტა უნდა მოვილაპარაკოთ.

ანატოლის უნდოდა უარი განეცხადებინა, ეთქვა, რომ სალაპარაკო დრო არ ჰქონდათ, და ბოლოს და ბოლოს, თუ მას, კრავცოვს, ამ ჟოგინთან რაღაც საქმეები აქვს, თვითონ მოუთაროს. იგი და ვერა კი წავლენ, ოღონდ ჟოგინმა გზა უჩვენოს...

მაგრამ ამ დროს იგი კრავცოვის მზერას წააწყდა და დაინახა, უფრო კი მისი სახისა და თვალების გამომეტყველებამ ისეთი რამ აგრძნობინა, რამაც აიძულა უხმოდ დამორჩილებოდა.

მან და ვერამ რამდენიმე ნაბიჯი გადადგეს წარათისაკენ.

— რას ნიშნავს ყოველივე ეს? — ჩუმად, მაგრამ შეშფოთებით ჰკითხა ვერამ.

— ეშმაკმა იცის მაგის თავი, — რაც შეიძლებოდა უდარდელად უპასუხა ანატოლიმ, — რაღაც ბოღვაა! — ერთი სიტყვით, ჩვენ ხუთ წუთს დაკუცდით, მეტს არა, და თვითონ წავალთ. ბოლოს და ბოლოს ამ კრავცოვს ახლა გამცილებელი ჰყავს. ჩვენ კი გზას უმისოდაც გავიგნებთ.

გაიგონე რა თქვა? აქედან სოფლამდე მხოლოდ ნახევარი კილომეტრი თუ იქნებაო.

ვერა დუმდა. ცაზე შავი, კიდევებში ოდნავ სხივდაკრული ღრუბლები მიცურავდნენ. მაღალი ბალახი ქარისაგან მიწაზე გართხმულიყო. ხეები შრიალებდნენ. საღლაც მათ ზემოთ ფრინველი ცივი ხმით გაჰკიოდა.

— როგორ გგონია, ისინი იქ რაზე საუბრობენ? — შეეკითხა ვერა ანატოლის, თან ცდილობდა მასავით მხნედ და უღარდელად ელაპარაკა. მაგრამ მას ეს არ გამოუდიოდა.

— წარმოდგენა არა მაქვს, — მხრების აჩეჩვით უპასუხა ანატოლიმ. — ეგ... ეოგინი უცნაური ვილაკაა. თანაც რაღაც მიკიბ-მოკიბულად ლაპარაკობს... მაშ, ასე... — მან საათს დახედა. — მორჩა. ახლა კი ვეტყვი მაგათ.

მაგრამ ამ დროს ეოგინი მიბრუნდა და განზე გასწია, კრავცოვი კი, რომელიც მოკუზული და კვლავინდებურად ორივე ხელით ჯოხზე დაყრდნობილი იდგა, ადგილზე დარჩა.

ანატოლიმ და ვერამ მიიბრინეს მასთან.

— აბა, რას გვეტყვით? — ჰკითხა ანატოლიმ. — დაამთავრეთ თქვენი სასწრაფო თათბირი? ბოლოს და ბოლოს შეგვიძლია ჩვენ წასვლა?

— ცოტა კიდევ მოგიხდებათ მოცდა, — პოზის შეუცვლელად მიუგო კრავცოვმა, თან ეტყობოდა, სხვა რაღაცაზე ფიქრობდა, — ახლავე საზიდარს გამოგზავნიან.

— აბა, რა ეშმაკად გვინდა საზიდარი, თუ კი სოფლის ახლოს ვართ? — შესძახა ანატოლიმ.

ვერამ ყვედრებით შეხედა მას.

მოულოდნელად კრავცოვი წელში გასწორდა, პირდაპირ შეხედა ანატოლის და მბრძანებლურად უთხრა:

— ყმაწვილებო, ისევ ტყეში წავიდეთ.

კრავცოვი პასუხს არც კი დაელოდა და პირველი სხვის დაუხმარებლად გაემართა კოჭლობით ტყისაკენ.

— ეგ რაღა სისულელეა! — გაჯავრებით თქვა ანატოლიმ. იგი ადგილიდან არ დაძრულა და ვერას ხელი ეჭირა.

— ყმაწვილებო, მე მომყევით, — ისევ დაუინებით, მაგრამ უკან მოუხედავად, წარმოთქვა კრავცოვმა.

— ტოლია, მივყვით მას, — ჩუმად თქვა ვერამ და თან გაუბედავი ნაბიჯი გადადგა კრავცოვის კვალდაკვალ.

— ბოლოს და ბოლოს, მალე გათავდება ეს დერეჰტუ-

რო ამბავი? — წამოიძახა ანატოლიმ. — არსადაც არ წავალ, სანამ არ ამიხსნიან...

კრავცოვი წამით შეჩერდა, შემობრუნდა და უთხრა:

— მომყევი, ანატოლი, ახლავე ყველაფერს აგიხსნი.

ისინი გაჰყვნენ მას. შევიდნენ თუ არა წარათის სიღრმეში, კრავცოვი შეჩერდა, ზურგით ხეს მიეყრდნო და ანატოლის ანიშნა, ჩემთან მოდიო.

— შენთან სალაპარაკო მაქვს, ტოლია, — უთხრა მან ხმადაბლა და გაიმეორა, — შენთან. ვერამ კი ცოტა გაისერიხნოს.

და, ანატოლის პასუხისათვის არც კი დაუცდია ისე, უკვე ოდნავ ხმადაბლა უთხრა ვერას:

— თქვენ ნუ გეწყინებათ. უბრალოდ მამაკაცური საუბარი გვექნება.

ანატოლი მიუახლოვდა კრავცოვს, თან დაუფარავი არაკეთილგანწყობილებით შესცქეროდა.

კრავცოვი დაელოდა, სანამ ანატოლი სულ ახლოს მივიდოდა მასთან, და ჩუმად უთხრა:

— აქ გერმანელები არიან, ტოლია.

პირველ წუთს ანატოლიმ ვერ გაიგო ამ სიტყვების მინაარსი. შემდეგ მოიჩვენა, რომ კრავცოვი ხუმრობდა, აბუჩად იგდებდა მას და უნდოდა კრავცოვისთვის მშობარა ან პანიკიორი ეწოდებინა, მაგრამ მისი თვალების გამომეტყველებასზე ხმა ჩაუწყდა.

კრავცოვი მას დაეინებით, მკაცრადაც კი უცქეროდა. ახლა ანატოლის წინაშე თითქოს სხვა კაცი იდგა, რომელიც გასაოცრად არ ჰგავდა იმას, ვინც ახლახან ბალახზე იწვა და ეშმაკური ღიმილით ჰყვებოდა ანეგლოტებს.

ანატოლის მუხლები აუკანკალდა.

— თქვენ ამას... სერიოზულად? — უნებლიეთ ჩურჩულზე გადასვლით შეეკითხა იგი.

კრავცოვი დუმდა.

— მაგრამ საიდან გაჩნდნენ აქ გერმანელები? — განაკრძობდა შეკითხვას ანატოლი, თან ფარულად იმედოვნებდა, რომ რაღაც ვერ მიხვდა, კრავცოვის სიტყვებს სათანადო მნიშვნელობა ვერ მისცა, და ახლა ყველაფერი გაირკვეოდა. — ჩვენ თითქმის ლენინგრადთან ვართ, ხომ ასეა?

განა გუშინ არ მოვისმინე რადიოთი, ბრძოლები ჯერ კიდევ ტალინთან მიმდინარეობსო...

— არ ვიცი, ამბობენ, რომ ისინი სადღაც მახლობლად არიან, — მოუთმენლად შეაწყვეტინა კრავცოვმა, — თვით

კლუბიკში გერმანელები არ არიან, და ახლა ჩვენ იქით გავემართებით — ჟოგინი საზიდარით მოვა. მაგრამ სენცი — კლუბიკიდან ხუთ კილომეტრზე მდებარე სოფელი — მათ წუხელ აუღიათ...

— ვერ მორჩით საუბარს? — დაუყვირა შორიდან მათ ვერამ.

— მ-მოიცა! — ენის ოდნავ ბორძიკით და მისკენ მიუხედავად მიაძახა ანატოლიმ.

— მაშ, ასე, ტოლია, ახლა ყურადღებით მომისმინე, — უთხრა კრავცოვმა და მის ხმაში კეთილი, გულითადობის კილოც კი მოისმოდა, — შემიძლია ვენდოთ?

ანატოლი დაბნეულად აფახულებდა თვალებს. აჩქარებით უცემდა გული. იგი ჭერ კიდეც ვერ გარკვეულიყო იმაში, რაც ის-ის იყო გაიგონა, მაგრამ უკვე სჯეროდა, ესმოდა, რომ მათ ახალი, უფრო საშინელი უბედურება მოახლოებოდათ.

კრავცოვმა მოულოდნელად დაადო მხარზე ხელი ანატოლის და თავისკენ მიიზიდა.

— მაშ ასე, მე შენ გენდობი, — უთხრა მან და სახით თითქოს შეეხო ანატოლის სახეს, — შენ რომ შეიძლება გენდო, ამას ჭერ კიდეც მაშინ მივხვდი, როცა შენ იმ ამბის... თვითმფრინავის გამო გამლანძღე. მთელი ის აბდაუბდა მე გამოვიგონე. მაშ ასე, მისმინე. შესაძლოა, ჩვენ ცალ-ცალკე მოგვიხდეს ლენინგრადში ჩაღწევა. შესაძლოა, შენ ჩემზე ადრე აღმოჩნდე იქ. ასეთ შემთხვევაში ქალაქში ჩასვლის პირველსავე დღეს, პირველსავე საათს მიხვალ ლიტეინის პროსპექტზე. დიდ სახლში. გასაგებია? საშვთა ბიუროში აიღებ ყურმილს და ეტყვი, რომ მაინორ ტულიკოვთან დაგაკავშირონ. დაიმახსოვრე? ტუ-ლი-კოვთან. ეტყვი, რომ კრავცოვისაგან ხარ. იგი დაუკვეთს შენთვის საშვებს. როცა ტულიკოვს შეხვდები, გადასცემ: „საქონელი შემოზიდულია, მალაზია დადგენილ საათზე გაიღება“. გასაგებია? გაიმეორე!

— ...მალაზია დადგენილ საათზე გაიღება... — გამშრალი ტუჩების ოდნავი რხევით, მექანიკურად გაიმეორა ანატოლიმ.

— სწორი არ არის! — მოულოდნელად ბრაზით უთხრა კრავცოვმა და მხარებში მტკივნეულად მოუჭირა ანატოლის. — გამოგრაჩა, რომ „საქონელი შემოზიდულია“.

— არა, არა, მე მახსოვს!

— კარგი, ყოჩაღ, — აშკარა შვებით წარმოთქვა კრავ-

ცოვმა, თან ხელები დაუშვა, — მაგრამ ეს ყველაფერი რო-
დია. რა გვარი ხარ?

— ვალიცკი.

— მამაშენი ვინ არის?

— არქიტექტორია. ლენსაბჰოს საარქიტექტორო სამმა-
რთველოში მუშაობს.

— არ ვარგა. შენი გვარია... ავილოვი. დაიმახსოვრე?
გაიმეორე.

— ავილოვი.

— კარგი. მამაშენი მოკვდა თვრამეტ წელს. იგი ოფი-
ცერი იყო, შენ იცი, რომ იგი დახვრიტა ჩეკამ, გასაგებია?

— აბა, რას ამბობთ? — აღშფოთებით შესძახა ანატო-
ლიმ.

— მამაშენი — ავილოვი, ყოფილი ოფიცერი, მონაწი-
ლეობდა შეთქმულებაში, თვრამეტში დახვრიტეს, — ანა-
ტოლის აღშფოთებისათვის ყურადღების მიუქცევლად,
აუჩქარებლივ გაიმეორა კრავცოვმა. — შენ აღიზარდე სა-
ბავშვო სახლში. გძულს ჩეკა, შინსახკომი და ყოველივე
სხვა ამგვარი. პატივს სცემ მამის ხსოვნას, თუმცა, ბუნებ-
რივია, მის შესახებ დაწერილებით არაფერი არ გახსოვს.
მაშინ შენ ერთი წლისა იყავი. მისი ამბავი ბიძისაგან გაი-
გე. ბიძაშენი კი ხუთი წლის წინათ გარდაიცვალა. დაიმახ-
სოვრე?

— მაგრამ... მაგრამ ყოველივე ეს ვის უნდა ვუთხრა?
— სასოწარკვეთილებით ჰკითხა ანატოლიმ.

— გერმანელებს, — მკვახედ მიუგო კრავცოვმა, — თუ
საქირო გახდა. დოკუმენტები თანა გაქვს?

— მატარებელში დამრჩა, ჩემოდანში.

— ჰოდა, ასეც ეტყვი.

იგი ცოტა ხანს გაჩუმდა და დასძინა:

— შენ ნანობდი, რომ პირველსავე დღეს ფრონტზე არ
მოხვდი. ჩათვალე, რომ ფრონტზე ხარ. მორჩა. ვერასთან
არც ერთი სიტყვა არ წამოგცდეს ტულიკოვის შესახებ.

— თქვენ... თქვენ მას არ ენდობით?

— ასი პროცენტით ვენდობი. მაგრამ იგი გოგონაა. იქ-
ნებ... ვერ გაუძლოს. შენ კი მამაკაცი ხარ. გაიგე?... ახლა
კი დაიმახსოვრე ყველაზე მთავარი... რაც უნდა დამემარ-
თოს მე, შენ უნდა ჩაადწიო ლენინგრადს და დაურეკო
ტულიკოვს. ეს ფრიად, ფრიად მნიშვნელოვანია! აბა, რას
იტყვი, შეასრულებ?

ანატოლი დაძაბულად დუმდა. ეს იქნებ საკვირველი იყო.

მაგრამ ახლა იგი შიშს აღარ გრძნობდა. უფრო პირიქით იყო განწყობილი. შოულოდნელმა დაეალებამ იგი სიამაყით აავსო. ყველაფერმა, რაც მან უკანასკნელ საათებში განიცადა და იმანაც, რაც უკანასკნელ წუთებში შეიტყო, მის შეგნებაში უკანა პლანზე გადაიხვეცლა. მისთვის უკვე ნათელი გახდა, ვინ იყო კრავეცოვი. და აზრმა იმის შესახებ, რომ იმ წუთიდან თვითონაც ეზიარა დიდმნიშვნელოვან საიდუმლო საქმეს, რომელსაც მხოლოდ ყველაზე უფრო შემოწმებულ და ყველაზე უფრო ერთგულ ადამიანებს გაანდობენ, ახალი ძალები შთაბერა.

ის ფაქტი, რომ საღდაც ახლოს გერმანელები იმყოფებოდნენ, მას რეალურად ვერ წარმოედგინა. და მატარებელში განცდილი ის საშინელი წუთები რომ არა, რაც ახლა ხდებოდა, ყველაფერს ისე აღიქვამდა, როგორც მომავალი ომისადმი მიძღვნილი წიგნის ან კინოფილმის ეპიზოდს.

ანატოლის ეჭვი არ ეპარებოდა, რომ იგი და, რა თქმა უნდა, ვერაც მოახერხებდნენ ლენინგრაღში ჩაღწევას. ისევე, როგორც ბევრმა ლენინგრაღელმა, მან კარგად იცოდა რუხი ქვის შენობა — დიდი სახლი ლიტვინის პროსპექტზე. უკვე წარმოიდგინა, როგორ გულჩათხრობილი იერთ შედის იმ სახლში, როგორ ხმადაბლა, მშრალად და მრავალსიტყვაობის გარეშე ლაპარაკობს ტელეფონით:

— მაიორი ტულიაოვი ხარ? მე ამხანაგ კრავეცოვისგან ვარ. სასწრაფო საქმე მაქვს...

ღიახ, იგი ყველაფერს გააკეთებს, ყველაფერს ზუსტად შეასრულებს. ახლა იგი სამოქალაქო ტანსაცმელში გამოწყობილი უბრალო ყმაწვილი, ვიღაც სტუდენტი კი არ არის, მას ფრიადმნიშვნელოვანი საიდუმლო დავალება აქვს...

— მე ყველაფერი გავიგე, ამხანაგო კრავეცოვ, — მტკიცედ და ზეიმურადაც კი წარმოთქვა ანატოლიმ, — ყველაფერი შესრულებული იქნება.

— ჰოდა, კარგი, — კმაყოფილებით და აშკარა შვებით თქვა კრავეცოვმა. — ახლა ვერას დაუძახოთ. ვერა! — ხმამალლა დაუძახა მან ქალიშვილს. და როცა იგი მოუახლოვდა, მშვილად უთხრა: — მდგომარეობა ოდნავ გაართულდა, ვეროჩკა. ხმები დადის, რომ გერმანელებმა მახლობლად დესანტი გადმოსხეს. რა თქმა უნდა, მას სულ მალე გაანადგურებენ. ჩვენ მოგვიხდება ამ დროის. განმავლობაში კლუბიკში დალოდება, იქ გერმანელები არ არიან. აი, სულ

ეს არის. მღელვარებისათვის განსაკუთრებული საფუძველი არ არსებობს. ერთადერთი, რაც შენ უნდა დაიმახსოვრო... ეს ისე, ყოველი შემთხვევისათვის, რომ შენ ტოლისადრე არ იცნობდი. თქვენ ერთმანეთი მატარებელში გაიცანი. მერე კი ერთად გაქეციით დაბომბვას. გაიგე?

ვერა დუმდა. იგი გაოგნებული იდგა, ლაპარაკის უნარი წართქეოდა.

— აი, რას გეტყვი, ვერა, — მტკიცედ და შთამაგონებლად უთხრა ანატოლიმ, — ყოველივე ამას ამხანაგი კრავცოვი უბრალოდ, ისე, ყოველი შემთხვევისათვის ამბობს. ასაღელვებელი აქ არაფერია. თუ გერმანელებმა, მართლაც, გადმოსხეს რაღაც დესანტი, რამდენიმე საათში მათი ხსენებაც აღარ იქნება. ჩვენ კი ჭერჭერობით იმ კლუბიკში მოვიცდით, დავნაყრდებით, შენც ჩასაცემელს იშოვი რამეს...

ანატოლი გაჩუმდა; რადგან დაინახა, რომ ვერა მას ფართოდ გახელილი, საშინელებით აღსავსე თვალებით უცქეროდა.

— შესაშფოთებელი აქ არაფერია. ბოლოს და ბოლოს მარტო ხომ არა ხარ! — უკვე გაჭავრებით დაუტატანა მან ქალიშვილს.

ვერამ მორჩილად დაუქნია თავი.

ანატოლი გაჩუმდა. იგრძნო, რომ ვერას თვალებში ჩამდგარი შიში მასაც გადაედო და აღარ შორდებოდა. მან ყური მიუგდო და ისევ ის შორეული და უცნაური გუგუნი გაიგონა.

— გამახსენდა! — მოულოდნელად ხმამაღლა შესძახა ანატოლიმ, და თითქოს თავის ხმისა თვითონვე შეეშინდაო, უკვე ჩუმად დაამთავრა:

— გამახსენდა. ჰო... ეს გუგუნი! ეს ტანკებია! ეს ხმა დღესასწაულების წინა დღეებში შინ გამიგონია ხოლმე. ყოველ მაისსა და ნოემბერში! როცა ისინი პარადის რეპეტიციას გადიოდნენ. ეს ტანკებია, ტანკები!

თავისი მიხვედრით თავზარდაცემული იგი გაჩუმდა. მაგრამ წამის შემდეგ ახალმა აზრმა გონება გაუნათა და ისევ შესძახა:

— ჰოდა, რადგან ტანკებია, ეს ნიშნავს, რომ ჩვენებია, ხომ ასეა?

— მეც ეგრე მგონია, — ხმადაბლა და დაბნეულად უპასუხა კრავცოვმა, — და მაინც სიფრთხილეს თავი არ სტკივა.

— მაგრამ, გამიგონეთ, — გაოცებით თქვა ანატოლიმ, — ეს ხომ სისულელე იქნება! რატომ უნდა წავიღეთ კლეპიკში? რატომ არ შეგვიძლია მთელი ღლე და მომდევნო ღამეც კი საღმე აქ, ტყეში, გავატაროთ? თუ საქმე ქაშაზე მიღვა, მე შემიძლია მთელი ღლე და ღამე უქმელად გავძლო, მოთმენა ვერასაც შეუძლია, ხომ ასეა, ვერა?

კრავცოვი დუმდა: ყველაფერი, რაზეც ახლა ანატოლი ლაპარაკობდა, მან უკვე მოისაზრა და ყველა შესაძლებელ კითხვას გულში პასუხიც გასცა. არა, მას არ შეეძლო ტყეში უსუსურად მყოფი ამ ორი ქალაქელი ახალგაზრდისათვის აქ დარჩენა ან ნაწილობრივ გერმანელთა მიერ დაკავებულ ადგილებზე გავლით ლენინგრადისაკენ გაღწევა ეჩრია. სამივეს ერთად იქნებ ეცადათ კიდევ, მაგრამ კრავცოვს ნატკენი ფეხით რამდენიმე ათეული მეტრის გავლაც კი არ შეეძლო.

— კარგი, — ისევ ალაპარაკდა ანატოლი, — რა ვქნათ. მაშინ, თუ გერმანელები კლეპიკშიც მოვლენ?

— მაშინ ჩვენ კოლმეურნეები დაგვმალავენ, — უპასუხა კრავცოვმა.

— დაგვმალავენ? — ველარ ფარავდა შეშფოთებას ისე ჰკითხა ანატოლიმ. — მერე და თქვენ კარგად იცნობთ. მაგ ეოგინს?

— კი, კარგად ვიცნობ... — ნელა წარმოთქვა კრავცოვმა.

მხოლოდ ამის თქმა შეეძლო მას. რადგან ყველაფერი რომ ეთქვა — ეს იმას ნიშნავდა, ეამბნა ისიც, რომ ათი წლის წინათ მან, კრავცოვმა, შინსახკომის მუშაკმა, საოლქო შტაბის რწმუნებულმა კულაკობის ლიკვიდაციის საქმეში, ეოგინის მდიდარ მამულს კონფისკაცია უყო, თვით იგი კი ოჯახითურთ ციმბირში გადაასახლა.

ეთქვა ყველაფერი — ეს ნიშნავდა, ელიარებინა, რომ კრავცოვმა თვითონაც არ იცოდა, ეოგინი თავის მშობლიურ სოფელში ხელისუფლებასთან შერიგებულ კაცად დაბრუნდა თუ მტრად და თუ იგი მტერია, რა უფრო ძლიერი აღმოჩნდება მასში: ზიძულვილი, რომელიც უბიძგებს გასცეს კრავცოვი, თუ აქედან გერმანელთა განდევნის შემდეგ სამაგიეროს გადახდის შიში. მაგრამ კრავცოვს არ შეეძლო ყოველივე ამის თქმა. მან ამ ქაბუქს მხოლოდ ის გაანდო, რის ართქმაც შექმნილ ვითარებაში არ შეეძლო. ყოველივე დანარჩენს ამ მთავართან კავშირი არ ჰქონდა და ყმაწვილების სულში მხოლოდ შიშის ჩანერგვა შეეძლო. კრავ-

ცოგმა მიაყურა, მათკენ მიმავალი ფორნის ბორბლების ხმაური გაიგონა და მხნედ, თითქმის მსიარულად თქვა:

— აბა, მგონი, კარეტა მოგვარაუფეს, წავიდეთ!

და ჯონზე მძიმედ დაყრდნობილმა, ნაბიჯი გადადგა წინ...

XIV

ისინი, ვინც თევდორე ვასილის ძე ვალიცკის ზერელედ იცნობდნენ, მოხუც არქიტექტორს მკაცრი ზნის, ჯიუტ, ავადმყოფთური თავმოყვარეობის აღაშინანდ, ერთი სიტყვით, ურთიერთობაში ნაკლებ სასიამოვნო კაცად თვლიდნენ.

ვალიცკის მცირერიცხოვანი მეგობრები კი ერთსულვნად იმ აზრისა იყვნენ, რომ „თევდორე მძიმე ხასიათისაა“, მაგრამ ნიჭიერი და პატიოსანი კაცია, თუმცა ამავე დროს თავისი თავის ყველაზე დიდი მტერია.

და მართლაც, ძნელად წარმოდგენდით ისეთ პიროვნებას, რომელიც იქნებოდა უფრო „არათანაუდერადი ეპოქასთან“, ვიდრე არქიტექტურის აკადემიკოსი სამოცდახუთი წლის თევდორე ვასილის ძე ვალიცკი.

ოციან წლებში, კონსტრუქტივიზმის იდეებით არქიტექტორთა საერთო გატაცების პერიოდში, ვალიცკი, რომელიც პირადად იცნობდა კორბიუზეს, აფასებდა მას და არაერთხელ მიუღია სახელგანთქმული ფრანგისაგან წიგნები მეგობრული წარწერებით, მოულოდნელად საზღვარგარეთელი ნოვატორისა და განსაკუთრებით მის მიერ საბჭოურ მიმბაძველთა წინააღმდეგ მკაცრი კრიტიკით გამოდიოდა.

ვალიცკის ღვარძლიანი ხასიათი ჰქონდა. როცა ვინმეს ან რამეს აკრიტიკებდა, მოურიდებელი იყო გამოთქმებში. ძალზე თავგამოდებულ ავანგარდისტებს, რომლებიც კორბიუზეს სტილისა და ისტორიულად ჩამოყალიბებული დასახლებებისაგან მოწყვეტილი „მომავლის ქალაქების“ ერთფეროვანი სახლ-კოლოფების მშენებლობას უწიგდნენ პროპაგანდას, მაიმუნებს, თუთიყუშებსა და უმეტრებს უწოდებდა.

მისი კრიტიკა ემყარებოდა იმ სწორ აზრს, რომ კორბიუზეს იდეები და განსაკუთრებით საზღვარგარეთ მისი პროექტების განხორციელების პრაქტიკა, არ შეიძლებოდა საფუძვლად დასდებოდა მშენებლობას ომებით აოხ-

რებულ ჩვენს ქვეყანაში უახლოეს წლებში მაინც. ვალიცი ამტკიცებდა, რომ საშენ მასალათა მრეწველობა ჩვენში ჯერ კიდევ არ იყო საკმაოდ განვითარებული და მშენებლობაზე დიდი სახსრების დაბანდება ეკონომიკის ყველა სფეროში არსებული ქრონიკული დეფიციტის პირობებში ჯერჯერობით არ შეგვეძლო. კორბიუზეს იდეების გამოდევნება მხოლოდ გარეგნულ, მიმზადებლობით ხასიათს მიიღებდა და პრაქტიკაში არამტკიცე, საცხოვრებლად და სამუშაოდ მოუხერხებელ, ცივ, მყუდროებას მოკლებულ სახლების აგებას გამოიწვევდა.

ვალიციის კოლეგები, განსაკუთრებით ახალგაზრდობა, მტრულად განეწყვნენ მის მიმართ. საქმე მარტო იმაში კი არ იყო, რომ ვალიცი თავის კრიტიკულ გამოსვლას შეურაცხყოფელ, სარკასტულ-დამამცირებელ ფორმას აძლევდა. მთავარი სხვა რამეში მდგომარეობდა. იმ შორეულ წლებში ძალიან ბევრი ადამიანი დარწმუნებული იყო, რომ „მშენიერი მომავალი“ ცხრა მთას იქით კი არაა, არამედ სულ ზღოს, როგორც ახლოსაა ერთმანეთთან რეალური „დღეს“ და „ხვალ“.

ისინი დარწმუნებული იყვნენ, რომ იმ „ხვალის“ დადგომა დამოკიდებული იყო მხოლოდ ძველი ტრადიციების დარღვევის ტემპებზე და შეგნება-ნებისყოფის დაძაბვით უმოკლეს ვადაში შეიძლებოდა ახალი ლიტერატურის, ახალი ფერწერის, ახალი არქიტექტურის შექმნა.

ვალიციის კრიტიკულ გამოსვლას მტრულად შეხვდნენ. მას აგდებით შეარქვეს „აკადემიკოსი“, „ტრადიციონალისტი“, „რუტინიორი“, იმის შეუგნებელი, რომ ახალი სოციალური ეპოქა ახალ, მის თანახმიერ არქიტექტურულ ფორმებს მოითხოვს.

მაგრამ ოცდაათიან წლებს შუა როცა კორბიუზე შეაჩვენეს და მისი ყველაზე უფრო ჭიუტი მიმდევრები ფორმალისტებად გამოაცხადეს, ვალიციმ მოულოდნელად, გაბედულად იბრუნა პირი მოპირდაპირე მხრისაკენ.

ლენინგრადელ არქიტექტორთა კრებაზე მან მკაცრად გააკრიტიკა ახალი მიმართულება არქიტექტურაში, რომელიც გაბატონებას ლამობდა, უწოდა მას „ცრუკლასიკური“. „გაბერილ-პომპეზური“, „ახნაურული სტილი ღარიბებისათვის“

ვალიცი ამტკიცებდა, არასწორად ვიქცევით, როცა დავიწყებთ ვაძლევთ საერთოდ საზღვარგარეთის მშენებლობის გამოცდილებას და კერძოდ კორბიუზეს იდეებსო,

და ეს მით უფრო შეუწყნარებელია, სწორედ ამჟამად, როცა ჩვენი ქვეყანა გაცილებით მდიდარი გახდა, ვიდრე იყო წინანდელ ათწლეულში, და საკუთარი ინდუსტრიული ბაზა შექმნაო.

ვალიცის „საკადრისი პასუხი“ გასცეს.

ეს უკიდურესობათა ხანა იყო ყოველგვარ დავაში, ყოველი შეხედულება პროფესიულ-ტექნიკურ საკითხებზე ნახევრულად, ოპორტუნისტულად მიაჩნდათ, თუ პოლიტიკურ შეფასებას არ ეხამებოდა. ვალიცის, რომელსაც თითქოსდა მართლაც უბედური ზნე სჭირდა, აემხედრებინა მის წინააღმდეგ არა მარტო ოპონენტები, არამედ თანამოაზრეებიც, მტკიცედ მიეკერა „ფორმალისტიკა“ და თავისი შეცდომების ჩიუტად დამცველის მეტსახელი.

და მაინც ვალიცის ანგარიშს უწევდნენ. იგი იყო ქალაქის ერთ-ერთი ყველაზე მხცოვანი არქიტექტორი, რუსული ხუროთმოძღვრების უკვე განსვენებულ სახელგანთქმულ ხელოვანთა მოწაფე. ლენინგრადსა და ჩვენი ქვეყნის სხვა ქალაქებში ვალიცის მიერ აგებული რამდენიმე სახლი იხსენიებოდა სპეციალურ ლიტერატურაში.

პროფესიულ წრეში იცოდნენ, რომ ვალიცის როგორც არქიტექტორი და როგორც მშენებელ-ინჟინერიც დიდი ცოდნის პატრონი იყო. ოღონდ ის ფაქტი, რომ მას მტკიცედ მიეკერა ჩიუტი, თვითკრიტიკის უნარს მოკლებული „ფორმალისტიკა“ რეპუტაცია, გადამწყვეტი გახდა.

ვალიცის სახელი საფრთხილოდ იქცა. ამიერიდან მას მხოლოდ მოხსენებაში თუ დაასახელებდნენ და, როგორც წესი, იმ მონაკვეთში, სადაც ლაპარაკი იყო საბჭოთა ხუროთმოძღვრებაზე უცხო გავლენათა შესახებ.

ვალიცის უკვე აღარ აგებდა სახლებს. მას აღარ ანდობდნენ საზოგადოებრიობის ყურადღების მისაქცევ საპასუხისმგებლო პროექტებს. ლენინგრადის საბჭოთა და პარტიულ წრეებში იგი მიაჩნდათ მაღალი კვალიფიკაციის სპეციალისტად, მაგრამ ჭაღრესად აპოლიტიკურ ადამიანად და ფრონდერადაც კი, რომელიც საჭირო ნდობას არ იმსახურებდა. ვალიცის ცივად, თუმცა რამდენადმე პატივისცემითაც ეპყრობოდნენ.

მიუხედავად ამისა, მოხუცს საკმაოდ ხშირად მიმართავდნენ სხვადასხვაგვარი „შიდა“, ტექნიკური კონსულტაციისა და ექსპერტიზისათვის, შეჰყავდათ ზოგიერთ კომისიაში. იგი შრომისთვის კარგ გასამრჩელოს ღებულობდა.

თევდორე ვასილის ძე ვალიცკის გარეგნობა საუკეთესოდ შეეფერებოდა მის, დროებასთან არათანამიერადამიანის რეპუტაციას. იგი იყო მაღალი, გამხდარი, უყვარდა თეთრი, სახამებელში გავლებული პერანგები, პალსტუხი — „პეპელა“, მუქი ლურჯი კოსტიუმი და უსაათოდ წლის ყოველ დროს ჟილეტი. ამ ჟილეტის ჩიბეში ოქროს წვრილ ძეწვევზე მასიურ სახურავიან ძველებურ ოქროს საათს ატარებდა.

ვალიცკის ჰქონდა ხშირი ქალარა თმა, პირისახის კუხნოვანი ნაკეთები, მჭიდროდ თითქოს დამცინავად დამუწული ტუჩები და გრძელი ხელები მოყვითალო კანგადაკრული თითებით.

ცოლით, ვაჟიშვილითა და შინამოსამსახურე დეიდა ნასტიათი თევდორე ვასილის ძე ცხოვრობდა მოიკაზე, თვითონ მის შიერ აგებულ სახლში, დიდ ხუთთახიან ბინაში. — მას არ შეხებია არც რეკვიზიცია, არც შემჭიდროება შეუვალობის სიგელის მეოხებით, რომელსაც ხელს აწერდა კაცი, ვისი სახელიც მილიონობით ადამიანისათვის უცილობელი ავტორიტეტისა და უმადლესი სამარაოლიანობის სიმბოლოს წარმოადგენდა.

ვალიცკის ცოლს, წყნარ, უთქმელ, პატარა ხანშესულ ქალს მარიამ ანტონის ასულს ეძახდნენ, ვაჟიშვილს კი, ოცდასამი წლის სამოქალაქო ინჟინერთა ინსტიტუტის სტუდენტს — ანატოლის.

თევდორე ვასილის ძე ცოლს უგულისყუროდ ეპყრობოდა და იშვიათად ამჩნევდა იყო თუ არა იგი მასთან. ვაჟიშვილი კი, რომელიც მაშინ დაიბადა, როდესაც ვალიცკი ორმოც წელს იყო გადაცილებული, უცნაური, საგულდაგულოდ დაფარული სიყვარულით უყვარდა.

ცოლისგან განსხვავებით, იგი არასოდეს არ ეალერსებოდა მას, არც პატარაობისას, თუმცა აღელვებისაგან აქეთ-იქით აწყდებოდა როცა ტოლია — მართალია, ეს ხშირი შემთხვევა არ იყო — ავად გახდებოდა.

როცა შვილი წამოიზარდა, მამა იშვიათად აღირსებდა მას რამდენადმე მაინც სერიოზულ ვასაუბრებას.

თევდორე ვასილის ძეს აბრაზებდა შვილის უცვლელი ოპტიმიზმი, მისი თავდაჯერებულობა და აგრეთვე სპორტით — არაინტელექტუალური საქმიანობით გატაცება. სუფრასთან ანატოლი იშვიათად ახერხებდა ეთქვა ისეთი ფრაზა, რომელსაც მამის ირონიული რეპლიკა არ გამოეწვია.

და მიუხედავად ამისა ვალიცკის ძალიან უყვარდა თავისი შვილი. თუმცა ყველაფერს აკეთებდა იმისათვის, რომ ანატოლი არ მიმხვდარიყო ამ სიყვარულს.

თვედორე ვასილის ძე გულჩათხრობილი ადამიანი იყო. შემგუებლობის შემდეგ ყველაზე უფრო სძულდა სანტიმენტალობა. გულს არავის არ გაუხსნიდა და, შესაძლებელია, სწორედ ამიტომ არასოდეს არ უტლია ჩაეხედა ანატოლის შინაგან სამყაროში, ფიქრებში. იგი მხოლოდ შორიდან ადევნებდა თვალყურს, რომ შვილის ცხოვრება განვითარებულყო, როგორც უყვარდა თქმა, „სწორი მიმართულებით“.

ეს ნიშნავდა, რომ ანატოლის კარგად უნდა ესწავლა სკოლაში, შემდეგ შესულიყო ინსტიტუტში და ცოლი არ შეერთო, სანამ ფეხზე არ დადგებოდა. ასეთი იყო პროგრამა-მინიუმში და მისი შესრულებისათვის თვედორე ვასილის ძე თავის თავს პასუხისმგებლად თვლიდა.

როცა სკოლის დამთავრების შემდეგ ანატოლიმ განუცხადა, რომ განზრახული აქვს ჩააბაროს გამოცდები ინსტიტუტში, სადაც არქიტექტორებს ამზადებენ, თვედორე ვასილის ძემ გულგრილად და თან ირონიულად აიჩეჩა მხრები. მაგრამ გულში გრძნობდა, რომ ეს მხოლოდ ჩვეულებრივი პოზა იყო. ფარულად მას დიდი ხნიდან ახარებდა სკოლაში შვილის წარმატებები ხატვაში, საზვასა და მათემატიკაში, და მამა კმაყოფილი იყო, როცა დაინახავდა მას მონოგრაფიებითა და ალბომებით გატენილ თავის კარადებთან.

არქიტექტურა ვალიცკისათვის იყო ღმერთი, ერთადერთი, რასაც თავყვანს სცემდა და რაც ურყევად მიაჩნდა დედამიწაზე. მას სიამოვნებდა, რომ მისი გრძნობები შვილს გადასცემოდა.

მაგრამ იგი იმდენად გულმოდგინედ, წმინდა გულით იყო განწყობილი ღვთაებისადმი. რომლის ქურუმად იმყოფებოდა, რომ მაშინვე არ იწამებდა ნეოფიტის განზრახვათა სიწმინდეს, თუნდაც იგი საკუთარი შვილი ყოფილიყო.

— არ გირჩევ, — მიაგება მოკლედ თვედორე ვასილის ძემ, როცა ანატოლიმ თავშეკავებულად და თითქოსდა სწავთა შორის აცნობა მას თავისი განზრახვა — გამხდარიყო არქიტექტორი.

— რატომ? — ასევე მოკლედ შეეკითხა ანატოლი.

— ახლა მასში დიდძალი პოლიტიკაა შეტანილი, —

თხელი ტუჩების ღრეჯით უპასუხა თევდორე ვასილის ძემ. — ვშიშობ, რომ ეს პოლიტიკა შენი ცხოვრების განმავლობაშიც კი საკმაოზე მეტი იქნება. მოჰკიდე ხელი მედიცინას, ან ფიზიკას. პერსპექტივები დიდია, და ხელსაც უფრო ნაკლებ შეგიშლიან.

ახლა ანატოლის ჯერი დადგა, მხრები აეჩეჩა და ლმობიერად ჩაეცინა. იგი იცნობდა მამის ფრონდერულ შეხედულებებს ბევრ რამეზე და ამას ირონიულად შესტკეპროდა, თუმცა არასოდეს მამას არ შედავებია.

ანატოლი კომკავშირელი იყო, სკოლაში აქტიურ საზოგადოებრივ მუშაკად ითვლებოდა და თუმცა ეს პარადოქსულია, ყოველივე ამაში დიდი როლი შეასრულა სწორედ მამამისის იდიოზურმა რეპუტაციამ. შესაძლებელია მისდა შეუგნებლად ანატოლი ყოველნაირად ცდილობდა გამოეკლინა თავისი დამოუკიდებლობა, დაერწმუნებინა მის ირგვლივ მყოფნი, რომ მამისაგან იდეურად დამოუკიდებელია.

თანდათანობით, უფრო სწორად თავისდაუნებლიედ იგი მივიდა იმ რწმენამდე, რომ მასზე სხვათა შეხედულება დამოკიდებულია მის მიერ ნათქვამ სიტყვებზე, ვინაიდან რაიმე განსაკუთრებით აღსანიშნავი საქციელის ჩასადენად როგორღაც ჯერ საბაბი არ მისცემია. რატომღაც ყოველთვის ისე ხდებოდა, რომ როცა მის თანაკლასელებს კოლმეურნეობაში კარტოფილის ასაღებად ან მილიციის დამხმარე საზოგადოების ბრიგადებში მილიციონერებთან ერთად ქუჩებში სამორიგეოდ გზავნიდნენ. ანატოლი ყოველთვის მათ შორის აღმოჩნდებოდა, ვინც აგზავნიდა, შესაბამის სიტყვას ამბობდა და მერე „ანგარიშს იბარებდა“ და არა მათ შორის, რომლებსაც გზავნიდნენ და შემდეგ ანგარიშს აბარებდნენ.

თავისი თავისთვის ჩინებული რუპუტაციის შესაქმნელად მარტო სიტყვებიც სრულიად საკმარისი აღმოჩნდა.

ანატოლი კარგად სწავლობდა, კრებებზე სიტყვას ამბობდა კარგად და სწორად. გარშემომყოფთ იგი მიაჩნდათ ქვეიან, მხიარულ და თავშეკავებულ ქაბუკად და თანდათან თვითონაც დარწმუნდა იმაში, რომ სწორედ ასეთი იყო.

უფროსი ვალიცკი ზოგჯერ დასცინოდა თავისი შვილის „უღრეკობას“, რასაც ემოციურ შეზღუდულობასა და ინტელექტუალურ არმომთხოვნობას უწოდებდა. მაგრამ გულში იგი კმაყოფილი იყო კიდევ: მას სულაც არ უნდოდა,

რომ თავისი შფოთიანი და თავმოყვარეობის შელახვით აღსავსე ცხოვრების გზა შეიღოს გაემეორებინა.

...ომის დაწყება ვალიცკიმ გაიგო არა შუადღისას, როგორც ჩვენი ქვეყნის ადამიანთა უმრავლესობამ, არამედ რამდენადმე უფრო გვიან, ვინაიდან ვერ იტანდა რადიოს. ბინაში მიმღები არ ჰქონდა, ხოლო ადგილობრივი ტრანს-ლაციის უშნო, შავი თეფშის კედელზე დაკიდების ნებას, ალბათ, სიკვდილის მუქართაც არ დართავდა.

იენისის იმ კვირა დღეს თევდორე ვასილის ძემ ისაუზ-მა მღუმარებას მიჩვეულ ცოლთან ერთად, შევიდა თავის კაბინეტში, მაგრად მიიხურა კარი, ძველმოდურ შავი ხის საწერ მაგიდას მიუჯდა და კითხვას მისცა თავი.

ეს მუშაობა კი არა, დასვენება იყო, რის ნებასაც თევ-დორე ვასილის ძე სწორედ კვირაობით აძლევდა თავის თავს.

თვით ის აზრი, რომ დასვენება შეიძლება არა საწერ მაგიდასთან, არამედ სადმე სესტრორეცკის პლაჟზე ან კუ-ნძულების პარკებში, ხეივანებში მოხეტიალე ადამიანთა შო-რის, ბარბაროსულად ეჩვენებოდა.

ამ კვირისთვის თევდორე ვასილის ძემ გუშინ საღამოს-ვე გადასდო მძიმე ტომი ვიტრუვის შრომისა „ათი წიგნი არქიტექტურაზე“ — მდიდრული იტალიური გამოცემა, რომელიც ჯერ კიდევ 1910 წელს რომში შეიძინა.

გუშინ, კაბინეტის ერთ-ერთი კედლის გასწვრივ განლა-გებულ წიგნის კარადებში მოთავსებული წიგნების ყუებს რომ ათვალეირებდა, თვალი დაასო სწორედ ამ კლასიკურ ნაწარმოებს. თევდორე ვასილის ძეს გაახსენდა, რომ უკვე მრავალი წლის განმავლობაში არ გადაუშლია იგი. ამოი-ლო მძიმე, დიდძალი ფერადი ილუსტრაციებით შემკული ტომი, საწერ მაგიდაზე დადო და წინასწარ ტკბებოდა იმ სიამოვნებით, რომელიც ხვალინდელ დღეს მოელოდა.

კვირას მან აუჩქარებლად ისაუზმა, შევიდა თავის კა-ბინეტში, ჩაჯდა გახეხილ ტყავის სავარძელში, ჩვეული მო-ძრაობით გამართო ტელეფონი, ალაღბედზე გადაშალა წინა საღამოს გადადებული წიგნი და ანტიკური ორდერის ნახაზის ელემენტების — კარნიზების, ფრიზებისა და კა-პიტელების თვალეირებას შეუდგა, ძალიან მალე ვალიც-კის აზრები მისთვის ჩვეული მიმართულებით წარიმართა. მან, რომელიც ყველაზე უფრო აფასებდა არქიტექტურა-ში მიზანშეწონილობასა და პროპორციულობას, მისთვის დამახასიათებელი გაღიზიანებით წარმოიდგინა ის თანამე-

დროვე შენობები, რომელთა კოლონებსა და კაპიტლებს უკვე არაფერი საერთო აღარ ჰქონდათ მიზანშეწონილობასთან და ცუდი გემოვნების უაზრო მორთულობად ქცეულიყვნენ.

ორი საათი იქნებოდა, როცა კაბინეტის დახურულ კარს უკან, კიბეებით გართულ ვალიცკის ქალების აღელვებული ხმები მოესმა. იგი გაოცებითა და უკმაყოფილოდ დაიღრჩა და დაუცადა ხმაურის მიწყნარებას, მაგრამ ამ დროს კარი ფართოდ გაიღო და მოთქმითა და სლუკუნით აწყვეტილებდნენ რა ერთმანეთს სათქმელს, შემოირბინეს მარიამ ანტონის ასულმა და დეიდა ნასტიამ.

სწორედ ამ მომენტში გაიგო თევდორე ვასილის ძე ვალიცკიმ მაღაზიიდან დაბრუნებული შინამოსამსახურისაგან, რომ ხალხი ლაპარაკობდა რადიოთი გადმოცემულ რაღაც სიტყვაზე ომის შესახებ.

გაჭავრებულმა თევდორე ვასილის ძემ ქალებს დაუტატანა, უბრძანა გაჩუმებულიყვნენ. მას ეჭვი არ ეპარებოდა, დეიდა ნასტიამ რაღაც აურიაო. უკანასკნელ ხანებში იშვიათი პოლიტიკური სტატია თუ აუვლიდა გვერდს სიტყვას „ომი“, მასთან დასავლეთში მართლაც უკვე თითქმის ორი წელიწადი იყო, რაც გერმანია სამხედრო მოქმედებებს აწარმოებდა, — შესაძლებელია, რომ პანიკორები ვერ ჩასწვდნენ მორიგი რადიოგადაცემის აზრს და...

ერთი სიტყვით, თევდორე ვასილის ძემ უბრძანა ქალებს, გაჩუმებულიყვნენ.

მრავალი წლის განმავლობაში ქმრისა და ოჯახის პატრონისადმი აბსოლუტურ მორჩილებაში აღზრდილი ორივე დედაბერი ისევ ისე სლუკუნითა და მოთქმით კარისაკენ გაემართა, მაგრამ მარიამ ანტონის ასული ზღურბლთან რომ მივიდა, უეცრად მობრუნდა და ქმარს ყვირილით მივარდა: „ტოლია! ტოლენკა ხომ წასულია!“

ცხადია, ამ ამბავში ვალიცკისთვის ახალი არაფერი არ იყო, იგი ხომ პარასკევს დაემშვიდობა შვილს, რომელმაც უთხრა, რომ ჯერ კიდევ არ გადაუწყვეტია, სად გაატარებს არდადეგებს — სამხრეთში თუ ლენინგრადის ახლოს, ხოლო მაშინვე აცნობებს, როგორც კი სადმე „დაბინავდება“.

თევდორე ვასილის ძემ ერთხელ კიდევ დაუტატანა ცოლს, უთხრა, ანატოლი ბავშვი არ არისო, და გააგდო თავისი კაბინეტიდან.

მართო რომ დარჩა, ვალიცკი ფანჯარასთან მივიდა, გა-

მოალო იგი და ქუჩაში გაიხედა. არაფერი უჩვეულო არ დაუნახავს. ქუჩაში იმაზე მეტი ხალხი კი არ იყო, ვიდრე ზაფხულის ყოველ კვირა დღეს. ნევის პროსპექტზე, რომლის ნაწილი კარგად ჩანდა ფანჯრიდან, „ემკები“ და „ზისები“ დაქროდნენ. მოიქისა და ნევის პროსპექტის კუთხეში (ვალიცკი არასოდეს არ ხმარობდა გაკიმულ სახელწოდებას „25 ოქტომბრის პროსპექტი“) გაცხარებით ვაჭრობდა ყვაელების კოსკი.

„ომი! — წარმოთქვა თავისთვის ვალიცკიმ. — აბა რა სისულელეა! რის ომი?!“

იგი დაბრუნდა მაგიდასთან, დაჯდა, გადაწყვიტა განეგრძო კითხვა, მაგრამ გადაიფიქრა და ტელეფონის მილაკი ჩამოხსნა. ტელეფონი დუმდა. ვალიცკის დავიწყებოდა, რომ იგი დიდიდანვე გამოართო, როგორც ყოველთვის შვრებოდა ამას, როცა საწერ მაგიდას მიუჯდებოდა.

შან გადასწია ბერკეტი პატარა, კედელზე მიმაგრებულ ებონიტის პანელზე, დაელოდა სადგურის პასუხს და ერთ-ერთი თავისი ძველი მეგობრის — ექიმ ანდრია გრიგოლის ძე ოსმინინის ნომერი დაასახელა.

იგი დიდიხანია იცნობდა ამ კაცს, თავის თანატოლს. მუდამ ეჩხუბებოდა და უყვარდა შარიანი, ეგოისტური სიყვარულით

კერძო პრაქტიკის მქონე ექიმ-თერაპევტი ოსმინინი ოდესღაც ვალიცკის მკურნალობდა — ეს ჯერ კიდევ რევოლუციამდე იყო. თანდათან ისინი დამეგობრდნენ. და მაშინ ოსმინინმა უთხრა:

— აი რა, თევდორე, მონახე სხვა ექიმი, მე კი ამიერიდან შენი მკურნალი აღარ ვარ. შენ ჩემი უკვე აღარ გჯერა, არა არს წინასწარმეტყველი თავის სამშობლოსა შინაო. ამასთან, შენ გპირდება ჯონიანი წინასწარმეტყველი, რომ მისი გეშინოდეს და უჯერებდე. გეუბნები, დასაწყისი სტადიის ჰიპერტონია გაქვს-მეთქი, შენ კი ჯანდაბაში მაგზაყანი. ერთი სიტყვით, შენთან ჩაის დაგლევე ხოლმე, თუ მარამ ანტონის ასული შემომთავაზებს, ოღონდ სხვა ვინმემ გიმკურნალოს.

ასეც შეთანხმდნენ. ერთმანეთს ხშირად ხვდებოდნენ, მაგრამ წაუყინკლავებლად იშვიათ შემთხვევაში თუ დაშორდებოდნენ. და საბოლოო ანგარიშით ამის შიზეზი იმაში მდგომარეობდა, რომ ოსმინინი ძალიან კარგად იცნობდა ვალიცკის და უკვე დიდი ხნის წინათ შეამჩნია მისი ხასიათის ისეთი თვისებები, რომლებიც სხვებს ვერც წარმოედგინა:

ეს იყო — ცოტა რამით გულის დაწყვეტა, რასაც ვალიცკი გულგრილობისა და ქედმაღლობის ნიღბით ოსტატურად ფარავდა და მოღვაწეობის წყურვილი, რის დამალვასაც ასევე ცდილობდა იგი შექმნილი ვითარების გამო.

ექიმი ოსმინინი ქვრივი იყო. იგი პატარა ბინაში ცხოვრობდა შეილიშვილით ლენოჩკათი, რომლის მამაც — ოსმინინის ვაჟი — ფინეთთან ომში დაიღუპა. ლენოჩკას დედა ქმარს ქალიშვილის დაბადებიდან ორი წლის შემდეგ გაეძეცა და თავის შესახებ არაფერს იტყობინებოდა. თოთხმეტი წლის ლენა პაპის პატარა მეურნეობას უძღვებოდა; კვირაში ორჯერ მათ მომსვლელი შინამოსამსახურე აკითხავდა. დიდი ხანია, რაც ოსმინინმა თავი დაანება კერძო პრაქტიკას და, ბევრი ექიმისაგან განსხვავებით ნეპის პერიოდში არ დაბრუნებია მას. უკანასკნელ წლებში საავადმყოფოს განაგებდა ვასილის კუნძულზე.

... და აი ახლა, კვირას 22 ივნისს, დაახლოებით დღის ორ საათზე, ვალიცკიმ ოსმინინის ნომერი აკრიფა და ნაცნობი ეღრიალა ხმა რომ გაიგონა, სრულიად მშვიდად მისალმებინა და რაიმე წინასიტყვაობის გარეშე ჰკითხა:

— ...აბა... რა არის ახალი?

— შენ რა, კვუაზე ხომ არ შეიშალე, თევდორე! აღშფოთებით შეისმახა ოსმინინმა. — მოგინახავს რაღა დრო ახირებული ოხუნჯობისათვის!

— მაშ... — მოკლე პაუზის შემდეგ და მოულოდნელად ხმის დაწევიტ თქვა ვალიცკიმ. — მაშ, ეს მართალია?

— შენ რა, ყურები ბამბით გაქვს გამოტენილი? — არ ცხრებოდა ოსმინინის აღშფოთება. — ბოლოს და ბოლოს საზღვარი აქვს...

— ბოდიში, — შეაწყვეტინა ვალიცკიმ და მისი ხმა როგორღაც დამნაშავეის ხმასავით გაისმა, — ოღონდ მე ვერ დავიჯერე... უფრო მოგვიანებით დაგირეკავ...

ყურმილი ჩამოჰკიდა და წყნარად ხმამაღლა წარმოთქვა:

— მაშ, ყველაფერი ეს მართალია. ომია.

მან ხელი მიიღო მკერდზე, რადგან იგრძნო, როგორ ჩქარ-ჩქარა და ხმაურით უცემდა გული და რამდენიმე წუთს გაუნძრევლად იჭდა.

მერე აღგა, ძველი დროიდან შემორჩენილი, გაქუცულ-მძიმე აბრეშუმისებრი მაულისაგან შეკერილი ხიფთანი გაიხადა და ჩამოკიდებულ მაღალ სარკესთან მივიდა.

სარკესთან მან გულდასმით შეიკრა თავისი წერილი, ხმელი თითებით „პეპელა-პალსტუხი“, გაკირავებით გაიკეთა

მაგრად გახამებული საყელო, ჩაიცვა ჟილეტი, მუქი ლურჯი პიჯაკი და კაბინეტიდან გავიდა.

ქმრის ნაბიჯები რომ გაიგონა, მარიამ ანტონის ასული მივიარდა მას. ვალიცკიმ ხმის გაუცემლად მოიცილა ცოლი, საპარადო კარისაკენ გაემართა, კუთხეში მიყუდებული მსხვილი კაკლის ხის ჯოხი აიღო და ქუჩაში გავიდა.

არავითარი მიზანი არ ჰქონდა, არსაით წასვლა არ სჭირდებოდა. უბრალოდ უნდოდა გამოსულიყო გაშეშების მდგომარეობიდან, რომელმაც უეცრივ შეიპყრო.

მაღალი, მოუხრელი, ძველმოდური ვალიცკი ისე მიდიოდა ქუჩაზე, აქეთ-იქით არ იტკირებოდა, ოდნავ აჩხაკუნებდა ჯოხს ტროტუარზე და ჭაღარა თავი მაღლა აეწია.

საიდანღაც შორიდან რადიოს ხმა მოესმა. ნაბიჯის აუჩქარებლად — ვალიცკი ყოველთვის და ყოველგვარ ვითარებაში ერთი და იმავე ტემპით დადიოდა — იგი წავიდა იქითკენ, საიდანაც ხმა მოისმოდა.

ნევის პროსპექტზე გავიდა, მარჯვნივ გაუხვია და პროსპექტს გაჰყვა. სულ მალე მიხვდა, რომ რეპროდუქტორის ხმა იმ შესახვევიდან მოისმოდა, სადაც რადიოს სახლი იდგა.

შესახვევში ხალხი შეჩვეულყოფილად და მდუმარედ ისმენდა ხმამაღალ ლაპარაკს, რომელიც მესამე სართულის ღიფანჯრიდან გამოყოფილი უზარმაზარი გრამაფონის მილის-მაგვარი რეპროდუქტორიდან ისმოდა.

ვალიცკი განზე დადგა ისე, რომ ხალხს არ შეეჩია. დაძაბულად მიუგდო ყური-სიტყვებს, რეპროდუქტორიდან რომ მოისმოდა, ცდილობდა დაეჭირა მათი არსი, რაიმე ფრაზა, ინტონაცია, რითაც შეიძლებოდა გამართლებულიყო მის გულში ჭერ კიდევ ოდნავ მბუხტავი იმედი იმისა, რომ ყველაფერი ეს — გაუგებრობაა, რომ რაღაც უხეიროდ შედგენილი ცნობა არასწორად გაიგეს. მაგრამ იმედი, რომელსაც იგი თავისი თავისთვის ანგარიშშიუცემლად ელოლიავებოდა, უკვე რამდენიმე წუთის შემდეგ დასამარებულ იქნა იმ ულმობელ სიტყვათა სიმძიმის ქვეშ, ზევიდან რომ აცვივდებოდა დაბლა მდუმარედ მდგარ ხალხს.

ღიახ, ეს იყო ომი. არა ის, გონებაში წარმონასახი, რომელიც უკვე პირველი წელიწადი როდი აწვა გულზე ადამიანებს, როგორც მოჩვენება, როგორც შავბნელი ლანდი, არამედ რეალური, დღევანდელ დღედ ქცეული ომი: დიქტორი ლაპარაკობდა გერმანელთა ჯარების უეცარ თავდასხმაზე სამხრეთიდან, დასავლეთიდან და ჩრდილოეთიდან — ბალტიის ზღვიდან შავ ზღვამდე.

შემდეგ იგი გაჩუმდა, მაგრამ ხალხი მაინც არ იშლებოდა და ვალიცკი იდგა, გაუნძრევლად, დარეტიანებული, გულდაწყვეტილი.

დიქტორმა ისევ დაიწყო ლაპარაკი, და ვალიცკი მაშინვე როდი მიხვდა, რომ იგი კვლავ იმავე სიტყვებს ამბობდა. იმეორებდა ცნობას, ხოლო როცა ამას მიხვდა, მუხლებში გაშეშებული ფეხებით ძლივს გასცილდა აქაურობას.

იგი კვლავ გავიდა ნევის პროსპექტზე და მექანიკურად გაუხვია თავისი სახლის მოპირდაპირე მხარისაკენ, ანიჩკინის ხილისკენ.

ცოტა რომ გაიარა, თვედორე ვასილის ძემ სახბანკის კედელთან შეჩვეული ადამიანები დაინახა. მათთან მივიდა, გაჩერდა და მათ თავებს ზემოდან რომ გადაიხედა, სველი, იმ წუთში გაკრული განცხადება დაინახა.

მან წაიკითხა წითელი შრიფტით აწყობილი სტრიქონები — ეს იყო იგივე ფრაზები, წედან რომ გაისმოდა რადიოთი: „ჩვენს საქმე სამართლიანია. მტერი განადგურებული იქნება. გამარჯვება ჩვენ დაგვირჩება!“

ვალიცკის დასცხა, თავი მიატრიალ-მოატრიალა — ცდილობდა მოეშვა მაგრად გახამებული საყელო, რომელიც ძალიან უჭერდა, და იქვე სარკის ვიტრინაში თავისი გამოსახულება დაინახა. და თითქოსდა ცხოვრებაში პირველად მოეჩვენა, რომ იგი როგორღაც არათანამედროვედ, გარშემომყოფთათვის უცხოდ გამოიყურებოდა, მკიდროდ ნაქსოვი „პეველა“ ყელსახვევის ბოლოები ერთობ გამომწვევად გამოშვეროდა, გახამებული პერანგი ყელეტის ამონაჭრიდან ეფხორებოდა, ჭალარა, კარგად დაბანილი თმა თავზე შარავანდედით ადგა.

ვალიცკი მობრუნდა და თავისი სახლისაკენ გაემართა.

სადილობისას მარიამ ანტონის ასულმა კვლავ ანატოლის შესახებ წამოიწყო ლაპარაკი, მაგრამ თვედორე ვასილის ძემ ამჯერადაც ორი-სამი მოკლე ფრაზით იგი აიძულა გაჩუმებულიყო.

...მიუხედავად ამისა, ვალიცკის არ შეეძლო ახლა შეიღზე არ ეფიქრა. მას უცბად მოუვიდა თავში აზრი, რომ მათი დამოკიდებულება მას შემდეგ, რაც ანატოლიმ შეგნებულად აზროვნება იწყო, და დღევანდლამდე მთლად ბუნებრივად არ ვითარდებოდა.

ანატოლი ცხოვრობდა თავისი ცხოვრებით, რომელიც მამისთვის ყოველთვის გასაგები როდი იყო. ზოგჯერ მას

უნდოდა ჩაწვდომოდა ამ ცხოვრებას. იყო შემთხვევები, როცა შვილთან თავს მოიყრიდნენ ხოლმე ამხანაგები — ქალიშვილები და ქაბუკები, მაგრამ ვალიცკი მაშინ უფრო მკიდროდ მიიხურავდა კაბინეტის კარებს, რომ ხმამალალი სიცილი და პატეფონის გამაღიზიანებელი ხმა არ გაეგონა.

თუმცა ერთხელ იგი ცნობისმოყვარეობას აპყვა. გაახსენდა თავისი ახალგაზრდობა, სტუდენტური შეკრებები, პუნში, „პაუდეამუს“, თანაკურსელი ქალები და ისეთი რამეები, რაც კარგა ხანია დავიწყებას მისცა და თევდორე ვასილის ძეს მოესურვა შესულიყო და შეეხედა, როგორ მხიარულობდა ახლანდელი ახალგაზრდობა.

იმ საღამოს ანატოლისთან შეკრებილიყვნენ მისი თანაკურსელი სტუდენტები. როცა ვალიცკი თავისი შვილის ოთახში გამოჩნდა, იქ უცებ სიჩუქე ჩამოვარდა.

იგი, გამოკონტავეებული, გახამებული, მიუკარგებელი, მართლაც და შეუფერებლად გამოიყურებოდა მაისურებსა და კოვბოურებში გამოწყობილ ქოჩრიან ახალგაზრდებს შორის. ვინ სადაც იყო, იქ გაშეშდა, მარტო პატეფონი, რომლის გაჩერება ვერავენ მოიფიქრა, — „რიორიტას“ დაკვრას განაგრძობდა.

როგორც ჩანდა, საქმე მარტო იმაში როდი იყო, რომ ვალიცკი თავისი შესახედობით ახალგაზრდებს უხერხულობაში აყენებდა. ამ სტუდენტ-მშენებლებმა იცოდნენ, რა რეპუტაცია ჰქონდა დამსახურებულ არქიტექტორს, და იმ თავითვე საჩხუბრად იყვნენ განწყობილი მისდამი.

შესაძლებელია, ვალიცკიმ გაითვალისწინა ან ინტუიციით იგრძნო ეს, ხოლო ასე იყო თუ ისე, მან პირველმა დაიწყო „ჭინჭყლობა“, ირონიულად გამოკითხა — „რას ასწავლიან ახლა“.

მაგრამ იმ დროს, როცა სტუდენტები გულფიცხად პასუხობდნენ შეკითხვებზე, დარწმუნებულნი მის „შეუდრიკლობაში“, მოხუცი დიდ სიმწარეს განიცდიდა გულში. ისევ და ისევ იგრძნო მან, რომ არავის აღარ სჭირდებოდა, და ბოლოს რაღაც წაიბუტბუტა და წაივიდა... და აი ახლა უცხად გაიფიქრა, მართლაც რომ მოუხდეს შვილთან განშორება, ალბათ, ვერც თვითონ და ვერც ანატოლი ვერ მონახავდნენ საჭირო და მნიშვნელოვან სიტყვებს. მაგრამ ამაზე ფიქრი მხოლოდ ერთი წამით ამოუტივტივდა ვალიცკის ცნობიერებაში, მისთვის ადვილი იყო ამ ფიქრის განდევნა, ვინაიდან ყველაფერი, რაც ახლახან მოხდა, სრულიად არარეალურად ეჩვენებოდა.

ვალიციის ყველა ფიქრი, ყველა შეგრძნება ჯერ კიდევ გუშინდელ დღესთან იყო დაკავშირებული. მის ცხოვრებაში ჯერ კიდევ არ მომხდარა ის განსაკუთრებული, პირადი ამბავი, რომელიც აიძულებს ადამიანს არა მარტო დაიჭიროს, არამედ იგრძნოს კიდევ, რომ ამიერიდან იგი არსებობის სრულიად ახალ სტადიაში შევიდა და რომ გასულმა დამემ არა მარტო, როგორც ჩვეულებრივ, გუშინდელი დღე გამოყო დღევანდელი დღისაგან, არამედ ცეცხლის ხაზით გადაჭრა ყველაფერი, რითაც ცოცხლობს ადამიანი: გრძნობები, იმედები, მისწრაფებები და ყველაფერი, რაც მას გარემოიცავს.

ამიტომ ცოლის აღგზნებული, ისტერიკამდე მისული მდგომარეობა აგულისებდა ვალიციის: ამის საფუძველს იგი ვერ ხედავდა.

ომი მას წარმოდგენილი ჰქონდა, როგორც შორეული რამ, შეუძინვეელი მოვლენა, რომელიც სადაც „იქ“ ხდება. იმასთან არც მას და არც მის „სახლს“ არ შეიძლება ჰქონდეს და არც ექნება პირდაპირი დამოკიდებულება. ცხადია, ომთან დაკავშირებით ანატოლზე ფიქრი ეწვეოდა ხოლმე. მაგრამ თევდორე ვასილის ძე დარწმუნებული იყო, რომ მის შვილს, როგორც უკანასკნელი კურსის სტუდენტს, არ გაიწვევდნენ არმიაში. მის ქვეცნობიერებაში ჯერ კიდევ ცოცხლობდა წარმოდგენა ომზე. რალაც იმის მსგავსზე, რაც 1914 წელს ხდებოდა, როცა არა მხოლოდ დიდ ქალაქებში, არამედ ფრონტის ხაზიდან სულ ასიოდე ვერსზე ცხოვრება ჩვეულებრივი, მშვიდობიანი გზით მიდიოდა. ის აზრი, რომ ომს შეუძლია თავისი საშინელი თათი ჩაჰკოს აქ, პიტერში, ვალიციის არაბუნებრივად მიაჩნდა.

მაშასადამე, ანატოლის არაფერი არ ემუქრებოდა. რაკი ასე იყო, ცოლის თვალცრემლიან მოთქმას გამართლება არ ჰქონდა. ეს მხოლოდ ამცირებდა ანატოლის ღირსებას, თითქოს იგი პატარა ბავშვია, დედას ბიჭიაო. ხოლო ყველაფერი, რაც სინამდვილეში ან თევდორე ვასილის ძის წარმოსახვაში ამცირებდა მას ან მისი ოჯახის, „სახლის“ ღირსებას, მკვეთრ, საპროტესტო რეაქციას იწვევდა მასში.

თევდორე ვასილის ძე მენტორულად, პედანტურად უხსნიდა ცოლს, რომ ანატოლი ჩრდილოეთის პოლუსზე კი არ გამგზავრებულა, არამედ დასახლებულ პუნქტში, სადაც უთუოდ იქნება რადიო, და მოისმენდა თუ არა ომზე, ცხადია, შინისაკენ გამოეშურებოდა.

მაგრამ მარია ანატონის ასული ვერ დამშვიდდა — მას

აშინებდა, აღონებდა ფიქრი იმაზე, რომ მისი შვილი შეიძლებოდა ფრონტზე გაეგზავნათ, — და თევდორე ვასილის ძეს არ შეეძლო მისთვის ეს ეპატიებინა. და თუმცა გულში დარწმუნებული იყო, რომ ანატოლის არ გაიწვევიდნენ არმიაში და ეს ომიც უთუოდ ძალიან მალე დამთავრდებოდა გერმანელთა განადგურებით, მან გაჯავრებით თქვა, რომ მისი შვილი დოცლაპია და ლაჩარი არ არის და უკვე ოცდასამი წლის ასაკში დედის კალთებს არ ჩაეჭიდებოდა.

ამან მარია ანტონის ასულის ცრემლთა ახალი ნაკადი გამოიწვია, ვალიცკიმ უკმეხად შეუყვია: „შეწყვიტი!“ და თავის კაბინეტში შევიდა.

გვიან საღამოს ვალიცკისას მოულოდნელად გამოჩნდა ანდრია გრიგოლის ძე ოსმინინი. მან თქვა, რომ შემოვიდა კოტა ხნით. ვინაიდან ერთი საათის შემდეგ საავადმყოფოში, რომელსაც იგი განაგებდა, საგანგებო საერთო კრება უნდა შემდგარიყო.

ვალიცკიმ მღუშარედ შეხედა თავის აჩაჩულად ჩაცმულ, მელოტ, ქოშინით დაავადებულ მეგობარს და უცბად სინდისის ქენჯნა იგრძნო. ოსმინინი როგორც ჩანდა, დაკავებული იყო რალაც სერიოზული და გადაუდებელი საქმით, თვითონ კი ისე იჭდა თავის კაბინეტში, თითქოს არაფერი არ მომხდარაო.

და, როგორც ყოველთვის ასეთ შემთხვევებში, ვალიცკი ამჯერადაც შეეცადა გამოეყენებინა თავისი მხსნელი ირონია, დაავიწყდა რა, რომ ოსმინინთან ეს მას არ გამოუდიოდა.

— აბა, რა საკვირველია, უშენოდ საქმე ვერ მოგვარდება, — უთხრა ვალიცკიმ. — სიტყვამ მოიტანა, შენთვის ჯერ კიდევ არ მიუნიჭებიათ გენერლის წოდება?

— შე მეორე რანგის სამხედრო ექიმი ვარ, — მშრალად უპასუხა ოსმინინმა, — შენ ვინ-ღა ხარ?

ვალიცკიმ მხრები აიჩეჩა და გაიცინა.

— სხვათა შორის, მე სამოცდახუთი შემისრულდა. და ერთადერთი თოფი, რომელიც ამ სახლში მოიძებნება, ანატოლის ეკუთვნის. იმით ხუთი წლისა რომ იყო, მაშინ თამაშობდა.

— ტაკიმასხარაობას თავი დაანებე, თევდორე, — უთხრა ოსმინინმა. და პაუზის შემდეგ დასძინა: — თუმცა მე შენი მესმის...

ვალიცკი დაუყოვნებლივ ჩაწედა ამ უკანასკნელი სიტყვების მოწყალეობით-შეურაცხყოფელ აზრს. მაგრამ სწო-

რედ ამჯერად მას წინააღმდეგობის გაწევა მოუწია. პირდაპირ და გამომწვევად ჩახედა თვალებში თავის მეგობარს და ხმამაღლა უთხრა:

— მე პარტიოსანი კაცი ვარ, ანდრია! და ჩემს თავს არაფერი არ შემძლია ვუსაყვიდურო.

ოსმინინს ამ სიტყვებში, ალბათ, არა მარტო თავმოყვარეობის შელახვა მოესმა, შესაძლებელია, მათში სიმწარეც იგრძნო და ტკივილიც და შეეცოდა ვალიცკი. რბილად უთხრა:

— ამაში ეჭვი არავის არ ეპარება, თეველორე.

ცოტა ხანს სიჩუმე სუფევდა, და პირველად იგი ოსმინინმა დაარღვია:

— პირადად მე მიმაჩნია, რომ ყველაფერი ეს მალე დამთავრდება, — თქვა მან, განზრახ გასცილდა პირად თემას. — ამბობენ, ჩვენებმა დიდი დესანტი გადასხესო სადღაც ბერლინის ახლოს. ოღონდ ჯერ ამას საიდუმლოდ ინახვენ.

მაგრამ ვალიცკი მეტად თავმოყვარე იყო, რომ დაეფასებინა ოსმინინის დიდსულოვნება, უნდოდა გამოწოდებულ ხელს წატანებოდა, მაგრამ მაშინვე ჩამოიცილა იგი. ვალიცკი ვერ შეერიგებოდა იმას, რომ ოსმინინი მას დაბნეულობისა და დამცირების მდგომარეობაში ხედავდა.

— ვისგან საიდუმლოდ? — ჰკითხა მან კვლავ ჩვეული ირონიული ტონით. არავითარი საფუძველი არ ჰქონდა მას ეჭვი შეეტანა ასეთი დესანტის რეალობაში, მით უფრო, გულში ძალიან უნდოდა ამის დაჭერება. და, მიუხედავად ამისა, როდესაც ოსმინინმა მხრები აიჩეჩა, მან კვლავ უფრო დაჯინებით გაიმეორა თავისი შეკითხვა: — ვისგან საიდუმლოდ? გერმანელებისაგან თუ ჩვენებისაგან? ვფიქრობ. როგორც პირველ, ისე მეორე შემთხვევაში საეჭვოა, ამას აზრი ჰქონდეს.

— ჰო, რასაკვირველია, შენ დიდი სტრატეგი და ტაქტიკოსი ხარ! — დაცინვით შენიშნა ოსმინინმა. მან სხვა ვერაფერი თქვა, ვინაიდან მართლაც ეერ მოენახა ასეთი საიდუმლოს შენახვის დამაჭერებელი მიზეზები, ხოლო ვალიცკის თვითდარწმუნება დღეს განსაკუთრებით ეჩოთიერებოდა. იგი იჭდა სავარძელში და ბრაზით ჰმუხნიდა მოთეთრო წარბებს.

— მე არც სტრატეგი ვარ და არც ტაქტიკოსი, — თქვა ვალიცკიმ, კმაყოფილმა, რომ მისმა სარკაზმმა, ეტყობოდა, მიზანს მიაღწია, მაგრამ მეტად აღარ უნდოდა რისკი

გაეწია და ოსმინინი მოთმინებიდან გამოეყვანა, — მე მხოლოდ საღი გონების ლოგიკით ვმსჯელობ.

— გერმანელებს რამდენიმე დღეში დაამარცხებენ, — ხმამაღლა და გადაჭრით თქვა ოსმინინმა.

— უთუოდ, — დაეთანხმა ვალიცკი. — იმედი მაქვს, რომ ჩვენ შეგვიძლია ვიომოთ, ყოველ შემთხვევაში უკეთ, ვიდრე სახლები ვაშენოთ.

ეს არ უნდა ეთქვა. დღეს მაინც. ოსმინინი ადგა.

— აი რა, — უთხრა მან და, ვალიცკისთან ნაცნობობის მრავალი წლის განმავლობაში, მართლაც, პირველად შეხედა მას აშკარად მტრული თვალით, — მე არ მომწონს შენი ტონი. იქნე სავარძელში და პროფესორის გამომეტყველებით მსჯელობდე, როდესაც ფრონტზე უკვე უთუოდ იღუპებიან ადამიანები...

— მაგრამ სამოცდახუთი წლისას მეტი რაღა დამრჩენია? — ჩაიცინა ვალიცკიმ. — რიგითი ჯარისკაცობისთვის მობერებული ვარ, გენერლობას არ მომანიჭებენ, როგორც, თუნდაც, შენც. მე მედიკი არა ვარ, მუცლებს ვერ გაგვირავე, — მაშასადამე, ერთადერთი, რაც დამრჩენია, — სწორედ ესაა, რომ ვიმსჯელო! არ მესმის, რად გაცხარდი? როგორც ვთქვი, ჩვენ, ალბათ, გავიმარჯვებთ...

— ალბათ?!

— ღმერთო ჩემო, ენთუზიასტი კომკავშირელის როლს ნუ კი თამაშობ! დიახ. ალბათ, ვინაიდან ომი ომია, და ყოველთვის რჩება რაღაც პროცენტი...

— შენ დასაშვებად მიგაჩნია ის აზრი, რომ პიტლერი...

— დაიცა! მე, როგორც შენ იცი, არავითარ სიმპათიას არ ვგრძნობ იმ კაცისადმი. მასში ძალზე კონცენტრირებული ფორმით თავი მოუყრია ყვილაფერს, რაც მე მძულს. იგი დემაგოგია, ურჩუკია — ერთი სიტყვით, როგორც იტყვიან, რეაქციონერია.

— სწორედ ამიტომ იგი განწირულია!

— საკმაოდ გულუბრყვილო მსჯელობაა. შენ მხოლოდ მცირე განათლების ადამიანი ხარ, ანდრია! შენ რომ ისე გულმოდგინედ შეგვესწავლა ისტორია, როგორც შენი პაციენტების დაავადებული გულები და კუჭები, გეცოდინებოდა, რომ კაცობრიობის განვითარებაში იყო პერიოდება, როდესაც ბარბაროსები საკმაოდ დიდი ხნით განუკითხავად ახშობდნენ შეუდარებლად უფრო მაღალ კულტურებს.

— შენ თვითკმაყოფილი პოზიორი ხარ, თევდორე, — უთხრა ოსმინინმა, — მე კი ახლა სულაც არა მცალია. საა-

ვადმყოფოში უნდა წავიდე. ვიმედოვნებ, ანატოლისთან შენ არ გექნება ასეთი საეჭვო საუბრები.

— ანატოლი შინ არ არის. იგი კურორტზე გაემგზავრა.

— მას მართებდა დღეს აქ ყოფილიყო.

მისი სიტყვები ვალიცკის ისევ შიგ გულში მოხვდა.

— ეგ შენ არ გეხება! — მედიდურად უთხრა მან.

ოსმინინმა კარი გაიჭახუნა და წავიდა. ვალიცკი მარტოდ დარჩა. და, მართლაც, მრავალი წლის განმავლობაში მათმა ხანმოკლე შეხვედრამ პირველად დაუტოვა ვალიცკის ხინჯი. ოსმინინის ფრაზამ, რომელსაც სხვა დროს იგი ყურადღებას არ მიაქცევდა: „შენ თვითმყოფილი პოზიორი ხარ, თეოდორე“, ამჯერად რატომღაც მტკივნეულად უჩხვლიტა.

ვალიცკი შეეცადა აღედგინა მეხსიერებაში, გაემეორებინა გულში ის სიტყვები, რომლებსაც მოჰყვა ეს ფრაზა.

დიახ, დიახ, მან რაღაც ფრაზა თქვა ისტორიის შესახებ. შესაძლებელია, ეს სულელურად გაისმა, და, მიუხედავად ამისა, იგი მართალი იყო, არავითარ, თვით უმწვევეს სიტუაციას არ შეუძლია, არ-უნდა შეუშალოს ხელი მოაზროვნე ადამიანს იმსჯელოს, გააანალიზოს, ერთმანეთს შეუპირისპიროს ფაქტები.

და მაინც არის სიტუაციები, როდესაც...

ვალიცკი შეეცადა არ ეფიქრა ამაზე. შეხედა დიდ დასადგმელ საათს, ისარი თერთმეტს აჩვენებდა. დამდებოდა. იგი ფანჯარასთან მივიდა, ქუჩაში გაიხედა. იქ სიჩუმე იყო და ყველაფერი ისე გამოიყურებოდა, როგორც ჩვეულებრივ შუალამისას, მაგრამ ძალიან ნაკლებად მოჩანდნენ ადამიანები — მხოლოდ ცალკეულ გამეღეღებს მოჰკრავდი თვალს.

„ძნელია წარმოიდგინო, რომ სადღაც ბრძოლებია“, — გაიფიქრა ვალიცკიმ.

და ამ მომენტში მას შორეული რადიოს ხმა მოესმა. თეოდორე ვასილის ძემ თავი გაპყო ფანჯარაში და ყური მიუგდო. დიქტორის სიტყვები ვერ გაარკვია, ხოლო მოეჩვენა, რომ დიქტორი დაჟინებით იმეორებდა რაღაც ერთსა და იმავე ფრაზას.

შემდეგ რადიო ჩაჩუმდა. წუთით სრული სიჩუმე ჩამოვარდა. და უცბად იგი მკივანა, ზუზუნა ხმამ გაარღვია.

თვედორე ვასილის ძემ ის იყო იფიქრა, სადღაც მახლობლად „სასწრაფო დახმარების“ მანქანა მიქრის და საყვირის გუგუნით გზას ითავისუფლებსო.

მაგრამ ძლიერი ხმა ჰაერში, ყურებში, სახლების კედლებში რომ იჭრებოდა, არც ახლოვდებოდა და არც წყნარდებოდა, როგორც ეს სანიტარული მანქანის გაელისას ხდება ხოლმე.

გეგონებოდა, რომ ეს ხმა ყოველი მხრიდან მოედინებოდა და ყველაფერს ავსებდა.

თევდორე ვასილის ძე ფანჯარასთან იდგა, გაკვირვებით გასცქეროდა მოსაზღვრე ქუჩებს, ცდილობდა გაეგო, მაინც რა ხდებოდა არსებითად.

მჩხვლეტავი ხმა უეცრად ჩაჩუმდა. ერთი წუთით სრული სიჩუმე დამყარდა. შემდეგ საიდანღაც გარედან ძანყვირილი გაიგონა:

— ჰეი, თქვენ მანდ! დაუყოვნებლივ ჩააქრეთ სინათლე! გესმით?

ვალიცკიმ თავი გაპყო ფანჯარაში. მოპირდაპირე სახლის კედელთან იდგა სამოქალაქო კოსტიუმში გამოწყობილი ახალგაზრდა კაცი, რომელსაც მკლავზე წითელი სახვეივა ეკეთა. ვალიცკი რომ დაინახა, კიდეე უფრო ხმამაღლა იყვირა:

— საპაერო განგაშია! თქვენ რა, დაყრუვდით? დაუყოვნებლივ ჩააქრეთ სინათლე! თორემ...

და იგი მუშტით დაემუქრა.

ვალიცკიმ მოპირდაპირე სახლების ფანჯარებს შეხედა და ნახა, რომ არც ერთი მათგანში სინათლე არ ენთო.

იგი აჩქარებით მოსცილდა ფანჯარას, გადაატრიალა გამომრთველი და მთელი ბინა შემოიარა: ელექტრონი ყველგან გამორთული იყო, მხოლოდ, თეთრი ღამის შუქი შემოდინოდა ფანჯრებიდან. თეოდორე ვასილის ძემ შეამჩნია ცოლი, რომელსაც სასადილო ოთახში დივანზე ეძინა. არ გააღვიძა და ფრთხილი ნაბიჯებით დაბრუნდა კაბინეტში.

ამ დროს, სადღაც შორიდან ყრუ დარტყმის ხმამ მოაღწია. მას მოჰყვა მეორე, მესამე... ვალიცკი აჩქარებით მივიდა ფანჯარასთან და დაინახა, რომ ნაცრისფერ-მოთეთრო ცაზე პროექტორის მკრთალი, ძლივს შესამჩნევი ორი სხივი გამოჩნდა. და ორივე ნელა დაცოცავდნენ ცაზე, მერე გადაჭვარეღინდნენ, როგორც რომაული ციფრი „X“, იაეე განცალკევდნენ და შემდეგ კვლავ შეხვდნენ ერთიმეორეს, მაგრამ უკვე სადღაც სიმაღლეში და წამახვილებული წვეროებით ოდნავ ეხებოდნენ ერთმანეთს.

კვლავ გაისმა შორეული დარტყმა და შემდეგ ტყვიამფრქვევის კაენი. და ამ მომენტში პროექტორების სხივ-

თა გადაჭვარეღინების ადგილზე თევდორე ვასილის ძემ დაინახა ძლივს შესამჩნევი ვერცხლისებრი წერტილი. იგი ნელა, სულ ნელა მიცურავდა ცაზე.

ჰიდევ რამდენიმე წამი გავიდა, და უცებ საიდანღაც ქვემოდან სახლების კედლებიდან, ზევით წაცოდნის სხვადასხვა ფერის პუნქტირის ხაზები — წითლები, მწვანეები...

თითქოს ცის თეთრ-ნაცრისფერ გუმბათს ფატრავენო, ისინი მდებარე იკაფავდნენ გზას და სულ უფრო და უფრო უახლოვდებოდნენ მიცურავ ვერცხლისებრ წერტილს, რომელიც პროექტორთა მოძრავ წვეროებში იყო მოქცეული.

უეცრად სადღაც სულ ახლოს გაისმა ქვემეხების გრაალი, გიგონებოდა, იმ სახლის სახურავიდან ისროდნენ, ანდაც ვალიცკი იმყოფებოდა. ცაში თეთრი ღრუბლები აენთნენ, ჰაერში ნამწვისა და თოფის წამლის სუნი დატრიალდა...

ვალიცკიმ საჩქაროდ მიხურა ფანჯარა და სასადილო ოთახში გაიქცა: მარიამ ანტონის ასულს წინანდებურად ეძინა. იგი იწვა და სახე ცრემლებით დასველებულ ბალიშში ჩაერგო. თევდორე ვასილის ძემ ყური მიუგდო მის ძლივს შესამჩნევ სუნთქვას. არ იცოდა, რა ექნა: გამოეღვიძებინა ცოლი და გადაეყვანა მეორე ოთახში, რომლის ფანჯრები ეზოში გადადიოდა, თუ დაეტოვებინა მძინარე — ეხსნა შიშისა და ახალი განცდებისაგან.

მან აიღო სკამი, წყნარად დადგა ცოლის სასთუმალთან და იქვე დაჯდა, თითქოს მოახლოებული საშიშროებისაგან იცავდა. მაგრამ მოულოდნელად ყველაფერი მიჩუმდა.

თევდორე ვასილის ძე გაუნძრევლად იჯდა და ყურს უგდებდა, ყოველ წამს ახალ ზალპებს მოელოდა.

მაგრამ არაფერი აღარ ისმოდა. თევდორე ვასილის ძეს ჯერ ჰიდევ არ სჯეროდა უეცრად დამყარებული სიჩუმისა. ფრთხილად, რომ ცოლი არ გაეღვიძებინა, ფეხის წვერებზე დაბრუნდა თავის კაბინეტში და ფანჯარა უფრო ფართოდ გააღო.

მხოლოდ ახლა დაინახა, რომ დაცარიელებულ, თითქოსდა გაუკაცრიელებულ ნივის პროსპექტზე, შუა ქუჩაში მიჯაჭვულივით იდგნენ მანქანები.

ცაც მოწმენდილი, უდაბური და მღუმარე იყო. ვალიცკის მოეჩვენა, რომ იგი ერთადერთი ცოცხალი ადამიანია ამ უიკრად გაქვავებულ, გაცივებულ ქალაქში და შიშმა აიტანა.

და ამ მომენტში მან კვლავ გაიგონა რადიოს შორეული ხმა. დიქტორი ისევ იმეორებდა რაღაც ერთსა და იმავე განურჩეველ ფრაზას. ეს რამდენიმე წუთს გრძელდებოდა. შემდეგ ხმა მიჩუმდა, და უცბად ყველაფერი ისე გამოცოცხლდა, როგორც ძველ ზღაპარში მძინარე მეფის ასულზე.

ამოძრავდნენ მანქანები, საიდანაც, თითქოს პირდაპირ სახლების კედლებიდან ადამიანები გამოჩნდნენ, შორიდან ტრამვაის ჭრიალი და გრუხუნის მოისმა. და მხოლოდ ჰაერში კვლავინდებურად უჩვეულო სუნი იდგა — ეს იყო მწვანე, მწკლარტე სუნი.

ვალციკიმ საშინელი დაღლილობა იგრძნო.

თევდორე ვასილის ძე მძიმე ნაბიჯით მივიდა დივანთან და გაუხდელად მიწვა.

... როდესაც გამოეღვიძა, თენდებოდა. თავისი თავი ჩაცმული რომ დაინახა, შეეშინდა, შეიძლება ოთახში ცოლი შემოვიდეს და მიხვდეს, წუხელ რაღაც მომხდარაო.

საჩქაროდ ადგა, სასადილო ოთახში შევიდა და კმაყოფილება იგრძნო, რომ მარიამ ანტონის ასულს ჯერ კიდევ ეძინა. შევიდა საწოლ ოთახში, გაიხადა და ლოგინში ჩაწვა.

მძიმე ფიქრებში ჩაფლული იგი დილაამდე თვალმოუხუცევად იწვა.

რვა საათზე თევდორე ვასილის ძე ადგა, ტანთ ჩაიცვა, ცოლს ბარათი დაუტოვა, საუზმისათვის დაებრუნდებო, და ქუჩაში გავიდა. მოუთმენლად სურდა გაეგო, რა მოხდა, რა შეიცვალა ქალაქში წუხანდლის შემდეგ.

მაგრამ ყველაფერი მოწმობდა, რომ არაფერიც არ შეიცვლილიყო. ქუჩები, როგორც ჩვეულებრივ, საესე იყო ხალხით. თევდორე ვასილის ძეს არ დაუნახავს ნგრევის არაფერთარი კვალი, შემაშინებელი ცვლილების რაიმე ნიშანი.

იგი ნელა მიდიოდა ნევის პროსპექტზე, და მალე უკვე ეჩვენებოდა, რომ ყველაფერი, რაც ღამით განიცადა, მხოლოდ სიზმარი იყო.

დილის გაზეთები, საიდანაც ახალი ამბების გაგება შეეძლო, სტენდებზე ჯერ კიდევ არ გამოეკიდათ. „იქნებ, ეს უბრალოდ სასწაულო განგაში იყო?“ — ფარული იმედით გაიფიქრა თევდორე ვასილის ძემ.

ძალიან მოუნდა ვინმეს გამოლაპარაკებოდა, გამოერკვია, თუ რა მოხდა. იმწამსვე მიიღო გადაწყვეტილება: წასულიყო არქიტექტურის სამმართველოში და იქ გაეგო მთელი ახალი ამბები.

ჩვეულებრივ დროს თევდორე ვასილის ძე იშვიათად

დადიოდა დაწესებულებაში, სადაც კონსულტანტად ირ-
ცხებოდა. ისე იცოდნენ, რომ იგი შინ მუშაობდა. საჭიროე-
ბის შემთხვევაში ვალიცკის ტელეფონით ურეკავდნენ, რა-
თა შეთანხმებულებიყვნენ დეტალებზე რომელიმე მორიგა
ექსპერტიზისა, რომელსაც მას მიანდობდნენ ხოლმე. მაშინ
თევდორე ვასილის ძე საჭირო დოკუმენტაციის გასაცნობად
ცოტა ხნით მიდიოდა სამმართველოში, ხოლო უფრო ხში-
რად კი შინ მიჰქონდა.

საკუთარი ინიციატივით კი ვალიცკი სამმართველოში არ
დადიოდა. საერთოდ უკანასკნელ წლებში, ძალიან მცირე
გამონაკლისის გარდა, ადამიანებთან ურთიერთობის მოთ-
ხოვნილებას არ გრძნობდა. იგი ცხოვრობდა საკუთარ სამყა-
როში — იმ წიგნებისა და ქანდაკებების სამყაროში, რო-
მელსაც აგროვებდა ჯერ კიდევ რევოლუციამდე საზღვარ-
გარეთ მოგზაურობისას, ცხოვრობდა მკაცრად დაკულ-
სიწყნარეში თავის დიდ ბინაზე, რომლის კედლები ცნობილი
პეტერბურგელი მხატვრების სურათებით იყო დაფარული.
ამ სურათებიდან ვალიცკის ზოგიერთი ოდესღაც საჩუქრად
ჰქონდა მიღებული აქტორებისაგან, სხვები თვითონ მოაგ-
როვა.

დღის განაწესი ერთხელ და სამუდამოდ ჰქონდა დამტ-
კიცებული და არც ერთ შინაურთაგანს არ შეეძლო გაეგება
მისი დარღვევა. მაგალითად, მისთვის დარეკვა მხოლოდ
დღის ცხრაა და თერთმეტ საათებს შუა შეიძლებოდა,
დღის სხვა დროს იგი ტელეფონთან არ მივიდოდა. და, რა-
საკვირველია, არავის არ შეეძლო აეძულებინა ვალიცკი წა-
სულიყო არქიტექტურის სამმართველოში გამოძახების,
სპეციალური მიწვევის გარეშე.

...და, აი, ახლა თევდორე ვასილის ძემ აუჩქარებლად
გაიარა ნაცნობი დერეფანი, რომელიც ჩვეულებრივ, მასში
არაკეთილგანწყობილებას იწვევდა. უმრავლესობა, ვისაც
გზად ხვდებოდა, სახით იცნობდა მას; თავს უკრავდნენ, მაგ-
რამ აჩქარებით გვერდზე გაუვლიდნენ ხოლმე.

შეეჩერებინა კაცი, რომელმაც თვითონ არ მოინდომა
მასთან დალაპარაკება, ვალიცკის არ შეეძლო, -- ეს მისი
წესების საწინააღმდეგო რამ იქნებოდა. თუმცა ორჯერ
თუ სამჯერ, ნაცნობი სახის დანახვისას თევდორე ვასილის
ძემ ნაბიჯი შეანელა, მაგრამ ეს თითქოს არავის არ შეუშ-
ნევია.

მაშინ თევდორე ვასილის ძემ თავზე ძალდატანებით გა-
ნიზარახა შესულიყო როსლიაკოვის კაბინეტში. როსლიაკო-

ვი სამმართველოს ერთ-ერთი ხელმძღვანელი იყო. იგი თეგდორე ვასილის ძეს არ უყვარდა, ვინაიდან კარიერისტად და დემაგოგად მიაჩნდა, მაგრამ იძულებული იყო სხვადასხვა კონსულტაციისა და ექსპერტიზის დროს შეხვედროდა.

ვალციკიმ დაუკავრებლად შეაღო კაბინეტის კარი. ზღურბლს გადააბიჯა და დაინახა, რომ როსლიაკოვი ხალხით გარშემორტყმულ მაგიდასთან იჯდა. ზოგიერთს უკვე სამხედრო ფორმა ეცვა. როცა ვალციკი შევიდა, მან ლაპარაკი შეწყვიტა, თავი ასწია, და როგორც თეგდორე ვასილის ძეს მოეჩვენა, ისე უკმაყოფილოდ და გაოცებით შეხედა მას, თითქოს ვერ გაეგო, ასეთ დროს აქ რად გაჩნდაო. ვალციკიმ თქვა. უფრო სწორად, წაიბუტბუტა: „ბოდიშს ვიხდი, მოგვიანებით შემოვალ“, — და სწრაფად გავიდა კაბინეტიდან.

მან კიდევ ერთხანს იხეტიალა სამმართველოს დირექტორებში, რამდენიმე ოთახში შეიხედა. არაფერს არ მიიწვია შესულიყო. არავის არაფერი უკითხავს. მალალი, მხრებში მოუხრელი, მიუხედავად სიციხისა, ლურჯ ორბორტიან კოსტიუმსა და გახამებულ პერანგში გამოწყობილი, უაზროდ ხეტილობდა აქ.

ომმა და ამ ღამის ამბებმა თითქოს კიდევ უფრო დაამოკრეს ვალციკი ადამიანებს, და თუ ისინი წინათ ცივი პარტიისციმით მიმართავდნენ მას, ახლა უბრალოდ ვერ ამხნევენ. მაგრამ თუ წინათ განდგომილების შეგრძნება თეგდორე ვასილის ძის შეგნებაში საკუთარ მნიშვნელობასა და ინტელექტუალურ უპირატესობაში დარწმუნებასთან იყო დაკავშირებული, ახლა უცბად დამცირებულად და შეურაცხყოფილად იგრძნო თავი.

იგი ქუჩაში გავიდა და დაინახა, რომ იმ დროის განმავლობაში, სანამ სამმართველოში იყო, სახლების კედლებზე ახალი პლაკატები და განცხადებები გაჩენილყო. ერთი მათგანი იუწყებოდა, რომ გერმანულ-ფაშისტურმა ავიაციამ სცადა წინაღობის ლენინგრადში შემოჭრილიყო, მაგრამ მოგერიებულ იქნა მტრის დიდი დანაკარგით. გვირდით მიკრული იყო უმალღესი საბჭოს პრეზიდენტის ბრძანებულება რიც სამხედრო ოლქებში სამხედრო ვალდებულთა მობილიზაციის შესახებ. სია ლენინგრადის ოლქით იუწყებოდა.

ვალციკიმ საჩქაროდ გადაავლო თვალი ბრძანებულებას უკანასკნელ სტრიქონამდე, სადაც ნათქვამი იყო, რომ მობილიზაცია ეხება სამხედრო ვალდებულებებს, რომლებიც დაბადებული არიან 1905 წლიდან 1918 წლამდე ჩათვლით.

„...1918 წლამდე ჩათვლით“, — ისევე გადაიკითხა ვალცი-

კიმ ბრძანებულების უკანასკნელი სტრიქონი. და მუხლებში უჩვეულო კანკალი იგრძნო. მერე თავის თავს უთხრა: „რა თქმა უნდა, ტოლია — სამხედრო ვალდებულება. მაგრამ მას ვადა გაგრძელებული აქვს ინსტიტუტის დამთავრებამდე; ხომ არაფერია ნათქვამი იმაზე, რომ ვადების გაგრძელება გაუქმებულია...“

ვალციკიმ მხარზე მსუბუქი შეხება იგრძნო და გაიგონა ხმა: „ჩამოდექით რა, მოქალაქე!“

იგი განზე გადავა.

ქალმა, რომელსაც ცალ ხელში ვედრო ეჭირა, მეორე იდლიაში კი ქაღალდის რულონები, მისი ადგილი დაიკავა.

მან ტროტუარზე დადგა ვედრო, რომლიდანაც ფუნჯი ამოიღო და უმაღლესი საბჭოს ბრძანებულების გვერდით კედელს წებო წაუსვა.

შემდეგ აიღო ერთ-ერთი რულონი და ვალციკის უთხრა: — აბა, მოქალაქევ, დაიკირეთ!

იგი მაშინვე მიხვდა, რას მოითხოვდა მისგან. ორივე ერთად, გაშალეს რულონი, რომელიც გრძელი ფერადი პლაკატი აღმოჩნდა და კედელს მიაკრეს. ქალმა პირის მხარეზე ერთხელ კიდევ გადაუსვა ფუნჯი პლაკატს, დაკვირვებით შეხედა მას, ვედრო აიღო, დარჩენილი რულონები მოაგროვა და ტროტუარს გაუყვა.

ვალციკი პლაკატს დააკვირდა. მასზე გამოსახული იყო მატროსი უწინაფრო ქუდის მოფრიალე ლენტეხითა და ზე-აღმართულ ხელში გრანატით. გამოსახულების ქვეშ დიდი წითელი ასოებით ეწერა: „სამშობლოსათვის!“

სრულიად მექანიკურად თევედორე ეასილის ძემ შენიშნა პლაკატის ნაკლი — მატროსის არაპროპორციულად დიდა ხელი და არც ისე ბუნებრივი მოქნევა.

იგი ტროტუარის გაყოლებით მიდიოდა და გუშინდელ ბრძოლებზე გამოკრულ დილისა და საღამოს ცნობებს კითხულობდა. ბევრი მოხუცის მსგავსად ვალციკისაც წარსული ამბები უფრო კარგად ახსოვდა და ახლა გაიხსენა ცნობები საომარ მოქმედებათა შესახებ, პირველი მათგანი რომის დასაწყისში რომ იბეჭდებოდა.

• არა, მათში არ იხსენიებოდა ის დასახლებული პუნქტები და მიმართულებანი, რომლებიც აღნიშნული იყო დღევანდელ ცნობებში.

ყველაფერი იმაზე მეტყველებდა, რომ ომი რუსების და არა გერმანელთა მიწაზე წარმოებდა.

და აი ეს გარემოება ჰგვირიადა ვალციკის სიმწრის, ღირ-

სების შეუტაცხოფის, მძაფრი პროტესტის წმინდა ემოციურ მოზღვაეებას, რაც ჯერ კიდევ საეგზებით შეგნებული არ ჰქონდა. „როგორ შეიძლება ეს? ვინ მისცა ნება?! რატომ?! ასე გამოდის, რომ გერმანელები ჩვენს მიწაზე არიან. თუმცა მხოლოდ ორი დღე-ღამეა, რაც ომი მიმდინარეობს. რუსეთის მიწაზე? მაგრამ ეს ხომ... ეს ხომ ეშმაკმა, ეშმაკმა უწყის, რას ნიშნავს!“

და მაშინვე ჩვეული არაკეთილგანწყობილებით გაიფიქრა, რომ ალბათ, ჩვენს ჯარებს სარდლობენ ისეთივე არაკომპეტენტური ადამიანები, როგორც ისინი, რომლებიც მრავალი წლის განმავლობაში არად აგდებდნენ აკადემიკოს ვალიცკის ქუჩას, ცოდნასა და გამოცდილებას.

ამ აზრმა მას თუმცა მწარე, მაგრამ მაინც ცოტაოდენი კმაყოფილება მოჰგვარა.

თევდორე ვასილის ძე შინ წავიდა.

როგორც კი გასაღები გააჩხაკუნა და კარი გააღო მარიამ ანტონის ასული მივარდა ქმარს და კითხვები მიაყარა: მართალია, რომ ღამით თავდასხმა ყოფილა — მას ხომ ტახტზე დასძინებია და არაფერი გაუგონია; რა დანგრეულია ქალაქში, ანატოლის ხომ არ დაურეკავს ღამით?

ვალიცკი შეეცადა სიმშვიდე შეენარჩუნებინა და უბასუხა, რომ არავითარი თავდასხმა არ ყოფილა — უბრალოდ სასწავლო განგაში გამოაცხადეს, ხოლო განგაშზე იმიტომ წერენ და ლაპარაკობენ, რომ სიფხიზლე დაიცვან; რაც შეეხება ანატოლის, არ დაურეკავს, რადგან, უთუოდ, უკვე ლენინგრადისაკენ გამოემგზავრა და დღეს თუ ხვალ შინ იქნება.

შემდეგ თევდორე ვასილის ძე გაშლალ სუფრას მიუჯდა, უმადოდ ჰამა და თავის კაბინეტში შევიდა. ტილეფონი დუმდა.

საღამოს წყენა ძლივს შეიკავა და ოსმინინს დაურეკა. უნდოდა ეთქვა ყველაფერი, რასაც მასზე ფიქრობდა, მაგრამ ანდრია გრიგოლის ძე შინ არ აღმოჩნდა.

მისმა შვილიშვილმა ლენოჩკამ უბასუხა, რომ ბაბუა დილაადრიან წასული, არ დაბრუნებულა და ტილეფონით მიუთხრა, არც სადილად, არც ვახშმად არ დამელოდოთ.

ვალიცკიმ ისევ დაურეკა თავის მეგობარს, ამჯერად სამუშაოზე, სააკადემიკოსში. ოსმინინმა მაშინვე როდი აიღო ყურმილი, რამდენიმე წუთი გავიდა, სანამ მას მონახაგდნეს და თევდორე ვასილის ძემ ნაცნობი ხმა გაიგონა.

— შენ რა, არ შეგეძლო დაგერეკა? — როგორც ჩვეულებრივ, არ მისალმებია, ისე ჰკითხა ვალიცკიმ.

— დაკავებული ვარ, თევდორე, ძალიან დაკავებული ვარ! — მოისმა აჩქარებული პასუხი. — თვითონ გისმის...

ოსმინინის ამ უკანასკნელმა სიტყვებმა რატომღაც კიდევ უფრო გააღიზიანა ვალიცკი. მან გესლიანად უთხრა:

— ჰო, რასაკვირველია, როგორ არ უნდა მესმოდეს! იქნებ უკვე გენერლობა მოგანიჭეს? საომრად ამზადებთ ჩარებს?

მოკლე პაუზის შემდეგ — ამჯერად თითქოს შორიდან — ისევ მოისმა ოსმინინის ხმა:

— დაკავებული ვარ, თევდორე, ძალიან დაკავებული ვარ, ადამიანები მიცდიან, ბოდიში...

ვალიცკი კიდევ რამდენიმე წამს ხელს უჭერდა ყურმილს, არ დადო ბერკეტზე. ოსმინინის სიტყვები გაისმა როგორც გამოწვევა, როგორც შეურაცხყოფა. მან მოიგერია თევდორე ვასილის ძე, როგორც აბეზარი ბუზი. რა უნდოდა ეთქვა. ორჯერ რომ გაიმეორა, დაკავებული ვარო? ისევ ხაზი გაუსვა მისგან, ვალიცკისაგან, თავის განსხვავებულობას? თავის მონაწილეობას იმაში, რაც ხდება? რომ უიმისოდ საქმეს თავს ვერ ართმევიენ?

თევდორე ვასილის ძე წიგნის კარადასთან მივიდა, ალ-ალბედზე გამოიღო ერთი წიგნი — ანდრია პალადიოს „ტრაქტატი არქიტექტურაზე“ აღმოჩნდა — იწყო გვირობის ფურცელა, ცდილობდა დამშვიდებულიყო, მაგრამ დამშვიდება ვერ შეძლო. ყურში ისევ ჩაესმოდა ოსმინინის ხმა, მისი უკანასკნელი ფრაზა: „დაკავებული ვარ, ძალიან დაკავებული ვარ, ადამიანები მიცდიან...“

თევდორე ვასილის ძემ გულფიცხად ტლამუნით დახურო წიგნი, კარადაში ჩატენა და კარზე გაუბედავი კაჟინიკი მოესმა. იგი გაკვირვებით მიბრუნდა. არც კოლს, არც შვილს, არც შინამოსამსახურეს ნება არ ჰქონდა დაერღვია ამ საათებში მისი განმარტოება.

ვალიცკიმ კაცუნზე პასუხი არ გასცა, კართან მივიდა. ერთბაშად გააღო და დეიდა ნასტია დაინახა.

— რა გინდა? — ჰკითხა უკმაყოფილოდ.

— თქვენ გკითხულობენ, თევდორე ვასილევიჩ, — გაუბედავად ხმადაბლა უპასუხა მან.

— ვინ „გკითხულობენ“, — ზაზვასმით ხმამაღლა გაუმეორა კითხვა ვალიცკიმ.

— არ ვიცი, ვიღაც მოქალაქეა. ამბობს, გვარად კოროლიოვი ვარო.

— კოროლიოვი? — გოცებით გაიმეორა ვალიცკიმ. — საიდან არის?

— არ ვიცი, თევდორე ვასილევჩი, არ ვიცი საიდან არის, — ენის ტარტარით თქვა დეიდა ნასტიამ, — ქუჩიდან მოვიდა, საპარადო კარზე დარეკა და გავუღე... ამბობს, მნიშვნელოვანი საქმე მაქვსო...

— აბა, გეყოფა, — გულმოსულად შეაწყვეტინა მას ვალიცკიმ. — სთხოვე.

იგი საწერ მაგიდასთან მივიდა, მიბრუნდა და მოლოდინით შეატყვერდა კარს.

ერთი წუთის შემდეგ ზღურბლზე უცნობი კაცი გამოჩნდა. ვალიცკიმ გოცებით შეათვალღიერა ეს თითქმის მასზე უფრო მაღალი, ხანდაზმული მამაკაცი, მისი გახეხილი, ძველმოდური პიჯაკი, ოდნავ გადაკეცილი ლაცკანებით, მოთეთრო-ლურჯი, ალბათ, უთვალაჯვერ განარეციხი პერანგი, მონაქსოვი, ჩალიჩად დაწული ჰალსტუხი, დარწმუნდა, რომ არასოდეს წინათ არ შეხვედრია ამ მოხუცს, და მშრალად ჰკითხა:

— რით შემიძლია?..

— ჩემი გვარია კოროლიოვი, — თქვა უცნობმა კაცმა, — ივანე მაქსიმოვიჩს მიქახიან.

ეს თქვა და გაჩუმდა, თითქოს ვარაუდობდა, რომ მისი გვარი, სახელი და მამის სახელი ვალიცკისათვის რაიმეს მთქმელი უნდა ყოფილიყო.

თევდორე ვასილის ძემ მხრები აიჩეჩა და გაიმეორა:

— ამრიგად, რით შემიძლია?..

კოროლიოვმა გულგრილად შეათვალღიერა ოთახი, რომლის ზღურბლზეც იდგა, — ხავერდის მძიმე ფარდები, ბრისჯაოს მასიური ჰალი, ტყავის სავარძლები, წიგნის კარადები — და მზერა კელავ მიმართა გულჩათხრობილი, ქედმაღალი ვალიცკისადმი, რომელიც საწერ მაგიდასთან გაუნძრევლად იდგა.

— მე... ჩემი ქალიშვილის თაობაზე, — მოულოდნელად ყრუ ხმით თქვა კოროლიოვმა.

— მაპატიეთ, ვისი? — გოცებით შეუბრუნა კითხვა ვალიცკიმ.

— ქალიშვილი, ჩემი... ვერა... — გაიმეორა კოროლიოვმა.

— მაგრამ მე... არა მაქვს პატივი... — დაიწყა ვალიცკიმ. ხოლო კოროლიოვმა მოულოდნელად შეაწყვეტინა, ამჯერად მკაცრად და ცივად:

— რა შუაშია აქ პარტიე? მეგონა, რომ შვალმა გიამბოთ...

თავიდან ვალიცკიმ ვერაფერი გაიგო. მაგრამ მეორე წამს უკვე იგრძნო, როგორ წამოენთო სახე.

„ესლა მაკლდა!“ — გაიფიქრა მან შიშისა და ზიზღის შერეული გრძნობით. ნუთუ მას მოუხდება მოსმენა რამე უხამსი ისტორიისა, რომელშიც გარეული იქნება მისი შვილი? დიახ, დიახ, რასაკვირველია!

ყველაფერი ეს როგორ უაზროა, სულელურია! ვალიცკის ყველაზე უფრო დაწყვიტა გული იმის გააზრებამ, რომ მან შეიტყო ეს სწორედ ახლა, ასეთ დროს!..

მიღება, რომელიც სამმართველოში აკადრეს მას, ოსპინინთან უსიამოვნო საუბარი ტელეფონით და ახლა ისეც, უეჭვოდ უხამსი ისტორია — ყრველივე ეს ვალიცკის ცნობიერებაში ერთმანეთს გადაეწნა და შექმნა ერთი მჩხვლეტავი ხლართი. თეოდორე ვასილის ძე გრძნობდა, რომ კიდევ ერთი წუთი — და იგი ველარ შესძლებდა თავის შეკავებას. მას უნდოდა ეყვირა ამ კაცისთვის, რომელიც ისევ ისე კართან იდგა და მთელი თავისი შესახედაობით სრულყოფილით არ ეხამებოდა აქაურ ატმოსფეროს. გაეგლო იგი ყვირილით, რომ ეს საჭმე მას არ ეხება, არავითარ შანტაჟს არ აპყვება, ანატოლი სრულწლოვანია, და ამიტომ...

თუმცა ვალიცკი უკმეხიციო და დიდგულაცი, მიღებულ ალზრდა კრიტიკულ მომენტებში ზოგჯერ შეელოდა თავი შეეკავებინა, ახლაც ჩაიხშო ენის წვერზე მომდგარი სიტყვები, კრუნჩხვით ნერწყვი გადაყლაპა, ხელით გაურკვეველი უესტი გააკეთა და უთხრა:

— გთხოვთ დაბრძანდეთ...

XV

ისინი მთავარი შარავზით კი არ შევიდნენ სოფელში. არამედ ზურგიდან, ყამირიდან მოუარეს. როცა უოგინმა ცხენი დააყენა მესურთან, რომლის გადაღმიდან მალაჯი მზესუშორები მოჩანდა, კრავიკოვმა უთხრა:

— ახალგაზრდები ქოხში წაიყვანე.

— თქვენ საით? — გაკვირვებით ჰკითხა ვერამ.

— მეც მალე მოვალ. სადღა წაეღალ ყავარაჩნით? — გულკეთილი ჩაცინებით უპასუხა ფორანზე ნახევრად წამოწოლილში კრავიკოვმა.

ყოგინმა უხმოდ შეჰყო ხელი მესრებს შუა, გასწია დაბალი კუტიკარის ურდული და თქვა:

— წამოლით, მესტუმრეთ. მე ახლავე, — მიაძახა კრავცოვს.

ანატოლი და ვერა ყოყმანით გაჰყვნენ ჟოგინს სახლისაკენ, რომელსაც მაღალი ვაშლის ხეები ეფარებოდა და თითქმის არ ჩანდა.

ყოგინი კიბეზე ავიდა და ფეხი წაჰკრა მისურულ კარს.

— თქვენ წინკარში დამიცადეთ. მე ახლავე, — თქვა მან. შიგ შესულ ანატოლისა და ვერას კარი მიუხურა და გაქრა.

მათ გაიხედ-გამოიხედეს. წინკარში გრილოდა და ბინდი იდგა. მაგრად მიხურული კარი, ალბათ, ოთახში გადიოდა. ძელურ კედელზე პირსაბანი ეკიდა. მის ქვემოთ ტაბურეტზე ტაშტი იდგა. როგორც ჩანდა, წინკარის შორეულ ბოლოში დაქანებული, ზევით მიმავალი კიბე უნდა ყოფილიყო.

ანატოლი და ვერა დუმდნენ, გარედან შემოჭრილ ხმებს ყურს უგდებდნენ და კრავცოვის მოსვლას უცდიდნენ.

მაგრამ როცა კარი გაიღო, მათ დაინახეს, რომ ჟოგინი მარტოკა იყო...

— სადაა... — თითქმის ერთდროულად წამოიძახა ორივემ, მაგრამ ჟოგინი კითხვის დასრულებას არ დაელოდა და უპასუხა:

— ამხანაგი კრავცოვი მეორე სასტუმროში წავიდა. თქვენი შეწუხება არ მოისურვა. თქვენ, მაშ, ჩემთან დაჩეხებით, ამხანაგმა კრავცოვმა კი ცალკე ყოფნა არჩია. მას კლემპიკში მრავალი ნაცნობი ჰყავს! მთხოვა სალამი გადმოგკეთ. ჰო, აგრია.

ყოველივე ეს მან წარმოთქვა აუჩქარებლად, სვენიბსვენებით და ძნელი იყო იმის გამოცნობა, დაკინებით ამბობდა ამას თუ არა.

„მაგრამ ჩვენ გვინდა ერთად ვიყოთ!“ — კინაღამ წამოკვდა ანატოლის, მაგრამ ეს სიტყვები დროზე ჩაიკლა გულში, კრავცოვის ინსტრუქცია რომ გაახსენდა.

ყოგინმა კიბეზე ანიშნა და თქვა:

— რაღას უცდით? ადით ზევით.

— გვითხარით, გეთაყვა, — მოკრძალებით უთხრა ვერამ, — ეს მართალია, რომ გერმანელები... — იგი ისე გაჩუმდა, რომ სათქმელი ვერ დაასრულა.

— თუ არ კრუობენ, მაშ, სიმართლეა, — ამჯერად უკვე აშკარა ჩაცინებით უპასუხა ჟოგინმა, — რაღაა აქ გასაკვირი? — თითქოს თავის თავს ეკითხებოდა და ხელების საკ-

სავით შენიშნა. — ომია! შეუძლიათ უნებართვოდაც მოვიდნენ, რაკი ძალა აქვთ. თქვენთან ბოლიში, რა ეროვნებისა ხართ? — მოულოდნელად იკითხა მან.

— ჩვენ რუსები ვართ, — სასწრაფოდ უპასუხა ანატოლიმ.

— ჰოდა კარგი. თუკი კომკავშირში ირიცხებით, არაიქნარ გაძალებთ თქვითო. ამხანაგ კრავცოვს კარგად იცნობთ? — ჰკითხა მან რაიმესთან დაკავშირების გარეშე.

— არა, არა, რას ამბობთ! — აჩქარებით უპასუხა ანატოლიმ. — საიდან? ჩვენ მატარებელში ერთად ვმგზავრობდით. ერთ საწოლზე. შემდეგ კი მატარებელი დაბომბეს...

— ჰოდა კარგი, — კმაყოფილებით, თითქმის სიხარულით დაეთანხმა ჟოგინი. — აი ამხანაგი კრავცოვიც თქვენთან ნაცნობობაზე უარს ამბობს. ეს კარგია, — განმეორა მან. — ახლა კი მომყევით.

და იგი წელა და მძიმედ პირველი შეუდგა კიბეზე ასვლას. წუთის შემდეგ ისინი უკვე სხეენზე იყვნენ. ღიად დარჩენილი კარიდან იატაკს განიერი ნათელი ზოლი ეკრძოდა. იატაკი თივის ნარჩენით იყო დაფარული. კუთხეში რალაც ძონძების გროვა ეყარა. პატარა სარკმელი ფიცრებით იყო აქვდილი.

ჟოგინმა წინ გაატარა ანატოლი და ეერა, თვითონ კი კართან დადგა. შერე თქვა:

— აი, რა. ახალგაზრდებო, — და ამჯერად მისი ზმა მშრალად და საქმიანად აუღერდა, — მაშ, მდგომარეობა ასეთია. ჯერჯერობით თქვენ მანდ უნდა დარჩეთ. დიასახლისი ყანიდან მოვა — რაიზე საკმელს მოგიტანთ. თქვენ რომ დაგინახონ — ეს საჭირო არ არის. არც თქვენთვის, არც ჩემთვის. მაშ, ისხედით აქ. თუ გარეთ გასვლა მოგინდეთ, ვთქვათ: საჭიროებისათვის, ფეხით დააბრაზუნეთ იატაკზე, ისე კი — უკეთესია არ იხმაუროთ.

— მაგრამ... მაგრამ გერმანელებს კი უსათუოდ მოსპობენ! — შესძახა ანატოლიმ.

— ეგ, რა თქმა უნდა, შესაძლებელია, — კვლავ თავისი წინანდელი მანერით — დინჯად და სვენებ-სვენებით თქვა ჟოგინმა, — ოღონდ სიფრთხილეს თავი არ სტკივა. მე თქვენზე პასუხს ვაგებ ამხანაგ კრავცოვის წინაშე. კრავცოვი კი — სერიოზული კაცია. ხუმრობა არ უყვარს.

— მომისმინეთ, — აჩქარებით თქვა ანატოლიმ და ნაბიჯი წარდგა ჟოგინისაკენ, — მე მინდა გკითხოთ... თქვენ ხომ ადგილობრივი ხართ და უნდა იცოდეთ... ჩვენი ქარები აქ

არიან? აბა როგორ შეიძლებოდა მომხდარიყო, რომ გერმანელები...

მან ვერ გაბედა წარმოეთქვა ეს სიტყვები „აღმოჩნდნენ აქ“ — და გაჩუმდა.

— ჯარის შესახებ ვერაფერს ვიტყვი, არ მინახავს, — მზადყოფნით უპასუხა ჟოგინმა. — ხოლო როგორ შეიძლებოდა ეს მომხდარიყო, ჯობს თვით გერმანელებს ჰკითხოთ. თუ მოგიხდათ...

— ნუთუ თქვენ ფიქრობთ... — მღელვარებისაგან დახშული ხმით თქვა ვერამ და უნდოდა განეგრძო.

— ეს კი ქალიშვილო, ცხენმა იფიქროს, — მოულოდნელად უხეშად შეაწყვეტინა მას ჟოგინმა, — ამიტომ აქვს მას დიდი თავი. ჩვენ მაგივრად კი საბჭოთა ხელისუფლება ფიქრობს, ვინ როგორ იცხოვროს და ვინ რა აკეთოს. ჩვენ ამას შევეჩვიეთ. აბა... ახალმობინავეობას მოგილოცავთ.

იგი მკვეთრად მიბრუნდა, ზღურბლს გადაალაჯა და კარი მაგრად გაიხურა. ერთი წამის შემდეგ მისი მძიმე ნაბიჯებით კიბე აჭრაკუნდა

ერთხანს ანატოლი და ვერა ჩუმად იდგნენ დაბნეულები. იმ ფიქრებს შუადაშუა ღრიჭებში, რომლებითაც აქედილი იყო საარკმელი, შეუქის ვიწრო ზოლები იჭრებოდა. თანდათან მათი თვალები სიმრუმეს შეეჩვივნენ. ანატოლიმ გაქეჩა საარკმლის ქვეშ დაყრილი ძონძების გროვა, დახეული ლეიბი იპოვა და კედელთან, აჭედილი საარკმლის ქვეშ დააგო.

— დაჩქეი, — უთხრა მან ვერას და პირველი დაეშვა ლეიბზე.

მაგრამ ვერა ისევ იდგა.

— დაჩქეი, — გაუმეორა ანატოლიმ.

— შენ ვერ შეამჩნიე, რომ იგი ილიმებოდა? — წყნარად და გაკვირვებით ჰკითხა ვერამ.

— ილიმებოდა? ვინ? ჟოგინი? როდის?

— აი როცა შენ თქვი, რომ გერმანელებს უთუოდ მოსპობენო. და კრავცოვზეც იგი რალაც უცნაურად ლაპარაკობდა.

— განა იგი კრავცოვზე რამეს ლაპარაკობდა? — ყურები ცქვიტა ანატოლიმ.

— რალა თქმა უნდა, ნუთუ შენ არ გაგიგონია?

— ა, დარიგებაზე, — დამშვიდებით თქვა ანატოლიმ. — ჰო, ეგ ეტყობა, უბრალოდ ასეთი მანერა აქვს. მიედ-მოედება რალა... დაჩქეი რა, რას დგებარ!

ვერა ნელ-ნელა დაეშვა ლეიბზე და დაჭდა, ფეხი მოიკეცა და ზურგით კედელს მიეყრდნო.

— ჭამა არ გინდა? — ჰკითხა ანატოლიმ.

— არა. შენ?

— არც მე. აი საოცრება! უკანასკნელად რომ ვჭამეთ, მას შემდეგ არანაკლები თორმეტრიოდ საათი გავიდა, არ გეძინება?

— არა.

— არც მე. თვალზე ძილი არ მეკარება მიუხედავად იმისა, რომ მთელი ღამე ფეხზე გავატარეთ.

— სიცხე ხომ არა გაქვს?

— სიცხე კი არა და!..

ისინი ისხდნენ და, თითქოს შეთანხმდნენო, სრულიად უმნიშვნელო, ყოველივე იმისაგან, რაც მათ გადახდათ, დაშორებულ კითხვებს აძლევდნენ ერთმანეთს. ორივეს უნდოდა ერთი მეორის ხმა გაეგონა, და ორთავეს ეშინოდა, შეიძლება სიჩუმემ დაისადგუროსო.

ანატოლი ეკითხებოდა, ხომ არ სციოდა მას, თუმცა სხვენზე სიცხე და მხუთვარება იყო, ხომ არ გაეჭრა ფეხი, როცა გარბოდა, მოხერხებულად თუ ზის, და კვლავ — უნდა თუ არა ჭამა ან ძილი. ვერა კი მას ეკითხებოდა, თავა ხომ არ სტკივა. სიცხე ხომ არა აქვს, ეგებ წამოწოლა უნდა.

მაგრამ დაბოლოს დადგა წუთი, როცა კითხვები გამოელიათ და გაჩუმდნენ, ეშინოდათ სიმართლისთვის თვალის გაესწორებინათ.

ერთხანს ისინი ჩუმად ყურს უგდებდნენ საიდანღაც შორიდან მოღწეულ ბავშვების კანტიკუნტ ხმებს, ძალის ყეფას, გამვლელი ფორნის ბორბალთა რახჩახს.

პირველად ვერამ ვერ შეიკავა თავი. ანატოლისთან უფრო ახლოს მიიწია და თითქმის ჩურჩულით ჰკითხა:

— ტოლია!.. როგორ ფიქრობ, რით დამთავრდება ყოველივე ეს?

ამ ჩურჩულმა მას გული დაუმძიმა. განგებ ხმამალა უპასუხა:

— რით-ღა უნდა დამთავრდეს? გერმანელებს უთუოდ გარეკავენ, თუ ჯერ კიდევ არ გაურეკავთ მე დარწმუნებული ვარ, რომ უკვე მათი ხსენებაც აღარ არის. გახსოვს, მაშინ ტყეში რომ გვესმოდა სროლა და ის გუგუნი? ახლა კა? ირგვლივ სიჩუმეა, მე დარწმუნებული ვარ, — განაგრძობდა იგი მხნე, მოლონიერებული ხმით, — რომ ყოველივე ეს საერთოდ ცრუ განგაში იყო. უკიდურეს შემთხვევაში, გერმა-

ნელგბმა მოახერხეს გადმოესხათ სასიკვდილოდ განწირული პარაშუტისტთა ჯგუფი, იმისათვის, რომ პანიკა გამოეწვიათ. შენ თვითონ იფიქრე, რაღას გახდებიან რაღაც ერთი მუჟა გერმანელი ჯარისკაცები აქ, ლენინგრადადთან, სადაც მათ ყოველი მხრით გარს ერტყმის ჩვენი არმია? დიახ, ისინი თავიდანვე დასალუპაყად იყვნენ განწირული. სიფრთხილით. რასაკვირველია, არაფერი დაშავდება. რამდენიმე საათს მოგვიხდება ჯდომა, მაგრამ დარწმუნებული ვარ, დღეს საღამოსვე, ან, ძალიანაც რომ დაგვიანდეს, ხვალ დილით ლენინგრადაში ვიქნებით.

ვერა დუმდა, მაგრამ ანატოლი გრძნობდა, რომ მისმა სიტყვებმა იგი დაამშვიდა.

— ნეტავ კრავცოვი რა იქნა? — მოულოდნელად იკითხა ვერამ.

ამ კითხვაზე თავისივე ნათქვამით თითქმის დამშვიდებული ანატოლი შემაშფოთებელ სინამდვილეს დაუბრუნდა. მას უკვე დაავიწყდა კრავცოვი, დავალება, რომელიც მან დააკისრა, და არ უნდოდა ეფიქრა ამაზე. ცდილობდა ყოველივე ეს მეხსიერებიდან განედევნა: საზარელი ცეცხლმოდებული მატარებელიც, რკინიგზის ყრილზე მგორავი შიშისაგან გონდაკარგული ადამიანებიც, კრავცოვთან საუბარიც და თვით კრავცოვიც.

მას უნდოდა დაემშვიდებინა ვერა, მიეღო რაიმე ზომები, მდგომარეობიდან გამოსავალი მოენახა. მაგრამ ყველაზე უფრო მეტად უნდოდა დაებრუნებინა ჩვეულებრივი წოსასწორობა, კელავ მოეპოვებინა ის მდგომარეობა, როცა საერთოდ საჭირო არ არის რაიმე საპასუხისმგებლო გადაწყვეტილებების მიღება.

იმ წუთებში ანატოლიმ ჯერ კიდევ არაფერი არ იცოდა ხეირიანად. არ იცოდა, მართლა ახლოს არიან თუ არა გერმანელები, არ იცოდა, როგორ მიეღწია ლენინგრადამდე, არ იცოდა, როგორ მოიქცეოდა ვერა შემდგომ...

მაგრამ ყველაზე მთავარი იქიდან, რაც მან ჯერ კიდევ არ იცოდა, თვითონ იგი, ანატოლი, იყო. რადგანაც მთელი თავისი შეგნებული ცხოვრების განმავლობაში გამბედაყად, მტკიცედ, ადამიანთათვის ხელმძღვანელობის გაწვევის უნარის მქონედ მიიჩნდა თავი. მაგრამ ამჟამად, როცა პირიქელად ცხოვრებაში რთულ, საშიშ სიტუაციაში აღმოჩნდა, უკლებ მიხვდა, რომ არც ერთი გონივრული გადაწყვეტილების მიღება აღარ შეუძლია, და მხოლოდ იმაზე ოცნებობდა, ყოველივე ეს რაიმე სასწაულით თავისთავად შეცვ-

ლილიყო, თავის ძველ ჩვეულ ადგილას დამდგარიყო...

— რატომ წავიდა იგი ჩვენგან? — ისევ იკითხა ვერამ.

— აბა... მე საიდან ვიცი? იქნებ მას აქ კიდევ ჰყავს ნაცნობები.

— რატომ თქვა მან, რომ ჩვენ ერთმანეთს არ უნდა ვცნობდეთ? ვთქვათ, იმ შემთხვევაში...

მან შეაწყვეტინა ვერას, რათა არ მიეცა საშუალება ბოლომდე ეთქვა ეს ფრაზა.

— უბრალოდ, ელემენტარული სიფრთხილეა. ასეთ შემთხვევაში ყოველთვის ჯობია, რომ ერთმა... მეორე არ ჩაართოს.

— შენ კი ფიქრობ... რომ ასეთი შემთხვევა... შესაძლებელია?

— მე არაფერს არ ვფიქრობ, — უკვე რამდენადმე გაღიზიანებით განაცხადა ანატოლიმ. — უბრალოდ, შენ მკითხე, მეც გიპასუხე.

ვერა მიაშტერდა მას, და თუმცა სიმრუმეში ანატოლის არ შეიძლო გაერკვია მის თვალთა გამოზეტყვილება, იგრძნო, რომ იგი შიშითა და ყვედრებით შესტკეოდა.

მას შერცხვა. ჩაიხუტა ვერა და უთხრა:

— ნუ ღელავ, ნუ! მე დარწმუნებული ვარ, რომ მთელი ეს თავგადასავალი კეთილად დასრულდება.

— შენ... არ მიმატოვებ?

კითხვა მოულოდნელი იყო. მაგრამ უკვე ერთი წამის შემდეგ ანატოლი მიხვდა, რომ ვერასთვის ახლა იგი ერთად ერთი იმედი, მთავარი საყრდენი გახდა. მას ეცოდებოდა ქალიშვილი, და ამასთან ერთად სიამაყის ჰგვრიდა იმის შეგნება, რომ ასეთ დიდ, ასეთ გადამწყვეტ როლს ასრულებდა მეორე ადამიანის ცხოვრებაში.

იგი სულ უფრო მაგრად იხუტებდა ვერას და ფიქრობდა იმაზე, რომ აწ უკვე არასოდეს არ მიატოვებდა მას, ყველაფერს გააკეთებდა იმისათვის, რომ დაეცვა იგი ყოველგვარი საშიშროებისაგან, რადაც უნდა დაჯდომოდა, თუნდაც საჭირო ყოფილიყო სიცოცხლის განწირვა. და რამდენადც შეტს ფიქრობდა ამაზე, იმდენად უფრო უძლიერდებოდა რწმენა თავისი თავის, თავისი ძალების, თავისი გადაწყვეტილების — წინაღობოდა ყველაფერს, რაც კი შეიძლება შემთხვეოდა მათ.

ამ გრძნობამ მთლად შეიპყრო ანატოლი და ბოლოს გაღმობიოქა კიდევ.

— ვეროჩკა. ჩემო ძვირფასო, ნურაფრის გეშინია, მე

მუდამ შენთან ვიქნები, — ეუბნებოდა იგი, და სიტყვები თავისთავად წყდებოდა მის ბაგეებს. — ჩვენ მუდამ ერთად ვიქნებით — აქაც და იქაც, როცა დავბრუნდებით. მე მხოლოდ ახლა მივხვდი, რას ნიშნავხარ შენ ჩემთვის! დიახ, შენ მართალი იყავი იქ, ბელოკამენსკში, როდესაც ამბობდი... ჰო, შენ გახსოვს?.. ეგ სწორია, მაშინ მე თვითონაც არ მესმოდა, რომ შენ მიყვარდი, ვფიქრობდი, რომ ეს ისეა რაღაც, დროებითი... მაგრამ ახლა კი ვიცი, ამიერიდან ვიცი, რომ სხვა ვინმე არ იქნება ჩემთვის, რომ ჩვენ მუდამ ერთად ვიქნებით, როცა ფრონტზე წავალ, შენ დამელოდები, ხოლო წერილებს ყოველდღე მოგწერ ხოლმე...

იგი კიდევ და კიდევ ილაპარაკებდა, მაგრამ ამ დროს კარს უკან ვილატის მძიმე ნაბიჯი და კიბის ქრაკუნის მოისმა.

ვერა გაუსხლტა ანატოლის, და მან თვითონაც შეფოთიანი მოლოდინით წინ წაიწია, მაგრამ შვეებით ამოინსუნტა, როცა კარი გაიღო და ზღურბლზე ჟოგინი დაინახა.

დაბალ ზედა წირთხლზე თავი რომ არ მიერთყა, სხვიანზე იგი მოხრილი ამოვიდა.

— აი საკმელი მოგიტანეთ. — მან იატაკზე თიხის დოქი დადგა და ანატოლის პურის დიდი ნაჭერი გაუწოდა — რძე და პური. გლეხური საკმელი. სადილს ჯღეს არ ვაიწყებთ. ვის ცხელა ახლა სადილისთვის...

ანატოლიმ პური გამოართვა.

ვერა მუხლებზე წამოდგა და გაუბედავად ჰკითხა.

— ხომ არაფერი მოხდა? გაიკეთა რამე... (უღი?)

ჟოგინმა მაშინვე როდი უპასუხა. ერთხანს კარებთან ტოკავდა და მერე უთხრა:

— ამის თქმა კი, ქალიშვილო, წინასწარ ძნელია. (უღი, კარგი — სხვადასხვა აღნაგობისათვის სხვადასხვანაირად ითვლება. ვთქვათ, კატა თავგვს ეთამაშება, კატისთვის ეს სიხარულია, თავვისთვის — ცრემლები. ქვეყანაზე ყველაფერი აი აგრე ხდება!

იგი გაჩუმდა.

ანატოლიც და ვერაც მოელოდნენ მისგან კიდევ რაღაც სიტყვებს, ახსნა-განმარტებებს, მაგრამ ამის მაგივრად ჟოგინმა თქვა:

— მაშ, ასე, პირობა ძველი რჩება. ისხედათ ჩუმად, საჭიროებისათვის კი — ფეხით დააბაკუნეთ იატაკზე. დავთქვათ, სამჯერ.

იგი მიბრუნდა და ზღურბლს გადააბიჯა, ისევ ისე მაგრად მიხურა კარი. კიბემ დაიჭრაკუნა.

— უცნაურია, — ხმადაბლა თქვა ანატოლიმ, — ყოველივე რალაცნაირად ძალიან უცნაურია...

— ჭამე, ტოლია, — წყნარად უთხრა ვერამ.

მან უარი თქვა.

— არა, შენ უსათუოდ უნდა ჭამო! — დაჟინებით გაუმეორა ვერამ. — ასე სულ დასუსტდები. ნუ გავიწყდება, რომ ნააგადმყოფარი ხარ.

ანატოლიმ მხრები აიჩეჩა, მექანიკურად მოაციცქნა პუ-რის ნაჭერს პატარა ნატეხი და პირში ჩაიდო. პური ახალი იყო და გემრიელი. ამდენი ხნის განმავლობაში პირველად იგრძნო, რომ მშვიერი იყო. აიღო მაღალი ვიწროუკლიანი თიხის დოქი და რამდენიმე ყლუპი დალია. რძე თბილი და ოდნავ მოტკბო იყო. რამდენიმე წუთის განმავლობაში იგი მადიანად შეექცეოდა პურს და თან რძეს ატანდა.

როცა ანატოლის შიმშილის გრძნობა თანდათან დაუცხრა, ვერა მოაგონდა:

— ახლა შენ, — უთხრა მან ვერას და დოქი გაუწოდა. — აბა, ულაპარაკოდ...

მან მორჩილად გამოართვა დოქი ორივე ხელით, პირთან მიიტანა და ერთი ყლუპი მოსვა.

მერე დოქი იატაკზე დადგა და დამნაშავეის გამომეტყველებით თქვა:

— მე არ მინდა ტოლია... სრულიად არაფერი არ მინდა. არც ჭამა, არც სმა.

— მაგრამ ეს როგორ შეიძლება? უკვე თითქმის დღე-ღამე გავიდა, რაც შენ არ გიჭამია!

ვერამ არ უპასუხა მის კითხვას — იქნებ მნიშვნელობა არ მისცა ან იქნებ ვერ გაიგონა.

დაბოლოს მან ნელა, თითქოსდა თავისი სიტყვები, თავისი მიხვედრა უკვირსო, წარმოთქვა:

— მე მესმის ის, რაც მან წელან თქვა... ყველაფერი მესმის. შენ?

ანატოლი შეერთა. ის-ის იყო, სიმადლრის საამო გრძნობის რამდენიმე წუთი განიცადა, და არაფერზე არ უნდოდა ეფიქრა; სურდა მხოლოდ მოეხუჭა თვალები და ჩუმად მქდარიყო ანდა ჩაეთვლიმა ყველაფერი დაევიწყა.

— შენ გინდა თქვა, რომ... — წამოიწყა მან და უნდოდა განეგრძო.

— დიახ, დიახ, ტოლია, მე სწორედ ეგ მინდა ვთქვა, — დაბეჯითებით წამოიძახა ვერამ. — მან, ამ ეოვინმა, რალაც

იცის. ოღონდ მე მეშინოდა მეკითხა მისთვის. ისე პირდაპირ, მიუხევე-მოუხევევლად.

— მაგრამ... მაგრამ ეგ როგორ შეიძლება! — შესძახა ანატოლიმ და ფეხზე წამოხტა. — თუკი და მართლაც.. ისინი... ჰო, ისინი... — ენა დაება იმის შიშით, რომ ხმაშაღლა არ ეთქვა სიტყვა — „გერმანელები“, — თუ ისინი სადღაც აქ არიან, როგორ შეუძლია მას ასე დამშვიდებული იყოს?! იგი ხომ საბჭოთა კოლმეურნეა, მისთვის ისინი არანაკლებ საშიში არიან, ვიდრე ჩვენთვის?!

ვერა ღუმლა.

— არა, შენ შეცდი, — უკვე უფრო მშვიდად განაგრძობდა ანატოლი, — უბრალოდ ამ უოგინს ლაპარაკის ეგვითი იეზუიტური მანერა აქვს. რალაცნაირი ბუნდოვანი გადაკრული სიტყვებით ლაპარაკობს. თან მე მგონი, იგი ციკლათი დაგვცინის კიდევ. ქალაქელი ახალგაზრდები ხომ იკვირებიან, მიჩვეული არიან კომფორტს... — ის კი — მიწის მუშაა, გლეხი — გუთნისდგა, როგორც წინათ იტყოდნენ.

— დაჯექი, ტოლია, მე მინდა, რომ ჩემს გვერდით იყო. იგი მორჩილებით დაეშვა ისევე ლეიბზე.

— მე მინდა ერთი რამ გითხრა, — კვლავინდებურად მორიდებით თქვა ვერამ. — დაბოლოს მიგხვდი, რასაც ახლავგრძნობ. ესაა მეოთხე განზომილება.

— რა? — გაკვირვებით გაჭიმა კითხვა ანატოლიმ.

— დიან, დიან. აღარ მახსოვს, ეს სად წაგიკითხე. ჰერბერტ ლოოსი? თუ... ჰოდა, მწვანე კუტიკარის შესახებ. ბიჭმა უცებ კუტიკარი დაინახა კედელში. შევიდა — და სხვანაირ სამყაროში აღმოჩნდა. სრულიად სხვანაირში. შემდეგ კი დაბრუნდა, და როდესაც ისევ მოუნდა იქ შესვლა, კუტიკარი უკვე აღარ იყო. არაფერი აღარ იყო.

— არ მესმის, რა კავშირია... — გაკვირვებით წამოიწყო ანატოლიმ, მაგრამ ვერამ შეაწყვეტინა:

— აბა როგორ არ გესმის? ეს ხომ ასე უბრალოა! მან, იგი არის, ის სამყარო. იყო და არის. მუდამ არის. სადღაც გვერდით. სრულიად სხვანაირი. ოღონდ იქ, მოთხრობაში, იგი ნათელია, კარგი. ჩვენ კი სხვაში აღმოვჩნდით. და გვიჩვენება, რომ ჩვენი სამყარო, აი იგი, რომელშიც ყოველთვის ვცხოვრობთ, აგრეთვე სადღაც აქვია გვერდით, მაგრამ მასში შესვლა არ შეიძლება. არც კედელია, არც გალავანი, მაგრამ დაბრუნება კი არ შეიძლება.

ანატოლიმ მხრები აიჩჩია და უკმაყოფილოდ თქვა:

— მონახე რაღა ფილოსოფოსობის დრო. რა სამყარო.

ეგ... მე შენ გითხარი, რომ სულ მალე ჩვენ ლენინგრადში
ვიქნებით.

— შენ გჯერა ეს?

— შესწევით! — შესძახა ანატოლიმ და ისევ წამოხტა.
უნდოდა რაიმე სიტყვებით, მოძრაობით გაეფანტა, განედევ-
ნა შეშფოთების გრძნობა, რომელმაც კვლავ შეიპყრო იგი.
ჩქარი ნაბიჯით იწყობ აქეთ-იქით სიარული მის ფეხქვეშ
მოშრიალი თივაზე.

— მომისმინე! — უთხრა მან ბოლოს, შედგა ვერას წინ
და გრძნობდა, რომ ძალა არ შესწევდა დაეძლია შიში, რო-
მელიც სულ უფრო ძლიერ იპყრობდა. — თუ შენ ფიქრობ...
თუ შენ დარწმუნებული ხარ, რომ... მათ შეუძლიათ აქ მო-
ვიდნენ, ჩვენ რაღაც უნდა მოვახერხოთ!.. ეს სისულელეა,
ვისხდეთ აქ და ველოდოთ სანამ... სანამ ისინი მოვლენ,
გესმის, სისულელეა! — იგი ხმამაღლა და გაანჩხლებით ლა-
პარაკობდა, თითქოს მის გამო, ვერას გამო, აღმოჩნდნენ
ისინი აქ და იგია მიზეზი, რომ ისინი იძულებული არიან აქ
იმალებოდნენ.

— მე არ ვაპირებ აქ თავივით დამალვას! ეს რაღაც
უაზრობაა: ლენინგრადთან სულ ახლოს იყო და...

— შენ ფიქრობ, წავიდეთ? — შეაწყვეტინა ვერამ.

— დიახ, რა თქმა უნდა! ახლავე, დაუყოვნებლივ!

— მაგრამ საით წავიდეთ? მარჯვნივ, მარცხნივ? პირ-
დაპირ?

— ჩვენ პატარები არა ვართ! არიან ადამიანები, შეგვიძ-
ლია ვკითხოთ და გზას გვასწავლიან.

— ხელში რომ ჩაუკარდეთ... მათ?

ერთი წამით ანატოლიმ წარმოიდგინა საშინელი სურა-
თი თითქოსდა უახლოვდებოდნენ უცხოურ ფორმაში გამოწყო-
ბილი შეიარაღებული ადამიანები, მოეჩვენა, რომ გერმანუ-
ლი ლაპარაკი ესმოდა. ტუჩები გაუშრა და ზედ ენა გადაისვა.

— აბა რა ექნათ? — თქვა მან ყრუ ხმით.

— დაჯექი, ტოლია, — უთხრა ვერამ. — ხომ გითხარი,
რომ არ შემიძლია, როცა შენ გვერდით არა მყევხარ. დაჯექი
და თავი ჩემს მუხლებზე დადე, პო, დადე, ასე მირჩევენია.

იგი გვერდით მიუწვა და თავი მუხლებზე დაადო. ვერას
კაბა გახეოდა და ანატოლიმ ლოყით შეიგრძნო მისი ფეხის
შიშველი კანი. ვერამ მას თავზე ხელი დაადო და დაუწყო
ნელა თმის ფუჩქენა.

— ყველაფერი კარგად იქნება, ტოლია, ყველაფერი კარ-
გად იქნება, — რაღაცნაირი მონოტონური, ნანინას ხმით

იმეორებდა იგი, და ყოველივე ეს — შეგრძნება ცოცხალი, თბილი კანისა, რომელსაც ლოყით ეხებოდა, ვერას ხმა, მისი სიტყვები, — ამშვიდებდა ანატოლის.

— ჩვენ დაღამებას უნდა დაველოდოთ, — ისევე ისე მშვიდად, თითქოს ისეთ რამეზე ლაპარაკობს, რაც თავისთავად იგულისხმებოდა, ხმადაბლა თქვა ვერამ. — თუ წასვლაა, უმჯობესია, როცა ჩამობნელები. იმ დროისათვის კი შესაძლოა ყველაფერი ნათელი გახდეს... მე ვჩქერა, რომ მალე მოვა ჟოგინი და გიეტყვის, რომ გარშემო ღიწყნარეა და ჩვენ შეიგვიძლია აქედან გავიდეთ.

— შენ თვითონ არ გჯერა შენი სიტყვებისა, — უთხრა ანატოლიმ, მაგრამ უფრო იმისათვის, რომ ვერა შეგულიანებულყო და განეგრძო.

— არა, არა, მე ვჩქერა! განა მე არ მესმის, რომ შენ ჩემს გამო ღელავ, მაგრამ მალავ ამას? ვიცი, რომ უჩემოდ შენ სრულიად დამშვიდებული იქნებოდი. აი მაშინ, მატარებელში მართლაც უნდა გეღელვა: ხომ შეიძლებოდა დაგლუპულიყავით. ახლა კი?... ჰოდა, ვისხდეთ კიდევ ერთი საათი, ორი, და ყველაფერი დამთავრდება...

ვერა ლაპარაკობდა და ლაპარაკობდა წყნარად იმეორებდა მთელ ამ უშფოთველ, დამამშვიდებელ სიტყვებს, და ანატოლიმ იგრძნო, რომ თვლემა ერეოდა.

მან საშინელი დაღლილობა იგრძნო, ფეხები დაუმძიმდა და თვალები მილულა...

ანატოლიმ გამოიღვიძა, თითქოს ვიღაცამ ძლიერ უბიძგაო. უკვე ბნელოდა.

— ვერა! — შეშფოთებულმა შეჰყვირა.

— ჩუმად! — მოესმა პასუხად.

მან აჩქარებით წამოიწია, გამოსწია ხელები და შეეხო მხარზე ვერას, რომელიც ზურგით კედელს მიყრდნობილი იჯდა.

— მე... მგონი, მეძინა, — უნებლიეთ ხმის დაწევით თქვა ანატოლიმ — შენ? შენც გძინა?

— კი, — ჩურჩულით უპასუხა ვერამ. — უსმინე...

და მან გაიგონა გუგუნის სწორედ ის ყრუ, ლითონის ღრენია გუგუნის, რომელიც ჯერ კიდევ იქ, ტყეში მოისმენეს... იგი შორიდან, თითქოს საიდანღაც სიღრმიდან, მიწიდან წილიდან მოისმოდა.

ერთხანს ისინი ჩუმად ისხდნენ გაშეშებულიები, განძრვის ეშინოდათ.

შემდეგ მათ სროლის ხმები მოესმათ. ეს ხმები თავდა-

პირველად შორეული იყო, საშობაო შუშხუნას აფეთქებას ჰგავდა. გავიდა კიდევ რამდენიმე წამი, და სადღაც აკაკანდა ტყვიამფრქვევი, ოღონდ ისინი მაშინვე ვერ მიხვდნენ, რომ ეს ტყვიამფრქვევი იყო და დაძაბულად უსმენდნენ დოლის ხშირი რაკარუკის მსგავს კაკანს.

უცებ სარკმელზე აკრულ ფიცრებშუა დარჩენილი ღრა-ჭეებიდან სინათლის პატარა ზოლები შემოიქრა. ეს არ ჰგავდა დღის სინათლეს, არამედ უფრო წითელი ფანქრით გაფლებული ხაზებისმაგვარი იყო.

ანატოლიც და ვერაც დაძაბულად, დაჰიპნოზებულღვრით მიშტერებოდნენ ამ ზოლებს, სანამ ისინი არ ჩაქრნენ. მაგრამ ერთი წამის შემდეგ გაჩნდნენ სხვები, ამჯერად მწვანეები, და სადღაც შორს კვლავ გაისმა დოლის რაკარუკის მსგავსი ხმები.

უეცრად ანატოლი სარკმელს მივარდა, ხელი ჩასჭიდა ერთ-ერთ ფიცარს და მის აგლიქას-შეუღდა.

— რას შერები, ტოლია, რას?! — შესძახა ვერამ, მხარში ჩაებლაუჭა და ცდილობდა მოეცილებინა ტოლია სარკმელს.

— მე უნდა, მე უნდა შევხედო, — იმეორებდა ანატოლი და ვერას ხელს იშორებდა თავის მხრებიდან. იგი მთელი ძალით ცდილობდა აეგლიჯა ფიცარი და როცა იგი ოდნავ დაძრა ადგილიდან, წარმოქმნილ ღრიჭეში თითები შეეყო, ფრჩხილები ემტვრეოდა, გადაყვლეფილი ხელები გასიანჯლიანებოდა და მაინც არ ეშვებოდა ფიცარს. და ბოლოს ფიცარი მოირყა, და ჭრივლით მოვარდა. სარკმელში ფართო ჭრილი გაჩნდა.

ისინი ჭრილს მიეკვრნენ და გაირინდნენ. მათ თვალწინ ცაზე ნელა მიცოცავდნენ ფერად-ფერადი ხაზები — წითლები და მწვანეები, თითქოს ვიღაც უხილაჯი გიგანტურა ფანქრით ხაზავდა მათ ჩამობნელებულ ცისკიდებზე.

— რა არის ეს, ტოლია, რა არის ეს? — უჩურჩულა ვერამ ყურთან.

ანატოლი დუმდა. არც თვითონ იცოდა რა იყო ეს, ამის მსგავსი რამ წინათ არასოდეს არ ენახა.

ამ მომენტში მათ ახალი ხმა გაიგონეს. თითქოს სადღაც შორს, მალა ბაეშვის საპაირო დიდი ბურთი გასკდა და უეცრად ყველაფერი თეთრი, ლანდისებური შუქით განათდა.

ახლა მათ ყველაფერი დაინახეს: პატარა ქუჩის მოპირდაპირე მხარეზე მდგარი ხის სახლები; ჩაბნელებული ფანჯრებით, მუესუმშირები ბაღებში, ჰა ოწინარით, ტყე, რომელშიც თითოეული ხე ჩანდა...

ანატოლი და ვერა სწრაფად მოშორდნენ თანჯარას, რადგან მოეჩვენათ, რომ მათაც ისევე ხედავდა ვინმე, როგორც ამ სახლებს, ჭას და მასზე აღმართულ ოწინარზე ჩამოკიდებულ ვედროს, ხეებს; მაგრამ ამ წამში ცაზე სინათლე ჩაქრა, ყველაფერი წყვილიადაში ჩაიძირა, და კვლავ შორეული სროლა მოისმა.

— ეს ისინი არიან, ტოლია, ისინი არიან! — უჩუჩულა ვერამ და ანატოლის მაგრად მიეკრა.

იგი შეეცადა, შეემაგრებინა თავი და უთხრა:

— რატომ სწორედ „ისინი?“ იქნებ ჩვენები არიან!

— არა... არა, ისინი არიან, — ძლივს გაიწეორა ვერამ.

ანატოლიმ ისევ მიუჯდო ყური. მაგრამ ახლა ყველაფერი რაღაცნაირად ერთბაშად მიწყნარდა. არც ტანკების რახროხი, არც სროლა აღარ ისმოდა.

— აი ხომ ხედავ, — დამრიგებლობითი ტონის ძალდატანებითი შენარჩუნებით თქვა ანატოლიმ, — ყველაფერი დაწყნარდა. ეს უთუოდ ჩვენები ამთავრებენ მათ განადგურებას...

ვერა დუმდა. იგი წინანდებურად მაგრად ჩასკიდებოდა ანატოლის ხელს და თავისკენ იზიდავდა, ეშინოდა, ერთი წამითაც რომ დაეკარგა მისი ახლოს ყოფნის შეგრძნება.

კიდევ ორი, სამი, ხუთი წუთი გავიდა სრულ სიჩუმეში.

და ამ გრძელ, დაუსრულებელ წუთებში ვერას წინ მთელმა მისმა ცხოვრებამ გაიარა. ეს იყო ხანმოკლე, რაინე ღირსშესანიშნაობას მოკლებული ცხოვრება ჩვეულებრივი საბჭოთა ქალიშვილისა. მაგრამ ახლა ვერას იგი ისე უჩვეულოდ, შუქფენილად, მხიარულად და ისე დაუბრუნებლად მოეჩვენა, როგორც ბავშვობა, როგორც უზარმაზარი, მთლად გაჩირადდნებული და ზიზილ-პიპილებით მოელვარე ნაცვისხე პიონერთა სასახლეში... და ყველაფერი, რასაც იგი აკეთებდა იმ ცხოვრებაში, რომელიც უჩვეულად მიუწვდომლად შორეული და მშვენიერი გახდა — თუმცა ვერა ჯერ კიდევ გუშინ ცხოვრობდა ისეთი ცხოვრებით, — მისთვის უდიდესი შინაარსით აივსო. პიონერთა შეკრებები და კომკავშირული კრებები, წინათ ვერას მოსაწყენად და უმნიშვნელო რომ ეჩვენებოდა, ახლა ისე აგონდებოდა, როგორც მეტად მნიშვნელოვნები, რომელთა გარეშე მას არსებობა არ შეეძლო. ინსტიტუტის პედაგოგთა სახეები, სახლის ფასადი, სადაც ცხოვრობდა იგი, აკურატულად დაკეცილი, ჯერ კიდევ სტამბის საღებავის სუნით გაჟღენთილი გაზეთი,

უკვე საუზმისთვის გაშლილ მაგიდაზე რომ ელოდებოდა მამას, პირველი მაისისა და ნოემბრის დემონსტრაციები, ის ზეირთებზე მოქანავე ნაღვი, რომელშიც იდგა ანატოლი, — ყველაფერი ეს არეულ-დარეული თანმიმდევრობით, მაგრამ განსაკუთრებით მკაფიოდ წამოიშალა ვერას ცნობიერებაში.

შემდეგ კი ყველაფერი ერთმანეთს შეერია, რელიეფურობა დაკარგა, მხოლოდ ბუნდოვანი მოხაზულობა შერჩა, როგორც მოგონებას წელან ნანახ და უკვე ნახევრად გადავიწყებულ სიზმარზე, რომლის მეხსიერებაში აღდგენის ცდა ფუჭია. მაგრამ გაიდლაბნა საღებავები, გადაჭყნა ხასხააა. ძალზე მწევანე ბალახი, ნაცრისფერი ბოლი გადაეკრა უფსკეურო, თვალის მომჭრელ ლაქვარდ ცას, მაინც ის, რაც სიზმარში ნახე, ჯერ კიდევ შენს წინ დგას ბუნდოვან მოჩვენებად და გიხმობს ასე მახლობელ, თუ სამუდამოდ დაკარგულ სამყაროსაკენ. ახლა ასეთი სამყარო ვერასათვის იყო მშობლიური ლენინგრადი. იგი თითქოს მის წინ მიცურავდა თეთრ ღამეში, თავისი შვილ-ანძებით, გემბან-სანაპიროებით, გიგანტური საჰაერო ხომალდებით სულ უფრო და უფრო შორდებოდა.

შემდეგ კი ყველაფერი გაქრა, ყველაფერი წყვილიადმა მოიცვა და ვერას მოეჩვენა, რომ ახლა ათასობით კილომეტრი აშორებს მას იმ სამყაროდან, რომელშიც იგი ცხოვრობდა. როგორ დაბრუნდეს იქ, საით წავიდეს? ნეტავ იცოდეს!

მაგრამ მან ეს არ იცოდა. ვერას ეჩვენებოდა, რომ იმ ერთადერთი მისთვის შესაძლებელი ცხოვრებიდან მას ყრუ კედელი ყოფდა, და წარსულთან ცოცხალი კავშირის ერთადერთი განსახიერება ახლა ანატოლი იყო.

— შენ იცი, რა იყო ის? აი ის ფერად-ფერადი ჩირაღდნები ცაზე? — ჰკითხა ბოლოს ვერამ.

— არა. ალბათ, რაიმე პირობითი სიგნალიზაციაა.

— მე კი ახლა მგონია, რომ ეს იყო კიდევ ის სამყარო... ჰო, ის უხილავი, რომელიც ჩვენ გვერდითაა... ტოლია! — უეცრად მან კიდევ მეტი ძალით მიიზიდა ანატოლი თავისკენ. — მე სულ მეჩვენება, რომ ჩვენ ვერასოდეს, ვერასოდეს, ვერასოდეს დავბრუნდებით!

— გაჩუმდი!

— არა, არ გაჩუმდები! ვინ იცის, იქნებ ესაა ჩვენი ერთად ყოფნის უკანასკნელი საათები, უკანასკნელი წუთები! რატომ მიბრძანებ გაჩუმებას? ჩუმი ვისხდით და ველოდოთ? რატომ?

— მაშ რა გინდა... — წამოიწყო მან, მაგრამ ვერამ შე-
აწყვეტინა:

— არა, არა, შენ ნუ ილაპარაკებ, ჩემად იყავი. მე ვი-
ლაპარაკებ, მე... მე ისე ბევრი რამ მინდა გითხრა, ისე ბევ-
რი... მე მსურს იცოდე, თუ ერთად ყოფნა არ მოგვიხდება —
პო, არ მოგვიხდება! — რომ შენ იყავი ჩემთვის ყველაზე
ძვირფასი, ყველაზე საყვარელი. და ყველაზე დიდი ჩენი
შეცდომა ის იყო, რომ მეშინოდა ჩემი სიყვარულისა, მეშინ-
ოდა შენი. არ მჯეროდა, რომ მეწვეოდა ბედნიერება, ახ-
ლა კი საკუთარი თავი მეცოდება, მეცოდება, და სულ ვი-
კითხები ჩემ თავს, აბა რისთვის, აბა რისთვის, რისთვის...

მას კიდევ რაღაც უნდა ეთქვა, მაგრამ ამ წუთში სიჩუ-
მი ერთბაშად გაიპო, ყველაფერი გარშემო აივსო რაღაც
ხმაურით, ტკაცანით...

ანატოლი სარკმელს მივარდა, ღრიჭეს აეკრა და დაინახა,
რომ სახლთან ქუჩაზე კაშკაშა ფარებით გზას ინათებდნენ
და მიქროდნენ მოტოციკლები, რომლებშიც ისხდნენ ნაქ-
რისფერ-მწვანე უცხო ფორმაში გამოწყობილი, ლითონის
მუზარადიანი კაცები.

— ისინი არიან, ვერა, ეს... გერმანელები არიან! — თავ-
ზარდაცემით შეჰყვირა ანატოლიმ, უკან გადახტა და აი-
დელს აეყუდა გაშეშებული.

... მას არ ახსოვდა რამდენ ხანს იყო რეტდასხმული ---
ერთ წუთს, ათ წუთს, ნახევარ საათს. ოღონდ რაღაც დრომ
რომ გაიარა, ისევე გარკვევით გაიგონა საიდანღაც ქვევიდან
წამოსული გერმანელთა ხმამაღალი წამოძახილები, მოტო-
ციკლის ხმაური, ბავშვის ტირილი.

გავიდა კიდევ ერთი წუთი, ორი, და გერმანული ლაპა-
რაკი სულ ახლოს გაისმა, მერე მოისმა კარზე კაკუნი, იქ-
დაბლა, იატაკის ქვეშ — ხმაური, ფეხების ბრაგუნე და კიბის
ქრაკუნე.

უეცრად კარი გაიღო, ფარნის თეთრი შუქი ანატოლის
თვალებში ეცა და მან თვალები მოჰუტა. როცა ისევე გაახი-
ლა, დაინახა, მისგან ორ ნაბიჯზე ლითონის მუზარადიანი
კაცები იდგნენ.

იმან, რომელიც წინ იდგა, ფარნის სხივი ვერას მიანათა.
ქალიშვილი მოკუნტული იჯდა, თავი უკან გადაეხარა და
სხივი დაეცოდა ზედ — გადარბოდა შიშველი ფეხებიდან
სახეზე, სახიდან ისევე ფეხებზე და ბასრი პირით თითქოს
გესლაგდა. რომელიღაც გერმანელმა გაიციინა. მერე ისინი
ერთად ალაპარაკდნენ და მათი ლაპარაკი უცხო, საშინელ

ღრიალად იქცა. შემდეგ იმან, რომელიც წინ იდგა, უზარმა-
ზარმა, მხარბეჭიანმა კაცმა, თავისი ფარანი მის გვერდით
მდგომს გადასცა და სწრაფად გადადგა ნაბიჯი ვერასაკენ.

ანატოლი ანგარიშმიუცემლად გაექანა გერმანელისა-
თვის გზის გადასაქრელად, მაგრამ მას არც კი შეუხედავს
მისთვის ისე, წიხლისკვრით განზე მიაგდო. ანატოლი ტკივი-
ლისაგან სუნთქვაშეკრული იატაკზე გაგორდა.

საზარდულის საშინელი ტკივილი დაძლია ანატოლიმ, და
იყვირა, წამოდგა, მაგრამ მაშინვე ორი გერმანელი ეცა, ხე-
ლები ზურგზე გაუკრეს და კარისაკენ წაათრიეს.

... იგი თრევიტ წაიყვანეს ქუჩაში, ძალით აიყიანეს ორ-
საფეხურიანი ჩუქურთმიანი კიბის თავზე და შემდეგ ხელის-
კვრით შეაგდეს ოთახში.

ძლიერმა შუქმა ანატოლის თვალი მოსჭრა, ხოლო რო-
ცა გაახილა, მოპირდაპირე კედელთან დაინახა მაგიდა, რო-
შელსაც მაღალი ქერათმიანი სამხედრო ფორმაში გამოწყობი-
ლი გერმანელი უჯდა. ცარიელ მაგიდაზე მაღალციანი ქუ-
დი იდო. მაგიდის ორივე მხარეს ისეთივე ფორმაში გამოწყო-
ბილი სხვა გერმანელები ისხდნენ.

ყოველივე ამან ანატოლის ვერა გადაავიწყვა. უიშთან
შერეული სიძულვილი გერმანელებისადმი, ფიქრი მტკიცედ
თავის დაქერის აუცილებლობაზე, საკუთარი უმწეობის, ძი-
უსაფრობის შეგრძნება, — ყველაფერი ეს იმწამსვე დაეუფ-
ლა ანატოლის მთელ არსებას.

ამ მომენტში ერთმა ტანმორჩილმა, ჩასუქებულმა, ჰორ-
ფლიანმა გერმანელმა ანატოლის მიმართა:

— Сделайт три шаг вперед!

ანატოლი მაშინვე ვერ მიხვდა, რომ ეს მას ეხებოდა,
და გაუნძრევლად იდგა. მაგრამ იმ წუთში ვილაცამ უკნი-
დან ღონიერად წაჰკრა. მან ბორძიკით რამდენიმე ნაბაჯი
გადადგა ოთახის სიღრმეში, მაგრამ შუამღე ვერ მიაღწია
და დაეცა.

— Вставайт! — დაუყვირა ჰორფლიანმა გერმანელმა.

ანატოლი ნელა წამოდგა. უნებურად მზერა მაგიდაზე
დადებულ ქუდზე შეაჩერა. იგი რალაც უშველებლად დიდი
და რალაც ცოცხალ, აფხორილ, გომბეშოსავით გაბერილ არ-
სებად მოეჩვენა. იგი თითქოს აჰიპნოზებდა და მისთვის
თვალი ვეღარ მოეწყვიტა.

— Смотреть на господин майор! — ისეც გაიხმა
ჰორფლიანი გერმანელის ხმა.

ეს იყო სწორედ იმ მომენტში, როცა ანატოლი მხედვი-

ლობის დაძაბვით ცდილობდა გამოეცნო ქუდზე გაკეთებული ემბლემა და ბლოს გამოიცილო — არწივი, რომელსაც კლანჭებში სეასტიკა ეჭირა. ამიტომ მან მაშინვე როდი შეასრულა ბრძანება და მაშინვე კი ვერ მიხვდა, მათ შორის რომელი იყო მაიორი. მაგრამ დიდხანს დაფიქრება არ დასცალდა. ვიღაც უხილავმა უენიდან ხელი გამოსწია, განიერი ხელისგული ანატოლის ნიკაპს ქვემოდან ამოსდო და თავი მალა აუწია.

— Сидящий за стол офицер есть майор Данвиц — მონდომებით დამარცვლა ჭორფლიანმა — Он приказывает говорить тебе одна правда. Иначе расстрел. Ты понимаешь? Расстрел!

ეს სიტყვები თითქოს შორიდან მოესმა ანატოლის, ყველა სიტყვა, გარდა ერთისა — „დახვრეტა“. ამ სიტყვამ იგრგვინა მის ყურებში. სულ რაღაც რამდენიმე წამის წინათ ანატოლი ანგარიშშიუცემლად, შეუცნობლად, მაგრამ მაინც ფიქრობდა, როგორ გამკლავებოდა უბედურებას, როგორ დაეჭირა თავი ღირსეულად მტრის წინაშე, როგორ დარჩენილიყო ისეთად, როგორადაც ყოველთვის წარმოიდგენდა თავს განსაცდელის უამს, მაგრამ ახლა შიშის გრძნობამ მასში ყველაფერი დაჩრდილა. ანატოლი მიხვდა, რომ ახლა მას მოკლავენ, სულ ცოტა ხანი გაიგლის და ყველაფერა გათავდება, იგი უკვე აღარ იქნება ქვეყანაზე.

— არა, არა! — ხმამალა წამოიძახა მან. — მე სიმართლეს ვიტყვი.

— Я говорить правда! — გაიმეორა და თვითონაც ვერ შეამჩნია, რომ ჭორფლიანი გერმანელის მიბაძვით სიტყვებს ამახინჯებდა.

ჭორფლიანი დაიხარა მაგიდასთან მჯდომი ოფიცრის მხარზე და ჩუმად რაღაც უთხრა. მან თავის მიუბრუნებლად უპასუხა.

— Ты знайт этот человек? — ისევ მიმართა ანატოლის ჭორფლიანმა.

ანატოლიმ დაბნეულად მიმოავლო თვალი მაგიდასთან მდგომ გერმანელებს.

— Смотрите там! — უბრძანა ჭორფლიანმა და თავისი გრძელი საჩვენებელი თითი გაიშვირა.

ანატოლი მიბრუნდა და კრავცოვი დაინახა. იგი კედელთან იდგა, კართან ახლოს, სწორედ იმ ჯოხს დაყრდნობილი, რომელიც მაშინ ტყეში მისთვის ანატოლიმ მოტეხა. კრავცოვს სახე სისხლით ჰქონდა მოსვრილი, ერთი წამით მათ

თვალეები ერთმანეთს შეხვდნენ, და ანატოლის მოეჩვენა, რომ კრავცოვი მეგობრულად, გამამხნეველებელი ღიმილითაც კი უცქეროდა. კრავცოვისაგან ორ ნაბიჯზე, ზედ კართან იდგა ყოვინი, რომელსაც მუხლებამდე დაგრძელებული ხელები ძირს დაეშვა.

ანატოლიმ ისევ გადაიტანა მზერა კრავცოვზე და უცებ გულზე მოეშვა იმის შეგნებისაგან, რომ კრავცოვი თითქოს უწონებდა ანატოლის სიცოცხლის წყურვილს, უბრძანებდა გადაერჩინა თავი რადაც უნდა დაჯდომოდა.

და თუ ერთი წუთის წინათ ანატოლის ცნობიერებაში შიშის გრძნობას სირცხვილის გრძნობა ერთვოდა იმის გამო, რომ არ შეუძლია დასძლიოს ეს შიში, ახლა მისი აზრი საუკვირველი სიცხადით ამუშავდა. მას სურდა სიცოცხლე, მხოლოდ სიცოცხლე. წარმოუდგა, რომ ჭაში ჩაეარდა და მის საშინელ, ბნელ, ნესტიან ფსკერზე აღმოჩნდა, მაგრამ მაღლიდან ლურჯი ცის ნაჭერი მოჩანდა. იგი — ეს ცა, იყო, არსებობდა და ანატოლი მზად იყო ეცოცა, ებობლა, მოლიპოლ, ლორწოვან და ობიან ჭის კედლებზე, ოღონდ ზეგას ამოსულიყო. იგი მზად იყო ეხვეწნა, გმუდარანა... და ამის არ რცხვენოდა, ვინაიდან იმის გააზრება, რომ კრავცოვთან ერთსულოვნებით, მისი მოწონებით მოქმედებდა, სირცხვილის გრძნობას უზშობდა.

იგი კვლავ მიბრუნდა მაგიდისაკენ, მაგრამ ამ მომენტში მაიორი, რომელიც სკამზე იჯდა, ადგა და გასცილდა მაგიდას. იგი მაღალი იყო და ძალიან წვრილ წელზე ქამარი მაგრად შემოეჭირა. მაიორი აუჩქარებლად მიუახლოვდა ანატოლის. ჭორფლიანი მას კვალდაკვალ მიჰყვა. კედელთან ორი ჭარისკაცი იდგა. მათ მაღლა ასწიეს შავი ავტომატები.

ჭორფლიანმა ანატოლი პირით ისევ კრავცოვისკენ მიაბრუნა. ახლა ისინი ერთმანეთის პირისპირ იდგნენ, ხოლო მაიორი და ჭორფლიანი თარჯიმანი — ცოტა გვირდით.

— Ты знайт этот человек? — ჰკითხა თარჯიმანმა და თითი გაიშვირა კრავცოვისკენ.

— ჩვენ... ჩვენ მატარებელში შევხვდით ერთმანეთს... — ძლივს გასაგონად უპასუხა ანატოლიმ, — ერთად ვმგზავრობდით... შემთხვევით.

მან გაუბედავად ჩახედა თვალეებში კრავცოვს, და ისევ მოეჩვენა, რომ იგი თანაგრძნობით, წაქეზებითაც კი შეჰყურებდა მას.

— დიახ, დიახ, მატარებელში, — უკვე მტკიცედ გაიმეო-

რა ანატოლიმ. — როცა თავდასხმა იყო და ვაგონს ცეცხლი წაეკიდა, გავიქეცი. მერე ერთმანეთს შევხვდით რყეში. სრულიად შემთხვევით.

უცებ იგრძნო მან, რომ ლაპარაკი გაუადვილდა.

— Ты знайт, кто он есть такой? — კვლავ ჰკითხა თარჯიმანმა და ისევ კრავეცოვზე მიუთითა.

— ეშმაკმა უწყის, ვინ არის იგი! — აჩქარებით უპასუხა ანატოლიმ და თან გაუკვირდა, რომ მისი ხმა ასე ბუნებრივად და ძალდაუტანებლად ეღერდა.

— ისინი ტყეში იყვნენ, თქვენო კეთილშობილებავ, ყველანი ერთად, — უცბად ალაპარაკდა აქამდე გაჩუმებული ჟოგინი და მოკლე ნაბიჯით წარდგა წინ. — ყველანი ერთად, გაიმეორა მან. — ეს ორი და გოგო.

— ჰო, რა თქმა უნდა, — საჩქაროდ შეაწყვეტინა მას ანატოლიმ. — მე ხომ ვამბობ, ჩვენ ერთად ვმგზავრობდითა...

— Кто есть девка? — მკაცრად შეაწყვეტინა ჰორფლიანმა ანატოლის.

ამ მომენტში ერთი იმ გერმანელთაგანი, რომლებმაც ანატოლი აქ მოიყვანეს, მივიდა თარჯიმანთან და ღიმილით ჩუმად რაღაც უთხრა: თარჯიმანმაც გაიღიმა და ხმადან შესძახა: „ო-ო!“ მაგრამ ანატოლისათვის ყველაფერი ეს თითქოს ბურუსში ხდებოდა, იგი მხოლოდ იმაზე ფიქრობდა, თუ როგორ დაეჭიერებინა გერმანელები, რომ სიმართლეს ეუბნებოდა.

— ჩვენ მატარებელში, მატარებელში გავიცანით ერთმანეთი, მე ხომ ვამბობ, — კვლავ გაიმეორა ანატოლიმ, — მერე კი ერთად გავიქეცი. ჩვენ...

მას ხმა ჩაუწყდა და შიშით რომელმაც ხელახლა შეიძყრო, გაიფიქრა: რა შეეძლო ეთქვა ვერას დაკითხვაზე, ახსოვს თუ არა, რომ უნდა უარყოს თავისი წინასწარი ნაცნობობა ანატოლისთან.

— Продолжайт! — უბრძანა ჰორფლიანმა.

— დიახ, დიახ, რა თქმა უნდა, — დაუზარებლად თქვა ანატოლიმ, გამხნევებულმა იმით, რომ ლაპარაკის ნებას აძლევენ. — მე არადადეგებზე ჩავედი ბელოკამენსკში, გესმით? იგიც — მას ვერა ჰქვია — იქ იყო, გესმით? ოღონდ წინათ ერთმანეთს არ ვიცნობდით, მატარებელში გავიცანით... ვაგონი, გესმით, ხალხით იყო გაჭედული და ჩვენ შემთხვევით ერთ საწოლზე აღმოვჩნდით...

— Кто ты есть?

— მე? მე სტუდენტი ვარ. ჩვეულებრივი სტუდენტი, —
აჩქარებით უპასუხა ანატოლიმ. — ვსწავლობ ლენინგრადში,
ინსტიტუტში, მესამეზე...

— Большевик? Комсомол? — შეაწყვეტინა ქორფ-
ლიანმა.

— არა, რასა ბრძანებთ! — შესძახა ანატოლიმ.

ქორფლიანმა რაღაც უთხრა მაიორს. იმანაც რაღაც
უპასუხა და მერე მიუახლოვდა ანატოლის, ოდნავ შეიხზო
მის მხარს და უთხრა:

— Ка-ро-шо.

ეს სიტყვა ანატოლის ყველაზე სასურველად, ყველაზე
უკეთესად მოეჩვენა რაც კი ოდესმე სმენია თავის სიციცხ-
ლეში. მოელანდა, რომ ერთი წუთის წინათ მიუწვდომელი
ლურჯი ცის ნაჭერი მიუახლოვდა მას.

მაგრამ შეცდა. მაიორმა, რომელმაც ის-ის იყო კეთილ-
მოსურნედ მოუთათუნა მხარზე, მოულოდნელი მოძრაობით
ნიკაპქეგომოდან ამოარტყა ანატოლის ხელის ზურგი და თით-
ქოს დაიჩხავლაო, სწრაფად რაღაცა წარმოთქვა.

— Господин майор утверждал, что ты есть лгун,
თქვა თარჯიმანმა — Ты из одной шайки с этот чекист.
Ты есть его помощник.

— მაგრამ მე... მაგრამ მე... ვინ არის ჩეკისტი? — სასო-
წარკვეთილებით წამოიყვირა ანატოლიმ. მას სიკვდილის ეში-
ნოდა და ამ შიშმა მის წამოძახილს ნამდვილი გაოცებითი
უმწეობის ელფერი მისცა.

და მაშინ ჟოგინი კვლავ ალაპარაკდა. აქამდე იგი გაუნ-
ძრევლად იდგა კართან და ორივე ხელით დაკმუჭნული კეპი
ეჭირა. იმაშიც, როგორ იდგა იგი — მხრებდაშეგებული და
მლიქვნელურად თავჩადუნული, როგორ კმუჭნიდა დიდრო-
ნი მსხვილი თითებით კეპს, ანატოლისთვის რაღაც ახალი,
აქამდე უცნობი იყო. მას მხოლოდ თეატრში უნახავს მორ-
ჩილების პოზაში მდგომი ასეთი ადამიანები, უნახავს ისინი
სცენაზე, კლასიკურ პიესებში, — ძველი რევოლუციამდელი
გლეხები შემამულეს რომ ეახლებოდნენ ხოლმე თაყვანის
საცემად... და თუმცა ანატოლის მთელი გრძნობები აფორია-
ქებული ჰქონდა, უნებლიედ, ავტომატურად დაიჭირა ჟო-
გინის ეს უცნაური თეატრალური გარდაქმნა.

— მაშ, არ იცნობთ, ყმაწვილო, კრავცოვს — ამხანაგს? —
ხმადაბლა, დათაფლულად წარმოთქვა ჟოგინმა. — ჩვენ კი
მას კარგად ვიცნობთ. სამუდამოთ დაგვახსომდა. მას შემ-

დეგ რაც ჩვენს ძმაკაცებს ფორნებზე დასვამდა და შორეულ გზას გაუყენებდა ხოლმე, ათი წელიწადი გავიდა, ჩვენ კი სულ გვახსოვს...

მან მზერა გაუნძრევლად მდგომ კრავცოვზე გადაიტანა და განაგრძო:

— შენ კი მოქალაქე უფროსუკავ, წყველო გეპეუშნიკო, გახსოვს? როგორ მოთქვამდნენ ჩვენი დედაკაცები, როგორ მოსდევდნენ სირბილით ფორნებს პატარა ბაეშკები? — ხმას აუწია მან და განაგრძო — როგორ გამითოკე ხელეზო, როდესაც ცულით შეგიტიე, როგორ გადაათრიეს შენი ბრძანებით ჩემი დოვლათი ჩემი ქოხიდან საკოლმეურნიო ეზოში, ხომ არ დაგაიწყდა?

მან თავის კეპს ისე ძლიერ მოუჭირა ხელეზო, რომ დაბერილი ვენები გამოუჩნდა, და კრავცოვისკენ გადადგა ნაბიჯი.

— ჰალტ! — დაუყვირა მაიორმა, და ქოგინი ადგილზე გაქვეავდა.

ანატოლიმ იგრძნო, როგორ დაუარა მთელ ტანში ჟრუჟანტელმა. შეძრწუნებული მიხვდა, რომ კრავცოვისა და ამ გაცოფებულ წვეროსან კაცს შორის არსებობს საშინელი, შეუურიგებელი მტრობა და ეს მტრობა მასზეც, ანატოლიზეც, როგორღაც ვრცელდება და კიდევ უფრო უიმედოს ხდის მის მდგომარეობას. და ამ მომენტში შეხედა ავლავ კრავცოვს.

ახლა კრავცოვის გასისხლიანებულ პირსახეზე ვერაფერს ვერ გაარჩევდით, გარდა თვალებისა, ხოლო ეს თვალები ანატოლის წინანდებურად მტკიცედ და გამამხნივებლად შესცქეროდნენ. მაშინ მან სულმოუთქმელად ტირილით შეჰყვირა ჭორფლიან ოფიცერს:

— მაგრამ, ბატონო ოფიცერო, ბატონო ოფიცერო, დამიჯერეთ, დამიჯერეთ, მე არ ვცრუობ, არაფერი არ ვიცოდი ამ კაცზე. მე იგი პირველად ვნახე მატარებელში! და თუ ჩიკისტია, მე მძულს იგი. გამიგეთ, მე არ შემიძლია მასთან ვიყო, იმათ ხომ მამაჩემი დახვრიტეს, დახვრიტეს! მე არ ვცრუობ, მე სიმართლეს ვამბობ, სიმართლეს, სიმართლეს!..

მაიორმა რამდენადმე გაოცებით შეხედა ჭორფლიანს და, როცა თარჯიმანი სხაპასხუპით ალაპარაკდა გერმანულად, მან გაკვირვებით ასწია წარბები.

გადათარგმნას რომ მორჩა, — ჭორფლიანი ისევ მიტუბრუნდა ანატოლის.

— Когда был расстрелян твой отец? — ჰკითხა მან

ნაწყვეტ-ნაწყვეტად და თან ანატოლის პირდაპირ თვალებში შესცქეროდა.

— თქვენ გაიგეთ, გაიგეთ, — ისევ სლუკუნით თქვა ანატოლიმ, — მე არ შემიძლია ზუსტად გითხრათ. მაგრამ მე ვიცი, ბიძისაგან ვიცი, ეს იყო რევოლუციის დროს. თვრამეტში, მგონი... მათ ბრალი დასდეს შეთქმულებაში... ოფიცერთა შეთქმულებაში... მე შემდეგ საბავშვო სახლში ვიზრდებოდი... მე...

— Как есть твой фамилий? — კვლავინდებურად მკაცრად და მუქარით შეაწყვეტინა ჭორფლიანმა.

— ავილოვი, ავილოვი — აჩქარებით უპასუხა ანატოლიმ, — დოკუმენტსაც გიჩვენებდით, მაგრამ ყველაფერი მატარებელში დარჩა, ხომ თავდასხმა იყო, ყველაფერი გადაიბუგა...

— Интересный ситуаций, — უკვე უფრო რბილად და თითქოს თავისთვის თქვა ჭორფლიანმა. შემდეგ მაიორს რაღაცაზე სხაპასუხებით დაუწყო გერმანულად ლაპარაკი. იგაჩუმად უსმენდა, მერე რამდენიმე ფრაზა მიახალა ნაწყვეტ-ნაწყვეტად.

— Господин майор говорит, что ты все это врешь, — თქვა ჭორფლიანმა, — ты есть молодой чекист!

— არა, არა! — იყვირა ანატოლიმ. — მე მძულს ჩეკისტები, მე მზადა ვარ ისინი მოეკლა, მე არ შემიძლია ვიყო ჩეკისტი, მე... — ენა დაება მას და სიტყვებს ვერ პოულობდა.

მათ — მაიორმა და თარჯიმანმა ერთმანეთთან დაიწყეს ლაპარაკი.

„რაზე, რაზე ლაპარაკობენ ისინი? — შეძრწუნებით იმეორებდა თავისთვის ანატოლი. — აბა რატომ არ მესმის ეს სიტყვები, მე ხომ ვსწავლობ გერმანულს ინსტიტუტში, მაგრამ არაფერი მესმის. ღმერთო, უთუოდ უნდა დამხვრეტონ! როგორ არის გერმანულად „დახვრეტა“? მგონი, „erschließen“ გულშეღონებული ცდილობდა ჩასწვდომოდა გერმანული ლაპარაკის შინაარსს, ძრწოლით მოელოდა. იტყოდნენ თუ არა ამ საშინელ სიტყვას, მაგრამ ყველა სიტყვა მისთვის უცნობი იყო.

ღა იგი უცებ შეკრთა, თითქოს მღუღარე გადაასხესო. მაიორმა სწორედ ეს სიტყვა წარმოთქვა. დიახ, დიახ, მან თქვა „erschließen“ ეს ნიშნავს, რომ მას დახვრეტენ. დაუყოვნებლივ, ახლავე!..

— Слюшай, — უთხრა ჭორფლიანმა, — мы делаем

тебе маленький испытаний. Ты говоришь, что есть сын царский офицер Авилов?

— დიახ, დიახ!

— И ненавидишь люди из Чека?

— მკულს!

— Тогда немецкий армия дает тебе хороший возможность отомстить за твой отец. Стреляй этот человек.

ამ სიტყვებისთანავე ჭორფლიანმა ამოიღო პისტოლეტი და ღიმილით გაუწოდა ანატოლის. მან თითქმის შექანნიკურად გამოართვა პისტოლეტი. იგი ისეთი მძიმე იყო, კინაღამ დაუვარდა.

ანატოლიმ შიშით შეხედა ჯერ პისტოლეტს და შემდეგ ჭორფლიანს, მან ალბათ, არასწორად გაიგო მისი შემოხედვა და უთხრა:

— Это есть парабеллум, немецкий оружий. Это есть автомат. Ничего не надо делат. Только нажимаи пальцем... паффи!

და მან კრავცოვისაკენ გაიშვირა საჩვენებელი თითი და ენა გააწკლავუნა.

ანატოლი გაშეშებული იდგა და ორივე ხელით მძიმე, ცივი პისტოლეტი ეჭირა. მხოლოდ ამ წუთში მიხვდა, რაბა; მოითხოვდნენ მისგან. „არა, არა, არასოდეს!“ — შესძახა გულში ანატოლიმ. — სხვა რამ, სრულიად სხვა რამ უნდა ქნას, პისტოლეტი მაიორს დაუმიზნოს და სასხლეტს დააჭიროს... მაგრამ ამავე წამში გაუელვა ფიჭრმა თუ რა მოიღოს მას, ეს რომ ჩაიდინოს. და დაეხდა სურვილი დაეგდო პისტოლეტი და მოეკურცხლა — მივარდნოდა კარს ან გადამხტარიყო ფანჯრიდან, სულ ერთია საით, ოღონდ გაქციულიყო!

მაგრამ არსაით არ შეეძლო გაქცევა. კართან ჯარისკაცები იდგნენ, ფანჯარა დაკეტილი იყო.

ანატოლის შუბლზე ცივმა ოფლმა დაასხა, როდესაც გაიფიქრა, უკვე მკვდარი იქნებოდა, თუნდაც ერთი ნაბიჯი რომ გადაეღდა.

— Schnell! — მკაცრად, თითქოს ანატოლის მათრახი გადაუჭირაო, შეჰყვირა მაიორმა.

ანატოლი უაზროდ იყურებოდა წინ და ისევ ისე ძირს დაშვებული ხელში ეჭირა პისტოლეტი.

მაიორმა რამდენიმე გერმანული ფრაზა წარმოთქვა, და ჭორფლიანმა ანატოლის მიმართა:

— Ты есть негодный лгун. Ты не есть сын царский офицер. Господин майор приказал взять писталет назад. А тебя — расстрелять. Дай!

და მან ხელი გამოსწია.

— არა, არა! — შესძახა ანატოლიმ და უკან დაიხია. და ანგარიშმიუცემლად, მოწყვეტით აღმართა პისტოლეტო გულმკერდის სიმაღლეზე და კრავცოვს მიუბრუნდა.

და ამ მომენტში კრავცოვმა თავი უკან გადასწია და ხრინწიანი, ჩახლეჩილი ხმით წარმოთქვა:

— აბა, მესროლე, არაშადავ, მესროლე! მე კი არ ვიცი, ვინ იყავი შენ, თეთრგვარდიელთა ნაბოლარავ! მესროლე, ოფიცრის ნაძირალავ! აბა მომარტყი, შეჩვენებულ ოფიცრის გლახავ!

თავზარდაცემული ანატოლი ყურს უგდებდა მის სიტყვებს. ეს იყო ყველაზე უფრო აბუჩად ამგდები, შეურაცხმყოფელი სიტყვები, რომელთა თქმაც კი შეიძლებოდა საბჭოთა ადამიანის მისამართით. ანატოლის მოეჩვენა, რომ მას წერილი, კანისმკრელი მათრახით სცემენ სახეში. იგი ფიზიკურ ტკივილს განიცდიდა კრავცოვის მიერ წარმოთქმული კი არა, თითქოს გადმოფურთხებული ყოველი სიტყვის შეიძლება უნდოდა გყვირა ახლავე, დაუყოვნებლივ, რომ ყველაფერი ეს სიცრუეა, იგი არასოდეს არ ყოფილა და არც იქნება თეთრგვარდიელთა ნაბოლარა, რომ იგი პატიოსანა საბჭოთა ადამიანია, კომკავშირელი... მაგრამ მაშინვე თვითონ შეეშინდა თავისი სურვილისა, ვინაიდან ამის შესრულება მის სიკვდილს ნიშნავდა. გაოგნებულს პირველ წამებში, გადაავიწყდა კიდევ ყველაფერი, რაც მას იქ, ტყეში უთხრეს. როცა მიხვდა, რომ კრავცოვი განაგრძობდა თამაშს, საშინელ თამაშს არა სიცოცხლეზე, არამედ სიკვდილზე, და ამ თამაშზე იყო დამოკიდებული ანატოლის შესაძლებელი ხსნა, ერთბაშად შეება იგრძნო. იდგა კრავცოვისკენ მიმართული ზეაღმართული პისტოლეტით, კრავცოვი კი შეუჩერებლივ ლაპარაკობდა:

— ლაჩარო, კურდღლისგულავ, გეშინია თითი გაანძრიო! მოეცათ ჩემთვის საშუალება, მე უპისტოლეტოდაც გაგათავებდი! აბა, რაღას უცდი, უხერხემლო, საძაგლო ნაძირალავ?..

„რა ვქნა, როგორ მოვიქცე, როგორ?!“ — ფიქრობდა ანატოლი, თავისდაშეუმჩნევლად სულ უფრო და უფრო მაგრად უჭერდა ხელს პისტოლეტის ტარს, ინსტიქტურად გრძნობდა, რომ მისი ხსნა სწორედ მასზეა დამოკიდებული.

კრავცოვი კი არ ჩუმდებოდა. მან გადაავლო ჯოხი, წინ გადადგა ნაბიჯი, მიუახლოვდა ანატოლის, სახიდან სახელოთი მოიწმინდა სისხლი და თითქოს კიდევ უფრო მეტი ბრახით განაგრძო:

— აბა, მესროლე, დასხლიტე ჩახმახი, შენ ხომ გიბრძანეს!..

იგი ბარბაცით წაიხარა წინ.— გეგონებოდა ეს-ეს არის დაეცემო და შეაშტერდა ანატოლის, მათი თვალები ერთმანეთს შეხვდნენ, და ანატოლიმ კრავცოვის დაბეჩილ, გასისხლიანებულ სახეზე დასივებულ ქუთუთოებში ჩამჭდარ თვალების სიღრმეში დამალული უთქმელი ვედრება დაინახა.

მაგრამ ეს როდი იყო ვედრება სიცოცხლის შენარჩუნებაზე. ანატოლის მოეჩვენა, რომ კრავცოვი თვალებით, შავრად მოკუმული დახეთქილი ტუჩებით თითქოს ეუბნებოდა: „მესროლე, აბა, მესროლე, ტოლია, ნუ გეშინია! სხვა გამოსავალი არ არის. ასეა საჭირო. ამას მე გიბრძანებ. იუ გეშინია!“

ამ დროს ანატოლიმ თვალი მოჰკრა, რომ მისგან რამდენადმე განზე მდგომმა მაიორმა ნელა გახსნა ბუდე, ამოიღო იქიდან პატარა, ლაპლაპა სადაფით მოპირკეთებული პისტოლეტი, ანატოლის დაუმიზნა და ხმამაღლა თქვა:

— Schnell!..

და ანატოლიმ იმ წუთში თვალები მოჰუტა, აცახცახებული ხელით დაუმიზნებლად, ისე რომ არც კი იცოდა საით ისროდა, პისტოლეტის სასხლეტს გამწარებით დააჭირა ხელი.

სროლის ხმამ დაიგრიალა, უკუცემა იმდენად ძლიერი იყო, რომ ანატოლის პისტოლეტი ხელიდან გაუვარდა.

როცა მან თვალები გაახილა, დაინახა, რომ კრავცოვი განზე გაშლილი ფეხებით გაშხლართულიყო იატაკზე. ანატოლიმ შეძრწუნებით დახედა მას. ვერ გრძნობდა, ვერ შეეცნო კავშირი იმ გასროლასა, რომელიც ეს-ეს იყო გაისმა და იმას შორის, რასაც ახლა ხედავდა. გაყინული თვალებით ახლა მხოლოდ პირდაპირ იყურებოდა და ეშინოდა, რომ თავი დაეხარა და კრავცოვისათვის შეეხედა.

— Плохо стреляют! — შეჰყვირა ჭორფლიანმა, და ამჯერად მისმა სიტყვებმა ანატოლის ნამდვილი სიხარული გამოიწვია. „მე არ მომიკლავს იგი, არ მომიკლავს, არც კი დამიჭრია! — სიხარულით, შვიებით შესძახა მან გულში. იგი სხვა რაღაც მიზეზით დაცემულა: ჯოხმა ვერ გაუძლო და

გადაუტყდა, ან უბრალოდ დაღლილობისა და ტკივილისაგან ფეხები ჩაეკეცა, მაგრამ ეს ხომ მე არა ვარ, მე არა ვარ!”
და ამ მომენტში ჟოჯინის ხმა გაისმა:

— ნება მომეცით მე, თქვენო კეთილშობილებავ, მე შევ-
ძლებ...

და დასტურის დაუცდელად მივიდა ანატოლისთან, აი-
ლო პარაბელუმში, რომელიც მას ხელიდან გაუვარდა, პერან-
გის კალთით ფრთხილად გაწმინდა, აუჩქარებლად დაუმიზნა
თავში მწოლარე კრავცოვს და ესროლა.

XVI

გენერალ ჰეპნერის სატანკო და მოტორიზებული დივი-
ზიების რუსეთში შემოჭრიდან ათი დღე-ღამის განმავლო-
ბაში მაიორი არნიმ დანვიცი და მისი ჯარისკაცები პირვე-
ლად შეფერხდნენ მიყრუებულ პატარა სოფელში, რომე-
ლიც გერმანიაში დამზადებულ არც ერთ საშტაბო რუკაზე
არ იყო აღნიშნული.

წინ ფსკოვია. მაგრამ დანვიცის ტანკები, ავტომანქანები
და მოტოციკლები უკვე მოწყდნენ ჰეპნერის მთავარ ძალებს
და თავიანთ ბენზინით მომმარაგებლებს. დანვიცს საწვავი
უთავდებდა და ეს იძულებითი დასვენება ახელებს მას, მაგ-
რამ უნდა დაელოდოს...

და იგი ზის მაგიდასთან კოლმეურნეობა „კრასნი ლუ-
ჩის“ ყოფილ კანტორაში.

იგი მარტოა, ღამეა. ოთახის ფანჯრებზე მჭიდროდაა
აფარებული ჯარისკაცური საბნები. რუსთა ავიაცია დრო-
დადრო ბომბავს ამ რაიონს. იატაკზე ახალდადვრილი სის-
ხლის ლაქაა: აქედან სულ ახლახან გაიტანეს ყოფილი კულა-
კის, გერმანულად „გროსბაუერის“ მიერ დახვერტილი ჩე-
კისტის გვამი. ყველგან რაღაც უწყებების, დახეული საკა-
ტროო წიგნების ნაფლეთები ყრია — ყველაფერი ეს მაგი-
დებიდან პირდაპირ იატაკზე გადმოუბერტყავთ დანვიცის
მეავტომატეებს. კედელზე გერმანული დანით გაფხრეწილი
სტალინის სურათი ჰკიდია.

კანტორის კარებსა და ფანჯრებთან გუშაგები დგანან.
დანვიცი მაგიდასთან ზის სქელ რვეულზე დახრილი. პირ-
ველ გვერდზე ჭერჭერობით მხოლოდ დღევანდელი თარიღი
აწერია. ეს დღიურია.

იქვე დევს ავტოკალამი.

მაგრამ სანამ წერას შეუდგებოდეს, დანვიცს სურს აზ-

რები მოიკრიბოს. სურს გაიხსენოს ყველაფერი იმ წუთიდან, როცა მიიღო ბრძანება გამოცხადებულიყო გენერალ ფელდმარშალ რიტერ ფონ ლეებთან, „ჩრდილოეთის“ არმიის ჯგუფის სარდალთან.

...იმ საათებში ფელდმარშალის შტაბი ჯერ კიდევ გერმანელთა მიწაზე, აღმოსავლეთ პრუსიის ტერიტორიაზე იმყოფებოდა, რამდენიმე კილომეტრზე საბჭოთა საზღვრიდან. მაგრამ სანიღბაჟი ფერებით შეღებილი, რადიოსადგურით, რუკების დასაწყობი გრძელი მაგიდებით, რბილი სავარძლებითა და საძინებელი კაბინით გაწყობილი საშტაბო ავტობუსი უკვე შტაბის შენობის ახლოს იდგა. ამ ავტობუსში გადასახლება სარდალს განზრახული ჰქონდა საომარი მოქმედების დაწყებამდე ორი საათით ადრე.

ფელდმარშალი დანვიცს არაერთხელ უნახავს ჰიტლერის მისაღებ ოთახში, მაგრამ პირადად არ იცნობდა და ქედმაღალი სარდლისადმი განსაკუთრებულ სიმპათიას არ გრძნობდა. მისადმი ასეთი ანტიპათიის რეალური მიზეზები დანვიცს არ ჰქონდა. უბრალოდ იგი იმ უნდობლობასთან შეერეული, გულში ჩამარხული შურის გავლენის ქვეშ იმყოფებოდა, რასაც ნაციონალ-სოციალისტური წრეები ძველი კადრის ოფიცრობის მიმართ განიცდიდნენ. უნდა ითქვას, ასეთი უნდობლობისთვისაც არსებითი მიზეზები არ არსებობდა, რადგანაც გენერალიტეტი არა. თუ მხარს უჭერდა ფიურერს, არამედ მნიშვნელოვანი როლიც შეასრულა, რომ იგი ხელისუფლების სათავეში მოქცეულიყო. მიუხედავად ამისა, მდიდარი ოჯახებიდან გამოსული ეს პრუსიელი არისტოკრატები, პოლკოვნიკები და გენერლები, რომელთა მამა-პაპებიც აგრეთვე პოლკოვნიკები და გენერლები ყოფილან, ზოგჯერ თავს-ნებას აძლევდნენ ირონიული შენიშვნები გაეკეთებინათ ფიურერისა და მისი გრემოცვის მისამართით. ეს კაიზერის ოფიცრები გუნებაში უკმაყოფილო იყვნენ, რომ ამჟამად მათ მბრძანებლობდა უთვისტომო ადამიანი, ყოფილი ეფრეიტორი. აბა, რომელი მათგანი დაიჯერებდა, რომ ფიურერი ფრიდრიხ დიდს, ნაპოლეონისა და მოლტკეს სამხედრო ნიჭს ითავსებდა მთლიანობაში.

მაგრამ ფიურერის აგენტურა უზადოდ მოქმედებდა და, მაშასადამე, გენერალთა ბუზღუნს დროგამოშვებით გიბულობდნენ ისინი, რომელთაც ამის ცოდნა ევალებოდათ.

ამან განსაზღვრა კიდევ ნაციისტური წრეების მხრივ კადრის გენერლებისადმი რამდენადმე იჭვნეული დამოკი-

დებულება, მიუხედავად იმისა, რომ ესენი სულითა და გულით ემსახურებოდნენ ფიურერს.

რიტერ ფონ ლეები სწორედ ამ ძველი ფორმაციის მხედართმთავრებს ეკუთვნოდა, რაც არა თუ ხელს არ უშლიდა, ყოფილიყო ფიურერის ყველა სამხედრო გეგმის თანამონაწილე, არამედ ამ გეგმათა რეალიზაციის ერთ-ერთი ხელმძღვანელიც გამხდარიყო. დასავლეთის ფრონტზე ფონ ლეები არმიების ჯგუფს სარდლობდა. მის სახელს უკავშირებდნენ „მაჟინოს ხაზის“ გარღვევას. ამისათვის იგი რაინდის ჯვრით იქნა დაჯილდოებული, თუმცა, არსებითად, არავითარი „გარღვევა“ არ ყოფილა — გერმანელებმა უბრალოდ ხაზს გვერდი აუარეს.

სწორედ ამ გარემოებათა მეოხებით დაინიშნა ფონ ლეები არმიების ჯგუფის „ჩრდილოეთის“ სარდლად, რომელსაც ჰიტლერმა ამოცანად დაუსახა სვლის შეუჩერებელი დაეპყრო ბალტიისპირეთი, ფინეთის არმიასთან ურთიერთმოქმედებით დაეპყრო ლენინგრადი და აღეგავა იგი პირისაგან მიწისა.

მაღალი, გამხდარი, სამოცი წლის ღინჯი ფელდმარშალი არა მარტო გამოცდილი სამხედრო პირი იყო, დიპლომატიაც ემარჯვებოდა.

ულმობელ, ძალაუფლების მოყვარულ ფელდმარშალს, რომელიც არც თუ ისეთ გულგრილობას იჩენდა ხელმძღვანელ ნაციისტურ წრეებში რეპუტაციის შესაქმნელად, კარგად შეესწავლა ჰიტლერის ხასიათი. იცოდა, ყოველი უძალდესი ოფიცერი, რომელიც ფიურერს ეჭვს აღუძრავდა, სტენას დატოვებდა. დიდი ცხოვრებისეული გამოცდილება და უკანასკნელი შვიდი წლის დაკვირვება უკარნახებდა მას, როცა გენერალთა ძველი თაობა ერთგულ ქვეშევრდომულად შეასრულებს თავის როლს ნაციისტური გეგმების განხორციელებაში, თანდათან განიდევნება ახალი თაობის მხედართმთავრების მიერ — ისეთების, როგორიც არიან მოდელი, რომმელი, ბერნერი, და, რასაკვირველია, იოდლი, — რომლებმაც საკუთარი ბედი თავიდანვე ნაციონალ-სოციალიზმს დაუკავშირეს.

რიტერ ფონ ლეებს ეს კარგად ესმოდა. ოღონდ გერმანელი მილიტარისტის ლოგიკით დაბრმავებული, იგი განუხრებლად მიდიოდა იმ გზით, რომელსაც ეს ლოგიკა უკარნახებდა.

მაგრამ ამასთანავე ფონ-ლეები ფრთხილიც იყო. როცა შეიტყო, ჰიტლერის ერთ-ერთი რჩეული ახალი ადიუტანტ-

თავანი, ვინმე მაიორი დანვიცი მივლენილია არმიების იმ ჯგუფის შტაბში, რომელსაც იგი მეთაურობდა, საჭიროდ მიიჩნია სათანადო ზომები ძიელო.

ეს დანვიცი რომ ფიურერის მსტოვარის როლს შეასრულებდა შტაბში, ამაში ფონ ლეებს ეჭვი არ ეპარებოდა.

რა თქმა უნდა, იგი შეიძლება მოისყიდოს ასე თუ ისე მაღალ და შედარებით უსაფრთხო საშტაბო თანამდებობაზე დანიშნენით. მაგრამ ცნობები, რომლებიც მიღებული ჰქონდა ლეებს დანვიცის შესახებ, მოწმობდნენ, რომ ამ მაიორის სახით უბრალოდ მორიგ ნაციისტურ კარიერისტთან, უწინარეს ყოვლისა. წოდებათა და ორდენთა მიღებითა და საკუთარი უსაფრთხოებით დაინტერესებულთან როდი აქვს საქმე, არამედ, იდეურ ნაციონალ-სოციალიზმის დოქტრინათა აუცილებლობაში დარწმუნებულ და უდავოდ გამბედავ ადამიანთან. ფონ ლეებს მოახსენეს, რომ დანვიცმა უარი თქვა საშტაბო თანამდებობაზე და მიზეზად დაასახელა დაპირება, რომელიც ჯერ კიდევ იოდლის შტაბში მიეღო, — რომ იგი ერთ-ერთი ბატალიონის მეთაურად დანიშნებოდა რუსეთზე შეტევის დროს.

ჩვეულებრივ პირობებში ვილაც მაიორის ბედი არასოდეს არ დაინტერესებდა ისეთი მაღალი რანგის მხედართმთავარს, როგორც ფონ ლეები იყო.

მაგრამ ამჯერად განსაკუთრებული შემთხვევა იყო... მას, ფონ ლეებს, თვითონ მოუხდებოდა ბედის გამოცდა ფიურერის მიერ განზრახულ ლაშქრობაში...

ფონ ლეები გაეცნო დანვიცის პირად საქმეს. იგი მისი პოლიტიკური კეთილსაიმედოობის ბრწყინვალე დახასიათებასა და ჩინებულ სამხედრო ატესტაციებს შეიცავდა და მიიღო გადაწყვეტილება, რის შედეგად მაიორი სარდალთან იქნა გამოძახებული.

როცა დანვიცის ნაციისტურ მისალმებას ნახევრად მოხრილი ხელის აგდებული აქნევით უპასუხა და მისი მოკლე პატაკი მოისმინა, ფონ ლეები ერთხანს დუმდა და დაჟინებით ჩასცქეროდა მაიორს. „ასეა, ასე, — ფიქრობდა ლეები, — ეს ახალგაზრდა კაცი ძალიან ეფექტურად გამოიყურება. ტანადია, მშვენიერი გამართულობისა. ცოტა ტლანქი სახე რომ არ ჰქონდეს და დუელის ნაიარევეები აჩნდეს, იგი ადვილად შეიძლებოდა მიგეჩნია ჩემი ყმაწვილობის დროის ოფიცრად, კადრის სამხედრო პირის კარგი პრუსიული ოჯახიდან გამოსულად... თუმცა მის სახეში არის სახელდობრ ის, რაც განსაკუთრებით ფასობს სწორედ ჩვენს დროში:

ქერა, მძიმე ნიკაბი, ტუჩების წერილი ხაზი, დაყინებული, გაშტერებული, ნაცრისფერი თვალები. აბა, შევეუდგეთ“...

— მე გადავწყვიტე, — დაიწყო ფონ ლეებმა და რამდენიმე ნაბიჯი წარდგა დანვიცისაკენ, — დაგაკისროთ თქვენ. მაიორო, საპასუხისმგებლო დავალება.

ახალი, მკრთალად მოპრიალე ჩექმები ოდნავ კრაჭუნებდნენ, როცა ფელდმარშალი მოძრაობდა ხოლმე პარკეტზე. ჩექმის თხელი ყელი მჭიდროდ ეკვროდა კანკებს. ფონ ლეები დანვიცისაგან რამდენიმე ნაბიჯის მოშორებით შედგა და გაჩუმდა, თითქოს უნდოდა შეეხედა, რა შთაბეჭდილება მოახდინა მაიორზე მისმა სიტყვებმა.

მაგრამ დანვიციც დუმდა. იგი გაუნძრევლად იდგა და გალაქული წინაფრით ეჭირა ქუდი, რომელიც ნახევრად მოხრილ ხელზე ედო. დაყინებული, გაშტერებული მზერით შესტკვროდა ფელდმარშალს სახეში, ცდილობდა აღბეჭდოდა მთელი მისი შესახედაობა — გრძელი, ვიწრო პირისახე, მუქი რგოლები ნაცრისფერი ცივი თვალების ქვემოთ, ცხვირის ორივე მხრიდან თითქმის ნიკაბამდე ჩამოყოლებული, ორი ღრმა ნაოჭი-კვალი, ჯაგრისებრი უღვაშები, თვალისმომკრელად თეთრად გახამებული საყელოს ნაწიბური, რომელიც ოდნავ იყო ამოწეული კიტელიდან, მკრქალად მბრწყინავი რაინდის ჯვარი.

ფონ ლეებს მოეწონა, რომ ახალგაზრდა ოფიცერი თავდაქერას იჩენდა და არ წარმოუთქვამს მაღალფარდოვანი ფრაზები ფიურერისა და დიადი გერმანიისადმი თავის ერთგულებაზე, სანამ ჯერ კიდევ არ მოესმინა დავალება, რომელიც მას დაეკისრებოდა.

მან ტუჩები დაღმიჯა — ფელდმარშალს აღიზიანებდა ახლახან გაკეთებული კბილის პროტეზი — და თქვა:

— არ დაგიმაღავთ, ეს დავალება არა მარტო საპასუხისმგებლოა და საპატიო, არამედ საშიშიც. თქვენ ხოუ? არაფერი გსურთ თქვით ამასთან დაკავშირებით?

— არა, ბატონო გენერალ-ფელდმარშალო, — მოკრით წარმოთქვა დანვიცმა.

— ძალიან კარგი, — აგრეთვე მოკლედ თქვა ფონ ლეებმა და წამის შემდეგ დასძინა: — მივიდეთ რუკასთან.

იგი პირველი მივიდა კედელთან, რომელსაც მძიმე ფარდები ჰქონდა აფარებული, და ერთბაშად მოსწია ფუმფულა ბოლოფოჩიანი ზონარი. ფარდები გასწია და გამოჩნდა დიდი, კედელზე მიმაგრებული რუკა შავი სწორი და გალუნჯული ისრებით.

— აქ, — მან გაიშვირა რუკისკენ საჩვენებელი თითი და ერთ ისარზე გადაატარა გრძელი, წვეტიანი და ბოლოში ოღნავ მოკაუჭებული ფრჩხილი, — ნაჩვენებია ჩვენი ჯგუფის ჯარების მთავარი დარტყმის მიმართულება. რუსთა ძირითადი ძალები ფრონტის ჩვენს უბანზე თავმოყრილია ლიტვაში, ლატვიასა და ესტონეთში.

ფონ ლეები წამით მიბრუნდა მის ზურგს უკან მდგომი დანვიცისაკენ, დარწმუნდა, რომ მისი მზერა რუკაზე იყო მიჯაჭვული, და განაგრძო:

— ჩვენ გავარდევთ ბალტიისპირეთის ოლქის თავდაცვის ზღუდეებს, რომელსაც ბოლშევიკები „განსაკუთრებული“ ეძახიან...

მან პაუზა გააკეთა, თითი გადაანაცვლა განიერ შავ ისარზე, რომელიც ნახევარწრიდ მოემართებოდა გერმანიის საზღვრიდან სამხრეთ-აღმოსავლეთისაკენ და შემდეგ მკვეთრად უხვევდა ჩრდილოეთისაკენ, და ოღნავ ხმის აწევით განაგრძო:

— ... შემდეგ კი სამხრეთიდან ერთდროულივე დარტყმით გამოვალთ აქეთ, ქალაქისაკენ, რომელსაც ოსტროვი ეწოდება. მე გავაპობ მთელი საბჭოთა ჯარების საზღვრისპირა დაჯგუფებას და მერე მოვჭრი ბალტიისპირეთში თავმოყრილ მთელ ძალებს. ხელთ რომ ჩავიგდებთ ოსტროვის და შემდეგ ფსკოვს, სრულ ოპერატიულ სივრცეს. მოვიპოვებთ ლენინგრადზე დასარტყმელად, ლენინგრადს ავიღებთ სკლის შეუჩერებლივ!..

იგი მოუბრუნდა დანვიცს.

— თქვენთვის გასაგებია ჩანაფიქრი, მაიორო?

მაგრამ მაიორი ხმას არ იღებდა.

„რატომ დუმს?“ — ჰკითხა თავის თავს ფონ ლეებმა. ახლა იგი უკვე უკმაყოფილო იყო ოფიცრის დუმილით. ფიქრობდა იმაზე, რომ ამ დანვიცს, ალბათ, თავი გატენილი აქვს უფრო ნაციონალ-სოციალისტური დოქტრინებით, ვიდრე ტაქტიკური ცოდნით. უბრალოდ, არ შეუძლია იაზროვნოს ოპერატიული ხელოვნების კატეგორიებით. მას კი, რიტერ ფონ-ლეებს, აქ ოცდათორმეტი რჩეული დივიზია ჰყავს და მთელი საჰაერო ფლოტი!

იგი დუმდა, აღიზიანებდა იმის შინაგანი განცდა, რომ ვიღაც მაიორს გადაუშალა თავისი ჩანაფიქრები. მაგრამ აქ მომენტში ალაპარაკდა დანვიცი:

— მე ვიცი, ბატონო ფელდმარშალო, რომ ოსტროვი რაიონში გადის სტალინის ხაზი. ჩვენ გავარდევთ მას ტან-

კების ტარანით... — თქვა მან და, როგორც მოჩადოებული, თვალმოუწყვეტლად განაგრძობდა რუკაზე ცქერას. — ფსკოვიდან ლენინგრადამდე უკვე მხოლოდ სამასი კილომეტრია. ისევ ტარანი — და ლენინგრადს ავიღებთ!..

მოულოდნელად მკვეთრად მიაბრუნა თავი ფონ ლეები-საკენ და შესძახა:

— ეს ჩინებულია!

რაიმე ემოციური შეფასება, თუნდაც დადებითი, უმაღ-ლესი სარდლობის გეგმებისა რიგითი ოფიცრის მიერ უტაქ-ტობად გაისმოდა, და ფონ ლეებს ეჩოთირა კიდეც. მაგრამ ამავე დროს ხალასი აღტაცება, რაც დანვიციის სიტყვებში გამოიხატა, ელაციცებოდა ფელდმარშლის თავმოყვარეო-ბას. მან ისიც შენიშნა, რომ ეტყობოდა, დანვიცს ყურად-ღებით შეუსწავლია მომავალ მოქმედებათა რუკა, იცის „სტა-ლინის ხაზის“ შესახებ და ასე თუ ისე, სწორად განსაზღვრა მანძილი ფსკოვიდან ლენინგრადამდე. მაგრამ ფონ ლეებ-მა გარეგნულად მაინც არაფრით არ გამოამჟღავნა თავისი კმაყოფილება და განგებ მშრალად წარმოთქვა:

— გარღვევის ამოცანა გენერალ-პოლკოვნიკ ჰებნერიის მეოთხე სატანკო ჯგუფს დაევალა.

იგი კვლავ გაჩუმდა. დანვიციც დუმდა. რამდენიმე წუ-თის წინათ იგი დარწმუნებული იყო, რომ ახლავე გაიგებდა, რად გამოიძახა ფელდმარშალმა. მაგრამ ამეამად?.. რა შუა-შია იგი აქ? მართლაც, იმისათვის ხომ არ გამოიძახა ფონ-ლეებმა, რომ გაეგო მისი აზრი თავისი გეგმების შესახებ. მაშინაც კი, თუ დავუშვებთ, რომ ფიურერმა შეასრულა თავისი დაპირება და გააგებინა ფელდმარშალს, მაიორი დანვიცი ჩემი ნდობით სარგებლობსო, იმ შემთხვევაშიც ვარაუდი, რომ სახელგანთქმული სარდალი თავს დაიმ-დაბლებდა და თავის ჩანაფიქრთა განხილვაში ვილაც, მა-იორს მიაღებინებდა მონაწილეობას, უცნაური რამ იქნე-ბოდა.

ამიტომ დანვიცი დუმდა. იგი უკვე ნანობდა, რომ თავი ვერ შეიკავა მგზნებარე გაკვირვებისაგან, რაც ეწინააღმდე-გებოდა სამხედრო სუბორდინაციას, მაგრამ იცოდა, ეს არ შეიძლებოდა გამხდარიყო მის მიმართ ფელდმარშლის რაიმე განზრახვის შეცვლის მიზეზი.

— ვერ ხვდებით, მაიორო, რად გიბრძანეთ გამოცხადე-ბულიყავით? — თითქოს დანვიცის ფიქრი ამოიკითხაო. ჰკითხა ფონ ლეებმა.

— არა, ბატონო, გენერალ-ფელდმარშალო! — მკაფიოდ

უპასუხა დანვიცმა და დასძინა — ყველა შემთხვევაში ჩემთვის ეს დაუმსახურებელი პატივია.

— თქვენ კიდევ უფრო მეტი პატივი მოგელით, — ძლიერ შესამჩნევი ღიმილის მალვით თქვა ფონ ლეებმა. — მე ვუბრძანე გენერალ ჰეპნერს შექმნას მეწინავე რაზმი — ოსტროვთან, სიღრმეში გამაგრებული რაიონის ხელში ჩამგდება ჯგუფი. მასში ყველა საჭირო მოძრავი საშუალება იქნება — სატანკო ქვეგანაყოფები, ამფითქებლები და ციკლმტყორცნები. მე უნდა გადავწყვიტო: ვის მივანდო ამ რაზმის მეთაურობა?..

დანვიცს მთელი ნებისყოფის დაჭიმვა დასჭირდა, რომ სახის გამომეტყველების სიმშვიდე დაეცვა და არ წამოსცდენოდა თავში მოსული პირველივე სიტყვები.

მთელი მისი არსება სიხარულმა, ალტაცებამ შეიპყრო. იგი ხომ უკვე მიხვდა, სრულად მიხვდა, რას ეხებოდა საუბარი!

მთელ ამ დღეებში დანვიცი, რომელიც დროებით მივლენილი იყო „ჩრდილოეთის“ ჯგუფის ჯარების შტაბში, უცდიდა შეპირებული ბატალიონის მიღებას და ევედრებოდა — ღმერთს კი არა, რელიგიურობას გასავალი არ ჰქონდა ნაციონალ-სოციალისტურ პარტიაში, იმ ძველ ტევტონთა სულის განმასახიერებელ უმაღლეს არსებას, იმ იღუმალ ძალებს, ფიურერის ყოველ ნაბიჯს რომ ხელმძღვანელობენ. მისცეს დანვიცს შესაძლებლობა ჩაიდინოს საგმირო საქმე დიად გერმანიის სასახელოდ. და აი ახლა...

— რადა ხართ გაჩუმებული? — მონოკლი გაიკეთა, და ეინებით შეაქცერდა დანვიცს და ჰკითხა ფონ ლეებმა.

— როდესაც გერმანელთა არმიის ოფიცერი დგას თავისი გენერალ-ფელდმარშლის წინაშე, მას აქვს უფლება მხოლოდ უპასუხოს და მორჩილებდეს, — უკიდურესად დაჭიმა კუნთები და ისე უპასუხა დანვიცმა.

— კარგი, — უთხრა ფონ ლეებმა და ოდნავ შესამჩნევად აამოძრავა წარბები: თვალის ფოსოდან მონოკლი გამოუვარდა და შავ აბრეშუმის ზონარზე ჩამოეკიდა. ხელები უკან შემოიწყო, თავი უკან გადახარა და წაწვეტიებული ნიკაბი კიდევ უფრო გაუწვრილდა. მერე დინჯად და გარკვევით წარმოთქვა: — მაიორო დანვიც, მზადა ხართ მიიღოთ ამ რაზმის მეთაურობა?

დანვიცმა ენის სწრაფი მოძრაობით გაილოკა გამშრალი ტუჩები და უპასუხა:

— მე ამას უდიდეს პატივად მივიჩნევ, ბატონო გენერალ-ფელდმარშალო.

— ფონ ლეებმა ოდნაე დაუქნია თავი:

— მე მოველოდი ასეთ პასუხს. თქვენ უნდა გამოცხადდეთ გენერალ ჰეპნერთან და ყველა შემდგომ ბრძანებას მისგან მიიღებთ. წაბრძანდით... თუმცა... დაიცათ. გზის დასალოცად მინდა გითხრათ რამდენიმე სიტყვა, თქვენ ისიც უნდა იცოდეთ, რომ ლენინგრადის აღება ჩვენმა ფიურერმა პირველ მიზნად წამოაყენა იმ გრანდიოზულ ბრძოლაში, რომლის დაწყებამდე ახლა მხოლოდ საათები დარჩენილა.

თქვენს რაზმს უდიდესი როლის შესრულება მოუხდება რუსეთის წინააღმდეგ საომარი ოპერაციების დაწყებიდანვე. როგორც მახვილის პირით, ჩვენ გავაპობთ მოწინააღმდეგის მთავარ ძალებს, გამაგრებულ რაიონში კი თქვენ გაუხსნით შემდგომ გზას გამრღვევ ძალებს. თქვენ გრძნობთ პასუხისმგებლობას, რომელიც გიკისრებათ?

— ჩემი სიცოცხლე ეკუთვნის ფიურერსა და დიად გერმანიას. — უპასუხა დანვიცმა და თან მხოლოდ იმაზე ფიქრობდა, რომ რაიმე უხერხული სიტყვით ან მოძრაობით საბაბი არ მიეცა ფელდმარშლისათვის შეეცვალა თავიანი გადაწყვეტილება.

— ყველა ჩვენგანის სიცოცხლე ეკუთვნის ფიურერსა და დიად გერმანიას, — წარბების ოდნაე ერთმანეთთან მიახლოვებით, დამრიგებლურად წარმოთქვა ფონ ლეებმა.

რამდენიმე ხანს დუმდა, ტანის რხევით ოდნაე აიწია ფეხის წვერებზე, მერე ჩქუსლებზე დაეშვა და თქვა:

— მე ვიცი, რომ თქვენ ფიურერის ნდობით სარგებლობთ. თქვენზეა დამოკიდებული კიდევ ერთხელ დაამტკიცოთ, რომ ღირსი ხართ ამ ნდობისა. ოპერაციის წარმატება თქვენი, ახალგაზრდა ოფიცრის წინაშე... განუსაზღვრელ პერსპექტივებს გადაშლის.

დანვიცს უნდოდა ეპასუხა, თვით ნდობა ფიურერისა ჩემთვის უმალღესი ჭილღო არისო, მაგრამ მაშინვე მიხვდა, ფონ ლეებს შეეძლო არასწორად გაეგო მისი ნათქვამი. აპიტომ ხმა არ ამოუღია.

ფელდმარშალმა კიდევ ერთხელ თავიდან ფეხებამდე დაქინებით შეათვალიერა დანვიცი და უთხრა:

— შეუდქით შესრულებას, მაიორო. გისურვებთ წარმატებას.

...როდესაც დანვიცმა კაბინეტი დატოვა, ფონ ლეები ერთხანს შეჰყურებდა კარს, რომელშიც ის-ის იყო გავიდა

მაიორი. იგი თავისი თავით კმაყოფილი იყო. ფონ ლეებს, რომელიც ინტრიგათა სამყაროში მუდმივი ეჭვიანობის ატმოსფეროში ცხოვრობდა და იცოდა გენერლების უცვლელი მისწრაფება — დაემსახურებინათ ჰიტლერის ნდობა და წყალობა, ესმოდა, რომ მაიორისათვის პერსონალური ოპერატიული დავალების მიცემა, ასე ვთქვათ, ფორმალური განკარგულების ჩვეულებრივ ჩარჩოებს სცილდებოდა. რა თქმა უნდა, იგი დიდ მნიშვნელობას ანიჭებდა გარღვევის სიღრმეში სიმაგრეთა ხელში ჩაგდების ჩანაფიქრს და, მაშასადამე, იმასაც, ვინ იქნებოდა ასეთი რაზმის მეთაური. იგი ყოველთვის გამოუძახებდა თავისთან ამ როლის კანდიდატს, რომ შექმნოდა მასზე თავისი შეხედულება.

მაგრამ ამ შემთხვევაში მან სხვა, არანაკლები მნიშვნელობის გარემოებებიც გაითვალისწინა. ფონ ლეებს არ უსდოდა თავის შტაბში ჰყოლოდა ჰიტლერის მსტოვარი. დანვიცი რომ ორდინარული ბატალიონის მეთაურის პოსტზე დაენიშნა, შეიძლებოდა თავის წინააღმდეგ აემხედრებინა ეს მაიორი. ფონ ლეები დარწმუნებული იყო იმაში, რომ მსგავსად დანარჩენი თავგამოდებული ნაციტებისა, დანვიციც ალბათ, ჩუმად ოცნებობს ისეთ უსაფრთხო თანამდებობაზე, რომელიც იმავე დროს მისცემს უფლებას მეტრძოლ ოფიცრად ითვლებოდეს. ცოტა კი არ ეგულდებოდა ასეთები.

ფონ ლეებმა დანვიცი დანიშნა რა გარღვევის ჩგუფის მუშინავე რაზმის მეთაურის საპატიო პოსტზე, ამით თავის შტაბსაც მოაცილა, მაგრამ მას, სულით ხორცამდე სამხედრომ კაცს, ესმოდა, რომ ჰენერლისა და მისი მოწინავე ნაწილების წარმატება წინასწარ განსაზღვრავდა ლენინგრადის აღების მთელი გეგმის წარმატებას და მაშასადამე, ფილდ-მარშალ რიტერ ფონ ლეების წარმატებასაც. იგი არასოდეს არ დანიშნავდა ასეთი რაზმის მეთაურად ისეთ ოფიცერს, რომლის ძალაშიც დარწმუნებული არ იქნებოდა.

დანვიცის პირადი საქმის შესწავლამ და იმ ადიუტანტების მოხსენებებმა, რომლებსაც მან დაავალა — დაკვირვებოდნენ ახალგაზრდა მაიორს, ფონ ლეები იმ დასკვნამდე მიიყვანეს, რომ იგი არ ცდებოდა, ანდობდა რა მას ამ რაზმის მეთაურობას. როგორც ყველაფრიდან ჩანდა, იგი ნიჭიერი, გულცივი და, გამბედავი იყო.

ოპერაციის წარმატების შემთხვევაში დანვიცს ჯილდოები და დაწინაურება მოელოდა. როცა იგი ამას მიაღწივს, არ შეიძლება არ გაიხსენოს, უწინარეს ყოვლისა, ვისგან არის ამით დავალებული. უეჭველია მაიორი ბევრჯერ მო-

ხვდება ჰიტლერის ბანაკში. ჰყავდეს იქ ისეთი კაცი, რომელსაც მან გზა გაუხსნა კარიერისაკენ, ფონ ლიებს მიტად მნიშვნელოვნად მიაჩნდა.

თუ დანვიცს ვერ გაუმართლდა და მოკლეს?.. რა კუყოთ, ომი ომია, რაზმის მეთაურის შეცვლა ძნელი არ არის მხოლოდ ერთი დანვიცი დააკლდება მის შტაბს...

... და აი გავიდა ათი დღე. ათი დღე მას შემდეგ, რაც დანვიცი იყო ფონ ლიებთან. ათი დღე იმ დროიდან, რაც გერმანელ-პოლკოვნიკ ჰეპნერის ბრძანებით ფორმირებულ იქნა მოტორიზებული დივიზიის მეწინავე რაზმი, გაძლიერებული ორი სატანკო ასეულით, მოტოციკლისტ-მეტყვიამფრქვევებით, აღჭურვილი დამატებითი ქვემეხებიანი და ნაღმსატყორცნებიანი ავტომანქანებით. რაზმში შევიდნენ ცეცხლმტყორცნი ტანკებიც და ამფეთქებლებიც.

ათი დღე-ღამე გავიდა იმ დროიდან, რაც ჰეპნერმა დანვიცს დაუწახა ამოცანა: საზღვრის გარღვევის შემდეგ იაროს სულ წინ, უეცარი ნახტომით ხელთ იგდოს პლაცდარში გამაგრებულ რაიონში ქალაქ ოსტროვთან.

და ათი დღე-ღამეა მიმდინარეობს შეუწყვეტილი სისხლისმღვრელი ბრძოლები, რომლებსაც აწარმოებდნენ ჰეპნერის მთავარი ძალებიც და დანვიცის რაზმიც.

ის, რასაც გერმანელები მაღალფარდოვნად „სტალინის ხაზს“ უწოდებდნენ და გაზეთებში აზვიადებდნენ როგორც ისეთ რამეს, რომელიც თავისი მიუვალობით აღემატებოდა „მაჟინოს ხაზს“ და „მანერჰაიმის ხაზს“ ერთად აღებულია, სინამდვილეში წარმოადგენდა ნაწილობრივ დემონტირებულ თავდაცვით ნაგებობას ძველ სახელმწიფო საზღვარზე. 1940 წლის შემდეგ საბჭოთა სარდლობა მას მეორეხარისხოვნად მიიჩნევდა. მთელი ძალ-ღონე ხმარდებოდა გამაგრებული რაიონების მშენებლობას გერმანიასთან ახალ-საზღვარზე, საბჭოთა კავშირის შემადგენლობაში შესული სამი ბალტიისპირა რესპუბლიკის ტერიტორიაზე. ეს ახალი გამაგრებული რაიონები, ბუნებრივია, არ შეიძლებოდა დასრულებულიყვნენ ესოდენ მოკლე ვადაში და 1941 წლის ივნისისათვის, მხოლოდ მშენებლობის სტადიაში იმყოფებოდნენ. გერმანიის სარდლობამ ეს კარგად იცოდა.

22- ივნისის საღამოთი გენერალ-პოლკოვნიკ ჰეპნერის მე-4 სატანკო ჯგუფის მოტორიზებული კორპუსები, დაძლიეს რა იმ საზღვრისპირა ჯარების კერათა წინააღმდეგობა,

რომლებსაც თორმეტი საათის წინ მოულოდნელად თავს დაატყდათ გერმანელთა ძლიერი საარტილერიო და საავიაციო ცეცხლი, უკვე კაუნასის ჩრდილო-დასავლეთით გაიჭრნენ. გენერალ ზოტის მე-3 სატანკო ჯგუფის ჯარებმა კი მოახერხეს ნემანის ფორსირება. რადგან ვერაგული თავდასხმის გამო საბჭოთა ნაწილებმა ვერ მოახერხეს ხიდების აფეთქება.

მაიორ დანვიცის მეწინავე რაზმი გარღვევის ადგილას მაშინვე შევიდა სამხრეთ აღმოსავლეთიდან. დანვიცი მთელი ძალებით მიისწრაფოდა ოსტროვის რაიონისკენ — თავისი მიზნისკენ, და კიდევაც მიაღწია მას. ივლისის დამდეგს მან შეძლო ამ გამაგრებულ რაიონში ხელთ ეგდო რამდენიმე ბეტონის დოტი-ბუნკერი. მათი უმეტესობა შეიარაღებასა და გარნიზონს მოკლებული იყო. ბალტიისპირეთიდან უკან დამხვემა საბჭოთა ჯარებმა და რეზერვებმა, რომლებიც მიეშურებოდნენ ამ რაიონში, ვერ მოასწრეს აქ ფავდაცვის ხაზის შექმნა.

დანვიცს შეეძლო ითქვა, რომ ბრწყინვალედ შეასრულა დავალება. მაგრამ, როცა კიდევ რამდენიმე კილომეტრი წაიწია ფსკოვის მიმართულებით, იგი იძულებული გახდა შეჩერებულიყო. ტანკებსა და ავტომანქანებს საწვავი უთავდებოდა. დანვიცმა ჰეპნერის შტაბში რადიოგრაფა გაგზავნა და ბენზინის გამოგზავნამდე სულის მოთქმის საშუალება მიეცა.

მაგრამ არა მარტო საწვავის ნაკლებობამ შეაჩერა მეწინავე რაზმის სვლა. უფრო სწორად რომ ითქვას, თვით ეს ნაკლებობა შედეგი იყო მდგომარეობისა, რომელიც არ გაუთვალისწინებიათ არც მაიორს და არც იმ პოლკოვნიკებსა და გენერლებს, რომლებიც რამდენადმე უფრო ნელა მოძრაობდნენ მთავარ ძალებთან ერთად, უკან მიჰყვებოდნენ დანვიცის რაზმს.

როცა ომის მეორე კვირის ბოლოს დანვიცი შეიჭრა იმ ბეტონის სიმაგრეთა რაიონში, რომლებიც ოდესღაც რუსებს აეშენებინათ საზღვარზე ბალტიისპირეთის სახელმწიფოებთან, მას ექვი არ ეპარებოდა, რომ სვლის შეუჩერებლივ აიღებდა მათ. რადიოთი მიღებული საჭაერო დაზვერვის მონაცემები მოწმობდა, რომ საბჭოთა ჯარების დიდი გადაადგილება აქ არ შეიმჩნეოდა. ყოველ შემთხვევაში დაზვერვა იმ დასკვნას გამოტანის საშუალებას იძლეოდა, რომ, თუ უკანდამხვე საბჭოთა ნაწილებს განზრახული ჰქონდათ გამაგრებულიყვნენ ამ ბეტონის დოტებში, დანვიცის რაზმის გამაღებულმა რეიდმა გაუსწრო ასეთ გან-

ზრახვას. რაზმმა უფრო ადრე მიიღწია გამაგრებულ რაიონს, ვიდრე საზღვრიდან უკან დამხვემა საბჭოთა ჯარებმა. საკითხავია, ითვალისწინებდნენ თუ არა ბოლშევიკთა გენერლები ძველი დოტი-ბუნკერების გამოყენებას? შესაძლებელია, ახლა ისინი მიზნად ისახავდნენ მთელი თავიანთი შენარჩუნებული ძალების კონცენტრირებას უშუალოდ ლენინგრადის დასაცავად.

ასე იყო თუ ისე, როცა დანვიცს გზად პირველი ისეთი მცირე თავდაცვითი ნაგებობები შეხვდა, რომ თითოეულ მათგანში ხუთ-ექვს რუს ჯარისკაცზე მეტი არ შეიძლებოდა ყოფილიყო, მან ამ დაბრკოლებას არავითარი მნიშვნელობა არ მიანიჭა. დარწმუნებული იყო, რომ სვლის შეუჩერებელივ აიღებდა. არავითარი „სტალინის ხაზი“ ჯერჯერობით მას არ დაუნახავს.

დანვიცის გულდაჩერებულობა კიდევ უფრო განმტკიცდა მას შემდეგ, რაც მისდა სასიხარულოდ, დარწმუნდა, რომ პირველი ბუნკერები ცარიელი იყო. ორ მეტრამდე სისქის კედლებიან რკინა-ბეტონის კოლოფებს ხახასავით დაელოთ ცარიელი ამბრაზურები!

შტაბის ავტობუსიდან დანვიცი ერთ-ერთ თავის ტანკზე გადაჯდა, დაივიწყა სიფრთხილე, საძვრენიდან ნახევრად ამოიწია, რომ უკეთ წარემართა ტანკების, ჯავშნოსნებისა და მოტოციკლისტების მოძრაობა, და გასცა ბრძანება შემდეგი გაშალებული ნახტომის გასაქეთებლად. მისი რაზმი კოლონად შემეჭიდროვდა.

და აი ამ მომენტში ერთ-ერთმა შორეულმა ბუნკერმა, დანარჩენებით ცარიელი რომ ეგონათ, მოტოციკლისტების წინააღმდეგ, რომლებსაც ყოველგვარი სიფრთხილე დავიწყებოდათ, უცბად ტყვიამფრქვევის საშინელი ცეცხლი გახსნა.

დანვიცმა მოასწრო დაენახა, როგორ ეცემოდნენ ძირს მოტოციკლისტები, როგორ ეხეთქებოდნენ აქეთ-იქით მართვას მოკლებული მანქანები. მოესმა ტყვიების ხშირი რაკარუკი თავისი ტანკის ჯავშანზე. სასწრაფოდ მიაჯახუნა საძვრენი და რადიოთი გადასცა ბრძანება საბრძოლო წესით გაშლილიყვნენ.

დაუდევრობის გამო, რასაც მისი ათეული მოტოციკლისტის სიცოცხლე შეეწირა, დანვიცი ცოფებს ყრიდა და ბრძანა წყეული ბუნკერისათვის რამდენჯერმე ესროლათ სატანკო ზარბაზნები.

ბუნკერი ჩაჩუმდა. დანვიცმა გადაწყვიტა, რომ მას ბო-

ლო მოედო და თუ ერთი მუჭი რუსი ჯარისკაცები სიკვდილს გადაურჩნენ, ყოველ შემთხვევაში ბრძოლის უნარი აღარ ექნებათ. ორ ჯავშნოსანს დოტთან ახლოს მისვლა უბრძანა.

დოტი კვლავინდებურად დუმდა. მაგრამ დატოვეს თუ არა ჯარისკაცებმა ჯავშნოსანი, რათა ნაგებობა დაეთვალიერებინათ, ისინი პირწმინდად მოცელა ტყვიამფრქვევის ახალმა გაათრებულმა ჯერმა.

მთელ ამ სურათს დანვიცი დურბინდით უცქეროდა. მან უკვე შეიყვანა თავისი ტანკი რაზმის საბრძოლო წესის სიღრმეში. ამ რაღაც რამდენიმე წუთში მომხდარმა ამბავმა იგი დაარეტიანა და ლანძღვა დაიწყო. დგას რაღაც ეულის ბუნკერი გზების გასაყარზე და მისთვის ვერ შემოგვივლია! მარცხნივ მოტოკოლონისთვის გაუვალი ტყეა გადაქიმული, მარჯვნივ — უსასრულო საფლობი ქაობები.

შექმნილი მდგომარეობის უაზრობას, დამამცირებლობას დანვიცი მოთმინებიდან გამოჰყავდა. ყველაფრიდან ჩანდა, რომ ბუნკერში მყოფ ადამიანებს გარედან რაიმე დახმარების იმედი არ უნდა ჰქონოდათ. მეზობელი ტყე დუმდა, მაშასადამე, საბჭოთა ნაწილები მახლობლად არ იმყოფებოდნენ. დაზვერვის მონაცემების მიხედვით ამ გზების გასაყარიდან სადღაც ჩრდილო-დასავლეთით განლაგებული სხვა დოტებიც დუმდნენ. შესაძლებელია ისინი ცარიელებია, როგორც ის ბუნკერები, რომლებიც დანვიცის რაზმმა უკვე ზურგში მოიტოვა. ისიც შესაძლებელია, რომ მათ მიახლოებას უცდიან? ასე იყო თუ ისე, დანვიცის შემდგომ წინსვლას აფერხებდა მხოლოდ ერთი უმნიშვნელო ბუნკერი. ამის შეგნება სამარცხვინო და დამამცირებელი იყო.

იმაში, რომ კიდევ რამდენიმე ხანი გაივლიდა და იგი მოსპობდა რუსებს, დანვიცს ეჭვი არ ეპარებოდა. მაგრამ ისიც აფიქრებდა, რომ ხუთიოდე საბჭოთა ჯარისკაცთან მის ამ უსახელო „ბრძოლაზე“ გენერალ ჰეპნერის შტაბში გაიგებდნენ. სწორედ ამაზე ფიქრი აშმაგებდა დანვიცს. მან გამოიძახა სატანკო ასეულის მეთაური და უბრძანა, რომ გამოეყო ცეცხლმტყორცნებით შეიარაღებული ორი მანქანა და ამოეწვა ბუნკერებში მყოფ ყოველი ცოცხალი არსება. დე, ცეცხლში ჩაიფერფლონ თვითმკვლელები!

ამ წუთში დანვიცს მოახსენეს, რომ მეკავშირეებმა აღმოაჩინეს ტელეფონის ხაზი, რომელიც შეიძლება ამ ბუნკერს სხვებთან აკავშირებდეს. ტელეფონის ტიბმა უკვე

ჩართეს ამ ხაზთან და რუსების რაღაც დალაპარაკებას ისმენენო.

ამ ცნობამ შეაჩერებინა დანეიცს გაცემული ბრძანების შესრულება. იგი ახალმა აზრმა შეიპყრო: შესაძლებელია ხელთ ვიგდო ცოცხლად ის ველურები, ის ფანატიკოსები? დავანახო ისინი ჩემ ფეხქვეშ გართხმულნი გერმანელ ჯარისკაცებს? ეს მართლაც, მოულოდნელი შეცდომისა და დანაკარგის კომპენსაცია იქნებოდა. ჰო, ეს იდეაა. დანეიცმა ბრძანა გამოეძახათ თარჯიმანი, ხანშესული კაპიტანი ზაიდინგერი, რომელმაც სავესებით რიგიანად იცოდა რუსული ენა: რამდენიმე წლის წინათ მას თითქმის მთელი წელიწადი ემუშავა მოსკოვში გერმანიის საელჩოს სამხედრო ატაშესთან.

დანეიცს კაპიტანი მოუყვანეს და ისინი ერთად წავიდნენ ტყეში, მეკავშირეებთან.

ჩამუხლული გერმანელი ეფრეიტორი დახრილიყო ხშირ ბალახში ძლივს შესამჩნევ მავთულზე და ყურზე ტელეფონის მილაკი მიეკრა. სულსწრაფი მოძრაობით დანეიცმა იგი ხელიდან გამოსტაცა ეფრეიტორს და ყური მიუგდო. ხმაურის, ტყაცანის და სხვა დაბრკოლებათა ფონზე დროგამოშვებით მოისმოდა ხმები. ეს ჩახლეჩილი, გულამოქცვნილი, ეტყობოდა, უკიდურესი აღელვების გამომხატველი ხმები იყო. რამდენიმე წამს დანეიცი დაძაბულად უგდებდა ყურს უცნობ სიტყვებს, თითქოს ცდილობდა ჩაწვდომოდა იმ მეორე, მისთვის მტრული სამყაროს საიდუმლოებას, და მერე ყურმილი ზაიდინგერს გადასცა. თარჯიმანი ჩაუტყდა და მილაკი ყურზე მიიკრა...

— ...ისინი დახმარებას თხოულობენ, — თქვა ზაიდინგერმა ერთი წუთის შემდეგ, ყურმილი დაუშვა და მუხლებს შუა ჩაიჭირა. — ამბობენ, რომ საბრძოლო მასალები უთავდებათ...

— მერე, მერე — მოუთმენლად მოითხოვა დანეიცმა. ზაიდინგერმა ისევ მიიკრა ყურმილი.

— ...მათ უბრძანებენ, დატოვონ ბუნკერი და დაიხიონ... — თქვა მან ბოლოს.

— ძალიან კარგი! — შესძახა დანეიცმა და ბრძანა დაეწესებინათ საგულდაგულო თვალთვალი ბუნკერზე და რაღაც უნდა დაჯდომოდათ ცოცხლად ჩაეგდოთ ხელში საბჭოთა ჯარისკაცები, როგორც კი ისინი შეეცდებოდნენ გასცლოდნენ იქაურობას.

მაგრამ გავიდა. კიდევ ნახევარი საათი, და იქიდან არავინ

არ გამოსულა. დამე ახლოვდებოდა. დანვიცმა ბრძანა ჩაერთოთ ფარები ბუნკერის ახლოს მდგარ მანქანებში. არ შეიძლებოდა იმის მოთმენა, რომ რუსები გამომძვრალიყვნენ. მაგრამ შუქი აინთო თუ არა, ბუნკერიდან კვლავ იმრავლა ტყვიამფრქვევის ჯერმა და ერთიანად ჩაამსხვრიეს ფარები. ყველაფერი ისევ სიბნელემ მოიკვა.

დანვიცის მოუთმენლობამ და სიშმავემ უკიდურეს საზღვარს მიაღწია. მან ისევ უბრძანა თარჯიმანს ჩართულიყო რუსთა სატელეფონო კავშირში და გადაეცა მათთვის წინადადება, დანებებულიყვნენ.

ზაიდინგერმა მიკროფონი პირზე მიიკრა და დინჯად და მკაფიოდ დაიწყო ლაპარაკი: Русские солдаты в бункерах! Вы окружены! Вы должны убиты каждый свой командир и комиссар и потом выходить! Вы сдаетесь и живете. Иначе вы будете сожжены немецкий огнем!

ზაიდინგერს რუსული ლაპარაკი შეეძლო, მაგრამ გრამატიკა არასოდეს არ უსწავლია. იცოდა, რომ ბევრ შეცდომას უშვებდა და ინსტიტუტურად ამის კომპენსირებას სიტყვების მაგრად და მკაფიოდ წარმოთქმით ცდილობდა. ერთი და იგივე სიტყვები რამდენჯერმე გაიმეორა და შემდეგ ყურმილი მიიკრა. ერთხანს მავთულის მეორე ბოლოდან არაფერი ისმოდა. ალბათ, რუსები დააბნია უცხო კაცის ხმამ, რომელიც უეცრად გაისმა.

შემდეგ კი ზაიდინგერს თავს გადაეწვოდა სიტყვათა ნაკადი. მან გულდასმით მიუგდო ყური და შეეცადა ხმაურში და ტყაცანში ჩაწვდომოდა მათ შინაარსს, და ბოლოს მიხვდა, ეს იყო მხოლოდ ლანძღვა-გინება! გერმანელისათვის უაღრესად შეურაცხმყოფელი, უაღრესად უხეში ლანძღვა-გინების ნიაღვარი.

მან ყურმილი დაუშვა და მოახსენა მაიორს რუსების პასუხი. დანვიცს სახე აელეწა. სატანკო ასეულის მეთაურს უბრძანა დაუყოვნებლივ, ახლავე გადაებუვა ბუნკერი. გაშმაგებული თავის ტანკში დაბრუნდა.

იგი აღიმართა ტანკის ჯავშანზე და შესცქეროდა, როგორ დაბორგავდნენ ალის ქავლები ბუნკერის ამბრაზურებზე. დაინახა, როგორ უპასუხეს რუსმა ჯარისკაცებმა ტყვიამფრქვევის ცეცხლით. ერთ-ერთი ცეცხლმტყორცნი ტანკი უცებ დადგა — ალბათ, ტყვიამფრქვევის ჯერი საჭვრეტე ჭოჭრუტანას მოხვდა. მეორე ტანკი თითქმის ზედ მიადგა ბუნკერს, ცეცხლის ქავლი ისევ შეიკრა ამბრაზურა-

ში... და ამ მომენტში გაისმა ყრუ, თითქოს მიწისქვეშა აფეთქება. ცეცხლმტყორცნი ტანკი თითქოს შეხტა და შეტრიალდა ადგილზე: მას მუხლუხო გადაუტყდა ან რაღაც ჩაიკედა.

ჩამობნელებული ცისა და მათუღლხლართების ცეცხლმოკიდებული პალოების ჩირალდნების ფონზე დანვიცმა დაინახა, როგორ ავარდნენ პაერში ბეტონის ნამსხვრევები და მიწის ქარბორბალები.

რა არის ეს? ვინ ააფეთქა ბუნკერი? დანვიცის ტანკებიდან რომელმა შეძლო ზარბაზნის მარჯვე გასროლით შეენგრია ამბრაზურა და გაენადგურებინა დოტი?

მაგრამ დანვიცის არც ერთ მანქანას, გარდა ცეცხლმტყორცნი ტანკებისა, ამ მომენტში ცეცხლი არ ჰქონდა მიმართული ბუნკერისადმი.

რუსმა ჯარისკაცებმა, რომლებსაც ბრძოლის გაგრძელების საშუალება აღარ გააჩნდათ, თვითონვე აიფეთქეს თავი.

... და აი დანვიცი ზის ამ მკედარ სოფელ კლეპიკში. მას მაინც მოუხდა განზე გადგომა რადგანაც საწვავი გამოელია. შეიძლება იგი ყოფნოდა კიდევ რამდენიმე კილომეტრზე, ამდენი დრო და ძალა რომ არ შეეღია ამ წყეულ ბუნკერისათვის.

ახლა იგი ზის ბენზინის მოლოდინში და ისევ და ისევ იხსენებს ახლახან გადახდილ მის დამამცირებელ ბრძოლას...

ვინ იყვნენ ისინი, ეს ფანატიკოსები? რამდენი იყვნენ? ექვსი, რვა, ათი?..მათი გვამები დამახინჯებულია, ნაკუწ-ნაკუწებად დაგლეჯილია. არც ერთი რუკა, არც ერთი დოკუმენტი არ დარჩენილა ბუნკერის ნანგრევებში, ყველაფერი დაიწვა, განადგურდა ცეცხლითა და აფეთქებით.

არა, ყველაფერი არ განადგურებულა. რაღაც ლითონის ყუთი იპოვეს, რომელსაც სახურავი გვერდზე მიდუღებოდა და ყუთი რომ გაეღოთ, საჭირო გახდა იგი ავტოგენით ამოეწვათ.

ყუთში აღმოჩნდა რამდენიმე ფურცელი ქაღალდი და ორი წითელი წიგნაკი. ისინი დაბრეცილან, ნახევრად ჩაფერფლილან. ზაიდინგერმა გაჭირვებით გაარჩია ფურცლებზე დაწერილი სიტყვათა ნაწყვეტები. ეს იყო ჯარისკაცთა — ბუნკერის დამცველთა გვარები. ფურცლები გრაფებად იყო დაყოფილი: გვარები, დაბადების წელი, პარტიულობა, საიდან მოვიდა. სტანდარტული რუსული

გვარები: ივანოვი, ვასილიევი, კოროსტილევი... შეიდიდან. ორი გვარის პირდაპირ იყო აღნიშვნები: «Член ВКП (б), Канд. ВКП (б)», სხვების პირდაპირ — «Б/п».

და ეს ნახევრად ჩაფერვლილი მუყაოსა და ქალაქის ნაგლეჯები ოდესღაც პარტიზლები იყო. მათ შორის — მოყვითალო ფურცელი, გაზეთის ნაფლეთი. მასზე წარწერა „სიკვდილი გერმანელ“...

ეს იყო ყველაფერი, რაც დარჩა ბუნკერისაგან, მასში მყოფი ადამიანებისაგან. რამ აიძულა ისინი, სიკოცხლის შენარჩუნების ცდას სიკვდილი რომ არჩიეს? შიშმა კომისრების წინაშე? მაგრამ, დოკუმენტების მიხედვით, აქ იყო მხოლოდ ორი კომისარი თუ კომუნისტი. დანარჩენებს ხომ შეეძლოთ მოეკლათ ისინი და ამით დაეხსნათ თავი: მათ ხომ მოზმინეს დანეციის მიმართვა.

მაგრამ ყველამ სიკვდილი არჩია. თვითმკვლელობა. და მათი წინააღმდეგობა ორ ათეულ ჯარისკაცად და ერთი ტანკის დაზიანებად დაუჭდა გერმანიას. ამან რაზმის წინსვლა რამდენიმე საათით შეაფერხა.

რისთვის განაგრძობდნენ ეს ადამიანები უაზრო წინააღმდეგობას? განა ცხადი არ იყო მათთვის, რომ დამარცხდებოდნენ?..

დიახ, ფიურერი მართალია. მხოლოდ სიკვდილი. მხოლოდ მოსპობა უნდა იყოს საბჭოთა ჯარისკაცების ხვედრი. არა მარტო კომისრებისა. არა. ყველასი. მხოლოდ მკვდარი რუსია კარგი. მხოლოდ მკვდარი.

დანეიცმა სხვა შემთხვევებიც გაიხსენა. ბრძოლის დროს ისინი ერთმანეთში ითქვიფებოდნენ, მაგრამ ახლა, დღიურში ჩასაწერად მათზე დაფიქრების წუთებში, ერთიმეორის მიყოლებით ამოტივტივდებოდნენ ხოლმე დანეციის მეხსიერებაში. ვიღაც ჯარისკაცმა, რომელმაც ვერ მოაწერო ხიდის დანადგვის დამთავრება გერმანელთა ტანკების გამალებით მიახლოებისას... ხილთან ერთად საკუთარი თავიც აიფეთქა. ასაფეთქებელი ნივთიერებით დაფლეთილი მისი ტანის ნაგლეჯების მონახვაც შეუძლებელი გახდა... მიღებული ცნობების მიხედვით, ვიღაც ფანატიკოსმა გლეხმა წყალი მოწამლა, ჩაყარა ქაში ქიმიკატები იმ მომენტში, როცა წყურვილით გულშელონებული დანეციის ჯარისკაცები ჭუჭყიან პატარა სოფელში შევიდნენ... დანეიცმა ბრძანა, იქვე, ჭის ოწინარზე ჩამოეხრჩოთ ის გლეხი.

დიახ, რომ დაუფიქრდე, მსგავსი შემთხვევა ბევრი იყო.

ტყვეობას რუსები სიკვდილს არჩევდნენ. თუმცა განა მას, დანვიცს, აქვს შესაძლებლობა ეჭახიროს ტყვეებს? მან უნდა გასწიოს წინ და მხოლოდ წინ!..

როდესაც დანვიცს მოახსენეს, რომ ერთი, წარსულში შდიდარი გლეხის — ბოლშევიკთა ტერმინოლოგიით ყოფილი „კულაკის“ — თქმით აქ, კლემიკში ჩეკისტი იმალებაო, ესე იგი ნამდვილი კომისარი, და კიდევ ვილაც ლენინგრაღელი ბიჭი, დანვიცმა ბრძანა, ორივე მოენახათ და მოეყვანათ.

ცუდად როდი გამოიყენა რუსის მიერ რუსის დაბეზღება... კომისარის გვამი ეს-ეს არის გაიტანეს ოთახიდან. სისხლის ლაქები იატაკზე ჯერ კიდევ არ შემშრალა.

ეს ბიჭი კი — ლაჩარია, რომელსაც ჯერ ხელში იარაღი არ სჭერია, მაგრამ თავის ტყავის შესანარჩუნებლად მზად იყო დაეხვრიტა კომისარი, შეწყნარებას იმსახურებს. მართალია კანკალებდა, დააცდინა. მისმა ტყვიამ ნახევარი მეტრით თავს ზემოთ გადაუარა კომისარს, ნატყვიარი კედელს ახლაც აჩნია...

დანვიცმა ინება ბიჭის შეწყალება. ბრძანა გაეშვათ იგი ტყეში, სადაც შესაძლებელია, დაეხეტებინან მარტოხელა რუსი ჯარისკაცები.

რასაკვირველია, მან ეს ბიჭი შეიწყალა არა გულკეთილობით — ასეთი უაზრო სიტყვა ქვეშარიტ გერმანელს არ სჭირდებოდა. ეს ტევტონური ეშმაკობაა. ჩავიდეს ეს ცინგლიანი ლენინგრაღში. უამბოს ყველა შემხვედრს გერმანელთა არმიის ძლიერებაზე. ერთი კვირის შემდეგ ხომ არმია ლენინგრაღში შევა. ეს დოცლაპიაც, როგორც სხვა მისთანები, იქ გამოგვადგება, როცა პასუხს მოვთხოვთ ლენინგრაღის კომისარებს...

ამბობენ, რომ მასთან ერთად ვილაც გოგო იყო, მაგრამ იგი სადღაც გამქრალა. რა თქმა უნდა, შორს ვერ წავა.

ჰო, ახლა იგი სამი-ოთხი საათი თავისუფალია, სანამ ბენზინს მოუტანენ... .

და აი იგი ზის თავის დროებით შტაბში, საკოლმეურნეო გამგეობის ყოფილ კანტორაში, და მთელი ამ დღეების განმავლობაში პირველად მიეცა საშუალება ჩაუფიქრდეს შეიგნოს ყველაფერი, რაც მოხდა...

... დიახ, ფიურერი მართალია, მართალი, როგორც ყოველთვის. დარტყმა, რომელიც მათ რუსებს მიაყენეს, უეცარი და თავზარდამცემი იყო. ეს ბელადის ღირსების შე-

საფერი გენიალური ჩანაფიქრია — დაცხობთ რუსეთს სწორედ ახლა, სანამ მას ჯერ კიდევ ვერ მოუხსწრია თავისი ახალი, დასავლეთის საზღვრის გამაგრება, არმიის ახლად შეიარაღება.

და მოხუცი ფონ ლეებიც თავისი მოწოდების სიმალეზე აღმოჩნდა. მისი გეგმა — ბალტიისპირეთში თავმოყრილ ჯარებზე დარტყმა და ერთდროულადვე ამ ჯარების შემოვლა სამხრეთ-აღმოსავლეთიდან — გერმანელი ჯარდლის ღირსია. შედეგად შევძელით ერთბაშად ოპერატიული სივრცის მოპოვება და პირდაპირი მიმართულებით მოკლე მანძილზე აღმოვიჩნდით მთავარ მიზანთან — ლენინგრადთან. დიახ, ყველაფერი კარგად მიდის...

და მაინც იყო ისეთი რამ, რაც დანვიცის ბუნდოვან, ანგარიშმიუცემელ მოუხსენრობას იწვევდა. მაგრამ საჭიროა ამაზე წერა თუნდაც დღიურში?..

მას თითქოს არ ჰქონდა შფოთის მიზეზი. იგი ფონ ლეებისა და ჰეპნერის მიერ დასახულ ამოცანას ასრულებდა. მისი რაზმი მიიწვრათოდა წინ როგორც გრიგალი, როგორც ქარბორბალა... ეს იყო საუკეთესო დღეები დანვიცის ცხოვრებაში. იგი შუაში მიჰყვებოდა შემტევ რაზმს შტაბის მანქანით. დროდადრო გადაჯდებოდა ხოლმე მეთაურისთვის განკუთვნილ ტანკში, როცა რაზმი მოწინააღმდეგეს შეხვდებოდა, და დანვიცს შეეძლო დარწმუნებულყოფი ფიურერის ოფიცრებისა და ჯარისკაცების საბრძოლო თვისებებში. უნდოდა, რომ ამ წუთებში იგი ენახათვით ფიურერს! ენახა იმ მომენტში როცა იგი, დანვიცი, ტანკის საძვრენიდან ნახევრად თავამოყოფილი, გაუპარსავი, დამტვერილი თმით, ბენზინისა და თოფის წამლის ნამწვით გაქლენთილი მიქროდა მტრის მიწაზე.

სადაც კი გაივლიდნენ, ისინი სრესდნენ და ცეცხლს უკიდებდნენ, ტყვიას უშენდნენ ყველაფერს: სოფლებს, განმარტოებით მდგარ ტყის საღარაჯო ჯიხურებს, ადამიანებს, რომლებიც გარბოდნენ შათი მოახლოვებისას... ისინი მიბრჩნით ესროდნენ ქვემეხებსა და ტყვიამფრქვევებს, პირდაპირ მანქანებიდან უშენდნენ ნალმტყორცნთა ცეცხლს, ტანკთა მუხლუხობით ქვლეტდნენ ლტოლვილებს, რომლებიც ხელს უშლიდნენ სწრაფად წინსვლაში. ფიურერის სიტყვებმა, რომ რუსეთი — ესაა სახელმწიფო, რომელიც არ სჭირდება მსოფლიოს და არა მხოლოდ დაპყრობილი უნდა იქნეს, არამედ მოისპოს, წაიშალოს გეოგრაფიულ რუკაზე, დანვიცისათვის კონკრეტული, ხილულა

და ხელშესახები შინაარსი მიიღო. მან ძლევამოსილების, ყოვლისშემძლეობის უდიდესი სიტკბოება იგემა.

მისი ოცნებები ახდა. მას წილად ხედა ბედნიერება — ყოფილიყო ფიურერის ერთ-ერთი პირველი ჯარისკაცი, მისი ჰეროლდი, რომელიც ადამიანებს დიადი გერმანიის ბელადის ნებას ამცნობს. მოსწონდა მას ასეთი ცხოვრება, როგორც საკუთარ სახლში, ისე გრძნობდა იგი თავს თავის ჰუჰუჰმოდებულ, გაუპარსავ, დაღლილ, ტლანქ, ქარისაგან გარუჯულ, და სროლისაგან გაფარვარებულ ავტომატიან ჯარისკაცთა შორის. მას აცხარებდა ბენზინისა და გადა-მეტხურებული ზეთის სუნი, მოტორების გუგუნი. სიამოვნებას ჰგვრიდა მბრძანებლობა უცხო მიწაზე, მის მცხოვრებლებზე, რომელთა სიკვდილ-სიცოცხლე მხოლოდ მას-ზეა დამოკიდებული...

და მაინც...

და მაინც გრძნობა ბუნდოვანი, აუხსნელი, შფოთისა კი არა, უფრო გაოცებისა, გაუგებრობისა, — რად იბრძოდნენ ასე გაშმაგებით მოწინააღმდეგეები, ეს უკვე განწირული ადამიანები, — ართულებდა დანეიცის აზრთა ნათელ თანმიმდევრულ მიმდინარეობას.

იგი წერდა, მაგრამ დროგამოშვებით კალამს განზე გადადებდა ხოლმე.

ესეც უნდა მოიხსენიოს თუ არა? რა მოხდება, მისი დღიური რომ ვინმეს ჩაუვარდეს ხელში?

უფლება აქვს თუ არა გადაიტანოს რუსების ფანატიკური წინააღმდეგობის ეპიზოდები, რაც არაფერს არ განსაზღვრავს გერმანიის დიდ ომში, თუ არმია მთლიანად ასე ძლევამოსილად მიიწევს წინ? გერმანიის რადიოს ყველა ცნობა მხოლოდ ადასტურებს ფიურერის ვარაუდებს...

ჯერ კიდევ რამდენიმე დღის წინათ რადიომ გადასცა ოტო დიტრიხის — გერმანიის მთავრობის ბეჭდვითი სიტყვის უფროსის პრესკონფერენცია. ფიურერის სახელით მან აუწყა მთელ მსოფლიოს, რომ რუსთა არმია განადგურებულია. „სამხედრო თვალსაზრისით, — თქვა დიტრიხმა, — საბჭოთა კავშირს ბოლო მოეღო“.

...მათორმა არნიმ დანეიცმა იცოდა, რომ ჯერ კიდევ პოლონეთთან, საფრანგეთთან და ბელგიასთან ლაშქრობებში ვერმახტის ბევრი ოფიცერი და გენერალი, სურვილით ანთებული, რათა დაეტოვებინა ისტორიისათვის თვითმხილველი დამოწმება დიადი გერმანიის ისტორიულ გამარჯვე-

ბებზე, დღიურის წერას შეუდგა. მასაც ცოტა ხომ არ აქვს დასაწერი...
იმ ხანებში არ იცოდა, რომ ყოველდღე წერს დღიურს გერმანიის სახმელეთო ჯარების შტაბის უფროსიც — გენერალ-პოლკოვნიკი ჰალდერი.

ივლისის პირველ დღეებში იგი წერდა: „გადაქარბებული არ იქნება ითქვას, რომ კაშპანია რუსეთის წინააღმდეგ მოგებულ იქნა 14 დღის განმავლობაში“... მაგრამ ცოტა მოგვიანებით ჰალდერმა ახალი ჩანაწერები შეიტანა: „ფრონტიდან მიღებული ცნობები ადასტურებენ, რომ რუსები ყველგან უკანასკნელ კაცამდე იბრძვიან... „ჩრდილოეთის“ არმიების ჯგუფის ფრონტზე გენერალ ჰეპნერის ტანკები ნელა მიიწევდნენ წინ...“

ეს იყო ლაკონიური საოქმო ჩანაწერი. მაგრამ ჰალდერს რომ გაეხდებოდა უფრო დაწვრილებით შეხებოდა გერმანელთა გამაფრთხილებელ აზრს, რომელსაც ეს ჩანაწერები შეიცავდა, ბევრ რამეზე მოუხდებოდა წერა...

და, უწინარეს ყოვლისა, იმაზე, რომ მიუხედავად ფაშისტური ჯარების წინსვლისა მთელ ფრონტზე, ამ წინსვლის ტემპები საგრძნობლად შენელდა.

და შენელდა ტემპი არა იმიტომ, რომ გერმანელთა ჯარებს აკლდათ ტანკები, ავტომანქანები და თვითმფრინავები. არა იმიტომ, რომ წვიმებისაგან ტლაპოდ ქცეული გზები უარესი აღმოჩნდა, ვიდრე სარდლობა ვარაუდობდა. არა იმიტომ, რომ დროზე საწვავს ვერ ღებულობდნენ. და არა იმიტომ, რომ ტაქტიკურ გაანგარიშებებში რალაც კერძო ხასიათის შეცდომები გაპარულიყო.

ეს ტემპები შენელდა იმიტომ, რომ საბჭოთა ჯარები, რომლებმაც ომის პირველ საათებში თითქოს ომის გამანადგურებელი დარტყმა განიცადეს, დღითიდღე, როგორც ჩანდა, სულ ახალ-ახალ ძალებს იკრებდნენ.

ყველაფერი, რითაც გერმანელები აპირებდნენ გაესრისათ ეს ჯარები და მათ უკან მდგომი ხალხი — ქურვეებით, ფუგასური ბომბებით, სახრჩობელებით, ტანკების, თვითმფრინავებისა და ავტომატების მხრივ უპირატესობით — არა თუ ვერ სრესდა მათ, არამედ მტრისადმი წინააღმდეგობის გაწევისა და სიძულვილის გრძნობას უძლიერებდა. და როცა კვდებოდა საბჭოთა მებრძოლი ამ სიძულვილს მეორე მებრძოლს გადასცემდა, და იგი, ცოცხალი, ორჯერ უფრო ძლიერი ხდებოდა.

აძლევდა თუ არა ჰალდერი თავის თავს ანგარიშს ყო-

ველივე ამაში ივლისის იმ დღეებში?... ესმოდა თუ არა, რომ იის მიერ ჩაწერილი სიტყვები: „რუსები ყველგან უკანასკნელ კაცამდე იბრძვიან“... — შეიცავდა გერმანიის არმიისათვის მრისხანე აზრს, რომლის მთლიანად შეცნობა მოუხდება მას არც ისე შორეულ მომავალში? საეჭვოა. ამის დრო ჯერ კიდევ არ დამდგარიყო. ჯერჯერობით გერმანიის სახმელეთო ჯარების შტაბის უფროსი გერმანული მეთოდურობით, ბუღალტრული სიზუსტით მხოლოდ ადასტურებდა ფაქტს, რომელიც საერთოდ აღმოსავლეთის ფრონტიდან, კერძოდ კი არმიების ჯგუფის „ჩრდილოეთის“ სარდლის შტაბიდან მიღებული ცნობებიდან გამომდინარეობდა. იმ დღეებში, ცხადია, ჰალდერი ამ ცნობებს რამდენადმე მაინც სერიოზულ, გადამწყვეტ მნიშვნელობას არ ანიჭებდა.

ბედმა არგუნა მას გადაეკითხა თავისი ჩანაწერი ცოტა მოგვიანებით. გადაეკითხა და ბოლომდე გაეგო მისი მრისხანე მნიშვნელობა.

XVII

ვალიცი და კოროლიოვი ერთიმეორის პირისპირ იდგნენ. კოროლიოვი კარგა ხანს ადგილიდან არ დაძრულა, შემდეგ ნელა გაიარა მკრთალად მოელვარე მუქ-ყვითელ პარკეტზე და ტყავის ღრმა საფარძელთან გაჩერდა.

— დაბრძანდით! — მბრძანებლურად უთხრა ვალიციმ, ხოლო როცა კოროლიოვი დაჯდა, თვითონ ისევ ისე იდგა. — ჰოდა, — განაგრძობდა იგი და ზემოდან დაჰყურებდა მჯდომარე კოროლიოვს, — მე არა მაქვს სურვილი მოვისმინო... ჰჰ... დაწერილებით. თქვენი თქმით, ჩემი ვაჟი და თქვენი ქალიშვილი... ერთი წუთი! — მან გამაფრთხილებლად ასწია ხელი, რადგან იფიქრა, კოროლიოვს სურს, შემაწყვეტინოსო. — მე ჯერ კიდევ ყველაფერი არ მითქვამს! თავს მოვალედ ვთვლი გაუწყობთ, რომ ჩემი ვაჟი ამჟამად ლენინგრადში არ იმყოფება, თორემ მერჩივნა, რომ თქვენთვის პირადად მიეცა განმარტება. კიდევ ერთხელ ვამბობ: არა მაქვს სურვილი დაწერილებით ჩავეწდე. გჯეროდეთ, დამიბრუნდება თუ არა ვაჟიშვილი, ვაუწყებ თქვენს... ვიზიტზე.

თვედორე ვასილის ძეს ეგონა, რომ ეს უფერული მოხუცი თავს დახრიდა მის მიერ წარმოთქმული დამამცირებელი სიტყვებით გულდამძიმებული, მაგრამ გაკვირვებით

შენიშნა, რომ კოროლიოვმა ოღნაე მოკუტა თავისი ისე-
დაც ნაოქთა ქსელით გარემოცული თვალები და რალაცნა-
ირი ცნობისმოყვარეობით, და ამავე დროს აგდებული გა-
ოცებით ათვალეირებდა მას, როგორც იშვიათ საკვირვე-
ლებას.

ვალიცკის არ ახსოვს, რომ მას ვინმე აგრე მიშტერებო-
დეს. მისთვის ახალი არ იყო მტრობით, პატივისცემით თუ
სიხარბით შემოხედვა, მაგრამ ეს კაცი შეჰყურებდა მას,
როგორც სამხეცეში მისული დამთვალეირებელი, რომე-
ლიც გალიის გისოსთან დგას და ცხოველთა სამყაროს რო-
მელიმე ეგზოტიკურ ეგზემპლარს ათვალეირებს. მან ვერ
გაუძლო კოროლიოვის მიშტერებულ, აბუჩად ამგდებ მზე-
რას. მიბრუნდა და მშრალად უთხრა:

— ვფიქრობ, ამით შეიძლება დამთავრებულად ჩავთ-
ვალთ ჩვენი საუბარი.

— მე ახლავე წავალ, — მშვიდად თქვა კოროლიოვმა.
— არცა მაქვს დრო ლაპარაკი გავაბა. მხოლოდ იმისთვის
მოვედი, რომ შეკითხა... თქვენი შვილისაგან რაიმე ცნობა
ხომ არა გაქვთ?

— ჩემი შვილი დასასვენებლად წავიდა არღადეგებზე,
— კოროლიოვისთვის არ შეუხედავს, ისე უპასუხა ვა-
ლიცკიმ, — ხოლო ეჭვი არ მეპარება, რომ იგი სულ მალე
დაბრუნდება, თუ მხედველობაში მივიღებთ... ექსტრაორდი-
ნარულ ამბებს.

— მაშ, თქვენ არ იცით, სად არის იგი?

— მე თქვენ გითხარით, რომ იგი დაბრუნდება ხვალ ან
ზეგ! — ხმას აუწია ვალიცკიმ. — ხომ არ გგონიათ... — მას
უნდოდა ეთქვა „მოწყალეო ხელმწიფე“, მაგრამ დროზე
მიხვდა, რომ ეს არა მხოლოდ უაზროდ, არამედ კომიკუ-
რადაც აქლერდებოდა, — ხომ არ გგონიათ, — გაიმეორა მან,
— რომ ჩემი შვილის ადგილსამყოფელს გიმალავთ?

კოროლიოვი მოულოდნელად ადგა და მიუახლოვდა
ვალიცკის.

— მომისმინეთ, — უთხრა მან მოზრდილი ადამიანის
საყვედურის ტონით, რომელიც გადამეტებით ანც მოზარდს
ანამუსებს, — თქვენი ანატოლი ჩემს ვერასთან ერთად გა-
ემგზავრა ბელოკამენსკში. მე ამის შესახებ არ ვიცოდი.
როგორც ვხედავ, არც თქვენ გცოდნიათ. ქალიშვილი ნა-
თესავებთან წავიდა. ისინი ტელეფონით გამოვიძახე. მით-
ხრეს, ვერა წავიდაო. თქვენი ანატოლი მათ ადრე უნახავთ.
ახლა კი ისიც არ მოღის. ჰო-და... მე შემოგვიარეთ გასაგე-

ბად, რამე ხომ არ იცით-მეთქი. ეგეთი ღროა... თქვენ კი სპექტაკლს მიმართავთ, როგორც თეატრში.

მან ხელი ჩაიქნია, მიბრუნდა და კარისკენ გაემართა.

— დაიცათ! — შესძახა ვალიცკიმ, და უნებურად ხმაში ხრინწი შეეპარა. — დაიცა, — უკვე უფრო წყნარად გაუმეორა

კოროლიოვი შედგა და მხარს ზემოდან ისე გადმოხედა ვალიცკის, როგორც შარვალზე ჩაბლაუქებულ გოშიას.

— ნება მიბოძეთ რამდენიმე კითხვა მოგცეთ, — მისთვის უჩვეულო თხოვნის ტონით წარმოთქვა ვალიცკიმ, რომელიც შიშობდა, ეს კაცი ახლავე წავა და ვერ გავიგებ, ანატოლის რა დაემართაო.

მაგრამ როგორც კი კოროლიოვი უკან მიბრუნდა შუა კაბინეტში, ვალიცკიმ ისევ მისთვის ჩვეული ქედმაღლური ლაპარაკის მანერას მიმართა.

— მე მაინც მინდა ვიცოდე, — თქვა მან და მარჯვენა ხელის ცერი ეილეთის ჯიბეში ჩაიყო, — სახელდობრ ვისთან მაქვს პატივი...

გამომწვევად შეხედა მან კოროლიოვს.

— რა გნებავთ თქვენ? სად ემუშაობ, თუ? — შეუბრაუნა მან კითხვა და გამხდარი მხრები აიჩეჩა. — აჰა, ინებეთ. — კოროლიოვმა ეს ზიტყვა „ინებეთ“ ძლივს შეკავებული დაცინვის ინტონაციით წარმოთქვა. — ოსტატად ემუშაობ კიროვის ქარხანაში, ასეთი ქარხანა თუ გაგიგონიათ. თქვენთვის რომ უფრო გასაგები იყოს, ყოფილ პუტილოვის ქარხანაში, — დასძინა მან უკვე აშკარა დაცინვით.

კვლავ შეათვალეირა ვალიცკი თავიდან ფეხებამდე, მერე მხრები აიჩეჩა და უთხრა:

— ბოღიში, ქარხანაში უნდა დავბრუნდე. დღეიდან ყაზარმულზე გადავედით.

— ყაზარმული? როგორ უნდა გავიგოთ ეს ქარხნის მიმართ? — მოულოდნელად ჰკითხა ვალიცკიმ. მას ხომ ყოველთვის ჰქონდა ქვეცნობიერი სურვილი, გაეგო რაიმე დაწვრილებითი ამბები, თუ რა ხდებოდა ქვეყანაზე, რომლისგანაც იგი არსებითად მოწყვეტილი იყო.

კოროლიოვმა მხრები აიჩეჩა:

— რა უნდა მაგის გაგებას? კიდევაც ვცხოვრობთ და კიდევაც ვმუშაობთ ქარხანაში.

— მაგრამ... რა მიზნით? — წამოცდა ვალიცკის. მაგ-

რამ იმ წამში მიხვდა, რომ მისი კითხვა სულელურად ეღერდა, მაგრამ შესწორების შეტანა უკვე აღარ შეეძლო, რადგან კოროლიოვმა მაშინვე ცივად უპასუხა:

— იმ მიზნით, რომ გერმანელები დავამარცხოთ.

იგი კარისკენ წავიდა.

— დაიცავ! — კვლავ და ამჯერად უკვე აშკარად დაბნეულად შესძახა ვალიცკიმ. — თქვენ... თქვენ მაინც არაფერი არ მითხარით... ანატოლის შესახებ!

— რაც ვიცოდი, გითხარით, — მშრალად უპასუხა კოროლიოვმა. — მეგონა, რომ თქვენ ჩემზე მეტი გეცოდინებოდით.

— არა, არა, ეგრე არ შეიძლება, — აჩქარებით ამბობდა ვალიცკი, თან კოროლიოვის გვერდით მიაბიჯებდა, ზოგჯერ წინ გაუსწრებდა კიდეც და სახეში შეჰყურებდა. — გთხოვთ დაბრძანდეთ... მე უნდა გავარკვიო... ახლავე ვეტყვი, მოგართვან ყავა ან ჩაი, რომელიც გირჩევნიათ... მაშა! ნასტია! — გასძახა და მისი ხმა ისევ ისე წივანა ფალცეტით აუღერდა.

— არა, ბოდიშს ვიხდი, არა მცალია, — ისევე მშრალად უთხრა კოროლიოვმა, — ყავა თქვენ თვითონ მიირთვით. მე კი უნდა ვიმუშაო...

და იგი გავიდა კაბინეტიდან. ერთ წუთის შემდეგ საპარადო კარის ჯახუნი მოისმა.

ვალიცკი მარტოდ დარჩა. მას რცხვენოდა. ერთი წამით წარმოიდგინა, წელან რა თავის დამცირებით ეხვეწებოდა კოროლიოვს დარჩენილიყო.

„სირცხვილია, სირცხვილი! — ეუბნებოდა თავის თავს თევდორე ვასილის ძე. — ყველაფერი ისეა, როგორც ცუდ ვოდვეილში... ბოლომდე არ მომისმენია და უმალ რა არ წარმოვიდგინე... ცხადია, ანატოლი რადაც ინტრიგაში გაება, მაგრამ ეგ კოროლიოვი, ეტყობა, აქ არაფერ შუაშია. და მოვიდა არა იმისთვის, რომ... ახ, სირცხვილი, დიდი სირცხვილი!“

მაგრამ თევდორე ვასილის ძე ვალიცკის თავისი ქცევის უფრო ობიექტურად შეფასების უნარი რომ ჰქონოდა, მიხვდებოდა, სირცხვილის გრძნობა, რომელიც აწუხებდა, წარმოიშვა არა მხოლოდ მისი უტაქტობისაგან. ეს უფრო სხვა რამით იყო გამოწვეული. თევდორე ვასილის ძეს ამცირებდა ის, რომ ასეთ დროს, როცა ყოველი ადამიანი რაიმე მნიშვნელოვან საქმიანობაშია ჩაბმული, იგი, ვალიცკი, არავის აღარ სჭირდება, ყველას გადაავიწყდა. და ერ-

თადრთი საბაბი, რომლის გამო მას ვილაყამ მიმართა, მისი ვაჟიშვილის სატრფიალო ინტრიგა აღმოჩნდა.

სირცხვილისა და დამცირების გრძნობას ამძაფრებდა იმის შეგნება, რომ ეს მუშა — პუტილოვის ქარხნის ოსტატი უფრო თავდაპირვით და ღირსეულად იქცეოდა, ვიდრე იგი. ყველაფრით ეტყობოდა, კოროლიოვს მხოლოდ ერთი რამ აინტერესებდა: საღ იმყოფებოდა მისი ქალიშვილი. ვალიცკიმ კი, იფიქრა...

— სირცხვილია! — თქვა ხმამაღლა თევდორე ვასილის ძემ და იმ წამსვე ცოლის ხმა მოესმა:

— ფეღია, ვინ იყო ის კაცი?

მარია ანტონის ასული კაბინეტის ზღურბლზე იდგა. მიუხედავად სიციხისა, დიდ ორენბურგულ შალში იფუთნებოდა და რაც იყო, იმაზე უფრო პატარა ჩანდა.

— შენი საქმე არ არის! — უპასუხა ვალიცკიმ.

— არა, ჩემი საქმეა! — მისთვის უჩვეულო დაყინებით შეეპასუხა მარია ანტონის ასული. — მან რაღაც თქვა ტოლიაზე, მე გავიგონე!

— ყურს გვიგდებდი?! — გაცხარებით შესძახა ვალიცკიმ. — ჰო, თქვა! მოვიდა ეცნობებინა, რომ შენი შვილი გაება რაღაც... რომანულ ისტორიაში. ღმერთმა უწყის, ვის გადაეკიდა! რომ იგი..

— არ გაბედო აგრე ლაპარაკი, არ გაბედო! — მოულოდნელი ხმის აწევით შეაწყვიტინა მარია ანტონის ასულმა. — მას ხომ სიკვდილთან შებრძოლება მოეღის, შენ კი...

ღედას თვალები ცრემლებით ავესო. იგი უხმოდ ტირილობდა: მის ქმარს ხომ ეჯავრებოდა მწუხარებისა თუ სიხარულის მძაფრად გამოსატვა. მარია ახლა აფეთქებას ელოდა, მაგრამ მისდა გასაკვირად თევდორე ვასილის ძე ხმას არ იღებდა.

იგი შუაკაბინეტში იდგა გრძლად ჩამოკიდებულ ბრინჯაოს ჭალის ქვეშ, რომელსაც თითქმის წვდებოდა ჭალარა თავით, იდგა გაუნძრევლად გაშეშებული.

მოულოდნელად — თითქოს მისდა შეუცნობად, თევდორე ვასილის ძე ცოლთან მივიდა და ვიწრო მხრებზე ხელი დაადო.

ქმარმა იგრძნო, როგორ შეაკრთო იგი ამ უჩვეულო შეხებით და მრავალი განვლილი წლის განმავლობაში პირველად შეეცოდა ცოლი.

— ტოლიას არაფერი არ ემუქრება, მაშა, — უთხრა მან,

— მას გაგრძელებული აქვს ვადა ინსტიტუტის დამთავრებამდე.

— არა, ფედია, არა, — უიმედოდ თქვა მან. — ეს ხომ ომია!

— სისულელეს ნუ ამბობ! — ისევ ჩვეულ ტონზე გადავიდა თევდორე ვასილის ძე და შეაწყვეტინა მას. — ეს ომი რამდენიმე დღეში დამთავრდება. მათ არ დასჭირდებათ ოცდასამი წლის გაუწვრთნელი ბიჭუნა, რომელსაც არასოდეს შაშხანა არ სჭერია ხელში.

— არა, ფედია, არა, — ისევ იმავე უიმედო დაყინებით გაიმეორა მარია ანტონის ასულმა. — შენ თვითონ არა გჭერა, რასაც ამბობ.

— შეწყვიტე! — შეჰყვირა ვალიცკიმ და მაშინვე მიბრუნდა, რადგანაც თავისი უკმეხობისა შერცხვა.

— კარგი, გავჩუმდები, — მორჩილად თქვა მარია ანტონის ასულმა. — მხოლოდ ერთი რამ მითხარი: იმ კაცმა იცის, სად არის ტოლენკა?

— იმან არაფერი არ იცის. მას ჰგონია, რომ ანატოლი მის ქალიშვილთან ერთად გაემგზავრა. მოვიდა გასაგებად, ხომ არ დაბრუნებულაო.

— ეს როგორ...

— არ ვიცი! — აშკარა სასოწარკვეთილების კილოთი შესძახა თევდორე ვასილის ძემ. — შეგიძლია გაიგო. მე არაფერი არ ვიცი! ახლა კი, გეთაყვა, თავი დამანებე.

და იგი არც შემობრუნებულა, ისე ნელ-ნელა წავიდა საწერი მაგიდისაკენ.

გავიდა კიდევ ორი დღე. არავინ არ მოსულა ვალიცკისთან, არც ტელეფონით არავის არ დაურეკავს. იმ საღამოს თევდორე ვასილის ძე გაუნძრევლად იჯდა თავის კაბინეტში სავარძლის ზურგზე გადაწოლილი. ხელები, ფეხები, თავი უცბად უჩვეულოდ დაუმიმდნენ. „რა უნდა ვქნა?“ — დაუსვა თავს კითხვა. მაგრამ პასუხს ვერ პოულობდა. ნელ-ნელა მოაჯლო თვალი თავისი კაბინეტის კედლებს, მძიმე მუქმწვანე ფარდებს, მომინულ წიგნის კარადებს, მოვარაყებულ ძველმოდურ ჩარჩოებში ჩასმულ სურათებს — ყველაფერს, რაც ყოველთვის იწვევდა მასში სიმშვიდეს, გულდაჩერებულობის, საკუთარი მნიშვნელობის შეგნების შეგრძნებას, რითაც იგი განცალკევებული იყო იმ ადამიანთა ფუჭი, მყვირალა, უვიცი, უსამართლო სამყაროსაგან, რომელთაც პატივს არ სცემდა.

მაგრამ ამჯერად სასიამოვნო გრძნობა აღარ ეკარებო-

და. თევდორე ვასილის ძემ უცებ პირველად შეამჩნია, რომ ფარდებს მტვერი დასდებოდა, რომ სურათების ჩარჩოებს ბევრ ადგილას ვარაყი მოსცლოდა, ბრინჯაოს ჭალის მქრქალ პლაფონებს მინები აკლდა.

მან თავი ჩალუნა, არ სურდა მათი ცქერა, და კვლავ დაუსვა თავს კითხვა: „რა უნდა ვქნა?“ უცერივ მის ცნობიერებაში გაისმა პასუხი: „არაფერი“. „რასაკვირველია, არაფერი! ვის უნდინხარ შენ? ვის სჭირდები?“

ვალიცკი იღაყვებით დაეყრდნო მაგიდას, ხელისგულე-ბი მჭიდროდ მიიჭირა ყურებზე, ცდილობდა რა ჩაეხშო ხმა, რომელიც თითქოს საიდანლაც ჩაესმოდა. ვინმეს რომ შესძლებოდა ენახა იგი ამ მომენტში! არა მარტო ენახა, არამედ ჩაწვდომოდა ფიქრებს, გრძნობებს ამ თითქოსდა ცივი, ევოისტი ადამიანისა, რომელიც იჭდა თავის ფართო, ძველმოდურ, მოჩუქურთმებულ ინკრუსტაციებით შემკულ შავი ხის მაგიდასთან და ხელები თავზე შემოეხვია.

იგი სასოწარკვეთილებისა და დამცირების წუთებს განიცდიდა. ჯერ კიდევ სულ ახლახან დარწმუნებული იყო, რომ ქვეყნად არ არის და არ შეიძლება არსებობდეს რაიმე, რასაც ძალუძს გამოიყვანოს იგი წონასწორობიდან, და ურღვიოს აზრთა ჩვეული მსვლელობა, შეფასებათა სისტემა, რომლითაც უდგება ადამიანებს, ამბებსა და საგნებს, ახლა კი თავს დათრგუნვილად, მოტეხილად გრძნობდა, თავისი უსარგებლობის, ზედმეტობის შეგნება აწუხებდა.

უცებ მიხვდა, რომ დღესა და გუშინ როდი გამოერიყა თავისი სურვილით გარემომცველ სამყაროს, ადამიანებს, ყველაფერს, რითაც ისინი ცოცხლობდნენ.

ამ წუთებში მას სძულდა თავისი თავი, წლების განმავლობაში დარწმუნებულმა, რომ იგი მის ირგვლივ მყოფ-თათვის შურისა და ფარული, მაგრამ მაინც პატივისცემის ობიექტია, უცბად შეიგრძნო, რომ ასეთად მხოლოდ საკუთარ წარმოდგენაში არსებობდა. და მას მოუნდა მოენახა გამოსავალი, მოეფიქრა, გაეკეთებინა ისეთი რამ, რომ ერთბაშად გაერღვია კედელი, რომელსაც ასე გულმოდგინედ, ასე მანიაკური სიჯიუტით აშენებდა წლების მანძილზე საკუთარ თავსა და ადამიანებს შუა. შეიძლება მას მოენახა ეს გამოსავალი, გვერდით რომ ჰყოლოდა თავისი შვილი, ანატოლი. შეიძლება მისი საშუალებით მოხაწილე გამხდარიყო იმ მრისხანე ამბებისა, რომლებიც შეიქრნენ ადამიანთა ცხოვრებაში. ანატოლი ხომ ცხოვრობდა იმ

ცხოვრებით, იმ ინტერესებით, იმ საზრუნავებით, რომლებსაც იგი ყოველთვის ირონიით უყურებდა, როგორც „ამაოებათა ამაოებას“, შეუთავსებელს იმ ნამდვილ ცხოვრებასთან, როგორიც თავისთვის გამოიგონა. ანატოლი რომ გვერდით ჰყავდეს!.. ახლა შეეძლო დალაპარაკებოდა მას, მოენახა საერთო ენა. მაგრამ ანატოლი არ იყო. სადაა იგი? რატომ დეპეშას არ აგზავნის, რატომ არ ბრუნდება?! ვისლა მოველაპარაკო? ოსმინინს? მაგრამ იგი შორს არის მისგან, მიუხედავად იმისა, რომ ფიზიკურად აქ არის, ქალაქში, სადაც გვერდით. დიახ, დიახ, იგი უკვე იქაა, „მამრალა ვქნა?! — ისევ და ისევ სიმწრით ეკითხებოდა თავს. თევდორე ვასილის ძე და ისევ ის ცივი, გულგრილი ხმა უპასუხებდა: „ახლა უკვე გვიანაა“.

იგი რამდენიმე ხანს ასე იჯდა. ხმა მიწყდა და მის მაგივრად ახლა რაღაც წყვეტილი რეკვა მოისმოდა.

ამ ხმებისაგან თავის დასაღწევად თევდორე ვასილის ძემ ყურები უფრო მაგრად დაიცო, და უცბად ვერ მიხვდა, რომ ტელეფონი რეკავდა.

მან სწრაფად სტაცა ხელი ყურმილს და იმისი შიშაჲ, დროზე თუ არ ვუპასუხე, ვაითუ ყურმილი დამიკიდონ, ხმამალა ჩასძახა: „გისმენთ!“

— ამხანაგი ვალიცია? — მოისმა. მამაკაცის უცნობი ხმა.

— მე ვარ ტელეფონთან, — უპასუხა ვალიციმ და ყურმილი მჭიდროდ მიიკრა ყურზე.

— გელაპარაკებით საარქიტექტორო სამმართველოს მორიგე. ამხანაგი როსლიაკოვი გთხოვთ, გამოცხადდეთ მასთან ხვალ დილის ცხრა საათისათვის. გესმით ჩემი ნათქვამი?

სხვა დროს მხოლოდ ერთი სიტყვა „გამოცხადდეთ“ საკმარისი იყო, რომ ვალიცია გაცეცხლებულიყო. ჩვეულებრივ მას „იწვევდნენ“, საზოგადოებრივ: „შემოიარეთ“, თვითონ დანიშნეთ თქვენთვის მოხერხებული დრო...

მაგრამ ახლა თევდორე ვასილის ძემ ამ სიტყვას ყური აარიდა.

— დიახ, დიახ, მეხმის თქვენი ნათქვამი, — საჩქაროდ უთხრა მან და გაუმეორა: — ხვალ ცხრაზე. — მერე გაუბედავად ჰკითხა: — თქვენ არ იცით, რაზე?

— ადგილზე გეტყვიან, — უპასუხა ხმამ.

გაისმა ტკაცუნი. ყურმილი ჩამოკიდეს.

ვალიციმ დადო ყურმილი, მერე ამოიღო ჯიბიდან

ცვირსახოცი და შუბლზე ოფლის წვეთები მოიწმინდა.

„რაში დაეჭირდი როსლიაკოვს?“ — გაიფიქრა ვალიცკიმ, ამჯერად არა გაღიზიანებით, არაკეთილგანწყობილებით, არამედ რალაცნაირი გულთბილობითაც.

მაგრამ აქვე გაახსენდა, რა აგდებით შეხვდა მას დღეს დილით როსლიაკოვი.

ამ მოგონებამ მისი აზრთა მსვლელობა მაშინვე ჩააყენა ჩვეულ კალაპოტში. ხოლო ის ფაქტი, რომ ასეთი უაღრესად სამოქალაქო პირი, რომელსაც არავითარი სამხედრო ცოდნა არ გააჩნია, არ დაივიწყეს ასეთ დღეებში, ნიშნავდა, რომ იგი შეუწაცვლებელია, რომ არ შეიძლება მას გვერდი აუარონ არა მარტო მშვიდობიანობისას, არამედ ომიანობის დროსაც!

მაშასადამე, მთელ მის მწარე ფიქრებს არავითარი საფუძველი არ ჰქონდა? მაშასადამე, იგი უბრალოდ გატეხა წუთიერმა სისუსტემ, თავისი თავის შეუფასებლობა გამოიჩინა?

იმის შეგნებამ, რომ მან ამჯერადაც გაიძარჯვა, თვედორე ვასილის ძეს სიამაყის გრძნობა მოჰკვარა. იგი წამოდგა, წელში გასწორდა, რამდენჯერმე გაიარ-გამოიარა ოთახში, კაბინეტის ღია კარიდან გასძახა, რომ ყავა გაემზადებინათ, და იმწამსვე საპარადო კართან ზარის ხმა მოესმა. ერთი წუთის შემდეგ კაბინეტში შემოირბინა აღელვებისაგან სუნთქვაშეკრულმა მარია ანტონის ასულმა და რალაც ქალაღლი გაუწოდა. ვალიცკიმ ხელიდან გამოსტაცა მას ნაცრისფერი ფურცელი. ეს იყო დეპეშა.

„ნუ ღელავთ ცოტა გავცივდი ჩამოვალ რამდენიმე დღის შემდეგ ანატოლი“.

ვალიცკიმ შვებით ამოისუნთქა — მის მხრებს კიდევ ერთი ტვირთი ჩამოსცილდა.

იმ დღეს, როგორც ჩვეულებრივ, იგი რვის ნახევარზე აღგა და ჩვეული გულმოდგინებით, აუჩქარებლივ ჩაიკვა.

თუ მაშინ, როდესაც თვედორე ვასილის ძე სამმართველოში მიდიოდა, გაუელვა აზრმა, იქნებ ჯობდა „პეპელას“ ნაცვლად ჰალსტუხი და ჯიბის ოქროს საათის მაგიერ მაჯის საათი გამეკეთებინაო. დღეს განსაკუთრებული კმაყოფილებით სწორედ ისე ჩაიკვა, როგორც ყოველთვის იცვამდა.

ფიქრი იმაზე, რომ აღამიანები იძულებული არიან, ასეთად სცნონ იგი, როგორიც არის, — თუშცა არასოდეს

და არაფერში ოდნავაც არ დაუთმია მათთვის — ვალიცის
დღეს განსაკუთრებით სიამოვნებდა.

ღრო ზუსტად მოზომა. შინიდან რომ გავიდა, ცხრას
ოცი უკლდა და სწორედ ცხრაზე უხმაუროდ შევიდა სა-
არქიტექტორო სამმართველოს უფროსის მოადგილის კაბი-
ნეტში.

ვალიცკი თავის ოდნავ დაკვირვებულ მიესალმა როსლია-
კოვს — არ შეეძლო ეპატიებინა მისთვის გუშინდელი მი-
ღება — და შეთავაზების დაუცდელად საწერ მაგიდასთან
მდგარი ორი სკამიდან ერთ-ერთზე დაჯდა. შინაგანი კმაყო-
ფილების გრძობით შეამჩნია, რომ როსლიაკოვი, ეს ჩვე-
ულებრივ თვითდარწმუნებული და მედიდური, ჩასუქებუ-
ლი, ხანდაზმული კაცი, დღეს გაუპარსავი იყო და თვალის
ქუთუთოები დასივებოდა. იგი მოქანცული და დაბნეული
ჩანდა.

— რით შემიძლია გემსახუროთ? — ცივად ჰკითხა ვა-
ლიცკიმ. იგი მსუბუქად დაყრდნობოდა ხის ჯოხს და თხოვ-
ნის მოსმენით წინასწარ ტკებოდა.

როსლიაკოვმა უხმოდ აიღო მაგიდიდან რაღაც საქაღა-
ლდე და გახსნა, პლასტმასის ჭიქაში ჩაწყობილი ფანქრები-
დან ერთი ამოიღო და ისე, როგორც ექიმი მიმართავს ხო-
ლმე მრავალრიცხოვან პაციენტებიდან მორიგს, გულგრი-
ლი, უფერული ხმით ჰკითხა:

— თქვენი ოჯახი, თევდორე ვასილევჩი, სამი კაცისა-
გან შედგება, ხომ ასეა?

— მაპატიეთ, რა? — გაოცებით შეუბრუნა კითხვა ვა-
ლიცკიმ, რომელსაც მოეჩვენა, რომ კითხვა ვერ გაიგო.

— მე გეკითხებით ოჯახის შემადგენლობაზე, — უფრო
ხმამაღლა და ამჯერად მკაფიოდ ხაზგასმულად გაუმეორა
როსლიაკოვმა. — სიაში აღნიშნული ხართ: თქვენ, თქვენი
მეუღლე მარია ანტონის ასული, სამოცი წლის და ვაჟი-
შვილი ანატოლი, ოცდასამი წლის, სამხედრო ვალდებუ-
ლი, ხომ ასეა?

— თქვენ აბსოლუტურად მართალი ხართ, — ცივად
და გაკვირვებით უპასუხა ვალიცკიმ, — მაგრამ მე არ მეს-
მის, საქმე რას ეხება.

როსლიაკოვმა თავი ასწია, დახურულ კარს შეხედა,
მზერა კვლავ ვალიცკიზე გადაიტანა და ხმადაბლა უთხრა:

— ევაკუაციას.

— რას? — შეუბრუნა კითხვა ვალიცკიმ.

— მე ხომ გითხარით, ევაკუაციას, — უილაჯოდ უპა-

სუხა როსლიაკოვმა. — პარტიის საოლქო კომიტეტის გადაწყვეტილებაა. რასაკვირველია, თქვენს შვილს ეს არ ეხება. უახლოეს დღეებში გაცნობებენ თქვენი ახალი საცხოვრებელი ადგილის შესახებ, აგრეთვე აქედან გამგზავრების რიცხვსა და საათს.

— მაგრამ... მაგრამ მე არსაით არ ვაპირებ გამგზავრებას! — აღშფოთებით შესძახა ვალიცკიმ, თუმცა ჭერ კიდევ ბოლომდე ვერ მიეცა ანგარიში თავისი თავისთვის როსლიაკოვის მიერ ახლახან ნათქვამი სიტყვების კონკრეტულობაზე, მაგრამ მათს აზრს უკვე მიხვდა.

როსლიაკოვმა საყვედურით გადააქნია თავი და მოქანცული ხმით უთხრა:

— ეხ, თევდორე ვასილევიჩ, როდის-ღა გაიგებთ, რომ თქვენ გსურთ თუ არა გსურთ, ყოველთვის როდია გადამწყვეტი! მე ხომ გითხარით: ოლქოკომის ბიუროს გადაწყვეტილება არის-მეთქი. ასეთი დაწესებულება, მგონი, გაგიგონიათ?

ვალიცკი სკამიდან წამოხტა.

— თუ თქვენ, — თქვა მან მაღალი, წვრილი ხმით, როგორც ყოველთვის იცოდა ძლიერი აღელვების დროს, — მხოლოდ გადამცემი ინსტანცია ხართ, კეთილი ინებეთ, მითხარით. მისამართი... ხელისუფალთა! თქვენ კი, პატივცემულო... ამხანაგო, უნდა მოგახსენოთ, რომ მე დავიბადე და გავიზარდე ამ ქალაქში. მასში ჩემი სახლები დგანან! და თქვენ ვერ შეძლებთ...

ბრაზისაგან, შეურაცხყოფისაგან მას სუნთქვა შეეკრა, გულამოქდარმა ნერწყვი გადაყლაპა, უნდოდა კიდევ რაღაც ეთქვა, მაგრამ ერთი სიტყვით ვერ წარმოთქვა, ჯოხი მაგრად დააბრაზუნა იატაკზე, შებრუნდა და თითქმის გაიქცა კაბინეტიდან.

...იგი სკვერით მიდიოდა ნევის პროსპექტისაკენ და ჯოხს მძიმედ მიაქნევდა.

— მზე კაშკაშებდა. ვილაც კაცები თბრილს აკეთებდნენ. „გასაოცარი გატაცებაა ყველაფრის თხრა და გადათხრა! — გაიფიქრა თევდორე ვასილის ძემ, — დღეს მოასხამენ ასფალტს, ხვალ ამოამტკრევენ და გადათხრიან ხოლმე“.

გაოცებულმა ერთი თვალის მოკვრით შეამჩნია, რომ მთხრელები არ ჰგავდნენ ჩვეულებრივ მშენებელ მუშებს: ამათ, ახალგაზრდებს თუ ხანდაწმულებს, პიჯაკები ეცვათ, ბევრ მათგანს ფარფლიანი ქუდი ან კეპი ეხურა.

მაგრამ ვალიცკის ამ უჩვეულო დეტალებისათვის მნი-

შენელობა არ მიუცია, მხოლოდ ავტომატურად აღიქვა ისინი და ისევ ისე აღშფოთებისაგან გონდაკარგულმა გასწია წინ.

იგი ისეთ მდგომარეობაში იყო, რომ არც კი უცდია ბოლომდე გაეაზრებინა როსლიაკოვის ნათქვამი. თევდორე ვასილის ძემ მხოლოდ ერთი რამ გაიგო: მას და მის ცოლს წინადადებას აძლევდნენ აბარგულიყვენ ლენინგრადიდან, სადაც ისინი არავის აღარ სჭირდება.

იგი მიდიოდა და გულმოსულად აკაკუნებდა ჯოხს, მწარე შეურაცხყოფის გრძნობით დაბრმავებული, არაფერს არ უყურებდა და ვერავის ამჩნევდა, სანამ განიერმა, ახალ-ამოთხრილმა თხრილმა გზა არ გადაუღობა.

თევდორე ვასილის ძე კინალამ შიგ ჩავარდა, რადგან თავაწეული მიდიოდა.

— ეშმაკმა უწყის ეს რაა! თხრიან სულელურ თხრილებს ქალაქის ცენტრში! — მისდა მოულოდნელად ხმა მადლა წამოიძახა მან და ძლივს დაიწვა წონასწორობა, უკან დაიწია და შორიანლო თხრილზე გადადებული ხის ბოგა დაინახა. ხალხიც სწორედ მასზე გადადიოდა.

— ძია, ეს თხრილი კი არა, ტრანშეა! — გაისმა ბიჭუნას ხმა სადღაც თევდორე ვასილის ძის ზურგს უკან. — რომ შიგ თვითმფრინავებს დაემალო!

ვალიცკი მიბრუნდა და დაინახა თორმეტიოდე წლის ბიჭი, რომელიც ავღებითა და შემწყნარებლობით შეპყურებდა მას.

— ეშმაკმა უწყის რაა! — უკვე წინანდელი დაჯერებულობის გარეშე წაიბურტყუნა ვალიცკიმ.

იგი ხალხის ნაკადს შეერია, ბოგა გადაიარა და ნევის პროსპექტზე გავიდა. ლიტენინის პროსპექტის კუთხეში შედგა და შეეცადა თავისი თავისათვის ანგარიში მიეცა, სახელდობრ, საით მიდიოდა.

წასვლითაც სად უნდა წასულიყო. დადგა კუთხეში და დაფიქრდა, დაბრუნდეს თუ არა უკან სამმართველოში და უთხრას იმ როსლიაკოვს — ახლა უკვე მშვიდად და მოთქრებულად, — რომ იგი არსად არ წავა. და მოვიდა იმის გასაგებად, განზრახული ხომ არა აქვთ ქალაქიდან მისი ძალით გასახლება.

თევდორე ვასილის ძე უკან უნდა შემობრუნებულიყო, მაგრამ მაშინვე უთხრა თავის თავს: „ტყუილი ამბავია. როსლიაკოვი აღმასრულებელია, მეტი არაფერი. იგი ყოველთვის მხოლოდ აღმასრულებელი იყო. იგი პაიკია. მაგ-

რამ მე, მე არა ვარ პაიკი, რომელიც შეიძლება გადასწიო ანდა ხელის ერთი გაქნევით გადააგდო დაფიდან!...”

გადაწყვეტილება უეცრად იქნა მიღებული. რალა თქმა უნდა, უმაღლეს უფროსობასთან უნდა მიხვიდე! იმათთან, რომელთა გადაწყვეტილება დაიმოწმა როსლიაკოვმა!.. მაგრამ შეუშვებენ, მოუსმენენ?

მაგრამ მარტო იმის ვარაუდმა, რომ ვიღაცას შეუძლია უარი თქვას მასთან, ვალიცისთან დალაპარაკებაზე, კვლავ თევდორე ვასილის ძის ძლიერი გულისწყრომა გამოიწვია. მან ჯოხი მოიქნია, თითქოს ვინმეს ემუქრებო, გადაჭრით გასწია გაჩერებისკენ, დაელოდა ავტობუსს, შეაღწია შიგ... და მხოლოდ კონდუქტორის ხმამ: „სმოლნი!“ — შეაწყვეტინა ფიქრები ვალიცის.

იგი ავტობუსიდან გადმოვიდა, რამდენიმე ნაბიჯი გადადგა, კუთხეში შეუხვია და სრულიად გაოცებული შედგა. უზარმაზარ, ფართოდ გადაჭიმულ სმოლნიში თეთრი ქვის შენობას, რომელიც ორ ფართად გაშლილიყო, გიგანტური მწვანე ბადე ჰქონდა აფარებული. ამგვარი ბადეები მათზე დაწებებული ბუტაფორული ფოთლეულითა და ხეთა სილუეტებით ვალიცის მხოლოდ თეატრში ენახა.

მაგრამ აქ ყველაფერი გაოცებდათ თავის მასშტაბებით. ბადე მიფარებული ჰქონდა ბევრ ასეულ კვადრატულ მეტრ ფართობს. ისეთ გამოცდილ არქიტექტორსა და ფერწერის ოსტატს, როგორიც ვალიცკი იყო, არ გაუჭირდებოდა წარმოედგინა, რომ ზევიდან სმოლნის უბანი ახლა უზარმაზარ ტყის ან პარკის მასივად მოჩანდა.

ერთხანს იგი უძრავად იდგა, ამ შენიღბვის მასშტაბითა და ჩანაფიქრის ეშმაკურობით გაოცებული, მაგრამ სულ მალე მისი აქ მოსვლის მიზანი გაახსენდა და შენობისკენ გასწია.

მრავალი წელი გავიდა, რაც თევდორე ვასილის ძე აქ ირ ყოფილა.

მის წარმოდგენაში სმოლნი იყო სიმბოლო იმ, ვალიცკისადმი მტრულად განწყობილი ძალებისა, რომელთა ნება-სურვილით იგი აი უკვე წლების განმავლობაში „შერისხულად“ ითვლებოდა და ასე თუ ისე საპასუხისმგებლო სამუშაოზე არ უშვებდნენ. ეს ძალები, თევდორე ვასილის ძის ტერმინოლოგიით, ნაცვალსახელით „ისინი“ აღინიშნებოდა. ზოგჯერ ამას დასძენდა სიტყვას „იქ“. „ამას უკვე „ისინი გადაწყვეტენ, გაანა „იქ“ ნებას მოგვცემენ!...” —

იტყოდა ხოლმე სარკაზმით ვალიცკი და გაურკვეველად ჩაიქნევდა ხელს.

იგი დიდ, მკრთალად განათებულ ვესტიბიულში შევიდა და დაბნეულად მიმოიხედა. მისგან ათიოდე მეტრზე დაბალი განიერი ქვის კიბის გადამტინხრავ ხის ბარიერში მხოლოდ ვიწრო გასასვლელი იყო დატოვებული. გასასვლელთან იდგა სამხედრო პირი. რომელსაც ლურჯციანი ქუდი ეხურა.

— „მაინც ვის უნდა მივმართო?“ — ახლა პირველად გაიფიქრა ვალიცკიმ. ყველა იმ სახელთაგან, რომელიც კი „სმოლნის“ ცნებას უკავშირდებოდა, მისთვის ერთადერთი ედანოვის სახელი იყო ცნობილი. იგი ამ კაცს არ იცნობდა, თუმცა დაუშვებლად მიაჩნდა, რომ ედანოვისათვის ვალიცკის გვარი არაფრის მთქმელი ყოფილიყო. ამიტომ გადაწყვიტა მისვლა უშუალოდ ედანოვთან.

და, გადასწია რა ოდნავ თავი და მთელი თავისი შესახედობით უნდოდა ეჩვენებინა, რომ იგი მნიშვნელოვანი და დამოუკიდებელი პიროვნებაა, თევდორე ვასილის ძე თამამად შეუდგა კიბეზე ასვლას.

როცა იგი ბარიერს მიუახლოვდა, სამხედრო პირმა ნაბიჯი გადმოდგა, გზა გადაუჭრა და კითხვის გამომეტყველებით შეხედა მისთვის ასე უჩვეულოდ ჩაცმულ უცნაურ კაცს, რომელსაც ხელში ჯოხი ეჭირა.

— თქვენი საშვი, — უთხრა სამხედრო პირმა.

— მე ედანოვთან მივდივარ, — თავის მოუბრუნებლად უთხრა ვალიცკიმ.

— საშვი მიბოძეთ, — თავაზიანად გაუმეორა სამხედრო პირმა და მთლად შეეკრა გასასვლელი.

— მე არქიტექტურის აკადემიკოსი ვალიცკი ვახლავართ! — მრავალმნიშვნელოვნად წარმოთქვა თევდორე ვასილის ძემ და ზემოდან გადმოხედა სამხედრო პირს, რომელიც მას მხრამდე ძლივს წვდებოდა.

— თქვენ გელოდებიან? — ცოტა ყოყმანის კილოთი ჰკითხა მან, მაგრამ ერთი ნაბიჯიც არ დაუხევიდა.

ვალიცკიმ პასუხი დაუგვიანა, იმაზე ფიქრობდა, დასაშვებია თუ არა წვრილმანი სიცრუით თავი დავიმცრო.

— არა, — ქედმაღლურად მიახალა მან, — მაგრამ მე მნიშვნელოვან, გადაუღებელ საქმეზე ვარ.

— მიმართეთ კომენდატურას, — უთხრა სამხედრო პირმა, სადღაც ქვევითკენ ანიშნა ხელით და დასძინა: — გათხოვთ გზა მისცეთ.

ვალიციმ ავტომატურად გადადგა განზე ნაბიჯი და გზა დაუთმო მის უკან მდგომ შეთაურებს, რომლებსაც ხელში პლანშეტები ეჭირათ, და ნელა ჩავიდა ქვევით.

საშვთა ბიუროს სარკმლიდან მას უთხრეს, ამხანაგ ჟდანოვს სამდივნოს ტელეფონით უნდა დაურეკოთო და მისცეს ნომერი. ტელეფონები იქვე კედელზე ეყიდა, მაგრამ იქ ადამიანები შეჯგუფულიყვნენ. ვალიციმ რიგს დაუცადა, ნომერი დაასახელა, მთელი თავისი წოდებები ჩამოთვალა და თქვა, ჟდანოვთან ლაპარაკი მინდაო.

მამაკაცის ხმამ თავაზიანად და მშვიდად უპასუხა, რომ ჟდანოვი ამჟამად ადგილზე არ არის და საექვოა იგი დღეს იქნეს სმოლნში.

— მაშ როგორ მოვიქცე? — დაბნეულად წარმოთქვა ვალიციმ. — მე უაღრესად საჭირო საქმე მაქვს...

ეტყობოდა, გაყვანილობის მეორე ბოლოს მდგომი კაცი პასუხზე ფიქრობდა, მოკლე პაუზის შემდეგ ვალიციმ გაიგონა:

— ერთ წუთს დაიცადეთ ტელეფონთან.

ყურმილში შორეული ხმა გაისმა, ვალიციმ ვერაფერი გაარკვია იმ აშკარად და არა მისი მისამართით წარმოთქმული სიტყვებიდან.

— მისმენთ? — კვლავ ხმამაღლა და გასარკვევად გაისმა ყურმილში.

— დიახ. დიახ! — საჩქაროდ დაუმოწმა ვალიციმ.

— მე შევეუთანხმდი ამხანაგ ვასნეცოვს. იგი მიგიღებთ. მიბრძანდით საშვთა ბიუროს სარკმელთან. რიგს გარეშე.

„ამხანაგი ვასნეცოვი ვინლა?“ — უნდოდა ეთქვა ვალიცის, მაგრამ მაშინვე გაახსენდა, რომ ქალაქის ხელმძღვანელთა ჩამოთვლისას არაერთხელ შეხვედრია ეს გვაჩი „ლენინგრადასკაია პრავდაში“.

— დიდად გმადლობთ! — შესძახა ვალიციმ გაცილებით უფრო გულითადად, ვიდრე ეს მას სურდა.

მან ყურმილი ჩამოკიდა და სარკმლისკენ გაემართა, ხოლო აქაც რიგი იყო. უცებ ხმა მოესმა: „ამხანაგი ვალიციკი!“ და ერთდროულადვე გაიწიეს იმ ადამიანებმა, რომლებიც სარკმელთან იდგნენ, და თვედორე ვასილის ძემ დაინახა სამხედროქუდიანი კაცის თავი. ვალიციკი სარკმელს მიადგა.

— თქვენი პარტიბლეთი, — უთხრა და სკამიდან წამომდგარი ისევ სკამზე დაეშვა. და როცა ვალიციკი შეაკვიერდა, შეამჩნია, რომ იგი სამხედრო პირი იყო, რომელსაც სალი-

ლევებზე სამი კუბი ეკეთა. იმავე დროს იგი გადაიხარა მაგიდაზე და გამოსწია ხელი სარკმლისკენ, რომელთანაც ვალიცკი იდგა.

— მაპატიეთ... მაგრამ მე არ ვირიცხები... — უნდოდა განეგრძო მას, მაგრამ სამხედრო პირმა შეაწყვეტინა:

— მაშინ პასპორტი.

— მაგრამ... მაგრამ პასპორტიც თან არა მაქვს, — კიდევ უფრო დაბნეულად წარმოთქვა ვალიცკიმ. — მე არქიტექტურის აკადემიკოსი გახლავართ! მთელი ქალაქი მიცნობს!..

სამხედრო პირმა თავი ასწია, გაოცებით შეხედა სახეზე „პეპელა“ — ჰალსტუხიან ქალარა კაცს. ადგა, მეორე მაგიდასთან მივიდა, ერთ-ერთი ტელეფონის ყურმილი ჩამოხსნა, მიკროფონს ხელი მიაფარა და რაღაც ილაპარაკა.

მერე იგი სარკმელთან მივიდა და ვალიცკისთვის არ შეუხედავს, ისე უთხრა:

— თქვენ ამხანაგ ვასნეცოვთან მიგაცილებენ. მოიცადეთ შესასვლელთან.

რამდენიმე წუთის შემდეგ თარჯთან მდგომ ვალიცკისთან ჩამოეშვა გიმნასტურასა და ჩექმებში გამოწყობილი ახალგაზრდა კაცი, რომელიც ცოტათი კოჭლობდა. მან რაღაც უთხრა საშვების შემმოწმებელ სამხედრო პირს, და მოულოდნელად მიმართა ვალიცკის სახელითა და მამის სახელით, თითქოს მისი დიდი ხნის ნაცნობი ყოფილიყო:

— თევდორე ვასილევეიჩ, გთხოვთ წამობრძანდეთ.

...დიდი, ნათელი ოთახის ბოლოში ორ განიერ ფანჯარას შუა მოთავსებულ მაგიდასთან იჯდა გამხდარი, შავთმიანი, გადაბმულწარბებიანი კაცი, რომელსაც უსაღილეებო გიმნასტურა ეცვა.

როდესაც ვალიცკიმ ოთახის ზღურბლზე ფეხი გადადგა, ეს კაცი წამოდგა, მაგიდას გამოსცილდა და მის შესახვედრად რამდენიმე ნაბიჯი გადმოდგა.

— გამარჯობათ, თევდორე ვასილევეიჩ, — უთხრა მან ვალიცკის და თავისი ძარღვიანი ხელი გაუწოდა.

ის, რომ ვასნეცოვმაც იცის მისი სახელი და მამის სახელი, ეამა მას. ერთგვარი უხერხულობის გრძნობით გაიფიქრა, რომ არ გაიგო წინასწარ, რა ჰქვია ვასნეცოვს, მაგრამ ეს გრძნობა იოლად ჩაახშო, როცა კვლავ მოიკრიბა მთელი აზრები თავისი აქ მოსვლის მიზნის ირგვლივ.

ვალიცკიმ შენიშნა, რომ ვასნეცოვი, ორჯერ უფრო ახალგაზრდა იყო მასზე, და იმ ფაქტმა, რომ მისი ბედი ასე-

თი ძუძუმწოვარას ხელშია, იგი კვლავ შეიპყრო დაძაბულობის გრძნობამ.

მაგრამ ჯერ კიდევ ერთი სიტყვაც არ ეთქვა. უხმოდ და ცივად, ღირსეული თავის დაქვერით ჩამოართვა გამოწოდებული ხელი, თუმცა არა მაშინვე, არამედ ცოტა შეყოვნების შემდეგ. ეს ჩვეულება აღრიდანვე ჰქონდა ვალიცკის შეთვისებული და ენმარებოდა იმაში, რომ მაშინვე დამყარებულიყო დისტანცია მასა და თანამოსაუბრეს შორის. მერე დინჯად მიმოავლო თვალი კაბინეტს, რომ მოენახა ადგილი ჯოხის მისაყუდებლად.

— გთხოვთ, — უთხრა ვასნეცოვმა და მაგიდისკენ წავიდა.

ვალიცკიმ ვერ გადაწყვიტა, სად დაეტოვებინა ჯოხი და გაჰყვა ვასნეცოვს. ტყავის სავარძელში ჩაეშვა, რომელზეც ვასნეცოვმა ანიშნა და ფეხებზეა მოქცეულ ჯოხს დაებჯინა.

ვასნეცოვი მაგიდას მიუჯდა და ვალიცკისკენ ოდნავ გადახრილმა, მშრალად, მაგრამ სავსებით თავაზიანად უთხრა:

— მითხრეს, რომ თქვენ მნიშვნელოვანი საქმე გაქვთ.

— მე არა ვარ დარწმუნებული, რომ საქმე, რომელიც მნიშვნელოვნად მიმაჩნია, თქვენც ასეთად მოგეჩვენებათ, ვინაიდან ის ჩემს მოკრძალებულ პიროვნებას ეხება, — თავდაპირილად და ოფიციალური ხაზგასმით დაიწყო ვალიცკიმ. — მე იძულებული გავხდი მოვსულიყავი ვიზიტად თქვენთან იმასთან დაკავშირებით, რომ ჩემი... — მან გააკეთა პაუზა და შეეცადა, მოენახა უჩვევი, ახლახან გაგონილი სიტყვის რაიმე შემცვლელი, მაგრამ ვერ მონახა და იგივე გაიმეორა. — ჩემი ევაკუაციის შესახებ.

ვასნეცოვმა წარბები ოდნავ შეიკრა — ახლა მათ სრულად დაუფარეს ცხვირის ფუძე, — ხელი ოდნავ ასწია, და უთხრა:

— მაპატიეთ, ერთი წუთი.

მან გამოსწია ხელი მაგიდის კიდისაკენ, იქ მდებარე საქალალდე გროვიდან ერთი საქალალდე ამოიღო, გახსნა, ისევ დახურა და უთხრა:

— ეს საკითხი უკვე გადაწყვეტილია, თვედორე ვასილევჩი! თქვენ პირველ რიგის ჩგუფში იქნებით ევაკუირებული. თქვენ არ გპირდებით თავის შეწუხება.

ეს სიტყვები მან მშვიდი, მაგრამ რალაც გულგრილი ტონით წარმოთქვა:

— ამხანაგო ვასხეცოვ, — თითქოს იატაკი უნდა გაბურღოსო, ისე მაგრად აყრდნობდა ჯოხს ვალიცკი, — მე არ ვიბედოვებ, რომ ჩემს სახელს რაიმე მნიშვნელობას ანიჭებდეთ. ამიტომ გავბედავ მოგახსენოთ, მე გახლავართ არქიტექტურის აკადემიკოსი, რომელსაც მომენიჭა ეს წოდება ჯერ კიდევ ათას ცხრაას თხუთმეტ წელს. ჩემი პროექტებით თავის დროზე, — ეს ორი უკანასკნელი სიტყვა განსაკუთრებული მახვილით წარმოთქვა, — ამ ქალაქში ამენდა სახლები! მე გახლავართ — თუ ეს ჩემს სასარგებლოდ მეტყველებს, — სარკაზმულად შენიშნა მან, — საპატიო წევრი უცხოეთის რიგ საარქიტექტურო საზოგადოებათა და...

იგი უცებ გაჩუმდა, როცა ვასხეცოვის სახეზე ოდნავ შესამჩნევი მოთენთილი, შემწყნარებელი ღიმილი დაინახა. მაგრამ ეს მაშინვე გაქრა, როგორც კი ვალიცკი გაჩუმდა.

— ჩვენთვის ეგ ცნობილია, — კვლავინდებურად მშვიდად და განრიდებულად წარმოთქვა ვასხეცოვმა, — და, მერწმუნეთ, ჩვენ შევეცადეთ ყველაფერი ეს მხედველობაში მიგველო. თქვენ და თქვენს მეუღლეს დაგეთმობათ კუპე საერთაშორისო ვაგონში. შეგიძლიათ თან წაიღოთ თქვენთვის საჭირო... ნივთები, მთავრობა გააკეთებს ყველაფერს იმისათვის, რომ ახალ საცხოვრებელ ადგილზე — რომელიც, ალბათ, იქნება სვერდლოვსკი — შეიქმნეს თქვენთვის მაქსიმალური კეთილმოწყობილობა, — დასძინა მან უკვე მწარე ღიმილის დაუფარავად, — მასთან, თქვენ გაემგზავრებით პირველ რიგში. სხვებზე ადრე. არ გვგონია, უფრო მეტი მოგვთხოვოთ.

ვასხეცოვმა გადაიწია გიმნასტურის მარცხენა სახელო, დახედა საათს და თქვა ისე, რომ ვალიცკის აღარ უყურებდა:

— ახლა კი უკაცრავად, ძალიან დაკავებული ვარ.

ვალიცკი მას უფრო და უფრო მზარდი გაოცებით უსმენდა. მან უკვე რამდენჯერმე დაალო პირი, რომ შეეწყვეტინებინა ვასხეცოვისათვის, მაგრამ იგი ყოველთვის გამაფრთხილებლად ასწევდა ხელს, როცა კი თევდორე ვასილის ძე შეეცდებოდა რამე ეთქვა. დაბოლოს ვასხეცოვი გაჩუმდა, ვალიცკი კი შესტქეროდა მას ფართოდ გახელილი თვალებით. მძიმედ სუნთქავდა, რეტი ესხმოდა. უნდოდა დაეყვირა: „ბოღვია!“, „სისულელეა!“ — მაგრამ ამის ნაცვლად მან დაბნეულად წარმოთქვა:

— მაგრამ... მაგრამ... მე არსად მინდა გავემგზავრო! თქვენ შეგიძლიათ ეს გამიგოთ? არსად!

მაგრამ მას მოეჩვენა, რომ ვასნეცოვმა ვერ გაიგონა მისი სიტყვები ან უბრალოდ მათ არავითარი მნიშვნელობა არ მისცა. მაშინ ვალიცკი წამოხტა, მთელი თავისი უზარმაზარი ტანით გაიჭიმა, იატაკზე ჯოხი დააბრაახუნა და იყვირა:

— მე არ მინდა თქვენი საერთაშორისო ვაგონება! არაფერი არ მინდა, შეგიძლიათ ეს გაიგოთ?! — მთელი ძალით მოისროლა ჯოხი და კიდევ უფრო ხმაძალდა განაგრძო: — მე მხოლოდ ერთსა გთხოვთ, რომ თავი დამანებოთ! მე არა ვარ ხარახურა, ძველმანი, რომელიც შეიძლება ნიჩბით მოხვეტო და სადღაც გაგზავნო! თქვენ არა გაქვთ უფლება! მე... მე სტალინს ვუდებებ! ეგ თვითნებობაა! მე...

მას ხმა ჩაუწყდა, როცა შეამჩნია ვასნეცოვის დაჟინებული და, როგორც მას მოეჩვენა, კუმტი მზერა. მიხვდა, რომ ზედმეტის თქმა მოუვიდა. კიდევ ერთი სიტყვა — და ეს ასკეტური გამომეტყველების გულქვა ადამიანი, რომელიც უეჭველად დიდი ძალაუფლებით სარგებლობს, ბოლოსდაბოლოს უბრძანებს დატოვოს კაბინეტი. დუმილი რამდენიმე წამს გაგრძელდა. ვალიცკი გაუნძრევლად იდგა, მაგრამ მთელი ტანით გამართული კი აღარა, უცებ მოხრილიყო წელში, ბებრულად, უნებისყოფოდ ჩამოეშვა გრძელი ხელები.

— კარგი, — თქვა მან ბოლოს ყრუდ, ძლივს გასაგონად. — ალბათ, ხელს გიშლით მუშაობაში. მაპატიეთ. ყველაფერი, რაც ვთქვი... უადგილოა. მე მხოლოდ მსურდა... სიმართლე გამეგო, ახლა კი წავეალ.

მან თვალით მოიძია თავისი გადაადგმული ჯოხი. ის ახლოს ეგდო, მაგრამ ვალიცკიმ იგრძნო, რომ ძალა აღარ შესწევდა დალუნულიყო მის ასაღებად. იგი ნელა მიბრუნდა გაჭირვებით გადადგა ფეხები, რომლებსაც ვერ ხრიდა და კარისკენ წავიდა.

— მოიცათ! — ვაისმა მის ზურგს უკან დაბალი ხმა.

ვალიცკი მობრუნდა და დაინახა, რომ მაგიდასთან მჯდომი ვასნეცოვი ამდგარიყო და ჩქარი, მოქნილი სიარულით მისკენ მოდიოდა.

იგი სულ ახლოს მივიდა ვალიცკისთან, პიჯაკის სახელოზე შეეხო და მოულოდნელად რბილად უთხრა:

— ბოდიში, ჩვენ, ალბათ, ერთმანეთს ვერ გავუგეთ.

არავინ არ გაიძულებთ დატოვოთ ქალაქი. და მაინც...
თქვენთვის უკეთესია გახვიდეთ.

— ეითომ რატომ? — კვლავ მიეცა ლონე და შესძახა
ვალიცკიმ.

— იმიტომ, რომ ქალაქს... საშიშროება ელის. ჩვენი
მატერიალური და... ინტელექტუალური ფასეულობის ლე-
ნინგრადიდან ევაკუირებით მათ მომავლისათვის დავი-
ცავთ. გამიგეთ, ეს ემოციის საკითხი არ არის, ეს ომის
ღრობის მოთხოვნაა.

იგი ლაპარაკობდა დაბეჭითებით, მაგრამ ნელა, პაუზე-
ბის დაკვირვებით, ყოველ სიტყვას გულდასმით წონიდა.

და სწორედ ეს მდგომარეობა, სწორედ იმის შეგრძნე-
ბა, რომ ვასნეცოვი ბოლომდე არ ამბობდა რაღაც მეტად
მნიშვნელოვანს, გადამწყვეტს, ვალიცკის ყველაზე მეტად
აოცებდა.

ბოლოს მან წყნარად ჰკითხა:

— მდგომარეობა ამდენად სერიოზულად მიგაჩი-
ნიათ?

— დიახ, — თვალში გაუყარა თვალი ვასნეცოვმა, ცო-
ტა ხანს გაჩუმდა და დასძინა: — თქვენ ხომ სიმაართლის
თქმა მთხოვეთ.

— მაგრამ რატომ-და... — ლამობდა დაეწყო ვალიცკის,
მაგრამ დადუმდა. უეცრივ ფიქრები გუნდებდა დაეხვივნენ.
უნდოდა ეკითხა, რატომ ვიხვეთ უკან, სადაა ჩვენი ტანკე-
ბი, ზარბაზნები, თვითმფრინავები, ვინაა დამნაშავე, რომ
გერმანელები ჩვენს მიწა-წყალზე აღმოჩნდნენ, რას ფიქ-
რობენ მარშლები, გენერლები, დაბოლოს, რას აკეთებს
სტალინი... მაგრამ ვერ შეძლო. არა იმიტომ, რომ უშინო-
და. უბრალოდ იგრძნო ვალიცკიმ, რომ მას არა აქვს ზნეობ-
რივი უფლება ყველა ამ კითხვის დასმისა. იგი მიხვდა, რომ
არავინ და არაფრით არ არის ვალდებული ანგარიში ჩააბა-
როს მას, რომ ამჟამად არ არიან და არ შეიძლება იყვნენ
„შეკითხვების მიმცემნი“ და „პასუხების გამცემნი“ და
ყველა ისინი, მათ შორის თვითონაც, ამიერიდან გაერთი-
ანებული არიან საერთო უბედურებითა და საერთო პა-
სუხისმგებლობით.

იმ წამში კარი გაიღო და ვილაყამ ხმამაღლა მოახსენა
ზღურბლიდან:

— სერგი ათანასევიჩ, სამხედრო საბჭოს სხდომა ორი
წუთის შემდეგ დაიწყება.

ახალგაზრდა სამხედრო პირი კარებში წელში გამარ-

თული იდგა და მოლოდინით შესცქეროდა ვასნეცოვს.
— მოვიღივარ, — მოკლედ თქვა მან. აჩქარებით დაბრუნდა მაგიდასთან. აიღო სქელი წითელი საქალაღდე, გახსნა, გადაავლო თვალი რაღაც ქალაღდს, საქალაღდე ისეე დახურა, თავი ასწია და თქვა: — მე უნდა წავიღდე, თევდორე ვასილევჩი, მაპატიეთ.

მან რამდენიმე ნაბიჯი გადადგა კარისაკენ, მერე შეჩერდა, ვალიცკის მიერ დაგდებული ჭოხი აიღო, თევდორე ვასილის ძეს გაუწოდა და უთხრა:

— მე მგონია, თქვენთვის ჭოხია გაემგზავროთ აქედან. იპისათვის კი რომ დარჩენა გასურდათ, მაღლობა გეთქმით. ეს არის ყველაფერი, რის თქმაც შემოძლია ამჟამად.

...მისაღებ ოთახში ვალიცკის უცდიდა იგივე ყმაწვილი კაცი, რომელმაც იგი აქ მოიყვანა. მან ხელის მოძრაობით მიიწვია თევდორე ვასილის ძე, კარებში წინ გაატარა და დერეფანში გვერდით გაჰყვა.

ისინი დაეშვნენ კიბით ხის ბარიერთან. ვალიცკი უცებ შეჩერდა.

— მაპატიეთ, — მიმართა მან კაცს, რომელიც მას მიაცილებდა, — რამდენი წლისა ხართ?

— მე? — დაბნეულად გაუმეორა კითხვა, მაგრამ მაშინვე უპასუხა: — ოცდაშვიდის.

— თქვენ... არმიაში არა ხართ?

ვალიცკიმ დაინახა, რომ მისი თანამგზავრი წამოწითლდა.

— არა-ა... — უპასუხა მან. და დასძინა: — აი მე ფეხი... მაგრამ ხვალ მივიღივარ აქედან. საპაერო თავდაცვის რაზმში.

„ისუღლეა, სისუღლეა, უტაქტობაა — გაიფიქრა ვალიცკიმ. — ხომ შევამჩნიე, რომ იგი კოკლობს“.

ისინი ბარიერთან მივიდნენ. გიმნასტურიანი ყმაწვილი კაცი და ბარიერთან მდგომი სამხედრო პირი ერთმანეთს შეაკქერდნენ. სამხედრო პირმა ხელისგული მიიღო ქულის წინაფრაზე და თქვა:

— გთხოვთ.

ერთი წუთის შეყოვნების შემდეგ ვალიცკი მიუბრუნდა თავის გამცილებელს და უთხრა:

— მაპატიეთ. მე მოხუცი ვარ და სუღელი.

და პასუხის დაუცდელად დაეშვა კიბეზე... ჭოხზე მძიმედ დაბჯენით რამდენიმე ნაბიჯი გადადგა ხეივანში, რომელსაც შესანიღბავი ბაღე ჰქონდა მიფარებული.

— „აგრეა — თქვა გულში თევდორე ვასილის ძემ, — მაშ, მოეხუცდი. მეტისმეტად მოეხუცდი. ეს აგრეა“.

მან კიდევ რამდენიმე ნაბიჯი გადადგა და უცბად გულის არეში ტკივილი იგრძნო.

— ცუდად ხომ არა ხართ? — მოესმა ხმა ზურგს უკან. ვალიციკი მიბრუნდა, დაინახა მის უკან მომავალი ხანშესული, სამხედრო პირი და ნაწყვეტ-ნაწყვეტ მიახალა:

— არა! აბა ვინ ვითხრათ?

იგი წელში გასწორდა, თავი გადასწია და ჩვეულებრივი, ზომიერი ნაბიჯებით განაგრძო გზა, ცდილობდა რა ჩაეხშო გულისტკივილი...

XVIII

...უკვე ცეცხლი მოსდებოდა ჩვენი ქვეყნის დასავლეთ ზღუდეებს. ხელში ჩაგდებულ ქალაქებში, დაბებსა და სოფლებში გერმანელები უკვე ამყარებდნენ „ახალ წესრიგს“ — ჩვენი ხალხისათვის ამ ორი საშინელი სიტყვის ასოებიდან აღამიანის სისხლი მოწვეითავდა. უკვე ათასობით საბჭოთა ჯარისკაცმა და მეზღვაურმა სიკვდილი ამჯობინა და ჩოქილ სიცოცხლეს — და ათეულობით მფრინავმა უკვე აიღო სტარტი თავისი აეროდრომიდან უკვდავებისაკენ.

ისინი ეთხოვებოდნენ სიცოცხლეს როგორც მეომრები, როგორც მეზრძოლები, როგორც გმირები.

მაშინაც კი როცა მათ შეიარაღება აკლდათ, იღვნენ სასიკვდილოდ თავგანწირულნი, ებრძოდნენ მტერს უკანასკნელ ჭურვამდე, უკანასკნელ ვაზნამდე, და არა იშვიათად თავიანთის ინახავდნენ ამ უკანასკნელ ტყვიას.

ისინი როდი იჩოქებდნენ მტრის წინაშე, მიწაში როდი ძვრებოდნენ ტანკთა ზეავეების გამოჩენისას, როგორც ამას მოელოდა ჰიტლერი, არა! საბჭოთა მეზრძოლებმა, რომლებიც ჯერ კიდევ გულში შეჰყურებდნენ მშვიდობიან ცას, ჯერ კიდევ მტრის ქვემეხთა გრუხუნსა და ფუფასური ბომბების აფეთქებას მიუჩვეველებმა, ახლა, ამ საშინელ საათებში, განსაკუთრებული, ყოვლისჩამწვდომი ძალით იგრძნეს, შეიგნეს რა ძვირფასია მათთვის სამშობლო...

ომის ალი დასავლეთ რაიონებში ბრიალებდა, მაგრამ მთელ ქვეყანას უკვე შეეცვალა სახე — ქალაქების ქუჩებმა, გზატკეცილებმა, სოფლის შარავზებმა პირქუში გამომეტყველება მიიღეს.

მშვიდობის დროს არმიის ცხოვრება, ჩვეულებრივ, ადამიანთა მილიონების თვალთაგან დაფარულია. ის მიმდინარეობს ყაზარმათა მაღალ ქვის კედლებს შიგნით, დასახლებული პუნქტებიდან დაშორებულ პოლიგონებზე, ევლთა და ტყეთა მიდამოებში, სადაც ტარდება მანევრები, აეროდრომებზე ზღვის სივრცეებზე, შტაბების კაბინეტებში.

წელიწადში მხოლოდ ორჯერ — სამაისო და სანოემბრო დღესასწაულებზე — არმიის ცხოვრება, თითქოს გარედ გამდმოსჩქეფაო, დასანახი ხდებოდა ქალაქის ცენტრალურ მოედნებზე, ზღვის სანაპიროს წყლებზე, მშვიდ ცაზე.

ომი სახეს უცვლის ქალაქს. ჩვეულებრივი მილიციელების მაგივრად გზაჯვარედინებზე მდგომი სამხედრო მარეგულირებლები, მწყობრად მიმავალი წითელარმიელები, საბარგულები, კაცმა არ იცის საიდან გაჩენილი ტანკები და ქვემეხები ავსებენ ქალაქის ქუჩებს. ტროტუარზე მდგარი ადამიანები შეშფოთებითა და იმედით შესცქერიან ამ უჩვეულო მოძრაობას. გრძნობენ, რომ დაიწყოს სრულიად სხვა ცხოვრება და ვინ იცის, რას უქადის მათ.

არა მარტო ქუჩები იცვლიან სახეს. ქარხნებსა და ფაბრიკებში, დირექტორთა კაბინეტებში, პარტიული კომიტეტების შენობებში გახშირდა სამხედრო პირების მიმოსვლა. ზოგ მათგანს ზომაზე დიდი ფორმის ტანაცმელი აცვია და ეს ადამიანები რომ ჯერ კიდევ გუშინ სამოქალაქო პიჯაკსა და ჩაშვებულ შარვალს ატარებდნენ, სიარულზე ეტყობათ და ლაპარაკის მანერაზეც.

ერთი შეხედვით თითქოს ამიერიდან არმიამ აიღო ხელში ხალხის ყოველდღიური ცხოვრების ხელმძღვანელობა და აწმყოსაგან წარსულის მოკვეთით მას ახალ, პირქუშ-შფოთიან ყოფას უკარნახებდა. სინამდვილეში ათასობით პარტიული, საბჭოთა და სამეურნეო ხელმძღვანელი რჩებოდა თავის პოსტზე, ან სცვლიდა ფრონტზე წასულს და პარტიულ ორგანიზაციებს წინანდებურად აწვათ ორგანიზაციისა და პასუხისმგებლობის მთელი ტვირთი, რომელიც ომის დღეებში ერთი ასად უფრო მძიმე ხდება.

თვალდათვალ იცვლიდა სახეს ლენინგრადიც.

პირველად ეს შენიშნეს მფრინავეებმა, რომლებიც პარტიულირებდნენ ქალაქის თავზე. — მათ წინათ ხილვადი ორიენტირები ეკარგებოდათ. გიგანტური სანიღბაჟი პა-

დით დაფარული სმოლნი თითქოს გაქრა და აქოჩრილი მცენარეულობის პარკად გადაიქცა.

გეგონებოდა ურიცკის მოედანიც თავისი ზამთრის სასახლითა და ოლქის შტაბითურთ გაქრაო.

გაქრა ხაკისფერით შთანთქმული ისაკის ტაძრის გუმბათის ოქროს ელვარება, შუქი დაეკარგათ პეტროპავლოვსკის ციხე-სიმაგრისა და საადმირალოს შესანიშნავ წვეტებს...

უკვე მრავალი კომუნისტი და კომკავშირელი წავიდა არმიასი პარტიული საგზურებით. უკვე ათობით გამანადგურებელი ბატალიონი — ლენინგრადელ მოხალისეთა პირველი რაზმები, შექმნილი მტრის პარაშუტისტებთან და დივიზიანტებთან საბრძოლველად, — მთელი დღე-ღამით მორიგეობდნენ ლენინგრადისკენ მიმავალ გზებზე, ქალაქის ქუჩებში და თავდაცვითი მნიშვნელობის საწარმოებთან. საღამოობით ათასობით ლენინგრადელი, პიჯაკებზე და სპეცტანისამოსზე წითელი სამკლავურებით, იკავებდა პოსტებს სახლების შესასვლელებთან, სხვენებზე და სახურავებზე.

და ამავე დროს გეგონებოდათ, გარეგნულად ლენინგრადის ცხოვრება ომის იმ პირველ დღეებში არ შეცვლილა და ქალაქის ქუჩებში მშვიდობა და სიწყნარე სუფევს და არ არის და არც შეიძლება არსებობდეს ძალა, რომელსაც შეეძლოს ჩაახშოს უქრობი სიცოცხლეგამძლეობა და რწმენა მომავლისადმი, რაც ასე მძლავრად ჩქეფს ამ ქალაქში.

წინანდებურად ვაქრობდნენ ყვავილებით კიოსკები ნევის პროსპექტის კუთხეებში. საღამოობით წინანდებურად სავსე იყო ხალხით პარკები, რესტორნები და კაფეები.

და ჩანდა სიფხიზლისაკენ მომწოდებელ შემაშფოთებელ ცნობებს, ფერად პლაკატებს, ახლა სახლების კედლებს რომ ფარავდა, ადამიანები ჭერ კიდევ აღიქვამდნენ, როგორც დროებითს, რომელსაც არ შეეძლო შეეცვალა ის, რაც ჭერ კიდევ გუშინ მათ ცხოვრებას შეადგენდა შეიძლება ყველაფერი ეს ასე იმიტომ იყო, რომ ომი ჭერჭერობით სადღაც შორს, ასეული კილომეტრის იქით მიმდინარეობდა — ყოველ შემთხვევაში ასე ფიქრობდნენ ლენინგრადელები, რომლებიც ინფორმაციურ დაგვიანებულ ცნობებს კითხულობდნენ. ძალზე დიდი იყო მათი რწმენა წითელი არმიის ძლიერებისადმი და სურვილი იმისა, რომ ყველა მისი წარუმატებლობა ჩაეთვალათ,

როგორც არაარსებითი რამ, სარდლობის მიერ წინასწარ გათვალისწინებული და მაშასადამე არ შეიძლებოდა მას სერიოზული შედეგები მოჰყოლოდა. დადიოდა ხმები ჩვენი ჯარების მიერ უკვე მოპოვებულ გადაწყვეტ გამარჯვებათა შესახებ, რომელსაც რალაც მოსაზრებით ჯერ არ აცხადებდნენ.

და თუ ამ გამარჯვებების შესახებ ადამიანები ვერაფერს პოულობდნენ ინფორმაციურად დილის ცნობებში, მაინც სწამდათ, რომ საღამოს ცნობებიდან გაიგებდნენ რამეს...

მხოლოდ სანიღბავბადეაფარებულ სმონში, რომლის ჩაბნელებული ფანჯრებიდანაც ღამით ოდნავი სინათლე არ გამოკრთოდა, მხოლოდ ყოფილ დვორცოვიაის მოედანზე მდებარე ლენინგრადის სამხედრო ოლქის შტაბის შენობაში მყოფ სამხედრო და სამოქალაქო პირებს ესმოდათ რამდენად დიდი იყო საშიშროება და რა სწრაფად გვიახლოვდებოდა იგი.

ამ ადამიანებს უკვე სამი დღე-ღამე არ უძინიათ და ტელეფონზე ლაპარაკით ხმა ჩახლეჩოდათ. ისინი ლენინგრადისაკენ მიმართული ისრებით აჭრელებულ რუკაზე დახრალიყვნენ და თან გაფაციცებით აღეგნებდნენ თვალს როგორ მოკოცავდნენ ქალაქის ვიწრო ლენტები „ბოდოს“ და „სტ-ს“ ტიპის აპარატებიდან.

მაგრამ ჯერ არც ერთმა არ იცოდა, რომ შეტევაზე გადმოსულ გერმანელთა ჯარებისადმი გაცემულ ბრძანებაში ლენინგრადი პირველი რიგისეულ მიზნად იყო აღნიშნული.

ის კი უკვე იცოდნენ, რომ 22 ივნისის საღამოსათვის გერმანელთა სატანკო დივიზიებმა გაარღვიეს ბალტიისპირეთის სამხედრო ოლქის სასაზღვრო ზღუდეები, რომ ფაშისტები კაუნასის ჩრდილო-დასავლეთით იმყოფებიან, რომ მათ მოახერხეს მდინარე ნემანის ფორსირება.

არც მომდევნო ორმა დღემ მოიტანა იმედისმომცემი ამბები: გერმანელთა არმიების ჯგუფის „ჩრდილოეთის“ ჭარბ ძალთა მოწოლით საბჭოთა ჯარებმა ბალტიისპირეთში ბრძოლით დაიხიეს უკან გაშლილი მიმართულებებით — რიგისკენ და კაუნასიდან ვილნიუსისკენ და შემდგომ პოლოცკზე. ამასთან, ცენტრალური მიმართულება: ვილნიუსი, დაუგავპილსი, ოსტროვი — მოწინააღმდეგის მოტორიზებული და სატანკო დივიზიებისათვის გასარღვევად მისაწვდომი აღმოჩნდა.

ოცდაოთხ იენისს, დაახლოებით შუალამისას, ზვიაგინ-
ცევი შტაბის უფროსის მოადგილემ (ახლა უკვე ფრონტის
და არა ოლქის) პოლკოვნიკმა კოროლიოვმა გამოიძახა.
ომის პირველი დღიდანვე მაიორი საბოლოოდ ოპერატი-
ულ სამმართველოს მიამაგრეს და არსებითად კოროლიოვს
ექვემდებარებოდა.

მიუსალმებლად — ის სამი უძილო დღე-ღამე ხომ ისე
გაფრინდა, როგორც რამდენიმე საათი, — აცნობა კორო-
ლიოვმა, რომ სმოლნში, საიდანაც იგი ეს-ეს არის დაბრუნ-
და, მიღებულ იქნა მნიშვნელოვანი გადაწყვეტილება. სარ-
დლის მოადგილე და საინჟინრო სამმართველოს უფროსი
ჯერაც იქ არიან. ისინი შეაყოვნა ჟღანოვმა. ზვიაგინცევი-
სათვის კი არის სასწრაფო დავალება...

პოლკოვნიკმა ამაზე მაიორს მშრალად უთხრა. მათი
ურთიერთობა რამდენადმე დამაბული გახდა, იმის შემდეგ,
რაც ზვიაგინცევმა ომის პირველ დღეს პატაკი მისცა თხოვ-
ნით, გაეგზავნათ იგი შტაბიდან ჯარში და შეეცადა წინას-
წარ მიეღო თავისი განზრახვის განსახორციელებლად შე-
პირება შტაბის უფროსის მოადგილისაგან. კოროლიოვმა
შეურაცხყოფელი ფორმით უთხრა უარი, ზოგჯერ სილაჩ-
რეც სიმამაცის სამოსელში გვევლინებო. მაშინ ზვიაგინ-
ცევი უხმოდ შებრუნდა და აცახცახებული გავიდა კაბინე-
ტიდან. ახლა, როცა კოროლიოვმა გამოიძახა მან გადაწყ-
ვეილა ისე დაეჭირა თავი, როგორც მიღებულია, ოფიცია-
ლურ დისტანციაზე.

კოროლიოვმა აიღო მაგიდიდან ერთ-ერთი რუკა და
ეესტით მიიწვია მაიორი ახლოს მისულისო.

— აი... შევქმნით თავდაცვის ზღუდეს ფრონტით სამ-
ხრეთისაკენ.

— საითყენ? — წამოცდა ზვიაგინცევს.

— მე ვთქვი — სამხრეთისაკენ! — მკვეთრად გაიმეორა
კოროლიოვმა. რუკას ფრჩხილი გააყოლა და დასძინა: —
აი ასე .. მდინარე ლუგით.

კოროლიოვმა დაჟინებით და ერთგვარი გაკვირვები-
თაც შეხედა ზვიაგინცევს. ის უკვე შეეჩვია ზვიაგინცევის
სიბრაზის დაცხრომას.

ზვიაგინცევი კი დუმდა. ამას წინათ კოროლიოვის მა-
ერ მიყენებულმა შეურაცხყოფამ და მასთან დაკავშირე-
ბულმა ფიქრებმა უკან დაიხიეს, წარმოთქვა თუ არა კორო-
ლიოვმა სიტყვები: „მდინარე ლუგით“...

ერთხანს ისინი მდუმარედ მიაშტერდნენ ერთმანეთს.

და ზვიაგინცევეს მოეჩვენა, რომ წერილ, განსაკუთრებულ გამოძეტყველებას მოკლებულ კოროლიოვის თვალეებში ახლა თხოვნა ამოიკითხა: „ნუ მომცემ ზედმეტ შეკითხეებს, ისედაც გამწარებული ვარ“.

შემდეგ კოროლიოვემა საქმიანი ტონით ისე, რომ არ უცქეროდა ზვიაგინცევეს, განაგრძო:

—სამხედრო საბჭომ დაამტკიცა ამ ზღუდის მშენებლობის ძირითადი დებულებები, რომლებიც მოხსენებულ იქნა სარდლის მოადგილის გენერალ პიადიშევის მიერ. ზელმძღვანელობა დაეკისრა საინჟინრო სამმართველოს უფროსს. ჩვენ ვიწყებთ დაუყოვნებლივ რეკოგნოსკირებას სექტორების მიხედვით. თეერატიულ სამმართველოდან რამდენიმე მეთაური გაემგზავრება. შენ დანიშნული ზარ მათთან. დილიდან გაემგზავრები. შეკითხეები გაქვს?

მაგრამ ზვიაგინცევი კვლავინდებურად დუმდა. რადგან თუმცა მას ერთი სიტყეაც არ გამოჩინია კოროლიოვის ნათქვამიდან და რუკებს მიჩეეულ მის წარმოდგენაში უკვე წარმოისახა წამოყენებული ამოცანის ტექნიკური მხარე, მაინც ვერ შეძლო შეეთვისებინა ის საშინელი აზრი, რომელსაც შეიცავდა კოროლიოვის ნათქვამი სიტყეები: „მდინარე ლუგით“.

„ლუგით, ლუგით!“.. — იმეორებდა თავისთვის ზვიაგინცევი. არც მას და, რასაკვირველია, არც თვითონ კოროლიოვს არასოდეს აზრდაც არ მოუვიდოდა, რომ ეს ადგილი საომარ მოქმედებათა ასპარეზი გახდებოდა! საოლქო შტაბის მუშაყთა მთელი გულისყური და შფოთიანი მზერა ყოველთვის მიპყრობილი იყო მხოლოდ ჩრდილოეთისაკენ, ფინეთის საზღვრისაკენ! რამდენიმე დღის წინათ წინადადება მდინარე ლუგაზე სიმაგრეთა აშენების შესახებ, ესე იგი აზრი თითქმის რუსეთის ცენტრში მტრის შემოჭრის შესაძლებლობაზე, სისულელედ ჩაითვლებოდა.

ხანგრძლივი პაუზის შემდეგ ზვიაგინცევემა ძალა მოიყრიბა და ჰკითხა:

— მაგრამ... მაგრამ ეს როგორ, პავლე მაქსიმოვიჩ? იქ ხომ ჩვენ აბსოლუტურად არაფერი არა გვაქვს! არც ნაწილები, არც... მთელი ჩვენი გეგმა ხომ ჩრდილოეთის მიმართულებაზეა გათვალისწინებული! ბალტიისპირეთის ოლქი კი?..

კოროლიოვი სწრაფად მიბრუნდა მისკენ.

— ლაყბობა შეწყვიტეთ, მაიორო ზვიაგინცევი! — დაიყვირა მან მოულოდნელი ბრაზით. — ხომ არ გგონია, რომ

მე და შენ სასტუმრო „მოსკოვის“ ნომერში ვსხედვართ? ომი მიმდინარეობს და მისი ბედი ტრიბუნაზე კი არ წყდება! შეგიძლია შენ ეს გაიგო?!

— მე ყველაფერი შემიძლია გაეიგო, ამხანაგო, პოლკოვნიკო! — გამწარებით თქვა ზვიაგინცევმა და დაჟინებით შეტყუებდა კოროლიოვს, — სწორედ ამიტომ მე ახლა უფრო მეტად ვარ დარწმუნებული, რომ ჩემი ადგილი არა შტაბის კაბინეტშია, არამედ არმიაში! მე ხომ ფინეთის ომის გამოცდილება მაქვს, მწყობრის მეთაური ვარ...

მას ენა დაება და გაჩუმდა, როცა შეამჩნია როგორ მოეკუმშა უშველებელი მუშტები კოროლიოვს და შემუბებული სახე წითლად აფორეჯებოდა.

— აჰა, აი თურმე რა ყოფილა!.. — დინჯად თქვა კოროლიოვმა, ერთი ნაბიჯი განზე გადგა და მძიმე, ხარისებრი მზერით დაცინვით გაზომა ზვიაგინცევი თავიდან ფეხებამდე. — რა გვარისა ხართ, ამხანაგო მაიორო? სუვოროვი? თუ კუტუზოვი? ჯარების ხელმძღვანელობა ინებეთ? იქნებ გსურთ, თეთრ ცხენზე შემჯდარი, ხმალამოწვდილი ტენებით დაედევნოთ ტანკებს — მარშ-მარშში! მე უპიკე გითხარია: ლაჩრები სხვადასხვაგვარია...

— ამხანაგო პოლკოვნიკო, — აღშფოთდა ზვიაგინცევი, — თქვენ... უფლება არა გაქვთ! მე კომუნისტი ვარ და წითელი არმიის მეთაური! მე ვიცი ჩემი ადგილი და მზადა ვარ მივიღო ბატალიონი, თუნდა მესანგრეთა ასეული!

— შემდეგ? — ისევ გესლიანი დაცინვის ტონით წარმოთქვა კოროლიოვმა.

— შემდეგ? თქვენ ნულარ გედარდებათ! — შეტყუვირა ზვიაგინცევმა შეურაცხყოფითა და აღშფოთებით დაბრმავებულმა, დაივიწყა რა სუბორდინაცია, — ყოველ შემთხვევაში მე მტერს არ გავექცევი, როგორც ზოგიერთები, და თუ საჭირო იქნა, შევძლებ იქ სიკვდილს, სადაც ვიდგები, ჩემს ზღუდებზე! და თქვენ არა გაქვთ უფლება მე ლაჩარი მიწოდოთ!

— მაქვს! — ისევ იყვირა კოროლიოვმა. — შენ გგონია, მაღალფარდოვანი ფრაზით შეიძლება ჩემი მოტყუება? გგონია, რომ შენს მოკლე აზრში ვერ ჩავეწვდები? გინდა, მე მას ახლავე ხმამაღლა განგიმარტავ? შენ საყვედურების, პასუხისმგებლობის გეშინია! შენ დიდმნიშვნელოვან საქმეს განდობენ — თავდაცვითი ზღუდე ააშენო, რომ ასეულ ათასობით საბჭოთა ადამიანს აეთაროს და მტრისაგან დაიცვას! შენ კი საკოთარ რეპუტაციაზე ზრუნავ! ეს

მე არა — სხვები იხევენ-თქო! მე არა მსურს პასუხისმგებლობა ვიკისრო წითელ არმიასზე, პასუხს ვაგებ მხოლოდ ჩემზე, ჩემს ასეულზე! სასიკვდილო თავგანწირვით ვიდექი, სიკვდილის არ შემშინებია: ჩემმა სიკვდილმა მტერი ვერ შეაჩერა, — ამისათვის რაღა მომეთხოვება!

— ვის შეუძლია თქვას, რომ სიკვდილის პირისპირ დგომა ლაჩრობაა?! — კვლავ აღშფოთებით შესძახა ზვიაგინცევმა.

— შენ კი დადექი და მოკვდი იქ, სადაც პარტიამ დაგაყენა! ადგილს ნუკი ირჩევ! — შეაწყვეტინა მას კოროლიოვმა, ხელი ჩაიქნია და დასძინა: — ეჰ შენც! ასეთს ჩვენ პარტიურროში ვირჩევდით!..

პოლკოვნიკი ზვიაგინცევისაგან ორიოდ ნაბიჯის მოშორებით იდგა და ისევ მძიმედ სუნთქავდა. გიმნასტურის საყუბლო შეიხსნა, და მოკლე კისერზე დაბერილი ვენები გამოუჩნდა.

— მერე რა უნდა გავაკეთო? — ავტომატურად ჰკითხა ზვიაგინცევმა.

— ბრძანებას შეასრულებ ხოლმე, — ნაწყვეტ-ნაწყვეტად მიახალა კოროლიოვმა. მერე თავი შეატრიალ-შემოატრიალა, საყუბლო შეიბრუნა, შეისწორა გიმნასტურა, მივიდა ზვიაგინცევთან და მხარზე ხელი დაადო. — ნუ მიბრახდები. რაც დაიმსახურე, მიიღე კიდეც, — უთხრა მოულოდნელად რბილად, — სიკვდილისათვის მზადყოფნით თავს ნუ იწონებ. ჩვენ ის უნდა ვისწავლოთ, როგორ გავიმარჯვოთ და არა როგორ მოვკვდეთ... და რეფლექსებს თავი დაანებე. მშვიდობის დროს ეს, ასე თუ ისე კიდევე მოსათმენია. ზოგ ვინმეს მოსწონს კიდეც, — აი იგი როგორიაო! ბურბონი არ არის — ფილოსოფოსიაო! ახლა კი — ომია, უღმობელი მოვლენა. დამთავრდება და სამხედრო-სამეცნიერო სამმართველოში გაგზავნით. გაანალიზება მოგიხდება ხოლმე. ამჟამად კი... საკუთარ თავს მხოლოდ გაკრიტიკებისა და მოთხოვნის უფლებას ნუკი ანიჭებ ალექსი! მოთხოვნა ყოველთვის უფრო ადვილია ვიდრე პასუხისმგება. გაიგე?..

იგი დაუინებით შესცქეროდა თვალებში ზვიაგინცევს. და მას მოეჩვენა, რომ ისევ ამოიციწო კოროლიოვის მხერაში იღუმალი აზრი: „გაიგე, არც მე, არც შენ დამნაშავეები არა ვართ, რომ ყველაფერი ასე მოეწყო. და ყოველივე ამის გამოარკვევა ახლა საჭირო არაა. საამისო დრო არ არის. მიიღე ბრძანება — შეასრულე კიდეც. და ჩვენი ცხო-

ვრების უმაღლესი აზრი ამჟამად — ესაა შენი მოვალეობის შესრულება. და მეტი სათქმელი არა მაქვს შენთან. დღეს მეტი რაზე გელაპარაკო“.

— ნებას მაძლევთ წავიდე? — წყნარად ჰკითხა ზვიაგინცემა.

— წადით, — უპასუხა კოროლიოვმა.

ზვიაგინცევი სამწყობრო ნაბიჯით შებრუნდა და კაბინეტიდან გავიდა.

მარტო ზვიაგინცემა კი არა, შტაბისა და საინჟინრო სამმართველოს ბევრმა მეტაურმაც ასე გვიან ღამით მიიღობრძანება დაუყოვნებლივ შედგომოდნენ რეკოგნოსცირებასა და ლენინგრადის სამხრეთით ზღუდეთა მშენებლობის გეგმის შემუშავებას.

ზვიაგინცევს მისცეს ქალაქ ლუგის რაიონი — მიმართულების ცენტრში ფსკოვის მხრიდან.

ზვიაგინცევი დაბრუნდა თუ არა თავის პატარა ოთახში, რომელსაც ერთადერთ ფანჯარაზე სქელი შესანიღბავი ქალაღდის ფარდა ჰქონდა ჩამოფარებული, საათს დახედა, სეიფი გააღო, რუკა ამოიღო და მაგიდაზე გაშალა.

როგორც ოლქის საინჟინრო სამმართველოს ბევრი სხვა მეტაური, ზვიაგინცევიც საკმაოდ კარგად იცნობდა თავდაცვით ნაგებობათა მდგომარეობას ფინეთის საზღვარზე. ვიბორგის ახალი გამაგრებული რაიონი, რომელიც ლენინგრადს ყველაზე ახლო მიმართულებით იცავდა, საბრძოლო მზადყოფნის მდგომარეობაში რომ იყო, ამაში იგი ამასწინა თვითონვე დარწმუნდა.

მაგრამ საჰრეთით ლენინგრადს ასეთი საფარი არ ჰქონდა. ფსკოვთან და ოსტროვთან გამაგრებულ რაიონებზე — ლატვიისა და ესტონეთის ყოფილ საზღვარზე — ზვიაგინცემა მხოლოდ ის იცოდა, რომ ორი წლის წინათ მათი კონსერვაცია მოხდა, ხოლო მოწყობილობისა და შეიარაღების ნაწილი დემონტირებულ იქნა.

ზვიაგინცევს დიდმასშტაბიანი რუკა ჰქონდა, და იგი კაი ხნის ფიქრისა და მასზე წინასწარი ნახაზების გაკეთების შემდეგ ადგა, კედელზე დაკიდულ ლენინგრადის ოლქის მცირე მასშტაბიან რუკასთან მივიდა და მის საერთო მოხაზულობას, მასზე განლაგებულ ქალაქებს, მდინარეებს, ტბებს დაკვირვებით დაუწყუო თვალიერება.

ოსტროვი, ფსკოვი, მდინარე პლუსსა, ლუგა, ილმენის

ტბა... ზვიაგინცევი ნამყოფი იყო ამ ადგილებში და ახლა ცდილობდა წარმოედგინა ზღუდეთა სხვადასხვა ვარიანტი რელიეფის, ქალაქთა განლაგების მიხედვით, რომ უცებ შეერთა და, თითქოს უხილავი ძაფით მიიზიდესო, სულ ახლოს მიიტანა სახე რუკასთან. დაინახა შავი, ძლივს შესამჩნევი წერტილი, რომლის ქვეშ მიკროსკოპული, მაგრამ გარკვეული ასობით იყო წარწერა: „ბელოკამენსკი“.

„ვერა!“ — თქვა გულში და გაოცებით გაიმეორა, თითქოს თავის თავს არ უჯეროსო: „ეს როგორ? ვერა ხომ იქაა!“.

ზვიაგინცევი დაძაბულად დააქკერდა პატარა შავ წერტილს და თვალწინ წარმოუდგა ყრუ პროვინციული პატარა ქალაქის ბურუსიანი სურათები, — ხეებჩარიგებულ მოუკირწყლავი ქუჩები, ქები, ბაღები, დარაბებიანი პატარა სახლები...

და ერთ მათგანში არის იგი, ვერა, რომელიც სულაც არ ფიქრობს მოსალოდნელ საშიშროებაზე.

ზვიაგინცევმა შეხედა რუკის მასშტაბს და ისევ მაკ წერტილს მიაჩერდა. ამ ერთი საათის წინათ ეს ადგილები მას ჯერ კიდევ ღრმა თუ არა, ყოველ შემთხვევაში საკმაოდ შორეულ ზურგად მიაჩნდა. ეხლა ყველაფერი შეიცვალა! დავალება, რომელიც მას მისცეს, მოწმობდა, რომ სარდლობას ერთობ სერიოზული საფუძველი აქვს, მთელი ეს რაიონი საომარ მოქმედებათა შესაძლო თეატრად მიიჩნინოს.

რა ვქნა? როგორ გავაფრთხილო ვერა, რომ დაუყოვნებლივ დაბრუნდეს? მამამისის მეშვეობით? მაგრამ მათ ხომ ორი დღის წინათ ნახეს ერთმანეთი სმოლნში და ილაპარაკეს იმაზე, რომ ვერა უნდა დაბრუნებულიყო... იქნებ იგი უკვე დაბრუნდა?... და თუ არა? იქნებ ფაშისტური ავიაციის მხრივ ლენინგრადზე თავდასხმის ცდების შესახებ გაზეთებში გამოქვეყნებული ცნობების შემდეგ ვერას მშობლებსა და თვითონ მასაც ჰგონია, რომ ბელოკამენსკი უფრო უსაფრთხოა და იქ შეიძლება დაელოდო ომის დამთავრებას?..

„დაელოდო ომის დამთავრებას!“ — მწარე ჩაცინებით გაიმეორა მან გულში. არა, დაუყოვნებლივ უნდა გამოარკვიოს, დაბრუნდა თუ არა ვერა. და თუ არა, გააფრთხილოს მამამისი. რა თქმა უნდა, გაფრთხილება საჭიროა მშვიდად, ზედმეტი შიშისა და შეკითხვების გამოუწვივლად. ერთი სიტყვაც არ უნდა ითქვას ლუგაზე თავდაცვი-

თი ზღუდეების აშენების გადაწყვეტილების შესახებ — ჯერ ეს სამხედრო საიდუმლოებაა, — მაგრამ უნდა გააგებინოს მას, რომ ვერასათვის უკეთესი იქნება, თუ დაუყოვნებლივ დაბრუნდება ლენინგრადში.

ასეა თუ ისე, საჭიროა სასწრაფოდ მოელაპარაკოს უფროს კოროლიოვს. ვერას ტელეფონის ნომერი ზვიაგინცევა იცოდა, აპარატი მაგიდაზე ედგა, უყოყმანოდ გადასწია ყურმილს..

მაგრამ ამ მომენტში მეორე აზრმა აიძულა იგი ხელი ჩამოეშვა: „გვიანაა! ღამის პირველის ნახევარია!“ ზარი ასეთ დროს უთუოდ ალიაქოთს გამოიწვევს კოროლიოვების ოჯახში.

მაშ რა ქნას? მაინც უნდა დარეკოს... გამორიცხული არ არის, რომ ვერა უკვე დაბრუნდა და თვითონვე მოვიდეს ტელეფონთან. მაშინ შეუძლია არ დაასახელოს, ვინც არის და დამშვიდებით ჩამოჰკიდოს ყურმილი. თუ მისი დედა უპასუხებს? როგორ შეძლებს მას აუხსნას? სთხოვოს გააღვიძოს ივანე მაქსიმეს ძე?..

რამდენიმე წამს ზვიაგინცევი განაგრძობდა მერყეობას — ფიქრობდა: ღირს თუ არა, სწორედ ახლა დაეურეკო, თუ დავიცადო დილაშდევო. დახედა მაგიდაზე გაშლილ რუხს, სადაც შავად უკვე მონიშნა მომავალ რეკოგნოსიტირებათა და სამუშაოთა რაიონი და საზღვრები, შერე უყოყმანოდ ჩამოხსნა ყურმილი და დაასახელა ნაცნობი ნომერი. ერთხანს არავინ არ გასცა პასუხი. ზვიაგინცევი უფროდაუფრო მაგრად უქერდა ხელს ყურმილს იმ იმედით, რომ გაივლის ერთი-ორი წამი და პასუხს თვითონ ვერა გამცემსო, მაგრამ ყურმილში სიჩუმე სუფევდა. უეცრად გაისმა ტკაცანი და მამაკაცის დაგულულმა ხმამ წარმოთქვა:

— გისმენთ.

— ამხანაგი კოროლიოვი ხართ? ივანე მაქსიმეს ძე?

— გაუბედავად ჰკითხა ზვიაგინცევა, თუმცა მისი ხმა მაშინვე იცნო.

— მე ვარ.

— მაპატიეთ, რომ გაგაღვიძეთ, — დაიწყო ზვიაგინცევა, რომელიც გრძნობდა, რომ მისი ხმა აღელვებით უღერდა, თუმცა ძალიან ცდილობდა დამშვიდებულად ელაპარაკა, — ზვიაგინცევი ვარ.

— ვინ? — გაოცებით გაუმეორა კითხვა კოროლიოვმა.

— მე, მე ალექსი ზვიაგინცევი!.. ალბათ გაგაღვიძეთ?

— ა-ა. მაიორი! — გაისმა ყურმილში. — რა მოხდა?

— არა, არა, არაფერი, — აჩქარებით უპასუხა ზვიაგინცევმა, რომელიც ძალიან ცდილობდა თავისი ხმისათვის ჩვეული ჟღერადობა მიეცა. — ხომ არ გაგაღვიძეთ? — კვლავ გაუმეორა მან და თანაც გრძნობდა, რომ ამჭერად მისი კითხვა სულელურად ჟღერდა.

— სულაც არ გამაღვიძე, — ბუზღუნით უპასუხა კოროლიოვმა. — მე ყაზარმულად ვცხოვრობ. საცელები გამოსაცვლელად მოვედი შინ. რა მოხდა-მეთქი, გეკითხები?

— არა, არა, არაფერი! მხოლოდ მინდოდა გამეგო... ვერა დაბრუნდა?

— ჯერ არა. — უპასუხა კოროლიოვმა მოკლე პაუზის შემდეგ.

— იგი კიდე იქ არის?.. ბელოკამენსკში? — ჰკითხა ზვიაგინცევმა გულდაწყვეტილი ხმით.

— მომისმინე, მაიორო! — კოროლიოვის ხმა მკაცრად ჟღერდა და მასში აშკარად მოისმოდა შემფოთების კილო. — მე შენ გეკითხები, რა მოხდა?

— ივანე მაქსიმოვიჩ, იგი უნდა დაბრუნდეს! თქვენ გეხსოვებათ, ჩვენ ჯერ კიდე იქ, ქალაქკომში, ვლადპარაკობდით ამაზე! თქვენ უნდა უბრძანოთ, სასწრაფოდ დაბრუნდეს ლენინგრადში.

— უბრძანო! — დაცინვის კილოთი გაიმეორა კოროლიოვმა. — როგორ არა! შენ ყოველთვის იმას აკეთებდი, რასაც მშობლები გიბრძანებდნენ?

— მაგრამ გამიგეთ, ეს ძალიან სერიოზული ამბავია! — უკვე აღარ ფიქრობდა დაემალა თავისი აღელვება და თითქმის იყვირა ზვიაგინცევმა. — ახლა ხომ ომია!

— გმადლობთ, რომ ამიხსენი, — სიმწრით უპასუხა კოროლიოვმა, ცოტა ხანს გაჩუმდა და მერე უთხრა: — ჩემთვისა და შენთვის ომია, იმისთვის კი... ვილაც ავად გაუხდა. ჰო, მისი ბიჭი, გაიგე? მე დღეს ნათესაეებს საქალაქთაშორისო ტელეფონით ველადპარაკე.

— მაგრამ... განა იგი მარტო არ წავიდა?! — წამოსცდა ზვიაგინცევს.

— ასე გამოდის, რომ არ წასულა მარტო.

— დიახ, დიახ... მე მესმის, — აბნეულად წაიბუტბუტა ზვიაგინცევმა და ოფლიანი შუბლი გიმნასტურის სახელოთი მოიწმინდა, — მაგრამ თქვენ მაინც უთხარით... უთხარით მას, რომ უსათუოდ უნდა დაბრუნდეს...

პასუხის დაუცდელად მან ნელა დადო ყურმილი ბერკეტზე.

„ჰოდა, აი ასე... — თქვა გულში ზვიაგინცევა, — ყველაფერი ცხადია. საჭირო არ ყოფილა თავის შეწუხება“...

ვინაა ის ბიჭი? რა ჰქვია? ნიკოლოზი? არა, ანატოლი. სწორედ ის სტუდენტი. ჰო, რასაკვირველია, იგი მასთან ერთად გაემგზავრა. მაშ, მას საიმედო დამცველი ჰყავს. მაღალია, მხარბეჭიანი... თუ საჭირო იქნა, ხელით გაიყვანს... ავად გახდა? რა უნდა დამართოდა იმ აყლაყუდას?

მაგრამ უცნაური ის იყო, რომ მიუხედავად სიმწრის გრძნობისა, რასაც განიცდიდა ზვიაგინცევი, მას შვებას ჰგვრიდა იმის შეგნება, რომ ასეთ დროს ვერა მარტო არ არის. მის გვერდით იმყოფება ადამიანი, რომელსაც შეუძლია მძიმე წუთებში დაეხმაროს და დაიცვას.

გაისმა ტელეფონის ზარი. ზვიაგინცევა საჩქაროდ აიტაცა ყურმილი იმ იმედით, რომ კელავ უფროს კოროლიოვის ხმას გაიგონებდა. არ უფიქრია იმაზე, რომ მას არ შეეძლო დაერეკა, ვინაიდან მისი სამსახურის ტელეფონი არ იცოდა, და ზვიაგინცევა საჩქაროდ ჰკითხა:

— ამხანაგი კოროლიოვი ბრძანდებით?

— მე ვარ, — უპასუხა ცოტათი გაკვირვებულმა პოლკოვნიკმა. — შენ რა, კედლების მიღმა ხედავ?

— არა, არა, მაპატიეთ, — არეულად უპასუხა ზვიაგინცევა, — მე ხომ თქვენს დავალებზე ვმუშაობ და...

— ჰოდა კარგი, რომ მუშაობ, — კმაყოფილებით თქვა პოლკოვნიკმა, — გაფრთხილებ: გენერალმა პიადიშევა სმოლნიდან დარეკა საქმის ვითარების გასაგებად. მალე დაბრუნდება და მაშინ გამოიძახებს ყველას, ვინც დავალებზე მუშაობს. მეტი არაფერი მაქვს სათქმელი. იმოქმედე!

— მესმის, — უთხრა ზვიაგინცევა, ყურმილი ჩამოჰკიდა და და შეშფოთებით დახედა საათს...

ზვიაგინცევი სარდლის მოადგილესთან ღამის ორ საათზე გამოიძახა ადიუტანტმა. გენერალმა მოისმინა მშენებლობის გეგმაზე მომუშავეთა მოკლე ცნობები, შეიტანა საჭირო კორექტივები, შეახსენა, რომ დავალება მეტად სასწრაფოა და ბრძანა განეგრძოთ ყველა გაანგარიშებათა დაზუსტება.

ბინაზე დაბრუნებულმა ზვიაგინცევმა ერთი კი შეხედა კედელთან მიდგმულ გაშლილ საწოლს, რომელზეც უკვე მესამე ღამეა აღარ წოლილა და მუშაობაში ჩაეფლო.

იგი მუშაობდა გულდასმით, მონდომებით, მაგრამ რაც უფრო ღრმად იჭრებოდა გაანგარიშებაში, მით უფრო ძლიერ იპყრობდა შემფოთება.

ახლა, დავალების შესრულებით შთანთქმულს, ლუგასთან სიზაგრეთა აგების აუცილებლობის თვით ფაქტი კი არ აღელვებდა, ამას იგი უკვე შეეჩვია. მეორე აზრი, მეორე კითხვა გარდაუვალად აღიმართა მის წინაშე: როგორ, რა საშუალებებით შეიძლება ამ დავალების რეალიზება, რეალიზება არა რუკებზე, არა გაანგარიშებებში, არამედ რეალობაში? საიდან მოიყვანს სარდლობა მთელ არმიას? იმისათვის, რომ ხორცი შეასხა ყველა გაანგარიშებას ბეტონით, ლითონით, ააგო დზოტენი, ესკარპები, ბლინდაჟები, მიწური სიმაგრეები, ხომ საჭიროა ათეულ ათასობით ადამიანი, ათასობითა და ათასობით ხელი!

იქნებ სარდლობა შეთანხმებულაა მოსკოვთან და ამ დამატებითს არმიას რეზერვებიდან გადმოიხსერიან აქეთ, ლენინგრადთან?..

...ღამე იწურებოდა, როცა ზვიაგინცევმა იგრძნო, რომ რუკაზე მოხაზული აღნიშვნები და ციფრები მას თვალწინ იღრბნებოდნენ. მაგიდიდან წამოდგა, საწოლზე ჩამოჯდა, ჩექმები გაიხადა, ქამარი მოიხსნა გიმნაზტურის საყულო გაიხსნა და მოემზადა ერთი საათით მაინც წამოწოლილიყო, რომ ტელეფონის ზარი ისევ აწკრიალდა.

ამჯერად პირადად გენერალი პიადიშევი რეკავდა. მან უბრძანა ზვიაგინცევს, წაელო თან რუკა, გაანგარიშებები და დაუყოვნებლივ გამგზავრებულიყო სმოლნში, ჟდანოვთან.

რამდენიმე წამს ზვიაგინცევი დაბნეულად დუმდა. მეორე შეეკითხა გენერალს. სწორად გაიგო თუ არა ნაბრძანები და მართებს თუ არა მას გამოეცხადოს პირადად ჟდანოვს.

— დროს ნუ კარგავთ, ამხანაგო მაიორო, თქვენს წამოსაყვანად მანქანა გამოგზავნილია, — უთხრა გენერალმა და დასძინა: — სამხედრო საბჭოს წევრს ჟდანოვს სურს მოელაპარაკოს გაანგარიშებათა ერთ-ერთ უშუალო შემსრულებელს. წახვალთ თქვენ.

— მაგრამ რა უნდა მოვახსენო ამხანაგ ჟდანოვს? — ისევ ისევ დაბნეულად ჰკითხა ზვიაგინცევმა.

— უბასუხებთ კითხვებზე, რომლებსაც, მოგცემენ, —
ცოტა მოუთმენლად უთხრა გენერალმა და დასძინა: —
თქვენი კომპეტენციისა და თქვენი დავალების ფარგლებ-
ში. მეტი არაფერი.

გაისმა გამთიშველი ტკაცანი.

ზვიაგინცევა ჩამოჰკიდა ყურმილი და ჩამდენიმე წამის
ყოყმანის შემდეგ აჩქარებით შეუდგა რუკებისა და გაან-
გარიშებათა პორტფელში ჩალაგებას. თან ცდილობდა წა-
რმოედგინა, სახელდობრ, რა კითხვებს მისცემდა მას უდა-
ნოვი, პარტიის ცენტრალური კომიტეტისა და ოლქკომის
მდივანი, ფრონტის სამხედრო საბჭოს წევრი.

...რუხ-მწვანე ფერებით შეღებილი „ემკა“ უკვე უცდი-
და ზვიაგინცევს. ახალგაზრდა წითელარმიელმა, რომელიც
საქესთან იჯდა, შესასვლელიდან გამოსული მაიორი რომ
დაინახა, კაბინის მოპირდაპირე კარისკენ წაიწია და გაუ-
ლო. ზვიაგინცევი მძლოლის გვერდით დაჯდა, პორტფელი
მუხლებზე დაიდო და აჩქარებით უთხრა:

— სმოლნი. სწრაფად!..

შოფერმა გასაღები გადაატრიალა, სიჩქარე ხმაურით
ჩართო და მანქანა დაიძრა.

მხოლოდ ახლა შეამჩნია ზვიაგინცევა, რომ ცას პრო-
ექტორები ზვერავენენ. ყური მიუგდო. საიდანღაც, ძა-
ლიან შორიდან მოისმა საზენიტო არტილერიის სროლა,
რომელსაც მოტორის ხმაური ახშობდა.

— ახლა განგაშს გამოაცხადებენ, — თქვა მან.

— უკვე ორი საათია, რაც გამოცხადდა! — არხეინად
გამოეხმაურა შოფერი.

„მაშ ეგრე?“ — გაკვირვებით გაიფიქრა ზვიაგინცევა,
მუშაობაში გართულს, მას არც კი გაუგონია რადიოთი გა-
დაცემული გაფრთხილებები.

— მიყვარს ღამით მანქანის ტარება, — განაგრძო სიტყ-
ვაუხვმა მძლოლმა, — სულ გაქანება გინდა! არ გიშლიან
არც ადამიანები, არც მანქანები! მიქრიხარ, როგორც გზა-
თა მეფე! ჰე-ჰეი! — გამაფრთხილებლად შესძახა მან, რო-
ცა დაინახა, რომ მილიციონერი მანქანისათვის გზის გადა-
საჭრელად ტროტუარიდან გადმოვიდა. — უნდა გაიხე-
ლო! — და თითი ატაკა საშვს — მუყაოს კვადრატს, რო-
მელიც საქარე მინაზე იყო მიმაგრებული.

ზვიაგინცევა ღიმილით შეხედა მძლოლს. და გაიფიქ-
რა, რომ ეს რუხთვალეებიანი, წარბზე თავმომწონედ ჩამო-
წეულ პილოტურიანი ახალგაზრდა, ალბათ, ჭერაც ისე აღი-

ქვამს ომს, როგორც რალაც რომანტიკულს, შემაშფოთებელ-ამაღლებელს, მაგრამ სრულიად არასაშიშარს. „შენ რომ იცოდე, რა დაეალებით მივდივარ სმოლნში!“ — გაიფიქრა ზვიაგინცევმა.

— ამხანაგო მაიორო! — ისევ ალაპარაკდა შოფერი, — მართალს ამბობენ, რომ ჩვენებმა ბერლინთან დესანტი გადასხეს? მაშასადამე ზურგიდან?

— არ ვიცი, არ გამიგონია, — უპასუხა ზვიაგინცევმა.

— ქალაქში კი ამბობენ! — არ ჩუმდებოდა მძლოლი. — აი მე ამ საღამოს ერთი გენერალი მიმყავდა, იმასაც ვკითხე. ღუმს! სახეზე ვატყობ, რომ იცის, მაგრამ ღუმს. თქვენ კი, გამოდის, არ იცით?

ეს უკანასკნელი სიტყვები მან მოწყალე კილოთი თქვა, აშკარად სურდა შეეგნებინებინა მაიორისათვის, რომ გენერალის წოდებასთან შედარებით ასეთი დაბალი მეთაურისაგან სხვანაირ პასუხს არც ელოდა.

იგი მიაქროლებდა მანქანას დაეაროილებულ ქუჩებში, ხან მარჯვნივ, ხან მარცხნივ, არ იცავდა მოძრაობის წესებს და აშკარად სიამოვნებდა თავისი შეუზღუდველი შესაძლებლობებით.

მანძილი შტაბიდან სმოლნამდე რალაც თხუთმეტ წუთში გაიარეს. ჭიშკრიდან ოცდაათი ოდე მეტრის დაშორებით შოფერმა ერთბაშად შეაჩერა მანქანა, — მუხრუჭებმა შესაბრალისად დაიხრქიალეს.

— მოვედით, ამხანაგო მაიორო! იქით მეტი არ შეიძლება — ახალი ბრძანება გამოვიდა. მე კუთხის იქით დავიციდი, სადაც ტრამვაის რკალია და იქ მობრძანდებით, — თქვა შოფერმა.

ზვიაგინცევი მანქანიდან გადმოვიდა და უკვე კარი უნდა მიეხურა, რომ ისევ მოესმა შოფერის ხმა. იგი საჭდომზე გადმოწვა.

— ამხანაგო მაიორო! — ისევ ალაპარაკდა შოფერი, — უფროსებისაგან აი, დესანტის შესახებ. მანდ ხომ, — სმოლნისკენ გაიქნია თავი, — ალბათ, ყველაფერი იციან. ნუ გეფიქრებათ, როცა საჭიროა, კრინტს არ ვძრავ. სამსახური ვიცი...

სულ სამი დღე-ღამე გავიდა, რაც ზვიაგინცევი სმოლნიდან გამოვიდა, მაგრამ ახლა ისე მოეჩვენა, თითქოს დიდი ხანია, აქ არ ყოფილა. და არა მარტო იმიტომ, რომ ამ ხნის

განმავლობაში გარეგნულად შეიცვალა და ძნელი საცნობი გახდა სმოლნი, და იქ შესასვლელი, რომელსაც გიგანტური სანიღბავი ბადე ჰქონდა მიფარებული. შენობაში შესალწევად ზვიაგინცევს, ჰიშკრიდან დაწყებული, სამჯერ მოუხდა თავისი მოწმობის წარდგენა პოსტებზე. დაცვის ახალგაზრდა ლეიტენანტებმა სამჯერ გულდაგულ შეადარეს მისი გვარი თავიანთ სიებთან. შეცვლილიყო ავიტ ატმოსფერო შიგ სმოლნი. ჩვეულებრივ, სიჩუმე სუფთივდა მის უსასრულო დერეფნებში და ადამიანები თითქოს იკარგებოდნენ შიგ, შეუმჩნეველნი ხდებოდნენ.

თუმცა ომის წინა ღამეს, როცა ზვიაგინცევი ვასნიცოვთან თათბირზე მიდიოდა, მეორე სართული უჩვეულო გამოცოცხლებას მოეცვა.

ახლა კი უკვე მთელი სმოლნი, მთელი მისი დერეფნები, რაღაცით აგონებდნენ ზვიაგინცევს იმ ძველ სმოლნს, რომელსაც იგი იცნობდა მხოლოდ ოქტომბრის რევოლუციისადმი მიძღვნილი კინოფილმების მიხედვით. დერეფნებში მიმოდიოდნენ შეფიქრიანებული ადამიანები, ბევრი მათგანი არმიელისა და მეზღვაურის სამხედრო ფორმაში იყო, და ზვიაგინცევმა, როგორც კადრის მეთაურმა მაშინვე შეამჩინა, რომ ეს ფორმა მათ სულ ახლახან ჩაეცვათ. მეტროლიმეკავშირეები იღვნენ კიბეებზე და კედლებზე კარნიზის ქვემოთ ტელეფონის მავთულს ჰიმაჯდნენ. სხვებს სწრაფად უვლიდნენ გვირდს და წინ უსწრებდნენ ფელდეგარები. მათი ცნობა ადგილი იყო ლურჯციანი ქუდებითა და ერთნაირი მუშაობის დიდი პორტფელებით. ზვიაგინცევი მიაბიჯებდა გრძელ დერეფანში. დროდადრო იღებოდა კარები და ოთახებიდან გამოდიოდნენ ადამიანები, რომლებიც გზადაგზა რაღაც ქაღალდებს ან ტელეგრაფის ვიწრო ლენტებს კითხულობდნენ. მათ უკან კი საწერი მანქანების რბილი კაკუნი ისმოდა. ჩვეულებრივ გლუვსა და თითქოს ყოველთვის ახალშეღებილ კედლებზე ახლა ფერადი სამხედრო პლაკატები ეკიდა... ზვიაგინცევმა არ იცოდა, რომელ სართულზე იყო უჯანოვის კაბინეტი. მას აზრად არ მოსვლიდა ეკითხა გენერალ პიადიშევისათვის. ახლა დაეხეტებოდა სმოლნის დერეფნებში და იმედი ჰქონდა მის კაბინეტს კარებზე დაკიდული წარწერით იპოვიდა. როგორც ახსოვდა ზვიაგინცევს ასეთი წარწერა სამიოდე დღის წინათ ყოველ კარზე ეკიდა.

მაგრამ ახლა წარწერები აღარ იყო. მათ ადგილას კა-

რებზე მხოლოდ ღია ფერის ვიწრო ზოლები დარჩენილიყო.

ამ გაფაციცებულ, შფოთიან-საქმიან ატმოსფეროში ზვიაგინცევს ვერ გადაეწყვიტა პირველი შეშხვედრისთვისვე ეკითხა, რომელი იყო უდანოვის კაბინეტი. იგი უკვე აპირებდა დაცვის პოსტზე დაბრუნებას, რომ გაეგო მისთვის საჭირო ოთახის ნომერი, შემობრუნდა და პირდაპირ შეეჩება ვასნეცოვს, რომელიც იმ წამში ოთახიდან გამოდიოდა.

ვასნეცოვს პირქუში, ფიქრიანი სახე ჰქონდა. ხშირი წარბები ცხვირის ფუძეზე ჩამოწეწოდა. ერთი წამიც და იგი გვერდს აუვლიდა ზვიაგინცევს.

— ამხანაგო ვასნეცოვ! — წყნარად დაუძახა მას ზვიაგინცევმა. მაშინვე მხედრულად გამოეჭიმა და უკვე ხმამაღლა უთხრა: — ნება მიბოძეთ, მოგმართოთ...

ვასნეცოვი შეჩერდა, ფიქრებში გართულმა დაბნეულად შეხედა ზვიაგინცევს და უთხრა:

— ა-ა, ამხანაგო მაიორო!..

მერე ოდნავ შესამჩნევად გაუღიმა და დასძინა:

— მინდოდა, რომ მაშინ შენ მართალი არ გამომდგარიყავი. ჩვენ ყველას გვინდოდა...

ღიმილი გაუქრა სახეზე, წარბები კვლავ პირქუშად შეიკრა და თქვა:

— თუმცა ახლა ამაზე არ ღირს ლაპარაკი.

და სანამ ზვიაგინცევი მოისაზრებდა, რას ეხებოდა მისი სიტყვები. მან უფრო მშრალად დასძინა:

— ამხანაგ უდანოვთან?

— ღიახ... მაგრამ არ ვიცი, სადაა მისი კაბინეტი! — აჩქარებით წარმოთქვა ზვიაგინცევმა.

— აქ არის, — უთხრა ვასნეცოვმა და ჟჩეენა კარი, საიდანაც ის იყო თვითონ გამოვიდა და დასძინა: — მოახსენეთ მის თანაშემწეს პოლკის მეთაურს კუზნეცოვს, რომ მოხვედით.

პატარა ოთახში ყვითელ, გადაწიულ გოფირებულ სახურავიან სეკრეტერთან იჯდა საშუალო ხნის კაცი, რომელსაც გიმნასტურა ეცვა. მის მარცხნივ მაგიდაზე ტილეფონები ეწყო.

ზვიაგინცევი ზღურბლზე შედგა და დამკვიდრებული სამხედრო ჩიგოლებისამებრ ხმამაღლა წარმოთქვა:

— ნებას მომცემთ?..

კუზნეცოვმა ასწია თავი ქალღიმილიდან, რომელსაც იმ

წუთში კითხულობდა. და კიბხვა-დასტურის კილოთი უპასუხა:

— ამხანაგი ზვიაგინცევი?.. ახლავე მოვახსენებ ანდრია ალექსანდრეს ძეს.

იგი ადგა, სეკრეტერის მარცხნივ მოთავსებულ ტყავგადაკრულ კართან მივიდა, ბოქლომიდან გამოშვერილი პატარა ბრტყელი გასაღები გადაატრიალა და კარს უკან თვალს მიეფარა. ერთი წამის შემდეგ დაბრუნდა და უთხრა:

— ცოტა დაიცადეთ. ამხანაგი უდანოვი ახლავე დაამთავრებს... დაბრძანდით.

ზვიაგინცევი ვერ გაიგო, სახელდობრ, რას დაამთავრებდა უდანოვი — თათბირს თუ ტელეფონით ლაპარაკს, მაგრამ, ბუნებრივია, ხომ არ შეეკითხებოდა და კედლის გასწვრივ ჩარიგებულ ერთ-ერთ სკამზე ჩამოჯდა.

მან მოულოდნელად გაიფიქრა: „რა წოდება აქვს უდანოს? ამჟამად იგი ხომ სამხედრო საბჭოს წევრია...“

მაგრამ ზვიაგინცევს უხერხულად ეჩვენა, რომ ეკითხა კუზნეცოვისათვის, რომელიც ისევ ჩაეფლო ქალაქების კითხვაში. მოთმინება მოიკრიბა და უცდიდა, თან გულში იმეორებდა თავისი მოხსენების სიტყვებს, რომლის შინაარსი ჯერ კიდევ მანქანით მგზავრობის დროს მოიფიქრა. დიდხანს ცდა არ დასჭირებოდა. სულ რამდენიმე წუთი გავიდა, ტყავგადაკრული კარი ისევ გაიღო და იქიდან აჩქარებით გამოვიდა ზვიაგინცევისათვის უცნობი გენერალი. ზვიაგინცევი წამოხტა და გამოეჭიმა. კუზნეცოვიც ადგა.

კარი გაიღო და კონტრ-ადმირალი და ორი პოლკოვნიკი გამოვიდნენ. მათ სწრაფად გაიარეს მისაღები ოთახი და თვალს მიეფარნენ.

— მიბრძანდით, ამხანაგო მაიორო, — უთხრა კუზნეცოვი.

ზვიაგინცევი კარი შეაღო და უკვე ემზადებოდა წესის მიხედვით ეუწყებინა თავისი გამოცხადება, მაგრამ დაინახა, რომ პატარა ბნელ ტამბურში აღმოჩნდა. ხელი გაიშვირა, შემდეგი კარი მოსინჯა და ოდნავ მიაწვა მას...

დიდ, სინათლით გაჩახჩახებულ, ნოხით მოფენილ ოთახში, შუაში დადგმული გრძელი მაგიდის გასწვრივ, რომელზედაც რუკები ეწყო, დაბალი ტანის ჩასუქებული კაცი ბოლთას-სცემდა. ეცვა ყველა ღილზე შეკრული თრენჩი გარედან დაკრებული ჯიბეებით და ჩექმებში ჩატანებული სამოქალაქო თარგის შარვალი, რომელიც ოდნავ ჰქონდა გადმოწეული ჩექმის ყელეზე.

„როგორც სტალინს!“ — გაუელვა გონებაში ზვიაგინ-
ცევს. იგი ჯერ კიდევ ზღურბლთან მდგომი გამოეჭიმა და
მოემზადა პატაკის მისაცემად, მაგრამ სწორედ ამ წამს
ქდანოვი შეჩერდა, ყურადღებით შეხედა მაიორს ოღნავ.
წამობურცული მუქი თვალებით და მიესალმა:

— გამარჯობათ, ამხანაგო ზვიაგინცევ.

— ამხანაგო სამხედრო საბჭოს წევრო, სარდლის მოად-
გილის ბრძანებით... — დაიწყო მოხსენება ზვიაგინცევმა,
მაგრამ ქდანოვმა, რომელიც უკვე გამოემართა მისკენ, პა-
ტაკი შეაწყვეტინა, ხელი გამოუწოდა და ისევ უთხრა:

— გამარჯობათ.

მარჯვენა ხელში ზვიაგინცევს პორტფელი ეჭირა, ამი-
ტომ იგი დაიბნა, შეეცადა სწრაფად გადაენაცვლებინა პორ-
ტფელი მარჯვენა ხელიდან მარცხენაში. მაგრამ ქდანოვმა
ეტყობა, შეამჩნია მისი დაბნეულობა, და უთხრა:

— ამხანაგმა პიადიშევმა დაგასახელათ თქვენ, როგორც
ლუგის მიმართულებით სამუშაოთა გეგმის მომზადების
ერთ-ერთი უშუალო შემსრულებელი. ვიცი თ მისი აზრი
დასახულ სამუშაოთა შესახებ. გვინდა შემსრულებელთა
აზრიც მოვისმინოთ. მაგალითად, თქვენი, ამხანაგო ზვია-
გინცევ.

ქდანოვს დაბალი, მაგრამ წკრილა ტენორი პქონდა.
სიტყვებს წარმოთქვამდა მშვიდად, დინჯად და თითქოს
გარკვევით ერიდებოდა სამხედრო გამოთქმებს ლაპარაკში.
ისინი ისევ ისე კართან იდგნენ. მაგრამ ლაპარაკი რომ და-
ამთავრა ქდანოვმა, პასუხს კი არ დაუცადა, უესტით ანიშნა
ოთახის ცენტრში მდგარი მაგიდისაკენ და თქვა:

— ლუგის რაიონის რუკა იქ დევს. თუმცა თქვენ შეიძ-
ლება თვენი რუკის გამოყენება უფრო გემარჯვებოდეთ.

ზვიაგინცევს უნდოდა აზრების მოსაყრებად დრო მოე-
გო, ამიტომ უხმოდ და ნელ-ნელა ამოიღო პორტფელიდან
რუკა, დადო მაგიდაზე, მერე გაანგარიშებები სადაც იწე-
რა, ის ბლოკნოტი მიუღო გვერდზე. მაგრამ როცა შეამჩ-
ნია, როგორი მოთმინებით და დაქინებით აღევნებდა თვალს
ქდანოვი მის მზადებას, მიხვდა, მერე გაქიანურება უხერ-
ხული იყო. პლასტმასის კიქიდან წვერწათლილი ფანქარი
ამოიღო და დაიწყო.

— ამხანაგო სამხედრო საბჭოს წევრო... მთელი ზღუდე
გათვალისწინებულია, რამდენადაც მე ვიცი, მდინარე ლუ-
გის ნაპირის გაყოლებით ფინეთის ყურეში მისი შესართავი-
დან ილმენის ტბამდე. უფრო წინა — ქალაქ ლუგის წინ,

მდინარე პლუსის ზღუდეზე იქნება ხლართთა ზოლი, რომელსაც ზოლისწინეთს ვეძახით.

ქდანოვი რუკაზე დაიხარა და თვალს ადევნებდა ფანქარის მოძრაობას, და ზვიაგინცევი ხედავდა ახლა მის სწორ, გვერდზე გაყოფილ თმას.

— მე დამევალა მომემზადებინა სამუშაოთა გეგმა და გაანგარიშებანი ცენტრალური ნაწილის მთელი ზოლისა ქალაქ ლუგის რაიონში. — მას ენა დაება და გაჩუმდა, როცა შეამჩნია, რომ ქდანოვი თვალს კი აღარ ადევნებდა მისი ფანქარის მოძრაობას, არამედ წელში გამართული იდგა და ზვიაგინცევის დახრილ თავს ზემოთ სადღაც იყურებოდა.

და მაშინ ზვიაგინცევიც გასწორდა წელში და კითხვის გამომეტრეოლებით შეხედა ქდანოვს.

— ამხანაგო ზვიაგინცევი, — გაისმა ქდანოვის მშვიდი ხმა, — ყველა მიმართულება უკვე განვიხილეთ სარდლობასთან ერთად...

იგი ცოტა ხანს გაჩუმდა, თითქოს სხვა რამეზე ფიქრმა გაიტაცაო და მოულოდნელად ჰკითხა:

— პირადად თქვენი აზრი როგორია, ამხანაგო ზვიაგინცევი?

ზვიაგინცევი გაკვირვებით შეხედა ქდანოვს, ცდილობდა დასმული შეკითხვის ზუსტი აზრი გამოეცნო. ნუთუ შეიძლება, ფიქრობდა იგი, რომ მას მართლაც აინტერესებდეს ვიღაც მაიორის აზრი იმის შემდეგ, რაც გასამაგრებელ ზოლთა ყველა რაიონი უკვე დასახულია და განხილული უმადლეს სარდლობასთან ერთად! მაშ რაღად შეკითხება? ქდანოვი კი დაჟინებული მოლოდინით შეჰყურებდა ზვიაგინცევს და მან გაუბედავად თქვა:

— მეც აგრე ვფიქრობ, ამხანაგო სამხედრო საბჭოს წევრო. თუ სიმაგრეები ლენინგრადის სამხრეთით უნდა აშენდეს, ყველაზე უფრო ხელსაყრელად ჩაითვლება ის ზღუდეები, რომელთა შესახებ თქვენ უკვე მოგახსენეს.

— ეს დიპლომატის პასუხია, — თვალების ოდნავ მოქუტვით თქვა ქდანოვმა, ოღონდ მის მშვიდ ხმაში არც უმაცოფილება, არც გაკიცხვა არ იგრძნობოდა.

— მაპატიეთ, ამხანაგო სამხედრო საბჭოს წევრო, — შეცბუნებით წაიბუტბუტა ზვიაგინცევი, — მაგრამ მე არ უნდა ვერ გავიგე.

— თქვენ თქვით: „თუ სიმაგრეები ლენინგრადის სამხრეთით უნდა აშენდეს“... თქვენ ეძვი გეპარებათ, რომ საჭიროა მათი აშენება?

— მე... მე არ ვიცი, — თქვა საბოლოოდ თავგზააბნეულმა ზვიაგინცევმა, — ამას სარღლობა სწყვიტს... ფრონტებზე არსებული მდგომარეობა კარგად არ ვიცი.

ქდანოვმა დაჟინებით შეხედა ზვიაგინცევს, ცოტა ხანს გაჩუმდა და თქვა:

— თქვენ მართალი ხართ. ნუ გეწყინებათ. მე ეს კითხვა იმიტომ მოგიციტო, რომ გამეგო განწყობილება... — მან გააკეთა პაუზა, თითქოს არ დაკმაყოფილდა ამ სიტყვით და ეძებდა სხვას, — ...შტაბის მუშაკის ფსიქოლოგიური მდგომარეობა. თქვენ ხომ მონაწილეობდით ომში თეთრფინილებთან. ხომ ასეა? — მოულოდნელად ჰკითხა მან.

— დიახ. დასაწყისიდანვე.

— ასე... — ჩაფიქრებით თქვა ქდანოვმა, მაგიდის გასწვრივ რამდენიმე ნაბიჯი გადადგა, მერე ზვიაგინცევის მიუბრუნდა და თქვა: — თქვენ უნდა შევიგნოთ, უფრო სწორი იქნება, ჩვენ ყველამ უნდა შევიგნოთ, — გაიმეორა მან ამჯერად საგანგებოდ მახვილის დასმით, — რომ ეს ომი განსაკუთრებულია, არ ჰგავს არც სამოქალაქოს, არც ხალხინგოლს, არც ფინეთისას. ეს ომი... სიკვდილ-სიცოცხლის საკითხის გადაწყვეტია.

ასეთი ზუსტად ფორმულირებული სიტყვები ომის შესახებ, რომელიც უკვე მეოთხე დღე-ღამე მიმდინარეობდა. ზვიაგინცევს ჯერ კიდევ არავისაგან არ სმენია.

და თუ ჯერ კიდევ რამდენიმე წუთის წინ მას სურდა სწორედ ქდანოვისათვის მიეცა ის კითხვა, რომელსაც ამაოდ აძლევდა თავის თავსაც და კოროლიოვსაც, ახლა კი ქდანოვის მიერ ხმადაბლა, მაგრამ მჟღერ და გრდემლზე უროს დარტყმასავით წარმოთქმული მძიმე სიტყვების შემდეგ, ზვიაგინცევი მიხვდა, რომ ყველა მისი შეკითხვა ზედმეტია.

ისევ გაიგონა მან ქდანოვის დინჯი ხმა:

— ჩვენ უნდა ველოდოთ თავდასხმას ყოველი მხრიდან. ზღვიდან და ჰაერიდან, ჩრდილოეთიდან, დასავლეთიდან და სამხრეთიდან. და იმიტომ ამოცანა იმაში მდგომარეობს, რომ წინ აღვუდგეთ მტერს თავით ფეხამდე შეიარაღებული საიდანაც უნდა გამოჩნდეს.

ქდანოვი მაგიდასთან მივიდა და რამდენიმე ხანს რუკას დაჰყურებდა. მერე მიუბრუნდა ზვიაგინცევს და ჰკითხა:

— რამდენი დრო დასჭირდება სამუშაოს შესრულებას და რამდენი კაცი მოუნდება? თქვენ ეს გაიანგარიშეთ საინჟინრო სამმართველოში?

იმ მომენტიდან, როცა გაიგო, რომ ედანოვმა გამოიძახა, ყველაზე ძლიერ სწორედ ეს აფიქრებდა. მან ხელი დაავლო ბლოკნოტს, მაგრამ მაშინვე განზე გადადო. „რათა? — გაიფიქრა ზვიაგინცევმა. — ეს ციფრები ხომ ზეპირად ვიცი“.

— ამხანაგო ედანოვ, — თქვა მან, პირველად მიმართა რა გვართ, — სიმაგრეთა აშენებას ჩემი საინჟინრო ჯარებისა ძალებით დასჭირდება არანაკლებ სამი თვისა...

— უნდა დამთავრდეს კი არა უგვიანეს ორი-სამი კვირისა, — წყნარად, თითქოს მის ფრაზას აგრძელებსო, თქვა ედანოვმა.

— მაგრამ... მაგრამ ეს შეუძლებელია! — მტკიცედ თქვა ზვიაგინცევმა. — ისე უამრავი ხალხი დასჭირდება, რამდენიც ჩვენ არ გვყავს! რასაკვირველია, თუ მთავარსარდლობა გამოგვიყოფს დამატებით არმიას, მაშინ...

— ეს გამორიცხულია, — მკაცრად მაგრამ წინანდებულად ხმის აუწვევლად შეაწყვეტირა მას ედანოვმა.

— მაგრამ გამიგეთ, — წამოიძახა ზვიაგინცევმა დაივიწყა რა სუბორდინაცია და მხოლოდ იმას ფიქრობდა, რომ ედანოვს — პარტიულ ხელმძღვანელს — არა აქვს წარმოდგენილი საინჟინრო სამუშაოთა მასშტაბები და სირთულე — ამას ხომ დასჭირდება ათეულ ათასობით ადამიანი, შეიძლება ასი ათასიც! საიდან მოვიყვანოთ ისინი? ჩრდილოეთის ზღუდეები გავაშიშვლოთ? ვინ მოგვცემს ამ ხალხს?

— პარტია, — მშვიდად, ყოველგვარი პათოსის გარეშე თქვა ედანოვმა. — მშენებლობაზე გამოვსა ლენინგრადის პარტიული ორგანიზაციის ათასობით კომუნისტი. ათასობით უპარტიო. ყველა, ვისთვისაც ძვირფასია საბჭოთა ხელისუფლება. ყველა, ვინც არმიაში არ არის. ვისაც შეუძლია ხელში ნიჩბის დაჭერა. სამხედრო ამხანაგების ხელმძღვანელობით, მათ შორის, ალბათ, თქვენი ხელმძღვანელობითაც, ამხანაგო ზვიაგინცევ, ისინი ააშენებენ ამ სიმაგრეებს...

ზვიაგინცევი ჩუმად უსმენდა. მართლაც და, რატომ მან თავის გაანგარიშებებში ამოსავლად მიიჩნია მხოლოდ ერთი წყარო — არმია, სამხედრო ნაწილები, რატომ გამორიცხა მთელი მოსახლეობა, ხალხი? დაავიწყდა?

— ვიცი, თქვენ კიდევ გაქვთ შეკითხვა, — ისევე ალაპარაკდა ედანოვი: — თქვენ, ალბათ, გსურთ მკითხოთ: აბა, მაშინ რად გამოიძახებთ? ოლქკომის მიერ მიღებულ გადაწყვეტილებაზე საკმარისია ეცნობოს სარდლობას... აგრეთ? ზვიაგინცევი ისევ დუმდა.

— არა, არ არის საკმარისი, — განაგრძობდა ედანოვი. —

არა მარტო უმაღლესმა მეთაურებმა, არამედ ყველამ, წითელარმიელის ჩათვლით უნდა იცოდეს, რომ ამ ომში არმია და ხალხი მხარდამხარ იბრძოლებენ. თქვენ მითხარით ზღუდეზე ჩასატარებლად სამუშაოთა მასშტაბებზე. მე კი მინდა, რომ თქვენ ომის მასშტაბებზე აზრით განიმსჯელოთ. თქვენს გაანგარიშებებში მხედველობაში გყავთ მხოლოდ არმია. შეცვალეთ ისინი. გაითვალისწინეთ სახალხო მეურნეობების მთელი ძალები და სახსრები.

— დიახ, ამხანაგო სამხედრო საბჭოს წევრო, — ავტომატურად უპასუხა ზვიაგინცევმა. იგი ფიქრებით თათაოს შტაბში, გისოსდატანებულ ფანჯრიან პატარა ოთახში დაბრუნდა, უკვე გაიტაცა სხვა მოსაზრებებმა. უნდოდა დაეყოვნებლივ დაეწყო გამოთვლა რამდენი კაცი და ტრანსპორტი იქნებოდა საჭირო პირველ დღეს, მეორეს, მესამეს, რომ უცებ ისევ გაიგონა ქდანოვის ხმა:

— მაგრამ, ამხანაგო ზვიაგინცევ, მე გამოგიძახეთ არა მხოლოდ იმისათვის, რომ მეთქვა დღეს ის, რაც სულ ერთია ხვალ გეცოდინებათ.

იგი სულ ახლოს მივიდა მასთან და ჰკითხა:

— მოგეპოვებათ თქვენ ცნობები თქვენს საწყობებში შენახული ნაღმებისა და ასაფეთქებელ ნივთიერებათა რაოდენობის შესახებ?

ამ სრულიად ახალმა შეკითხვამ ზვიაგინცევი, რომელმაც ეგონა, საუბარი უკვე დამთავრებულიაო, თავისი მოულოდნელობით დააბნია. მან როგორღაც მექანიკურად უპასუხა, რომ ასაფეთქებელი ნივთიერებები და ნაღმები საინჟინრო სამმართველოს განკარგულებაში შედარებით ცოტაა.

— ასე, — თანხმობის ნიშნად თავი დაუქნია ქდანოვმა. — მით უფრო, თუ მოგვიხდა ბაზების შექმნა პარტიზანთა რაზმებისათვისაც ტყეებსა და ჭაობებში გდოვსა და ლუგას შორის?.. თუმცა ცოტა რამ ჩვენ უკვე გავაყეთეთ... — დასძინა მან თითქოს თავისთვის.

— პარტიზანთა რაზმები? — განცვიფრებით გაიმეორა ზვიაგინცევმა.

— რად გაკვირვებთ სიტყვა „პარტიზანები“, თუ კი ცხადია, რომ არა მარტო არმიამ უნდა იომოს, არამედ ხალხმაც? მითხარით, თქვენ შეგიძლიათ მიგვითითოთ რუკაზე, სადაც, თქვენი აზრით, უნდა შეიქმნას ასეთი ბაზები? თავდაცვის ზღუდეთა მოხაზულობის გათვალისწინებით. — ქდანოვის ხმა მშრალად და მკაცრად გაისმა.

ზვიაგინცევი რუკაზე დაიხარა და ცოტა ხნის დაფიქრების შემდეგ ორი პატარა რგოლი აღნიშნა მასზე.

ქდანოვი ყურადღებით დააცქერდა მათ, მერე აიღო ქიქიდან წითელი ფანჯარი და ეს რგოლები შემოხაზა.

— ასე. დაუშვათ, რომ აქ უნდა იყოს, — თქვა მან თითქოს თავისთვის, — მე გთხოვთ, — მოახსენოთ ამაზე პირადად თქვენს უფროსს. პირადად, — ხაზი გაუსვა. — გადაეცით, დამატებით საჭირო ასაფეთქებელ ნივთიერებათა მისაღებად მიმართოს ასაფეთქებელ ნივთიერებათა მრეწველობის სამმართველოს. სანამ ომს არ დაეამთავრებთ სამოქალაქო სამუშაოების შეწყვეტა მოგვიხდება. — დასძინა მან.

— მესმის, — უკვე მკვეთრად, მწყობრულად თქვა ზვიაგინცევმა. — თქვენს მითითებას დაუყოვნებლივ გადავცემ პირადად საინჟინრო სამმართველოს უფროსს. ჩემთვის ყველაფერი ცხადია, ამხანაგო სამხედრო საბჭოს წევრო...

— არა, ამხანაგო ზვიაგინცევი, არა, — გადააქნია თავი ქდანოვმა, — თქვენთვის ცხადია ამოცანის მხოლოდ პირველი ნაწილი. აქ მეორეც არის. თქვენ მოგიხდებათ ამ ბაზების საძირკვლის ჩაყრასაც უხელმძღვანელოთ. ჩვენ ვფიქრობთ, რომ სიმაგრეთა მშენებლობა რაც შეიძლება ფარულად უნდა ჩატარდეს. სარღობამ კი გვირჩია მაიორი ზვიაგინცევი, როგორც ისეთი კაცი, რომელსაც შეიძლება დაენდო. თქვენ, მგონი, ფრონტისაკენ მიგიწიეთ გული. ეს მართალია?

— მაგრამ... მაგრამ, ამხანაგო ქდანოვი, — შესძახა ზვიაგინცევმა, — მე ვთხოვე გავეგზავნე მოქმედ ნაწილში და უარი მივიღე!

— ასე რომ, შესაძლებელია ეს გახდეს თქვენი ფრონტი, ამხანაგო ზვიაგინცევი, — თქვა ქდანოვმა და რიგრიგობით ანიშნა ფანჯრით წითელ რგოლებზე. — შესაძლებელია ძალიან მნიშვნელოვანი ფრონტი.

სიჩუმე ჩამოვარდა.

— ნებას მაძლევთ წავიდე? — ჰკითხა ზვიაგინცევმა.

— დიახ, რაღა თქმა უნდა, — სრულიად სამოქალაქო ტონით უბასუხა ქდანოვმა. — თუმცა ერთი წუთი...

იგი ახლოს მივიდა მასთან და უთხრა:

— მე თქვენ მახსოვხართ, ამხანაგო ზვიაგინცევი, ძალიან კარგად მახსოვხართ. და თქვენი სიტყვაც დამახსოვდა მაშინ კრემლში... აი ისიც — ომი, დაიწყო კიდეც. სიკვდილ-სიცოცხლის საკითხის გადამწყვეტი...

... თენდებოდა როცა ზვიაგინცევი სმობნიდან გამოვიდა.

მოედანზე სხვა მანქანებს შორის მისი რუხ-მწვანე „ემ-

კა“-ც იღვან. შოფერმა შორიდან დაინახა ზვიაგინცევი, ღია კარიდან თავი გამოყო და დაუძახა:

— აქეთ, ამხანაგო მაიორო!

გიგანტური ქალაქი იღვან მშვიდად და პირქუშად. გადაღეთრებულ ცაზე პროჟექტორების ფერდაკარგული სხივები დაეცავენ.

— ...გასაყარი ნალარა ჯერაც არ დაუკრავთ, — კვლავ მხიარულად ალაპარაკდა მძღოლი, — მე კი მანქანიდან არ გამოვსულვარ. ფეხები დაგაცვდება თუ ყოველი განგაშისა! სარდაფში ისტუნე! სხვა შოფერები მიიმაღნენ, მე კი ვეუბნები: მაშასადამე ინვალიდებთან და ძუძუმწოვარ ბავშვებთან ერთად ჰიტლერს უნდა ემალეთ? ისინი კი მეუბნებიან: ბრძანება არისო!

იგი ცოტა ხნით გაჩუმდა და როცა დაინახა, საკუთარ ფიქრებში გართული ზვიაგინცევი სრულიად არ რეაგირებდა მის სიტყვებზე, თქვა:

— ამხანაგო მაიორო! დესანტის შესახებ ვერაფერი გამიგეთ? აქ ზოგიერთი შოფერი, ეშმაკმა უწყის, რას არ მიქარავს! მთელი ბალტიისპირეთი უკვე გერმანელმა ჩაიგდო ხელშიო... მე კი გუნებაში ვამბობ, გიყვით, კაჟკაჟებო, აი ჩემი მაიორი დაბრუნდება და ყველაფერს მეტყვის... როგორაა საქმე, ამხანაგო მაიორო, იყო ჩვენი დესანტი ბერლინთან?

და მან წამით ახალგაზრდული, ჭორფლიანი სახე ზვიაგინცევისკენ მიაბრუნა. ზვიაგინცევმა მას მუხლებზე ხელი დაადო და ხმამაღლა, გაგულისებით უთხრა:

— დესანტი არ ყოფილა, მეომარო! არ ყოფილა, მაგრამ იქნება! ამას მარტო მე კი არ გეუბნები, ეს სმონში მიუხარეს! იქნებიან ჩვენები ბერლინში! გისმის? იქნებიან!.. ახლა კი წავედით შტაბში.

პირველი წიგნის დასასრული

Чаковский Александр Борисович

БЛОКАДА

книга первая
Издание второе

ალექსანდრე ბორისის ძე ჩაკოვსკი

ბ ლ ო კ ა დ ა

რ ო მ ა ნ ი

წიგნი პირველი

გამოცემა მეორე

Ответств. редактор *И. Н. Угулава*

Редактор *М. Б. Цховребова*

Художник *С. В. Дзеранов*

Худож. редактор *А. Д. Ванеев*

Техн. редактор *В. А. Тедеева*

Корректор *М. В. Джавахишвили*

Сдано в набор 10. IX. 1974 г. Подписано к печати 25. XI. 1974 г.

Формат бумаги 84x108¹/₃₂. Уч.-изд. л. 19,7. Усл.-печ. л. 19,8.

Тираж 50.000 экз. Заказ № 1771. Цена 65 коп.

Типография № 10 Государственного комитета Совета Министров
Грузинской ССР по делам издательства, полиграфии и
книжной торговли, г. Цхинвали, ул. Московская, 5.

Издательство «Ирыстон», г. Цхинвали, ул. Ленина, 3.